


Dombe New Testament



The New Testament in the Dombe language of Zimbabwe

Dombe New Testament

The New Testament in the Dombe language of Zimbabwe

copyright © 2020 Door43 World Missions Community

Language: Toka-Leya-Dombe (Dombe)

Translation by: DUBE MAKEYI S, Denis, Keepers, Smart, Leviticus, Lusyomo, David, Charles, Ian,Daimon, Gedion., ELEK, Faith, Leviticus Muleya, Lucy Ngosolo, Makeyi S Dube, Makeyi s dube, Muleya Nkondo, Purpoe Mumpande, Purpose, Richard, Stephen, Samson,Nkondo, Mackion, Elek, Wilson, Dickson, January, Betty, Stephen, TOM-88PN_0003.MACHINGA, iii9i, nkondo, onesai misioni, patricia banda, peaceful, purpoe, victor

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-07-06

PDF generated using Haiola and XeLaTeX on 11 Nov 2022 from source files dated 7 Jul 2020
c53dd3b7-ff72-5846-98a6-1807fcfd544f4

Contents

Mateyo	1
Makko	29
Lukka	46
Joni	75
Nchito	97
Ba Loma	126
1 Ba Kkolinto	138
2 Ba Kkolinto	150
Ba Galatiya	158
Ba-Efeso	162
Ba Filipi	166
Ba Kkolose	169
1 BaTesalonika	172
2 BaTesalonika	175
1 Timoti	177
2 Timoti	181
Tayitasi	184
Filimoni	186
Ba Hibbulu	187
Jemusi	196
Pita mutaanzi	199
Pita wabili	203
1 Joni	206
2 Joni	209
3 Joni	210
Judi	211
Chiyubunuzyo	212

Mateyo

¹ Ibbuku lyabansiku ba Jesu Kkilisito, mwana wakwe Devidi, mwana wakwe Abbulahamu. ² Abbulahamu wakali wisi wa Ayizeki, alakwe Ayizeki wisi wa Jakobu, alakwe Jakobo wisi wa Juda abakulana bakwe. ³ Juda wakali wisi wa Pelezi a Zela kuli Tamala, Pelezi wisi Hezelani alakwe Hezelani wisi wa Lamu. ⁴ Lamu wakali wisi wa Aminadabbu, Aminadabbu wisi wa Nasoni, alakwe Nasoni wisi wa Salumoni. ⁵ Salumoni wakali wisi wa Bbowazi kuli Lahabbu, Bbowazi wisi wa Obbedi kuli Lute, Obbedi wisi wa Jese. ⁶ Jese wakali wisi wa Mwami Devidi Mwami, Devidi wisi wa Solomoni kuli muka Uliya. ⁷ Solomoni wakali wisi wa Lehobbowamu, Lehobbowamu wisi wa Abbija, Abbija wisi wa Asa. ⁸ Asa wakali wisi wa Jehosiafati, Jehosiafati wisi wa Jolamu, alakwe Jolamu ngusikale wa Uziya. ⁹ Uziya wakali wisi wa Jotamu, Jotamu wisi wa Ahazi, Ahazi wisi wa Hezekkiya. ¹⁰ Hezekkiya wakali wisi wa Manase, Manase wisi wa Amoni, alakwe Amoni wisi wa Josiya. ¹¹ Josiya wakali sikale wa Jekoniya antomwe abakulana bakwe kuchindi chakutolwa kubuzike ku Bbabbiloni. ¹² Musule lyakulonzegwa kutolwa ku Bbabbiloni, Jekoniya wakali wisi wa Sialitiyeli, Sialitiyeli wakali sikale wa Zelubbabbeli. ¹³ Zelubbabbeli wakali wisi wa Abbiyudi, Abbiyudi wisi wa Eliyakkimu, alakwe Eliyakkimu wisi wa Azola. ¹⁴ Azola wakali wisi wa Zadoki, Zadoki wisi wa Akkimu, alakwe Akkimu wisi wa Eliyudi. ¹⁵ Eliyudi wakali wisi wa Eliyazali wisi wa Matani, alakwe Matani wisi wa Jakobo. ¹⁶ Jakobo wakali wisi wa Josefa mulumi wa Meli, oyo wakazyala Jesu ooyo utegwa Kkilisito. ¹⁷ Woonse mazyalani kuzwa kuli Abbulahamu kusika kuli Devidi akali mazyalane ali ikkumi aane, kuzwa kuli Devidi kusika kukulonzegwa kwabo kutolwa ku Bbabiloni mazyalane ali ikkumi aane, alimwi kuzwa kukulonzegwa kutolwa ku Bbabiloni kusikila kuli Kkilisito mazyalane ali kkumi aane. ¹⁸ Kuzyalwa kwa Jesu Kkilisito kwaka chitika munzila itobela. Banyina, Meli bakatangilwakuti bakwatwe a Jozefu, pesi kabatana kuswanana, wakajanika kuti wakali mintide kumuuya uusalala. ¹⁹ Pesi Jozefu, mulumi wakwe, wakali mwalmuni ululeme alimwi tewakayanda kumufwisya bweeme pe chaantanganana, aboobo wakayeya kumuleka chuumunizi akusiya chizuminano chabo. ²⁰ Awo mpakali kuyeyea ezi zintu, mungelo wa Mwami wakaboneka kulinguwe muchiloto, waamba kuti, "Jozefu mwana wa Devidi, utayowi pe kubweza Meli kuti abe mwanaakazi wako, nkambo oyo umintidwe mulingue umintidwe a Muuya Uusalala. ²¹ Uyozyala mwana mulombe, alimwi uyomuzika izina lyakuti ngu Jesu, nkambo uyofutula bantu bakwe kuziba zyabo." ²² Zyoneezi zyakachitika kuzuzikizya zyakaambwa a Mwami kwinda kubasinsii, wamba wati, ²³ "Amubone, ooyo musimbi uzominta uzotumbuka mwana mulombe, mpawo izina lyakwe bazomuzika kuti ngu Imanuwele" - elyo lipandululwa kutegwa, "Leza ulandiswe. ²⁴ Jozefu wakabuka kuzwa kukoona kwakwe wachita mbuli mungelo wa Mwami mbakamulayilila, mpawo wakamubweza waba mwanaakazi wakwe. ²⁵ Pesi takwepe nakamuziba kusika watumbuka mwana mulombe. Elyo wakamuzika izina kuti ngu Jesu.

2

¹ Nikwakamana kuzyalwa kwa Jesu muBbetelehemu waku Judiya mumazuba a Mwami Helodi, balumi bayiide bazwa kujwe bakasika mu Jelusalema kabamba kuti ² "ulikuli ooyo wakazyalwa kali Mwami waba Juda? Twakabona nyenyezi yakwe kujwe alimwi twaza kuzomukomba." ³ Awo Helodi Mwami nakamvwa eechi, zyakamukatazya abantu boonse mbakali abo mu Jelusalemu. ⁴ Helodi wakabeta amwi boonse bapaizi bapati alimwi abalembi babantu, mpawo wakababuza, "Nkukuli Kkilisito nkwayoziyalilwa?" ⁵ Bakaamba kuti kulinguwe, "Mu Bbetelehemu wa Judiya, nkambo oobu mbubo mbukwakalembwa amusinsii, ⁶ Pesi iwebo, Bbetelehemu, chisi cha Judiya tamuli banini pe akati kabendelezi bajuda, nkambo kuzwa kulinduwe kuyozwa uyowendeleza, uyyoyembala bantu bangu Izilayeli." ⁷ Mpawo Helodi chakusisikizya wakiita baalumi bayiide kuti abuzye kuti nchiindinzi loko inyenyezi niyakaboneka. ⁸ Wakabatuma kuBbetelehemu, wati, "kamuya mukamulangule chabusongo, mwana munini. kuti naa mwakumujana, mundetele mazembe ambebo inga ndilabolwa kuzomukomba. ⁹ Nibakamaninsya kumvwa Mwami, bakeenda anzila yabo, alimwi inyenyezi njibakalibwene kujwe yakabazulwida kusikila yayimikila awo mwana munini mpakalibede. ¹⁰ Aboobo nibakabona inyenyezi, bakabotelwa alukondo lupati.

¹¹ Bakanjila mung'anda bamubona mwana munini antomwe a Meli banyina. Bakawidaansi akumukomba. Bakavununa buvubi bwabo mpawo bamupa izipo zyangolida, tunukilizyo atwa mili. ¹² Leza wakabachenjezya kumaloto kuti batajokeli pe kuli Helodi, aboobo bakajoka kunyika yabo anzila imbi. ¹³ Nibakabuka akwenda, mu ngelo wa Mwami wakalbonia kuli Jozefu muchiloto wamba wati, "Buka, bweza mwana munini abanyina, uchijile ku Ijipita. Ukkale mumo kusikila ndikwambile, nkambo Helodi uyomulanguula mwana munini kuti amuzimaazy." ¹⁴ Mansiku ngayo aayo Jozefu wakabuka wamubweza mwana munini antomwe abanyina mpawo wanyampuka winka ku Ijipita. ¹⁵ Wakakkala nkukoko kusikila lufu lwa Helodi. Eechi chakazuzikizya eecho chakaambwa a Mwami kwiinda kumusinsimi, "Kuzwa mu Ijipita ndamwiita mwana wangu." ¹⁶ Mpawo Helodi, naakabona kuti weenwa abalumi bayiide, wakanyema kapati. Wakanutmina akujaya boonse bana balombe bakali mu Bbetelehemu azisi zyoonse zizyungulukide bakaala minyaka ibili kaziya ansi yakuzyalwa kakwendelana a chiindi mbuuili mbwakaziba kubaalumi bayiide. ¹⁷ Lino chakazuzikizya chakaambwa kwiinda kumusinsimi Jelemiya. ¹⁸ "Ijwi lyakamvwigwa mu Lama, kulisila a koomoka, Lakkeli ukwilila bana bakwe, alimwi wakkaka kumbulizigwa, nkambo tabachiwo." ¹⁹ Elyo Helodi nakaafwa, langa mungelo wa-Leza wakaboneka muchiloto kuli Jozefu mu Ijipiti akwamba kuti, ²⁰ "Buka akubweza mwana a banyina akuya kunyika ya Izilayeli, nkambo abo bakalikuvwima buumi bwamwana bakafwa." ²¹ Jozefu wakabuka, wakabweza mwana a banyina, akuboola munyika ya Izilayeli. ²² Pesi nakamvwa kuti Achelawusi wakali kwendelezya atala a Judiya abusena bwawisi Helodi, wakayoowa kwiinka nkuko. Nakamana kumuchenjezya Leza muchiloto, wakazwa wayakuchisi chaba Gilili ²³ alimwi wakinika wakukkala mudolopo pati litiegwa Nazaleta. Eechi chakazuzikizigwa chakaambidwe kwinda kubasinsimi, kuti uyoyitwa kuteegwa mu Nazaleta.

3

¹ Mumazubayo Joni mubbabbatizyi wakasika kakambawuka munkanda yaku Judiya kawamba kuti, ² "Amusanduke, nkambo Bwami bwakujulu bwaba awifwi." ³ Nkambo oyu ngongue iwakambwa amusinsimi Isaya kuti, "Ijwi layooyo uwompoolola mulusaka munkanda, Ámululamike inzila ya Mwami, muchite kuti nzila zyakwe zilulame." ⁴ Lino Joni wakalikusama boyo bwa nkamela abbanti lyachikumba muchibun chakwe. Kulya kwakwe zyakali nsozi abuchi bwamulusaka. ⁵ Mpawo Jelusalema, Judiya yonse, azilikitii zyoonze ziyungulukide mulonga wa Jolodani zyakayinkia kulinguwe. ⁶ Bakabbabbatizigwa anguwe mumulonga wa Jolodani, kabalyamba izibi zyabo. ⁷ Pesi nakabona kuti ba Falisi bayingi abasimulawu kabeza kulinguwe kuti ababbabbatizye, wakabambilka kuti, "Inywe nizyalani lyabachipile, ngwani wakamuchenjezya kuchija bukali buza. ⁸ Amuzyale michelo yeleta kusanduka. ⁹ Mutayeyi kamwamba kuti akati kanu, "Tula Abbulahamu wamataatesu. Nkambo ndamwambila kuti Leza ulakonzya kubusya bana ba Abbulahamu nikuba kuzwa kumabwe. ¹⁰ Kabikwa kale kaleba kumiyanida yaminsamu itazyali michelo miboto ulagonkwa akuwalilwa mumulilo. ¹¹ Ndamubbabbatizya amanzi kuti musanduke. Pesi oyo uuza musule lyangu ulenguzu kwiinda ndime, alimwi tandelede nikuba kunyampula manyatela akwe. Uyomubbabbatizya a Muuya Uusalala amulilo. ¹² Ipanga lyakwe liliumanza akwe kuti akukule lubuwa lwakwe akubungania witi munganda yachiyobwedo. Pesi uyowumpa buungu amulilo kuti obo butakonzeki kubikwa anze." ¹³ Mpawo Jesu wakasika kuzwa ku Galili akuya cumulonga wa Jolodani kuti akabbabbatizigwe a Joni. ¹⁴ Pesi Joni wakasyeze kumukasya, kaamba kuti, "Ndiyanda kubbabbatizigwa anduwe, ani wasika kulindime biyeni?" ¹⁵ Jesu wakamuvviila wati, "chizuminine lino, nkambo kulelede kuti swebo tuzuzikizye bululamiboonse. Mpawo Joni wakamuzumizya. ¹⁶ Nakamana kubbabbatizigwa Jesu wakazwa mpawawo mumeenda, amulange, majulu akajulilwa nguwe. Wakabona Muuya wa Leza kuuseluka ansi mbuli inziba akukkala alinguwe. ¹⁷ Amulange, ijwi lyakazwa kuzwa kumajulu kalyamba kuti, "Oyu ngu Mwana wangu ngundiyandisya. Ndilabotelwa anguwe.

4

¹ Mpawo Jesu wakazulwidwa a Muuya kuya munkanda kuti akasunkwe asimwaba.
² Lino nakalyimya mazuba makumi aane amansiku ali makumi aane, wakaba enzala.
³ Sikusunka wakasika akwamba kuti kulingue, "kuti koli mwana wa Leza, layilila
mabwe aya kuti abe chinkwa." ⁴ Pesi Jesu wakasandula akwamba kuti kulingue,
"Kulilebedwe kuti Muntu takoyopona achinkwa luzutu, pes ajwi lyoonse lizwa
kumulomo wa Leza." ⁵ Mpawo simwaba wakamutola kuchisi chisalala akumukkazika
aatala ansonge yanganda ya Leza, ⁶ akwamba kuti kulingue, "Na koli mwana

a Leza, liwalile aansi, nkambo kulilembedwe kuti uyalayilila bangelobakwe kuti bakubambe; alimwi, bayokubaka mumaaanza abo, kuti utakalyumpuni abbwe.”⁷ Jesu wakabambilka kuti, “Alubo kulilembedwe kuti, utasunki Mwami Leza wako.”⁸ Alubo simwaba wakamutola kukalundu kalamfu akumutondezya Bwami boonse bwanyika abulemu bwayo bonse.⁹ Wakamwambila kuti, “zyonse zintu eezi ndiyokupa, kuti wandivundamina akundikomba.”¹⁰ Mpawo Jesu wakamwambila kuti, zwaawa, siluuni! Nkambo kulilembedwe kuti, uyokomba Mwami Leza wako, akukutawukila ngewe luzutu.¹¹ Mpawo simwaba wakayinka, Amubone bangelo bakaza akumukutawukila.¹² Lino Jesu nakamvwa kuti Joni wakaabwa wakazwa waya ku Galili.¹³ Wakazwa mu Nazaleta akwinka kuyokkala muKkapenawuma, ilikumbali lyalwizi lwa Galili mumasena a Zebbuluni a Nafutali.¹⁴ Eezi zyakachitika kuti kuzuzikizigwe zyakaambwa amusinsii Isaya kuti,¹⁵ “Chisi cha Zebbuluni achisi cha Nafutali kaziya kulwizi, luli kunembo lya Jolodani, Galili wabamas!”¹⁶ Bantu bakalikkede mumudima babona mumuuni mupati, akulibaabo bakalikkede muchilikiti amumwenzule walufu, alimbabo kwanyamuka mumuuni.¹⁷ Kuzwa kulecho chindi Jesu wakatalika kukambawuka akuti, “Amusanduke, nkambo Bwami bwakujulu bwasika awifwi.”¹⁸ Nakali kwenda ambali lyalwizi IwaGalili, wakabona bana bakwabo babili, Sayimoni utegwa Pita, a Endulo mukulana wakwe, bakali kuwala tuzamba mulwizi, nkambo bakali bazubi babaswi.¹⁹ Jesu wakati kulimbabo, “amuze, munditobele, alimwi ndiyomuchita kuba bazubi babantu.”²⁰ Mpawawo bakasiya tuzamba bamutobela.²¹ Jesu nakali kuyabwenda kuzwa mpawawo wakabona bambi bana bakwabo babili, Jemusi mwana a Zebbedi, a Joni mukulanakwe. Bakali mubwato awisi Zebbedi kabali kusuma tuzamba twabo. Wakabayita,²² Alimwi mpawawo bakasiya bwato awisi akumutobela.²³ Jesu wakiinka mu Galili yoonse, kayobuiisya muzikombelo, kakambawuka makani mabotu a Bwami akusilika misyobo yamalwazi amachise akali mubantu.²⁴ Impuwo atala anguwe yakamwayika mu Siliya yoonse, alimwi bantu bakeeta boonse bakali kuchiswa misyobo-misyobo yamalwazi amachise, abaabo bakanjidwemyuya mibi, basimasuntu, abayuminide mibili, Jesu wakabasilika.²⁵ Makamu makamu abantu akamutobela kuzwa kuGalili, Ba Dekkapolisi, Jelusalemu, aku Judiya, akuzwa kunembo lya Jolodani.

5

¹ Jesu naakabona makamu makamu aabantu wakatanta aatala aachilundu. Akkale biyo, baskwiya bakwe bakaswena kulinguwe,² eelyo wakabbanuna mulomo wakwe, wakabaiiya kuti,³ “Bali achoolwe bachete mumuuya, nkaambo bwami bwakujulu mbubwabo.”⁴ Bali achoolwe aabo balila, nkaambo bazowuuzigwa.⁵ Bali achoolwe aabo balibombya, nkaambo bazoovuba nyika.⁶ Bali achoolwe aabo bafwa nzala yabululami anyota yambubo, nkaambo bazookkuta.⁷ Bali achoolwe beetelezi, nkaambo mbobonya baooyetelelwa.⁸ Bali achoolwe aabo basalala mumoyo, nkaambo baoobona Leza.⁹ Bali achoolwe basikutontozya, nkaambo baooteegwa bana ba Leza.¹⁰ Bali achoolwe aabo bapenzegwa nkaambo kubululami, nkaambo bwami bwakujulu mbubwabo.¹¹ Inywe muli achoolwe nibazoomutukila akumupenza akumutamikizya zintu zibi zyoonse zyakubeja nkaambo kandime.¹² Amukombe akusekelela, nkaambo bulumbu bwani bwakujulu mbupati, nkaambo mbubonya oobo mbubakapenza basinsimikabali kunembo lyanu.¹³ Ndinywe munyo wanyika, pesi munyo kuti, wasampuka ulungwe buti tuuchikwe mulimo pesi kuswewegwa buyo akulyatawilwa abantu.¹⁴ Ndinywe mumuni wanyika. Muunzi uyakidwe aatala aachilundu tukonzyi kusisigwa.¹⁵ Alimwi bantu nibamunikalampi tabalibiki munsi lyalusuwo, pesi balalibika aachibikilo kuti limunikile boonde bali mung’anda.¹⁶ Mbubonya oobo mumuni wani umunike kunembo lyabantu kuti babone milimo yanu miboto, balemeke wuso wani ulikujulu.¹⁷ Mutayeyi kuti ndeza kuzoojaya mulawa nibaba basinsimi. Teensi kiujaya nkuzidide pe, ndizide kukulondola.¹⁸ Nkaambo ndamwaambila chakusiniza kuti julu anyika zyoonse zilakonzya kumana, pesi tachikonzeki kuti kamane kabala nikaba komwe nikaba kazila komwe kamumulawu mane lumwi zintu zyoonse zikachitwe.¹⁹ kaako umwi awumwi usotoka nikaba kanini akati kamilazyo eeyi, alimwi ulayiisya bantu mbubonya oobo, ooyo uzotegwa muniini mbuwami bwakujulu, pesi umwi awumwi uylomya, alimwi ulayiisya ooyo uzotegwa mupati mbuwami bwakujul.²⁰ Nkaambo, ndamwaambila kuti, bululami bwanu kabutayindi bululami bwabalembi abwaba Falisi, tamukanjili mbubwami bwakujulu.²¹ bantu bakalekale mbubakaambila kuti, utajayi, umwi amwumwi uuuyauleede kubetekwa.²² Pesi mebo ndamwaambila kuti, umwi awumwi uukalalila munyina uleede uleelde kubetekwa. Alimwi umwi awumwi uusampawula munyina uleede lubeta lupati, pesi umwi awumwi utukila uleede mulilo wa Gehena.²³ kaako kuti kuli mukutuula chipo chako nkukonya ooko kunembo lyachipayiliilo,

uye ukasangune kuyanzaana amunyoko,²⁴ kosiya chipo chako kunembo lyachipayililo, akwiinka kunzila yako. Lutaanzi koyanzaana amunyoko, mpawo usike akuzootuula chipo chako.²⁵ Fwambaana kuzuminana asinkondo nyokwe nochili aawe munzila, kuti sinkondo nyokwe atakutoli kumubetes, alkwe mubetes atakutoli kumupolis, alakwe mupolisa atakubiki muntolongo.²⁶ Kasimpe ndamwaambila kuti tokoozwa oomo mane ukaliye nikaba kasyaalizi²⁷ Mwakamvwa mbukwaambwa kuti, 'utachiti bumambi.'²⁸ Pesi mebo ndamwaambila kuti, umwi awumwi weemuuya mwanaakazi wamuchitya kale bumambi mumoyo wakwe.²⁹ Na liso lyako lyalulyo lyakulebya, uligwisye ulisowe nkaambo kulakubotela kuti ufwidwe chipanzi chomwe kwiinda kusowelwa mu Gehena mibili wako woonse.³⁰ Alimwi kuti jaanza lyako lyalulyo lyakulebya, ulikosole ulisowe, nkaambo kulakubotela kuti ufwidwe chipanzi chomwe kwiinda kusowelwa mu Gehena mibili wako woonse.³¹ Alimwi kwakaambwa kuti, umwi awumwi uuleka mukakwe amupe lugwalo lwakulekana.³² Pesi mebo ndamwaambila kuti, umwi awumwi ulekedu mukakwe kutaamba kuti nkaambo kakvuulakuluumbi, wamuchitya bumambi alimwi umwi awumwi ooyo mwanaakazi uleledwe wamuchitya bumambi.³³ Mwakamvwa bantu bakalekale mbubakaambilwa kuti, utakombi chakubeja uchitile Jehova mbubonya oobo mbuwakakonkezya.³⁴ Mebo ndamwaambila kuti, utakonki pe nikuba bunini, nikuba kujulu nkaambo nchichuuno chabwami bwa Leza.³⁵ Nikuba kunyika nkaambo nchichuuno chamawulu aakwe, nikuba ku Jelusalemu, nkaambo ngumuunzi wamwami mupati.³⁶ Alimwi utakonki kumutwe wako, nkaambo tokonzyi kusandula kasusutu nikaba komwe kati katube na kasiye.³⁷ Kwaamba kwanu akube, Ii ii, na pe, nkaambo nzoyonse ziyungizigwa zilazwa kumubi.³⁸ Mwakamvwa mbukwakaambwa kuti, liso kuliso lino kulino,³⁹ mebo ndamwaambila kuti utamutontekki muntu mubi pesi muntu umwi awumwi ukuumma seja lyalulyo⁴⁰ Alimwi uuli buti uyanda kukubika kaambo akunyanza chikobela chako, mulekele achalo chibaki chako.⁴¹ Alimwi ukusungilizya kuyumuna musinzo omwe, musindikile musinzo yobile.⁴² Umwi awumwi ukumbila kwako umupe, mpawo umwi awumwi kukolota kwako utamufutatili pe.⁴³ Mwakamvwa mbukakaambwa kuti yanda mweenzinyokwe, pesi sinkondo nyokwe umusule.⁴⁴ Mebo ndamwaambila kuti amuyande basinkonyokwe mubakombele bamupenzya,⁴⁵ kuti mube bana bakwe uso wanu uli kujulu nkaambo ulapsusuya zuba lyakwe kubabi akubabotu, ulawisizya mvulakuli boonee baluleme abataluleme.⁴⁶ Kuti kamuyanda aabo bamuyanda ino mbulumbuunzi mbumujisi? sa abalo basimutelo tabachiti mbubonya oobo?⁴⁷ Na mwazuminina bakwanu, muchita buti ziinda kulibamwi? Sena abalabo bamasi tabachiti mbubonya?⁴⁸ Nkaambo kaako amulondoke mbuli uso wanu uli kujulu mbwalondokede

6

¹ Amuchenjele kuti mutachiti milimo yanu iluleme kumeso abantu kuti mwebelwe ambabo. Mwachita obo, tamukwe bulumbu kuli Uuso wanu uulikujulu. ² Nkambo kaako chindi nchowabila bantu izipo utasibi imwembo kubusu bwabo mbuli mbubachita basikuupawupa ameso muzikombelo amumigwagwa, kuti batembawulwe kabantu. Nchobeni ndamwambila kuti balijene kale bulumbu bwabo. ³ Pesi webo, ichindi nchowabila bantu zipo ijanza lyako lyakululyo litazibi mbulichita lyakuchimwensi. ⁴ Kuti zipo zyako zibe kumbali, lino Uuso ubonena kumbali uzokulumbula. ⁵ Alimwi chindi nchomukomba mutabi mbuli basikupawupa amenso nkambo balayanda kukomba bwimvwi muzikombelo amuzyooke zyamigwagwa mipati kuti babonwe kabantu. Nchobeni ndamwambila kuti balijene kale bulumbu bwabo. ⁶ Iwebo chindi nchokomba njila muchimpetu chako ulijalile kumulyango ukkombe kuli Uuso ubonena kumbali uzokulumbula. ⁷ Alimwi mukukomba kwenu mutayindululi mbuli mbubachita bamaasi, nkambo balayeye kuti balaswiliwa kukubwanta kwabo. ⁸ Nkinkaako, mutakozyani abo nkambo Uuso wanu ulikujulu ulizi zintu zyonse nzimubula kamutana kumubuuya⁹ mbuboobu mbumwelede kukomba: 'Taata wesu ooli kujulu, alilemekwe izina lyako, abuze bwami bwako.¹⁰ Aluchitwe luyando lwako, ansi aano mbubonya mbuli kujulu. ¹¹ Utupe sunu zilyo zitwelede. ¹² Utulekelele milandu yesu, mbubonya mbuli mbutu balakelela aswe bali amilandu kuli ndiswe. ¹³ Utatwenzyi mukutempawulwa. Utuvune kumbi, nkambo bwami mbubwako anguzu, abulemu, mane kukabe kutamani. Ameni. ¹⁴ Nkambo mwalekelela bantu milandu yabo alakwe Uusowanu ulikujulu ulamulekelela anywebo. ¹⁵ Pele mwatabalekelela bantu milandu yabo anywebo tamukoyolekelewa. ¹⁶ Alimwi chindi nchomulyiimya kulya mutabi mbuli basikuupawupa amenso, nkambo balo balawungumana, balabisya masyu aabo, kuti baboneke kabantu mbubalyimya kulya. Nchobeni ndamwambila kuti balijene kale bulumbu bwabo. ¹⁷ Pele chiindi ncholyimya kulya webo, ubotye mutwe wako akusamba

kumenso aako.¹⁸ Kuti kulyiimya kwako kutaboneki kubantu pele kuli Uuso uuli kumbali lino Uuso uubonena kumbali uzokulumbula.¹⁹ Mutaliyobwedi lubono aansi ano mpaabisya mapempe ankalaya ababbi mpobatulula kuti babbe.²⁰ Amuliyobwede lubono lwakujulu nkwtabisyi mapempe ankalaya, ababbi nkubatatululi kuti babbe.²¹ Nkambo lubono lwako nkulubede nkukonya oko nkubede moyo wako.²² Ilampi lyamibili ndinso nkambo kaako linso lyako kuti kalili sibuya mibili wako woonse ulazula mumuni.²³ Anukuti linso lyako kalili abutavu mibili wako woonse lino mumuni mulinduwe wakali mudima. Mudima wayo ulasiya mbi.²⁴ Takwe muntu ukonzya kumanina baami bobile milimo nkambo ulasula umwi ulayanda umwi na ulakakilila umwi akusampawula umwi. Tamukonzyi kubelekela Leza antomwe alubono.²⁵ Nkambo kaako ndamwambila kuti, mutualibilikili kubuumi bwanu kuti tukalyeenzi? Nikuba kumibili yenu kuti, tukasamenzi? Buumi bwenu tabwiindi zilyo awalo mibili sa tuyindi zyakusama?²⁶ Amulange bayuni bakujulu nkambo tababyali tabatebuli, tabayoboli mumatala, nekuba boobo Uusowanu ulikujulu ulabasanina. Sa inywe tamuyandiki kwinda mbabo?²⁷ Ngwani akati kenu ubilika ukonzya kukomezya chiimo chakwe nikuba kakokola komwe?²⁸ Alimwi nkamboonzi mulalibilikila zyakusama? Amuyeye masamu amusokwe mbwamena, tableki, takonzyi kuluka,²⁹ pele ndamwambila kuti naba Solomoni mubulemu bwakwe boonse takakonzya kusama mibili limwi akati kanzizyo.³⁰ Lino kuti Leza kasamika booboo maani amusokwe, aaliko sunu pele ijunza alasowelwa muchikko, sa takayindi loko kumusamika anywebo nobasilusyomo lunini.³¹ Nkambo kaako mutualibilikili akaamba kuti tukalyeenzi? Tukanyweenzi? Tukasamenzi?³² Nkambo kazeezi zyoonensi nzibayandula bamaasi, alimwi Uusowanu ulikujulu ulizi kuti eezi zyonse zilayandwa kulindinywe.³³ Pele amusangune kuyandula bwami bwa Leza abululami bwakwe eelyo zintu ezi zyoonse mulaziyungizigwa azyalo.³⁴ Nkambo kaako mutualibilikili zyejunza, nkambo bwejunza bula lilibilikila bwini. Buzuba bwasunu bulizulide mapenzi abo bwalo.

7

¹ Mutabeteke, nkambo muzobetekwa. ² Alubeta ndomutakabeteke alo muyobetekwa aandulo,achelesyo nchimuyoyelesya, muyokuyelesezegwa anchicho. ³ Nkambonzi nulanga katanda kali mulinso lyamukulana wako, pele wasiya itanda lili mulinso lyako? ⁴ Chilakonze ka na kuti utedi kumukulana, leka ndikugusye katanda kali mulinso lyako; kakuli tanda mulinso lyako? ⁵ Inywe nobasikuupaupa! Tanguna kugusya itanda lilimulinso lyako, alubo ulakonzya kubona kabota katanda kalimulinso lyamukulana wako. ⁶ Mutapi zisalala kubankala, alubo mutasoweli zibi kumpela angulube. Ulabona zyalayatuulwa aansi amawulu, alubo zilasandula akumudabula mutu fwapufwapi. ⁷ Amukumble, alubo muyopegwa. Amuyandawule, mulajana. Amukonkomone mulajulilwa. ⁸ Nkambo umwi awumwi ukumbila ulatambula, alakwe uyanduula ulajana alakwe uukonkomona ulajulilwa. ⁹ Nguli muntu akati kenu uupa mwanaakwe ibbwé, amukumbila insima? ¹⁰ Alimwi, kuti wakumbila imuswi, sa ulamupa inzoka? ¹¹ Lino mibili bmumuzi kupa bana benu zintu zibotu, inywe nobabi, alakwe Wuso wenu ulikujulu sa tazoyindi loko kupa zintu zibotu kulibaabo bamukumbila?¹² Nkaambo kaako zintu zyoonse zili buti nzimuyanda kuti bantu bamuchitile, anywebo amubachitile nzizyoonya, nkambo mbubooobo mbuwamba mulawo abasinsimi.¹³ Amunjile mumulyango umanikide, nkambo mulyango ukwazamukide anzila impati njiitolu kukunyoonyoka, nkabela abo banjila mulinjiyo mbanji banji. ¹⁴ Pesi mulyango umanikide anzila ipatide njiitolu kubuumi, nkabela abo banjila mbache. ¹⁵ Amuchenjelele basinsimi babeji beeza kulindinywe basamide zyakusama zyambelele, anukuti mukati lyabo mbawumpe babutambo. ¹⁶ Michelo yabo njiiti muzibye mbubabede. Sa kulachelwa masansa kumuunga niziba inkuyu kumutubatuba?¹⁷ Mbubonya obo musamu umwi awumwi mubotu ulazyala michelo mibotu, alimwi musamu usampawukide ulazyala michelo mibi.¹⁸ Musamu mubotu tukonzyi kuzyala michelo mibi, alimwi musamu usampawukide tukonzyi kuzyala michelo mibotu, ¹⁹ Musamu umwi awumwi utazyali michelo mibotu ulatemwa akusowelwa mumulilo. ²⁰ Aboobo michelo yabo njita muzibye mbubabede. ²¹ Boonse bandambilila kuti, Mwami, Mwami, teensi mbabo bayonjila mubwami bwakujulu, ngooyo uuchita luyando Iwa-Taata uli kujulu. ²² Kubuzuba obo banji banji bayondambilila njako alimwi sa teensi kuzina lyako nkutwakatanda madayimonwa Sa teensi kuzina lyako nkotwakachita milimo mipati myiingi?²³ Lino nzobaambila kuti, nsimuzi pe, amuzwe kulindime inywe nubamuchita zibi!²⁴ Nkambo kaako umwi awumwi uuswilila majwi aangu aya akwachita uzokozyanisigwa amuntu uchenjede iwakayaka ing'anda yakwe atala amwaala. ²⁵ Lino imvula yakawa nydingi, milonga yakeeta, amyuuwo yakawunga,

yakawuma ang'anda eyo, nekuba boobo teyakawa pe, nkambo yakatalikilidwe aamwala. ²⁶ Pele umwi awumwi uuswilila majwi aangu aya akutachita uzokozyanisigwa amuntu mufuba fuba iwakayaka ing'anda yakwe amusele, ²⁷ lino niyakawa imvula milonga yakeeta, myuuwo yakawunga, yakawuma ang'anda eyo, elyo yakawa, nkabela buwe bwayo bwakakomena. ²⁸ Lino Jesu nakamana kwamba majwi aya oonse, makamu makamu abantu aka kankabala kukuiisya kwakwe, ²⁹ nkambo wakali kubaiisya chabwami kutakozyenie abalembi babo pe.

8

¹ Chiindi Jesu nakaseluka kuzwa muchilundu makamu mingi akamutobela. ² Eelyo, sichinsenda wakasika kulinguwe alimw wakamufugamina, wakati, "Mwami na kuzumina ulakonzya kundisalazy. ³ Jesu wakatambika kuboko kwakwe alimwi wakamwampa, wakati, "Ndilazumina. Salala." Mpawawo wakasalazigwa kuchipele. ⁴ Jesu wakati kulinguwe, "Utakambilu mutu naba umwi" Ulitondezye kumupayizi, alimwi ukape chipo kuli Mozesi nhacakulayilila, kuti bukabe bukamboni kulimbabo." ⁵ Awo Jesu nakanjila mu Kapenawuma, silutwe wempi wakaza kulinguwe, wakamulombela. ⁶ alimwi wakati, "Mwami, mubelesi wangu ulilede kungánda, uliyuminide akumvwa machise mapati." ⁷ Jesu wakati kulinguwe, "Ndilasika alimwi ndizomuponye." ⁸ Silutwe wankamu wakasandula alimwi wakati, "Mwami, tandeelede kuti unjile mungánda yangu pesi amba ijwi alimwi mubelesi ulapona. ⁹ Ngambulindime lubo ndili mutu usalidwe mubwendelezi, alimwi ndilabasilumamba balimunsi lyangu. Ngandati kuloyu, 'Koya' alimwi ulenda, alimwi akulumwi, ngandati, 'Sika' alimwi ngawaza, akulumbi mubelesi, ngandati, 'chita echii; alimwi ulachichita.' ¹⁰ Chindi Jesu nakamvwa ezi, wakagamba alimwi wakati kuli abo bakali kumutobela, "Nchobeni ndamwambila kuti takwe pe ngundakali ndajana ulalusyomo luli obu mu Izilayeli. ¹¹ Ndamwambila, bingi bayozwa kumbo alimwi akujwe, alimwi bayolya atebuli a Abbulahamu, Ayizeki, a Jakobo, mubwami bwakujulu. ¹² Pesi baana babaami bayotandilwa anze mumudima, chindi nikunoli kulila akuluma ntwino." ¹³ Jesu wakati kulinguwe, "Enda! mbuli mbuwasyoma, aboobo achichitwe kulinduwe." Alimwi mubelesi wakapona mu hola ndileyo. ¹⁴ Chindi Jesu nakasika mungánda ya Pita, wakabona banyinazyala a Pita kabachisidwe ntuntumanzi. ¹⁵ Jesu wakajata kuboko kwabo, mpawo ntuntumanzi yakamana mpawo bakabuka alimwi bakatalika kumukutawukila. ¹⁶ Elyo nikwakaba mangolezya bantu bakamwetela Jesu bakanjidwe amadimon. Wakinanda myuuya mibi ajwi alimwi wakaponisya boonse bakali kuchiswa. ¹⁷ Munzila eyi zyakazuzikizigwa ezyo zyakambidwe amusinsimi Isaya, wakati, "Nguwelwakte ubweza machise esu akunyampula malwazi esu oonse." ¹⁸ Lino Jesu nakabona makamu kamuzyungulukide, wakabalayilila kuti bazubukile mutala eliya lyalwizi Iwa Galilaya. ¹⁹ Mpoonyawo mulembi wakasika kulinguwe alimwi wakati, "Mwiyyi, Ndiyokutobela kufumbwa nkoya." ²⁰ Jesu wakati kulinguwe, "Bamwaba balijisi mapako, alimwi tuyuni twakujulu tulazizumbo, pesi Mwana a Muntu takwe ampalazika mutwe wakwe." ²¹ Umwi wabasikwiya wakati kulinguwe, "Mwami, ndizumizye saansi kuti njinike alimwi ndikavwikke ndeende." ²² Pesi Jesu wakati kulinguwe, "Nditobele alimwi usiye bafwide bazikkane lwabo." ²³ Lino Jesu nakanjila mubwato, basikwa bakwe bakamutobela alimwi. ²⁴ Elyo kwakaba iguwo ipati mulwizi, lumwi bwato bwavumbwa amayuwe. Pesi Jesu wakali winkilila koona. ²⁵ Basikwiya bakaza kulinguwe alimwi bakamibusya, bakati, "Tugwasye, Mwami; twamba kumana kufwa!" ²⁶ Jesu wakati kulimbabo, "Nkamboonzi nomuyowa, inywe nobalusyomo lunini? Mpawo wakabuka alimwi wakawumuzya iguwo alimwi alwizi. Mpoonya kwakaba kumuuna kupati. ²⁷ Bantu bakagamba alimwi bakati, "musyobonzi wamuntu ulibopo, kuti nikuba iguwo alimwi alwizi zilamulemeka?" ²⁸ Lino Jesu nakasika kulubazu lumbi alimwi kabantu bakkala kuchisi chitegwa Gadala bantu babili bakanjidwe madimon bakaswanana anguwe. Bakali kuzwa kuzibunda alimwi bakali abukali alubo tebakali kuyanda muntu winda munzila eyo. ²⁹ Elyo, bakoompolola bakati, "uyandaanzu kulindiswe Mwana wa Leza? Wasika okuno kuti uzotufwabye nkachitanasika chiindi chibambidwe. ³⁰ Lino sikwembela wabutanga bwangulube wakaliwo kalikucheezya, katali kule loko ambabo. ³¹ Madimon akaliswini kukombeleyza Jesu alimwi kat, 'Na watutanda, tutumine kubutanga bwangulube.' ³² Jesu wakati kuliimbabo, 'Kamuya! Madimon akazwa akiya mungulube, alimwi zyoonse ngulube zyakawmbana kukunkulikila mujenga zyanjila akufwida mamanzi. ³³ Abo bakali kwembela butanga bwengulube bakachija alimwi bakaya mudolopo alimwi bakamba zyoonse, kapati loko azyakachitika kumuntu wakanjidwe dimoni. ³⁴ Mpawo, Lyoonse dolopo lyakasika kuti baswanane a Jesu. Nibakamubona bakamukombeleyza kuti azwe muchisi chabo.

¹ Jesu nakanjila mubwaato, wakazubuka, alimwi wakasika kudolopo lyakulimbaabo. ² Amubone, bata kulinguwe muntu ulebukide kaleede aabulo. Nakabona lusyomo lwabo, Jesu wakati kumuntu ulebukide, "Mwana mulombe, sungwazigwa zibi zyako zyalekelelwa." ³ Amubone, bamwi balembi bakati kulilwabo beni," "Imuntu oyu ulatukila." ⁴ Nkabela Jesu wakaziba miyeeyo yabo, elyo wakati, "Nkambonzi nimuyeeya buubi mumyoyo yenu? ⁵ Nkambo nchichili chuuba kwamba kuti, Ízibi zyanu zyalakelelwa, na kwamba kuti, Nyampuka alimwi uyende? Pesi muledele kuziba kuti Mwana a Muntu ulanguzu ansi zyakulekelela izibi..." "Nyampuka, bwheeza bulo bwako, ⁶ alimwi uyinke kungánda yako" Mpawo mwalamu wakanyampuka alimwi wakeenda kungánda yakwe." ⁷ Mpawo mwalamu wakanyampuka alimwi wakeenda kungánda yakwe. ⁸ Chiindi makamu makamu nakabona eechi, bakayoowa alimwi bakatalika kulumbayiza Leza, wakapede inguzu ziliboobu kubantu. ⁹ Mbubonya Jesu nakayinda kuzwa awo, wakabona mwalamu utegwa Mateyo kakkede aziyako zyabimutelo wasikuti kulinguwe, "Nditobela." Wakanyampuka alimwi wakamutobel. ¹⁰ Mbubonya Jesu wakakkala ansi kuti alye mungánda, amubone, basimutelo biingi abasizibi bakasika alimwi bakasusula a Jesu abasikwiya bakwe. ¹¹ Lino baFalisi nibakachibona echi bakati kuli basikwiya bakwe, "Nkambonzi muyisi wenu ulalya abasimutelo alimwi abasizibi?" ¹² Eelyo Jesu nakamvwa echi, wakati, bantu basimide mubili tabayandi musilisi, pesi abo bachisidwe. ¹³ Muledele kwinka akuyoyiiya kuti ezi zyambayi. Ndilombozya luzyalo alimwi zitali zipayizyo.' Mbulikuti ndakasika, kuti nditazoyiti balulami kuti musanduke, pesi basizibi." ¹⁴ Eelyo basikwiya ba John bakasika kulinguwe alimwi bakati, "Nkambonzi iswe antomwe abaFalisi nitulyiimya, pesi basikwiya bako tabalyiimyi pe?" ¹⁵ Jesu wakati kuli mbabo, "Ani bana basimusa balakonzya na kulila nibachili asibwinga? Pesi mazuba ayosika elyo sibwinga nayobwezegwa kuzwa kuli mbabo, alimwi bayolyimya. ¹⁶ Takwe muntu ubika chisamo chipywa atala a jansi kkulukulu, nkambo chigamba chiladeluka kuzwa kujansi, alimwi ibbangwa elyo lilayindilila kukomena. ¹⁷ Nekuba kuti bantu babika wayini mupya muzibikilo zikulukulu zyewayini. Na bachita boobo zibikilo zilakwamuka. Wayini ulatika alimwi zibikilo zyawayini zilanyonyonwa. Anukuti, babika wayini mupya muchibikilo chipywa cha wayini, alimwi zyoonse zilalondokeka." ¹⁸ Alimwi Jesu nakali kwamba eezi kulinimbabo, amubone, mwendelezi wakasika alimwi wakkotama aansi kulinguwe wakati, "Mwana wangu musimbi wafwa lino, pesi sika alimwi uzobike ijanza lyako alinguwe, alimwi uyopona." ¹⁹ Mpawo Jesu wakabuka akumutobel, alimwi mbubakachita basikwiya bakwe. ²⁰ Amubone, mwankazi wakali kufwabisigwa akaloba kwaminyaka ili kkumi ayibili wakeza musule lya Jesu alimwi wakajata mombe wejansi lyakwe. ²¹ Nkambo wakali walyambila lwakwe mwini, "kuti na nkajate chisamo, ndiyopona." ²² Pesi Jesu wakachebuka mpawo wakamubona, alimwi wakati, "Musimbi, koba mukozu, lusyomo lwako lwakuponya. Mpawo mwankazi wakapona muchindi ncicheecho. ²³ Chiindi Jesu nakeza kungánda yamwendelezi, wakabona bakali kusobana mutetele alimwi makamu makamu akali kuyowela. ²⁴ Wakati, "Muzwe awa, nkambo musimbi tafwide pe, pesi ulilede. "Pesi bakamuseka chakumuniaka. ²⁵ Kuchindi makamu nakazwa anze, wakanjila mungánda alimwi wakamubweza akuboko, alimwi musimbi wakanyampuka. ²⁶ Makani atala azezi akazulila munyika yoonse. ²⁷ Mbubonya Jesu nakayinda kuzwa oko, bantu babili boofu bakamutobel. Bakali koompola alimwi kabati, "Tufwide luzyalo Mwana wa Devidi. ²⁸ Chiindi Jesu nakeza mungánda. bantu boofu bakasika kulinguwe. Jesu wakati kuli mbabo, mulasyoma na kuti nga ndilachichita eechi? Bakati kuli nguwe, "Iyii, Mwami." ²⁹ Mpawo Jesu wakajata meno abo akwamba kuti, "achichitite kulinidinywe mbuli lusyomo lwenu," ³⁰ alimwi meso abo akajulika. Mpawo Jesu wakabalayilila akwamba kuti, "mubone kuti takwe uumbi utakazibe atala azezi." ³¹ Pesi bantu babili bakeenda biinka alimwi makani akazulila munyika yoonse. ³² Mbubonya bantu abo babili nibakayobwenda, muntu uutambuli kazwide muuya wadimoni wakeetwa kuli Jesu. ³³ Dimoni nilyakagwisigwa, muntu utaambuli wakaambula. Makamu makamu akagamba, akaamba kuti, "eezi tazinakuboneka mu Izilayeli!" ³⁴ Pesi ba Falisi bakali kuti, "Mubwendelezi bulama dimoni, ulagwisywa dimoni." ³⁵ Jesu wakenda kumadolopo woonsie akumagunzi wakendelela anembo kayobuyiisa muzikombelo zyabo kakambawuka makani mabuto abwami, akuyobuponia zilwazi zyone zyamisyo misyobo amachise woonsie amisyobo misyobo. ³⁶ Lino nakabona makamu makamu, wakaba aluzyalo kuli mbabo, nkambo bakali kupeekezezegwa akunyansigwa. Bakali mbuli mbelele zitakwe mweembeli. ³⁷ Wakati kuli basikwiya bakwe, "Butebuzi bwavula, pesi batebuzi mbache. ³⁸ Nkabela amukcombe chakufwambana ku Mwami wabutebuzi,

kuchitila kuti atuumé batebuzi mubutebuzi bwakwe.

10

¹ Jesu wakayita basikwiiya bakwe boonse ibali kkumi ababili alimwi wabapa inguzu aatala amyuuuya mibi, kuti bayitande. Akuponia zilwazi zyamisyobo isiyene amachise amisyobo isiyene. ² Lino mazina abatumwa balikkumi ababili ngaya. Wakusanguna, Sayimoni (oyo ngwakiita kuti Pita), a Endulo mukulana; Jemusi mwana wa Zebbedi, a Joni mukulana wakwe; ³ Filipi, a Bbatolomyu; Tomasi, a Mateyo simutelo; Jemusi mwana wa Alufiyasi, a Tediyasi; ⁴ Sayimoni mu Ziloti, a Judasi Sikaliyoti, oyo wakali sikuyomwaba. ⁵ Aaba bali kkumi ababili Jesu mbakatuma wakabalayilila akwamba kuti, "Mutakayinki kunyoika kukkala bamaasi alimwi mutakanjili kufumbwa dolopo lyaba Samaliya. ⁶ Kamuya kumbelele ziswekede zyang'anda ya Izilayeli. ⁷ Alimwi nimuyoyinka, mukakambawuke akwamba kuti, "Bwami bwakujulu bwaba awfifwi. ⁸ Mukaponie bachiswa, mukabusye bafwide, musanzye basizinsenda, akuyotanda madimoni. Mwatambula kakutakwe muliyo, anywebo amukape katakwe muliyo. ⁹ Mutakabwezi ingolida, nsiliva, nikuba kkopa muzibbeeke zyenu. ¹⁰ Mutakabwezi zibbeeke zyamulwendo mukwenda kwenu, nikuba zibaki zibili na insangu, na inkoli, nkambo simulimu uyolijanina chakulya. ¹¹ Kufumbwa muunzi ngumuyonjila, mukalange kuti ngwani uyelede, kuti mukkale alinguwe manedo mukeende. ¹² Mubonya mwakunjila mung'anda, mukijjuzye. ¹³ Kuti ing'anda kyelela, akube kuti luumuno lwenu lukabe mulinjiyo. Pele na kitelede lumuno, luumuno lwenu ngalubwede kulinidinye. ¹⁴ Kuli abo batakabule kumutambula nikuba kumutelela kumajwi enu, nimutakazwe mung'anda na mudolopo, mukakunkumune lusuko kumawulu enu. ¹⁵ Nchooncyo ndamwambilila kuti, kuyoba kulansya moyo kunyaika ye Sodomu a Gomola mubuzuba bwalubeta kwinda kwamudolopo elyo. ¹⁶ Amulange, Ndamutuma mbuli imbelele akati kabawumpe, nkenkaako amuchenjele mbuli inzoka alimwi mube basalali mbuli inziba. ¹⁷ Amukabalangisisye bantu! bayomutola kumbeta alimwi bayomutanda muzikombelo zyabo. ¹⁸ Mpoonya bayomweta kunembo lyabendelezi akubaami nkambo kangu, bukabe bukamboni kuli mbabo akuli bamaasi. ¹⁹ Kuchindi nibayomujata akumwaba, mutakalikatazyi kuti mbobuli nakuti tuyowambula katutenyi, nkambo izyakuyowamba moyozipegwa nywebo muchiindi echo. ²⁰ Nkambo teensi ndinywe nimuyowambula, pesi kuti Muuya wa Wuso ngutakaambule mulindinye. ²¹ Mukwesu uyowaba munyina kulufu, alimwi wisi uyowaba mwana. Bana bayobukila bazyali baabo alimwi akuchita kuti bajayigwe. ²² Muyosuligwa abantu boonse akambo kezina lyangu. Pesi oyo ukakatila kuyosika kumamanino, imuntu oyo uyofutulwa. ²³ Chindi nibayompenzya mudolopo elyo, mukachijile kuli liimbi, nkambo zyamasimpe ndamwambilila, tamukoyo yenda mukati kamadolopo a Izilayeli Mwana a Muntu katanakusika. ²⁴ Sikwiyya temupati kwiinda muiyiysi wakwe, nikuba mulanda talimupati kwiinda simalelo wakwe. ²⁵ Ziledele mbuli sikwiyya kuti aabe mbuli muiyiysi, alimwi mulanda mbuli simalelo wakwe. Na bayita mulanda wang anda ya Bbeluzebbulu, zilaba kazyindilila byeni mbuli mazina ngibayita bamwi babeleki bang'anda yakwe! ²⁶ Nkinkakako mutakabayowi, mbulikuti takwe chisisikene chitakaleke kuzwu entanganana alimwi takwe chisisikene chitakaleke kuyozibinkana. ²⁷ Nzendikumubuzya mumudima, muzyambe mumumuuni, alimwi nzimumqvwa kanonono mumatwi enu, mukaziluule aziluli zyamaanda. ²⁸ Mutayoowi abo bajaya, mibili pesi kabakachilwa kujaya muuya. Anukuti mwelede kuyowa oyo ukonzya kujaya muuya a nyama mugehena. ²⁹ Sena tuyuni tobile tatuulwi a kkobili? Takwe naba omwe wabo uwu aansi katakwe luzibo lwa Wuso. ³⁰ Pesi nikuba masusu mumutwe yenu woonsse alibalidwe. ³¹ Mutayowi. Mulayandika kwinda tuyuni twiingi. ³² Nkinkakako kuliwoonse ulisola kulindime kunembo lyabantu, andime ndiyolisola kuli Taata ulikujulu. ³³ Pesi oyo undikkaka kunembo lyabantu, Ambebo ndiyomukkaka kunembo lya Taata uli kujulu. ³⁴ Mutayeyi kuti ndakeza kuzoyeta lumuno ansi aano. Tindakazida kuzoyeta luumuno, pesi ikafulo. ³⁵ Mbulikuti ndakazida kuzokazyanisywa mwana awisi, alakwe mwana musimbi abanyina, alakwe mukamwana abanyinazyala. ³⁶ Nkabela basinkondonyina bamwalumi mbimbabo beng'anda yakwe. ³⁷ Oyo uyanda wisi na banyina kwinda ndimetelede kulindime, oyo uyanda mwanakwe mulombe na musimbi kwinda ndime teelede kulindime. ³⁸ Oyo utabwezi chiingano chakwe alimwi atobelele musule lyangu telede kulindime. ³⁹ Oyo uyanda buumi bwakwe uyobuswekelwa. Pesi oyo uswekelwa buumi bwakwe akambo kangu uyobujana. ⁴⁰ "Oyo ukutambula utambula ndime, alimwi oyo unditambula alimwi watambula ayoyo iwakandituma. ⁴¹ Oyo utambula musinsimi muzina lyamusinsimi uyojana mpindu ya musinsimi, alimwi oyo utambula bululami bwamuntu muzina lyabululami bwamuntu

uyojana mpindu yabululami bwamuntu.⁴² Kufumbwa uupa kulumwi wabaaba banini, nikaba kanywido kamaanzi atontola kuti banywe, nkambo ngusikwiya, chamasimpe ndamwambila, takwepe nayobula impindu yakwe.”

11

¹ Nichakaba kuti Jesu wamaninsya kulayilila basikwiya bakwe balikkumi ababili, wakazwa nkukonya oko wakuyisya akukambawuka mumadolopo aabo. ² Lino Joni nakamvwa muntolongo atala anchito zya Kkilisito, wakatuma basikwiya bakwe ³ ajwi elyo bakati kulinguwe, “Nduwe na ulokuza, na kuti tuchilangilila uumbi?” ⁴ Jesu wakasandula akwamba kulimbabo, “Mwinke mukaambe kuli Joni nzimwabona akumvwa. ⁵ Bataboni balikutambula kubona, zilema zilenda, balezipele balokusalazigwa, batamvvi balokumvwa lubo, bafwide balokubusigwa lubo kubawumi, amakan i mabotu alokukambawukwa kubachete. ⁶ Alubo ngusicholwe kufumbwa utabilizigwi andime.” ⁷ Lino aba bantu nibakeenda munzila yabo Jesu wakatalika kwamba kumakamu atala a Joni, “Mwakayinka kuya kunkanda kuyobonanzi - ityetye lizunganisigwa aguuwo? ⁸ Pesi mwakayinka kuya kuyobonanzi - muntu usamide ziteete? Mbukubede, abo basama zisamo ziteetete bakkala mumaanda abami. ⁹ Pesi mwakainka kunze kuyobonanzi - musinsimi? Iyi, ndati kulindinywe, akwinda musinsimi. ¹⁰ Echi nchenchicho nguchakali kulembeledwe obu. ‘Bona, ndinokutuma mutumwa wangu kunembo lyabusy u bwako, uyokumbila nzila kunembo lyako. ¹¹ “Ndamba kulindinye nkasisimpe, takukwe nikwakabukide akati kabaabo bazyalwa abanakazi unga ulaba mupati kwinda Joni mubbabbatizyi. Nekubaboo, munini muntu mukolondo kubwami bwakujulu mupati kwinda nguwe. ¹² Kuzwa kumazuba a Joni mubbabbatizyi kusikila lino, bwami bwakujulubulokufwabisigwa alupyopyongano, lino bantu balupyopyongana balalubweza changuzu. ¹³ Mbukunga boonse basinsimi amulawu wakali kusinsima kusikila kuli Joni. ¹⁴ Elyo nawayanda kuzumina kuchitambula, oyu ngu Elijah, nguwe wakali kuzosika. ¹⁵ Kuliyyo ulamatwi akumvwa, ngamvvwe. ¹⁶ Kuli chili nchindinga ndilayezyanisa azyalane iyasunu? Chili mbuli bana basobana kuchisambalilo, bakkala akwita umwi awumwi, ¹⁷ akwamba, ‘twakakulizizya muteetele, aboobo tewakazyana pe. Twakayeema, pele tewakalila. ¹⁸ Aboobo Joni wakasika katalyi chinkwa nanka kunywa masansa, elyo bakati, Uladimoni. ¹⁹ Mwana amuntu wakasika akulya akunywa elyo bakati, Langa, mwalumi sindya amukolwi, muzolwani abasimutelo abasizibi! Pesi busongo bulalulamikwa anchito zyakwe.” ²⁰ Elyo Jesu wakatalika kukalalila madolopo omo mwakachita malele akwe manji, nkambo tebakeempwa. ²¹ “Maawe kulinduwu, Kkolazini! Mawe kulinduwu, Bbetisayida! Kansinga malele akachitwa ku Taya a Sidoni akachitwa kulindinywe, ninga bakeempwa kale kuchindi chakayinda muzisamo zyamasaka amudyota. ²² Pesi kulakuyandika chakwindilila kubuzuba bwalubeta kwinda nduwe. ²³ Webo, Kapenawumu, uyeeya kuti uzosumpulwa kujulu? Peepe, unoyoyetwa ansi kumulindi utagoli [Hadesi]. Nikwali kuti mu Sodomu mwakachitwa malele akachitwa mulinduwu, ninga mwachili asunu. ²⁴ Pele ndati kulinduwu chiyobachubila kunyika ya Sodomu mubuzuba bwalubeta kwinda nduwe.” ²⁵ Kuchindi echo Jesu wakati, “Ndilikutembawula Taata, Mwami, wakujulu anyika, nkambo wasisila basongo abamvvisya, akuyubunwida bana banini: ²⁶ Iyii, Taata, Echi chakalikubotezya kumeso ako. ²⁷ Zintu zyonze zyakapegwa ndime kuzwa kuli Taata. Elyo takwe umwi uzi mwana kunze kwa Taata, mpawo, takwe uzi Taata kunze kwamwana aboobo kuloyo mwana ngwasala kuti amuyubunune. ²⁸ Amuze kulindime, moonse nimukatede animulemenwa ndiyomupa kulyokezya. ²⁹ Amubweze ijokwe lyangu lili alindime akwiya kulindime, nkambo ndilimubombe akuba mutete moyo, eelyo moyojana kulyokezya kwmuyuuya yanu. ³⁰ Nkambo ijokwe lyangu niteete alubo ndiguba amukuli wangu tulemi pe.”

12

¹ Kuchindi echo Jesu wakayinka mubuzuba bwakulyokezya wayinda mumyunda yazilyo. Basikwiya bakwe bakafwa anzala eelyo bakasanguna kukulula mayila nkwalikumpela akwalya mituutu. ² Pesi baFalisi nibakabona oobo bakati kuli Jesu, “Bona, basikwiya bako bachita zitali mumulawu kuchitwa mubuzuba bwakulyokezya.” ³ Pesi Jesu wakati kulimbabo, “Takwe nimwakabalide Devidi mbakachita nakaba anzala, abaabo balumi mbakali aabo? ⁴ Wakanjila munganda ya-Leza akulya chinkwa chakutwa, chitensi kumulawu kuti alye alubo chitali kumulawu akulabo mbakali abo, pesi kazili kumuawu kupela kubapayizi. ⁵ Tamubalide mulawu kuti mubuzuba bwakulyokezya bapayizi muchikombelo balataluka mulawu wabuzuba bwakulyokezya pesi tabakwe mulandu? ⁶ Pele ndati kulindinywe umwi mupati kwinda nganda

yaLeza ulaano. ⁷ Namwakalizi echi nchichalikwamba, 'mebo ndiyanda luse pepe chipayizyo; temwalikubapa kambo batakwe mulandu. ⁸ Eelyo mwana amuntu ngu Mwami wazuba lyakulyokezya." ⁹ Mpawo Jesu wakazwa oko akwinka kuchikombelo. ¹⁰ Amubone, kwakali muntu wakalinyanide kuboko. Bafalisi bakabuzya Jesu, bakati, "sena chililuleme kusikila mubuzuba bwakulyokezya?" Ikuti bamutamikizye kubisya. ¹¹ Jesu wakati kulimbabo, "Inga ulaba mwatalumi biyeni akati kanu, ngwani, na wali ambelele imwi, aboobo, na imbelele eyi yawida mudindi mubuzuba bwakulyokezya, takonga ulijata na akwigusya aanze? ¹² Chiinda bulemu biyeni, eelyo kumuntu nekuba kumbelele! Aboobo chililuleme kuchita chibotu mubuzuba bwakulyokezya." ¹³ Mpawo Jesu wakati kumuntu, "Tandabika kuboko kwako." Wakatandabika, alubo lwakabwedezezgwa mukupona, mbuli kwenzinyina kuboko. ¹⁴ Pesi ba Falisi bakayinka bakubamba mbubonya kabalikumuwwiya. Bakali kuyandula mbubanga balamujaya. ¹⁵ Mbuli mbwakaziba Jesu, wakazwa oko. Bantu banji bakamutobela, lino wakabasilika boonse. ¹⁶ Wakabalayilila kuti batachiti kuti azibinkane kulibamwi, ¹⁷ zikazuzikizigwe, zyakambwa muli Isaya musinsimi, kuti, ¹⁸ "Bona, mulanda wangu ngundakasala; Muyandwi wangu umwi, oyo muuya wangu ngundibotelwa. Ndiyobika muuya wangu alinguwe, eelyo uyobakambawukila bululami kulibamasi. ¹⁹ Takoyojana buyumuyumu na kukulililisy; nikuba umwi kumumvwa ijwi lyakwe mumigwagwa. ²⁰ Takwe nayotyola limwi ityetye lyakapwayulwa; takwepe nayozima kamuni kasuka kamulilo, kusikila wendelezya bululami mukuzunda, ²¹ Abalabo bamasi bayoba bulangizi muzina lyakwe." ²² Eelyo umwi muntu utakuboni katambuli, wakanjidwe adimoni, wakeetwa kuli Jesu. Wakamusilika, azezyo zyakazwa kuti utambuli muntu wambula akubona. ²³ Makamu wonse akagamba akwamba, "ooyu muntu ngaulaba mwana wa Devidi na?" ²⁴ Pesi baFalisi nibakamvwa malele aaya bakati, "Ooyu muntu tatandi madimoni kunze kwa Bbelezebbulu, mupati wamadimoni." ²⁵ Pele Jesu walizi miyeyo yabo mpawo wakati kulimbabo, "Bwami boonse bukazyania lwabo, buyomwayisigwa, alubo kufumbwa dolopo niba ng'anda ikazyania lwayo tikayimikili pe. ²⁶ Ikuti satani watanda satani, unoli ulikulikazya lwakwe. Bwami bwakwe nga bulimikila byeni? ²⁷ Lino na ndilatanda madimoni a Bbelizebbulu, ani batobezi banu batandyanzi? Nkambo kachechi, bayoba babetesii banu. ²⁸ Pesi do katwatanda madimoni a muuya wa Leza, mpawo bwami bwa Leza bwasika akati alindinywe? ²⁹ Alubo kulibiyeni kuti umwi anjile mung'anda yamuntu usimide akubba makwebo akwe katamusungide muntu usimide chakusanguna? Elyo uyobba makwebo akwe kuzwa munganda yakwe. ³⁰ Umwi utali andime ukazyanaya andime, alubo ayoyo utabungani andime ulamwayula. ³¹ Aboobo ndati kulinduwe, chibi choonse akusampawuula bantu bayolekelelwa, pesi kutukila muuya takukwe kulekelelwa pe. ³² Kufumbwa uwambula ijwi atala amwana muntu, oyo uyolekelelwa. Pesi kufumbwa uwambula bubi atala a Muuya Uusalala, oyo takoyolekelelwa, na munyika eyi, na kuleeyo ichizosika. ³³ Chita musamu ubote ayala michelo yawo ibote, na kuchita musamu kuba mubi, amuchelo wayo ubije, mbuli kuti musamu uboneka amichelo yawo. ³⁴ Nywebo nubana banzoka, mbomunga muli babi, ngamulamba buti izintu zibotu? Kuzwa mumoyo mulizinji mulomo nzuwambula. ³⁵ Muntu muboto kuzwa kuzintu zibotu zyamoyo wakwe ulagusya nzizyonya, pele muntu mubi wakuzintu zibi zyamoyo wakwe mulazwa bubi kupela. ³⁶ Ndati kulinduwe mubuzuba bwalubeta bantu balakupa bupandanuzi kuli alimwi ijwi litali kabotu ndibakaamba. ³⁷ Kuzwa kumajwi ako uyolulamikwa, akumajwi ako uyopegwa mulandu." ³⁸ Elyo balembi bamulawu bamwi, abaFalisi bakasandula akut, "Muyiisi tuyanda kubona chitondezyo kuzwa kulinduwe." ³⁹ Pesi Jesu wakasandula akuti kulimbabo, kufumbwa bubi abumambi kuzukulu lyasunu lyabayandula chitondezyo. Pesi tokwe chitondezyo pe chiyopegwa kunze kwachitondezyo cha Jona musinsii. ⁴⁰ Mbanga Jona wakali amazuba atatu mubula bwamuswi mupati, alakwe Mwana Muntu uyoba amazuba atatu amansiku atatu mumoyo wanyika. ⁴¹ Bantu baku Niniyu bayoyimikila kunembo lyalubeta azukulu eli lyabantu aboobo liyopegwa mulandu. Nkambo bakeempwa mukukambawuka kwa Jona, lino amubone, umwi mupati kwinda Jona uli aano. ⁴² Mwami mwanakazi wakumusama uyobuka kulubeta abantu bakwe bazukulu eli lyabantu akulipa mulandu. Wakazwa kumajinkilo anyika kuti azomvwé busongo bwa Solomoni, alubo bona, umwi mupati kwinda Solomoni ulaano. ⁴³ Na muuya mubi wazwa kumuntu, wakwinda mukati kamasena atakwe maanzi akyayandula kulyokezya, pesi tawubujani pe. ⁴⁴ Mpawo lyakat, "Ndiyobweda kunganda yangu nkundakazwa; Nilyakabwed, lyakujana ng'anda eyo yakakukulwa akubambwa obotu. ⁴⁵ Elyo lilayinka akubweza bweza imbi myuuya ili musanu ayibili mibi kwinda nguwo, lino ilasika kuzokkala omo. Abobo bubi bwamuntu kumamanino bwakabisisisya kwinda kumatalikilo. Mbukuyoba mbubobo kuzukulu lyabubi eli." ⁴⁶ Nakachili

kwambula Jesu kumakamumakamu, amubone, banyina abakulana bakwe bakayimikila aanze, kabayandula kuti bambule anguwe,⁴⁷ Umwi wakati kulinguwe, "Bona banyoko abanike bako balimvwi aanze bayanda kwambula anduwe." ⁴⁸ Pesi Jesu wakasandula kuliyoyo wakamwambila, "Mbani baama bangu alubo mbaani banike bangu?" ⁴⁹ Eleyo wakatandabika kuboko kwakwe akutondeka basikwiya bakwe mpawo wakati, "Bona, mbabo baama abanike bangu!" ⁵⁰ Nkambo kufumbwa uchita luyando lwa Taata ulikujulu, muntu oyo mukulana wangu, muchizi wangu, mbebaaba bangu."

13

¹ Mubuzuba obo Jesu wakazwa aanze ang'anda akukkala ambali alwizi. ² Inkamu mpati yakamubunganina achakumuzyunguluka, lino wakanjila mubwato akukkala mukati, inkamu yoonse niyakachimvvi kunkomwe. ³ Elyo wakamba zintu zyiingi kulimbabo muzikozyanio. Wakati, "Amubone, mulimi wakaya kunze kukuyobalya imbuto. ⁴ Nakayobubyala, Imwi imbuto zyakawida ambali lyamugwagwa, mpawo bayuni bakasika akuzilya. ⁵ Imwi imbuto yakawida anyika ilamabwe, kwakati kwakatali muse mwinci. Mpawo mpawo zyakamena nkambo imuse tewakali abulamfu kukuyaansi. ⁶ Pesi izuba nilyakatenta, zyakawuumppwa, nkambo tezyakali amiyanda, aboobo zyakayuma. ⁷ Imbuto zimwi zyakawida mumaamvwa. Maamvwa akakomena mpawo akazisyanikizya. ⁸ Zimwi imbuto zyakawida mumuse mubotu mpawo zyakazyala zilyo, zimwi mwanda umwi windulwidwe chakuvula, zimwi makumi musanu alimwi, mpawo zimwi makumi aatatu. ⁹ Ooyo ulamatwi muleke amvwe." ¹⁰ Basikwiya bakasika mpawo bakati kuli Jesu, "Nkambonzi nowambula makani aya muzikozyanio?" ¹¹ Jesu wakasandula akwamba kuti kuli mbabo, "mulipedwe mwenza wakumvvisisya zisisidwe zyabwami bwakujulu, pesi kulimbabo tabapedwe pe. ¹² Nkambo kufumbwa ujisi uyopegwa zyingi, alimwi uyoba aziyindilide zyingi. Pesi utakwe, nekuba anchalacho chiyobwezegwa kuzwa kulinguwe. ¹³ Nchenchicho nchingambulaabo muzikozyanio: nekuba banokubona, pesi tababonesesyi pe; alubo nekuba balamvwa, pesi tabamvvisisisyi, nekuba kumvvisisisyi. ¹⁴ Kulimbabo chisin-simicha Isaya chili zuzikizigwe, echo chamba kuti, "Nekuba kumvwa mulamvwa, pesi takwe abunini nimuyomvvisisya; nekuba kubona muyobona, pesi takwepe nimuyobonesesyi. ¹⁵ Nkambo myoyo yabantu aaba yaba mifubafuba mpawo miyumu kukumvwa, alubo bakajala meso aabo, kuti bataboni ameso aabo, nekuba kumvwa amatwi aabo, nikuba kumvvisisisyi amyoyo yabo, kuti basanduke lubo, alubo ndikabaponesye." ¹⁶ Pesi alongezegwe meso anu, nkambo alabona. ¹⁷ Nkasimpenati kulinindinywe kuti basinsimi bayingi abantu baluleme bakayandisya kubona zintu ezyo nzimubona pesi tebakazibona. Bakayandisya kuzimvwa zintu nzimuvwa alimwi tebakazimvwa. ¹⁸ Lino ngamuswilile kuchikozyanjo chamulimi wakabyala imbutozyakwe. ¹⁹ Na umwi wamvwa ijwi lyabwami bwakujulu pesi talimvvisisisyi, mubi umwi wasika akubweza chakabyalwa mumoyo wakwe. Eyi nimbuto yakabyalilwa ambali lyamugwagwa. ²⁰ Chakabyalwa anyika ilamabwe muntu umvwa ijwi elyo mpawo mpawo wakalitambula akukondwa, ²¹ nekubabobo takwe miyanda mulinguwe nkambo mpawo ulakatikal chabunini. Nikuba makatazoy akupenzegwa kaabuka ankambo kajwi, ulafwambana kuwa. ²² Chakabyalwa mumuse ulamamvwa, oyu muntu umvwa ijwi, pesi misaalo yenika abongeleyzi bwabuvubi bwasyanikizya ijwi, elyo ulaba utachiziyali michelo. ²³ Imbuto yakaminzwu mumuse mubotu, ooyu muntu uumvwa ijwi akulimvvisisisyi. Ulazyala michelo akuleta zilyo, kakutebulwa uumwi myanda, amuli umwi makumi musanu alimwi, amuli umwi makumi aatatu akayindululwa mbugbonya mbozyakabyalwa. ²⁴ Jesu wakababikila chimbi chikozyanjo kuli mbabo. Wakati, "Bwami bwakujulu bulimbuli mwalamu wakabyala imbuto imboto muuuunda wakwe. ²⁵ Pesi ibantu nibakachili koona, sinkondonyina wakasika elyo mpawo wakabyala masokwe akati ka wiiti mpawo wakiink. ²⁶ Mpawo masonso nakazwa akuyalyala bana balamuseke, aboobo isokwe lyakaboneka alyalo. ²⁷ Babelesi bamukamuunda nibakasika mpawo bakati kulinguwe, 'Taa,' temwakabyala imbuto mbotu na muuuunda wenu? Nkambonzi nikwaba masokwe?" ²⁸ Wakati kulimbabo, 'Sinkondoma nguwakachita ech.' Babelesi bakati kulinguwe, 'Mpo mulayanda na kuti twinke tukazinonkole?' ²⁹ Mwini muunda wakati, 'Pee.' Nkambo mwanolii kamunonkola masokwe, ngamuyononkokeyza a wiiti. ³⁰ Muleke zikule antomwe kusikila kukutebulwa. Elyo kuchiindi chakutebulwa ndizoti kubatebuzi, 'Chakusanguna amunonkoole masokwe akwawanga misunta kuti akawumpwe, pesi mubunganisye wiiti mubutala bwangu.' ³¹ Elyo Jesu wakabika chikozyanisyo chiimbi kulimbaabo. Wakati, "Bwami bwakujulu buli mbuli inseke yalubangulamuntu njakabweza akwiibyala muuuunda wakwe. ³² Inseke eyi nindini loko kunseke zyonse. Pesi na yakomena,

inga yabampati kwinda misamu yamuchilili. Ngayakomena kwinda ziziki zyamuchilili, ngayaba musamu wakuti bayuni bawuluka basike akuyaka zizumbo mumitabi yayo?”³³ Alimwi Jesu wakabambilila chimbii chikozanyo. “Bwami bwakujulu buli mbuli bumena bwamwanakazi bwakabweza akuswanizya zimpanzi zitaatu zyabusu bwa wiiti kusikila zyafufumuka.”³⁴ Zyoonse ezi zintu Jesu wakazyama muzikozanyio kumakamu; aboobo takwe nchakamba katambide muchikozanyio.³⁵ Echi chakalibobo kuchitila kuti chakambwa kwinda mumusinsimi chizuzikizigwe, Awo mpakamba kuti, “Ndiyojula mulomo muzikozanyisyo. Ndiyowamba zintu zyakasisikene kuzwa kumatanganino anyika.”³⁶ Jesu wakasiya makamu makamu akuya munganda. Basikwiya bakwe bakeza kulinguwe akwamba kuti, “Tupandulwide chikozanyio chamasokwe amumuunda.”³⁷ Jesu wakabasandula wamba elyo wakati, “Ooyo ubyala imbuto mbotu Mwana a Muntu.”³⁸ Muunda ninyika; mpawo imbuto mbotu, aba mbana baLeza bamubwami. Imasokwe mbana bamubi umwi.³⁹ Lino sinkondo wakabyala ngudyabulosi. Butebuji ngimamanino achiindi, mpawo batebuji mbaangelo.⁴⁰ Nkinkako mbuli masokwe mbabunganigwa akuumpwa amulilo, aboobo mbukuyooba kumamanino achiindi.⁴¹ Mwana amuntu uyotuma baangelo bakwe, elyo bayobunganisya aanze abwami bwakwe zintu zyoonse zyakali kuchita kuti kube ababo bakachita zitelede.⁴² Bayobawalila mumabanga banga amulilo, nkubanoli kabakwila akuyoluma intwino.⁴³ Elyo kuyoba bantu balume kabamweka mbuli zuba mubwami bwa Wisi. Ulamatwi, ngavmwé⁴⁴ Ibwami bwakujulu buli mbuli buvubi busidiswe mumuunda. Muntu wakabona akubusisa. Mukukondwa kwakwa wakinwa, wakawuza zintu zyoonse nzyakali azyo, akuyowula munda oyo.⁴⁵ Alubo, Bwami bwakujulu bulimbuli muntu musambali uyandula ngale imbotu.⁴⁶ Nakijana imwi ngale imbotu, wakeendaakuza zyoonse nzyakalazyo zintu akuyoyiwula.⁴⁷ Alubo bwami bwakujulu buli mbuli kazamba kakawalwa mulwizi, mpawo kabungania baswi bamisyobo yoonse.⁴⁸ Nikakazula, bazubi bakakabweza, bazubi bakakakwelela aanze kunkomwe. Elyo bakakkala ansi akubungania imbotu muzibikilo, pesi zyakatali kabotu bakazisowa.⁴⁹ Kuyoba obo kumamanino achindi. Baangelo bayosika akuyowandanya babi kuzwa kubaluleme.⁵⁰ Bayobawalila mumabangabanga oko nkubayokwila akuyoluma intwino zyameno.⁵¹ “Mwazimvwa na zintu eesi zyoonse?” Basikwiya bakati kulinguwe, “Iyii.”⁵² Mpawo Jesu wakamba kuti kulimbabo, “Aboobo woonse mulembi wamulawu waba sikwiya kubwami bwakujulu ulimbuli muntu mwininganda, ugwisya aanze zintu zyakwe zikulukulu ezipyia kuzwa muzibikilo zyakwe.”⁵³ Abobo nichakaba kuti Jesu wamaninsya zikozanyio ezi, wakazwa kubusena oobo.⁵⁴ Eelyo Jesu nakanjila kuchisi chakwe akuyiisa bantu muchikombelo chabo. Chakazwa chakuti bakagamba akwamba kuti, “Muntu oyu ubujana kuli busongo bwakwe anguzu zyamalele aaya?”⁵⁵ Oyu muntu teeni mwana wamubezi na? Sena banyina tabitwi kuti Meli? Sena bana bakwabo tabali ba Jemusi, Jozefu, Sayimoni a Judasi?⁵⁶ Sena bachizi bakwe, tabali akkati kesu? Uzijana kuli zintu zyoonse ezi?”⁵⁷ Bakalimvwa kabali amulandu anguwe. Pesi Jesu wakati kulimbabo, “Musinsimi takwe bulemu kunze akuchisi chakulimbabo amumpuli yakwe.”⁵⁸ Alubo takwe pe nakachita malele miingi nkuko akambo kakutamusomya kwabo.

14

¹ Kuchindi echo, Mwami Helodi watamvwa makani atala a Jesu. ² Wakamba kuti kubazike bakwe, “ooyu ngu Joni mubbabbatizyi; wabuka kuzwa kubafu. Nkinkaako nguzu eezi zilikubeleka mulinguwe.”³ Nkambo Helodi wakali wajata Joni, wamwanga akumubika muntolongo nkambo ka Helodiyasi, mukamwanike wakwe Filipi.⁴ Nkambo Joni wakambide kuti kulingu, “Tachili mumulupu we kuti umukwate.”⁵ Helodi wakali ukonzya kumujaya pesi wakayoowa bantu, nkambo bakali kumuyeyela kuti musinsissi. ⁶ Pesi buzuba bwakuzyalwa kwa Helodi nibwakasika, mwana musimbi wa Helodiyasi wakazyana aakati kabo akubotezya Helodi.⁷ Mukusandula wakasyomezya aachikonke chakuti uyomupa kufumbwa nchayokumbila.⁸ Musule akulayililwa abanyina, wakamba kuti, “Mundipe aano, mundyido, mutwe wa Joni mu Babbatizyi.”⁹ Mwami wakawusa kuchikumbizyo chakwe, pesi nkambo kachikonke chakwe alimwi akambo kabaabo mbakali kususala aabo, wakalayilila kuti kuchitwobo.¹⁰ Wakatumina kuyodunsulwa kwamutwe wa Joni muntolongo.¹¹ Mpawo mutwe wakwe wakaletwa mundyido akupewga kumwana musimbi oyo wakutola kuli banyina.¹² Mpawo basikwiya bakwe bakasika, babweza mutunta akuyowuzikka. Kwinda kwachechi, bakiinka akuyowambilila Jesu.¹³ Lino Jesu nakamvwa eechi, wakazwa mpawo awo, wakunjila mubwato kubusena buli kumbali. Makamu nakamvwa aanchicho, akamutobelaa mawulu kuzwa kumyunzi.¹⁴ Mpawo Jesu wakasika musule lyabo akubona makamu

mapati. Wakabaluzyalo kulimbabo eelyo wakaponya bachiswa babo.¹⁵ Nilyakaba goko, basikwiya bakasika kulinguwe akwamba kuti, "Oobu busena mbwankanda, alimwi chiindi chamana. Mwayisya makamu kuti bayinke kumyuuunzi mpawo bakalyulile chakulya kwabo."¹⁶ Lino Jesu wakabambilka kuti, "Tabelede kumwayika. Amubape chimwi nchibatalye."¹⁷ Bakamba kuti kulinguwe, "Aano tuli aazinkwa zili musanu biyo answii zyobile."¹⁸ Jesu wakati, "Amuzilete kulinidime."¹⁹ Mpawo Jesu wakalayilila makamu abantu kutiakkale aansi mubwizu. Wakabweza zinkwa zili musanu answi zyobile. Walanga kujulu, wazilongeza akukwamuna zinkwa mpawo wazipa kuli basikwiya, alimwi basikwiya bakapa makamu.²⁰ Boonse bakalya akukkuta. Mpawo bakabwezelela bufwefwelenga bwakachaala bwechakulya - nsangwa zizwide zili kkumi azibili.²¹ Aabo bakalya bakali zyuulu zili musanu zyabaalumi, kutaamba abanakazi abaana.²² Mpawo mpawo wakachita kuti basikwiya banjile mubwaato akwinka kunembo lyakwe kuli bumwi busena, mbubonya mbwakachili kumwayisya makamu makamu.²³ Nakamana kumwayisya makamu, wakatanta achilundu kuyokoomba. Nilyakaba goko wakali aalikke.²⁴ Pesi lino bwato bwakali bwabakule aanyika. Kabuchundwa amayuwe, nkambo muuwo wakali kuunga kuubakachiza.²⁵ Muchiindi chane mansiku Jesu wakabasikila, keenda aatala aalwizi.²⁶ Basikwiya nibakamubona kayobwenda ataala alwizi, bakakatazika akwamba kuti, "Musangu," mpawo bakalila chakuyowa.²⁷ Pesi Jesu wakaamba kuli mbabo aawo akuti, "Amube bakozu ndime! Mutayowi."²⁸ Pita wakamusandula akwamba kuti, "Mwami, na nduve, ndilayilile kuti ndize kulinduwe atala amaanzini."²⁹ Jesu wakati, "Kweza." Mpawo Pita wakazwa mubwato akwenda aatala aamanzi kayinka kuli Jesu.³⁰ Pesi Pita nakabona muuwo mupati, wakayoowa. Mbwakatalika kubbila biyo, wakalila akwamba kuti, "Mwami ndifutule."³¹ Mpawo mpawo Jesu wakatandabika kuboko kwakwe, wajata Pita, akwamba kuti kulinguwe, "Nusilusyomo lunini, nkambonzi nodoneeka?"³² Mpawo Jesu aa Pita nibakanjila mubwato, muuwo wakiimikila kuunga.³³ Mpawo basikwiya bakali mubwato bakakomba Jesu akwaamba kuti, "Nkasimpe uli Mwana wa Leza."³⁴ Nibakazubuka bakasika kunyika yaku Genesaleti.³⁵ Bantu bakubusena oobo nibakaziba kuti ngu Jesu, bakatumina makani konse muchisi choonse chizyungulukide, alimwi bakaleta kulinguwe woonse wakali kuchiswa.³⁶ Bakamukumbila kuti bajate moombe wajansi lyakwe, alimwi biingi bakuujata bakapona.

15

¹ Mpawo bamwi ba Falisi abalembi bakasika kuli Jesu kabazwa ku Jelusalema. Bakaamba kuti,² "Nkamboonzi basikwiya bako nibakazyania aziyanza zyabapati? Nkambo tabasambi pe mumaboko nibalya chinkwa."³ Wakasandula akwamba kuti kulimbabo, "Alimwi nyewebo - nkambonzi nimukazyania amulawu wa Leza nkambo kazianza zyanu?"⁴ Nkambo Leza wakamba kuti, "Lemeka wuso abanyoko, alimwi ooyo wambula bubi kuli wisi na banyina nkasimpe uyoofwa."⁵ Pesi mwamba kuti, kufumbwa lugwasyondunoli watambula kuzwa kuli ndime lino nchipo chipegwa kuli Leza,"⁶ Ooyo muntu telede kulemeka wisi. Munzila eyi mwawubula ijwi lya Leza. Malembe mabotu aachindi ali aajwi lya Leza aamwi malembe aachindi ali aamulawu. Nkuyumu kusalula chibalo chibuto. Nkambo kachiyanza chenu.⁷ Nyewebo nobasikuwpawipu! Isaya wakachita kabuto nakasinsiuu aatala andinyewe nakamba kuti,⁸ "Bantu aba balandilemya amilomo yabo, pesi myoyo yabo ilikule andime.⁹ Balandikomba chabuyo, nkambo balayiisya milawo yabantu mbuli njisyo zyabo."¹⁰ Mpawo wakiita makamu kulinguwe mwini akwamba kuti kuli mbabo, "Amuswilile akumvvisya -¹¹ Tachiwo chinjila mukanwa chisofwazya muntu. Pesi echo chizwa mukanwa, eechi nccheenchicho chisofwazya muntu."¹² Mpawo basikwiya bakasika akwamba kuti kuli Jesu, "Ulizi na kuti ba Falisi bakalebwa nibakamvwaa makani aaya?"¹³ Jesu wakasandula akwamba kuti, "Zizikki zyoonse ezyo Taata wakujulu nzyakatazikila ziyononkolwa."¹⁴ Amubaleke aabalike, mbeenzyi boofu. Na moofu weenzya moofunyina, boonse bayowida mukkombwa."¹⁵ Pita wakasandula akwamba kuti kuli Jesu, "Pandulula kalabiko aaka kulindiswe."¹⁶ Jesu wakaamba kuti, "Anywebo aambilu sunu tamumvvisisyi na?"¹⁷ Tamumvvisisyi na kuti kufumbwa echo chinjila mukanwa chilayinda mwida mpawo chilazwa aanze mpawo chilaswegwa mukkombwa?¹⁸ Pesi izintu ezyo zizwa mukanwa zilazwa mumoyo. Nzenzizyo ezyo zisofwazya muntu.¹⁹ Nkambo kumoyo kuzazwa miyeyo mibi, bujaji, bumambi, bwamu, kubba, bukamboni bwakubeja, akulengelela.²⁰ Eezi nzenzizyo eezyo zisofwazya muntu. Pesi kulya amaboko atasambie pe takusofwazyi muntu pe."²¹ Mpawo kuzwa awo Jesu wakazwa ooko akwinka kuzisi zyakumyunzi yaku Taya aku Sidoni.²² Amubone, mwanakazi mu Kkenani wakazwa kuchisi echo. Wakoompola akwamba kuti,

"Ndifwide luzyalo, Mwami, Mwana wa Devidi! Mwana wangu musimbi uliji loko dimoni.²³ Pesi Jesu taakwe jwi ndyakamusandula pe. Basikwiya bakwe bakeza akumukumbila, bakati, "Mutande, nkambo uli koompolola musule lyesu."²⁴ Pesi Jesu wakasandula akwamba kuti, "Nsitumidwe nikuba kuli umwi pesi kumbelele ziswekede zyakunganda ya Izilayeli."²⁵ Pesi wakeza akuvundama aansi kunembo lyakwe, wati, "Mwami, ndigwasye."²⁶ Wakasandula akwamba kuti, "Tachili kabotu pe kubweza chinkwa chabana akuchisowela tankala."²⁷ Wakati, "Mbukubede, Mwami, pesi aatulato tunkala tulalya tumwi twatufwefwelenga ooto tuuwa kumatebule abasimaleo aato."²⁸ Mpawo Jesu wakasandula akwamba kuti kulinguwe, "Yo mwanakazi, lusyomo lwako ndupati; akuchitwe kulinduwe mbubonya mbuli mboyanda." Mwana wakwe musimbi wakaponesegwa kuzwa kuchindi echo.²⁹ Jesu wakazwa kubusena oobo akwinka kumbali aalwizi lwaku Galili. Mpawo wakatanta akukkala nkuko.³⁰ Makamu makamu abantu mapati akeza kulinguwe. Bakaza abalema, boofu, basyataambi, abantu batyokede, abamwi bayingi bakali kuchiswa. Bakababika kumawulu aa Jesu, mpawo wakabasilika.³¹ Eelyo makamu makamu akagamba nakabona bantu batambuli kabambula, batyokede kababakabotu, balemene kabeenda, aboofu kababona. Bakalumbayizya Leza wa Izilayeli.³² Jesu wakaiita basikwiya bakwe akwamba kuti, "Ndafwaluzyalo kumakamu nkambo bakkala aandime kwamazuba ataatu kale mpawo tabakwe achakulya. Tandiyandi kubamwayisya kabatalyide, nkambo ngabayowizuka munzila."³³ Basikwiya bakati kulinguwe, "Nkukuli nkotunga tulajana zinkwa zizulila kubusena bwankanda libuloobu kuti zikkutye makamu makamu mapati aalibobu?"³⁴ Jesu wakati, "Mujiyi zinkwa zyongane?" Bakati, "musanu azibili, atuswi tuchebiyo."³⁵ Mpawo Jesu wakalayilila makamu kutiakkale aansi aanyika.³⁶ Wakabweza zinkwa zili musanu azibili answi, mpawo nakamana kulumba, wakakwamuna zinkwa akuzipa kuli basikwiya.³⁷ Basikwiya bakazipa kumakamu. Bantu boonse bakalya mpawo bakakkuta. Mpawo bakabunganisa nsangwa zili musanu azibili zyabu fwefwelenga bwakachaala.³⁸ Aabo bakazilya bakali zyuulu zyone zyabaalumi, kutabala abanakazi abaana.³⁹ Mpawo Jesu wakamwayisya makamu makamu abantu akunjila mubwato mpawo wakaya kuchisi chaku Magadani.

16

¹ Ba Falisi aba Sadusi bakeza mpawo bamusunka akumubuzya kuti abatondezye chitondezyo chizwa kujulu. ² Pesi wakasandula akwamba kuti kuli mbabo, "Nikwasiya, mwamba kuti, 'Kuyoba kunze kubotu, nkambo ijulu lilasalala.'"³ Nikuba chifuma, mwamba kuti, "Kunze kunoli kubi, nkambo ijulu lilasalala alimwi liliumbidwe. Mulizi kupandulula bwime bwakujulu, pesi tamukonziy kupandulula zitondezyo zyazyiindi."⁴ Izyalane ibbi abwamu lilangula chitondezyo, pesi takwe chitondezyo chiyopegwa kulindilyo kutaamba chitondezyo cha Jona."⁵ Mpawo, Jesu wakabasiya akutozya kumbi. Basikwiya nibakasika mutala, bakalubide kubweza chinkwa.⁶ Jesu wakati kulimbabo, "Amubone akuchenjela kubumena bwaba Falisi aba Sadusi."⁷ Elyo basikwiya bakabuzyanya akwamba kuti, nkambo tetwabweza pe chinkwa."⁸ Jesu wakaziba achedhi mpawo wakati, "Nywebo nubasisyomo lunini, nkambonzi mulabuzyania lwanu mpawo mulati nkambo tetwabweza pe chinkwa?"⁹ Tamuna kuziba na kwibaluka zinkwa zili musanu kulibali zyuulu zili musanu, alimwi kuti mwakabungika nsangwa zyongane?¹⁰ Na zinkwa zili musanu aazibili kuzyuulu zine, alimwi kuti ninsangwa zyongane nzimwakabungika?¹¹ Ino nkambonzi kuti tamumvvisysi kuti tendakalikwamba kulindinywe aatala achinkwa? Aamubone akuchenjela kubumena bwaba Falisi aba Sadusi."¹² Mpawo bakamwwisya kuti takali kubambilila kuti bachenjele bumena bwakali bwachinkwa pe, pesi kuti bachenjelele injisyoy zyaba Falisi aba Sadusi.¹³ Lino Jesu nakasika kuzisi zili kufuwifi aa Kkayisiliya Filipi, wakabuzya basikwiya bakwe, wati, "Ino bantu bati Mwana aa Muntu ngwani?"¹⁴ Bakati, "Bamwi bakwamba kuti nduwe Joni mubbabbatizyi; bamwi bati, Elayija; alimwi bamwi bakuti, Jelemiya, na umbi wabasinsimi."¹⁵ Wakati kulimbabo, "Pesi nywebo mundamba kuti ndimeni?"¹⁶ Sayimoni Pita wakasandula wati, "Nduwe Kkilisito Mwana wa Leza uupona."¹⁷ Jesu wakasandula akwamba kuti kulinguwe, "Uli aacholwe, Sayimoni mwana a Jona, nkambo nyama abulowa teeni nzizyo zyakuyubunwida eezi, pesi Taata wangu uli kujulu."¹⁸ Alimwi ambebo ndambla kuti kulinduwe nduwe Pita, mpawo aatala amwaala ooyu ndiyoyaka mbungano yangu. Milyango yazibunda tikozokuzunda.¹⁹ Ndiyokupa zjaluzyo zyabwami bwakujulu. Kufumbwa nchotakaange aansi chiyosungwa akujulu, alimwikufumbwa nchotakanganune aansi chiyosungununwa aakujulu."²⁰ Mpawo Jesu wakalayilila basikwiya kuti batakaambili naba umwi kuti wakali Kkilisito.²¹ Kuzwa kuchindi echo Jesu wakatalika kwambila basikwiya bakwe kuti welede kwinka ku

Jelusalema, kuyopengela zinti zyingi kumaanza abapati abapayizi batapi abalembi, kujayigwa, akubusigilwa kubuumi kubuzuba bwatatu.²² Mpawo Pita wakamubweza akumutola kiumbali akumuchibula, wati, "Eezi azibe kule anduwe, Mwami; eezi zitazochitiki kulinduwe."²³ Pesi Jesu wakachebuka akwamba kuli Pita kuti, "Zwaawa kusule lyangu, Satani! Uli chilebyo kulindime, nkambo toyeeyi atala azintu zya Leza, pesi ataala aazintu zyabantu."²⁴ Mpawo Jesu wakati kuli basikwiya bakwe, "Na muntu kayanda kunditobel, aalilube lwakwe, abweze chiingano chakwe mpawo anditobele."²⁵ Nkambo kufumbwa uyanu kufutula buumi bwakwe uyobuswekelwa, alimwi kufumbwa uswekelwa buumi bwakwe nkambo kandime uyoabajana.²⁶ Nkambo chigwasyanzi kumuntu kuvuba nyika yoonse pesi akaswekelwe buumi? Ninzi nchakonzya kupa muntu muchibaka chabuumi bwakwe?²⁷ Nkambo Mwana muntu uyoboola mubulemju bwa Wisi abangelo bakwe. Mpawo uyolumbula muntu umwi awumi mbuli milimo yakwe.²⁸ Chakasimpe ndamwambila kuti, mpubali bamwi benu bayiimvvi ano batakwe nibayolabilu lufu mane lumwi bakabone Mwana aa Muntu kaboola mubwami bwakwe."

17

¹ Nikwakayinda mazuba aali musanu abumwi Jesu wakabweza Pita, Jemusi a Joni mwanike wakwe, akubatola atala achilundu chilamfu abalikke.² Wakasanduka kunembo lyabo. Busyu bwakwe bwakabalama mbuli zuba, azisamo zyakwe zyakaba mbuli mumuuni.³ Amubone kwakaboneka Mozesi a Elija balaambula awe.⁴ Pita wakasandula akwamba kuti kuli Jesu, "Mwami, nchibotu kuli ndiswe kuti tube aano. Kuti koyanda, ndilakuchita matumba aatatu - chimwi chibe chako, achimwi chibe cha Mozesi, achimwi chibe cha Elayija."⁵ Elyo kachili mukwambula, amubone, ijoba libalaama lyakabavumba, mpawo amubone, kwakazwa ijwi mujoba, lyakati, "Ngoyu Mwanangu ngundiyandisa, muli nguwe mundibotelwa. Amuswilile nguwe."⁶ Lino basikwiya nibakalimvbwa, bakavundaama aansi, akuyowa loko.⁷ Mpawo Jesu wakaza, akubaguma akwamba kuti, "Mubuke mutayow."⁸ Mpawo bakalanga kujulu pesi takwe ngubakabona kunze kwa Jesu luzutu.⁹ Lino nibakali kuseluka achilundu, Jesu wakabalayilila, wati, mutambili muntu chilengano eechi kusikila mwana amuntu akabuke kubafu.¹⁰ Basikwiya bakwe bakamubuzya, batu, ino nkamboonzi balembi bamulawu balaamba kuti Elija welede kusanguna kuza?¹¹ Jesu wakasandula wati, "Elayija nchoonyo uleza akubukulusya zintu zyoonse."¹² Lino ndamwambil, Elayija wakasika kale, pesi tebakamuziba pe. Kwinda kuchita nchibakali kuyanda kuli nguwe. Munzila njiiyo, Mwana amuntu uyofwaba mumaboko aabo.¹³ Mpawo basikwiya bakamvwa kuti wakalikwambambuula ambabo atala a Joni Mubbabbatizyi.¹⁴ Eelyo nibakasika kunkamu, mwalumi wakaza kulinguwe, wafugama kunembo lyakwe akwamba,¹⁵ "Mwami, komufwida luzyalo mwanawangu, mbuli mbwali sichisuntu ulokufwaba loko. Nkambo ukkala kawida mumulilo na mumaanzi."¹⁶ Ndali mwetede kuli basikwiya bako, pesi tebamponia pe.¹⁷ Jesu wakavwiila akwamba kuti, "Izyalane litasyomi akukakatila, ndiyooba achiindi chilamfu biyeni kandikkede andinywe? Ndiyoba andinywe kusika lili? Mumweete okuno kuli ndime."¹⁸ Jesu wakalayilila dimoni, mpawo lyakazwa mulinguwe, amulombe wakaponesegwa kuzwa muhola eelyo.¹⁹ Mpawo basikwiya bakeza kuli Jesu kumbali akwaamb, Nkaambonzi nitwakachilwa kilitandila aanze?"²⁰ Jesu wakati kulimbabo, "Nkambo kalusyomo lwenu lunini. Nkambo ndamwambil kasimpe, kansyonga mulijisi lusyomo niluba lunini mbuli nseke yembuto yamusitada, nga ulambilu chilundu eechi, Eenda kuzuwa ano kuya okiya, alimwi chiyoyeenda, takukwe chiyokachizya kuli nduwe."²¹ Malembe mabotu achindi tajisi pe. Pesi oyu musyobo wadimoni tuyendi akuzwa kunze kwakukomba akulyiimya.²² Kabachikede mu Galili, Jesu wakati kuli basikwiya bakwe, "Mwana amuntu uyopegwa mananza abantu,²³ alimwi bayomujaya, amubuzuba bwatatu uyobusigwa." Basikwiya bakawusa kapati.²⁴ Elyo nibakasika ku Kapenawuma, ibalumi ibakabweza zipanzi zibili zyamali yamatelo bakaza kuli Pita akwamba, "Sa muyilisi wanu tagwisyi zipanzi zyamali yamatelo?"²⁵ Wakati, "Iyyi ulatela." Pesi Pita nakanjila munganda Jesu wakaamba wati kuli nguwe chakusanguna akuti, "Uyeyaanzi, Sayimon? Kuzwa kuliini bami baansi nkubabweza mutelo na bulumbu? Kuzwa kubana baabo na nkubeeenzu?"²⁶ Pita mpaakati, "kuzwa kubeeenzu," Jesu wakati kulinguwe, Pita wakasandula. "Lino bana bangununwa," Jesu wakaamba.²⁷ Pesi kuti tutachiti basimutelo kuti bachite chibi, koya kulwizi, mukawaale kalobyo, akugwisyaa anze inswi eyo itakazwe kutanguna. Na wajula mulomo wayo, ulajana Ishekkel. Wibweze akwiipa basimutelo njiyangu ayako.

18

¹ Kuchiindi eecho basikiiya bakaza kuli Jesu akwaamba kuti, "Ngwani mupati mubwami bwakujulu?" ² Jesu wakayita kana kanini kulinguwe wakakkazika aakati kabo, ³ akwaamba kuti kasimpe ndamwaambilamkuti ado musanduke akuba mbuli kana kaniini takukwe nimunga myoonjila mubwami. ⁴ Nkaambo kakaako, kufumbwa ulibombya mbuli mwana munii ni nguumupatitum mubwami bwakujulu. ⁵ Kufumbwa utambula kana kaniini mbuli oobu muzina lyangu wambula ndime. ⁶ Pesi kufumbwa utuka umwi wabaaba baniini bamusyoma ulabalebya, chilabota mbubo kulinguwe kuti aangwe ndomba lyabbwe munisingo yakwe, akubbizigwa aakati kalwizi. ⁷ "Maawe kunyika nkaambo kazilebyo! Aboobo kuleelede kuti zilebyo zibe, pesi maawe kuli yooyo mutu weeta zilebyo! ⁸ Kuti luboko lwakp na chitura chako chikupa chilebyo, chigonke ukuwaalila kule anduwe, kuli mbubo, kunjila mubuumi koli chilema na kotyokede kwiinda kuowelwa mumulilo utamani koli aamaboko abili na mawuulu aabil. ⁹ Na liso lyko likuchita kuba chilebyo, ulidadule ulisowele kule aanduwe. Kuli mbubo kuti unjele mubuumi aliso limwi kwiinda kusowelwa mubbila lyamulilo koli ameso aabil. ¹⁰ Amuchenjele kuti utasmpawuuli umwi wabaaba baniini. Mbuli mbundaamba kulindinywe kuti kujulu kuli baangelo lyoonse balanga kubusyu bwa Taata uli kujulu. ¹¹ Malembe mabotu achi Giliki taajisi munchali ooyo ulaabupanduliuzi bujanika muli bumwi, nkaambo Mwana aamuntu wakaza kuzoofutula eecho chakasweekede. ¹² Uyeeyanz? Kuti umwi uli aambelele mwanda, mpawo iimwi yasweek, takonzyi kusiya zili makumi aali musanu aane azili musanu aatala aakalundu akuya kuyooandyula eeyo isweekede? ¹³ Na wayijana, ndamwaambila kasimpe, ulabotelwa kwiinda eezyo zitasweekede. ¹⁴ Munzila ikozyene, teesi kuyanda kwa Taata uli kujuliu kuti umwi wabaaba baniini kuti batafwidilili. ¹⁵ Kuti munyoko wakubisizya, koya ukamatapatile aakati kako anguwe luzutu. Na wakuswiilili, ulajana munyoko. ¹⁶ Pesi na takuswiilili, bweza umwi na bambi babilu kuti milomo yababili na baka, mboni batatu lyoonse jwi lilazuminika. ¹⁷ Lino kuti wakaka kubasiila, ambila mbungano, kuti wakaka alimwi kuswiilila mbungano, muleke aabe mbuli muhedeni akuba mbuli simutelo. ¹⁸ Ndamwaambila kasimpe, kufumbwa zintu nzimwaanga ansi zilaanguwa akuju; lu, akufumbwa zyaangununwa ansi zilaanguununwa akujuliu. ¹⁹ Alubo ndamwaambila na bibili bazuninana atala achimwi nchibakumbila balachichitilwa a Taata uli kukulu ²⁰. Aawa ali kobile na kotatu mpubabungene aamwi muzina lyangu, ahooko ndinooli aakati kabo. ²¹ Eelyo Pita waza akwaamba wati kuli Jesu, "Mwamio tungee mukwesu kandisizya nzyentimulekelele? Kusikila tuli musanu atubili!" ²² Jesu wakati kuli nguwe, "Tandimwaambili tuli musanu atubili, kusikila kumakumi musanu aabilu katupetedwe kusika kumusanu atubili. ²³ Nkaambo kaako bwami Bwakujulu bulikozyene awumwi Mwami wakayanda kubamba makani aababelesi bakwe. ²⁴ Mbuli mbwakasanguna kubamba, umwi wababelesi wakaletwa kuli nguwe iwakapedwe kkumi lyazyuu zyamataalenta. ²⁵ Pesi mbwatakajisi chakuliya, Mwami wakwe wakamulayilila kuti awuzigwe, antoomwe amwanakazi wakwe abana azyoonse nzyakaliya kuchtite. ²⁶ Mpawo mubelesi wakawida ansi, wavundama akwaamba wati, "Mwami ndikkazike moyo, lino ndilakuya yoonse. ²⁷ Lino Mwami wamubelesi mbukunga wamufwida wamufwida luzyalo wamwaangwida mpawo wamulekelela chikoloto. ²⁸ Pesi mubesii ooyo wakeenda akujana umwi mubelesi wamunyina wakalijisi madinali mwaanda, wakamubweza, watalika kumusina akwaamba kuti ndiliye nzwakabweza kuli ndime. ²⁹ Mpawo mubelesinyina wakawida ansio wamukumbila wati, "Ndikkazikile moyo, ndilakuliya. ³⁰ Pesi mubelesi mutaanzi wakakaka. kwiinda, wakaya wakuya kuyoomuwalila muntolongo kusika akaliye nzyakali muped. ³¹ Lino babletesinyina nibakabona zyakachika, bakawusa loko. Bakasika akwaambila mwami wabo zyoonse zyachitika. ³² Mpawo mwami wamubelesi wakamwiita wati kulinguwe, iwe numubesii mubi, ndakakulekelela chikoloto choonse nkaambo wakandikumbila. ³³ Waleleede kumufwida luzyalo mubelesinyokwe, mbuli mbundakafuwida luzyalo? ³⁴ Mwami wakwe wakanyema akumupeda kuli basintolongo kusikila akaliye zyoonse nzyakabwezed. ³⁵ Mbuboobo alakwe Taata wakujulu mbwayoomuchitila na temwalekelela munyoko kuzwa mumoyo.

19

¹ Kwakaba kuti Jesu amane majwi ay, wakazwa ku Galili waya kuchisi cha Judiya mutala amulonga wa Jodani. ² Makamu makamu akamutobela, mpawo wakabaponia nkukoko. ³ Ba Falisi bakaza kuli nguwe, bamusunka, baamba kuli nguwe, "chili mulawu kuti mwalumi aleke mwanakazi wakwe, katakwe kaambo. ⁴ Jesu wakasandula akwaamba, "sa temwakabala kuti oyo wakabalenga kuzwa kumatalikilo wakabalenga

baalumi a abanakazi?" ⁵ Alubo oyo iwakabelnga wakati, 'Nkambo kaako Mwalumi uyosiiya wisi abanyina akukakatila kumwanakazi wakwe, aba bobile babe nyama imwi. ⁶ Lino tabachili bibili, pesi nyama imwi. Nkinkaako echo Leza nchakaswaniizya, kutabi muntu uchipambukanya." ⁷ Bakati kulinguwe, "Nkaambonzi elyo Mozesi wakatalayilila kuti apegwe lugwalo lwakulekana mpawo amuleke?" ⁸ Wakati kuli mbabo, "Nkaambo kabuyumu bwamyoooyo yenu, Mozesi wakamuzumizya kuleka banakazi benu, pesi kumatilikilo tekwakali munzila eyo pe. ⁹ Ndamwambila, kufumbwa uleka mwanaakazi wakwe, kunze kwamakan abuvule, akuyo kwata uumbi, wachita bumambi; amwalumi ukwata mwanaakazi wakalekwa wachita bumambi." ¹⁰ Basikwiyya bakati kuli Jesu, "Na kuti ntwaambo twamwalumi amwanakazi wakwe, tachili chibotu kukwata." ¹¹ Pesi Jesu wakati kuli mbabo, "Teensi bonse batambula kaambo aka, pesi kuli baabo luzutu bapedwe. ¹² Nkambo nkubali bazibe bakachitwa bazibe abantu, alimwi mpubali bazibe bakalichita bazibe lwabo beni nkambo ka Bwami bwakujulu kuli ooyo ukonzya kutambula injiisyo eyi, muleke ayitambule." ¹³ Lino bana baniimi bakaletwa kuli nguwenkuti abaampe amaboko akukombi, pesi basikwiyya bakwe bakabakasya babakalalila. ¹⁴ Pesi Jesu wakaamba wati, "Amuzumizye bana banini, mutabakasyi kuti baze kuli ndime, nkambo Bwami bwakujulu mbubwabo bali boobu." ¹⁵ Wakabika maboko aakwe alimbabo mpawo wakabasiya. ¹⁶ Amubona, mwalumi wakaza kuli Jesu akwamba kuti, "Muyiisi, nchichili chintu chibotu nchindinga ndilachita kuti ndibe abuumi ibutamani?" ¹⁷ Jesu wakati kuli nguwe, Nkamboonzi niwandibuzya atala chitegwa nchibotu? Kunze kwachintu chimwi, pesi na koyanda kunjila mubuumi, baamba milayizyo." ¹⁸ Oyu mwalamu wakati kuli nguwe, milayizyo nzi?" Utajayi, utachiti bumambi, utabbi, utapi bukamboni bwakubeja, ¹⁹ lemeka wuuso abanyoko akuyanda ngoyakilene anguwe mbuli lwako omwini." ²⁰ Mwalumi mukubusi wakati kuli nguwe, "Zyoonse ezi zintu ndakazilemeka. Ndichiyanaanza?" ²¹ Jesu wakamwambila wati, "Na koyanda kuti ulondoke, koya, ukawuzye lubono lwako, akuyopa bachete, mpawo uyooba abuvubi kujulu, lino uboole, unditobele." ²² Pesi eelyo mwalamu mukubusi nakamvwa Jesu nzyakaamba, wakayinka kawuside, nkambo wakalijisi imbono nyiingi. ²³ Jesu wakaambilia basikwiyya bakwe, "Kasimpe ndamwambila, nchiyumu kumuvubi kuti akanjile kubwami bwakujulu. ²⁴ Alimwi ndamwambila kuti, nkutete kunkamela kunjila muliso lyaneleti kwinda kuti muvubi anjile mubwami bwa Leza." ²⁵ Lino basikwiyya nibakamvwa oobo, bakagambilwa loko, akwaamba kuti, "Ino ngwani ukoonzya kuyofutulwa?" ²⁶ Jesu wakabalinga akwaamba kuti, 'kubantu tachikonzeki, pesi kuli Leza zintu zyoonse zilakonzeza.' ²⁷ Mpawo Pita wakavwiila akwamba kuti "Langa, twasiya zintu zyesu zyoonse twatobelwa nduwe. Ani mpawo tukajanenzi?" ²⁸ Jesu wakati kuli mbabo, "Ndamwambila kasimpe kuti, muchiindi chiza Mwana a Muntu nayokkala achuno chakwe chabulemu, inywe nimwakanditobela muzokkala azyuno zilikumi azibili, mukabeteke misyobo ili kkumi ayibili ya Izilayeli. ²⁹ Woonse oyo iwakasiide maanda, babunyiina, bachizi, wisi, banyina niiba myuunda nkambo kazina lyangu uyotambula tuli mbuli mwanda umwi akukona buumi ibutamani. ³⁰ Pesi bataanzu baanjii bayoba bakumamanino, abakumamanino bayoba batanzi.

20

¹ "Nkambo bwami bwakujulu buli mbuli mwanimunda wakazwa kuseni loko kuyotamba basikubeleka mumuunda wakwe wamasansa. ² Nikwakamana kuzuminana abasimulimu kudinali lyomwe abuzuba, wakabatuma kumunda wamasansa wakwe. ³ Alubo wakenda chindi chamahola atatu mpawo wakabona bamwi basimulimu kabayimvvi kabatakw nchibachita kubusena bwakuuzizya. ⁴ Kuli mbabo wakati, 'Anywebo, kamuya mumuunda wamasansa alubo ndilakumupa zilikabotu.' Nkako bakayinka kumulimu. ⁵ Alimwi wakiinka kunze muhola lyamusana alimwi amuhola lyamusana aane, akuyochita chikozenyen. ⁶ Limbi lubo kusika kuhola lyakkumi alimwi wakazwa alimwi wakujana bamwi balimvvi katakw nchibalikuchita. ⁷ Wakati kulimbabo, 'nkambonzi nimwimvvi awa kamutakwe nchimulikuchita zuba lyoonse?' "Kulinguwe bakamba kuti, 'nkambo takwe pe watutambula mulimo.' "kulimbabo wakati, ánywebo lubo mwinke mumunda wamasansa." ⁸ Lino nilyakaba golezya, mwani muunda wakati kumpati wamulimo, 'Yita basikubeleka alubo ubape bulumbu bwabo, utangune abasyalizi umane akumutaanzi.' ⁹ Eelyo basimulimo bakanjila ahola lyakkumi alimwi bakeza, awumwi wabo wakatambula dinali. ¹⁰ Nibakeza basimulimo batanzi, bakalikuyeya kuti balatambula zyiingi, pesi abalabobo bakatambula dinali lyomwe awumwi. ¹¹ Nibakatambula bulumbu bwabo, bakasyoloka atala mwanimunda. ¹² Bakati, 'Aba basimulimo basyalizi babeleka biyo hola lyomwe, pesi mwabachitila bvukozyenie andiswe, iswebo nitwaminwa buzuba bonse alubo muzuba lyuumpa

obo.¹³ "Pesi mwanimunda wakavwiila umwi wabo wati, 'mwenzuma, takwe chibi nhindamuchitila. Temwazuminene andime na ku dinali lyomwe?¹⁴ Amubweze zyanu mwende enzila yanu. Ndasala kupa basimulimo basyalizi zikozyenie azyenu.¹⁵ Tazili mumulawu na kuchita mbuli m bwenjanda achintu changu? Wabasibbivwe na nkambo ndimwabi?"¹⁶ Nkinkako musyalizi uyoba mutanzi, amutaanzi uyoba musyalizi." Malembe aansiku mabotu takwe banji bayitidwe, pesi basalidwe mbache.¹⁷ Lino Jesu nakalikuya ku Jelusalema, wakabweza abalikkumi ababili kumbali, alubo munzila wakati kulimbabo,¹⁸ "Amubone, tuyobuya ku Jelusalema, alubo Mwana Muntu nkwayowabwa mumaboko abapayizi bapati abalembi basimulawu. Bayomutama kusikila kulufu¹⁹ alubo bayomutola kuli bamasi kuti bamuniake, akumuumu, akuyomubambula. Pesi mubuzuba bwatatu uyobusigwa."²⁰ Mpawo banyina babana balombe ba Zebbediya bakaza kuli Jesu abana babo. Wakafugama aansi kunembo lyakwe alubo wakakumbila chimwi chintu kulinguwe.²¹ Jesu wakati kulinguwe, "Niinzi ncholombozya?" wakati kulinguwe, "Layila bana bangu aba kuti bakkale, umwi kululyo umwi kulumwensi lwaluboko, mubwami bwako."²² Pesi Jesi wakasandula wati, "Tochizi nchokumbila. Ulakonzyana kunywa mukanywidu nkindaamba kunywa?" Kulinguwe bakamba kuti, "Tulakonzya."²³ Wakamba kuti kulimbabo, "Kanywido kangu mulakonzya kunywa. Pesi kukkala kululyo lwangu akuchimweensi tendime uupa pe, pesi nzizyabaabo bakabambilwa a Taata."²⁴ Elyo basikwiya bamwi balikkumi nibakachimvwa echi bakanyema kapati abaaba babunyina babilo.²⁵ Pesi Jesu wakabita kulinguwe akwamba kuti, "mulizi kuti bendelezi babamaasi balabendeleya, abalabo bapati baabo babulemu beyanisya nguzu zyabo alimbabo."²⁶ Pesi tazyelede kuti kube anzila eyo akati kenu. Anukuti, kufumbwa ulombozya kuba mupati akati kenu abe mulanda wenu,²⁷ alubo kufumbwa ulombozya kuba mutanzi akati kenu welede kuba mulanda wenu,²⁸ mbuli Mwana Muntu mbatakaziide kukutawukilwa, pesi kukutawuka, akupa buumi bwakwe mbuli muulo wabingi."²⁹ Nibakazwa ku Jelikko, inkamu mpati yakamutobela.³⁰ Kwakali balumi babili boofu bakakkede kumbali lyamugwagwa. Elyo nibakamvwa kuti Jesu walikiinda, bakopolola, "Mwami, Mwana Davida, ba aluzyalo andiswe."³¹ Mbungano yakaba kalalila, bababuzya kuti bawumune, pesi bakakwila chakwindiliila, "Mwami, Mwana Davida, ba luzyalo kulindiswe."³² Mpawo Jesu wakayima alubo wakita kulimbabo wati, "ninzi nchimulombozya kuti ndimuchitile?"³³ Bakaamba kuti kulinguwe, "Mwami, kuti meso esu ajulike."³⁴ Mpawo Jesu, kali wasungilizigwa aluzyalo, wakabaguma meso aabo, mpoonya awo bakatambula kubona akumutobela.

21

¹ Awo Jesu abasikwiya bakwe nibakasika ku Jelusalema alubo bakakusika ku Bbetipegi, kukalandu ka Olivusi, mpawo Jesu wakatuma basikwiya bakwe bobile,² wakati kuli mba, "Kamuya kumunzi ulikunembo, alimwi moyofwambana kubona donki lyangidwe nkuko, alubo akana kelyo. Mwawangunune mwalete kulindime.³ Kuti kwaba utabe achakwamba atala angawo, mukambe kuti, "Mwami ulayanda, alimwi oyo muntu uyofwambana kumupa ngawo."⁴ Lino kwakaba kuti ezyo zyakali zyambwa kwinda kumusinsimi zizuzikizigwe. Wakati,⁵ "Ambila mwana musimbi we Zioni, 'Langa, Mwami wanu ulaza kulindinywe, Ulibombede alimwi ultantide a donki, Akukana ka donki, mwana we donki."⁶ Mpawo basikwiya bakinka bakuchita mbunya Jesu mbwakabalayililide.⁷ Bakakuleta donki akana alubo bakabika zikobela zyabo a donki, alimwi Jesu Jesu wakakkala ajulu azikobela.⁸ Makamumakamu manji akayala zikobela zyabo mumugwagwa, alimwi bamwi bakagonka ntabi zyamisamu akuyobuyala mumugwagwa.⁹ Mpawo makamu akenda kunembo lya Jesu alubo abaabo bakali kuyobutobela kabayobopolola, "Hosana kumwana wa Davida!" Ulongezegwe ngoyo uuza muzina lya Mwami! Hosana kuli simajulu!"¹⁰ Elyo Jesu nakasaka ku Jelusalema, idolopo lyoonse lyakali lyanyonganisigwa akwamba kuti, "Ngwani oyu?"¹¹ Makamumakamu akasandula, "Oyu ngu Jesu musinsimi uzwa waku Nazaleta mu Galili."¹² Mpwo Jesu wakanjila munganda ya Leza. Wakaandilanze boonse abo bakali kuula akuuzya munganda ya Leza, alubo wakasandamuna matafula abasikuzizya mali alubo azikkalo zyababo bakali kuzya nziba.¹³ Wakati kulimbabo, "Kulilembedwe, 'Nganda yangu iyowambwa kuti nganda yakukambya; pesi mwayichita kuti ibe chikkalilo chababb."¹⁴ Mpawo mofu achilima bakeza kulinguwe munganda ya Leza, alubo wakabaponya.¹⁵ Pesi elyo bapayiza bapati alubo abalembi bamulawu nibakabona zintu nzyakachita, alubo elyo nibakamvwa bana balopolola munganda yaLeza alubo balamba, "Hosana kumwana a Davida, "bakaba akunyema kupati.¹⁶ Bakati kulinguwe, "Ulibamvwide na kuti balikutyeni Jesu wakati kulimbabo, "Iyii! Pesi

takwe nimwakabalide, 'kuzwa kumilomo yabana banini atunyonka wakabamba intembawuzyo?'¹⁷ Mpawo Jesu wakabasiya alubo akuzwa mudolopo lyabhetani akumana busiku nkuko.¹⁸ Lino kuseni wakayinka nakali kujokela kudolopo, wakali waba anzala.¹⁹ Nakabona mukuyu munsi lyamugwagwa, wakayinka kulinguwo akujana kakutakwe chintu kuli nguwo kunze kwamatu. Wakaamba kuti kulinguwo, "Kutakabi kuti kukabe michelo lubo kuzwa kulinduwe alimbi," alubo mponya awo mukuyu wakapusama.²⁰ Elyo basikwiya nibakawubona, bakagamba akwamba bat, "Ibyieni mukuyu wapusama mpawonyaawa?"²¹ Jesu wakasandula akwamba kulimbabo, "Masimpe ndamba kulindinye, na mulijisi lusyomo alubo kamutadoneki, tamukwe nimuyochita zyakachitwa amukuyu biyo pe, pesi moyowamba nikuba kuchilundu echi, "Zyukuka akuwalwa mulwizi; alubo ziyochitika.²² Kufumbwa nchimuyolomba munkombyo, chakuzumina, moyozitambula."²³ Elyo Jesu nakasika munganda yaLeza. Bapayizi bapati antomwe abapati babantu bakasika kulinguwe kali mukuyisya basikut, "Angu nzi nzyochitya zintu ezi, alubo ngwani wakakupa nguzu ezi?"²⁴ Jesu wakasandula akwamba kulimbabo, "Ambebo ndilamubuzya mubuzyo umwi. Na mwandambil, ndiyomwambila kuti nkunguzunzi nzindichitya ezi.²⁵ Lubabbattiyoz Iwajoni - nkukuli nkukwakazwa? Lwakazwa kujulu na kuti nkubantu?" Bakambuzyania akati kabo, bakati,²⁶ "Na tutedi, Luzwa kujulu," Ulamba kuti kulindisive, 'Nkambonzi mpo nimwakatamusyoma?' Pesi na tutedi nkubantu, tuyowa nkamu yabantu nkambo boonse babona Joni mbuli musinsimi."²⁷ Mpawo bakasandula Jesu alubo bat, "Tatuzi pe." Wakamba alimwi kulimbabo, "Nsikwe nensikamwambile ambebo kuti ninguzunzi nzindichitya azyozintu ezi.²⁸ Pesi moyuyaanza mwalumi wakali abana balombe bibili. Wakaya kumutanzi alubo wakati, "mwanangu, koya ukabeleke sunu mumunda wamasansa.²⁹ "Mwana wakasandula wati, "Tandiinki, pesi mukuya kwachiindi wakasandula mizezo yakwe wakinka.³⁰ Mpawo mwalumi wakaya kumwana wachibili akwamba chintu chikozyenie. Wakasandula wati, 'Ndilayinka, Ta; pesi takwe nakinka pe.³¹ Nguuli mubana babil abu wakachita kuyanda kwawisi?' Bakati, "Mutanzi." Jesu wakati kulimbabo, "Masimpe ndaamba kulindinye, basimutelo abasimamambe bayonjila mubwami bwa Leza kamutana kunjila.³² Nkambo Joni wakezu kulindinye minzila yabululami, pesitemwakamusyoma pe. Pesi basimutelo abasimamambe bakamusyoma. Pesi nywebo, nikuba elyo mwakazibona ezi, temwakeempwa mukuya kwachindi alubo temwakamusyoma.³³ "Amuswillile kuli ambi mambilambali. Kwakali umwi mwalumi, mukamwini munda wakabyala masansa, wakayaka lubaya alinguwo; wasikusya chikandilo mukati kawo, wayaka nganda yamujuju, alubo wakayiboleka kuli basikulima masansa. Mpawo wakaya kulichimwi chisi³⁴ Elyo chiindi chakutebulwa kwamasansa nichakasika, wakatuma bamwi bobelesi kuli basikulimina masansa kuti bakabweze michelo yakwe.³⁵ Pesi basikulimina masansa bakabweza bobelesi bakwe bawuma umwi, bajaya awumwi, alubo bamutulula mabwe.³⁶ Alubo, mwanimunda wakatuma bambi bobelesi bayingi kwinda batanzi, pesi basikulimina masansa bakabata zikozyenie.³⁷ Kwiinda awo, mwanimunda wakazotuma mwanakwe kulimbabo, kuti, 'Bayo mulemeka mwanangu.³⁸ "Pesi elyo balimi bamasansa nibakabona mwana, bakati akati kabo, 'Ngoyu sikukona. Mubole, muleke tumujaye akubweza lukono.³⁹ 'Nkinkako bakamubweza, bamusowela kunze amuunda akumujaya.⁴⁰ Lino elyo mwanimunda asika, ninzi nchayochita abo balimi bamasansa?"⁴¹ Bakati kulinguwe, "Uyonyonyona abo baalumi babuyo muli imwi nzila njumu, alubo uyobatandila aanze amuunda akubika bambi basikulimina masansa, bantu bayomupa chabilo chazilimwa kuchiindi chakuyebara."⁴² Jesu wakati kulimbabo, "Sena temwakabala mumalembe, libbwae bayaki ndibakakaka lyakachitwa munsemo. Echi chakazwa ku Mwami, alubo zilagambya mumeso esu?"⁴³ Nkinkako ndamba kuti kulindinye, bwami bwa Leza buyobweza kuzwa kulindinye akyupogewa kuchisi chiyopanga michelo yacho.⁴⁴ Kufumbwa uwida atala abbwe eli ulakutyoka kuba tumpanzu, pesi umwi ngulitawide atala ulakupwasuka."⁴⁵ Elyo bapayizi bapati aba Falisi nibakamvwa mambilambali akwe, bakamvvisisisya kuti wakalikwamba ataala ambabo.⁴⁶ Bakayandula kumwanga, pesi bakayoowa makamu abantu, nkambo bantu bakali mujisi mbuli musinsii.

22

¹ Jesu wakambula lubo kulimbabo mumambila mbali wakati, ² "Bwami bwakujulu buli mbuli umwi mwami wakabambila ipobwe lyakukwtatana lyamwanakwe. ³ Wakatuma bobelesi bakwe kuyoyita abo bakatambidwe kuti baze kupobwe pesi tebakasika. ⁴ Alimwi mwami wakatuma bambi bobelesi, kuti, bambile aabo batambidwe, "Mulange, ndabambilila chisusulo chabasune bangu angombe zyangu zinenede zyajayigwa, alubo

zintu zyoonse zyabizwa. Muze kupobwe lyalukwatano.”⁵ Pesi tebakaswila pe alimwi bakainka, umwu kumunda wakwe mupati, awumwi kumakwebo akwe.⁶ Bamwi bakajata babeledi ba Mwami, bakabajata enzila ifwisya nsoni, akubajaya.⁷ Mwami wakanyema, akutuma basilumamba bakwe akuyonyonyona aabo bajayi akubawumpila dolopo lyabo.⁸ Mpawo wakati kubabeledi bakwe, kuswanizigwa kwazulila, pesi abo bakatambidwe tebakali kwelela.⁹ Aboobo kamuya mumanzanino anzila akuyotabwa bantu banji kupobwe lyakukwatana mbuli mbimutajane.¹⁰ Babelesi bakayinka enzila akubunganya antomwe bantu boonse mbibakajana, bonse babi ababotu. Nkinkako nganda yepobwe lyakukwatana yakazozula abantu.¹¹ Pesi Mwami nakasika mukati kuzolanga batambidwe, wakabona kakuli mwalumi wakatazwete zizwato zyapobwe lyalukwatano.¹² Mwami wakati kulinguwe, Mwenzuma, wanjila byeni omuno kotasamide zizwato zyapobwe lyalukwatano? Pesi mwalumi wakabula alyakwamba.¹³ Mpawo mwami wakati kubabeledi, ‘mumwange mwalumi oyu kumaboko akumawulu, alubo mumusowele aanze mumudima, oko kunoli kulis akuluma ntwino.’¹⁴ Nkambo mbingi bantu batambidwe, pesi mbache biyo basalidwe.¹⁵ Mpawo baFalisi bakinka akuyobamba mbubatamuche Jesu kuzwa kungambwido yakwe.¹⁶ Mpawo bakatuma kulinguwe basikwiya babo, antomwe abaka Helodiya. Bakati kuli Jesu, ‘Ómuysi, tulizi kuti uli wakasimpe, alubo kuti uyiisa nzila yaLeza mubwini. Tomvvi miyeyo yawumwi pe alubo totondezya kusianisya pe akati kabantu.¹⁷ Mpo kotwambil, uyeyanzi? Zili mumulawu na kubbada mutelo kuli Siza na pe?’¹⁸ Pesi Jesu wakamvvisisysisi bubi bwabo wakati, ‘Nkamponzi nimundisunka, nywebo nobasikuupawupa?¹⁹ Munditondezye mali yabbwe yamatelo.’ Mpawo bakamwetela dinali kulinguwe.²⁰ Jesu wakati k ulimbabo, ‘Ngwani ulachechi chikozyanisy e zina?’²¹ Bakasandula kuti, ‘nzizya Siza.’ Mpawo Jesu wakati kulimbabo, ‘alimwi amupe Siza zintu zya Siza, alubo kuli Leza zintu zya Leza.’²² Elyo nibakazimvwa, bakagamba. Mpawo bakamusiya akwenda.²³ Mubuzuba oobo bamwi ba Sadusi, abo baamba kuti takwepe bubuke bwabafu, bakeza kulinguwe. Bakamubuzya,²⁴ kabati, ‘Muyisyi, Mozesi wakatedi, “Na mwalumi wafwa, kataside bana, mukulana wakwe welede kukwata banakwe akumujanina bana mukulana wakwe.²⁵ Kwakali bakulana bali musanu ababili. Mutanzi wakakwata mpawo wakafwa katasiide bana, wakasiya mwanakazi wakwe kumwanike wakwe.²⁶ Alimwi alakwe mwanike wachibili wakachita chintu chikozyania, mpawo awatatu, mulongo woonse kusikila kuli wamusau ababili.²⁷ Kwinda kwabo boonse, mwanakazi wakazofwa.²⁸ Lino kububuke bwabafu, ngwani utakabe mwani mwanakazi mubakulana bali musanu ababili? Nkambo boonse bakali mukwete.’²⁹ Pesi Jesu wakbasandula akuti kulimbabo, ‘Nywebo muliswekede, nkambo tamuzi malembe naa inguzu zya Leza.³⁰ Nkambo mububuke bwabo takwe nekuba kukwata nikuba kukwatisigwa. Anukuti, bayoba mbuli baangelo bali kujulu.³¹ Pesi atala abubuke bwabafu, temwakabala na zyakaambwa kulindinywe a Leza, kuti³² Ndime Leza wa Abbulahamu, Leza wa Ayizeki, alimwi Leza wa Jakobo? Leza teensi Leza wabafwide, pesi waba pona.’³³ Eelyo makamu nakamvwa eezi, bakagamba kunjiisyo zyakwe.³⁴ Pesi ba Falisi nibakamvwa kuti Jesu wakawumuzya ba Saduki, bakalibungania lwabo beni antomwe.³⁵ Umwi wabo, uyiide zyamulawu, wakamubuzya mubuzyo, kumusunka -³⁶ ‘Muyisi, nuguuli mulayizyo mupati mumulawu?’³⁷ Jesu wakati kulinguwe ‘Yanda Mwami Leza wako a moyo woonse, alubo amiyevo yako yoonse.’³⁸ Oyu ngomulazyo mupati alubo ngomutanzi.³⁹ Alimwi awabili mulayizyo ulimbuli oyu - Yanda mwenzinyokwe mbuli mboliyanda lwako.⁴⁰ Amilawu eyi ibili mpokuzulila mulawu woonse abasinsimi.⁴¹ Lino ba Falisi nibakachibungene antomwe, Jesu wakababuza mubuzyo.⁴² Wakati, ‘muyeeyanzi aatala a Kkilisito? Mwana wani?’⁴³ Bakamusandula, ‘mwana wa Devidi.’⁴⁴ Jesu wakati kulimbabo, ‘Biyeni mpo Devidi mumuuya ulamwita kuti Mwami, kaamba,⁴⁴ ‘Mwami wakati ku Mwami wangu. ‘Kkala kuluboko lwangu lwachilisyo, kusikila ndayitie basinkonyokwe chikkalilo chamawulu ako?’⁴⁵ Kuti Devidi wakita Kkilisito kuti ‘Mwami,’ nkamponzi nali mwana wa Devidi?’⁴⁶ Takwe wakakonzya kumusandula jwilyomwe, alubo takukwe wakachili kuyanda kumubuzya imbi mibuzyo kuzwa elyo zuba.

23

¹ Mpawo Jesu wakambuula kubbunga lyabantu alimwi akuli basikwiya bakwe.
² Wakan, ‘Balembi aba Falisi bakkala muchuno cha Mozesi.³ Nkinkako kufumbwa nhichibamulayilila kuchita amuchite nzizyo akuzibeleva. Pesi mutakatobeleyi inchito zyabo pe, nkambo baambula zintu nzibatachiti pe.⁴ Iyii, balabamba mitolo miyumu kukwinyampula, alimwi balabikkala amakkuko aabantu. Pesi bo lwabo tabanyampuli

pe kanwe kabo kuti banyampule.⁵ Balachita zyoonse nzibachita kuti babonwe abantu. Balalichitila zipati alimwi balakomezya myoombe yezibaki zyabo.⁶ Bayanda zyuuno zyabapati kumapobwe alimwi azyuuno ezyuuno zyabapati muzikombelo,⁷ alimwi bayanda injuzyo zilikabotu muzisambalilo, alimwi akwiitwa kuti 'Mwami'abantu.⁸ Pesi inywebo tamwelede pe kwitwa kuti 'Mwami' nkambo mulijisi umwi alimwi nywebo moonse mulibabunyina.⁹ Alimwi mutayiti muntu anyika ansi aano kuti Taata, nkambo mulawe omwe Taata, alimwi ulukujulu.¹⁰ Nikuba kuti ngamulategwa muiyiisi, nkambo mulijisi muiyisi umwi lutzut, Kkilisitu.¹¹ Pesi oyo mupati akati kenu uyoba mulanda wenu.¹² Nikuba nabaani ulisumpula uyofwinsigwa, alimwi nikubaani ulifwinsya uyosumpulwa.¹³ Pesi maawe kuli ndinywe, nobalembi alimwi abaFalisi, nobasikuupawupa! mulajala abwami bwakujulu kubantu.¹⁴ Nkambo tamunjili pe nywebo, alimwi tamukwe nimubazumizya aabo abayanda kunjila kuti banjile.¹⁵ Maawe kulindinywe, nobalembi alimwi nobaFalisi, basikuupawupa! nkaambo muulya zintu zili mumaanda abamukabafu kamukomba nkombyo ndamfu. Muyotambula mulandu mupati. Maawe kulindinywe, nobalembi alimwi nobaFalisi, basikuupawupa! Nkambo mulayinka akulwizi alimwi akunyaika kuti mukasandule muntu umwi, alimwi na waba oyo umwi, ngawarmuchita tubili kuba mwana wegehena mbuli ndinywe.¹⁶ "Maawe kuli ndinywe, nobeenzyi baboofu, inywe nimuti, "Ooyo ukonka antempele takwe pe. Pesi oyo ukonka angolida zyantempeli, ulangidwe kuchizuminano chakwe."¹⁷ Inywe noboofu bafubafuba! Niinzi chipati, ingolida nikuba ntempeli eyo ichita ngolida kuti isalale?¹⁸ Alimwi, oyo ukonka kuchipayililo, takukwepe. Pesi oyo ukonka echo chili achipayililo, ulaangidwe kuchizuminano chakwe.¹⁹ Inywe nobantu boofu, Niinzi chipati, ichipo nikuba chipayililo eecho chichita kuti ichipo chisalale?²⁰ Eelyo, oyo ukonka kuchipayililo ukonka nchiicho alimwi azyoonse ezyo zili alinchicho.²¹ Oyo ukonka kuntempeli ukonka njiiyo alimwi ayooyo ukkala mukati.²² Alimwi ayooyo ukonka akyujulu ukonka achuuno chabulemu bwa Leza alimwi ayooyo ukkala alinchicho.²³ Maawe kulindinywe nobalembi alimwi anoba Falisi basikuupawupa! Nkambo mulapayizya chakumi chazisyu zyachinsyungwa abbonko akanyansya, pesi mwasiya akutachita zintu zipati ezyo zyaamba mulawu- bwendelezi buboto alimwi aluzyalo mpawo alusyomo. Pesi eezi mwalelede kuti naka mwazichita alimwi akutasiya nikuba chimwi chanzizyo.²⁴ Inywebo nobasikwenzya boofu, mulatingwa akawuka pesi mumena inkamela!²⁵ Maawe kulindinywe, nobalembi alimwi aba Falisi, basikuupawupa! Nkaambo musanza inkomeki kunze kwayo mpawo andyido, pesi muzili mukati zilizwide kutangala akutayendelezegwa kabotu.²⁶ Inywe noba Falisi boofu! Musanzye muzili mukati nkomeki sansina amukati kandyido, kuchitila kuti kunze kusambe akulako.²⁷ Maawe kulindinywe, nobalembi aba Falisi basikuupawupa! Nkaambo mulimbuli tubanda tulambidwe amilambo ituuba, eezyo zilangiika kubota anze, pesi mukati zizwide mafuwa abantu bakafwa alimwi azyoonse zyamudima.²⁸ Munzila njiiyeeyo, anywebo aanze kwanu muli mbuli bantu baluleme kubantu, pesi mukati mulizwide kuupawupa ameso alimwi abubi.²⁹ Maawe kulindinywe, nobalembi aba Falisi, basikuupawupa! Nkaambo mulayaka tubanda twabasinsiimi alimwi akubotezya tubanda twabaluleme.³⁰ Mwamba kuti, "Kwanoli twakaliko mumazuba abamataata, nikuli tettakabape mulibaabo bakatila bulowa bwabasinsiimi."³¹ Nkinkaako mulalyaamba nobeeni kuti muli bana babaabo bakajaya basinsiimi.³² Alimwi mwazuzikizya bulemu bwabamawuso.³³ Inywe nobazooka, inywe nobana bachipile, muyokuchija biyeni kubetekwa kwagehena?³⁴ Nkambo kako, amubone, ndamutumina basinsiimi abalumi basongo alimwi abalembi. Bamwi babo moyobajaya akubagankamina, alimwi bamwi moyobakwipawula muzikombelo zyenu alimwi moyobatanda kuzwa kumunzi akumunzi.³⁵ Impindu njakuti andinywe kuyozwa bulowa boonse bwabataluleme oobo bwakatika enyika, kuzwa kubulowa bwa Abbelu mululami, domane kubulowa bwa Zakkaliya mwana wa Bbelekkija, oyo ngumwakajaya akati kantempeli achipayililo.³⁶ Kasimpe ndamwambila, zintu eezi zyoonse ziyozida aabo bapona sunu³⁷ "Jelusalema, Jelusalema, inywe nimujaya basinsiimi alimwi akudonkola aabo batumwa kuli nduuwe! Ndakaliswini kuyanda kubunganya bana bako antoomwe, mbuli inkuku mbifukatila twana twayo munsi lyamababa ayo, pesi tewakazumina pe!"³⁸ Amubone, nganda yenu yachaala kulindinywe yaba mbulitongo.³⁹ Alimwi ndamwambila, tamuchizondiboni pe kuzwa lino dokusikila mukaambe kuti, uulachoolwe oyo uuza muzina lyu Mwami."

24

¹ Jesu wakazwa aanze achikombelo weenda. Basikwiya bakwe bakeza kulinguwe kuzomutondezya mayake achikombelo. ² Pesi wakabasandula watu kulimbabo, "Tamu-

ibwene pe zintu eezi zyoonse? Nkasimpe ndamwambila, takukwe ibbweliyochala atala alimwi litakwe kuyobwalwa aansi.”³ Nakachikkede atala lyechilundu cha Olivusi, basikwiiya bakamusikila kumbali bati, “twambile, ndilili nikuyochitika zintu eezi? Ninzi chiyoba chitondezyo chakuboola kwaako alimwi amamanino anyika?”⁴ Jesu wakabasandula wati kulimbabo, “Amuchenjele kuti kutabi umwi umusowa.⁵ Nkaambo kuyozwa bayingi muzina lyangu. Bayowaamba kuti, ‘ndindime Kkilisito, álimwi bayosowa bantu bayingi.⁶ Muyomvwa nkondo azyaambo zyankondo. Amukalange kuti zitakamukatazyi pe, alimwi eezi zintu zyelede zichtike; pesi mamanino katanakuba pe.⁷ Nkambo inyika iyobukila nyikanyina, alimwi bwami abwaminyina. Kuyoba nzala alimwi amuzuzumina wenyika mumabazu asiyene siyene.⁸ Pesi zintu ezi zyoonse matangunino biyo amachise amuntu sikutumbuka.⁹ Elyo bayomutola kukwezegwa akuyomujaya. Muyosulwa enyika zyoonse akambo kezina lyangu.¹⁰ Eelyo bantu bayingi bayobukilwa, alimwi akwaba umwi awumwi akusulana umwi awumwi.¹¹ Basinsiimi bayingi babeji bayoza akuzosowa bayingi.¹² Nkambo bupapi buyovula, luyando lwabayiongi luyotontola.¹³ Pesi oyo uyokakatila kusikila kumamanino uyofutulwa.¹⁴ Ayamakanai mabotu abwami ayokawukwa munyika yoonse mbuli bukamboni kumanyika oonse. Eelyo mamanino ayosika.¹⁵ “Lino, nimuzobona chisesemyo chisisidwe, chaakambwa a Daniyele musinsiimi, kayiimvi mubusena busalala” (ooyo ubala amvvisisisye).¹⁶ Amuchite kuti aabo balimuJudiya bachijile kuzilundu,¹⁷ ooyo uli achiluli changanda ataseluki aansi kuzobweza nikuba chimwi chintu chilimunganda,¹⁸ alimwi amuchite oyo ulimumuuanda aleke jukokela kuzobweza chakusama chakwe.¹⁹ Pesi maawe kubabo bamintide akuli baabo banyonsya bana mumazuba aayo!²⁰ Amukcombe kuti kuchija kwenu kutakabi muchindi champeyo nikuba mubuzuba bwasabata.²¹ Nkambo kuyoba mapenzi mapati loko, aayo atana kubonwa pe kuzwaida kumasanganino anyika kuzosikila lino, pe, takwe nikuzoba zili mbubobu pe.²² Nakuti mazuba aayo pesi afwingsigwa, tekwali kunooba naba muntu walikuzofulwa. Pesi nkambo kabasale aayo mazuba ayofwingsigwa.²³ Lino kuti umwi muntu wamba kulindinywe kuti, ‘Langa, ngoyu Kkilisito!’mutakamuzuminini pe akuzisyoma.²⁴ Nkambo baKkilisito bakubeja abasinsimi babeji bayosika akuchita malele mapati azigambyo, kuti balesye, nikuba, aabo basale.²⁵ Amubone, ndamwambila kazitana kuchitika pe.²⁶ Lino kuti baamba kuti kulindinywe, ‘Mulange, ulimunkanda, ‘mutakayinki pe oko kunkanda. Nikuba kuti, ‘mulange, mwali munganda zyamukati, ‘mutakasyomi pe.²⁷ Mboli lulabi mbulumweka kuzwa kubuzwezuba alimwi lulamvwiikkila koonse kusikila kububbila, oko kuyoba nkuboola kwa Mwana Muntu.²⁸ Oko kuli munyama ufwide, nkukubungene makubi.²⁹ Pesi mpawapo kwakumana mazuba amapenzi aya izuba liyosiya, mweezi tuchiko kuyopa mumuni pe, inyenyezi ziyoowa kuzwa kujulu, alimwi manguzu ejulu ayotkinisigwa.³⁰ Lino chitondezyo cha Mwan a Muntu chiyoboneka mujulu, alimwi misyobo yoonse iyolila. Bayomubona Mwana a Muntu kalikuza atala lyamayoba akujulu anguzu alimwi abulemu bupati.³¹ Uyotuma baangelo bakwe akulila kwamweembo, alimwi bayobunganya antomwe basale bakwe kuzwa kumabazu aane, kuzwa kumpela imwi kuyosika kumpela yomwe yakujulu kusikila kuliimwi.³² Amwiye chiiyo kuzwa kumukuyu. Aawo mutabi nuuba muiteete akusyuuka matu, ngamwaziba kuti mayiinza abafwifwi.³³ Lino zilikozyenie, naa mwabona zintu ezi zyoonse, mweelede kuziba kuti waba afwifwi, amulyango loko.³⁴ Nchobeni ndamwambila, izyalani eeli talikoyomana pe kazitanachitika pe zintu eezi.³⁵ Ijulu anyika ziyomana, pesi majwi aangu takwe natakamane pe.³⁶ Pesi takukwe uuzi buzuba nikuba chiindi niziyochitika eezi, nikuba baangelo bakujulu, nikuba Mwana a Muntu, pesi Taata alike.³⁷ Mboli kumazuba a Nowa, mbukuyooba kubola kwa Mwana a Muntu.³⁸ Mboli kumazuba kakutana boola zambangulwe bakali kulya alimwi akunywa, kabakwatana akukwatanisigwa kusikila kubuzuba Nowa mbwakanjila mubwato,³⁹ alimwi takukwe anchibakalizi pe kusikila izambangulwe lyabatola - lino mbukuyoba kusika kwa Mwana a Muntu.⁴⁰ Eelyo bantu bibili banoli mumuunda - umwi akati kabo uyobwezegwa, alimwi umwi uyosiigwa.⁴¹ Banakazi babili banoli kabaziiya aziyyo - umwi akati kabo uyobwezegwa, alimwi umwi uyosiigwa.⁴² Nkinkaako amuchenjele, nkambo tamuzi pe buzuba Mwami wenu nayoboola.⁴³ Pesi amuzizibe eezi, kuti kwanoli mwani nganda walizi chindi akati kamansiku sikubba namusikila, walikuno lindide alimwi talikunoleka nganda yakwe pe kuti itululwe.⁴⁴ Nkinkaako anywebo mulelede kulibambilila, nkambo Mwana Muntu uyobola muchiindi nchimutolangilide pe.⁴⁵ “Lino nguuli mulanda usyomekede alimwi kalimusongo ooyo wakabikwa asimalelo wakwenkuti abaambe nganda yakwe kuchitila kuti abape chakulya kuchiindi cheelede?⁴⁶ Uli achoolwe ooyo mulanda uyojanwa kachita oobo.⁴⁷ Nkasimpe, ndamwambila kuti simalelaakwe uymubika kuti akabambe zintu zyoonse.⁴⁸ Pesi mulanda mubi kuti waamba eezi mumoyo

wakwe, 'Simalelaangu wanonoka,⁴⁹ alimwi akatangune kuuma balanda bakwe, alimwi kulya akunywa azidakwa,⁵⁰ lino simalelaakwe ooyo mulanda uyoysika mubuzuba ooyo mulanda mpatalibambilide pe alimwi achindi nchatazipe.⁵¹ Simalelaakwe uzomugonkola goonkola akumwaaba kubusena kuti bakabe aamwi abasikuupawupa, ooko kuyoba kulila akuluma ntwoo.

25

¹ Lino bwami bwakujulu buyokozyanisigwa abasimbi balikkumi bakabweza malampi aabo alimwi bayinka kuyochinga simusa. ² Balimusana baabo bakali bafubafuba alimwi balimusana bakali basongo. ³ Aawo basimbi bafubafuba nibakabweza malampi aabo, tebakabweza pe mafuta aabo. ⁴ Pesi basimbi basongo bakabweza mafuta aabo muzibikilo. ⁵ Lino simusa wakanonoka, boonse bakaguna alimwi bakoonaa. ⁶ Pesi akati kabusiku kwakamvwigwa ikongolola, Ámulange, simusa! Amuzwe aanze alimwi mukamuchinge akumutambula. ⁷ Éelyo basimbi boonse bakabuka alimwi bayasya malampi aabo. ⁸ Bafubafuba bakaamba kuti kubasongo, 'mutwabile amwi mafuta aauu nkambo malampi esu azima.' ⁹ 'Pesi bo basongo bakasandula kuti, 'mbokunga takotukwanina swebo andinywe, amwinke kuli baabo basambala alimwi mukalyulile eenu nobeni. ¹⁰ Áawo nubakachili kukuyowula, simusa wakasika, alimwi aabo bakalibambilide bakayinka aawe kupobwe, alimwi imulyango wakajalwa. ¹¹ 'Kumane boobu bamwi basimbi abalabo bakaboola alimwi baamba kuti, "Simalelo wesu, Simalelo wesu, tujujile.' ¹² "Pesi wakabasandula alimwi wakati, 'Nchobeni ndamwambila, tandimuzi pe. ¹³ Nkinkaako amuchenjele, nkambo tamulizi izuba nikuba ichindi. ¹⁴ "Zyakozyania amwalumi wakali awifwi akuya munyika iimbi. Wakayita balanda bakwe alimwi wabaabila buvubi bwakwe. ¹⁵ Umwi wakamupa matalenta alimusana, mpawo umwi wakamupa aabili, alimwi umbi lubo wakamupa limwi talenta. Umwi awumwi wakatambula eecho chendelana ambuli mbakonza, mpawo mwalumi ooyo wakeenda mulweendo lwakwe. ¹⁶ Ooyo wakatambula matalenta alimusana wakeenda wakubuka akwabelesya mpawo wakabbindawuka ambi alimusana. ¹⁷ Mbuboobo, oyo wakatambwide aabili alakwe wakabbindawuka wajana aambi aabili. ¹⁸ Pesi oyo mulanda wakalalimwi wakeenda, wakusya kkomba mulubuwa, alimwi wakasisa mamali asimalelaakwe. ¹⁹ Lino mumazuba simalelo wabalanda aaba boonse wakaboola wazolangalanga myeelwe yabuvubi antomwe ambaboo balanda bakwe. ²⁰ Mulanda oyo wakatambwide matalenta alimusana wakaboola alimwi weeta aambi alimusana. Wakamba kuti, 'Simalelo wangu, Langa, ndakakubbindawuka aambi alimusana. ²¹ "Simalelaakwe wakati kulingue, 'wakachita kabotu, iwe nomulanda mubuto alimwi usyomeka! Walikusyomeka muzintu ziche. Ndiyokubika kuti ukeendelezye zintu zyiingi. Njila mubusekelezi bwasimalelaako.' ²² "Ooyo mulanda wakatambwide matalenta aabili wakaboola waamba kuti, 'Simalelo wangu, wakandipa matallenta aabili. Langa, ndakabbindawuka aambi abili lubo. ²³ "Simalelo wakwe wakati kuli nguwe, 'wakachita kabotu, iwe nomulanda mubuto alimwi usyomeka! Walikusyomeka muzintu ziche. Ndiyokubika kuti ukeendelezye zintu zyiingi. Njila mubusekelezi bwasimalelo wako.' ²⁴ "Eelyo oyo mulanda wakatambwide talenta lyomwe wakasika alakwe wati, 'Simalelo wangu, ndilikwizi kuti ulimwalumi ukalala. Ulatebulu mpotabyalide, alimwi ulatebulu mpotakwe niwamwaya. ²⁵ Ndakayoowa, lino ndakeenda mpawo ndakusiisa talenta munyika. Langa ndeeli lyako ndabozya. ²⁶ "Pesi Simalelaakwe wakamusandula wati kulingue, íwe nomulanda mubi alimwi mutolo, wakaziba kuti ndilatebulu aawo mpontatabyalape alimwi ndilatebulu aawo mpontitamwayide pe. ²⁷ Nkiinkaako wakeelede kupa mamali kulibasikulondola, alimwi kukuyobola kwangu ndakati kunobweza aangu antoomwe ayaayo alikunozyalwa. ²⁸ Nkiinkaako amumubwezele talenta alimwi mulipe ooyo mulanda ulamatentla alikkumi. ²⁹ Mpawo kuli umwi awumwi weeta zyiingi uyopegwa, alimwi uyooba azyiingi. Pesi kuliyooyo utayeti chintu, uyonyanzigwa nikuba eecho nchajisi. ³⁰ Mumubwale mumudima ooyo mulanda utakwe anchabede, omo mulikulila alimwi akuluma ntwoo.' ³¹ "Eelyo Mwana a Muntu nayoboola mubulemu alimwi abaangelo bakwe boonse, uyokkala achiuno chakwe chabulemu. ³² Kuyobunganisigwa misyobo yoonse, alimwi uyopambula bantu umwi akulumwi, mbuli mwembeli mbwapambula imbelele kuzwa kumpongo. ³³ Uyobika mbelele kuchilisyo chakwe, pesi mpongo kuchimweensi chakwe. ³⁴ Eelyo Mwami uyowamba kuli zeezyo zitanoli kuchilisyo kuti, 'Muze, inywe nimulongezezegwe a Taata, amujane bwami oobo mbumwakabambilidwe kuzwa kumatalikilo anyika. ³⁵ Nkaambo ndakali enzala alimwi mwakandipa chakulya.' ndakali enyota alimwi mwakandipa chakunywa.' ndakali mwenzu alimwi mwakandinjiza mungánda.' ³⁶ ndakali chintanda alimwi

mwakandisamika.' ndakali kuchiswa alimwi mwakandisilika.' ndakali mujele alimwi mwakandiswaya.'³⁷ Éelyo baluleme bayosandula alimwi kabati, 'Mwami, ndilili nitwakakubona koli enzala alimwi twakakusanina? Nikuba nyota alimwi twakakupa meenda?'³⁸ Ndilili nitwakakubona koli mwenzu alimwi twakakutambula akukunjizya? Nikuba chintaanda alimwi twakakusamika?³⁹ Alimwi ndilili nitwakakubona kochiswa nikuba muntolongo alimwi twasika kulinduwe?'⁴⁰ "Eelyo Mwami uyosandula alimwi uyoti kuli mbaabo, 'Nchobeni ndamwambila, nzimwakachitila kumunini wabakwesu, mwakazichitila ndime.'⁴¹ Eelyo uyoti kuli baabo batanoli kuchimweensi chakwe, 'Muzwe kuli ndime, inywe nimutukidwe, munjile mumulilo utamani ooyo ubambilidwe Satani abaangelo bakwe,⁴² nkambo ndakali enzala, pesi temwakandipa pe chakulya; ndakali enyota, pesi temwakandipa pe meenda;⁴³ ndakali mweenzu, pesi temwakandinjizizye pe mungánda; ndakali chintanda, pesi temwakandisamika pe; ndakali kuchiswa alimwi nikuba nindakali muntolongo, pesi takwepe nchimwakayeeya andime.'⁴⁴ "Mpawo abalabo bayosandula alimwi kabati, 'Mwami ndilili nitwakakubona koli enzala, nikuba nyota, nikuba koli mwenzu, nikuba chintanda, nikuba kochiswa, nikuba koli muntolongo, alimwi twakaleka kukubeleka?'⁴⁵ "Eelyo uyobasandula kuti, 'Nchobeni ndamwambila, nzimwakatachitila abo banini babaaba, temwakazichita pe kulindime.'⁴⁶ Aaba bayonjila muchisubulo chitamani, pesi baluleme bayonjila mubuumi ibutamani."

26

¹ Lino chakaba kuti Jesu nakamana majwi aya oonse, wakati kuli basikwiya bakwe, ² "Mulizi kuti kwayinda mazuba abili pobwe lyakwindilila ngalyasika, e; yo Mwana Muntu waabwa kuti akagankaminwe."³ Mpawo mupayizi mupati abapati bamwi babantu bakali bungene aantomwe mungánda yamuapyizi silutwe, wakalikutegwa ngu Kkayafasi.⁴ Bakalangula inzila isisikene kabali antomwe kuti bamwange Jesu chakumubba akuyomujaya.⁵ Nkambo bakali kwamba kuti, "kutabi chiindi chapobwe litakwe bumena, kuti kutabi kunyongana akati kabantu."⁶ Lino Jesu nakali mu Bbetani mungánda ya Sayimoni sichinsenda,⁷ Nakalikulya atafula, elyo kwakasika mwanakazi wakajisi cinkulu wamaftua adula, elyo wakatila Jesu amutwe⁸ Pesi basikwiya bakwe nibakaziba, bakabilila alimwi bakati,⁹ "Ninzi chapa kuti aanyonyone obu? Ayaa alikuzigwa amali inyigi akuyopa bachete."¹⁰ Pesi Jesu nakaziba echii wakati kulimbabo, "Nkambonzi nimumukatazya mwanakazi ooyu? Nkambo wandichitila chintu chibotu.¹¹ Bachete mulaabo chiindi chonse, pesi tamukoyooba andime pe chindi choonse.¹² Nkambo impatila mafuta aya amubili wangu, wazichitila kuzikwa kwangu¹³ kasimpe ndamwambila kuti kufumbwa nkwayokambawukwa makani mabotu, munyika yoonse echii nchaachita mwanakazi oyu chinoyowambwa kuti bakamwibaluke.¹⁴ Mpawo umwi wabali kkumi abobili, wakali kuteghwa Judasi sikaliyoti, wakayinka kumupayizi mupati¹⁵ Alimwi wakati, "Ninzi nchimuyanda kundipa kuti ndimwabe kulindinywe?" Bakazuminana makumi ataatu ansiliva kuti bamupe.¹⁶ Kuzwa kuleechochindi wakalangula mwenya wakumwaba kulimbabo.¹⁷ Lino mubuzuba butaanziwbachinkwa chitakwe bumena basikwiya bakaza kuli Jesu akumwambila kuti, "Nkukuli nkoyanda kuti tutakubambilile kuti ukalye pobwe lyakwindilila?"¹⁸ Wakamba kuti, "Ngamwinke mumyuunzi kuli umwi mwalumi akumwambila kuti, "Muyisi wati, "chindi changu chaba mumaanza. Ndiyobamba ipobwe lyakwindilila kungánda yako abasikwiya bangu.¹⁹ Basikwiya bakachita mbuli Jesu mbwakabalayilila, alimwi bakakubamba kulya kwapobwe lyakwindilila.²⁰ Lino nichakaba chindi chagoko, wakakkala aansi kuti alye abasikwiya balikkumi abobili.²¹ Awo nibakali kulya, wakabambilila kuti, "Nkasimpe ndamwambila kuti umwi wanu uyondaaba."²² Bakawusa kapati, elyo umwi wakatalika kumubuzya kuti, "Zyanchonzyo tendime na Mwami?"²³ Wakasandula kuti, "Ngumwi oyo unika kuboko kwakwe andime mukabbavu ngongue uyondaaba.²⁴ Mwana Muntu uleenda, mbulo mbukuleembedwe atala anguwe, pesi maawe kulooyo muntu uwaaba Mwana a Muntu! Chalikubota kuloyo muntu natakazyalwa."²⁵ Judasi oyo wakali wakayanda kuyomuuzya wakati, "Ndime na, Mwami?" wakamwambila kuti, "walyambila oliske."²⁶ Kabalimukulya, Jesu wakabweza chinkwa, wachilongezya, akuchikwamuna. Wakachipa basikwiya akubambilila kuti, "Mubweze, mulye. Ooyu ngomubili wangu."²⁷ Wakabweza nkomeki akulumba, alimwi wakabapa akwamba kuti, "Munye, moonse.²⁸ Nkambo obumbulowa bwangu bwachizuminano butililwa bayingi kuti balekelelwe zibi.²⁹ Pesi ndimwambila kuti, tandi koyonywa limbi muchelo wamasansa, kusikila mubuzuba obo mbwintakanywe bupya andinywe mu Bwami bwa Taata."³⁰ Lino nibakazwa kwimba lwiimbo, wakayinka kuchilundu chama oliva.³¹ Mpawo Jesu wakabambilila kuti, "moonse moyolebwa mansiku aano nkambo kandime,

nkambo kuli lembedwe kuti, Ndiywoma mwembeli alimwi butanga bwambelele buyomwayika.³² Pesi musule ndakubusigwa, ndiyomusangunina kuya mu Galili.”³³ Pesi Pita wakati kulinguwe, “Nekuba boonse balebwa nkambo kanduwe, mebo andike tandikoyolebwa pe.”³⁴ Jesu wakamwambila kuti, “chakasimpe ndakwambila kuti, busiku mbubobuno, mukombwe katana kukokolika, unoli wandikaka tutaatu.”³⁵ Pita wakamwambila kuti, “Nikuba kufwa anduwe ndilakonzya, nsikoyokukaka pe. “Boonse basikwiya bakamba chomwe.”³⁶ Mpawo Jesu wakinkabu kubusena ibutegwa Gesemane alimwi wakati kuli basikwiya bakwe, “Amukkale aano ninchiya kukukomba.”³⁷ Wakabweza Pita abana ba Zebbedi babili antoomwe anguwe alimwi bakatalika kuba amawuse aku katazika.³⁸ Mpawo wakati kuli mbabo, “Muuya wangu wawusa kapati, nikuba kusikila akulufu. Amuchale ano alimwi mulindile.”³⁹ Wakayinka anembo kulekule, wakakotamika busyu bwakwe, akukomba wakamba kuti, “Taata, na chakonzeka, nkomeki eyi ngindiinde. Pesi, kutabi kuyanda kwangu, pesi kube kuyanda kwako.”⁴⁰ Wakaboola kuli basikwiya akubajanabalimukooona, alimwi wakati kuli Pita, “Niinzi, sa tamukonzyi kulindila andime hoola limwi?”⁴¹ Amulindile akukomba kuti mutanjilimukusunkwa. Nchoonzyo Muuya ulayanda, pesi mibili wezuuka.”⁴² Wakayinka lwachibili akuyokoomba. Wakamba kuti, “Taata, kuti echi tachikonzeki kwinda kumbali kwakuti ndinywe, kuyanda kwako kuchitwe.”⁴³ Wakaza lubo wazobajana balikoona, nkambo meso aabo akali alema.⁴⁴ Wakabasiya lubo, wakayinka akuyokoomba kachitaatu, kayindulula majwi omwe.⁴⁵ Mpawo Jesu wakeza kuli basikwiya akubambilila kuti, “Muchoona na akulyokezya? Amulange, hola lyaba mumaboko, alimwi Mwana Muntu waabwa mumaboko abasizibi⁴⁶ Mubuke, twinkeAmulange, oyo sikundaaba waba awfifwi.”⁴⁷ Nakachili kwambula, Judasi, umwi wabali kkumi awumwi, wakasika, wakaaza amakamu makamu abantu kuzwa kumupayizi mupati abapati babantu. Bakeza amafulo enkoli.⁴⁸ Lino oyo mwalumi wakali kuyanda kuuzya Jesu wakali bapede chitondezyo, chamba kuti, “oyo ngwensikamyonte ngongue. Mukamuvumpile.”⁴⁹ Mpawawo wakasika kuli Jesu akwamba kuti, “Wapona, Omuyisi!” akumumyonta.⁵⁰ Jesu wakamwambila kuti, “Mweenzuma, chita echo nchwazida kuzochita.” mpawo bakasika, babika maanza ali Jesu, akumuvuntilla.⁵¹ Amulange, umwi wababo bakali a Jesu wakatandabika janza lyakte, wasomona kafulo, akuma muzike wamupayizi mupati, akumudyunkula kutwi kwakwe.⁵² Mpawo Jesu wakati kulinguwe, “Bwedeza kafulo kako muchibikilo chako, nkambo boonse abo babweza tutufulo bayolobesegwa atufulo.”⁵³ Muyeye kuti tendali kukonzya na kwitta Taata, alimwi walikunditumina baangelo bayinda myuya mibi ilikkumi ayibili?⁵⁴ Pesi alikuyo zuzikizigwa biyeni malembe, “kuti echi chichitike?”⁵⁵ Kuleecho chindi Jesu wakati kumakamu abantu, “Mwaaza azifulo enkoli kuti muzondivuntile mbotatedi ndimubbii? Mazuba oonse ndakali kuyiisa munganda ya Leza, alimwi tamwakandaanga pe.”⁵⁶ Pesi zyoonse eezi zyachitika kuti malembe amusinsimi azuzikizigwe. “Mpawo basikwiya boonse bakamatukata akuchija.”⁵⁷ Abo bakamuvuntilla Jesu bakamatula kuli Kkayafasi muapayizi mupati, oko balembi abapati nkabakabungene.⁵⁸ Pesi Pita wakamutobeleta kule kule kusikila mulubuwa lwamupayizi mupati. Wakanjila mukati akukkala aansi abasikulinda kuti abone chitachitike.⁵⁹ Lino mupayizi mupati abankuta boonse bakali kulangila bukamboni bwakubeja aatala a Jesu kuti bakonzye kumubika kulufu.⁶⁰ Takwepe nchibakajana, nekuba kuti bakamboni bakubeja bakeza. Pesi nichakaba chiindi babili bakasika.⁶¹ Akwamba kuti, “Oyu mwalumi wakali kuti, ‘Ndilakonzya kumwayula nganda ya Leza akwyakulula mumazuba ataatu.’”⁶² Mupayizi mupati wakimikila akumwambila kuti, “Tukwe nsandulo na?” Niinzi zyoonse eezi nzibalokukwambila atala anduwe?”⁶³ Pesi Jesu wakawumuna. Mupayizi mupati wakamwambila kuti, “Ndakulayilila muli Leza upona, twambile na nduwe Kkilisito, Mwana a Leza.”⁶⁴ Jesu wakamuvuviila kuti, “wamba nduwe omwini. Pesi ndakwambila, kuzwa lino uyoobona Mwan Muntu kakkede kukuboko kwachilisylo kwenguzu, akuyoboola mumayooba akujulu.”⁶⁵ Mpawo mupayizi mupati wakadelula zisamo zyakwe akwamba kuti, “wambula masampu! Nkambonzi nituchiyanda bukamboni? Amulange lino mwamvwa masampu.”⁶⁶ Muyeyaanzi? Bakasandula akwamba kuti, “Welede lufu.”⁶⁷ Mpawo bakamuswida kumeso akumuuma, akumuvatula mabbayi,⁶⁸ akwamba kuti, “Tusinsimine, webo Kkilisito. Ngwani wakuum?”⁶⁹ Lino Pita wakalikkede aanze mukati kalubbaya lwankuta, elyo mulanda musimbi wakasika kulinguwe akumwambila kuti, “wakalawee Jesu mu Galili.”⁷⁰ Pesi wakazikaka kunembo lyabo boonse kaamba kat, “tandizizi pe eezyo nzyolikwamba.”⁷¹ Lino nakazwa anze amulyango walubaya, awumwi musimbi mulanda wakamubona akwambila abo mbakalabo, “Ooyu mwalumi wakali awe Jesu waku Nazaleta.”⁷² Wakakaka lubo chakukonka, “tandimuzipe me mwalumi ooyu.”

⁷³ Musule lyakayindi abo bakalimvvi bakasika akwamba kuti kuli Pita, "Nchamasimpe uli umwi wabo, nkambo nzila njowambula ayo ilakwamba." ⁷⁴ Mpawo wakatalika kutukila akukonka, "tandimuzi pe mwalumi oyu," alimwi mpawawo mukombwe waka kokolika. ⁷⁵ Pita wakayeeya majwi Jesu ngakaambide, "mukombwe katana kokolika uyonditama tutatu." Mpawo wakaya aanze wakutalika kweema.

27

¹ Lino nikwaba kuseni, boonse bapayizi bapati abapati babantu bakalangula inzila mbubanga balamubika kulufu Jesu. ² Bakamwaanga, akumutola aanze, akumusisya kuli Payileti mwendelezi. ³ Mpawo Judasi, wakamuuya, nakabona kuti Jesu wapegwa mulandu, wakasanduka akujosya mali yansiliva ili makumi atatu kubapayizi bapati akuzuluzi, ⁴ alimwi wakati ndabisya akwaaba bulowa butakwe mulandu. Pesi bakati, "Ninzi echo kulinidiswe? Libonene oliske." ⁵ Mpawo wakasowela aansi tumpanzi twansiliva munganda ya Leza, akwinka, alimwi wakaya anze wakulisina. ⁶ Mupayizi mupati wakatubweza tupanzi twansiliva akwamba kuti, "tachili mumulawu pe kuti eechi chibikwe muchiyobwedo nkambo muulo wabulowa." ⁷ Bakambuuzyanya antoomwe, alimwi bakawula muunda wamubumbi muzikkilwa beenzu. ⁸ Nkambo kacheechi, oyo muunda wakategwa, "Muunda wabulowa." kusika lino. ⁹ Mpawo echo chakambidwe amusinsimi Jelemiya chakazukizigwa, chaamba kuti, "Bakabweza tumpanzi tulimakumi ataatu twansiliva, muulo wakabamba abana ba Izilayeli,¹⁰ alimwi bakawupa kuti muunda wamubumbi, mbuli Mwami mbakandilayilila. ¹¹ Lino Jesu wakayimikila kunembo lyamwendelezi, alimwi mwendelezi wakamubuza, "Uli Mwami waba -Juda na?" Jesu wakavwila kuti, "wamba mbubo." ¹² Pesi nakatamikizigwa amupayizi mupati abapati, takwepe nakasandula. ¹³ Mpawo Payileti wakamwambila kuti, "Sa totumvwide twambo ntubalo kukutamikizya?" ¹⁴Pesi takwe nakasandula niliba ijwi lyomwe, awo mwendelezi wakagamba kapati. ¹⁵ Lino kupobwe mbuli bwakali mulawu wamwendelezi kuti bagwisye umwi mwaange wasaluzigwa abantu. ¹⁶Kuchindi echo kwakali mwaange wakale mpewo utegwa Bbalabbasi. ¹⁷ Lino nibakabungana antomwe Payileti wakabambilika kuti, "ngwani ngumuyanda kuti ndimwangunwide? Bbalabbasi na Jesu utegwa ngu Kkilisito?" ¹⁸ Wakalizi kuti bapeda Jesu kulingue nkambo kakwemuuya. ¹⁹ Awo nakakkede achuuno chabbetekelo, mwanakazi wakwe wakamutumina ijwi elyo lyakati, "utachiti chintu kumwalumi oyo utakwe kaambo. Nkambo ndakatazigwa loko sunu nkambo kaziloto nzindalota atala anguwe." ²⁰ Lino bapayizi bapati abendelezi bakasungilizya makamu abantu kuti bakumbile Bbalabbasi, akupegwa Jesu kuti akajiigwe. ²¹ Mwendelezi wakababuza kuti, "Nguuli akati kababuza ngumuyanda kuti ndimwangunwide?" bakaamba kuti, "Bbalabbasi." ²² Payileti wakababuza kuti niinzi nchinjelede kuchitila Jesu utegwa ngu Kkilisito? Bakamuvviila boonse bakati, Ngagankaminwe." ²³ Mpawo wakamba kuti, "Nkamponzi, mbubiinzi mbwaachita?" Pesi bakopololesya kapati, "Mumugankamine." ²⁴ Lino Payileti nakabona kuti takwe chintu nchakali wajana, pesi kuti kunyongana kwakali kwatalika, wakabweza maanzi wasamba maboko kunembo lyamakamu abantu, akubambilika kuti, tandikwe pe mulandu kubulowa bwamwalumi oyu. Amulibonene lwenu." ²⁵ Boonse bantu bakati, "Mbubo bulowa bwakwe abube kulindiswe abana besu." ²⁶ Mpawo wakabaangunwida Bbalabbasi, pesi wakawuma Jesu achimboko akumupeda kulimbabo kuti akagankaminwe. ²⁷ Mpawo basilumamba abeendelezi bakabweza Jesu akumutola mukati kanganda yabwendelelezi bapati akubungania nkamu mpati yoonse yabalumamba. ²⁸ Bakamuzwatununa akumusamika bbaki lisalalisya. ²⁹ Bakaluka musini wamvva akumuzwatika amutwe wakwe, akumubika mufunko kukuboko kwakwe kwalulyo. Bakafugama aansi kunembo lyakwe akumuniaka, kabamba kuti, "Mwalemekwa Mwami waba Juda!" ³⁰ Bakamuswida mate, alimwi bakabweza mufunko akumumua mumutwe kabalokwindulula. ³¹ Lino nibakuniaka, bakamuzwatununa bbaki lyabo akumuzwatika zisamo zyakwe, akumutola kuyomugankamina. ³² Awo nibakazwa aanze, bakajana mwalumi uzwa ku Sayilini utegwa Sayimoni, ngubakaangila kuti beende aamwi kuti anyumpule chiingano chakwe. ³³ Bakasika kubusena butegwa Golgota, kachamba kuti, "Mbusesa bwatupepe twamitwe." ³⁴ Bakamupa wayini uvwelene andulwe kuti anywe. Pesi nakalabilaa wakakaka kunywa. ³⁵ Lino nibakala mugankamina, bakabaana zyakusama zyakwe akuumma chisolo, ³⁶ alimwi bakakkala ani kabali kumulinda. ³⁷ Atala amutwe wakwe bakabikka bulumbo bumubeteka, bwamba kuti, "Ooyu ngu Jesu Mwami waba Juda." ³⁸ Kwakali basikubba bobile mbakagankaminwa aabo, umwi kuchimweensi aumwi kuchilisyoo chakwe. ³⁹ Aabo bakali kwinda enzila bakali kumutukila, kabatikinia mitwe yabo ⁴⁰ kabamba kuti, "Iwe nyomwaya nganda ya Leza akwiyalulula mumazuba ataatu, lifutule omwini! do

kuli Mwan a Leza, seluka achingano aawol!”⁴¹ Munzila ikozyenie abalabo bapayizi bapati bakali kumuniaka kabala balembi abapati kabamba kuti,⁴² wakali kufutula bamwi, pesi we takonzyi pe kulifutula. Ngu Mwami wa Izilayeli. Ngaseluke aachingano, alimwi tuyomusyoma.⁴³ Wakali kusyoma Leza, Leza ngamuvune lino, na Leza kayanda kumwangununa. Nkaambo wakali kwamba kuti ndimwana a Leza.”⁴⁴ Munzila ikozyenie abalabo basikubba mbakagankamidwe aabo abalabo bakamutukila.⁴⁵ Lino kuzwa kuchindi chahola lamusanu alimwi mudima wakasikila nyika yoонse kuyosika kuhola lyamusunu aane.⁴⁶ Nichakaba chiindi chamusunu mwaane, Jesu wakoompolola ejwi pati kaamba kuti, Eli, Eli, lama, sabakkatan?” Kazyamba kuti, Leza wangu Leza wangu, nkambonzi niwandisiya?”⁴⁷ Lino abo bakiimvvi mpawo bakazimvwa, bakaamba kuti, “ulikwiita Elayija.”⁴⁸ Mpawo umwi wakachijana akuyobweza nsisa akwizuzya awayini ulwela, wakisekka kumufunko, elyo wakamupa kuti ayinywe⁴⁹ Bayingi boonse bakati, mumuleke alikke, Tumubone na Elayija uleza na kuzomufutula.”⁵⁰ Mpawo Jesu wakalila lubo ajwi pati elyo wakapa muuya wakwe.⁵¹ Amubone, chisitilizyo changanda ya Leza chakanduka muzimpanzi zibili kuzwa kujulu kusika aansi, anyika yakandendema, amabwe akaanduka.⁵² Tubanda twakavunuka, amibili yabalalali bakali boona yakabusigwa,⁵³ Bakazwa mutubanda musule lyakubuka kwakwe, bakanjila mugunzi lisalala, akuboneka kubayingi.⁵⁴ Lino silumamba mupati abaabo bakali kulinda Jesu bakawubona muzuzumo azintu zyakachitika, bakayoowa baamba kuti, “Chamasimpe ooyu wali Mwana a Leza.”⁵⁵ Banakazi biangi bakali batobelwa Jesu kuzwa ku Galili kuti bamukutawukile bakali kulanga alaale.⁵⁶ Akati kabo kwakali Meli Magadalini, Meli banyina ba Jemusi a Jozefa, abanyina babana ba Zebbedi.⁵⁷ Lino niyakawa goko, kwakasika mwalumi uzwa ku Alimiati, utegwa Jozefu, wakali sikiwiya wa Jesu.⁵⁸ Wakayinka kuli Payileti akuyokumbila mutunta wa Jesu. Mpawo Payileti wakalayilila kuti awupegwe.⁵⁹ Jozefu wakabweza mutunta, wamuzambilila mulumbo utenteema,⁶⁰ wakulazika mukabanda kakwe kapya nkakali wafokola mubbwe. Mpawo waka kkunkulisyia ibbwe pati wasinka amulyango wenda.⁶¹ Meli Magadalini amumwi Meli bakaliwo, bakalikkede kulubazu lyakabanda.⁶² Buzuba bwakatobelwa bwakali buzuba bwinda bwakulibambilwa, bapayizi bapati abaFalisi bakali bungene antomwe a Payileti.⁶³ Bakali kwamba kuti, “Mwami, tuchiyeeya ulya silweno nakachili kupona, wakaamba kuti, ‘kwinda mazuba ataatu ndiyobuka alubo.’”⁶⁴ Nkinkaako layilila kuti kabanda kakwe kalindwe kusikila kubuzuba bwatatu. Chimwi chindi ulabona basikwiya bakwe basika bazomubbwa akwambila bantu, ‘Kuti wabuka kuzwa kubafu’! Alweeno lwakumananino ngalulayinda lwakusanguna.”⁶⁵ Payileti wakabambilwa kuti, “mwinke mukalinde mbuli mbumukonzya.”⁶⁶ Mpawo bakiinka akuyochita kuti kabanda kalindwe, bakazilulula abbwe akubikka basikulinda.

28

¹ Lino niyayinda isabata, kakuya kubchedo mubuzuba butanzi bwamviki, Meli magadalini awumwi Meli bakaza kuzolanga chibunda. ² Amulange, wakaba muzuzumo mupati wanyika, nkambo angelo wamwami wakaseluka kuzwa kujulu, wakaza akukunkulisyia ibbwe, akukkala alindilyo. ³ Chiiwa chakwe chakali mbuli lulabi, azyakusuma zyakwe zyakalikutuba mbuli buluba bwatonje. ⁴ Balindizi bakandengenda akuyowwa alimwi bakaba mbuli bantu bafwide. ⁵ Mu angelo wakazibya banakazi akwamba kuti kulimbabo, “Mutayowi, ndilizi kuti mulangula Jesu, wakagankaminwa. ⁶ Tawope okuno, pesi wabuka, mbuli mbwaakamba. Amuze mubone abusena Mwami mpakalilazikidwe. ⁷ Mwinke chakufwambana alimwi mwambile basikwiya bakwe, ‘wabuka kuzwa kubafu’. Amubone, ulikunembo lyanu kuyaku Galili. Amulange, ndamwambila.”⁸ Banakazi bakazwa mukabanda chakufwambana kabala akuyowwa akukondwa kupati, alimwi bakachijana kuyowambila basikwiya bakwe. ⁹ Amulange Jesu wakabaswania akubambilwa kuti, “Mwapona!” Banakazi bakaza, bajana mawulu akwe akumukomba.¹⁰ Mpawo Jesu wakabambilwa kuti, “Mutayowi. Amwinke mwambile bakwesu kuti bayinke ku Galili. Nkuko nkubayondibonena.”¹¹ Lino awo banakazi nibakalikwenda, Amulange, bamwi babalindizi bakayinka mugunzi akuyowambila bapayizi bapati zintu zyoonse zyakachitika.¹² Lino bapayizi nibakaswanana abapati akuyoomaa aabo ikkani eeli, bakapa mali nyiingi kuli basilumamba¹³ akubaambilwa kuti, “Mwambe kuti kuti bamwi, ‘Basikwiya ja Jesu basika mansiku akubba mutun wa kwe nitwachilikoonia.”¹⁴ Kutu na makani aya asika kumwendelezi, tulamukombelezya akugwisywa makatazyo alimulindinywe.”¹⁵ Mpawo basilumamba bakabweza mali akuchita mbuli mbubakalayililwa. Aya makani akamwayika kapati akati kama Juda alimwi akeendelela anembo nikuba asunu.¹⁶ Pesi basikwiya ibalkkumi awumwi bakayinka ku Galili, kuchilundu oko Jesu nkwakabalayilila.¹⁷ Mpawo nibakamubona,

bakamukomba, pesi bamwi bakadoneeka. ¹⁸ Jesu wakaza kuli mbabo akwaambula abo akuti, "Nguzu zyoonse ndakazipegwa kujulu aansi. ¹⁹ Aboobo amwinke alimwi mukachite basikwiiya bamisyooobo yoonse. Mukaba bbabbatizye muzina lya Taata, lya Mwana, alya Muuya Uusalala. ²⁰ Mubayiisye kulemeka zintu zyoonse nzindakamulay-ilila, amubone, ndilandinywe chiindi choonse, nikuba kusikila kumamanino."

Makko

¹ Aya ngingawo matalikilo a makani mabotu a Jesu Kilisito, Mwana wa-Leza.
² Mbili mbukulembedwe kuli Isaya musinsimi, "Mulange, ndatuma mutumwa kunembo lyabusyu bwake oyo ulolulamika nzila yako. ³ Ijwi lya oyo uwompolola munkanda, "Mubambe inzila yaMwami; mululamike inzila yakwe". ⁴ Joni wakasika, kabibiza munkanda alimwi kakambawuka lubbizo lwakusanduka. Akulekelelwa izibi.
⁵ Ichisi choonse cha Judiya abantu boonse baku Jelusalemu bakayinka kulinguwe. Bakabbizigwa anguwe mumulonga utegwa Jodani, bakalyamba zibi zyabo. ⁶ Joni wakali kuzwaata zizwaato zyaboya bwankamela alukumba lwachikumba muchibuno chakwe, nkabela wakali kulya insozi abuchi bwalusaka. ⁷ Wakambula wati, "Oyu uza musule lyangu ulanguzu kwiinda ndime, lukole lwambatata zyakwe nsikwe chelelo chakukotama ansi akuzyangununa. ⁸ Ndamubbizya amanzi, asi we uyomubbizya a Muuya Usalala". ⁹ Zyakachitika mumazuba ayo Jesu wakazwa ku Nazaleta ya Galili, alimwi wakabbizigwa a Joni mumulonga utegwa Jodani. ¹⁰ Kachizwa biyo Jeso mananzi, wakabona ijulu kalyanzana akujulika ¹¹ alimwi Muuya kuseluka akukkala atala anguwe mbili nziba. Ijwi lyakazwa kujulu kalyamba kuti, "Ulimwana wangu. Ndiboteledwe kapati anduwe". ¹² Nkabela Muuya wakamusungiliza kuya munkanda.
¹³ Wakali munkanda mazuba makumi ane, kalokusunkwa aSatani. Wakali abanyama balusaka, alimwi bangelo bakamugwasizya. ¹⁴ Lino musule Joni kalimwangwa, Jesu wakasika muGalilaya kakambawuka makani mabotu aLeza. Wakamba kuti, "Ichindi chazuzikizigwa, ¹⁵ alimwi bwami bwaLeza bwaba awfifwi. Musanduke musyome makani mabotu". ¹⁶ Nakalibwenda kumbali alwizi lwaGlili, wakabona Sayimoni a Andilaya muzyalwanyina wa Sayimoni kabawala kanyandi mulwizi, nkambo bakali bazubi babaswi. ¹⁷ Jesu wakabambilwa kuti, "Kamuzuba, munditobele, alimwi ndilomuchita bazubi babantu". ¹⁸ Akufwambana bakasiya tunyandi twabo mpawo bamutobela. ¹⁹ Elyo Jesu nakachilikuyowedea kuya kunembo, wakabona Jakobo mwana wa Zebbediya amuzyalwanyina wakwe Joni; bakali mubwaato kabaluka tunyandi.
²⁰ Wakabayita alimwi bakasiya wisi Zebbediya antoomwe ababelesi mubwaato mpawo bamutobela. ²¹ Lino bakasika kuKkabenawume, alimwi kabuli bensi bwaSabata, Jesu wakanjila muchikombelo wakuyisya. ²² Bakagamba kunjisyo yakwe, nkambo wakali kuyisya mbili muntu ulanguzu utali mbili balembi pe. ²³ Mpawo awo mwalamu wakali amuuya mubi wakakwilla muchikombelo, kati, ²⁴ "Tulanzi anduwe, Jesu waNazaleta? Waza kuzotunyonyona na? Ndilikwizi kuti nduwe ni. Nduwe Usalala Mwana wa-Leza!". ²⁵ Jesu wakakalalila dayimona kati, "Tedi zwa alimwi uzwe mulingue!". ²⁶ Idayimona lyakamuwalila ansi mpawo lyazwa mulingue akukwiila kupati. ²⁷ Bantu boonse bakagamba, akubuzyanya, "Kuti ninzi eechi? Ninjisyo impya ilanguzu Ukonzya kutanda madayimona na amuswilizye" ²⁸ Alimwi mpuwo yakwe yakazula muchisi choonse chaGalilaya. ²⁹ Musule lyakuzwa muchikomelo, bakayinka kunganda yaSayimoni a Andilaya, kabali antoomwe a Jakobo a Joni.
³⁰ Lino banyinazyala baSayimoni bakalikuchiswa intutumanzi, alimwi bakamwambila Jesu atala amukayintu oyu. ³¹ Wakaza wakamujata aluboko, wamibusya; intutumanzi yakazwa, mpawo watalika kubakutawukila. ³² Igolezya izuba kalili lyabbila, baketa kulinguwe boonse bachiswa abakanjidwe amadayimona. ³³ Ibantu bamunzi boonse bakabungana amulyango. ³⁴ Wakaponya boonse bakalamalwazi asiyenesiyene akutanda madayimona miangi, asi takazumiza madayimona kwambula nkambo akalimuzi. ³⁵ Wakabuka kuseni, kakuchisiya; wakayinka kusisikene kuyokomba. ³⁶ Sayimoni ababo bakali anguwe bakamuyandula. ³⁷ Bakamujana bamwambila kabati, "Bantu boonse balokukuyandula". ³⁸ Wakabambilwa wati, "Ngatuye kumbi, anze kumadolopo alafwifwi, kuti ndikakambawuke akulako. Ncindazwide anze obu". ³⁹ Wakayinka kuGalilaya yoonse, kakambawuka muzikombelo zyabo akutanda madayimona. ⁴⁰ Sichipele wakasika kulinguwe. Kumukumbila; waka fugama wamba wati, "Kuti kuyanda, ulakonzya kundisalazy". ⁴¹ Wakazula luyalo, Jesu wakatandabika kuboko kwakwe wamuguma, kamba kuti, "Ndilayand. Kopona" ⁴² Mpawo awo chipele chakayinka, mpo wasalazigwa. ⁴³ Jesu wakamulayilila changuzu mpo wamuti yinka. ⁴⁴ Wakamwambila kuti, "Ube asimpe lyakuti tubuzi naba omwe muntu, asi kuya, ukalitondezye kumupayizi, ukapayiile nkambo kakusalazigwa kwako, mbili Mozesi mbwakalayilila, mbili bukamboni kuli mbabo". ⁴⁵ Asi wakiinka watalika kwaambula kangunukide kamwaya ijwi, zyakachitisa kuti Jesu takachili kukonzya kunjila idolopo

kangunukide, asi wakkala anze mumyunzi. Nikuba bobo bantu bakachili kusika kulinguwe kabazwa kumasena asiyene-siyene.

2

¹ Nakabola kuKkapenawumi nikwakiinda mazuba mache kwakamvwika kuti Jesu mwali mumunzi. ² Bantu bingi bakabungana kwakuti takwe nikwachili busena, munganda nikuba kumulyango, Jesu kali ukukambawuka ijwi kuli mbabo. ³ Kwakasika balumi bakayampwide mwalumi wakayuminide mubili; kanyampwidwe abalumi bone. ⁴ Nibakabula mweenya wakuswena afwifwi anguwe nkambo kakuvula kabantu, bakavumbula kaluli awo Jesu mpakabede nibakavumbula bakaseluzya bulo bwawaka yuminide mubili mpakabede. ⁵ Nakabona kusyoma lwabo, Jesu wakati kuli wakayuminide mubili, "Omwana, zibi zyako zyalekelelwa". ⁶ Lino bamwi balembi bakeskede, bakayeya munyono yabo, ⁷ "Nkamponzi mwalumi oyu nambula obu? Utuka Leza alikke?" ⁸ Chakufwambana Jesu wakaziba mumuya wkwe nzibakali kuyeya mumyoyo yabo. Wakati kulimbabo, "Nkamponzi nimulukuyeya ezi mumyoyo yanu? ⁹ Nchechili chuuba kwamba kuti kumlwazi, "Walekelelwa zibi, na kuti bweza bulo bwako weende?" ¹⁰ Asi kuti muzibe kuti Mwana aMuntu ulamanguzu ano ansi enyika kulekelela zibi, wakati kuliwakayuminide mubili ¹¹ "Ndati kulinduwu nyampuka, bweza bulo bwako, uye kunganda yako". ¹² Wakanyampuka chakufwambana wabweza bulo, wakazwa munganda kunembo lyabuntu boonse, abobo boonse bakagamba bapabulumu kuli Leza, batu, "Ezi tatuna zibona pe". ¹³ Wakayinka lubo kunkomwe yalwizi, makamu abantu akamutobela, mpawo wakabayisya. ¹⁴ Kayabweenda, wakabona Levi mwana wa Alufayewusi kakkede mutente lyabasimutelo wakati kulinguwe, "Nditobe". Wakanyampuka wamutobela. ¹⁵ Jesu wakali kulya munganda yaLevi, abasimutelo abasizibi bakali kulya awe abasikwiya bakwe, kwakali biingi abobo bakamutobela. ¹⁶ Balembi, bakali baFalisi, nibakabona Jesu kalikulya abasizibi, bakati kuli basikwiya bakwe, "Nkamponzi nalya abasimutelo abasizibi?" ¹⁷ Jesu nakamvwa obo wakati kulimbabo, "Bantu baponede mumubili tabayandi musilisi; asi bachiswa, mbibayanda musilisi. Tendazida kwiai bauleme asi basizibi". ¹⁸ Lino basikwiya ba Joni abaFalisi kali kulyimya kulya. Bamwi bantu bakasika kulinguwe, "Nkamponzi basikwiya baJoni abaFalisi balalyima, asi bako tabalyimyi pe?" ¹⁹ Jesu wakati kulimbabo, "Nkujana basikutambwa kubwinga balyimya na sibwiinga nkalabo?" Nkachilabo sibwiinga, tabalyimyi. ²⁰ Ayosika mazuba sibwiinga akubwezegwa kuzwa kulimbabo, ayo mazuba bayolyimya. ²¹ Takwe usuma chigamba chamulembo mupya achizwato chikulukulu, chigamba chilakonzya kudeluka, chipywa kuzwa kuli chachiindi, chiyodelukisya. ²² Takwe ubikka wayini mupya munkomo yachiindi wabona wayini ulabbalul inkomo mpawo zyoonse wayini a ziyonyonyoka. Wayini mupya ubikwa munkomo mpya. ²³ Musabata Jesu wakayinda mumunda wamayila, basikwiya bakabweza mayila. ²⁴ Mpawo baFalisi bakati kulinguwe, "Langa nkamponzi basikwiya nibalikuchita zintu zityola mulawo abuzuba bwaSabata?" ²⁵ Wakati kulimbabo, "Temwakabala na kuti Davida nakabula akuba anzala - we abalumi mbakalabo - ²⁶ mbakanjila munganda yaJehova Abbiyata nkali mupatiyizi mupati, akulya chinkwa chabukamu, chitazumizigwi kuligwa amuntu kupela kunze kwabapayizi, wakapa abalabo mbakalabo?" ²⁷ Jesu wakati, "Sabata lyakalengelwa bantu, pepe bantu kulengelwa Sabata. ²⁸ Aboobo, Mwana aMuntu Mwami, ku Sabata".

3

¹ Jesu wakanjila lubo muchikombelo, wakajana mwaalumi wakakokonyene kuboko. ² Bantu biingi bakamulangisisya kuyanda kubona kuti ulamuponisa na mubuzuba bwa Sabata bamupe mulandu. ³ Jesu wakaambila mwaalumi wakakokonyene kuboko kuti, "Nyampuka uyimikile aakati kabantu aaba." ⁴ Mpawo wakati kubantu, "Nchechili chibotu, kuchita chibotu na chibi mubuzuba bwa Sabata; kuvuna buumi na kujaya?" Pesi bakawumuna. ⁵ Wakabalanga chakunyema, alimwi kawuside, nkaambo kakuyuma kwamyoyo yabo, wakati kumwaalumi ooyo, "Tandabika kuboko kwako. " Mpawo wakatandabika, elyo kuboko kwakwe kwakaba kabotu. ⁶ Lino ba Falisi bakazwa aanze mpawo, antoomwe aba Heloda bakatanguna kulanguila nzila mbubanga balamujaya. ⁷ Mpawo Jesu, wakasosoloka abasikwiya bakwe baya kulgwi, elyo makamu makamu abantu kuzwa kuGalilii,aku Judiya akabatobela. ⁸ Lino nibakamvwa nzyakali kuchita, bantu bayingi bakeza kuli nguwe kuzwa ku Jelusalema, Idumiya azisi zilimutala a Jodani azyeengelede Taya a Sidoni. ⁹ Nkaambo kamakamu aabantu wakaambila basikwiya bakwe kuti bamubambile bwaato buniini afwiifwi, kuti akonzye kusosoloka aakati kabantu. ¹⁰ Nkaambo wakalikusilika bayingi, aboobo bakali aamalwazi balikuchundana

kabaya kunembo kuti bamugume.¹¹ Kufumbwa myuuya mibi niyakamubona yakawida aansi kunembo lyakwe akoompolola, kuti, "Nduwe Mwana wa Leza." ¹² Alimwi wakayilayila changuzu kuti itamudomboli kuti ngwani.¹³ Wakanatanta achilundu akiwiita aabo mbakalikuyanda, alimwi bakeza kulinguwe.¹⁴ Wakasaluuzya balikkumi ababili; (aabo mbakati mmbatumwa) kuti bakabe aamwi anguwe, alimwi kuti akabatumte kukukambawuka,¹⁵ akubapa ngunzu, zyakutanda myuuya mibi.¹⁶ Aaba mbimbabo bali lkumi ababili mbakasaluuzya: Sayimoni, oyu wakamupa zina lyakuti ngu Pita;¹⁷ Jemusi mwana wa Zebbediya, ajoni mwana wakwabo wa Jemusi, aba wakabayuzika kuti mba Bbowanejesi, nkukwamba kuti bana ba ndabi;¹⁸ Andulo, Filipo, Bbatolomiya, Matayo, Tomasi, Jemusi mwana wa Alifasi, Tediysi, a Sayimoni munkutwe¹⁹ a Judasi Sikkaliyoti, nguwe wakazomuuzya.²⁰ Mpawo wakabweeda kumuunzi, alimwi makamu aabantu akamubunganina, aboobo basikwiya bakwe anguwe tebakachili kujana chiindi chakulya pe.²¹ Lino bang'anda yakwabo nibakamvwa zyalikuchitika, bakamulanguula, kabaamba kuti "Wapenga."²² Balembi bakazwa kuJelusalema bakaamba kuti, "Unjidwe muuya mubi utegwa Bbelizabbeli," akuti "Alimwi nguzu nzyatanzya myuuya mibi nzizyakwe Bbelizabbeli mwami wamyuuya mibi."²³ Jesu wakabayita mpawo watanguna kwaambula ambabo muzikozyanio, "Satani ulakonzya biyeni kulitanda?"²⁴ Na bwaami kabupambukene, bwaami oobo tabukonzyi kwiimikila.²⁵ Alimwi na tekwaba kumwvanana mung'anda, eeyo ng'anda tikonzyi kwiimikila.²⁶ Alimwi na Satani walikazya elyo kanzeene, takonzyi kwiimikila; nkokuti mamanino aakwe asika.²⁷ Pesi taakwe muntu ukonzya kunjila mung'anda yamwaalumi singuzu kuti abbe lubono lwakwe, atatanguna kumuzunda akumwaanga ooyo mwaalumi singuzu. Awo mpanga ulakonzya kubba lubono mung'anda eeyo.²⁸ Ndamwaambilila kasimpe, zyoonse zibi akusampawula kwabantu kulalekelelwa,²⁹ pesi kufumbwa muntu usampawula Muuya Uusalala takonzyi kulekelelwa; ulaamulandu wachibi chitamani.³⁰ Jesu wakabaambilila eezi, nkaambo bakalikwaamba kuti, "Ulaa muuya mubi."³¹ Mpawo banyina abakwabo bakasika. Kabayimvvi aanze, bakatuma umwi kuti amwiite.³² Bantu bayangi bakalikkede kabamubunganide, alimwi bakamwaambilila kuti, "Banyoko abanike bako balaaenze baliikukulanguula."³³ Wakabasandula wati, "Baama abakwesu mbaami?"³⁴ Lino wakalanga aabo bakakkede kabamuzyungulukide wati, "Bakwesu abaama mbaabal!"³⁵ Kufumbwa uuchita kuyanda kwaLeza nguumukwesu wangu abaama."

4

¹ Alimwi Jesu wakatalika kuiyisya kali kumbali aalwizi. Inkamu yabantu bakamuzyungulukide yakali mpati loko zyakuti wakanjila mubwaato, kuchitila kuti akonzye kusosolokela mumaanzi akukkala, bantu boonse bakalitobezeye lwizi kunkomwe.² Mpawo wakabayiysa zintu zyiingi kabelesya zikozyanio, alimwi mukuyiysa kwakwe wakati,³ "Amuswilizye, mulimi wakaya kukumiza mbuto yakwe."⁴ Awo naakali kumiza mbuto, imwi yakawida munzila, mpawo tuyuni twakasika twiilya.⁵ Imwi yakawida amwaala, aatakwе muse mwiingi. Yakamena kufwambaana, nkaambo muse wakali muche.⁶ Pesi zuba nilyakabala yakapy, mpawo yakayuma nkaambo kamiyanda yakatabbide.⁷ Imwi mbuto yakawida mumaamvwa, maamvwa akakomena asyanikizya matu aayo, aboobo teeyakakonzya kuzyala.⁸ Imwi mbuto yakawida mumuse uvubide. Yakamena, akukomena mane yazyala michelo, imwi makkumi otatwe, imwi makkumi musanu alimwi, imwi mwaanda.⁹ Lino wakati, "Ooyo ulaamatwi aakumvwa, ngamvwe."¹⁰ Lino Jesu naakaba alike, mbakali aabo antoomwe abasikwiya bakwe balikkumi ababili bakamubuzya aatala azikozyanisy eezyo.¹¹ Wakabaambilila wati, "Inisia ya bwami bwa Leza ilipedwe kuli ndinywe. Pesi kuli bamwi biyo bali kunze, zyoonse zyaambwa muzikozyanisy,¹² kuchitila kuti, lyoonse kababona pesi kabatabonesesy, alimwi kabamvwa lyoonse, pesi kabatamvwisisisy; kansinga balikumvwa balikunosanduka kabalekelelwa zibi zyabo."¹³ Lino wakati kuli mbabo, "Ani sena tamulokumvwisisisya na chikozyanisy eechi? Na kakuli boobo nga kulakonzeka biyeni kuti mumvwisisisya zimwi zikozyanisy?"¹⁴ Mulimi uumiza mbuto nguwe umiza jwi.¹⁵ Bamwi bantu bali mbuli nzila, aawo mpulimizidwe jwi. Mpawo mbubalimvwa biyo, Satani wasiki wabweza jwi lyali lyamizwa muli mbabo.¹⁶ Bamwi, mbuli muse ulaamwaala mpuyakamizwa mbuto, balalimvwa jwi, mpawo, akufwambaana balalitambula chakubotelwa.¹⁷ Pesi nkaambo tabajisi miyanda ibbide, balajata kwachiindi chiniini biyo. Nikwasika mapenzi nikuba kusyonsegwa nkaambo kajwi, balafwambaana kuwa.¹⁸ Alubo bamwi, mbuli muse ulaamaamvwa muyakamizwa mbuto, balalimvwa jwi,¹⁹ pesi masukusyo aanyika, kweenwa aabuvubi aziyandisyo zyazimwi zintu zyabuyo zilasika zyasyanikizya jwi, zyachita kuti litabi

aamichelo.²⁰ Bamwi, mbuli muse uuvubide muyakabyalwa mbuto, balalimvwa jwi, balitambula,akuzyala michelo imwi makkumi otatwe, imwi makkumi musanu alimwi, imwi kusika mwaanda.”²¹ Jesu wakati kuli mbabo, “Sena nga mweeta lambi kuti mulitibbile alusuwo, na kulibika muchinkuma chabulo? Ani nga tamulibiki atala aachibikilo chalyo na?²² Nkaambo zintu zyoonse zisisidwe ziyooyubununwa, alimwi choonse chitibbikidwe chiyotibbulwa.²³ Kufumbwa ulamatwi akumvwa ngamvwe.”²⁴ Wakaya kunembo akaubaambila kuti, “Amuchenjele loko nzimumvwa. Cheelesyo nchimubeleysa anywebo moyoyesegwa anchicho, nikuba kwindilila kulindinywe.²⁵ Nkaambo kufumbwa uujsi uyoopergwa zyiingi. Ooyo uutajisi, niziba nzyalazaayu uyoonyanzigwa.”²⁶ Alimwi wakati, “Mboubede oobu bwami bwa Leza mbuli muntu umiza mbuto aansi.²⁷ Mpawo uloona mansiku akubuka nibwacha, pesi mbuto ilamena akukomena, nikuba kuti tazi mbozichitika.²⁸ Muse awulike: ulamezya nseke zyamayila kusaanguna munsonga, kakutobela miyungi, mane miyungi yatuba.²⁹ Mayila mbaatuba biyo, ulabeleysa chakunenza, nkaambo chiindi chakutebula chasika.”³⁰ Alimwi wakati, “Sena niinzi ncitudjunga tulachikozyanisa abwami bwa Leza, nakuti tubeleysa chikozyanisyoonzi kubupandulula?³¹ Buli mbuuli mbuto itegwa musitada, ni mbuto ndiini loko njobjala aansi.³² Pesi niyabyalwa, ilakomena kwiinda zilimwa zyoonse zyamumuunda, kilaamitabi mipati izyakuti tuyuni tulakonzya kukala mumweenzule wayo.”³³ Jesu wakabaambila jwi kabeleysa zikozyanisyo zyiingi mbuuli mbubalikumvwa,³⁴ mpawo taakwe nchaakaabambla pe katabelesezye chikozyanisyo. Pesi nakaba alike abasikwiya bakwe, wakapandulula zyoonse.³⁵ Oobo buzuba, nilyakaba goko, wakati kuli mbabo, “Atuzubuke tuye mutala.”³⁶ Bakasiya makamu makamu aabantu musule, bakamutobela, mubwaato mwakabede Jesu. Amwi maato akaliwo aalawo akamutobela.³⁷ Mbubakendeenda biyo kwakawunga guwo pati, alimwi mayuwe akalikupila maanzi mubwaato, mane bwaato bwakasizule.³⁸ Jesu wakalilede kasegede musego, kusule mubwaato. Basikwiya bakamabusya alimwi bakati kuli nguwe, “Omuyiisi, sena tokwe nolikataazya nikuba kuti twaamba kufwa?”³⁹ Wakabuka, wakalayilila guwo, alimwi wakati kumayuwe, “Umuna! Batama!” Mpawo guwo lyakuumuna, mayuwe akayosa, kuumuna kuti zii!⁴⁰ Wakati kuli basikwiya bakwe, “Nkamboonzi nimuyoowa boobu? Sena ambuli sunu tamunaba lusyomo na?”⁴¹ Bakayoowa loko alimwi bakabuzyania bat, “Ani ngwani ooyu, nkaambo guwo amayuwe zilamumvwa akumuswiilila?”

5

¹ Bakazubuka Iwizi baya kuchisi cha Jelasenesi. ² Mpawaawo Jesu nakazwa mubwaato, mwaalumi wakanjidwe muuya mubi kazwa kuzibunda wakaza kuli nguwe. ³ Ooyu mwaalumi wakali kukkanla kumawumbwe, alimwi katakwre naba umwi wakachili kukanzya kumwaanga, nikuba kuti wabeleysa nsimbi. ⁴ Nkaambo chiindi chiingi wakanoonga waangwa nsimbi kumaboko akumawulu, pesi wakanoonga wazipasuula akutyola zyoonse nzyakanoonga waangwa aazyo. Takwe naba umwi wakali anguzu zyakumuzunda ⁵ Chiindi choonse sikati amansiku wakali kukwiila kumawumbwe amuzilundu akulichubbulula amabwe. ⁶ Lino naakabona Jesu kulekule, wakachiana wakuwa bufugeme munsi lyamawulu aakwe, kunembo lyakwe. ⁷ Wakoompolola ajwi pati wati, “Uyaandalanzi kilindime Jesu, Mwana wa Leza Mupati Kampatila? Ndakumbila muzina lya Leza kuti utandipenzyi pe!”⁸ Nkaambo Jesu wakali wati kuli nguwe, “Zwaai mumwaalumi oyu iwe nomuuya mubi!”⁹ Lino Jesu wakabuzya kuti, “Nduweni izina lyako?”¹⁰ Wakasandula wati, “Izina lyangu ndime Ligiyoni, nkaambo tulibayiingi.”¹¹ Wakakombeleyza Jesu kuti atabatandi pe kuzwa mubusena oobo. ¹² Kwakali butanga bupati bwangulube bwakali kuchela aakalundu kali afwifwi, myuuya mibi yakakombeleyza Jesu yati, “Tutandise mungulube; utuzumizie kuti tunjile mulinzipyo.”¹³ Wakayizumizya, elyo myuuya mibi yakazwa yaakunjila mungulube. Mweelwe uli zyuulu zibili wabutanga bwa ngulube zyakagwilimina kujenga zyaaliwalila mulwizi zyanikila¹⁴ Aabo bakali kweembela ngulube bakachijanina kuyowaamba kudolopo amumyuunzi, lino bantu bakayinka kuyobona chakali chachitika.¹⁵ Lino nibakasika kuli Jesu, bakamubona mwaalumi wakanjidwe ligiyoni wamyuuya mibi. Wakalikkede, kasamide, amizeeo yakwe yakali yaba kabotu. Eelyo bakayoowa.¹⁶ Abo bakazibona akaubaambila bantu azyakachitika kuli ooyu mwaalumi wakanjidwe muuya mubi, bakapandulula azyakachitika kungulube.¹⁷ Mpawo bantu bakatanguna kumukombeleyza Jesu kuti azwe muchisi chabo.¹⁸ Lino Jesu nakaanjila mubwaato, mwaalumi wakanjidwe muuya mubi wakamukumbila kuti beende amwi.¹⁹ Jesu wakamukakila, pesi wakati, “Kuya kumuunzi kuli bakulindinywe ukabaambile Mwami nzyaakuchitila, ambaakufwida luzyalo.”²⁰ Eelyo mwaalumi ooyu wakeenda

wakwaambila baku Dekkapolisi nzyakamuchitila Jesu. Mpawo bantu boonse bakagamba.²¹ Lino Jesu naakazubuka lubo abwaato kuya mutala alwizi, bantu bayingi bakamubunganina kali kunkomwe yalwizi.²² Lino umwi mweendelezi wachikombelo utegwa Jayilos, wakaya nkukooko. Naakabona Jesu, wakawida kumawulu aakwe.²³ Mpawo wakamukombelezya chamoyo woonse wati, "Mwanaangu musimbi waamba kufwa, wenche kuza umubike maboko, ulasilikwa apone." Lino Jesu wakeenda awe.²⁴ Bantu bayingi bakamutobelba bamubunganina bamubikka aakati.²⁵ Mpawo awo kwakwali mwanakazi wakali kuchiswa kalobola kwaminyaka ilikkumi ayibili.²⁶ Wakafwaba kapati loko mukusilikwa abasilisi bayingi, alubo wakamana lubono lwake loonse. Nikuba boobo taakwe nakapona pe, bulwazi bwakayindilila.²⁷ Kali wamwua impuwo zya Jesu, wakasika wanjila munkamu kusule lyu Jesu wajata chisamo chakwe.²⁸ Nkaambo wakayeeya kuti, "Kufumbwa ndaguma chisamo chakwe ndilaponia."²⁹ Mpawo awo bulowa bwakagama, alimwi wakamvwa mumubili wakwe kuti wapona bulwazi bwakwe.³⁰ Mpawo awo Jesu wakamvwa kuti nguzu zyamana mumubil wakwe. Wakachebukila musule wabuzya wati, "ani ngwani waguma chisamo changu?"³¹ Basikwiyya bakwe bakasandula bati, nga ulabuzya biyeni kuti, "ngwani wandiguma?" Kubwene bantu bayiingi balikubunganidile bakubikkide akati.³² Pesi Jesu wakachiliswini kalanguula oyo wakamuguma.³³ Lino mwanakazi olya mbwakalizi zyoonse zyakachitika alinguwe, wakaza kuli Jesu wawa kumawulu akwe, kazazama mukuyoowa, wamwaambila choonzyo chakachitika.³⁴ Lino wakamwaambila kuti, "Mwanaangu lusyomo lwako lwakuponja. Kuya muluumuno, waangunuke kuzwa mumafwabi ako."³⁵ Lino Jesu kachaambila, kwakasika bamwi bantu bakazwa kung'anda yajilos Muzulwidi wambungano bati, "uchimukatizizaanzi Muyisi," teemwanaako musimbi wafwa kale?"³⁶ Jesu tatambwide pe ezizyakali kwaambuuwlwa, wakaambila Jayilos kuti, "Syoma utayoowi pe."³⁷ Wakeenda aPita, Jemusi ajoni mukulana wajemusi, tewakazumizya bantu bayiingi pe.³⁸ Lino nibakasika kung'anda yamwendelezi wachikombelo, Jesu wakabona kunyongana, akuchundaana kwabantu balila akomooka kupati.³⁹ Mpawo wakanjila mukati wabaambila kuti, "Nkaambozni nimunyongana akoomoka, Mwana tafwide pe uledebiyo?"⁴⁰ Mpawo bakamuseka. Lino naakamana kubatandila anze boonse, wakabweza wisi amusimbi abanyina abasikwiyya mbakali abo, wanjila omo mwakali mwana.⁴¹ Wakajata luboko lwamusimbi wamwaambila kuti, "Talita kkumi!" (chaamba kuti, kasimbi buka!)⁴² Mpawo awo musimbi wakanyampuka, weendeenda (wakali aminyaka ilikkumi ayibili). Alizeezi, bantu bakagambwa loko.⁴³ Wakabaambila malayilile mayumu akuti bataambili muntu atala azyakachitika, mpawo wakati amumupe chakulya.

6

¹ Wakazwa awo mpawo waya ku chisi chakulimbabo, mpawo basikwiyya bakwe bakamutobelba. ² Lino buzuba bwa Sabata nibwakasika, wakatalika kuyiisya muchikombelo. Bantu bayiingi bakamuvva kayiisya bakagamba. Bakabuzya kuti, "Ooyu mwaalumi wakazijana kuli njilisy eez? i" "Mbusongoonzi mbwapedwe?" "Maleele alibuti aaya ngachita amaanza aakwe?"³ "Ooyu tensi nguweni mubezi mwana wa Meli? Mwana wakwabo wajemusi, Josefa, Judasi aSayimonii? Bachizi bakwe teensi mbabo aaba mbitulabo na? Mpawo bakamujilwa Jesu.⁴ Jesu wakati kulimbabo, "Musinsimi tajani bulemu pe, kunze kwamuchisi, amung'anda mwazyalwa aakati kabasinzubo zyakwe."⁵ Tewakakonzya pe kuchita malele, kunze kwakukumbila biyo bachiswa akubabikka maboko akubasilika.⁶ Alimwi kutasyoma kwabo kwakamugambya. Wakeendeenda mugunzi eelyo kayabuyiisa.⁷ Mpawo wakayita bali kkumi ababili wabatumbabili abili akubapa nguzu zyakuzunda myuuya mibi,⁸ mpawo wakabaambila kuti tababwezi chintu mulwendo lwabo kunze, chakulya niiba nkowme niiba mali mumikumba yanu kunze amufunko,⁹ pesi basame nsangu pesi batabwezi zisamo zimbi.¹⁰ Mpawo wakati kuibabo, "Nimuyoonjila mumununzi mukkale mumo omo lumwi do mukazwe mugunzi eelyo."¹¹ Na kulibusena nkubakaka kumutambula nikuba kumuswiilizya, nimuyozwa mubusena oobo, mukasansamune lusuko kumawulu anu bukabe bukamboni atala lyambabo."¹² Bakazwa baya kukukambawuka kuti bantu basanduke.¹³ Bakaanda myuuya mibi mingi mpawo bakananiki bachiswa bayiingi amafuta alimwi bakapona.¹⁴ Mwami Helodi wakazimwva eezi, nkaambo zina lyu Mwami Jesu lyakali lyazibikana loko. Bamwi bakati, "Amwi ngu Joni Mubbabbatizyi wabusigwa kuzwa kubafu, nkikaako nguzu zyamalele nzizilikubeleka mulinguwe."¹⁵ Bamwi bakati, "Ngu Elayija". Alimwi bamwi bakati, "Musinsimi, nguumwi wabasinsimi bachiindi."¹⁶ Pesi Helodi naakamvwa obu wakati, "Joni mwaalumi oolya ngundakadunsula mutwe wakabusigwa kuzwa kubafu."¹⁷ Nkaambo Helodi lwake ngwakali wapa nguzu

kuti Joni aangwe, alimwi wakaangwa akubikwa muntolongo nkaambo ka Helodiyasi (muka Filipi mwanana wakwabo) ngwakali wakwata. ¹⁸ Nkaambo Joni wakanoonga waambila Helodi kuti, "Tachili chibotu kuti ukwate mukayintu wamwana wakwenu." ¹⁹ Lino Helodiyasi wakalijisi mwindilili yakuyanda kujeya Joni, pesi tewakakonzya pe, ²⁰ nkaambo Helodi wakali kumuyoowa Joni; wakalimwizi kuti muntu ululeme kali musalali, aboobo wakali kumutabilila, kumuswiilila kwakalikumunyongania loko, pesi wakalikumuvwa chiindi choonse kawangunukide. ²¹ Lino mweenya wakaba awo Helodi naakachita pobwe lyakuzyalwa kwakwe mpawo wakachita pobwe pati kachitila bapati abasilumamba bakwe, abeendelezi bapati bamu Galili. ²² Mpawo mwana musimbi waHelodiyasi nakasika wazyana, zyakabotezya Helodi abeenzu bakatambidwe kupobwe. Lino Mwami wakati kumusimbi, "Ndikumbile kufumbwa nchuyanda, ndilakupa." ²³ Mpawo wakamusyomezya achikonke wati, "Kufumbwa nchuyokumbila nichiba chipanzi cha bwami bwangu, ndilakupa." ²⁴ Wakazwa waya kuli banyina wakwaamba kuti, "Ngandilakumbaanzi?" Banyina bakati, "Mutwe wa Joni Mubbabbatizy" ²⁵ Mpawo awao wakanjila akufwabaana kuMwami achikumbilo chakwe wakwaamba wati: "Ndiyanda kuti lino, undipe mutwe wajoni Mubbabbatizya mukasuwo." ²⁶ Nikuba kuti eechi chakamuchisa loko mwami, pesi nkaambo kachikonke achikumbizyo, antoomwe abeenzu bakwe taakayanda kumukakila pe. ²⁷ Mpawo wakafwambaana kutuma silumamba kuti akeete mutwe wajoni. Lino wakeenda wakudunsula mutwe wajoni muntolongo, ²⁸ mpawo wawuleta mukasuwo wamupa musimbi oyo, mpawo musimbi, wakatola kuli banyina. ²⁹ Nibakamvwa oobo, basikwiya bajoni bakaza kuzobweza mutumba akuuubaamba muchibunda. ³⁰ Mmpawo baTumwa, bakamubunganina Jesu, bamwaambila zyonse nzibakachita akuyisya. ³¹ Lino nkaambo kakuti bantu bayiingi bakalikuza kabeenda kabatakwe nibajana chiindi chakuti balye, wakati kulimbabo, "Muzide okuno kusitikide mulyookezye." ³² Bakeenda muli chabochabo mubwaato bazubuka baya kutakwe bantu pe. ³³ Lino bamwi bakababona nibakazubuka bakabaziba mpawo bakeenda amawulu kuzwa mumyuunzi yoonse bakubatangunina kusika. ³⁴ Lino nibakasika kuchito Jesu wakabona makamu makamu abantu, wakabafwida luzyalo, nkaambo bakali mbuli mbelele zitakwe mweembeli. Mpawo wakatanguna kubaiysya zintu zyiingi. ³⁵ Lino muchiindi eechi lyakali lyaba goko, basikwiya bakwe bakaza kuli nguwe bakati, "Okuno nkubusena butakwe chintu, alubo chiindi chamana. ³⁶ Baande bantu aba baye mumyuunzi izyungulukide munyika oomu bakalyulile chakulya." ³⁷ Pesi wakabasandula wati, "Mubape chakulya ndinywe." Bakati kuli nguwe, "Nga tulayinka na tukawule mikamu yachinkwa yiita myaanda yobile yama denari kuti tubape balye?" ³⁸ Wakababuzya wati, "Mujisi zinkwa zingane? Mwiine mukalange." Nibakalanguula bakati, "Tujisi zinkwa zili musanu abaswi babili." ³⁹ Wakabalayilila kuti baambile bantu boonse kuti bakkale muzibumga zibumga abwizu butete. ⁴⁰ Mpawo bakakkala ansi muzibunga; muzibunga zyanyaanda azya makumi musanu. ⁴¹ Wakabweza zinkwa zili musanu abaswi babili, mpawo wakalanga kujulu, wakapa kulumba elyo wakakwamuna zinkwa mpawo wazipa kuli baikwiyya kuti bape bantu, wakakwamuna baswi babili mpawo wabapa boonse. ⁴² Bakalya boonse bakkuta. ⁴³ Bakabwezelela bufwefwelenga bwazinkwa, abaswi bwakachala bazuzya zisuwo zili kkumi azibili. ⁴⁴ Imweelwe wabaluumi bakalya wakali kusika kuzyuulu zili musanu. ⁴⁵ Mpawaawo wakaambila basikwiyya bakwe kuti banjile mubwaato bazulule baye mutala, ku Betisayida, wakaambila bantu kuti bamwayike. ⁴⁶ Nibakeenda, wakaya kuchilundu kuti akakombe. ⁴⁷ Lino nilyakaba goko, bwaato bwakali akati kalwizi, we wakachaala alikke kunze. ⁴⁸ Wakabona kuti kuti balokuzundaana aluuwo, nkaambo luuwo lwakabalwanisia. Achiindi chamansiku wakeenda atala ameeda, kaya kuli mbabo. Wakali wamba kubayinda kumbali. ⁴⁹ Pesi nibakamubona keenda atala alwizi, bakayeyanga ncheelo, bakoomba, ⁵⁰ nkaambo boonse nibakamubona bakayoowa. Mpawo awo wakabaambuuzya wati, "Mujate moyo! Ndime. Mutayoowipe!" ⁵¹ Elyo wakatanta mubwaato ambabo, mpawo luuwo lwakamana. Bakagambwa loko, ⁵² mbokunga tebakamvvisisisy pe atala azinkwa; myoyo yabo yakayumisigwa. ⁵³ Lino nibakazubukila mutala, bakasika ku Jenesaleti bakaanga bwaato kunkomwe yalwizi. ⁵⁴ Kabachizwa biyo mubwaato bantu batalika kumuziba Jesu. ⁵⁵ Bakachijana chisi choonse alimwi bakabweza bachiswa amalo akubatola oko kufumbwa nkubakamvwa kuti nkwbabede. ⁵⁶ Lino kufumbwa kumyuunzi nkvakaya, kumadolopo naanka kumabazu anyika bakalikubikkia bachiswa muzisambalilo. Bakamukumbila kuti bajate chisamo chakwe, abaabo bakajata bakaponesegwa.

7

¹ BaFalisi abamwi bayiisyi bamulawu bakali bazwa ku Jelusalema bakamubunganina
² Mpawo bakabona bamwi basikwiya bakwe kabanikulya chakulya amaboko “atasalali,
 ” nkukuti, atasambide. ³ (BaFalisi abaJuda boonse tabalyi chakulya kabatasambide
 maboko pe mbuli kuchiyanza chabo, nkaambo bajisi mbuli tunsiyasiya twabapati.
⁴ Nibawza kuzisambalilo ba Falisi tabalyi pe kabatasambide. Balalondola atumwi
 tunsiyansiya twiingi, tuli mbuli kusanzya nkomechi, nongo zyameenda azilongo
 nzikbalida.) ⁵ Lino baFalisi abayiisyi bamulawu bakabuuya Jesu batii, “Nkaam-
 boonzi basikwiya bako nibatalondoli tunsiyansiya twabapati, balalya kabatasambide?”
⁶ Wakabasandula wati, “Isaya wakasinsima kabotu aatala andinywe nibasikuupawupa;
 mbuli mbaakalemba kuti: ‘Aba bantu bandilemeka amilomo yabo, pesi myoyo yabo
 ilikule andime. ⁷ Nkombyo zyabo tazikwe nchizyaamba, bayiisa milawu yabantu
 aziyanza zyabo.’ ⁸ Mwakalekezya milawu yaLeza, mpawo mwajatisya ziyanza zyabantu.
 ” ⁹ Mpawo wakabaambila wati, “Mujisi nzila inembene yakusunzulusya mulawu
 waLeza akuubikka kumbali kuti mulondole kabotu tunsiyansiya twanu! ¹⁰ Mozesi
 wakati, ‘Lemeeka wuso abanyoko,’ akuti ‘kufumbwa muntu utukila wisi abayina, weelede
 kujeegwa.’ ¹¹ Pesi nywe mulati, ‘Na muntu waamba kuli wisi abanyina, kuti ‘Kufumbwa
 zilibiyeni nzimwakagwasigwa kulindime ngu ‘Kkobbani’ (nkukuti, ‘Nchilumbyo cha
 Leza’). - ¹² elyo tamumuzumizi kuti achitile wisi abanyina chimwi chintu. ¹³ Mulalobya
 ijwi lya Leza nkaambo katunsiyansiya twanu ntumwakabamba. Alimwi mulachita
 zintu zyiingi zili mbuli eezyo.” ¹⁴ Mpawo Jesu wakayita makamumakamu abantu
 wati kulimbabo, “Amundiswilizye, moonse, mumwisisisye. ¹⁵ Takwe chili kunze
 amuntu chikonya kumuninaania kuti chanjila mulinguwe. Chininaania muntu
 ncheecho chizwa mukati mumoyo wamuntu nchimuninaania.” ¹⁶ ¹⁷ Jesu kali wasiya
 makamumakamu aabantu akunjila mung’anda, basikwiya bakwe bakamubuuya atala
 achikozyano eechi. ¹⁸ Jesu wakati, “Tamunaaba akumvwisisisya pe? ” Tamubwene na
 kuti taakwe chinjila mumuntu chili kunze kwamuntu chinga chilamuninaania chanjila
 mukati mulinguwe, mbukunga ¹⁹ tachinjili mumoyo wakwe pesi muububa biyo mpawo
 chazwa kunze. ” Mukwaamba oobu Jesu wakasalazy zaikulya zyoonse. ²⁰ Wakati,
 “Chizwa mumuntu nchichitta kuti aninaane. ²¹ Nkaambo mukati ka myoyo ya bantu,
 muzwa mizeeo mibi, buyangwe, kubba, bujayı, ²² bwamu, bwaanka, luuni, lweeno,
 cheendwe, ibbivwe, kusinga, kulipunayizya abufubafuba. ²³ Zibi eezi zyoonse zizwa
 mumoyo nzizininaania muntu.” ²⁴ Wakanyampuka aabusena oobo akuya kuchlikiti
 cha chaTaya a Sidon. Wakanjila mung’anda alimwi tewakayanda kuti azibinkane
 kuti mpali amuntu naba omwe, nekuba boobo wakachilwa kuyuba kuti bantu
 batamuboni. ²⁵ Mpawaawo umwi mwanakazi wakali amwana wakanjidwe muuya
 mubi, mbakamvwa biyo aatala ajesu wakaza wawida kumawulu aakwe. ²⁶ Mwanakazi
 oyu wakali wamusyobo waba Gilikki wakazyalilwa kuSiliya Fonisiya. Wakakumbila
 Jesu kuti atande muuya mubi uwwe mumwana wakwe. ²⁷ Wakamwaambila wati,
 “Weelede kulekela bana kuti balye saansi. Nkaambo tachili kabotupe kubweza chakulya
 chabana mpawo usowele bankala.” ²⁸ Pesi wakamuvviila wati, “Iiyi, Mwami, nekuba-
 boobo alabo bankala balabwezelela bumbulumbulu bulosya bana munsi lyatafula.”
²⁹ Mpawo wakamwaambila kuti, “Mbwasandula obo, enda biyo, muuya mubi wazwa
 kale mumwana wako. ” ³⁰ Mpawo wakajoka kung’anda wajana mwana uliede
 abulo, muuya mubi kali wazwa kale. ³¹ Lino Jesu wakazwa kubusena bwaTaya
 wakeenda wayinda muSidoni, katozya kulwizi IwaGalili mpawo wanjila muchilikiti
 chaDekkapoli. ³² Ooku, bamwi bantu bakamweetela mwaalumi musinkemati kali
 sichilimili, mpawo bakamukumbila kuti amubikke luboko lwakwe amuponisy. ³³ Wakamubweza wakamugwisya mabantu biingi wamutola kumbali, wakamunjizya
 minwe mumati. naakaswida wamudompa alulimi. ³⁴ Mpawo wakalungumana
 walanga kujulu, woompomoka wati kulinguwe, “Efata,” nkukwaamba kuti, “Sinkuka!
 ”. ³⁵ Nizyakachitwa eezi mwaalumi oolya akasinkuka matwi aakwe, lulimi lwakwe
 lwakaanganuka mpawo watanguna kwaambuuula kabotu. ³⁶ Wakabalayilila kuti
 bataambili bantu. Pesi nakanoonga wabalayilila oobu, bantu nibakayindilila loko
 kwaambuuula azyakachitika. ³⁷ Bantu bakazula kugamba kabaamba kuti, “Uchita kabotu
 loko muzintu zyoonse ulaponia basinkemati abasichilimili.”

8

¹ Kumazuba ayo, kwakaba alubo bantu bayingi loko, alimwi kabatajisi nekuba
 chakulya. Jesu wakayita basikwiya bakwe mpawo wakati kulimbabo, ² “Ndamvwa
 lweetelelo amakan i nkaambo bakendelela kunembo kabali ambebo kale kwamazuba
 otatwe alimwi kabatakwe nchebakalya. ³ Na ndabambilila kuti kabaya kumyunzi

yabo katakwe nchebalya, bayoowizuka munzila. Bamwi babo bazwa musinzo mulamfu".⁴ Basikwiya bakwe bakamusandula, "Nkukuli nkotuyojana chinkwa chizulide mubusena buyuminide buyokkutya bantu aba?"⁵ Wakababuzya, "Mujisi zinkwa zyongane?" Bakamba kuti, "Musantu azibili".⁶ Wakalayilila makamu kuti akkale ansi. Wakabweza zinkwa musanu azibili, wakapa kulumba alimwi wakazikwamuna. Wakapa basikwiya bakwe kuti babikke kunembo lyabo, alimwi bakabikka kunembo lyamakamu.⁷ Aboobo bakala answi ziche, nakamana kupa kulumbila mbabo, wakalayilila basikwiya kuti baabe azezi lubo.⁸ Bakalya pele bakakkuta, pele bakabwezazeleta bufwefwelenga bwakachala, insuwo mpati zilimusatu azibili.⁹ Kwakachibe zyuulu zyoone zyabantu.¹⁰ Mpawo wakabatuma kuti beende. Nibakamana bakanjila mubwaato abasikwiya bakwe, alimwi bakaya kuchisi chaku Dayimanuta.¹¹ Mpawo baFalisi bakasika anze kumukanza. Bakakumbila zitondezyo zyakujulu, kuti bamusunke.¹² Wakagamba kapati wayoyela mukati wamba wati, "Nkambonzi izyalane eli niliyandula zitondezyo? Nchobeni ndamwambila kuti, takwe chitondezyo nchiyopegyo kuzyalane eli".¹³ Mpawo wakabasiya, wabweeda mubwaato lubo, akwiinka kulubazu lumbi.¹⁴ Lino basikwiya bakaluba kubweza chinkwa beni. Tebakachilikwe chinkwa nikuba chomwe mubwaato.¹⁵ Wakabalayilila wakati, "Mube akulangila alimwi muchenjele kubumena bwama Falisi akubumena bwa Heloda".¹⁶ Basikwiya bakabonisiana umwi awumwi, "Nkambo kakuti tatukwe chinkwa".¹⁷ Jesu wakaziziba ezi, wakati kuli mbabo, "Nkambonzi nimulikubonisyana akubula chinkwa? Sa tamuna kubona? Sa tamuna kumvwisya? Sa myoyo yanu ichilimiyumu?¹⁸ Mula ameso, tamubonu na? Mulamatwi, tamumvwi na? Sa tamuyeyi?¹⁹ Nindaka kwamuna zinkwa zilimusatu munwelwe wamusatu wazyuulu, nzingane nsuwo zyakazwide zyabufwefwelenga bwazinkwa nzimwakabwezeleta? Bakati kulinguwe, "Ikkumi azibili".²⁰ "Nindakawamuna zinkwa zilimusatu azibili mumwele wazyuulu zine, nzingane nsuwo zyabufwefwelenga bwazinkwa nzemwakabweza?" Bakati kulinguwe, "Musantu azibili".²¹ Wakati, "Sa tamunakumvwisya na?"²² Bakasika kubetisayida. Bantu bankuko bakamwetela umwi mwalumi mofu alimwi bakakumbila Jesu kuti amugume.²³ Jesu wakajata mwalumi mofu ajanza, akumutola kumbali agunzi. Nakasikaswida aansi wakanda bulongo wakamunanika kumeso akwe akumubikkia janza lyakwe, wakamubuzya, "Kuli nchwabona na?"²⁴ Wakalanga kujulu wakati, Ndabona balumi balangika anga minsamu ilokweenda.²⁵ Alimwi wakabikka lubo maanza atala ameso akwe, aboobo mwalumi wakabona, meso akwe akabweda, akubona zintu zyoone chaantanganana.²⁶ Jesu wakamutuma wakati koya kumunzi wanu, "Utakunjili mudolopo".²⁷ Jesu wakiinka abasikwiya bakwe mugunzi lyaKayisala Filipo. Kabachili munzila wakabuzya basikwiya bakwe, "Bantu bandamba kuti ndimeni?"²⁸ Bakamusandula bakati, "Joni muBbizi".²⁹ Bamwi baamba kuti Eliya, abamwi, nduwe umwi wabasinsimi".³⁰ Wakababuzya, "Pele nywebo mundamba kuti ndimeni?" Pita wakati kulinguwe, "Nduwe Kilisito"³¹ Jesu wakabachenjezya kuti batambilii nikuba umwi atala anguwe.³² Wakasanguna kubaiisyaa atala akuti Mwana Muntu uyofwabisigwa muzintu zyingi, alimwi uyokukakwa abapati akuba payizi bami akubalembi, akuyojayigwa, pele mumazuba atatu uyobuka.³³ Wakama makanii aya chaantanganana. Mpawo Pita wakamutola kumbali akumukalalila³⁴ Pele Jesu wakachebuka akulanga basikwiya bakwe mpawo wakakalalila Pita wakati, "Kozwa kusule lyangu, Satani! Tubikkide miyeyo yako kuzintu zya-Leza, pele kuzintu zyabantu".³⁵ Mpawo wakayita makamu abasikwiya antoomwe, wakabambila kuti, "Na kulumwi uyanda kunditobelaa welede kultakata Iwakwe mwini, abweze chingano chakwe, akunditobelaa³⁶ Kufumbwa uyanda kufutula buumi bwakwe uyobuswekelwa, ayoyo usweekela bumi bwakwe akuyanda kwangu akujwi lyangu uyobujana.³⁷ Nimpindunu njajana muntu kukuvuba nyika yoonse alimwi akuyoswekelwa buumi bwakwe? Nchili muntu nchakonyza kupa kwinda buumi bwakwe?³⁸ Kufumbwa ufwu nsoni akaambo kangu amajwi angu muchibaka chamamambe achibi chazyalane, Mwana aMuntu uyowusigwa nsoni anguwe nakusika mubulemu bwaWisi antoomwe abangelo basalala".

9

¹ Wakati kulimbabo, "Nchobeni ndati kuli ndinywe, mpubali bamwi banu bayimvvi awa katakoyofwa banjila kabatana bona Bwami bwakujulu bwa-Leza busika kabuli anguzu. ² Nikwakayinda mazuba alimusatu alimwi, Jesu wakabweza Pita, Jemusi aJoni wakeenda ambabo atala amulundu, Iwakwe ambabo. Mpo wakasanduka kunembo lyabo. ³ Zyakusama zyakwe zyakangayima, zyakatubisisya kwiindilila loko kutuba kwiinda chintu chitubisisya munyika chinga chilakonzya kupenda chimwi. ⁴ Mpawo

Elayija kali aMozesi wakalibonya kulimbabo alimwi wakalikwambula a Jesu. ⁵ Pita wakasandula akwamba kuti kuli Jesu, "Muyiisi, nchibotu kuba ano toonse, atuyake zilawu zyotatwe, chimwi chibe chako, chimwi chibe chaMozesi alimwi chimwi chibe cha Eliya". ⁶ (Takalizi zyakwamba, nkambo wakali yowede.) ⁷ Ijoba lyakasika akubavumba. Mpawo ijwi lyakazwa mujoba, "Ooyu ngomwana wangu ngundiyandisya. Amumuswiile". ⁸ Aboobo, nibakalanga kumbali, bakabona kakutachikwe muntu akati kabo pesi Jesu alikke. ⁹ Nibakalikuya buseluka kuzwa achilundu, wakabalayilila kuti tabelede kubuza kufumbwa omwe nzibakabona kusikisa Mwana aMuntu akabuke kuzwa kubafu. ¹⁰ Mpo bakabamba twaambo twabu beni, pesi bakazuwisyana lwabo beni ninzi "Kubuka kuzwa kubafu" zyambaayi. ¹¹ Bakamabuzya, "Nkambonzi balembi nibakati Eliya nguyelete katalika kusika?" ¹² Wakati kulimbabo, "Eliya ulede katalika kusika kuzobambulula zintu zyoonse. Lino nkaambonzi nikulembedwe kuti Mwana waMuntu nelede kufwabisigwa kuzintu zyiingi akunyonganisigwa? ¹³ Pesi ndamwambila kuti Eliya wasika, bakachita kufumbwa nzibayanda kuchita alingwe mbuli mbukulembedwe atala anguwe". ¹⁴ Mpawo nibakasika kuli basikwiya, bakabona makamu abantu kabazyungulikide. ¹⁵ Mpo balembi bakali kukaziyanya ambabo. Lino nibakabona Jesu, makamu woonse akagamba nibakamuchijanina bakamujuzya. ¹⁶ Wakabuzya basikwiya bakwe, "Mulukukazyananzi ambabo?" ¹⁷ Umwi wakalinkamu wakasandula, "Omwiiyi, ndeeta mwana wangu kulinduwe ulamuuya umwiita kuti atambulipe. ¹⁸ Umumana manguzu akumuwunsiya ansi akuzwa kkova mumulomo, ngawayuma ntiuiyo, akuyuma mubili. Ndakabuzya basikwiya bako kuti bamugusye asi bakachilwa". ¹⁹ Wakabasandula, "Mazyalane atasyomi, ndakkala andinwyе kwachiindi chilibuti? Ndiyomukombeleya kuchiindi chilibuti? Mumweete kuli ndime" ²⁰ Bakamweta mulombe kulinguwe. Kuchindi muuya nwakabona Jesu, mpawo awo lyakamuwisyaya lyamupa kugwigwima. Mulombe wakawida ansi akuzwa ikkovu mumulomo. ²¹ Jesu wakabuzya wisi, "Kwaba chiindi chilibiyeni kazichitikana?" Wisi wakati, "Kuzwa kachili mwanikenike". ²² Chimuwisizya mumulilo kkana munzani akwezya kumujejakuti kukonzya kuchita kufumbwa, tufwide luzyalo utugwasye". ²³ Jesu wakati kulinguwe, "Kuti kazikonzeka zyoonse zintu zilakonzeka kuliyo usyoma!" ²⁴ Mpawo wisi wamwana wakalila akwamba kuti, "Ndimusyomi! kondigwasya akutasyoma kwango!" ²⁵ Jesu nakabona makamu kabachijanina, wakatanda myuuya mibi akwaamba kuti, "Nutambuli nutamvvi ndakwambila kuti, zwamulinguwe, utazobi nunjila lubo mulinguwe". ²⁶ Lyakalila akugwigwimya mulombe akuzwa mulinguwe. Mulombe wakalanga mbuli wakalifwide, biangi bakati, "Ulfwide". ²⁷ Pele Jesu wakamubeza aluboko wamunyampula, mulombe wakayimikila. ²⁸ Jesu nakasika munganda, basikwiya bakamabuzya chakusikizya, "Nkambonzi nitwatalitanda?" ²⁹ Wakati kulumbabo, "Ezi zyamisyobo oyu tazitandiki pesi akukomba". ³⁰ Bakeenda kuzwa awo akwiinda muGalilaya. Takalikuyanda kufumbwa kuti bazibe nkubakabede, ³¹ nakalikuyiisya basikwiya bakwe. Wakati kulimbabo, "Mwanamuntu uyopendekezegwa mumaboko amuntu, alimwi bayomujeya. Natayobikwe kulufu, nikutakayinde mazuba atatu uyobuka kuzwa kubafu. ³² Pesi tebakazimvwisisiya pe nzyakali kwamba, alimwi bakalikuyowa kumubuzya. ³³ Mpawo nibakasika kuKkapenamu. Mpawo nakanjila munganda wakababuzya, Mwalikwambanzi munzila?" ³⁴ Pesi bakawumuna. Mbulukuti bakalibuya bukaziyanya awumwi amwenzinyina kabali munzila atala akuti ngwani mupati. ³⁵ Nakakkala ansi, wakayita basikwiya bakwe bali kkumi ababili kabali boonse alimwi wakati kulimbabo, "Na kuli uyanda kuba wakusanguna, welede kuba wakumaninsizya kuli boonse akubalande boonse". ³⁶ Wakabweza mwana munini wakamibikka akati kabo. Wakamubweza akumubikka amakwiyo akwe alimwi wakati kulimbabo, ³⁷ "Kufumbwa utambula mwana oyu muzina lyangu watambula ndime, kufumbwa oyo unditambula tatambuli ndime pesi utambula oyo wakandituma". ³⁸ Joni wakati, "Muyiisi, twabona umwi katanda badayimona munzina lyako alimwi twamukasya, nkaambo tatutobeli pe". ³⁹ Pesi Jesu wakati, "Mutamukasyi, mbulukuti takwe utakachite milimu mipati muzina lyangu alimwi mbulikuzwa awo bakambule kufumbwa zili atala andime. ⁴⁰ Kufumbwa utakazyani andiswe ngwesu. ⁴¹ Kufumbwa ukupa nkomesi yamanzi kuti unywe muzina lyangu nkambo uzwa kwaKlisito, nchobeni ndamwambila kuti, takoyoyibulikilwa impindu yakwe. ⁴² Kufumbwa uchita banikenike bandisyoma kui bae, zinoli zibuto kulinguwe kuti abeze ibwe asungwilwe munsingo yakwe alimwi awalwe mulwizi. ⁴³ Naa kuboko kwako kwakubisizya, kudunsule. Nchibotu kunjila mubwami bwakubotelwa kwiinda kuba amaboko abili alimwi wakuwida mubbibi lyamulilo, kumulilo utazimi. ⁴⁴ Munchali 44mutabikkilizidwe mu ULB. Amba kuti ichikoye chabo tachikoyofwa, alimwi mulilo tukoyozimwa. ⁴⁵ Na kuulu kwako kwakuchita kuti ubisyé, kudunsule. Nchibotu kunjila mubuumi bwakubotelwa kuli

chilema kwiinda kuba amawulu abili alimwi wakuwida mubbibi lyamulilo.⁴⁶ Munchali 46 tabikkidwe pe mu ULB. Amba kuti ichikonye chabo tachikoyofwa, alimwi mulilo tukoyozimwa.⁴⁷ Na liso lyako lyakuchita kuti ubisyé, ligusye. Nchibotu kunjila mubwami bwakujulu aliso limwi kwiinda kuba ameso abili wakuwisigilwa mubbibi lyamulilo,⁴⁸ kutayofwa kwachikonye chabo, mulilo tukoyozima.⁴⁹ Nkaambo moonse muyolungwa amunyo wamulilo.⁵⁰ Munyo mubotu, pesi kuti munyo wasapuka, ulachitwa biyeni kuti ube munyo lubo? Amube munyo nywebo nobeni, alimwi mube alumuno kuli umwi awumwi".

10

¹ Jesu nakazwa kubusena obo waya kuchisi chaku Judiya a kubusena bwamutala a mulongajodani, alimwi bantu biangi bakaza lubo kulinguwe. Wakali kubaiisya lubo, mbuli mbakali wažibila kuchita.² Mpawo baFalisi bakaza kulinguwe kuzomusunka alimwi bakmubuzya kuti, "Chili mumulawu na kuti mwalamu aleke banakwe?" Wakasandula,³ "Wakamulayilila buti Mozesi?"⁴ Bakati, "Mozesi wakazuminina mwalamu kulemba lugwalo lwakulekana alimwi akumutanda".⁵ "Nkuyuma kwamyoyo yanu chakapa kuti alembe mulawo oyu", Jesu wakabambilila.⁶ "Pele kuzwa kumatalikilo akulenga, 'Leza wakababumba, mwalamu amwanakazi'.⁷ "Akambo kachechi mwalamu uyozwa kuliwisi abanyina⁸ alimwi akakkale abanakwe, alimwi bobile bayooba nyama yomwe! Aboobo tabachili bobile pe, pele nyama yomwe".⁹ Aboobo Leza nzyaswanizya antoomwe, kutakabi mutu uzyaananza".¹⁰ Awo nibakali mun'anda, basikwiyya bakamubuzya lubo aatala achedhi.¹¹ Wakati kulimbabo, "Naba ani uleka mwakanazi akukwata umbi wamuchita bumambi.¹² Naa mukayintu waleka mulumi wakwe wakwatwa awumbi mwalamu, wachita bumambi".¹³ Mpawo bakeeta bana babo banini kulinguwe kuti abagume, pele basikwiyya bakabalalila.¹⁴ Pele Jesu nakazibona, tezyakamubotezya pe alimwi wakati kulimbabo, "Muzumizye bana mutabakasyi, nkambo bwami bwaLeza mbubwabo bali booboo.¹⁵ Chakasimpe ndamwambila, naba ani utatambuli bwami bwaLeza mbuli mwana munini takonzi kuyobunjila".¹⁶ Mpawo wakababweza bana mumanza akwe alimwi wabalongezya nakabikka mabok akwe alimbabo.¹⁷ Nakatalisy a lweendo lwakwe, umwi mwalamu wakachijana wazofugama kunembo lyakwe alimwi wabuzya, "Muyisi mubotu, ndichite buti kuti ndikajane buumi butamani?"¹⁸ Jesu wakati, "Nkamponzi nuti ndimubotu? Tako pe mubotu naba umwi kunze kwaLeza alikke.¹⁹ Ulizi milawo: 'Utajayi, utachiti bumambi, utabbi, utabejeleyzi umwi, utabbi chakweenea, lemeke uso abanyoko.'²⁰ Mwalumimwakati, "Muyisi, zyoonse ezi zintu ndakazitibeleyza kuzwa kandichili mukubusi".²¹ Jesu wakamulanga alimwi wamuyanda. Wakati kulinguwe, "Chintu chimwi nchobula. Weelede kuuzya zyoonse nzulazyo alimwi uzipre kubachete, elyo uyojana buvubi kujulu. Mpawo sika, unditobele".²² Pesi akaambo kamakani aya wakawusa kapati alimwi wakayinka kafwisya nsoni, nkambo wakali azintu ziyingi.²³ Jesu wakalangalanga mpawo wakati kulibasikwiyya bakwe, "Nchiyumu buti kubavubi kunjila mu bwami bwaLeza!"²⁴ Basikwiyya bakagamba kumajwi akwe.²⁵ Pesi Jesu wakabambilila lubo, "Nobana, nchuubuwuba kunkamela kuti yiinde mumpako yanaliti kwiinda muvubi kuti anjile mubwami bwaLeza".²⁶ Bakagamba kapati alimwi baambilana kuti, "Ngwani unga ulakonzya kufutulwa?"²⁷ Jesu wakabalanga alimwi wati, "Kubantu tachikonzeki, pele kuli Leza chilakonzeka. Nkambo zintu zyoonse zilakonzeka a Leza".²⁸ Piṭa wakatalika kwambula kulinguwe, "Boona, twasiya zyoonse twakutobela".²⁹ Jesu wakati, "Nchobeni ndamwambila, takwe pe wasiya n'anda naa banyandumi naa bachizi naa banyina naa bana naa nyika akambo kandime alimwi akambo kavangeli,³⁰ utakabule kutambula ziindulwidwe mwaanda munyika omuno lino: n'anda abanyandumi a bachizi a mamama abana anyika, mukupenzewga, munyika utobel, buumi butamani.³¹ Pele biangi balikumatangunino bayooba bakumamanino".³² Bakali mumugwagwa kababayabuya kuJelusalema, alimwi Jesu wakali kunembo lyab. Basikwiyya bakagamba, alimwi abaabo bakali kutobel musule bakayowa. Mpawo Jesu wakabweza bali kkumi ababili wabatola kumbali alubo watalika kubambilila zizochitikana kulinguwe kuchiindi chitobel linolino.³³ "Amubone, tuyabuya kuJelusalema, alimwi Mwana waMuntu uyowabwa kubapayizi batapi abalembi.³⁴ Bayomupa mulandu walufu akumwaaba kulibamasi. Bayomusonsya, bayomuswida mate amubili, bayomuumu, alimwi bakamujeye. Pele kwiinda mazuba atatu uyoboka.³⁵ Jemusi a Joni, bana baZebbadji, bakaza kulinguwe batii, "Muyisi, tuyanda kuti mutuchitile kufumbwa nzituyomukumbila kulinduwe".³⁶ Wakati kulimbabo, "Niinzi nchimuyanda kuti ndikamuchitile?"³⁷ Bakati, "Tuzumizye kuti tukkale anduwe mubulemu bwako, umwi kuchilisyo umwi kuchimwensi."³⁸ Pele Jesu wakabasandula, "Tamuchizi nchimuli

kukumbila. Mulakonzya na kunywa nkomechi njesikanywe naa kukakatila kulubbizizyo ndwesikabbizigwe andulo?"³⁹ Bakati kulinguwe, "Tulakonzya." Jesu wakati kulimbabo, "Nkomechi njesikanywe, muyoyinywa, alimwi lubbizizyo ndwesikabbizigwe andulo, anywebo muyolubbizigwa.⁴⁰ Pele utakkale kuchilisyo kana kuchimwensi tensi ndime nensyambe pe, pele nkukwabaabo babambilidwe mbubo."⁴¹ Awo bamwi balikkumi nibakamvwa eecho, bakatalika kunyemena Jemusi a Joni.⁴² Jesu wakabayita kulinguwe wati, "Mulizi aabo baambwa kuti mbendezezi babamasi balabendelezya, alimwi basikutwe babo bakatondezya manguzu aabo alimbabo.⁴³ Pele tazikoyooba mbubo pe akati kanu. Naba ani uyanda kuba mupati akati kanu weeleded kuba mupati mulanda,⁴⁴ alimwi naba ani uyanda kuba mutanzi akati kanu weeleded kuba muzike waboonse⁴⁵ Nkambo Mwana aMuntu takazida kuzofutulwa pe, pele kufuluta, alimwi akupa buumi bwakwe kukwanganuna biingi."⁴⁶ Bakasika kuJelikko. Nakazwa kuJelikko abasikwiya bakwe amakamu makamu, mwana wa Timiyasi, Bbatimiysi, moofu, wakalikkede kumbali amugwaga.⁴⁷ Awo nakamvwa kuti Jesu muNazalenzi, bakatalika koompolola wati, "Jesu Mwana waDavida, ndifwide luzyalo!"⁴⁸ Biingi bakamukasya mwalumi boofu, bamwambila kuti awumune. Pele wakompolola changuzu, "Mwana waDavida, ndifwide luzyalo!"⁴⁹ Jesu wakayimkila alimwi wabalayilila kuti bamwiite. Bakamwiita mwalumi moofu, bat, "Koyuma! Nyampuka! Ulikukwiita."⁵⁰ Wakasowela ansi chikobela chakwe, wasotoka alimwi wasika kuli Jesu.⁵¹ Jesu wakamusandula wati, "Niinzi nchuyanda kuti ndikuchitile?" Mwalumi moofu wakati, "Muyisi ndiyanda kubona."⁵² Mpawo Jesu wakati kulinguwe, "Kuya. Lusyomo lwako lwakuponya." Mpawo wakabona lubo, alimwi wakamutobelwa mumugwaga.

11

¹ Nibakasika ku Jelusalemu kabali aafwiifwi aku Bbetipeji a Bbetaniaku Chilundu chama Oliva, Jesu wakatuma basikwiya bakwe bobile,² wakati kuli mbabo, "Amwiinke kugunzi lilikunembo lyenu, mbumutakanjile biyo, muyoojana mwana wembongolo waangidwe nkuko, uutanatantwa naba womwe muntu. Mukamwaan-gunune mumweete okuno.³ Na kuli uyomubuzya kuti, "Muchitalanzi ooob?" mukamwaambile kuti, "Mwami nguulikumuyanda alubo ulamuboozya aano muchiindi chifwiifwi."⁴ Bakayinka baakumujana mwana wedonki kumbali aamunzi, kaangidwe kumanjililo aamunzi. Nibakamwaangununa.⁵ Bamwi bantu bakayimvwi mpawo bakabuzya kuti, "Muchitaanza, nimwaangununa mwana wembongolo donki ooyu?"⁶ Bakasandula mbuli Jesu mbaakabaambilide, mpawo bantu bakabazumizya kuti beende.⁷ Nibakamweeta mwana wembongolo kuli Jesu bakayala majansi amusa-na wakwe, Jesu wakakkala aalinguwe.⁸ Bantu biingi bakayala milembo yabo mumugwagwa, bamwi bakayala matu ngibakatemene mumuunda.⁹ Bakazulwide abakalimusule bakompolola kabati, "Hossana! Ulilongezedwed ooyo uza muzina lyaMwami.¹⁰ Bulilongezedwed ibwaami buyobuza ibwa taata wesu Davida! Hossana mujulu lyamajulu!"¹¹ Jesu wakanjila mu Jelusalema akwiinka ku Chikombelo bakalan-galanga boonse busena, pele nkaambo kakuti lyakali lyaba goko, wakayinka ku Bbetani abalikumi aababil.¹² Buzuba butobelwa nibakaboola kuzwa ku Bbetani, wakali waba aanzala.¹³ Mukubona mukuyu amatu aawo chakule, wakayinka kuti akabone kuti ulaamichelo na. Naakasika afwiifwi wabona matu luzutu kakutakwe michelo, kambo techakali chiindi chankuyu pe.¹⁴ Elyo wakaambila mukuyu kuti, "Kutazoobi naba womwe uzoolya michelo kulinduwe."¹⁵ Basikwiya baakwe bakamuvwa kawamba majwi aayo.¹⁶ Naakasika mu Jelusalema, wakanjila muchikombelo mpawo wakatalika kwaandingania bakalikuula akuuzya oomo. Wakatonta matebuli aabasimuchinchamali ezyuuno zyabaabo bakalikuuzya nkwilimba.¹⁷ Mpawo takwe naakazumizya naba omwe kuti abweze zyakalikuuzigwa mulubaya lwatempa.¹⁸ Mpawo naakabayiisa wakati, "Tachilembedwe na kuti: 'Ng'anda yangu iyotegwa ning'anda yakukombela kwamanyika wonse?' Pesi nyewe mwayichita ng'anda yabasikubba."¹⁹ Bapati babapayizi abasimilawo bakaamvwa makani aya eelyo bakayandula nzila zyakumujaya aazyo, bakalikumuyowa nkaambo bantu biingi boonse bakaba aakugamba enjiisyo yakwe.²⁰ Nilyakaba igoko, bakazwa mudolopo.²¹ Chifumofumo nkabayobweenda, bakabona mukuyu nkuuyumide kuzwa kumiyanda.²² Pita wakayeyea mpawo wakati kuli Jesu, "Muyisi wangu langa! Mukuyu ngwakatukila wayuma!"²³ Jesu wakasandula kuti, "Amube aalusyomo muli Leza.²⁴ Ndimpwaambila kasimpe kuti, na umwi wati kuchilundu, 'Nkoya ukaliwalile mulwizi,' mpawo nkatadooneki mumoyo wakwe pesi nkasyoma kuti ezyo nzyawamba ziyochitika, ziyochitika mbubo.²⁵ Nkaako ndamwaambila kuti: Kufumbwa nchimuyookumbila mukukomba, amusyome kuti muyoochijana, mpawo chiyooba chanu.²⁶ Mpawo naa wayimkila kokomba, na nkowangilide umwi

moyo, mulekelele, nkokuti Wuso wako ulukujulu akulekelele zibi zyako. ²⁶ [“Nkambo kuti inywe nkamutalekelele bantu balaamilandu kuli ndinywe, alakwe Wuso ulukujulu takoyoomulekelela milandu yenu.”] ²⁷ Bakasika lubo kuJelusama. Eelyo Jesu naakay-obweenda mulubuwa IwaChikombelo, bapayizi batapi, abayisyi bamulawu abapati bembungano bakeza kulinguwe. ²⁸ Bakati, “Mumanguzu aani mochita zintu ziloobu? Alimwi ngwani ukupa inguzu zyakuchita zintu eezi? ”. ²⁹ Jesu wakasandula kuti, “Ndiyobuzya mubuzyo womwe. Mundisandule, eelyo ndiyomwaambila kuti munguzu zyani mwendikuchita zintu eezi. ³⁰ Lububbabatizyo Iwajohani, lwakalikuzwa kujulu na, nakuti lwakazwa kumuntu? Mundambile!” ³¹ Bakayizya aatala amakan aaya mpawo bakakazyania batip, “Nitwaamba kuti, ‘Luzwa kuzulu, ’ ulatubuzya kuti ‘Nkamboonzi nimutamusyomi? ’ ³² Pesi nitwaamba kuti, ‘Luzwa kumuntu’.... ” bakayoowa bantu nkaambo muntu woonsse wakalizi kuti Joni musinsimi mwinimwini. ³³ Alimwi bakasandula Jesu kuti “Tatuze pe.” Mpawo Jesu wakabaambila kuti, “Nsikomwaambila pe ambebo kuti manguzu aani ngechita aawo zintu eezi”.

12

¹ Mpawo wakasanguna kubaambila maambila mbali wakati, “Mwaalumi umwi wakabyala misamu yamisansa. Wakayakila lubaya aalinjiyo, wakasya dindi lyakudinina nsansa, akuyaka ingaze yasikulinda. Alimwi wakajana kupa bamwi balimi mpawo wakaya kuchisi chimbi. ² Muchiindi chakutebulu wakatumua umwi wababelesi bakwe kuyoobweza michelo yamansansa. ³ Pesi balimi abo bakakumujata, akumuma, akumwaanda nkakutakwe nchakabweda aacho pe. ⁴ Wakatuma uumbi mubelesi; oyo mwaalumi bakamutulula mumutwe akumusampawula. Wakatuma uumbi, alubo oyo bakakumujaya. ⁵ Wakatuma bambi bingi; bamwi bakawumwa, bamwi bakajayigwa. ⁶ Kwakasyaala omwe biyo wakutuma, nkali mwana ngwaakali kuyandisya kapati. Wakamutuma nkali wakumaninsiza, wakati, “Bayomuleme ka mwanangu.” ⁷ Pesi balimi bakaambilana kuti, “Ooyu ngusimulya lukono, muze tumujaye, mpawo lukono luyoba lwersu.” ⁸ Nkabela bakamujata akumujaya, akumuwaalila anze aamuunda waminsansa. ⁹ Aboobo ulachita buti mwani muunda? Ulasika akujaya balimi akape bambi muunda wamisaansa. ¹⁰ Tamuna kwaabala na malembe: ‘Ibbwe lyakasowedwe abasikuyaka ndilyakazooba ibbwé lyachooko. ¹¹ Mwaami ngwaakachichita eechi, mpawo chilaboteyza kumenso eesu? ’ ¹² Eelyo bakayanduuula nzila yakumwaanga aayo nkaambo bakaziba kuti wakali kwaamba mbabo kumaambila mbali aaya. Pesi bakayoowa inkamu yabantu yakaliwo, nkaako bakamusiya mpawo bakienda. ¹³ Muchiindi chitobelaa bakatuma bamwi baba Falisi aba Heloda kuli Jesu kuti bakamujate mumakanai aakwe. ¹⁴ Bakasika kulinguwe bakati, “Muyisi, tulizi kuti ulimwaalumi ulaabulemu usyomekede. Topenzegwi abantu, nkaambo toswiiliyi makani aamuntu na kulanga chiwa chamuntu; pesi uyiisa nzila ya Leza mbuli mbiibede amubwini. Chileede na kutela kuli Kkayisala na pe? Tweelete kuti tubbadale na, naa kuti pe? ” ¹⁵ Pesi Jesu wakalizi kuupawupa kwabo. Jesu wakababuzya kuti, “Kaambonzi nimulikweezya kunditeya? ” Wakati, “Amundeetele nsiliva yanu alimwi ndibone mbiibede.” ¹⁶ Elyo bakiyeta nsiliva, alimwi wakababuzya kuti, “Mbubwani busyu obu? Alimwi ndizina lyani lilembedwe mpawo? ” Bakasandula kuti, “Nzizya Kkayisala. ” ¹⁷ Mpawo Jesu wakati kulimbabo, “Amupe Kkayisala zyaKkayisala, alimwi mupe Leza izya Leza. ” Bakaba aakugamba aatala anguwe. ¹⁸ Mpawo ba Saduki, baamba kuti takwe bubuke, bakaza kulinguwe amubuzyo. Bakati, ¹⁹ “Muyisi, Mozesi wakatulembela kuti, ‘Na mukulana wamulumi mpawo wasiya mwanakazi kabatakwae bana, mwaalumi weelede kukwata mukamufu mpawo babe abana bamukulana.’ ” ²⁰ Kwakali bana bachaalumi bali musanu ababili. Mutaanzi wakakwata mpawo wakafwa katasiide mwana naba womwe. ²¹ Wachibili wakakwata mukamufu, pesi alakwe wakafwa katasiide mwana. Chakaba mbubo akuli watatu. ²² Tawope akati kababa bali musanu ababili wakasiya mwana. Kumamanino, alakwe mwanakazi wakafwa. ²³ Kububuke bwabafu, oyu mwanakazi uyooba wani? Mbunga boonse kabali musanu abatatu bakalimukwete.” ²⁴ Jesu wakasandula kuti, “Tamuli mubulubizi na kambo malembe tamwaazi naa kuti manguzu aa Leza? ²⁵ Bafu nibayoobuka, tabakoyookwata nikuba kukwatanisigwa; bayooba mbuli bangelo kujulu. ²⁶ Lino mukwaamba atala abafu nibayoobuka temwakabala na muBbuko IyaMozesi, kuleezyo zyakachitika kuchiteyo, Leza mbakaambula kulinguwe, ‘Ndime Leza wa Abbulamu, Leza wa Ayizeki, alubo Leza wa Jakobo?’ ²⁷ Tali Leza wabafwide, pesi ngwababaponia. Mulilubizizye kapati!” ²⁸ Umwi wabayisyi bamulawo naakasika wakamvwa kabakazyania. Nkabwene kuti Jesu wakali wabapa nsandulo mboto, wakabuzya Jesu kuti, “Nguuli mulawo mupati kwiinda imwi akati kamilawo yoonse? ” Jesu wakamusandula kuti, ²⁹ “Ngooyu:

'Amuswiilile, noma Izilayeli, Mwaami Leza wesu, Mwaami ngumwi.³⁰ Yanda Mwami Leza wako amoyo wako woonsse, amizeeo yako yoonse, mpawo amanguzu aako woonsse. ' Wabili ngooyu:³¹ 'Yanda mweenzinyokwe mbuli mboliyanda.' Tuwope mulawo mupati wiinda eeyi."³² Oyu mwaalumi wakasandula kuti, "Waamba kabotu omuyisyl, waamba kabotu kuti Leza ngumwi alubo takukwe umbi kunze kwakwe alike.³³ Kumuyanda amoyo wako woonsse, akumvwisisisya kwako alubo amanguzu aako woonsse, mpawo akuyanda simabambanwa wako mbuli mboliyanda nkubotu loko kwinda zipayizyo."³⁴ Lino Jesu naakabona kuti wasandula chabuchenjezu, wakati kuli nguwe, "Tolikulepe a Bwami bwa Leza." Elyo kuzwa awo tawope naba omwe wakeezya kumubuzya iimbi mibuzyo.³⁵ Nkali kuiyisya Jesu mulubuwa Iwatempole, wakabuzya mibuzyo wakati, "Nkamboonzi bayiisi bamulawo nibati Kilisitu mwana waDavid? We Iwakwe³⁶ Devidi, kaambuzigwa a Muuya Uusalala, wakachaamba antanganana wakati: 'Mwami wakati kuMwami wangu, kkala kukuboko kwachilisylo kwangu kusikila basinkondonyokwe ndibabike kunsu amawulu aako.'³⁷ We Iwakwe Devidi umwiita kuti 'Mwami.' Ani inga ulaba mwana wakwe biyeni?" Inkamu yabantu yaka muswiiliza chalumwemwe.³⁸ Naakalikuiyisya Jesu wakati, "Amubachenjele bayiisi bamulawo balayandisa kweendeenda kabatungana mulongo kabajuzigwa kumasambalilo,³⁹ alubo akupegwa zyuuno zibotu mumambungano akulemekwa kapati aabungene bantu.⁴⁰ Balanyonyoona maanda abamukabafu kabakomba ankombyo ndamfu chakweewba. Aaba bantu bayoogegwa chisubulo chipati."⁴¹ Jesu wakkala kumbali lyachiyoobwedo chazituzyo mung'anda ya Leza; bantu nibakalikuwaala mali muchiyobweedo. Babubi biingi bakalikuwaala imali nyangi.⁴² Pesi mukamufu muchete wakabika biyo tupeni tobole, tweelene aaseleni lyomwe.⁴³ Lino wakayita basikwiya bakwe, wakati, Ndiikumwaambila kasimpe kuti, oyu mukamufu wabika kwinda boonse muchiyobwedo.⁴⁴ Boonse bapa mukweedelana abuvubi bwabo; pesi we, mubuchete bwakwe, wabika zyoonse nzyaalangilide mubuumi bwakwe kuti apone anzizyo."

13

¹ Awo Jesu nakali kweenda kuzwa mucikombelo, umwi wabasikwiya bakwe wakati kuli nguwe, "Muyiisi langa imabwe azyako zigambwa!" ² Wakati kulinguwe, "Ulizibwene na iziyako zipati eezi? Takwe ibwe lyomwe litakasyale atala alimwi litakwe kwakukolomwedwa ansi". ³ Awo nakakkala achilundu chama Oliva chilengene achikombelo, Pita a Jemusi a Endulu bakabuzya chakusikizyia,⁴ "Twambile eezi zintu ziyochitikana lili? Niinzi chiyooba chitondezyo chazintu eezi kuti zyamba kuchitika?" ⁵ Jesu wakatalika kubambil, "Amukachenjele kuti kutakabi uyomwena. ⁶ Bangi bayoza muzina lyangu kabati, 'Ndime nguwe', pesi bayoyena bangi. ⁷ Chiindi nimuyomvwa inkondo ampuwo zyankondo, mutakalikatazyi; ezi zintu kuleede zikachitike, pesi mamanino anoli katanasika pe. ⁸ Nkaambo inyika iyobukilana enyika, abwami buyobukilana abwaminyina. Kuyoba kuteketa kwamasena mangi anzala zyiingi. Ezi matalikilo amachise akutumbuka. ⁹ Amukalinde. Bayomupeda kukubetekwa, alimwi muyowumwa muzikombelo. Muyoyima kunembo lyabendelezi abaami nkambo kangu, kuti bukabe bukamboni kuli mbabo.¹⁰ Pesi makani mabotu ayotalika kukambawuka kunyika zyoonse.¹¹ Alimwi nibayomwanga akumupeda, mutakalikatazyi ikuti muyotyeni. Nkambo muchiindi echo nzimutakambe moyozipegwa; tensi ndinywe mutanowambule, pesi Muuya Usalala.¹² Mukulana uyooyza mwanike kulufu, a wisi kumwanakwe. Bana bayobukilana abazyali babo bakabatole kulufu.¹³ Muyosungwa abantu boonse nkambo kazina lyangu. Pesi utajatilile mane kukabe kumamanino, oyo muntu uyofutulwa.¹⁴ Nimuyobona chisesemyo chalunyonyoko kachimvwi mpu-chitelede kwimikila (Oyo ubala ngamvwisyie), abanolimu Judiya abachijile mumalundu,¹⁵ akube kuti oyo uli achiluli changanda ataseluski kuya mun'anda naba kuti kuyotola chintu mukati,¹⁶ ayoyo uli mulukuba atakabwedi kukutola chisamo.¹⁷ Pesi maawe kuli babo balamada ababo banyonsya bana batete mumazuba ayo!¹⁸ Amukcombe kuti ezi zitakachitikani mumpeyo.¹⁹ Nkambo ayo anoli mazuba akupengana kupati, atakabawo kuzwa kumatalikilo, awo Leza nakalenge nyika, kusikila lino, pe, nikuba kuti achiza alimwi.²⁰ Na kuti Mwami takafwiinsya mazuba, takwe mubuli walikuzofutulwa. Pesi nkaambo kababo basale abo basalala, wakafwiinsya mazuba.²¹ Ino kuti umwi akatedi kulindime, 'Amulange, ngoyu Kilisito!' na kuti 'Amulange, ngulya!' mutakasymo pe.²² Nkambo kuyoba aba Kilisito bakubeja aba sinsimi bakubeja batakilibonye alimwi kuyoba zitondezyo azigambyo atakaboneke, na kuti chali chuba, basale.²³ Amukalindile! Ndamwambila zintu zyoonse kunembo lyachiindi.²⁴ Pesi musule lyamazuba akupenzegwa, zuba liyoba mudima, amweezi tukoyopa mumuni,²⁵ Nyenyezi

ziyoloka kuzwa kujulu, alawo manguzu alikujuju ayoteketegwa.²⁶ Alimwi nibatakabone Mwana waMuntu kazamumayoba amanguzu a bulemu.²⁷ Alimwi uyotuma bangelo bakwe, uyobunganya aamwi basale bakwe kuzwa kumuyuya yone, kuzwa kumamanino anyika kusika kumamanino ajulu.²⁸ Amwihiye chiiyo kuzwa kumukuyu. Awo ntabi niyisyukila matu, mwaziba kuti minza aswena.²⁹ Mbubobo, na kuti mwabona zintu kazchitikana, muzibe kuti waswena, awfifwi amilyango.³⁰ Nchobeni, ndamwambila, olu luzubo talukoyoyinda ezi zintu kazitana chitikana.³¹ Ijulu anyika ziyyoyinda, pesi majwi angu takoyinda pe.³² Pesi buzuba obo achiindi, takwe muntu uzi, nikuba bangelo kujulu, na kuti Mwana, pesi kuti Taata.³³ Muchengele! Mulange, nkambo tamuzi kuti chiindinzi. Amwi malembe achiindi alembedwe muchiGilikki: Muchenjele! Mulange akukomba.³⁴ Zilimbili muntu winka musinzo - wabusiya nganda yakwe wakwiibikka mumanza abalanda bakwe kuti bayibamble, umwi awumwi amulimu wakwe, wawabambilba balinda nganda kuti amubuke.³⁵ Aboobo amuchenjele nkambo tamuzi kuti simalelo wanganda nabola kunganda; zilakonzya kuba goko, na kuti akati kamansiku, awo mukuku niwulila, na kuti bwacha.³⁶ Na kuti asike mpawawo, atakajani mulilede.³⁷ Nzindimwambila nyewebo nditi kumuntu woosne: Linda!"

14

¹ Lino kakutanasika mazuba abili kuya kupobwe lyakwindilila alyamikamu bwachinkwa chitakwe bumena. Mupati wabapayizi abalembi bakalangula inzila isisiken kuti ngabalamujata biyeni Jesu akumujaya.² Nkambo balikwamba kuti "kutabi muchindi chapobwe, kuti kutabi kunyongana akati kabantu"³ Lino Jesu kalimu Bbetani mun'anda ya Sayimoni sichinsenda, kachili mukulya atafula, mwanakazi wakasika kulinguwe amunkuli watanunkilizyo tudula loko, ooyo wakali wanadi. Wakapwaya munkuli akutila nadi amutwe wakwe.⁴ Pesi kuli bamwi bakabijilwa. Bakambuzyana akati kabo kabati, "Wanyonywedanzi?⁵ Tununkilizyo otu tweede kuuzigwa ikiwiinda myaanda itatu yamaseleni ikapegwe bachete". Mpawo wakamukasya.⁶ Pesi Jesu wakati, "Amumusiye alikke. Mumukatazizyanzi? Wandichitila chintu chibotu.⁷ Bachete mulaabo kaale lyoonse, kufumbwa chindi nimwayanda mulakonzya kubachitila kabotu, tamukoyooba andime lyoonse pe. Wachita eecho nchakonzya.⁸ Wananika kale mubili wangu kuti ukazikwe.⁹ Ndamwambila kasimpe kuti, kufumbwa makani mabotu nkwayookambawukwa munyika yoonse, eechi nchachita mwanakazi ooyu chinowambuulwa, mukumuyeya".¹⁰ Mpawo Judasi Isikkaliyoti umwi balikkumi ababili wakaya kubapayizi kuti akamupede kuli mbabo.¹¹ Lino bapayizi bapati nibamvwa oobo, bakabotelwa akumusyomeza kuti apege mali. Wakatalika kuyandula mweenya wakumupeda kuli mbabo.¹² Mubuzuba butaanzi bwachinkwa chitakwe bumena, lino nibakapayizya kabelele kapobwe lyakwindilila, basikwiya bataki kuli nguwe, "Nkokuli nkuyanda kuti tukabambilile kuti ukalye chakulya chapobwe lyakwindilila?"¹³ Wakatuma basikwiya babili akubaambilila kuti, "Kamuya mugunzi, eelyo muyooswanana amwolumi unyampwide munkuli wameenda mumutobe. ¹⁴ Ooko nkwayojinka mun'anda mukamatutobe mukati kuli munan'and, "Muyisi wati, "Ilikuli yangu n'anda yabeenzu ooko nkundiyolinda ipobwe lyakwindilila abasikwiya bangu?"¹⁵ Uyomutondezya n'anda mpati yamujulu ibambidwe kabotu. Mukatubambilile mumo".¹⁶ Mpawo basikwiya bakazwa bayinka mumunzi. Lino bakazijana zyoonse mbuli mbakabambilila, eelyo bakambilila chakulya chapobwe lyakwindilila.¹⁷ Nikwakaba goleyza, wakaza abali kkumi ababili.¹⁸ Aawo nibakali yeeme atafula akulya, Jesu wakati kasimpe ndamwambila kuti umwi wanu ngundilikulya aawe uyonduuzya.¹⁹ Mpawo boonse bakawusaloko, alimwi awumwi wakati kuli nguwe, "Masimpe tensi ndime pe?"²⁰ Jesu wakasandula wakati kuli mbabo, "Nguumwi wabali kkumi ababili, ooyu wazwa kunu chinkwa lino mundido andime?"²¹ Aboobo Mwana waMuntu uyoyinka mbuli mbukulembedwe atala anguwe. Pesi maawe kulooyo muntu wachitya kuti Mwana aMuntu awuzigwe chali kubota kumuntu ooyo natakazyalwa".²² Aawo nibakachili kulya Jesu wakabweza chinkwa, wachilongezya, akuchikwamuna. Wabapa akwamba kuti, "Mubeze eechi ngumubili wangu".²³ Alimwi wakabweza nkomechi, wapa kulumba, akukapa, eelyo bakanywa boonse.²⁴ Wakati kuli mbabo, "Oobu mbubulowa bwangu bwachizuminano, bulowa butilwa baangi"²⁵ Kasimpe ndamwambila kuti, nsikoyonywa limbi e ooyu muchelo wamasansa kusikila buzuba oobo nindioonywa mubwami bwaLeza".²⁶ Mpawo nibakali kwimba lwiimbo, bakazwa bayaa kuchilundu chaOlivisi.²⁷ Jesu wakati kuli mbabo, "Moonse muyoowa, mbuuli mbukulembedwe, 'Ndjiywuma mwembeli butanga buyomwayika'.²⁸ Pesi kandili ndabuka, ndilamwindila kunembo kuya kuGalili".²⁹ Pita wakateedi, "Nikuba kuti boonse bawa pesi mebo pe".³⁰ Jesu wakati kulinguwe, "Kasimpe ndakwambila, sunu iyii, mbubo busiku

oobuno mukombwe kutana kokolika tubili uyondikaka tutatu.³¹ Lino Pita wakati kuti kandeleede kufa ayebo, mezyo chikozylene.³² Bakasika kubusena butegwa Gesemane, mpawo Jesu wakati kuli basikwiya bakwe, "Amukkale aawo nenchiya kukukomba".³³ Wakabweza Pita, Jemusi a Joni, winka aabo, watalika kulilya akulikataazya.³⁴ Wakati kuli mbabo, "Muuya wangu wawusa loko, nikuba kusika kulufu. Muchaale awa kamulindide"³⁵ Kabachiya kunembo, Jesu wakawida aansi akukomba kuti nichali kukonzeka chiindi echii chimwiinde.³⁶ Wakati, "Abba, Taata, kuti nduwe zintu zyoonse zilakonzeka. Gwisyi nkomechi eeyi kuli ndime pesi kutabii kuyanda kwangu pe, asi kwako".³⁷ Wakaboola, wakajana balloona, mpawo wakati kuli Pita, "Sayimoni, muloona na? Tamukonzyi kulindila hola lyomwe?"³⁸ Mulindile akukomba kuti mutanjili mukusunkwa.³⁹ Lino wakazwa Iwabili wakukomba majwi ngawonya.⁴⁰ Nakaboola lubo wakajana balokoona, nkambo meso aabo akali alema. Tebakaziba chakwamba kuli nguwe.⁴¹ Wakaza kachitatu wakati kulimbabo, "Muchili koona na? Kwazulila! Chindi chasika. Amulange! Mwana aMuntu uli kuziigwi mamaanza abasizibi.⁴² Munyampuke; tweende. Amulange, sikunduuzya waba afwifwi."⁴³ Kachili kwambula, Judasi, umwi wabali kkumi ababili wakasika, ankamu mpatti kabajisi mapanga amasumu, kuzwa kubapati babapayizi, abalembi, abaalu.⁴⁴ Lino sikumuuzya wakapa chitondeeyo, wati, "Ooyo ngundiyomyonta ngonguwe. Amumujate mumtole atamuchiji pe."⁴⁵ Awo Judasi nakasika, mpawoawo wakaya kuli Jesu wati, "Muyisil" Akumumyonta.⁴⁶ Mpawo bakabikkia maboko alinguwe bamwaanga.⁴⁷ Pesi umwi wababo bakalimvvi wakasomona ipanga wakakwazula akudunsula kutwi kwamuzike wamupayizi mupati.⁴⁸ Jesu wakati Kulimbabo, "Mwaza mbuli tuyanda sikubba, amapanga, amasumu kuzondijata?"⁴⁹ Aboobo ndali anywebo mazuba woonse akuyisya mun'anda yaLeza, temwakandisunga pe. Pesi eechi chachitika kuti malembe azuzikizigwe".⁵⁰ Boonse mbakali aabo Jesu bakamusiya akumuchija.⁵¹ Mwalumi munini, wakali samide mulembo luzutu uteentema ngwakali lipopode wakali kutobela Jesu.⁵² Lino baalumi nibakamwanga wakasiya mulembo uteentema wachija kali chintanda.⁵³ Bakatola Jesu kumupayizi mupati. Bamubunganina bapayizi bapati, abaalu abalembi.⁵⁴ Lino Pita wakali buya butobelaa kulaale kulubaya kwamupayizi mupati wakakkala akati kabalindizi bakali afwifwi amulii kuti akasalilwe.⁵⁵ Lino bapati babapayizi ankuta yoonse yaba Juda yakali kuyandula bukamboni bubi kuchita kuti bamutole kulufu. Pesi tebakabujana pe.⁵⁶ Eelyo biangi bakalera bukamboni bwakubeja atala aanguwe, pesi bukamboni obu tebwali kuzuminina pe.⁵⁷ Bamwi bakayima akupa bukamboni bwakubeja atala anguwe; Kabati,"⁵⁸ Twakamumvwa katii, "Ndioyomwaya n'anda yaLeza yakwa amaanza, mukati kwamazuba atatu ndiyoyiyaka imbi itachitwi amaanza".⁵⁹ Nikuba booboo bukamboni bwaboo tebwakazumina pe.⁶⁰ Mupayizi Mupati wakayimikila akati kabo wabuzya Jesu, "Tujisi nsandulo na? Ninzi eezii aaba balumi nzibapeda bukamboni atala anduwe?"⁶¹ Asi we wakawumuna takwe nakasandula chintu pe. Alubo mupayizi mupati wakati wakamubuzya kuti, "Nduwe Kkilisito, Mwana wawulongezedwe?"⁶² Jesu wakati, "Ndime! alimwi tuyoomubona Mwana aMuntu ulikide kululyo Iwaluboko Iwasinguzu akuboola amayoba akujulu."⁶³ Mupayizi mupati wakadelula zisamo mpawo wati, "Sa tuchiyanda bukamboni?"⁶⁴ Mwamivva mbwamba chisapi. Muzeezo wanu ngwakutyeni?" Mpawo bakamupa mulandu welela lufu.⁶⁵ Bamwi bakatalika kumuswida mate akumuvumba busyu akumunabba akwamba kuti kuli nguwe, "Sinsima!" Basolooli bakamubweza akumuuma.⁶⁶ Eelyo Pita kachili munsi alubaya umwi wabalandaa basimbi bamupayizi mupati wakaza kuli nguwe.⁶⁷ Nakabona Pita kali kuyota mulilo, wakalangisya akwamba kuti, "Mwakali aamwi a Jesu muNazaleta".⁶⁸ Pesi wakakaka akwamba kuti tandimuzi pe nikuba kumvwa atala anzinokwambuu anzizyo". Lino wakazwa waya anze aamulyango. Alimwi malembe achindi alawungizya. Mpawo mukombwe wakokolika.⁶⁹ Pesi mulanda musimbi wakamubona mpawo watalika kwamba lubo kuti aabo balimwi mpawo, "Ooyu mwalumi nguumwi wabo!"⁷⁰ Lino wakakaka alubo. Nikwakayinda chindi chinini aabo bakalimvvi aawo bakati kuli Pita, kasimpe nduwe umwi wabo, nkambo alako uli muna Galiliyeni."⁷¹ Mukombwe mpawawo wakakokolika kachibili. Mpawo Pita wakayeeya majwi aaJesu ngakamwambila:⁷² "Mukombwe kutana kokolika kachibili, uyondikaka tutatu" alimwi wakawusa akulila.

15

¹ Muchifumofumo, bapati babapayizi bakabungana abaaalu abalembi abasilutwe babbooma lya Judiya. Bakamwanga bamutola. Akumupeda kuli Payileti. ² Payileti wakabuzya kuti, "Nduwe Mwami waba Juda na?" Wakasandula kuti, "Wamba".³ Bapayizi bapati bakali kumutamikizya zintu zyiingi. ⁴ Alubo Payileti wakabuzya,

“Tosanduli na?” Langa kuvula zintu zyiingi nzibali kukutamikizya!”⁵ Pesi Jesu takwe naakamusandula, mpawo echo chakamugambya Payileti.⁶ Kuchindi chapobwe, Payileti wakaba angunywida umwi wabange, mwange ngubatanoli bakumbila.⁷ Mpawo kwakali mwalumi utegwa Bbanabbasi muntolongo kalamwi abapati bakali amilandu yabujayi muchindi chalupapi.⁸ Makamu akaza kuli Payileti mpawo bakatalika kukumbila kuti achite echo nchakali kunoonga wabachitila.⁹ Payileti wakabasandula wati, “Muyanda kuti ndimwanganwide Mwami waba Juda na?”¹⁰ We wakalizi kuti nkambo kabbivwe bapayizi bapati nchibakaaba Jesu kulinguwe.¹¹ Pesi bapayizi bapati baksungiliza makamu kuti balilile kwangununwa kwaBbanabbasi.¹² Payileti wakasandula lubo wakati, “Mpoo ndichite biyeni aMwami wabaJuda?”¹³ Bakawompolola lubo, “Ngagankaminwe!”¹⁴ Payileti wakabambilila kuti, “Malandunzi ngwakachita?” Pesi bakayinkilila kunembo akoompolola kuti, “Amumugankamine”.¹⁵ Payileti wakayanda kukutisika makamu, elyo wakabangunwida Bbanabbasi. Wakamupenzya Jesu mpawo wamupeda kuti akagankaminwe.¹⁶ Basilumamba bakamutola bamunjizya mubbetekelo (alingawa maanda afulumende mapati), mpawo bakiyati imbunga yabasilumamba.¹⁷ Bakamubikka kunembo wantumbula Jesu, mpawo bakazinga musini wamaamvwa elyo bakamusamika.¹⁸ Bakatalika kumuseka kabati, “Mwalemekwa, Mwami wabaJuda!”¹⁹ Bakali kumumuma mumtwe atete mpawo bakamuswida mate. Bamufugamina akumukotamikila mitwe.²⁰ Nibakamana kumusonza, bakamugwisya mulembo wantumbula mpawo bamusamika zisamo zyakwe, elyo bakamutola kuyomugankamina.²¹ Umwi mwalumi, Sayimoni wakuSayilini, wakayabuza kuzwa kumunzi (wakali wisi wa Alekizanda a Lufusi), mpawo bakamwangila kuti amubwezele chiingano.²² Basilumamba bakieta Jesu kubusena butegwa Gologota (busenandululwa kutegwa, “Busena bwazipepe zyamyitwe”).²³ Bakamupa wayini ivwelengene andulwe, pesi takanya pe.²⁴ Bakamugankamina mpawo bakaabana zisamo zyakwe bakasaana chisolo kuti basilumamba babone kuti umwi ulabweza chisamo chaali²⁵ Chakali chiindi chahola lyatatu nibakamugankamina.²⁶ Achikwankinva bakalemba mulandu ngubakamupa, bakati, “Mwami wabaJuda”.²⁷ Bakamugankamina aamwi ababbi babilo, umwi kululoyo lwakwe umwi kulumwensi lwakwe.²⁸ Malembi mabotu akale taakwe Makko 15: 28, (Malembe akazukizikiziga akuti, “Wakabb. alikizigwa amwi abasikutyola milawo)²⁹ Abo bakali kwiinda nibakamubona bakali kutikinia mitwe kabati, “Iiwe! nokonzya kumwaya chikombelo mpawo akuchiyakulula mumazuba otatwe,³⁰ Livune useluke achingano!”³¹ Munzila ikozyenie, bapati bapayizi bakati kumuniaka antoomwe abalembi, mpawo bakati, “Wakafutula bamwi, pesi takonziy Kulifutula.³² Akube kuti Kilisito, Mwami wa Izilayeli, aseluka lino achingano ikuti tubone akusyoma.” Abalabo bakagankaminwa amwi angue bakamuseka.³³ Muholia lyamusano alimwi, mudima wakazulila busena boonse kusikila kuhola lyamusano aane.³⁴ Muholia lyamusano aane Jesu wakalila ajwi pati wakati, “Eloyi, Eloyi, sabakkatan?” echi chipandulula kuti, “Leza wangu, Leza wangu wandisilaanzi?”³⁵ Bamwi babaabo bakayimvvi kumbali bakamvwa majwi akwe mpawo bakati, “Langa, ullkiwiita Elija.”³⁶ Umwi wakachiana, wakanika nsinsa muwayini ilweela, wachibikkha atete, mpawo wakamupa kuti anywe. Mwalumwi oyu wakati, “Atubone naa Elija ulala kuzomwanganuna.”³⁷ Elyo Jesu wakalila ajwi pati mpawo wafwa.³⁸ Isila lyachikombelo lyakadeluka muzipanzi zibili kuzwa kujulu kusika ansi.³⁹ Elyo mupati wabasilumamba balimwaanda wakayimvvi kalangide Jesu naakabona kuti wafwa munzila eyi, wakati, “Masimpe mwalumi oyu wali Mwana waLeza.”⁴⁰ Kwakaliko alimwi banakazi bakali kweebela chakule. Akati kabo kwakali Maliya Magadalini, Maliya (bayina a Jemusi mwanike a Josesi) mwalumi walikutegwa Josesi lino utegwa Jozefu muli Makko 6: 3. Izina litu Josefu lyiimikilila mbuli mbulyakali kwaamba muchiHebbulu, mpawo izina litu Josesi lyiimikilila mbuli mbulyakali kwaambwa muchiGilikki, mpawo a Salume.⁴¹ Nakali muGalili bakalikumutobela mpawo akuchita milimu yakwe. Alimwi banakazi bayingi abalabo bakali kumusindikila ku Jelusalema.⁴² Nilyakaba goleyza, nkambo kakuti lyakaliZuba lya Mabambe, nkuukuti, izuba lilimusano abuzuba butegwa Sabata,⁴³ Jozefu waku Alimatiya wakasika aawo. Wakali kulemekwa kali umwi wabapati bachisi wakali kulindila bwaami bwaLeza. Wakayinka chabulemu kuli Payileti mpawo wakakumbila mutunta wajesu.⁴⁴ Payileti chakamgambya kuti Jesu wakali wafwa kale; wakayita mupati wabasilumamba bali mwaanda mpawo wakabuzya kuti kulinguwe Jesu wafwa.⁴⁵ Elyo Payileti nakaziba kuzwa kumupati wabasilumamba balimwaanda kuti Jesu wafwa, wakuupa Jozefu mutunta.⁴⁶ Jozefu wakawula mulembo utentema wakamwanganuna achingano, wamuvngiliza amulembo utentema, mpawo wamulazika muchiyumbwe chamumpako yabbwe. Elyo wakatendeleesa bbwe wajala mulyango wachumbwe.⁴⁷ Maliya Magadalini a Maliya bayina a Josesi bakakubona

busena Jesu mbwakalazikwa.

16

¹ Nibwakamana buzuba butegwa Sabata, Meli Magadaleni, Meli banyina ajemusi, a Salome bakawula tununkilizyo kuti bayinke kuyoonanika mutumba wa Jesu. ² Chifumo fumo mubuzuba butaanzi bwamviki, zuba mbulyakapasula buyo bakayinka kuchibunda. ³ Alimwi kabacheenda munzila bakabuzyania umwi awumwi kuti, “Nguni uutakatugwisizye bbwe kuzwa kumulyango wachibunda? ” ⁴ Pesi balange buyo, bakabona bbwe lyakali pati oko, kaligwisizigwe kale. ⁵ Nibakanjila muchibunda, bakabona mwaalumi mukubusi kasamide chisamo chituba, kakkede kululyo, mpawo bakagamba a kuyoowa. ⁶ Wakati kulimbabo, “Mutayoowi. Mulanguula Jesu mu Nazeleta, wakagankaminwa aachiingano. Tawo pe aano, ulibukide! Amulange aabusena mpubakamubikide. ⁷ Pesi kamuya, mukaambile basikwiya bakwe a Pita kuti, ulazulula kunembo lyanu kaya ku Galilii. Nkukonya myoomubona, mbuli mbwakaamwaambilide.” ⁸ M bubakazwa muchibunda; kabatalika kuchijaana bakalikuteketa kabagambide. Taakwe nchimbakaambilana pe nkaambo bakali yoweede. ⁹ [Malembe mayingi aakutanguna abukamboni bwachiindi mubbuku lya Maakko Chandano 16. munchali 9 kusika ku 20 taawo pe.] Mubuzuba butaanzi bwamviki, naakabuka, wakasanguna kilitondeezza kuli Meli Magadlena, ooyo ngwakagwisya myuuya mibi ili musanu ayibili. ¹⁰ Wakayinka wakwaambila aabo bakali anguwe, aabo bakali komookaakulila. ¹¹ Pesi nibakamvwa kuti Jesu muumi akuti wamubona, tebakasyoma pe. ¹² Nikwakiinda zintu eези, wakalibonia muzila zisiyene kuli babili, nibakalikuyobweenda kuya kumyuunzi. ¹³ Bakayinka kuyowambila basikwiya boonse, pesi taakwe nibakabasyoma ¹⁴ Mukweenda kwachiindi Jesu wakalibonia kulibali kkumi awumwi nibakali kulya; wakabakalalila mukutasyoma akuyuma kwamyoyo yabo, nkaambo bakakaka kuzuminina aabo bakamubona naakabuka. ¹⁵ Wakaamba kuti kulimbabo, “Kamuya munyika yoonse alimwi mukakambawukile zilengwa zyoonse. ¹⁶ Kufumbwa usyoma akubbapatizigwa uyoofutulwa, pesi kufumbwa uutasyomi uyoopewga mulandu. ¹⁷ Alimwi zigambyo eези ziyoobatobelwa boonse basyoma: Bayootanda myuuya mibi muzina lyangu. bayooambuula mumilaka mipy. ¹⁸ Bayoojata nzoka amaboko aabo, alimwi nibayoonywa chijaya, tachikwe kuyoobachisa pe, bayoobika maanza aabachiswa, alimwi bachiswa bayoopona.” ¹⁹ Mpawo Mwami naakamana kubaambila, wakatolwa kujulu mpawo wakakukkala kuluboko lwalulyo lwa Leza. ²⁰ Mpawo basikwiya bakazwa akuyookambawuka koonse koonse, alimwi Mwami wakabeeleka aabo akusiimya jwi lyakwe azitondeezyo zyakali aandilyo.

Lukka

¹ Biingi bakatola mulimu wakubikka antoomwe zintu zyakazuzikizigwa akati kesu, ² mbuli mbuyayakayinzigwa kizosika kulindiswe abaabo kuzwa chiindi bakali bakamboni alubo kabali bala bejwi. ³ Chakabaanga nchibotu kulindime ambebo - nkaambo ndakachita mfunkununo izulide aatala azeezyo zyakachitika kuzwa kumatalikilo - kuti ndikulembele lugwalo, webo nomusongo Tiofilasi. ⁴ Kuti uzibe choonzyo aatala azintu nzuwakayiisigwa. ⁵ Mumazuba aHelodi mwami waku Judiya, kwakali umwi mupaizi wakalikutegwa Zekaliya, wakali kwakulubazu lwa Abija. Mukayintu wakwe Elizabeti alubo wakali walunyungu lwa Aalon. ⁶ Bakaliluleme boonse kunembo lya Leza, kabalemekia milawu yoonse anzyatalide Mwami. ⁷ Pesi tebakalikwe mwana pe nkaambo Elizabeti wakali ngomwa, alubo bakali bacombaala boonse mulechi chiindi. ⁸ Lino kwakasika aachiindi Zekkaliya mpakali mubuliwo bwa Leza, kalikuchita milimu ya bupayizi mbuli mumabambe aakwe. ⁹ Mbuli munzila yachiyanza yakusala mupayizi utabeleke, wakali wasaligwa achisolo kuti anjile muchikombelo cha Leza kuti akatente tununkilizyo. ¹⁰ Choonse chibunga chabantu chakali kukomba aanze kuhola eelyo tununkilizyo nitwakali kutentwa. ¹¹ Mungelo wa Mwami wakalibonia kuli nguwe alimwi wakayima kubbazu lyakululyo lyachipayililo, ¹² Zekaliya, naakamubona wakateketa nkaambo kuyoona kwakamujata. ¹³ Pesi mungelo wakati kulinguwe, "Utayoowi, Zekaliya, nkaambo nkombyo yako yamvwiaka. Mukako Elizabetki ulakuzyalila mwana mulombe. Uzomuuzika kuti ngu Joni ¹⁴ Uyooba aakukondwa akusekelela, alubo banji bayoobotelwa akuzyalwa kwakwe. ¹⁵ Nkaambo uyooba mupati kubusyu bwa Mwami. atazonywi wayini na zinywigwa zilula, alubo unoziwide Muuya Uusalala kuzwa mwida lyabanyina. ¹⁶ Biingi bana ba Izilayili bayobweeda ku Mwami Leza wabo. ¹⁷ Uzoya kunembo lya Mwami mumuuya amumanguzu aa Elija. Uzoochita eezi kuti azosandule myoyo yamatataa kuti ibweede kubana babo, kuchitila kuti batalemeki mulawu bazoyende mubusongo bwabaluleme - kuchitila kubambilila Mwami bantu babambilidwe nguwe." ¹⁸ Zekaliya wakati kumungelo."Ndilazibiza biyeni eezi? Nkaambo ndachembaala abanangu bacombaala." ¹⁹ Mungelo wakamusandula wati kulinguwe, "Ndime Gabbuliyeli, wiima mububewo bwa Leza. Ndatumwa kuti ndizowambule aanduwe, ndikweetele majwi mabotu aaya. ²⁰ Langa, uyowumuna, tokoyokonzya kwaambula pe, kuyosika zikachitika zintu eezi. Eezi zyachitika nkaambo taakwe niwasyma majwi aangu, ayoozuzikizigwa muchiindi cheelede." ²¹ Lino bantu bakalikulinda Zekaliya, bakagamba kuti nkaamponzi naatola chiindi chilamfu chiloobu kachili muchikombelo. ²² Pesi naakazwida aanze takachili kukonzya pe kwaambula. Bakakubona kuti wakabona chilengaano nakali muchikombelo. Wakalikwaambuula katondeeka biyo muchuumunizi. ²³ Chiindi chakumana kwamulimu wakwe nichakasika wakabweeda kung'anda yakwe. ²⁴ Musule lyamazuba aaya, mukayintu wakwe Elizabeti wakajata da. Wakalisisa kwamyeezi musanu. Wakaamba kuti, ²⁵ "Eechi nchaandichitila Mwami naakandilanga wandimvwida luzyalo kuti andigwisye mawuse kunembo lyabantu. ²⁶ Mumweezi wamusani awumwi, mungelo Gabbuliyeli wakatumwa kuzwa kuli Leza kuya kudpolopo lyaku Galilii litiegwa Nazaleta, ²⁷ kuya kuli nakalindu wakatangidwe kumwaalumi wakalikutegwa Jozefu. Wakali walunyungu lwa Devidi, alubo pzina lyamusimbi lyakali Meli. ²⁸ Wakasika kulinguwe wati, "Wapona iwe noopedwe luzyalo lupati. Mwami uli aayebo." ²⁹ Pesi wakanyonga kapati amajwi aamungelo alwimwi wakagamba kuti nkujuzigwa kulibiyeni ooku. ³⁰ Mungelo wakati kulinguwe, "Utayoowi, Meli, nkaambo wajana luzyalo kuli Leza. ³¹ Langa uzoojata da uzoozyale mwana mulombe. uzomuuzika zina lyakuti, 'Jesu'. ³² Unooli mupati alubo unoityata kuti Mwana wa Simajulu. Mwami Leza uyomupa chhuuno chabwami bwa syanyinakulu Devidi. ³³ Uzooyendelezya ng'anda ya Jakobo mane kukabekutamani, alimwi bwami bwakwe tabukozoomana pe. ³⁴ Meli wakati kumungelo, "Ziyoochitika biyeni eezi nkaambo nsinaziba mwaalumi pe?" ³⁵ Mungelo wakatgi kulinguwe, "Muuya Uusalala uzoosika kulinduwe, alubo nguzu zya Simalelo zizoosika alinduwe. Aboobo oyo uusalala uutazozyalwe uzootegewa Mwana wa Leza. ³⁶ Langa munakwenu Elizabeti ulaada lyamwana mulombe mubuchembele bwakwe, lino wanba mumweezi wamusani awumwi, oyo wakalikutegwa ningomwa. ³⁷ Nkaambo taakwe chimukachila pe Leza. ³⁸ Meli wakati, "Langa ndimulanda waMwami, azibe kulindime mbuli majwi aako." Mpawo mungelo wakamusiya. ³⁹ Mpawo mumazuba aayo Meli wakanyamnpuka watgozya kubusena bwazilundu, kudolopo lya Judiya. ⁴⁰ Wakanjila mung'anda ya Zekaliya wakujuzya Elizabeti. ⁴¹ Aawo Elizabeti naakamvwa kujuzya kwa Meli,

mwana wakali mwida lyakwe wakasotoka, mpawo Elizabeti wakazuzigwa aMuuya Uusalala.⁴² Wakoompolola ajwi pati wati, "Ulilongezezegwe iwe akati kabamwi banakazi, alubo ulilongezezegwe muchelo weda lyako."⁴³ Nkamboonzi nikchachitika kuti banyina aMwami wangu basike kulindime?⁴⁴ Nkaambo langa, majwi aako akundijuzya naanjila mumatwi aangu mwana uulimwida lyangu wasotoka alukondo.⁴⁵ Aboobo ulilongezezegwe ooyo uuyoosyoma kuti kuyooba kuzuzikizigwa kwazintu eezi nzyaakambilwa kuzwa kuMwami."⁴⁶ Meli wakati moyo wangu ulalumbayizya Mwami,⁴⁷ alubo muuya wangu ulalumbayizya Leza mufutuli wangu.⁴⁸ Nkaambo wakalanga chiimo chaansi chamulanda wakwe. Nkaambo amulange, kuzwa lino mazyalane woonse ayondijija kutghi ndili longezezegwe.⁴⁹ Nkaambo ooyo wandichitila zintu zipati, alimwi zina lyakwe lilasalala.⁵⁰ Luzyalo lwakwe luyooyulila kuzwa kuzyalane kuya kulilimbi zyalane kuli aabo bamuyoowa.⁵¹ Wakatondeezya nguzu ejanza lyakwe; wakasansaanya aabo balisumpula aatala amizeezzo yamyoyo yabo.⁵² Wakagwisya bana babaami kuzwa kuzyuno zyaabo alimwi wakasumpula aabo bali aachiimo chilaansi.⁵³ Wakakutya basinzala azintu zibotu, pesi bavubi wakabaanda kabatakwe chintu.⁵⁴ Wakapa lugwasya kuli Izilayeli mulanda wakwe, kuti ayeeye kutondeezya luse⁵⁵ (mbuli mbakaamba kuli basikale besu) kuli Abraham alunyungu lwakwe.⁵⁶ Meli wakakkala a Elizabeti kwamyeesi yotatwe mpawo wabweda kung'anda yakwe.⁵⁷ Lino chakasikachiindi chakuti Elizabeti atumbuke aboobo wakatumbuka mwana mulombe.⁵⁸ Basimabambanwa antoomwe abasinzubo zyakwe bakamvwaa kuti Leza wakamutondeezya luzyalo, mpawo bakabotelwa aamwi angewe.⁵⁹ Mpawo mubuzuba bwamusano aataatu bakasika kuzopalula mwana. Bakalikuyanda kumuuzika kuti "Zekaliya" zina lyawisi.⁶⁰ Pesi banyina bakasandula batii "Pe, ulayitwa kuti ngu Joni."⁶¹ Bakati kulinguwé, taakwe pe kuluzubo Iwesu loonse ulazina eeli.⁶² Mpawo bakaambuuula awisi anzila yakutondeeka kababuzya kuti uyanda kuti mwana awuzikwe zina lili.⁶³ Wisi wakakumbila aakulembela, mpawo wakalemba kuti, "Izina lyakwe ngu Joni." Boonse zyakabagambya eezi.⁶⁴ Mpawaawo mulomo wakwe wakajulika mpawo lulimi lwakwe lwakaangunuka. Wakaambula akulumbayizya Leza.⁶⁵ Kuoyooowa kwakabasikila boonse bakalikkula afwiifwi ambabo. Impuwo yoonse eeyi yakazula kumalundu achisi cha Judiya.⁶⁶ Boonse bakazimwa bakazibamba mumyoyo yabo, kabati, "Ooyu mwana uzooba nyamaanzi?" Nkaambo kuboko kwa Leza kwakali aanguwe.⁶⁷ Wisi Zekaliya wakazula Muuya Uusalala mpawo wakasinsima, kati,⁶⁸ "Atembaawulwe Mwami, Leza wa Izilayeli, nkaambo wasika kuzogwasya alimwi weeta lufuko kubantu bakwe.⁶⁹ Wakatunyampwidia lwija lwalufutuko mung'anda yamulanda wakwe Devidi,⁷⁰ mbuli mbakaambula amilomo yabasinsimi bakwe basalala bakale.⁷¹ Ulatufutula kuzwa kilibasinkondoma akulibaabo batusulide.⁷² Uzoochita eezi mukutondeezya luzyalo kumataata esu akuyeeya chizuminano chakwe chisalala,⁷³ chikonke nchaakachita kuli Abbulahamu taatesu.⁷⁴ Wakakonka kuti swe, nit-wakafutgulwa kuzwa kumaanza abasinkondoma, tuzomubelekele kaututayoowi pe,⁷⁵ mibusalali amubululami kunembo lyakwe mumazuba esu woonse.⁷⁶ Iyii, anduwe, nomwana, uzoyitwa kuba musinsimi waSimajulu, nkaambo uzoyhindia kunembo lya Mwami koyabumba nzila, kobambilta bantu mukusika kwakwe,⁷⁷ kupa luzibo lwalufutuko kubantu bakwe akulekelelwa kwazibi zyabo.⁷⁸ Eezi zizoochitika nkaambo kaluzyalo lwa Leza wesu, nkambo mukuyozwa kwazuba uzoosika kuzotugwasya,⁷⁹ likabamunikile bakkede mumudima amumweenzule walufu. Uyoochita eezi kuti akazulwide mawulu eesu munzila yaluumuno."⁸⁰ Lino mwana wakakomena wasima mumuuya, alimwi wakakkala munkanda kuyoosika buzuba mbwakalitodeezya kuli Izirayeli.

2

¹ Lino mulayo mazuba, kwakasika akuti oyo siza Agasitasi wakatamuna mulumbe kulayilila kuti kubalwa kwachitwe kwabantu boonse bapona munyika. ² Oku kwakali kubalwa kutanzi kwakachitwa chiindi kkwiniiliyi nakali mwendelezyi wa Siliya. ³ Aboobo mutu woonse wakiinka kudolopo lyakwe kuti akalembesyé kubalwa ⁴ Josefa alakwe wakinka atala kuzwa ku Galile, kuzwa kudolopo lya Nazareta, kuya kujudi, kuya kudolopo lyaDavidia, oyo utegwa Betelehema, nkaambo wakali wang'anda a lunyungu IwaDavidia. ⁵ Wakayinka ooko kuti akalembesyé aantomwe a Meli, ooyo ngwakatuminde alumwi wakali aatambu. ⁶ Lino kwakasika kuti biyo nibakachilikoo, ichindi chakasika chakwe kuti atumbuke mwana wakwe. ⁷ Wakatumbuka mwana mulombe, mwana mutanzi wakwe, alimwi wakamuputila mumalembo akasala malamfu alimwi wamulazika muchata, nkaambo tekwakalikwe busena bulabo munga'nda yabenzu. ⁸ Kwakaliwo bembeli mibusena obo bakalikkula mumyuunda, kabalo

kulinda butanga bwabo mansiku.⁹ Mungelo wamulami wakaboneka kuli mbabo, alimwi abulemu bwaMwami bwaka yubununwa alimbabobo, alimwi bakazula akuy-
owa kupati.¹⁰ Mpawo mungelo wakamba wakati, "Mutayowinkambo ndamwetela
makani mabotu ayo atazo yete kukondwa kupati kubantu boonse.¹¹ Sunu mufuli
wazyalilwa ndinywe mudolopo lyaDavida nguKKilisto mwami!¹² Echi nhichitondezyo
chitakapegwe kuli ndinywe. Mulojana mwana kaputilidwe mulembo likasalaalimwi
kalede luchaata." ¹³ Mpawo mpawo kwakaliwo antomwe abangelo biingi loko bazwa
kujulu, kulumbaizya Leza alimwi kabati,¹⁴ "Bulemu kuli Leza usumpukide, alimwi
ngakube luumuno munyika akati kabantu amwi amoyo ngwaboteledwe." Amwi
malembo achiindi achi Greeki alakupeleta kusiyenesiyene oko kubona kwaamba
kwamabala abili akonzya kwaamba zilikumamanino amabala mache a muchala 14,
yabili nkili njiyandisigwa. Kubona kwaamba nkoku." chiyandisiyo chibotu kubantu
kanan akati kabantu alumwi awoyo we (LEZA) ngwabo teledwe¹⁵ Kwakaba kuti awo
bangelo kabali bayinka kuzwa alimbabo kuya kujulu, bembeli bakati kuli umwi
awumwi, "ngatwinke lino ku Betelohema alimwi tukabone echu chintu chachitika,
echo Mwami nchatuyubnwida.¹⁶ Bakafwambanina nkuko alumwi bakujana Malia,
Josefa, amwana oyo wakalede muchata¹⁷ Kuzwawo abo nibakabamubona, bakazibisa
ezyo zimbakali babuzigwa bo atala amwana.¹⁸ Boonse abo bakamvwa bakagamba
kuli zezyo zyakambwa abembeli.¹⁹ Pesi Maliya wakali kuyeya a makani ngakali
wamvwa, wakalondolawo mumoyo wakwe.²⁰ Bembeli bakabweda kabalumbaizya
akutembawula Leza kuli zyoonse ezyo zibakamvwa akubona, mbuli mbubaka mbilwa.²¹
Elyo kwakiinda mazuba masanu aataatu, elyo nakabalulwa, wakuzikwa wategawa
Jsu, izina ndyakapedwe amungelo musule katana mintwa mwida²² Elyo ilangililwa
mweelwe yamazuba akulisalazya kwabo nakiinda, mbuli mumulawo waMozesi, bo
bakamweta kuchikombelo kuJelusalema kulomupeda kumwaami.²³ Mbuli mbukulem-
bedwe mumulawu wamwami, "woonse mwana mulombe ujula ida ulo bikkwa kumbali
kuMwami."²⁴ Abobo bakapa chipaizyo mbuli ezyo zyakambidwe mumulawu wamwana,
"inziba zibili nabana bankuylimba.²⁵ Amubone kwakali mwalumi muJelusalema
ula zina litegwa Simiyoni, alumwi oyo mwalumi wakali luleme a kulipeda. Wakali
kalangilila kumbilizigwa kwabalzilayeli, alubo muuya usalala wakala tala anguwe.²⁶
Zyakali zyayubununwa kuli nguwe amuya usalala kutitakozobona lufu katanakubona
uNanikidwewaMwami.²⁷ Kazulwidwa aMuuya, Simiyoni waka sika muchikombelo.
Elyo bazyali bakanjizya mukati mwana Jeso, kulo muchitila mbuli chiyanza chabo
chamulawo.²⁸ Wakamubweza mumaboko aakwe alimwi walumbaizya Leza, alimwi
wakati,²⁹ "Lino leka mulandawako ayiinde mulumuno, mwami, mbuli ijwi lyako.³⁰
Nkaambo meno angu abona lufutuko Iwako,³¹ olo mbwakambilwa abulivo
bwabantu boonse.³² Mumuni wachiyubunuzyo kuli bamasi alimwi bulemu kubantu
bako izilayeli."³³ Wisi abanyina, bakagambilwa aatala azintu zyakalikaambulwa
aatala amwana wabo.³⁴ Simiyoni wakablongezya mpawo wakati kuli banyina,
"Amulange mwana ooyu ulisalidwe kuti kube kuwa akusumpulwa kwabamwi bantu
biingi muli Izirayeli achitondeeyo chikakidwe -³⁵ alimwi ipanga liyoyasa muuya wako
- kuchitila kuti myoyo myiingi ikayubununye."³⁶ Musinsimi mwanakazi uutegwa
Ana wakaliwo. Wakali mwana musimbi waFanuwelo kuzwa kumukowa wa Asha.
Wakali wapona amulumi wakwe minyaka ili musanu ayibili kuzwa kubusimbi bwakwe.³⁷
Alimwi wakali mukamufu kwamwinya ili makumi musanu aataatu atune. Takwe
nakazwide muchikombelo pesi wakali kubelekela kulyimya a kukomba mansiku,
asikati.³⁸ Kuli ndilelyo wola wakaswena awfifwi kuli mbabo almwi wakatalika
kupa kulumba kuli Leza, alimwi wakambula alubo aatala amwana kubantu boonse
abo bakali kulindila kufutulwa kuJelusalema.³⁹ Eelyo aabo boonse nibakamanisy
nzibakeelede kuchitambuli mulawo wamwami, bakabweda ku Galilii, kudolopo lyabo
lya Nazaleta.⁴⁰ Mwana wakakomena alimwi wakasima, kuyungizya mubusongo, alimwi
luzyalo lwaleza Iwakali aanguwe⁴¹ Bazyali bakwe bakali kwiinka munyaka umwi
awumwi ku Jelusalema kupobwe lya kwindilila.⁴² Awo nakaba aminyaka kkumi
ayibili, bakabweda lubo mbuli chiindi chachiyanza chabo kupobwe.⁴³ Nibakkala
mazuba azulide aa pobwe, bakabweda kumunzi. Pesi mulombe Jeso wakasyala ku
Jelusalema alimwi bazyali bakwe tebakazipe.⁴⁴ Bakayeleta kuti wakali akabunga
ako nkibakayobwenda aako, mpawo bo bakenda musinzo wazuba limwi. Mpawo
bakasanguna kumulangula akati kanzubo zyabo abeenzinyina.⁴⁵ Eelyo nibakamubula,
bakabweda ku Jelusalema alimwi bakatalika kumuyandula nkuko.⁴⁶ Zyakachitika kuti
musule lyamazuba aataatu bakasanguna kumuyandula mung'anda ya Leza, kakkede
akati kabayisyi, kalokubaswilizya akubabuzya mibuzyo.⁴⁷ Boonse bakamumvwa
bakagamba kukumvwisisisya kwakwe akunsandulo zyakwe⁴⁸ Elyo nibakamubona

bakakankabala. Banyina bakati kulinguwe, "Mwanaangu, nkambonzi nwatujata enzila eyi? Langa, wuso andime twalikukuyandula achakutankalinkana." ⁴⁹ Wakati kulimbabo, "Nkambonzi nimwalikundiayandula? Temwazi na kuti ndeelede kuba mungánda yandeende?" ⁵⁰ Pesi bo tebakamvvisisywa nzyakalikwamba awayo majwi. ⁵¹ Elyo wakabweda kumunzi kulimbabo kuNazaleta alimwi wakali kulibombya kuli mbabo. Banyina bakalondola zyoonse ezi mumoyo wabo. ⁵² Pesi Jeso wakaya kunembo akukomena mubusongo a muchiimo, alimwi wakayungizya kuluzyalo kuli Leza aku bantu

3

¹ Mumunyaka wakkumi amusanu mubweendelezi bwa Tibeliyasi Kkayisala - aawo Pontiyasi Payileti nakali mwendelezyi waku Judiya, Heloda kali mwendelezyi waku Galili, mwana wakwabo Filipo kali mwendelezyi wachisi chaku Ituliya a Tilankonitis, a Lisaniyasi kali mwendelezyi waku Abilene, ² kuzuba kubupayizyi bwa Anasi aKkefasi - ijwi lya Leza lyakasika kuli Joni mwana wa Zakaliya munkanda. ³ Wakeenda muzisi zyoonse zizyuunguklide Joodani kakambauka lubbabbatizyo lwakusanduka akulekelela kwazibi. ⁴ Mbili mbukuleembedwe mubbuku lyamakanai lsaya musinsimi, "Ijwi lyasikompolola munkanda, 'Amubambenza yamwami, amululamike nzila zyakwe ⁵ Yonse mimpata iyozuzukizigwa, a zilundu zyoonse atulundu tuyoba ansi amigwagwa ipilingene iyo lulamikwa, amasen aatabambinkene ayooyakwa akuba migwagw, ⁶ bantu boonse bayoobona lufutuko lwa Leza.'" ⁷ Mpawo Joni wakati kumakamu akalikuza kuzo bbabbatizigwa anguwe, "Nywebo nobana bachipile! ngwani wakamuchenjezya kuti muchijie kuzwa kubukali bulokuza?" ⁸ Aaboobo, muzyale michelo mibuto itondezya kusanduka alimwi mutataliki kwaamba mukati kanu, "Tula Abulahamu kali taata wesu; mbundamwambila kuti Leza ulakonzya kusumpula bana ba Abulahamu kuzwa kumabwe aya. ⁹ Alino kaleba kalibikidwe kale kumiyanda yamisamu. Aboobo kufumbwa musamu utazyali muchelo muboto ulawugonkela kunsii akuuwalila mumulilo." ¹⁰ Alimwi makamu akendelela kunembo akumubuzya bakati, "Niinzi mpawo nzitutachite?" ¹¹ Wakasandula akuti kulimbabo, "Na kulumwi uujisi twakuzwata tubili, ulelede kwabana amuntu utakte ayooyo ujisi chakulya aysiite mbobo." ¹² Abasimutelo abalabo bakaza kuzo bbabbatizigwa, akwamba kuli nguwe kuti, "Muyisi, niinzi nchitweede kuchita?" ¹³ Wakati kulimbabo, "Mutakabwezi mali nyiingi njimutabuzizigwe kubweza." ¹⁴ Bamwi basilumamba abalabo bakamubuzya, bakati, "Aniswe ninzi nchitweede kuchita?" Wakati kulimbabo, "Mutakabwezi mali kufumbwa kulumwi changuzu, alimwi mutakapenzyi omwe chakubeja. amukakutisikane amiholo yanu." ¹⁵ Lino bantu nibakachili kulindila chakupekezya kusika kwa Kkilisto boonse bakali kugamba mukati kamooyo yabo aatala ajoni, kutii ngunguwe Kkilisto. ¹⁶ Joni wakasandula wakati kuliboonse, "Imebo lwangu ndamubbabbatizya amanzi, pele kulumwi ulobuza ulanguzu kwiinda ndime, aboobo nsikonzyi nikuba nkwanngununa misungo yansangu zyakwe. Uyomu bbabbatizya aMuya Uusalala antomwe amulilo. ¹⁷ Kajisi pologwe yakupupuluzya mujanza lyakwe chakusalazya lubuwa lwakwe akubunganya bbali munganda yakwe. Pele uyowumpa buungu amulilo alimwi mulilo tukoyoozima pe." ¹⁸ Mubwingi bwakumusumpula Joni wakalikwambula makani mabotu kubantu. ¹⁹ Alimwi Heloda kali mwendelezyi wakazumizigwa kukukwata mwanakazi wamwana wakwabo Helodiyasi azyoonse zintu zibi Heloda nzyakachitide, ²⁰ wakayungizya ezi kulimbabo boonse, akujalila Joni muntolongo. ²¹ Lino nichakasika chiindi aawo bantu boonse bakabbabbatizigwa Jesu alakwe wakabbabbatizigwa, nibakachili kukomba, majulu akajulika, ²² aMuuya Uusalala muchimo chamubili wakaza mbuli nziba, alimwi jwi lyakazwa kujulu "Ulimwana wangu ngwendiyandisisa. Ndabotelwa anduwe." ²³ Mpawo Jesu naakatalika mulimu wakali amyaaka yakuzyalwa makumi aatatu. Wakali mwana mulombe (mbili mbukwakaklikuyelwa) kuti Josefa mulombe waHeli, ²⁴ mwana waMatati, mwana waLevi, mwana Melichi, mwana wa Janayi, mwana wajosefa. ²⁵ Josefa wakali mwana wa Matatiyasi, mwana wa Amos, mwana wa Naumi, mwana wa Esili, mwana wa Nagayi, ²⁶ mwana wa Mati, mwana wa Matatiyasi, mwana wa Simiyoni, mwana wa Josekki, mwana wa Juda. ²⁷ Joda wakali mwana wajowanani, mwana wa Lesa, mwana wa Zelubbabeli, mwana wa Salatiyeli, mwana wa Neli, ²⁸ mwana wa Melikki, mwana wa Elimadamu, mwana wa Eli, ²⁹ mwana wa Joshuwa, mwana wa Eliyeza, mwana wa Jolimi, mwana wa Matati, mwana wa Levi ³⁰ Levi wakali mwana wa Simiyoni, mwana wa Juda, mwana wa Josefa, mwana wa Eliyakim, mwana wa ³¹ Meliya, mwana wa Mena, mwana Matata, mwana wa Natani, mwana wa Davida, ³² mwana wa Jese, mwana wa Obbeti, mwana wa Bbowazi, mwana wa Salimon, mwana wa Nasioni. ³³ Nashoni wakali mwana wa Aminadabu, mwana Adimini, mwana wa

Alini, mwana wa Heziloni, mwana wa Perez, mwana wa Juda,³⁴ mwana wa Jakkobo, mwana wa Isakka, mwana wa Abbulamu, mwana wa Tela, mwana wa Nawoli,³⁵ mwana wa Selugi, mwana wa Lewu, mwana wa Pelegi, mwana wa Ebba, mwana wa Shela.³⁶ Sila wakali mwana wa Kkayinani, mwana wa Alipazada, mwana wa Semu, mwana wa Nowa, mwana wa Lameki,³⁷ mwana wa Metusela, mwana wa Inoki, mwana wa Jaledi, mwana wa Mahalaleli, mwana wa Kkayini,³⁸ mwana wa Inosi, mwana wa Seti, mwana wa Adamu, mwana wa Leza.

4

¹ Mpawo Jesu, kazwide Muuya Uusalala, wakaboola kuzwa kumulonga wa Jodani, wakazulwidwa a Muuya kuya munkanda² ooko nkwakaakusunkwa mazuba makumi one adyabbulosi. Takwe nchakalya mumazuba aayo, kumamanino achiindi echo wakaba aanzala.³ Dyabbulosi wakati kulinguwe, “na kana koli mwana wa Leza lailila ibwe eli libe chinkawa.”⁴ Jesu wakamusandula wati, “Zililembedwe, ‘Muntu taponi achinkwa luzutu pe.’”⁵ Mpawo dyabbulosi wakazulida Jesu akutomudenzya bwaami boonse bulanyika muchindi chinini.⁶ Mpawo dyabbulosi wakati kulinguwe, “Ndilapa nduwe bwendelezi boonse abulemu mbuli mbundakabupegwa, alimwi ndilakonzya kupa kufumbwa ngundiyanda.⁷ Kuti mpawo, na wafugama akundikomba, zilaba zyako.”⁸ Pesi Jesu wakamusandula wati, “Zililembedwe, ‘Ulelede kukomba Mwaami Leza wako, akumumanina mili mu yakwe.’”⁹ Mpawo dyabbulosi wakatola Jesu ku Jelusalema akumubikka ansonge yakaluli katempele, akumwambila kuti, “Na koli mwana wa Leza liwaalile, aansi kuzwa awa.”¹⁰ Nkaambo kulilembedwe kuti, “Uyolailila bangelo bakwe atala andinywe, kuti bakukwabilile,¹¹ mpawo bayokunyampula amaboko aabo, kuchitila kuti utakaligubbuli.”¹² Nakamusandula Jesu wakati, “Kulaambidwe kuti, ‘Utabiki Mwami Leza wako kumisunko.’”¹³ Mpawo diyabbulosi nakamana ku sunka Jesu, wakeenda wakamusiya kusikila chiindi chimbi.¹⁴ Jesu wakabweda ku Galillaya munguzu zyamuuya, a makanii atala anguwe akazulila mukati kachisi chizyungulukide.¹⁵ Mpawo wakasanguna kuyisya muzikombelo zyabo alimwi wakalumbaizigwa aboonse.¹⁶ Nakasiku ku Nazaleta nkvakakomenezagwa, a mbuli muchiyanza, wakannjila muchikkombelo muzuba bwa sabata wakayimikila akubala chakpolopola.¹⁷ Mabhuku amunsinsimi Isaya akapegwa mumaboko akwe. Wakajula bhuku akujana ndawu yakalembedwe kuti.¹⁸ “Muuya wa Leza uli aalindime, nkaambo wakandinaanika kuti ndaambe makani mabotu kuli bafwaba, wakandituma kuzowamba lwaangunuko kuli aabo baangidwe akuzobonia batakuboni, kwangununa aabo baadyaminizigwe,¹⁹ kuzowamba munyaka wa Luse.”²⁰ Nakajula mabhuku, wakapa lubo kuli baka bungene kabakkede aansi. Menso aboonse bakali muchikombelo kamulangide.²¹ Wakatalika kwambula ambabo, “Sunu eli jwi lyazuzikizigwa mukumvwa kwanu.”²² Boonse awo bakambula zibotu atala anguwe akugamba majwi aakwe alumbayizigwa akalikuzwa mumulomo wakwe, bakali kuti, “Ooyu temwana wa Josefa na?”²³ Wakati kulimbabo, “Chamasimpe tuyowaamba kasimpi aaka kulindime, musilisi liponye omwini. Kufumbwa nzitwakamvwa nzuwakachita mu Kapenawumu, ita zikozenyen akudolopo lyakulindinywe.”²⁴ Pele wakati, “Nchobeni ndamwambila kuti takwe musinsimi utambulwa mudolopo lyakwe.”²⁵ Pele mukasimpe ndamubuzuya kuti kwakali bamuka bafu biangi mu Izilayeli muchiindi cha Elayija, ijulu nilyajalwa kwaminyaka iittu amyeesi iilamusano awumwi alimwi nzaala mpati yakasika munyika.²⁶ Pele Elayija taakwe nakatumwa nikuba kuli umwi wabo, pele kuli Zalafati mu Sidoni, kulimukamfu ukkala nkukooko.²⁷ Kwakali bali aazipele biangi mu Izilayeli kwamazuba a Elisya musinsimi, pele takwe nikuba umwi wakali salazidwe kusiya Namani muSayilini.”²⁸ Boonse bantu muchikombelo bakazula kuyoowa nibakamvwa zintu ezei.²⁹ Bakabuka bamutanda kuti azwe mudolopo akumizya atala akalundu idolopo lyabo nkulyakayakilidwe nkumbali kulundu, kabayanda kuti bakamutantele aansi.³⁰ Pesi wakayinda akati kabo waya kuli bumbi busena.³¹ Alimwi wakeendelela akuya ku Kkapenamu, idolopo lilimu Galilii, alimwi wakasanguna kubayiisya atala aSabata.³² Bakagamba enjisyo yakwe, nkaambo wakali kwambula changuzu.³³ Lino muchikombelo kwakali mwaalumi wakali aamuuya mubi wadayimona, alimwi wakalila akoompola ajwi pat,³⁴ “Aah! Niinzi nzitwelede kuchita anduwe, Jesu waku Nazareta? Wasika kuzotujaya na? Ndilizi kuti nduweni - Uusalala wa Leza!”³⁵ Jesu wakamutukila dayimona, akwaamba kuti, “Utaambuli zwa mulinguwe. Aawo dayimona nakamuwisya mwaalumi aakati kabo, wakazwa mulinguwe, alimwi telyakamuchisa abunini.”³⁶ Boonse bantu bakagamba, alimwi bakaliswini kwambula atala anzizyo umwi awuumwi. Bakat, “Musyobo nzi wamabala ali obu? Wakulayilila myuuya mibi chabwendelezi anguzu alimwi yazwa.”³⁷ Alimwi

makanī mabotu akatalika kuyanzala kumabazu woonse akuchisi.³⁸ Mpawo Jesu wakazwa muchikombelo, alimwi wakanjila mung'anda ya Sayimoni. Lino banyinaziyala ba Sayimoni bakalikuchiswa akupya mubili, alimwi bakabakombelezezya kuli nguwe.³⁹ Mpawo wakayimikila kunembo lyamwanakazi akukalalila kupya kwamubili, alimwi bwakamusiya bulwazi. Mpawo, wakanyampuka akutalika kubakutawukila.⁴⁰ Mpawo zuba nilyakkabila, bantu bakamwetela Jeso boonse bakali aamalwazi asiyenesiyene wakabika maboko akwe kuli boonse akubaponia.⁴¹ Madayimona alawo akazwa kubayingi babo, kalikula kaamba kuti, "Uli Mwana wa Leza!" Jesu wakakalalila ma daimona alimwi akutazumizya kuti uaambule nkaambo akalizi kuti ngu Kkilisto.⁴² Lino nibwakasika buzuba bwakulyokezya, wakaya kubusena buumwide. Makamu abantu akalikumulanguula akasika nkwaakabede. Bakeezya kumukasya kuti atazwi pe akati kabo.⁴³ Pele wakati kulimbabo, "Ndiledele alimwi kukambawuka ijwi atala abwami bwa Leza kumadolopo miangi, nkaambo aka nkikambo nkindakatuminiwa."⁴⁴ Alimwi wakeendelela kukambawuka muzikombelo zyoonse zyamu Judiya.

5

¹ Lino kwakachitika kuti bantu nibakabungene munsi ajeso akuswilila jwi lya Leza, awo nakimvvi kulubbazu lwalwizi lwa Genesareti. ² Wakabona maato obile kagwisigilwe kunkomwe ya Iwizi. Basikuzuba nswi bakali bazwa mulingawo bakali kusanzya tunsabwe twabo. ³ Jeso wakanjila mulilimi lya bwaato, ilyakali lya Sayimon, akumukumbila kuti aligwisye kuzwa mumanzi kwamusinzo muwfifwi anyika. Alimwi wakakkala ansi akuyiisa bantu anze abwaato. ⁴ Awo nakamana kwambuula, wakati kuli Sayimoni, "Bweeza bwato ububike mumanzi uwaale mansabwe kuti uche." ⁵ Sayimoni wakasandula wati, "Mwaami, twabeleka busiku boonse pesi takwe nchit-wajata, pesi mujwi lyako, ndilawala mansabwe. ⁶ Lino nibakachita oobo, bakabungika nswi nyinji, a nsabwe zyabo zyakalikudeluka. ⁷ Mpawo bakobola benziina bakali muli bumwi bwaato kuti baboole akuzobagwasya. Bakasika akuzuya maato obile, alimwi batalika kubbila. ⁸ Aboobo Sayimoni Pita, nakachibona wakawida kumawulu ajeso wamba, "Kozwa kulindime nkaambo ndimwaalumi uuchita zibi, Mwami."⁹ Nkaambo wakagamba, aboonee mbakali aabo, kunswi nzibakajata eezyo nzibakatola. ¹⁰ Eechi chakabikkiliza Jemusi a Joni, bana ba Zebediya, bakali basimulimunyina a Sayimoni. Jeso wakati kuli Sayimoni, "Utayoowi nkaambo kuzwa sunu kuya kunembo uyozuba bantu."¹¹ Nibakeeta maato aabo kunze, bakasiya zyoonse akutomubela. ¹² Chakachita kuti nakali kuli limwinya dolopo mwaalumi wakazwide chipele wakali mo. Elyo nakamubona Jeso, wakawida kubusyu bwakwe akumukumbila, wati, "Mwaami, kuti wayanda kondi salazy."¹³ Mpawo Jeso wakatambika janza lyakwe wamujatu, wati "Ndilayanda kosalala." Mpawaawo chipele chakamusiya. ¹⁴ Wakamulayila kuti atawam-bili naba omwe, mpawo wakamwambila kuti, "Yinka munzila yako, ukalitondezeye kumupayizyi ukatuule chipayizyo chakusalazigwa kwako, mbuli mbwakalailila Mozesi bube bukamponi kuli mbabo."¹⁵ Pele impuwo atala anguwe yakiink a kule, elyo makamu abantu akasika antoomwe kuti amvwe kuyiisa kwakwe akuponisiga kumalwazi aabo.¹⁶ Pesi we wakanoonga waya kumasena asisikene kuyookomba.¹⁷ Kwati limwi zuba kuli eecho chiindi naakali kuyiisa, kwakali baFalisi abayisyi bamulawu bakali kkede awo, bakazwide kumasena miangi amu Galili, Judiya aku Jelusalema. Nguzu zya Mwami zyakali anguwe zyakuponia.¹⁸ Nkabela bamwi baalumi bakaza babwezedu umwi mwaalumi aabulo wakayuminide mubili, bakayandula nzila yakumunjizya mukati kuti bamubike aansi kunembo a Jeso.¹⁹ Tebakajana nzila yakumweeta mukati akambo kamakamu, lino bakinka aachiluli chang'anda baseluzya mwalumi achiluli abulo bwakwe, akati lyabantu kunembo lya Jeso.²⁰ Naakabona lusyomo lwabo, Jeso wakati, "Yomwaalumi zibi zyako zyalekelelwa."²¹ Lino balembi bamulawu aba Falisizi bakatalika kubuya bakati, "Ngwani oyo waambula chakusampawula ngwani ukonzya kulekelela zibi kunze kwa Leza alikke?"²² Pesi Jeso wakabona mbubakali kuyeeya, wakasandula wati kuli mbabo, "Nkaamboonzi nimilibuzya mumyoyo yanu?²³ Nchichili chuuba kwaamba kuti, 'Zibi zyako zyalekelelwa akwaamba kuti nyampuka uyende?'"²⁴ Pele kuti mukazibe kuti mwana wamuntu ulaanguzu aanyika zyakulekelela zibi, ndati kuli nduwe, "Nyampuka bweza bweto bulo bwako uye kung'anda yako."²⁵ Mpawaawo wakabuka kunembo lyabo wabweza bulo bwakwe mpaakaled. Mpawo wakiinka kung'anda yakwe, kayabulumbayizya Leza.²⁶ Boonse bakagamba mpawo balumbaizya Leza. Bakazigzia buyoofu bat, "Twabona zintu ziindilide sunu."²⁷ Musule lyazezi zyakachitika, Jeso wakazwa wayinka eelyo wakabona simutelo uutegwa Levi kakkede aatente lyabasimutelo. Wakati kuli nguwe, "Nditobele."²⁸ Mpawo Levi wakabuka wamutobela wasiya zyoonse musule.²⁹ Nkabela Levi wakachitila

Jesu pobwe pati mung'anda yakwe, kwakaliko basimutelo biingi abantu bakakkede aabo aatafula kuti balye ambabo³⁰ pesi ba Falisi bakalikutongawukila basikwiya bakwe kabati, "Nkaamboonzi nalya abasimutelo abasizibi?"³¹ Jesu wakabasandula wati, "Bantu batachiswi tabayandi musilisi, pesi luzutu aabo bachiswa."³² Tendakazida baluleme pesi aabo basizibi kuti basanduke."³³ Bakati kulinguwe, "Basikwiya ba Joni bakalikulyiimya kulya akukomba abasikwiya baba Falisi bachita mbubo. Pesi basikwiya bako balalya akunywa."³⁴ Mpawo Jesu wakati kulimbabo, "Mpali na uukonzya kwaamba kulibasikutambwa kupowwe kuti balyiimye chakulya sikuwata kachiliwo?"³⁵ Pesi buzosika buzuba aawo sikukwata natazo bwezwe kuzwa kulimbabo, kumazuba aayo bazolyimya."³⁶ Lino Jesu wakaamba chikozyanisyo kulimbabo. "Taakwe naba omwe uudelula chigamba chachisamo chipya akuchibelesya aachisamo chikulukulu. Kuti wachita oobo uladeluula chisamo chipya. Lino chigamba chizwa kuchisamo chipya tachikonzyi kweelela kuchisamo chikulukulu."³⁷ Taakwe uubika wayini mupya muchibikilo chachiindi. Kuti wachita oobo wayini mupya ulabbalula chibikilo. Lino wayini ooyo uyoofusuka alimwi chibikilo achilacho chilanyonyooka.³⁸ Pele wayini mupya welede kubikwa muchibikilo chipya chakubikila wayini.³⁹ Taakwe naba omwe uunywa wayini mukulukulu uuyanda kunywa wayini mupya, uwamba kuti wachiindi ulimbubo.

6

¹ Lino zyakachitika muSabata awo Jesu nakalikuyabweenda akiinda akati kamunda yazilyo, alimwi basikwiya bakwe bakabweza nseke zyazilyo, kabapukapuka akati kamaboko abo, akulya. ² Pele bamwi babaFalisi bakati, "Nkaamboonzi nimuchita chitali mumulawu mubuzuba bwaSabata?"³ Wakasandula Jesu wakati, "Sa tamunabala eezyo nzyakachita Davita awo naakaba aanzala, mwini ambakali abo?"⁴ Wakanjila mung'anda yaLeza alimwi wabweza chinkwa chisalala mpawo walya chisela, alimwi wapa chimwi kuli baabo mbakalabo kuti balye, nikuba chakalimumulawu luzutu kuti bapayizi abalikke bachilye." Mpawo wakati kulimbabo,⁵ "Mwana a Muntu ngoMwami waSabata."⁶ Zyakachitika kuti imwi Sabata wakanjila muchikombelo chamajuda wayisya bantu. Mumoomo mwakali walumali wakali akuboko kwachilisyo kwakayumide.⁷ Balembi bamulawu abaFalisi bakamulangisisya kuyanda kubona kuti ulaponya umwi na muSabata, kuti bamujanine kaambo kakumupa mulandu.⁸ Pele wakalizizi nzibakali kuyeeye alimwi wakati kumwalumi wakali akuboko kuyumide, "Nyampuka mpawo wiimikile akati kaboosne." Aboobo wakanyampuka wayimikila aawo.⁹ Jesu wakati kulimbabo, "Ndamubuzya, chili mumulawu na muSabata kuchita bubotu na bubi kuvuna buumi na kujaya?"¹⁰ Mpawo wakalangalanga kuli boonse wasikuti kumwaalumi, "Tandibika luboko lwako." Wakachita mbubo, alimwi lwakatalamuka."¹¹ Pesi bakazula kunyema abasikwaambilana kuti bamuchite buti Jesu.¹² Zyakachitika mumazuba aayo mpakayinka kuchilundu kukukomba. Wakiinkila kunembo mansiku woonse mukukomba kuli Leza.¹³ Nibwakacha, wakayita basikwiya bakwe kulinguwe, alimwi wakasala bali kkumi ababili, aabo mbakati mbatumwa.¹⁴ Mazina abatumwa mbaba Sayimoni (oyo ngwakati Pita) a mukulana wakwe Endulu, Jemusi, Joni, Filipi, Bbatolomiyo,¹⁵ Matayo, Tomasi, Jemusi mwana wa Alufiyasi, Sayimoni walikutegwa muZiloti,¹⁶ Judasi Sikkaliyoti, wakazoba sikwaaba Jesu.¹⁷ Pele Jesu wakaseluka kuzwa kuchilundu ambakali aabo mpawo wiimikila antandabale amakamu mapati abasikwiya bakwe a bantu biingi bazwa kuJudiya a kuJelusalema akunkomwe yalwizi IwaTaya a Sidoni.¹⁸ Bakaza kuzoswiilila kulinguwe akuponesegwa zilwazi zyabo. Bantu bakali kukatazigwa amyuuya mibi bakaponesegwa abalabo.¹⁹ Woonse wakali munkamu wakali kweezya kumuguma nkambo manguzu akuponya akali kuzwa mulinguwe, alimwi wakabaponya boonse.²⁰ Mpawo wakalanga kulibasikwiya bakwe alimwi wati, "Mulilongezedwe nywebo nobachete, nkambo bwami bwaLeza mbubuwani.²¹ Mulilongezedwe nywebo nimufwa nzala, nkambo muyokkutisigwa. Mulilongezedwe nimulila lino, nkambo muyoseka.²² Mulilongezedwe nywebo nimuyosulwa abantu, alimwi bayomusaamika akumusampawula, akaambo kaMwana waMuntu.²³ Mukabotelwe mubuzuba oobo akusotoka mulukondo, nkambo chakasimpe muyoooba ampindu mpati kujulu, nkaambo basikale babo bakajisi basinsimi munzila ilibopo.²⁴ Pele chabija kulindinyewe nibavubi, nkaambo mwatambula kale luumbulizyo lwanu.²⁵ Chabija kulindinyewe nimukkusi lino, nkaambo muyoooba anzala, chabija kulindinyewe nimuseka lino, nkaambo muyolila akukwiila muchindi chitobela.²⁶ Chabija kulindinyewe na woonse muntu kawamba bubotu andinyewe, nkaambo mbubo basikalebabu mbubakabajisi basinsimi bakubeja.²⁷ Pele ndati kulindinyewe nimulikuswilizya, yanda basinkondonyokwe alimwi muchite

zibuto kulimbabo bamusula. ²⁸ Mulongezye baabo bamutuka alimwi mukombele aabo bamusukuusya. ²⁹ Kuli wooyo ukuumma seja mupe lubo alimbi. Na umwi muntu wabweza chibaki chaajulu utamwiimi chakunsi. ³⁰ Pa kumuntu woонse uukukumbila. Na umwi muntu wabweza chintu chako utamwaambili kuti achiboozye kulinduwe. ³¹ Mbuli mboyanda kuti bantu bakuchitile weelede kubachtila ayebo mbubooobo. ³² Na wayanda luzutu aabo bakuyanda mbulumbuunzi buli kulinduwe? Nkaambo nikuba abasizibi balabayanda aabo babayanda. ³³ Na wachitila kabotu aabo bakuchitila kabotu, zikugwasyanyi? Nkaambo abalabo basizibi balazichita eeyo. ³⁴ Na kogwasya biyo aabo bakonzya kukubweedezya nzuwabapa, chikugwasyayi? Nkaambo basizibi abalabo balapa basizibinyina, kuti bajane mpindu ikozyenie. ³⁵ Pesi muyande basinkondonyokwe mubachitile zibuto. Mupegwe mutualangili kupegwa lubo aboobo mpindu yenu iyooba mpati alimwi myoooba bana ba Simajulu, nkaambo we lwakwe uli aaluyando nikuba akulaabo batakwе huyando abasizibi. ³⁶ Mube aaluzya nkaambo Wuso alakwe ulaaluzyalo. ³⁷ Mutabeteki, alimwi tamkoyobetekwa. Mutapi mulandu, alimwi tamukoyooppegwa mulandu. Mukalekelele bamwi, alimwi moyolekelelwa. ³⁸ Pa, alimwi chiyooppegwa kulinduwe. Cheelelo chibotezya - chisindiidwe akuzula chakufusuuka - chiyootiliilwa aazibelo zyako. Nkaambo mwendo ngobelesya nguwonya uyoobelesegwa kulinduwe.” ³⁹ Mpawo wakabaambila lubo chimbi chikozyanisyo. “Sa muntu moofu ulakonzya na kukwela moofunyina? Na wachita boobo, bobile te balawida mugolonga, anga tabakoowida na? ⁴⁰ Sikwiya takomeneni muiyiysi wakwe pe, pesi woонse kuti wayiisigwa ulamba mbuli muiyiysi wakwe. ⁴¹ Nkaambonzi nolanga kasyapu kakasamu kali mulinso lyamwana wakwanu, pesi kotaboni chisamu chili mulilyako linso lyako nomwini? ⁴² Ibuti mbonga ulakonzya kwaambila mwana wakwanu kuti, ‘Mwanakesu, leka ndikugwisye kasyapu kakasamu kali mulinso lyako,’ pesi iwe muli lyako linso kotabwene chisamu chilimo? Nduwe sikuupawupa! Sanguna ugwisye chisamu chilimulinso lyako, mpawo uyoobona kabotu kugwisya kasyapu kakasamu kali mulinso lyamwanakwanu. ⁴³ Nkaambo taakwe musamu muboto uuzyala michelo iibolede, taaakwe munsamu uuboletede uunga ulazyala muchelo muboto. ⁴⁴ Nkaambo awumwi munsamu ulizibikene amusyobo wamichelo nguuyalya. Nkaammbo bantu tabacheli nkuyu kuzwa kumuumvwa, nikuba kuchela masansa kuzwa kumoobankonono. ⁴⁵ Muntu mubotu kuzwa kububotu bwamoyo wakwe, alimwi muntu mubi kuzwa mububi bwamoyo wakwe ugwisya zibi. Nkaambo kuzwa mubuvule bwamoyo mulomo ulaambuula. ⁴⁶ “Nkaamboonzi nimundiita kuti, ‘Mwami, Mwami,’ pesi tamulemeki zintu nzewambwa? ⁴⁷ Woonse muntu uuza kulindime akumvwa majwi aangu alimwi kaaleme, ndiyoomwambila kuti ulimbuli nyamanzi. ⁴⁸ Ulimbuli muntu uuli kuyaka ng’anda, wakasya wanika mpawo wayaka ntalisyo yang’anda yakwe amwaala uusimide. Awo zambangulwe nilyasikide, maanzi müngi alakunka awuma ng’anda pesi taakakonzya kwipiizungania pe, nkaambo yakauyakwa kabotu. ⁴⁹ Pele umvwa majwi aangu akutaaleme, ulimbuli muntu uuyaka ng’anda aamuse kaatakwе ntalisyo, maanzi aakasika abukali bwawo bwakuumma ng’anda eeyo mpawo yawa lunyonyooko loonse lweenda amaanzni.”

7

¹ Aawo Jesu nakamana zyoонse nzyakalikwaamba kubantu, wakanjila mu Kkapenawuma. ² Lino mupati wabasilumamba wakali aamuzike wakwe ngwaakalikuyan-disya, pesi wakali wachiswa kali waamba kufwa. ³ Mupati wabasilumamba nakamvwa aatala a Jesu, wakamutumina bapati babajuda, kamukumbila kuti asike azosilike muzike wakwe. ⁴ Nibakasika kuli Jesu, bakamukumbila chamoyo woонse kabati, “Uleede kuti ajane luzyalo kuzwa kulinduwe, ⁵ nkaambo ulayiyandisya nyika yesu, alimwi nguwe wakatuyakila chikombelo.” ⁶ Lino Jesu wakeendela kunembo ambabo. Pesi katananba kule ang’anda, Silumamba mupati wakatumba beenzinyina kaamba kuti, “Mwami utalikataazhyi lwako, nkaambo nsyeedele pe kuti usike mung’anda yangu. ⁷ Nkaambo kaako nchindabona nksyeedele pe kuti ndisike kulinduwe, pesi wamba biyo jwi ulapona mulanda wangu. ⁸ Nkaambo andime ndili mwaalumi ulimunsi lyanguzu, ndilaabasilmamba munsu lyangu. Ndilaamba kuliyooyu kuti, ‘Yinka’, ulayinka, akuli umbi kuti, ‘Sika,’ ulasika, aku, mulanda wangu kuti, ‘Chita eechi,’ alimwi ulachichita.” ⁹ Jesou naakamvwa majwi aaya akamugambya, walangala makamu akayobumutobelwa wati, “Ndati kuli ndinywe, taakwe nikuba mu Izilayeli moonse nkundakajene lusyomo luli boobu.” ¹⁰ Aboobo aabo bakatuminwe nibakabweeda kung’anda bakajana muzike wapona. ¹¹ Kuzwa aawo Jesu wakaya kudolopo litegwa Nayini, mpawo basikwiya bakwe abantu biingi bakiinka aawe. ¹² Kali waamba kusika afwiifwi amulyango wadolopo eelyo, langa, kuli mwaalumi wakafwide wakalikuyabugwisigwa, wakali

mwana wabanyina kali aalike (banyina bakali mukamufu), nkamu yabantu mpati kuzwa mudolopo oomu yakali aanguwe mwanakazi ooyu.¹³ Aawo Mwami naaka-mubona, luzyalo lwakamujata loko nkaambo kayooyu mwanakazi mpawo wakati kuli nguwe, "Utalili pe."¹⁴ Mpawo wakayinka wakujata bulo bwakalazikidwe mutunta, mpawo aabo bakanyampwide bakayimikila. Wakati, "Mulombe, ndati kulinduwe, buka."¹⁵ Ooyu mwaalumi wakafwide wakabuka wakkala akusanguna kwaambula, mpawo Jesu wakamupeda kuli banyina.¹⁶ Mpawo kuyoowa kwakanbasikila boonse, alimwi bakaumbayizya Leza, bakati, "Musinsimi mupati wabusigwa akati kesu" akuti "Leza wabalanga bantu bakwe."¹⁷ Aaya makani aatala a Jesu akazula mukati ka Judea yoonse amukati kamasena ayizyungulukide.¹⁸ Basikwiya ba Joni bakamwaambila zyoonse eezee izntu.¹⁹ Mpawo Joni wakayita basikwiya bakwe babili mpawo wabatuma ku Mwami kuti bakatedi, "Nduwe na uzabuza, naakuti tulangile umbi?"²⁰ Nibakasika aafwiifwi a Jesu bakati Joni Mubbabbatizyi watutuma kuti tozotedi, "Nduwe na uzabuza, nakuti tulangile umbi?"²¹ Muwola eelyo wakapnia bantu bangi kuzwa kumalwazi, machise akumuuyu mibi, mpawo boofu biingi wakabania babona.²² Jesu wakabasandula wati, "Nimwabweeda amukaambe kuli Joni eezyo nzimwabona akumvwa. Boofu balikubona, basinkematwi balikumvwa, bateemndi balikweenda, bachiwa chipele balikusalazigwa, bafu balikubuka kababoola kubuumi, bafwuba mbalikubuzigwa majwi mabohtu."²³ Ooyo muntu utaleki kusyoma mulindime nkaambo kanchito zyangu uli longezezegwe."²⁴ Nibakabweeda basikutumwa ba Joni, Jesu wakasanguna kwaambula kumakamu aabantu aatala a Joni kat, "Niinzi nchimwayinka munkanda kuyoobona? Itete lilikuteketesegwa aguwo?²⁵ Pesi niinzi nchimwaya kukubona aanze? Mwaalumi uuzwete zizwaato zibotu? Amulange, aabo bazwata zizwaato zibotu abakkede buumi buboto bali mumaanda abaami.²⁶ Pesi mniinzi nchimwaya kukubona aanze? Musinsimi? Iyii, ndati kulindinywe mupati kwiinda musinsimi.²⁷ Ngonguwe ulembledwe majwi ati, 'Amulange, ndatumwa mutumwa kunembo lyabusyu bwako, utakabambe nzila kunembo lyako.'²⁸ Ndati kuli ndinywe, woонse wakazyalwa aamwanakazi, taakwe mupati kwiinda Joni. Pesi ooyu muniini mu bwami bwa Leza mupati kwiinda nguwe."²⁹ Aawo bantu boonse nibakazimvwa eези kubika aantomwe abasimutelo, bakaamba kuti Leza uli luleme, kwiinda mukubbabbatiziga alubbabbatizyo lwa Joni.³⁰ Pesi ba Falisi abasibusongo bamulawu wachi Juda bakalikakila luyando lwa Leza kulimbabo, nkaambo taakwe nibakali babbabbatiziga a Joni pe.³¹ "Mpo, nga ndilabakozyanisa aanyamanzi aba bantu baleeli zyalane?"³² Balimbulu bana balikusobana kuchisbalilu, aabo bakkede kabalikiitilana kuti, "Twakulizizya nyeele taakwe nuwaziana pe. Twakiimbila lwiimbo lwadilwe pesi takwe nuwala pe."³³ Nkaambo Joni mubbabbatizyi wakasika katalyi chinkwa katanywi wayini, pesi mwaamba kuti, 'Ula dayimona.'³⁴ Mwana wa Muntu wakasika kalya akunywa, mwaamba kuti, 'Amulange ulaamafwiti mpawo ulakolwa, muzolani wabasimutelo abasizibi!³⁵ Pesi mbusongo buboneka kwiinda mubana babusongo."³⁶ Lino ba Falisi bakamutamba Jesu kuti azolye aabo. Aboobo Jesu nakanjila mung'anda yaba Falisi wakkalka atafula kuti alye.³⁷ Amulange kwakali mwanakazi wamudolopo eelyo wakali sizibi. Naakamvwa kuti wakali kutafula mung'anda yamu Falisi, wakeeta kankuli kakazwide mafuta anunkilila.³⁸ Nakiimvvi kusule lyakwe afwiifwi amawulu aakwe, kalikulila, wakasanguna kutetya mawulu aakwe amisozi yakwe, mpawo wakaabukusa amasusu aakwe akumyonta mawulu aayo akwananika mafuta aanunkilila.³⁹ Aawo mu Falisi wakatambide Jesu naakabona eези kazichitika wakayeyea mumoyo wakwe, wakati, "Kansinga ooyu mwaalumi walimusinski, walikunooziba musyobo wamwanakazi ulikumwampampa kuti ngusizibi."⁴⁰ Jesu wakasandula wati kulingue, "Sayimoni, mpuchili ncheyanda kwaamba kuli nduwe."⁴¹ Wakati, "Wamba. Muyiisil!"⁴² Jesu wakati, "Umwii wakalikua zikwelete zyamali wakali aabasizikwelete nbabil. Umwi wakali aachikwelete chama dinari aali myaanda musanu, umwi makkumi musanu.⁴³ Nibakachilwa kubweedezya mali yakwe, wakabalekelela boonse. Aboobo nguli akati kabo uutamuyande loko?"⁴⁴ Sayimoni wakamusandula wati, "Ndiyeeya kuti ngooyo wakalekelelwaa aapati." Jesu wakamusandula wati, "Wasandula kabolu."⁴⁵ Jesu wakachengunukila kumwanakazi wasikuti kuli Sayimoni, "Wamubona ooyu mwanakazi. Ndanjila mung'anda yako. Taakwe nuwandipa maanzi akusamba mawulu aangu, pesi we watetya mawulu aangu amisozi yakwe akwabukusa amasusu aakwe.⁴⁶ Taakwe pe nuwandimyonta, pesi kuzwa mpundasikila talikuleka pe kumyonta mawulu aangu.⁴⁷ Taakwe nuwananika mutwe wangu amafuta, pesi we wananika mawulu aangu amafuta aanunkilila.⁴⁸ Aboobo ndati kulinduwe, zibi zyakwe zyali zyiingi loko, zyalekelelwaa - nkaambo waba aluyando lupati. Pesi ooyu ulekelelwaa buniini uyanda buniini."⁴⁹ Mpawo wakati kumwanakazi, "Zibi zyako zyalekelelwaa."

⁴⁹Aabo mbaakkede aabo atafula bakasanguna kwaambula akati kabot kabati, “Ngwani ooyu uulekelela niku zibi?” ⁵⁰Mpawo Jesu wakati kumwanakazi, “Lusyomo Iwako lwakufutula, koya muluumuno.

8

¹ Musule aachiindi Jesu wakeenda muzisi amumyuunzi kayabukambawuka akwaamba makani mabotu aatala abwaami bwa Leza. Balikumi ababili bakali antoomwe anguwe, ² alubo bakali aamwi awumwi mwanakazi wakaponesegwa kuzwa kumyuuya mibi akuzilwazi. Meli wakalikutegwa Magadalini ooyo wakaponesegwa kuzwa kuma dayimona ali musanu aabilis; ³Jowana, mukayintu wa Chuza, mubanzi wa Helodi, Susana abamwi biangi bakalikumusanina, kuzwa kulubono Iwabo. ⁴Lino makamu aabantu naakabungene, bakaza kulinguwe kabazwa mumadolopo asiyene siyene wakabaambilia chikozyanisyo. ⁵“Mulimi wakaya kukubyala mbuto zyakwe, awo kalikubyala imwi yakawida munzila yalyatwa aamawulu abantu atuyuni twakujulu twakiilya.” ⁶Imwi yakawida aabwe, yakamena chakufwambaana, mpawo yakanyana, nkaambo teyakalikwe kuteta aansi. ⁷Imwi yakawida mumaamvwa, mpawo maamvwa akakomena aamwi ambuto mpawo akiiyasa mbuto. ⁸Pesi imwi yakawida mumuse mubotu mpawo yakazyala michelo yakali abana biinda mwaanda.” Jesu nakaamana kwamba eezi zintu, wakoompolo wati, “Ooyo uulamatwi aakumvwa, ngamvwe.” ⁹Basikwiya bakwe bakabuzya kuti chaambayi chikozyanisio eechi. ¹⁰Wakati, “Luzibo lwansiwa zya Leza lulipedwe kulindinywe, pesi kulibamwi ndaambula muzikozyanisyo, nkaambo ‘balabona pesi tababonesy’, mpawo balamvwa pesi balakonzya kutamwisisiya.” ¹¹Lino nchechi chaamba chikomzyanisyo eechi: mbuto ndijwi lya Leza. ¹²Aabo bali munzila mbaabo bamvwa, pesi dyabbulosi wasika wabweza jwi kuzwa mumyoyo yabo, kuchitila kuti tabasyomi akufutulwa. ¹³ Mpawo aabo bali aabbwe mbaabo, banga balimvwa jwi, balalimvwa chakukondwa. Pesi tabakwe miyanda; balasyoma kwakayindi kaniini mpawo muchiindi chamasunko balawida aansi. ¹⁴Mmbuto yakawida mumaamvwa mbantu banga balimvwa jwi, pesi nibeenda mnzila zyabo, balayaswa azintu zyeniyika abuvubi antoomwe abuboto bwabuumi oobu, alimwi michelo yabo tiikomeni pe. ¹⁵Pesi imbuto yakawida mumuse mubotu, aaba mbaabo, bamvwa jwi amoyo wachoonzyo alusyomo, balalijata akuzyala michelo kabali alukakatizyo ¹⁶Lino, taakwe, uunga nadomeka lampi wali vumba achisuwo mna kulibika smuchinkuma. Ülalibika aachibikilo chalampi kuchitila kuti limunikile boonse banjila mung'anda, kuti babone mumuni. ¹⁷Nkaambo tachiwo pe chisisikene chitakaleke kuzibwa, nikuba nsiswa iitakaleke kuzibwa mumuni wazoosika. ¹⁸Aboobo amuswiilizye kabotu nkaambo ooyo uula nchajisi uyooyungizigwa, pesi ooyo uutakwe nchajisi nikuba eezyo nzyayeeya kuti ulijisi uyoonyanzigwa.” ¹⁹Mpawo banyina abakwabo bakasika kuli nguwe, pesi taakwe nibakamuswena afwiifwi pe nkaambo kamakamu miangi. ²⁰Bakamwaambilia kuti, “Banyoko abakwanu, baliimvwi aanze bayanda kukubona.” ²¹Pesi Jesu wakavwiila wati kuli mbabo, “Baamba abakwesu mbaabo bamvwa jwi lya Leza akulichita.” ²²Lino bumwi buzuba wakanjila mubwaato abasikwiya bakwe, mpawo wakati kulimbabo. “Atuye kulilimbi bbazu lya Iwizi.” Bakayamba. ²³Kabachiyayumbwa, wakawona. Imvula mpati ilaaguwo yakasika aatala alwizi, bwaato bwabo bwakatalika kunjila maanzi alimwi bakali baba mubuyumyumu. ²⁴Mpawo basikwiya ba Jesu bakaza kuli nguwe bamusinsimuna bat, “Mwami, Mwami, twaamba kufwa. Wakabuka mpawo wuumuzya guwo amaanzi mpawo kwabatama. ²⁵Mpawo wakati kuli mbabo, “Luli kuli lusyomo Iwanu?” Pesi bakayoowa akugamba, bakabuzyania umwi awumwi kabati, “Ngwani ooyu, iguwo amanzi eelyo zilamuswiilizya?” ²⁶Bakayamba bakusika kuchisi cha Gelasensi, chili miutala eeliya alwizi lwa Galili. ²⁷Lino Jesu naakalyata aanyika wakaswaana umwi mwaalumi wakali aama dimoni. Wakali waba achiindi chilamfu katakwe naakazwete zigogo pe, alubo teensi wakali kukkala mung'anda pesi wakali kukkala kuzyuumbwe. ²⁸Aawo naakabona Jesu waka kwiila akuwida munsi lakwe wati kulinguwe ajwi pati, “Uli aamakanze nzi andime, Jesu mwana wa Leza uuumpukide loko? Ndakukumbila utandipenzyi.” ²⁹Nkaambo Jesu wakali walayilila muuya mubi kuti uzwe mumuntu. Nkaambo wakali wamupenzya kwachiindi chilamfu, nikuba wakuli kunoonga waangwa nsimbi anketani, wakalikuzidunsula alimwi wakalikunoonga wazulwidwa amuuya ooyo kuya mulusaka. ³⁰Mpawo Jesu wakamubuzya wati, “Nduweni zina lyako?” Wakasandula wati, “Ligiyoni,” nkaambo bakali biangi badayimona bakunjide. ³¹Aawo bakali kumukumbila kuti atabatandili mumulindi uutagoli. ³²Lino butanga bwa ngulube bwakali kuchela munsi aachilundu. Mpawo badayimona aabo bakakumbila kuti banjizigwe mungulube eezyo, mpawo Jesu wakaazumizya. ³³Madayimona aayo akazwa mumuntu aakunila mungulube,

alimwi ingulube eezyo zyakachijaana zyankunukila mulwizi zyayinkila.³⁴ Lino aabo bakali kweembela tanga lya ngulube nibakabona zyakachitika, bakachijanina muguzi bakuluula zakachitika.³⁵ Mpawo bantu biingi bakasika kuti bazobone zyakachitika, mpawo bakasika kuli Jesu bazojana kuli mwaalumi ooyo kuli nguwe badyabbulosi nkubaka tandwa. Walkalikkede munsi lya Jesu, kazwete alimwi kali waba amaunu kalikabuto mpawo bakayoowa.³⁶ Lino aabo bakazibona zyakachitika bakababuzya mbuzyakachitika zyakuponesegwa kwa mwaalumi wakali aaba dayimona mbaakaponesegwa.³⁷ Lino bantu bamu Gerasensi bakakumbila Jesu kuti azwe kuli mbabo, nkaambo obakali baba aakuyowa kupati. Aboobo wakaknjila mubwaato kuti basangune kuyamba babweede.³⁸ Mwaalumi ooyu wakagwisigwa ba dyabbulosi wakakumbila Jesu kuti bayinke aamwi, pesi Jesu wakamukakila wati,³⁹ "Bweeda kumunzi wako ukabaambile zyoonse Leza nzayakuchitila." Ooyu mwaalumi wakayinka kayobwaamba mudolopo lyoomne aatala anzyakamuchitila Jesu.⁴⁰ Lino Jesu nakabweeda, makamu akamatumbala nkaambo bakali kumulangila.⁴¹ Amubone umwi mwaalumi uitegwa Jayilasi wakali uumwi wabeendelezi bachikombelo, wakasika wawida kumawulu aa Jesu mpawo wamukumbila kuti ayinke kung'anda yakwe,⁴² nkaambo mwanakwe uzyedwe alikke, musimbi wakali amyaaka yakachibe kkumi ayibili wakali waamba kufwa. Awo Jesu nakali munzila kuya nkuko, makamu makamu aabantu akamuzyunguluka chaku syankana.⁴³ Lino aawo kwakaliwo mwanakazi wakali kuzwa gazi kwanyaaka iilikumi ayibili mpawo wakabelesya mali yakwe yoonse kuzibbadela, pesi taakwe naakaponapre.⁴⁴ Wakasika kusule lya Jesu mpawo wakajata lupipito lwa jansi lyakwe, mpawo aawo gazi lyakayimikila kuzwa.⁴⁵ Jesu wakati, "Ngwani wandi guma?" Boonse nibakakazy Pita wakati, "Makamu makamu aabantu aliкуzyungulukide alimwi akusyankania."⁴⁶ Pesi Jesu wakati, "Mpali wandiguma nkaambo ndaziba kuti inguzu zyazwa mulindime."⁴⁷ Lino mwanakazi ooyo naakabona kuti takuyubiki wakaza ulakankamba akuwida ansi kunembo lyakwe. Wakalungununa kunembo lyabantu boonse nchaakamugumina akuponesegwa nkwaakachita mpawo aawo.⁴⁸ Mpawo wakati kuli nguwe "Mwanangu, lusyomo lwako lwakufutula. Yinka muluumuno."⁴⁹ Naakachili kwaambula, umwi wakasika kuzwa kung'anda yamuzuluzi wachikombelo, wati, "Mwana wako wafwa kale. Utachimukatazyi pe muyiisyi."⁵⁰ Pesi Jesu naakamvwa eezi wakasansula Jayilasi wati, "Utayoowi, syoma biyo, mpawo ulaponesegwa."⁵¹ Naakasika kung'anda, taakwe muntu ngwaakazumizya kunjila aawe, kunze kwa Pita a Joni a Jemusi, awisi wamwana abanyina.⁵² Lino boonse bakali kuusa akumulila, pesi wakati, "Mutalili pe; tafwide pe ulikoona biya."⁵³ Pesi bakamuseka, nkaambo bakalizi kuti ulifwide.⁵⁴ Mpawo wakamujata akuboko akoompolola, wakati, "Yo mwana bukal!"⁵⁵ Muuya wakwe waka boola, mpao aawo wakabuka. wakabalayilila kuti bamupe chakulya.⁵⁶ Bazyali bakwe bakagamba pesi wakabalayilila kuti bataambili muntu achakachitika.

9

¹ Wakiita bali kumi ababili mpawo wabapa nguzu anzumizyo aatala abadayimona boonse akuponia malwazi. ² Wakabatumwa kuyo kambawuka bwami bwa Leza akuyosilika bachiswa. ³ Wakati kulimbabo, "Mutabwezi chintu mulweendo lwenu, nuuba mufunko, niiba nkomo, nichiba chinkwa, nichiba chimbi chizwaato. ⁴ Kufumbwa ng'anda njimutakakanjile, amukakkale mulinjiyo mane mukeende. ⁵ Kufumbwa nkubatakaleke kumutambula, nimwayoozwa mudolop eelyo muka kunkumune lusuko lwakumawulu aanu kunembo lyabo bukabe bukamboni kulimbabo." ⁶ Mpawo bakeenda biinda mum gunzi, kabayabwaambuula majwi mabotu akuyabuponia bantu koonse koonse. ⁷ Lino Helodi naakamvwa aatala azyoonse zyakalikuchitika, wakali kataazya, nkaambo bamwi bakali kwaamba kuti Joni Mubbabbatizyi wakali wabuka kubafu, ⁸ alimwi kwakali kutegwa Elija wakali kuboneka, akuti bamwi basinsimi biingi bakale bakali babuka. ⁹ Helodi wakati, "Ndakamugonka mutwe Joni, mpo ngwani ooyu ngwelikumvwa aatala azeesi zintu?" Aboobo wakeezya kumubona. ¹⁰ Nibakabpoola batumwa, bakaambilia Jesu zyoonse nzibakakuchita. Mpawo wakababweza, bakayinka kubusena bulikule kudolopo litiegwa Bbetisayida. ¹¹ Pesi makamu aabantu naakamvwa eezi akamatobelwa. Wakabatumwa akaambula kulimbabo aatala abwami bwa Leza, akuponia aabo bakalikuyanda kuponsegwa. ¹² lino buzuba sbwakali bwaambwa kusika kumamanino, mpawo baikkumi ababili bakasika kulinguwe bat, "Wambila bantu aaba beende baye muma gunzi ali aafwiifwi bakayandule akoona achakulya, nkaambo ookuno nkutubede mbusena butakwe chintu pe." ¹³ Pesi we wakati kulimbabo, "Amubape chakulya ndinywe." Bakati, "Tujisi biyo zinkwa zilimusatu abaswi babilii- kunze aakuti twiinke tukawulile bantu boonse aaba chakulya." ¹⁴ (Kwakali

baluumi bakalikusika zyuulu zisanu.) Wakati kuli basikwiya bakwe "Amubaambile bakkale muzibunga zyamakkumi musanu." ¹⁵ Aboobo bakachita mbubakaambilwa bakkazika bantu aansi. ¹⁶ Wakabweza zinkwa zilimusantu abaswi babili, wakalanga kujulu, wakazilongezya mpawo wakazikwamuuna, mpawo wakapa kuli basikwiya kuti baabile bantu. ¹⁷ Boonse bakalya bakuta, bufwefwelenga bwakabweezelawa bwakachaala bwakali kuzuza zisuko zili kumi azibili ¹⁸ Chakasika chiindi chakuti Jesu wakalikukomba alike, basikwiya bakali angewe. Wakabuza kuti, "Makamu aabantu ati ndimeeni?" ¹⁹ Bakasandula kuti, "Joni Mubbabbatizyi. Pesi bamwi batij Elijia, mpawo bamwi batij umwi musinsimi wakale wakabuka." ²⁰ Mpawo wakati kulimbabo, "Pesi nywe muti ndimeni?" Pita wakasandula kuti, "Munanike Kkilisito wa Leza." ²¹ Pesi wakabadidimiza chamanguzu kuti bataambili muntu pe, ²² kati, "Mwana wa Muntu welede kusyonsegwa kuzintu zyiingi akukakwa abapati, bapati babapayizi antoomwe abalembi bamulawu, mpawo uzojiigwa mpawo mubuzuba bwatatu uzobuka." ²³ Mpawo wakati kuli mbabo boonse. "Na kwaba muntu uyanda kunditobelwa weelede alikake abweze chingano chakwe abuzuba anditobe. ²⁴ Ooyo uyanda kutabilila buumi bwakwe uyoobuswekelwa, pesi ooyo uyooswekelwa buumi bwakwe nkaambo kandime uyoobubamba. ²⁵ Niinzi chibotu kuti muntu ajane nyika yoonse, pesi akasweekelwe abumi bwakwe? ²⁶ Ooyo uufwa bweeme nkaambo kangu amajwi aang, alakwe Mwana wa Muntu uyoofwa bweeme nayoza mubulemu bwakwe, bulemu bwa Wisi abangelo basalala. ²⁷ Pesi ndatki kulindinywe nhobeni, klibamvvi biimvvi aawa batayi kuyoomvva lufu kabatana bona bwami bwa Leza." ²⁸ lino pmusule lyamazuba musanu aattatu Jesu kali waamba majwi aaya, wakabweza Pita a Joni a Jemusi mpawo wakatanta kalundu kuyookomba. ²⁹ Nakali kukomba busyu bwakwe bwakasanduka, mpawo zisamo zyakwe zyakatuba chakwiindilizya. ³⁰ Mpawo amulange, baalumi bobile bakali kwaambula aawe, Mozesi a Elijia, ³¹ bakaboneka muchiimo chabulemu bupati. Bakali kwaambula aatala akwenda kwakwe, oko nkawakali walangila kweeta kumamanino mu Jelusalemu. ³² Lino Pita abaabo bakali aawe bakali fwide biya akoona, pesi nibakainsinsimuka, bakabonuna bulemu bwakwe abaalumi bobile bakayimvvi. ³³ Aawo nibakali kuyobusosoloka kuzwa kuli Jesu, Pita wakati kulinguwe, "Mwami, nchibotu kulindiswe kuti katuli aano. Atuyake zitumba zyotatwe, chimwi chako, chimwi cha Mozesi, achimbi cha Elijia" (taakwe nakezi nzyakali kwaambuula). ³⁴ Kachaambuula oobu, joba lyakasika lyavabumba, mpawo bakayoowa nibakanjila mujoba. ³⁵ Ijwi lyakamvwiwa mujoba kaliti, "Ooyu mwana wangu, uusalidwe; amumuswiilile." ³⁶ Ijwi nilyakamana kwaambula Jesu waka chaala kali aalike. Bakawumuna alimwi taakwe ngubakaambila pe mumazuba aayo anzibakabona. ³⁷ Likno mubuzuba bwakatobelwa, nibakaselela mukalandu, inkamu yabantu mpati yakamatumbula. ³⁸ Amulange umwi mwaalumi kuzwa munkamu wakoompolola, kati, "Muysi, ndakombelela ulange mwana wangu, nkaambo ngomwana wangu alike. ³⁹ Langa, muuya nga wamujata mpawo nga wasanguna kukwiila; zimupa kusuntuka mpawo nga wazwa fulu kumulomo. Tuufwaambani kumuleka pe alimwi umupa kuchubbuuka kapati. ⁴⁰ Ndakumbila basikwiya bako kuti bawutande pesi bakachilwa." ⁴¹ Jesu wakasandula wati, "Nywebo nozyalane litasyomi, ndeelede kuba aandinywe kwachiindi chilamfu biyeni akukkala aandinywe? Yeta mwana wako aano." ⁴² Nakalikuyobuza mulombe ooyu, muuya wakamuwisizya aansi akumusuntula. Pesi Jesu wakawulayilila muuya mubi akumuponia, akumubwedezya kulo wisi. ⁴³ Mpawo bakagamba abupati bwa Leza. Aawo kabachigamba boonse aali nzyakali wachita, wakati kulo basikwiya bakwe, ⁴⁴ "Aaya majwi ayelede kunjila loko mmatwi eenu: Mwana wa Muntu uzowabwa kumaanza abaalumi." ⁴⁵ Pesi tebakamvvisisaya nzyakalikwaamba. Zyakasiswa kuli mbabo, aboobo tebakaziba nchizyamba. Alimwi bakayoowa kuti babuzye aatala amajwi aaya. ⁴⁶ Mpawo kwakabuka kukazyania aatala akuti ngwani akati kabo utaazobe mupati kwiinda bamwi. ⁴⁷ Pesi Jesu naakaziba zyakali mumyoyo yabo, wakabweza mwana muniini wamweeta kubbazu lyakwe ⁴⁸ mpawo wakati kulimbabo, "Ooyo uutambula mwana ooyu muzina lyangu, utambula ndime, ayooyo uutambula ndime, utambula ooyo wakandituma. Nkaambo ooyo muniini akati kenu ngongue mupati." ⁴⁹ Joni walkasandula wati, "Mwami, twabona umwi muntu kalikutanda madayimona muzina lyako pesi twamukasya, nkaambo takutobelwa pe antoomwe andiswe." ⁵⁰ "Tamusukasyi pe," Jesu wakasandula, "nkaambo ooyo uutambula nguweni." ⁵¹ Nakaswemna mazuba akuti atolwe kujulu, wakabikkha budyu bwakwe kuti baye ku Jelusalema. ⁵² Wakatma batumwa kunembo lyakwe, bakayinka bakunjila mulilimwi kgunzi lyama Samaria kabamubambilisa zyoonse. ⁵³ Pesi bantu bamugunzi eelyo tebakamutambula pe nkaambo wakalikutozya ku Jelusalema. ⁵⁴ Basikwiya bakwe nibakachibona eechi, bakati kulinguwe, "Mwami, uyanda kuti twiite mulilo na kuzwa

kujulu iunbanyonyoone boonse?"⁵⁵ Pesi wakabalanga wabakalalila,⁵⁶ mpawo kbakaya kulisimbi gunzi.⁵⁷ Kabayobweenda munzila, umwi muntu wakati, "Ndilakutobela koonse nkotakaye."⁵⁸ Jesu wakati kulinguwe, "Baswumpe bali aabulyango, atuyuni twamujulu tuli azizoumbo, pesi mwana wamuntu takwe mpanga ulasegezya mutwe wakwe."⁵⁹ Mpawo wakati kuli umwi, "Nditobele." Pesi wakati, "Mwami, Ndizumine ndikavwike taata wangu sansi."⁶⁰ Pesi wakati kulinguwe, "Leka bafu bavwikke bafunyina. Pesi webo, yinka ukakambawuke kule aatala abwami bwa Leza."⁶¹ Mpawo umwi wakati, "Ndilakutobela, Mwami, pesi ndizumine ndooneke aabo bali amuunzi 62 wangu." Jesu wakamusandula wati, "Taakwe uubikka kubo kwakwe

10

¹ Lino musule azyoonse eezi, Mwami wakasala bambi basika makkumi mousanu amakumi aabili, [amwi malembe manji achiindi aamba kuti makumi usanu aabili pesi amwi ati makumi musanu ababili] mpawo wakabatuma babili babili, kunembo lyakwe kumadolopo woonse ngakalangilide kwiinda mulingawo.² Wakati kulimbabo, "Butebu mbunjiloko, pesi babelesi mbache. Aboobo amukumbile kuli Leza wabutezi kuti atumine babelesi kumuunda wakwe.³ Amwinke munzila yanu. Amulange ndamutuma mbuli mbelele akati kabawumpe.⁴ Tamubwezi nkomwe yamali, tamubwezi zikwama, tamubwezi nsangu, mpawo tamujuysi bantu munzila.⁵ Kufumbwa ng'anda njimuyonjila, amukasangune akuti, "Luumuno alube aatala ang'and eeyi!"⁶ Na kakuli muntu waluumuno aawo, luumuno lwenu luyokkala aalinguwe, pesi kuti kaatakwé, luyoobola kulindinywe.⁷ Amukakkale mung'anda eeyo kamulya akunyu eezyo nzibayoomupa, nkaambo mubelesi ulelede mfuplo walkwe. Tamukeendi kuzwa kulimwi ng'anda kuya kuliimbi.⁸ Kufumbwa dolopo ndimuyoonyjila, bakamutambule, amukalye eezyo nzibatakamupe,⁹ mpawo mukasilike bachiswa aawo. Amukatedi kulmbabo, 'Bwami bwa Leza bwasika afwiifwi andinywe.'¹⁰ Kufumbwa dolo'o ndimuyoonyjila, bakakake kumutambula, amukayinke mumigwagwa mukatedi,¹¹ 'Nikuba lusuko Iwamudolopo lyenu lwajatilia kumawulu eesu tulalukunkumuna kunembo lyenu! Pesi amuzibe eechi: Bwami bwa Leza bwasika afwiifwi.'¹² Ndamwaambilka kuti nibwayosika buzuba bwakubetekwa kuyoba mbubo ku Sodoma kwiinda eelyo dolopo.¹³ Mapenzi kulinduwé, Kkolazini! Mapenzi kulinduwé, Bbetisayida! Na milimu mipati yakachitwa mulindinywe yakali yachitwa mu Taya amu Sidon, nibanga bakasanduka chiindi loko, kabakkede muzizwato zyamasaka akulinana dota.¹⁴ Pesi chiyoba mbubo ku Taya a Sidon kwiinda ndinywe.¹⁵ Iwe, Kkapenawuma, ueyeya kuti uzosumpwidwa kujulu na? Pepe, uzoboozegwa aansi ku Hadesi.¹⁶ Ooyo uyoomuswiilila waswiilila ndime, ayooyo uyoomukaka wakaka ndime, aboobo ooyo undikaka wakaka awakan-dituma.¹⁷ Aaba balimakumi musanu amakumi aabili nakaboola lkabali mulukondo, kabaamba kuti, "Mwami, abadayimona boonse bakali kutuswiilila muzina lyako."¹⁸ Jesu wakasandula katí, "Ndalikweeba Satani kawa kuzwa kujulu mbuli kalabi.¹⁹ Amulange ndamupa manguzu aakulyata aatala anzoka atubanke, anguuzu zyoonse kwiinda zyasinkondonyokwe, alimwi taakwe nikuba mulili nza chiyoomuchisa.²⁰ Nikuliboobo tamukondwi loko kuli zeezi azilike, pesi amupakale nkaambo mazina aana alembwa kujulu."²¹ Kuchiindi nchincheecho wakabotelwa loko mu Muuya Ususalala, mpawo wakati, "Ndakutembawula, Taata, Mwami wa julu anyika, nkaambo wakasisa zikntu eeezi kulibasibusongo akumvvisisisya, mpawo waziyubununa kuli aabo batayisizigwe, mbuli bana baniini. Iyii, Taata, kakuliboobo chalikubotezya kubusyu bwako."²² Zintu zyoonse zyapegwa kulindime kuzwa kuli Taata, alimwi taakwe uusi Mwana kuti ngwani kunze kwa Taata, mpawo taakwe uusi kuti Taata ngwani kunze kwa Mwana akuli wooyo Mwana ngasala kuybunwida."²³ Mpawo wakachengunkula kuli basikwiyya bakwe mpawo wabaambilka chansiswa kuti, "Balilongezegwe aabo babona nzimubona.²⁴ Ndati kulindinywe, kuli basinsimi biangi bakali aachiyandsyo chakubona nzimubona, pesi taakwe nibakazibona pe, akumvwa zintu nzimumvwa, pesi, taakwe nibakazimvwa pe.²⁵ Amulange umwi muysiisi wamilawu yachi Juda, wakanyampuka kayanda kumusunka, wakati, "Muysiisi, niinzi nhenga ndilachita kuti ndijane buumi butamani?"²⁶ Jesu wakamusandula wati, "Kulemedewe kutyeni mumulawu? Muubala biyeni?"²⁷ Naakasandula wakati, "Yanda Mwami Leza wako amoyo wako woonse, amuuya wako woonse, anguzu zyako zyoonse, akuyeeya kwako koonse, mpawo uyande simabambanwa wako mbuli mbmoliyanda omwini."²⁸ Jesu wakatgu kulinguwe, "Wasandula kabetu. Zichite eei ulapona."²⁹ Pesi muysiisi ooyu, nakalikweezya kulilwanina wakabuzya lubo kuli Jesu wati, "Animpo simabambanwa wangu ngwani?"³⁰ Kalikumusandula Jesu wakati, "Umwi mwaalumi wakalikuyabuselela kazwa ku Jelusalema katozya ku Jelikko, wakaswaana babbi bakamubbida zintu zyakwe,

mpawo bakamuuma bamusiya kali waamba kufwa. ³¹ Muchoolwe umwi mupayizi wakalikuyabweenda anzila njiyeeyo, mpawo naakamubona, wakiimnda mbali. ³² Alubo mu Levi alakwe, nakasika aawo wamubona, wakiinda mbali. ³³ Pesi umwi mu Samaliya, wakali mulweendo lwakwe alakwe, wakasika aawo mpaakabede. Naakamubona wakamufwida luzyalo. ³⁴ Wakaswena aafwiiifwi wamwaanga zilonda, akumutila mafuta awayini aazilonda. Wakamutansika aamunyama wakwe mpawo wamutola kung'anda yabeenzu, kuyomubamba. ³⁵ Nibwakacha wakagwisya maseleni aabilis, wapa mwani muunzi mpawo wakati, "Mubambe alimwi zyoonse nzuyoobelesya kwiinda awa, ndaboola ndizokuliya." ³⁶ Ngwani akati kabaaba batatu, ngumunga mulayeeya kuti, ngosimabambanwa kuli ooyo pwakawumwa abasikubba?" ³⁷ Muiisiyi wakati, "Ooyo wakamutondeezya luzyalo." Jesu wakamusandula wati, "Koya ukachite mbubo ayebo." ³⁸ Lino nibakali kuyobweenda wakanjila mulilimi gunzi, mpawo umwi mwanakazi uutegwa ngu Malita wakamutambula mung'anda. ³⁹ Wakali amwana wakwabo walikutegwa ngi Meli, ooyo wakakkala kumawu a Mwami akumvwa jwi lyakwe. ⁴⁰ Pesi Malita wakalijisinkini loko akubakutawukila kuti abape chakulya. Wakasika kuli Jesu wati, "Mwami, tokubwene na kuti mwanakesu wandilekelezya kuti ndibeleke endike? Mwaambile asike azoondoigwasye." ⁴¹ Pesi Mwami wakamusandula wati, "Malita, Malita, uli aakulikataaza yaazintu zyiingi, ⁴² pesi nchintu chomwe biyo chiyandikana. Meli wasala chibotu loko kwiindilila alimwi tachikwe nayochinyanzigwa pe."

11

¹ Zyakachitika limwi zuba Jesu kalikukomba kuli bumwi busena, awo nakamanisyia umwi wabasikwiya bakwe wakati, "Mwami, tuyisye kukomba mbuli Joni mbwakayisyia basikwiya bakwe." ² Jesu wakati kuli mbabo, "Mwakomba mwambe kuti, 'Taata, izina lyako lilemekwe mbuli lisalala. Akuze bwami bwako. ³ Utupe zilyo zitwelede buzuba abuzuba. ⁴ Utulekelele zibi zyesu, mbuli mbutubalekelela boonse bali azikweleta kulindiswe. Utatweenzi mukusunkwa." ⁵ Jesu wakati kulimbabo, "Kuli na uyoo ba amwenzinyina, elyo akayinke akati kamansiku, akwamba kuti kulinguwe, 'Mwenzuma, ndikwelete zinkwa zitatu, ⁶ nkambo mwenzuma wasasi, kazwida kumugwagwa, alimwi takwe nchindilacho pe kuti ndimupe.' ⁷ Oyo wakali mukati ulakonzya kwamba kuti, 'Utandidubi. Ikkoma lyajalwa kale, alimwi bana bangu, balandime, bali abulo. Tandikonzyi kubuka pe kuti ndipe nduwe chinkwa.' ⁸ Ndamba kuti kulindunywe, nikuba kuti takobuka akumupa chinkwa mkambo kakuti mwenzinyokwe, asi nkambo kakukakatila kwanu chabuusu, uyobuka akupa zyoonse zinkwa nzimunooli kamuyanda. ⁹ Alubo ndamwambila kuti, mukumbile, elyo muyoopegwa; muyandule; alimwi mulajana; mukonkomone, alimwi mulajulilwa. ¹⁰ Nkambo kuli woonse ukumbila ulapegwa; ayooyo uyandula ulajana; akuli woyo ukonkomona uyojulilwa. ¹¹ Nguni wisi akati kanu, na mwana ake walomba muswi ulamupa nzoka muchindi chakumupa muswi? Malembe mabotu achindi alachibalo chifwifwi. Amwi malembe achiindi alachibalo chilamfu, chikonya kujanika lubo muli Matayo 7: 9: Nguni wisi akati kanu, na mwana wakwe mulombe wakumbila chinkwa, ulamupa bbwe na? Na muswi, ulamupa nzoka na? ¹² Na walomba iiji, ulamupa kabanke na? ¹³ Nikubabobo, na inywe nubabi mulizi kupa zipo zibotu kubana banu, zyiinda biyeni Taata wanu ulikujulu upa Muuya Usalala kulaabo bamukumbila?" ¹⁴ Lino Jesu wakalikutanda dayimona utambuli pe. Mpawo dayimona nakazwa, mwalumi utakwe wakalikwambula wakambula, alimwi makamu abantu akagamba! ¹⁵ Pesi bamwi bantu bakati, "NguBbelizebbule mwendelezi wabadayimona, ngwatanzya badayimona." ¹⁶ Bamwi bakamusunka akuyanda kubona chitondezyo chizwa kujulu. ¹⁷ Pesi Jesu wakalizi muzeezo yabo elyo wakati kulimbabo, "Boonse bwaami bupambukene bulasaalwa, an'anda ipambukene ilawa. ¹⁸ Na Satani walipambula, ibwami bwakwe buyoyimikila biyeni? nkambo mwamba kuti nditanzya Bbelizebbule badayimona. ¹⁹ Na nditanzya Bbelizebbule badayimona, nguni batobela banu ngubatanzya? Nkambo kacheechi, bayooba babetesu banu. ²⁰ Pesi na nditanda badayimona akutondeka kanwe kaLeza, nkukuti Bwami bwaLeza bwasika kulindinywe. ²¹ Kuti mwalumi singuzu ulaazilwano zikwene walinda n'anda yakwe, lubono lwakwe lunokkede kabotu, ²² pesi na mwalumi singuzu wamuzunda, oyo mwalumi singuzu ulabwenza zilwano ezyo mwalumi oyo nzyalikusyoma akupaza lubono lwamwalumi oyo. ²³ Oyoo utalamwi andime ngundilwisya, ayooyo utabunganizyi andim ngumwaya. ²⁴ Namuya mubi wazwa mumwalumi, ngawayinda mubusena butakwemaanzi akuyandula kulyokezya. Nutakajane takwe busena, ulamba kuti, 'Ndiyojokela mun'anda mundakazwa.' ²⁵ Na wajokela, ulajana kuti mun'anda muliyiidwe kamubambidwe kabotu. ²⁶ Mpawo ulajoka kwakweeta imyuuya ili musanu ayibili mibi kwiinda nguwo elyo zyoonse ilaza kuzokkala mumo. Mamannino abuumi bwamwalumi oyu bulabija

kwiinda lutanzi.”²⁷ Zyakachitika kuti, na kalikwamba zintu eezi, umwi mwanakazi wakoonzomoka atala amakamu abantu kaamba kuti kulimbabo, “Bulilongezedwe bula obo bwakatumbuka ankolo ezyo zyakakukomezya.”²⁸ Pesi wakamba kuti, “Kwindilila, balilongezedwe abo bamvwa ijwi lyaLeza akulibamba.”²⁹ Awo makamu abantu nakalibuyobuvula, Jesu wakatalika kwamba kuti, “Elizyalani ndizyalani bbi. Lilangula chitondeeyo, nikuba takwe chitondeeyo nchiliyopegwa kunze kwachitondeeyo cha Jona.”³⁰ Nkaambo mbuli Jona mbwakaba chitondeeyo kuli ba Niniva, aboobo alakwe Mwana mulombe wa Muntu uyooba chitondeeyo kuzyalani eeli.³¹ Mwami mwanakazi wakumbo uyoonyampuka kulubeta abantu bazyalani eli akubapa mulandu, nkambo wakazwa kumasimpilo anyika kuti akamvwe busongo bwaSolomoni, amubone, umwi mupati wiinda Solomoni kuti mpali.³² Bantu bakuNiniva bayooyma kulubeta azyalani eli lyabantu akubapa mulandu, nkambo bakasanduka kukukambawuka kwajona, amubone, umwi mupati kwiinda Jona mpali.³³ Takwe ungaamana kutunginizy lampi, inga walibikka asisikene na ansi alusuwo, pesi kuti achikkalilo chalyo, kwitila kuti abo banjila bakonzye kilibona.³⁴ Liso lyako ndilampi lyamubili wako. Na liso lyako ndibotu, mubili woonse ngawazuzigwa mumuni.³⁵ Pesi na liso lyako ndibbi, mubili wako woonse uwzide kusiya.³⁶ Kuti na mibili yanu yazuwigwa amumuni, katakwe chimwi chzo chilimumudima, elyo mibili yanu iyooba mbuli lampi mbuli mweekesy alindinywe.”³⁷ Lino nakamana kwambula, muFalisi wakamukumbila kuti bakalye antoomwe kun’anda yakwe, mpawo Jesu wayinka wakulya.³⁸ MuFalisi wakagamba kuti Jesu takenakasanguna kusamba pe kayanda kulya.³⁹ Pesi Mwami wakati kulinguwe, “Lino mpo, inywe nimaFalisi musanzya kunze kwankomeki azilido, pesi mukati kanu muzwide bungu abubu.⁴⁰ Inywe nubantu nimutakonzyi kuyeey! Oyo wakalenga kunze teensi nguwe na wakalenga mukati?⁴¹ Mupe echo chilimukati mbuli chabilo, awo zintu zyonse kulindinywe ziyoosalazigwa.⁴² Pesi maawe nywebo kulindinywe nimFalisi, nkambo mulapa chakkumi champoko achamusamu wakulisilika ayimwi michelo yamuchilili, pesi mukaka kusalazigwa a luyand lwaLeza. Zilimbubo biyo kusyomeka akuyanda Leza, kakutakwe chikachizya kuchita zimwi azilazyo.⁴³ Maawe nywebo nimaFalisi, nkambo tuyanda zyuno zyakunembo muzikombelo akujuzigwa chabulemu muzisambalilo.⁴⁴ Maawe kulindinywe, nkambo muli mbuli zibunda zitaboneki awo bantu mpubendela kabatazi.”⁴⁵ Umwi wabasikulingula mulawo wakati kulinguwe, “Muyisi eezi nzulikwamba ulikututukila aswebo.”⁴⁶ Jesu wakati, “Maawe nywebo, ni-bayiisi bamulawu! Nkambo mubikka bantu mikuli milemu njibatakonyi kunyampula, pesi takwe nimwiguma pe mikuli eyo akanwe kanu kamwi.⁴⁷ Maawe kulindinywe, nkambo tuyakila basinsimi zibunda, alimwi mbasikale banu bakabajaya.⁴⁸ Nkambo inywe mulibakamboni akuzuminana amilimu yabasikale banu, nkambo mbakabajaya alimwi mulikuyaka zibunda zyabo.⁴⁹⁻⁵¹ Nkambo kacheechi, busongo bwaLeza bwamba kuti, ‘Ndiyotuma basinsimi aBatumwa, alimwi bayobapenzya akubajaya bamwi babo.’ Eeli zyalani, ndilyo, liyooyimikila bulowa boonse bwabasinsimi bwakatikila kuzwa kumalengelo anyika, kuzwa kubulowa bwaAbbelo kuyosika kubulowa bwaZakkaliya, ooyo wakajayigwa akati kachipayililo abusena busalala. Iyi ndamwambila, kuti zyalani ndiyooyimikila.⁵² Maawe kulindinywe nimulingulula mulawo, nkambo mwakagwisya chijulusyo chaluzibio; tamulinjili nubeni, alimwi mulakasya abo banjila.⁵³ Jesu nakazwa awo, balembi bamulawu abaFalisi tebakamuswilila pe alimwi bakamukazya zintu zyiingi. Bakalikumuyubilila,⁵⁴ kuti bakonzye kubweezya chimwi kuzwa kumulomo wake.

12

¹ Muleecho chiindi, zyuulu zyabantu zyiingi nizyakabungana, bakasyankana akulyatana, wakasanguna kuti kuli basikwiya bakwe chakusanguna, “Amuchenjelele busweezyo bwaba Falisi, kakuli kuupawupa.”² Pesi taakwe chivumbidwe, chitakabule kuyubununwa, alimwi taakwe chisisidwe, chitakabule kuzibinkana.³ Aboobo zyonse nzimuyowamba mumudima ziyoovvwigwa mumumuni, azeezyo nzimwakawviyyavwiya mumatwi kamuli mumaanda amukati ziyoompololwa atala atululi⁴ Ndati kulindinywe bazolani bangu, tamubayoowi pe aabo bajaya mibili, musule azeezyo tabachikwe chimbi chakuchita.⁵ Pesi ndilamwaambila aatala akuti ngwani ngumunga mulayoowa. Amuyoowe ooyo, uunga naajaya, ulaanguzu zyakuwaala mumulilo. Iyii, ndati kulindinye, amuyoowe nguwe ooyo.⁶ Teensi tuyuni tusanu tulawuzigwa atukobili tuniini tubili na?⁷ Pesi tatulubwi pe kunembo lya Leza. Pesi nikuba masusu eenu alaamyeelwe woonse. Mutayoowi. Muli aabulemu kwiinda bayuni biingi.⁸ Ndati kulindinywe, kufumbwa uundizumina kunembo lyabantu, Mwana wa Muntu uyoomuzumina kunembo lyabangelo ba Leza,⁹ pesi ooyo uundikaka kunembo

lyabantu, uyookakwa kunembo lyabangelo ba Leza.¹⁰ Kufumbwa uyoowambula majwi mabi aatala a Mwana wa Muntu, uyoolekelelwa, pesi ooyo usampawula Miuya Uusalala, taakwe natakalekelelwpe.¹¹ Nibatakamweete kunembo lya Zikombelo, babetesi, abasimilawu, tamukalikataazyi kuti muyowaambuula biyeni mukuli Iwanina, nakuti muyotyeni,¹² nkaambo Muuya Uusalala uyomuyiisya muli nchicheecho chiindi zyakwaamba.”¹³ Mpawo umwi wakali munkamu yabantu wakoompolola wati, “Muyisiyi, ambila mwanaakesu kuti andaabilie ambeno lukono.”¹⁴ Jesu wakasandula wati “Yoo mwalumi, ngwani wakandinanika kuba mubetesi na sing’enda akati kenu?”¹⁵ Mpawo wakati kulimbabo, “Amulangisise eezyo zintu nzimulibambilila kuzwa kubulyabi, nkaambo buumi bwamuntu tabulangwi kwiinda muzintu nyaleezyo.”¹⁶ Mpawo Jesu wakabaambilila chikozyanisy, kat, “Muunda wamuntu muvubi wakali abutebuuzi bwiingi,¹⁷ wakayeeya mumoyo wakwe, wati, ‘Ndilachita biyeni, nkaambo nsikwe katuuila kakubambilila zilyo zyangu?’¹⁸ Wakati, ‘Eezi nyesischite. Ndilakolomonatutuula twangwi ndiyake tumbi tupati, oomo mwesizobambilila zilyo zyangu azimwi zintu.¹⁹ Mpawo ndiyoti kumuuya wangu, “Muuya waba aazintu zyiingi zibambidwe kwamyaaka myingi. Lyookezye kabotu, lya, nywa, upakale.”²⁰ Pesi Leza wakati kuli nguwe, ‘Yoomwaalumi mufubafuba, sunu muuya wako ulayandikana, zintu nzwabamba ziyooba zyani?’²¹ Mbabede mutu uulibambilila buvubi pesi katavubide kuli Leza.”²² Jesu wakati kuli basikwiya bakwe, “Aboobo ntati kulindinywe, tamulikataazyi nkaambo kabuumi - kuti muyoolya nzi, na amubili wanu - kuti muyoozaataayi.²³ Nkaambo buumi bwiinda kulya, alimwi mubili wiinda zizwaato.²⁴ Amulange bayuni, tababyali na kutebula. Tabakwe tutuula, pesi Leza ulabapa chakulya. Mulekede bupati loko nywebo kwiinda bayuni!²⁵ Ngwani akati kenu uunga naalikataazya wayungizya mazuba akupona kubuumi bwakwe?²⁶ Na kotakonyi kuchita eecho chitu chinini, nkaambo nzi nimulikataazya azimwi zyoonse?²⁷ Amulange masokwe - alakomena. Taabeleki, na kulikataazya. Pesi nadti kulindinywe, nansya Solomoni mubulemu bwakwe boonse taakwe nakali wazwaata kwiinda aawa.²⁸ Na Leza kazwaatika masokwe aali-mumuunda, aanga sunu mpaaali, juunza asowelwa mumulilo, ulamuzwaatika bwiingi butanali nywebo, Nozyalane lyalusyomo luniiin!²⁹ Tamulaangauuli nchimutalye na nchimutanywe, alimwi tamulikataazyi.³⁰ Nkaambo zisi zyoonse zyaanyika zilanguula zintu eezi, alimwi Wuso ulizi kuti mulaziyanda zintu eezi.³¹ Pesi amuyandule bwami bwakwe, mpawo eezi zintu ziyopegwa kulindinywe.³² Mutayoowi, nkaambo Wuso uulikujulu ulabotelwa kumupa bwami.³³ Amuuzye zyoonse zimulazyo mupe kubachete. Amulichitile nkompwe zitadeluki pe - buvubi bwakumajulu butamani, kutasaki basikubba afwiifwi, alimwi kutiligwi munanze.³⁴ Nkaambo ooko kuli buvubi bwako, moyo wako nkuubede.³⁵ Amwaange zizwaato zyenu alukumba muchikungu, muyasye malampi eenuakkale kayaka,³⁶ mube mbuli bantu bayandula mwami wabo, naboola kuzwa kupobwe lyalukwatano, kuchitila kuti nasika kakonkomona balafwambaana kumujulila.³⁷ Bali longezezegwe aabo belanda, bayojanika kaba bbwazwide naayosika mwami wabo. Nchobeni ndamwaambila kuti uyowanga nsasiko yakwe ndamfu muchikungu alukumba, mpawo uyobakkazika kukulya, mpawo uyoosika we azobakutawukile.³⁸ Na mwami azosike mubusiku bwakulinda bwabili, na bwatatu, azobajane kabalindide, balilongezezegwe balanda aabo.³⁹ Aatala azeezi zyoonse, kansinga mwani ng’anda walizi buzuba mbwasika sikubba, taalikunoleka ng’anda yakwe kuti inyonyonwe pe.⁴⁰ Amulibambile anywebo, nkaambo tamulizi wola ndasika Mwana wa Muntu.”⁴¹ Pita wakati, “Mwami, ulikwaamba chikozyanisy eechi kulindiswe atulike na kumuntu woонse?”⁴² Mwami wakati, “Ngwani mpo mweendelezi musongo awusyomekede ooyo mweendelezi wakwe ngwazobilika kubalandia bakwe kuti abaabilie chabo chimpanzi chakulyamuchiindi cheelede?”⁴³ Ulilongezezegwe ooyo mulanda uyoojanika kachita oobo nayooboola mulanda wakwe.⁴⁴ Nchobeni ndamwaambila kuti uyoomupa bweendelezi kuzintu zyakwe zyoonse.⁴⁵ Pesi ooyo mulanda uti mumoyo wakwe, ‘Mwani wangu wachedwa kuboola,’ mpawo asangune kuuma balanda baalumi abanakazi, asangune kulya akunywa mpawo akolwe,⁴⁶ mwami wayooyo mulanda uzoosika buzuba mbwatalangilide pe, amuwola ndyatayeeleli pe, uyoomugonkoola mpawo akamubikke kubusena bwabantu batasyomekede.⁴⁷ Ooyo mulanda, kali walimuzi mwami wakwe, alimwi katachitide na kumba mbuli mbayanda, uyoowumwa mfayindi nyiingi.⁴⁸ Pesi ooyo wakatezi, mpawo wachita zintu zyuumya, uyowumwa mfayindi nche. Woonse uupegwa zyiingi unolangilwa kupa zyiingi, ayooyo uusyomwa azyiingi, zyiingi nzibayookumbila kuzwa kulinguwe.⁴⁹ Ndakasika kuzoouala mulilo aanyika, alimwi ndalikuyanda kut kansiinga zyachitika.⁵⁰ Pesi ndili aalubbabbatgizyo ndweelede ku bbabbatizigwa aalo, amachise ngelaawo mane kukamane!⁵¹ Muyeeya kuti ndakasika kuzoyeta luumuno na anyika? Pepe, ndamwaambila, pesi kwaanzana.

52 Nkaambo kuzwa lino kuyooba balimusantu mung'anda yomwe banzeene - batatu kabatamvwanani ababili, ababili kabatamvwanani abatatu.⁵³ Banowanzenee, wisi katamvwanani amwana mulombe, amwana mulombe katamvwanani awisi; banya-in kabatamvwanani amwana musimbi, amwana musimbi katamvwanani abanyina; banyianaziyala kabatamvwanani amuka mwana, amukamwana katamvwanani abanyinaziyala."⁵⁴ Jesu wakaambula lubo kumakamu, "Na mwabona joba kalisimpa kububilla, mulafwaambana kwaamba kuti 'Yaamba kuwa mvula,' mpawo nga zyachitika.⁵⁵ Mpawo kwawunga guwo lizwida kumunanza ngamwati sunu linoopya zuba," mpawo zyachitika.⁵⁶ Basikuupawupa, mulikwizi kumvvisisisya chiimo chanyika ajulu, pesi nkaambo nzi nimutakonzyi kumvvisisisya chiimo chachiindi chiliko lino?⁵⁷ Nkaambo nzi nimutakonzyi kulibonena zilikabotu amulike?⁵⁸ Nkaambo aawo nimuya kumutongi asinkondonyokwe, munzila amweezye kwaambula kabotu mumvwanane kuchitila kuti we tazokutoli kumubetesi, akuchitila kuti mubetesi atakakubiki mumaanza akapokola, mpawo kapokola atakakubiki muntolongo.⁵⁹ Ndati kulindinywe, taakwe notakazwe pe kuyosikila ukaman kubbada mali yoonse iyandikana."

13

¹ Kuli eecho chiindi, bamwi bantu aawo bakamwaambila aatala abana Galilii aabo balaabulowa Payilate mbwakavwaangania azipayizyo zyabo.² Jesu waskasandula wati kulimbabo, "Muyeeya kuti bana Galilii aaba mbibakali basizibi loko kwiinda kwiinda bamwi bana Galili na nkaambo kakupenzegwa kwabo ooku? Peepe, ndamwaambila.³ Pesi kuti temwasanduka moonse muyofwidilila munzila njiyeeyo.⁴ Nakuti aabo bantu balikumi lilamusantu abatatu baku Silowamu aabo bakawidwa bulambo bulamfu bwababajaya, myueeya kuti bakali basizibi loko kwiinda bamwi baalumi mu Jelusalema?⁵ Peepe. Ndamwaambila. Pesi kuti temwasanduka, moonse myuoonyonyooka."⁶ Jesu wakaluula chikozyanisy eechi, "Umwu muntu wakaganka mukuyu muchilili chakwe chamasansa mpawo wakaboola kuzoolanga muchelo alinguwo pesi taakwe takawujana pe.⁷ Mwaalumi wakati kuli sichili, 'Langa, ndakasika minyaka iitatu nkelanga muchelo kumukuyu ooyu peesi taakwe nindakawujana pe. Ugonke. Nkaambo nzi kuuleka kunyonyoona nyika'⁸ Sichili wakasandula wati, 'Uleke uuno munyaka ndiwyuside mumbali ndiwubike mbolezi.⁹ Kuti wazozyala muchelo mumnyaka ububola sambubo, pesi kuti kuutazyede lubo, uzowugonka!"¹⁰ Lino Jesu wakalikuyiisa kulichimwi chikombelo mubuzuba bwa Sabata.¹¹ Amubone, kwali mwanakazi wakali amuuya mubi wakubula nguzu kwamyaaka kkumi lilamusantu ayitatu alimwi wakali vundeme nkaambo taakali ukonkiza pe kwiimikila kabotu.¹² Aawo Jesu naakamubona, wakamwiita wati, "Yoomwanakazi, waponesegwa kuchilwazi chako chakubula nguzu."¹³ Wakabikkia maanza aakwe aalinguwu mpawaawo wakavundamuka akwiima kabotu mpawo wakalumbayi Leza.¹⁴ Pesi mweendelezyi wachikombelo wakanyema nkaambo Jesu wakamuponia mubuzuba bwa Sabata. Mpawo mweendelezi wakasandula akwaambila nkau yabantu kuti, "Kuli mazuba musantu alimwi ayelede kubeleka mulingawo. Amusike musikwe mumazuba aayo pepe mubuzuba bwa Sabata."¹⁵ Mwami wakamusandula wati, "Nubawupupi! Tawo na uunga waangununa donki na ng'ombe yakwe kuzwa mubbondo akwiitola kuyonywa maanzi mubuzuba bwa Sabata?¹⁶ Ooyu alakwe mwana wa Abbulahamu, ooyu Satani ngwaakangide kwaminyaka ililikumi lilamusantu ayitatu, tayelede na kuti bwaange bwakwe bwaangununwe mubuzuba bwa Sabata¹⁷ Naakali kwaamba zintu eezi, boonse aabo bakali kukazyania aawe bakawusa, pesi nkamu yabantu yakabotela aatala azyoonse zibotu nzyakachita¹⁸ Mpawo Jesu wakati, "Bwami bwa Leza buli biyeni, alubo ndikonzya lkubukozyanisa anyamaanzi?¹⁹ Bulimbuli nseke yamusitadi eeyo muntu njaakabweza wakwiiminza muchilili chakwe, yakakomena yaba musamu mupati, mpawo tuyuni twayaka zizubo zyato amitabi yavo."²⁰ Alubo wakati, "Niini nichindikonzya kukozyanisa bwami bwa Leza?²¹ Bukozenyie aabusweezyo bwakabwesegwa amwanakazi wabuvwelengania mumyeelwe iitatu yabusu, mpawo bwafuta boonse."²² Mpawo Jesu waswayila madolopo amyuuunzi akuyabubaiisya we kayabutozya ku Jelusalema.²³ Umwi wakati kulinguwu, "Mwami, mbache biyo na beeleder kuyofutulwa?" Wakati kulimbabo,²⁴ "Muzumanane kuyoonyila mukalyango kamanikide, nkaambo ndamwaambila nywebo, biingi bayoyezya kunjila pesi tabakoyokonzya pe.²⁵ Naakubuka akujala mulyango mwani ng'anda, aawo moyoyimikila aanze kamukonkomona mulyango kamuti, 'Mwami, Mwami, tujulile tunjile.' Uyoomusandula akatedi kulondinywe, 'Nsimwizi pe nakuti mwazwida kuli.'²⁶ Mpawo moyosandula kamuti, 'Twakalya akunywa kunembo lyako, mpawo wakaiisya mumigwagwa yesu.'²⁷ Pesi we uyoosandula kat, 'Ndati kulindinywe, nsimwizi pe nkumuzwa. Amuzwe kulindime nywebo nobasizibi!'²⁸ Kuyooba kulila akuluma ntwin

aawo nimuyoobona Abbulahamu, Ayizeki, Jakobo abamwi boonse basinsimi mubwami bwa Leza, pesi nywe - moyosowelwa aanze.²⁹ Bayoozwa kumbo, kujwe, kumusanza akunyika bazokkale atafula mubwami bwa Leza.³⁰ Mpawo amuchizibe eechi, bakumamanino mbibayoba bakusanguna, mpawo bakusanguna bayooba bakumamanino."³¹ Musule buniiini achiindi eecho, bamwi ba Falisi bakasika bati kulinguwe, "Chija uzwe omuno uyende nkaambo Heloda uyanda kukujaya."³² Jesu wakati, "Amukamwaambili ooyo mwaalumi kuti, 'Langa, ndiyabugwisya myuuuya mibi akusilika bachiswa sunu ajuunza mpawo zoona ndinooli ndasisya makanzan aangu.'³³ Amulili nzila, kulelededekuti ndiinkile kumembo sunu, juunza, azoona nkaambo tazitambuliki pe kujaya munsimi katamo mu Jelusalema.³⁴ Jelusalema, Jelusama, webo nojaya basinsimi akutulula aabo bakakutuma. Ndiyandisa loko kubungania bana bako mbuli nseke mbiifukatila bana bayo munsi lyamababa aayo, pesi webo tewakaziyanda pe eezi.³⁵ Langa, ng'anda yako yasiigwa. Ndati kulinduwe, tokoyondibona pe mane ukatedi, "Ulaachowlwe ooyo uuza muzina lya Mwami."

14

¹ Zyakachitika bumwi buzuba bwa Sabata aawo nakanjila mung'anda yawumwi mu Falisi kuti alye chinkwa, alimwi bakamulangisisya. ² Amulange, kunembo lyakwe kwakali mwaalumi wakalikuchiswa bulwazi bwaku zimba. ³ Jesu wakabuzya kulibasi busongo bamulawu waba Juda wakati, "Chilimumu lawu na kuponia mubuzuba bwa Sabata, nape?" ⁴ Pesi bakawumuna. Aboobo Jesu wakamujata, wamuponia, mpawo wamuti ayende. Wakati kulimbabo,⁵ "Ngwani aakati kenu ulaamwana mulombe na ng'ombe iinga kuti iyawida mudindi mubuzuba bwa Sabata takofwaambana kuyoyig-wisya?"⁶ Bakakachilwa kumusandula kulizeezi zintu. ⁷ Jesu naakabona kuti nzila aabo bakatambidwe njibakali kusala aayo zyuuno zyabulemu, wakaambula chikozyanisy, wakati kulimbabo,⁸ "Na kotambidwe kupobwe lyalukwatan, utalikaziki kuchuuno chabulemu nkaambo kulakonzeka umwi mulemu kwiindwa nduwe ultambidwe.⁹ Naayosika ooyo wamutamba mobile ulati, 'Nyampuka upe ooyu chuuno chako,' mpawo mubweeme uyoonyampuka ukakkale achuuno chitakwe bulemu.¹⁰ Pesi nakuti watambwa, yinka ukakkale muchuuno chilaansi mubusena bulaansi, kuchitila kuti nasika sikututamba akwaambile kuti, 'Mwendzuma yinka kujulu.' Aboobo ulapegwa bulemu mumenso aboonse mbokkede aabo aatafula.¹¹ Nkaammbo woonse uulisumpula uyoofwiinsiga, ayooyo ulifiwiinsya uyoomsumpulwa."¹² Alimwi Jesou wakati kuli ooyo wakamutabide, "Na wapa chisusulo na chilalilo, utatambi beenzinyokwe, nabananakwanu, na basimayakilane bako bavubide, nkaambo ayebo bazokutamba lubo mpayo uyoojana kubbadalwa.¹³ Pesi kuti wachita pobwe, tamba batchete, batyokede, balemene aboofu,¹⁴ mpawo uyoongezegwa, nkaambo tabakonzyi kukubbadala pe. Uyoobbadalwa kububuke bwabalule."¹⁵ Aawo umwi wabaabo bakakkede anguwe aatafula naakamvwa zintu eezi, wakamwaambila kuti, "Ulilongezegwe ooyo uutakalye chinkwa mu bwami bwa Leza!"¹⁶ Pesi Jesu wakati kulinguwe, "Umwi mwaalumi wakabaambiila chilalilo mpawo wakatamba biangi.¹⁷ Kuchiindi chachilalilo wakatuma mubelesi kuti akatedi kuli bakatambidwe, 'Amusike nkaambo zyoonse zyaba kabotu.'¹⁸ Alimwi boonse bakatalika bukozyenie kubikka zikumbizyo. Mutaanzi wakati, 'Nawula muunda, aboobo ndeedele kuyowubona, nche nsilibambilide pe.'¹⁹ Umbi wakati 'Ndakawula zipani zyabasune zilimusunu, aboobo ndiya kukubasa, nche nsilibambilide pe.'²⁰ Uumbi alakwe wakati, 'Ndakakwata mwanakazi, ndaabwiinga aboobo nsikonzyi pe kusika.'²¹ Mubelesi wakaboola akwaambila simalelo wakwe eezi zintu. Mpawo simalelo wang'anda wakanyema akwaambila mubelesi wakwe kuti, 'Yinka chakufwambaana aanze mumigwaga amutuzila twamu dolopo, ukeete bafwaba, batyokede, boofu abalemene.'²² Mubelesi wakati 'Simalelo, nzuwalayilide zyachitwa, pesi mpubuchili busena.'²³ Simalelo wakati kumubelesi, 'Koya mumazila mapati amumubaya ukabakomeleye kuti basike, amwi ng'anda yangu yalikunoozula.'²⁴ Nkaambo ndati kulinduwe, tawo naba omwe wabaaba baalumi mbindatambide uyoolabila chakulya changu."²⁵ Lino makamu aabantu akayinka aawe, lino wakabachebuka wati kulimbabo,²⁶ "Na mutu waza kulindime, katasuli wisi, banyina, banakwe, bana bakwe banabakwabo abachizi bakwe, - iyii, abuumwi bwakwe - takonzyi pe kuba sikwiyya wangu.²⁷ Kufumbwa uutabwezi chiingano chakwe takonzyi pe kuba soikwiyya wangu.²⁸ Nkambo awumwi wenu ooyo uyeeya kuyaka bulambo, taakwe nanga wakkala aansi kuti abale nanka ulaazyo zyoonse ziyandikana kuti ayake?²⁹ Pesi na wasya ntalisyo yakwe mpawo wazokachilwa kumaninsya, woonse unoolanga unomuseka,³⁰ kati, 'Ooyu mwaalumi wakasanguna kuyaka pesi wakakachilwa kumaninsya.'³¹ Nakuti ngwani mwami, uunga nayanda kuyowlana awumbi mwami, takookkala aansi ayandule

mizeeo yakumugwasya kuti ulakonzya kumulwana kali aabasikulwana zyuulu zilikumi oyo ngwalwana aawe kali aabasikulwana zyuulu makumi aabili? ³² Akuti nape, na imwi nkamu yabasinkondonyina kiichili kule, tatumi na sing'enda kuti akatule amjwi aluumuno. ³³ Aboobo wonse utatakati zyoonse nzyali aazyo takonzyi pe kuba sikwiya wangu. ³⁴ Mwinyo muboto, pesi kuti mwinyo wamana kulweela nga ulabweedezezwa biyeni kuti ulweele lubo? ³⁵ Tuuchikwe nchuuchibeleka naa akumuse naa manyowa. Ulasowegwa. Ooyo uulamatwi akumvwa, ngamvwe."

15

¹ Loino boonse basimutelo abamwi basizibi bakalikuza kuzoswiilizya Jesu. ² Bloonse baFalisi abalembi bakatongooka chabo chabo, kabaamba kuti, "Ooyu mwaalumi ulatambula basizibi, alimwi ulalya ambabo." ³ Jesu wakabaambil chikozyanisy oechi, wakati, ⁴ "Ngwani aakati kenu uunga ulaba aambelele zilimwaanda mpawo yomwe yasweekwa, aleke kusiya zili makumi musanu amakumi one alamusano azine mulusaka, akuya kukuyanduula yomwe mane akayibone? ⁵ Mpawo nayijana uyooyipika aamakuko akubotelwa ⁶ Naaboola kumuunzi wiita benzinyina ambayakilene aabo, akubaambil kuti, 'Amubotelwe antoomwe andime, nkaambo ndayibona mbelele yangu yakasweekede.' ⁷ Ndiliikumwaambil kuti nikuba booboo, kuyooba lukondo kujulu aatala asizibi omwe wasanduka, kwiinda aabo balimakumi miusanu amakumi one alamusano abane basandukide kale. ⁸ Nakuti ngwani wachikayintu ulangodo zya siliva zilikumi, kuti kwasweea yomwe, uunga ualeka kumunika, kuiila ng'anda akuyanduula loko mane akiijane? ⁹ Nayijana ulayit beenzinyina ambayakilene aabo kaamba kuti, 'Amuboole tubotelwe nkaambo ndayibona nsiliva yandisweekede.' ¹⁰ Nikuba booboo ndikumwaambil kuti kuli kukondwa kunembo lyabangelo ba Leza aatala asizibi omwe usanduka." ¹¹ Mpawo Jesu wakati, "Kwakali mwaalumi wakali aabana balombe babilii, ¹² aawo mwana muniini wakati kuli wisi, "Ndeende, ndipe buvubi mumweelwe uulangene aandime." Mpawo wakaaba buvubi aakati kabo. ¹³ Kakutanayiknda mazuba miingi, mwana muniini wakabungania buvubi bwakwe wiinka aabo kunyika iiokule ooko wakakunyonyoona buvubi bwakwe mukupana bunjaka. ¹⁴ Lino nakamaninsya zyoonse kwakaba nzala mpati munyika yoonse, mpawo wakatalika kubula. ¹⁵ Wakayinka kuyolipeda kubelekela umwi wabantu bamuchisi eecho, wakakumutuma kusanina ngulube momuunda wakwe. ¹⁶ Wakalikunoonga wajana kukondwa naalya tukuli twakali kuligwa ngulube nkaambo taakwe wakalikumupa chakulya. ¹⁷ Mpawo aawo mwana muniini ooyu nakaboola kumizeeo yakwe, wakati, 'Mbangane babelesi ba ndeende balikulya chakulya chizulila, mpawo me ndaano ndikufwa aanzala! ¹⁸ Ndilanyampuka aano ndiye kuli ndeende ndikatedi, 'Ndeende ndakabisizy julu anduwe. ¹⁹ Nsichikwe bulemu bwakwiitwa kuti mndimwana wako; ndichite kuti ndibe uumwi wanbabelesi bako.' ²⁰ Mpawo mwana miniini ooyu wakazwa kunyika nkwaakabede waboola kuli wisi. Aawo naakachili kulele kule alimwi wisi wakamubona wabotelwa, walkachijaana, wakumumbungatila akumumyonta. ²¹ Mwana wakati kuli nguwe, 'Ndeende, ndakabisizy julu anduwe, nsichikwe bulemu bwakwiitwa kuti ndili mwana wako.' ²² Wisi wakati kubabelesi bakwe, 'Mufwambaamne mwee te jansi bbotu kwiindilila, mumusasike, alimwi mubikke nweenwe kukuboko kwakwe, ansango kumawulu aakwe. ²³ Mpawo mweete mwana wan'gombe uneneede mumujaye. Atupbole tubotelwe! ²⁴ Nkaambo mwana wangu wakalisweekede, lino waboneka.' Mpawo bakatalika kubotelwa ²⁵ Lino mwana wakwe mupati wakachili kumuunda. Aawo naakaboola akusika awfiifwi amuunzi, wakamvwa miimbo akuzyana. ²⁶ Wakayita umwi mubelesi wabuzya kuti zyaambanzi eesi. ²⁷ Mubelesi wakamwaambil kuti, 'Mwanike wako waboola kumuunzi alimwi wuso wajaya mwana wang'ombe uuneneede nkaambo waboola kali muumi.' ²⁸ Mwana mupati wakanyema alimwi taakanjila pe mukati, wisi wakazwa aenze, kuzo mukombelezya. ²⁹ Pesi mwana mupati wakasandula wisi wati, "Langa, eeyi minyaka myiingi yoonse ndakubelekela chabuzike, alimwi taakwe nindakatyola nuuba omwe mulawu wako, pesi taakwe nwakandipa mwana wampongo kuti ndibotelwe abeenzuma. ³⁰ Pesi mbaboola, ooyu wakakulya lubono lwako abasi bwaamu, wamujila mwana wangombe uneneede.' ³¹ Wisi wakamusandula kuti, "Mwanaang ukkede koli aandime chiindi choonse, alimwi choonse changu nhichako. ³² Pesi chali chibotu kuti tubotelwe nkaambo mwanike wako ooyu wakalifwide; lino wapona; wakali sweekede alimwi waboneka."

16

¹ Alubo Jesu wakati kuli basikwiya bakwe, "Kwalkali mwaalumi wakali muvubi, alimwi wakali aasilutwe wakwe, alimwi wakaambilwa kuti silutwe uli tatuula

Iwakwe. ² Aboobo muvubi wakamwiita silutwe wakwe wati kulinguwe, 'Niinzi eezi nzindiikumvwa aatala anduwe? Pa bupanduluzi aatala abusilutwe bwako, nkaambo tocheelede pe kuba silutwe wangu.' ³ Pesi silutwe wakati mukaango kakwe, 'Ndichite biyeni, mbukunga simalelo wangu uyangda kunditolela buslutwe bwa mulimu wangu? Nsilwe manguzu pe aakusya alubo kulandipa nsoni kuyabukumbila.' ⁴ Ndaziba kuti ndichite biyeni, kuchitila kuti ndatandawa kuba siltwe bantu banditambule mamaanda aabo.' ⁵ Mpawo silutwe wakiita bantu boonse bakali aazizkwelete zyasmalelo wakwe, wakabuuya kuli wakusanguna wati, 'Ukweleteme nzi kuli simalelo wangu?' ⁶ Wakati, 'Mwaanda wansazi zyamafuta aa oliva.' Mpawo wakati kulinguwe, 'Bwaza lugwalo Iwako chakfwaambaana ulembe kuti makumi osanwe.' ⁷ Mpawo silutwe wakati kuli umbi, 'Niinzi nchokweleteme?' Wakati, 'Mwaanda wazyeelelelo zyamayila.' Wakati, 'Bweza lugwalo Iwako, ulembe kuti makumi musanu amakumi otatwe.' ⁸ Simalelo wakabotelwa asilutwe ooyu nkaambo wakachita anzila iitaluleme. Nkaambo bana banya iino tabaluleme pe mukubeleka abananyina kwiinda mbubali bana ba mumuni. ⁹ Ndati kulindinyo, amulipangile bazolwanii amali iitaluleme, kuchitila kuti niyoomana, bakamatambule mubuumi butamani. ¹⁰ Ooyo uusyomekede muziniini ulizyomekede amuzipati, ayooyo uutasyomekede muziniini tasyomekede pe muzipati. ¹¹ Na tewasyomekede mukubelesya mali yabubi, ngwani uutakusyome abuvubi banchoonzyo? ¹² Alimwi na tewasyomekede mukubelesya mali yabamwi, ngwani uutakupe yako mali? ¹³ Taakwe mulanda uunga ulabelekela basimalelo babili, nkaambo ulakonzya kuyanda umwi atayandi umwi, na kulipeda kuli umwi alangile aansi umwi. Tokonzyi pe kuyanda Leza abuvubi." ¹⁴ Lino ba Falisi bakalikuyandisa mali nibakamvwa eezzi zintu bakamunyanyansa. ¹⁵ Mpawo wakati kulimbabo, "Mulalilulamika kunembo lyabantu, pesi Leza uliizi myoyo yenu. Eecho chisumpulwa loko aakati kabantu tachikbotezyi pe kunembo lya Leza. ¹⁶ Mulawu abasinsimi bakabeleka kuyoosika muchiindi chakusika kwa Joni. Kuzwa aawo, jwi lya bwami bwa Leza lilikukambawukwa, mpawo woonee muntu ulikweezya kunjila. ¹⁷ Pesi nchuuba kuti julu anyika zyiinde kwiinda kuti kamwi kabala kamulawu kakachale kakatakwre nguzu. ¹⁸ Umwi awumwi uuleka mwankazi wakwe akukwata umbi wachita mamambe, ayooyo ukwata mwankazi wakalekwa wachita mamambe. ¹⁹ Lino kwakali umwi mwaalumi muvubi wakali kukkala kazweete zizwaato zyamubala wantumbula zibotu alimwi wakalikubotelwa lubbe abuvubi bwakwe bupati. ²⁰ Umwi sikukumbila wakalikutegwa Lazalo wakali kubikwa kumulyango wakwe, wakazwide zilonda, ²¹ wakalikukumbila biyo chakulya eecho chakali kuloka aatafula yamuubvi - kunze kwazeezyo bankala bakalikusika kuzomyanguta zilonda zyakwe. ²² Chakachitika kuti sikukumbila wakafwa mpawo wakabewza abangelo wakukkazikwa kubbazu lya Abbulahamu. Muvubi wakafwa alakwe mpawo wakavwikkwa, ²³ mpawo kali mu Hadesi kali koomba, wakanyampula meno aakwe walanga kujulu wakabona Abbulahamu kali kule a Lazalo kali akaango kakwe. ²⁴ Mpawo wakawiiila wati, 'Taata Abbulahamu, ndifwide nsoni utume Lazalo, kuti akanike gala lyakanwe kakwe mumaanzi azootontozye lulimi Iwangu, nkaambo ndapengaana mumulilo ooyu.' ²⁵ Pesi Abbulahamu wakati, 'Mwanangu, yeeya kuti muchiindi chakupona kwako wakatambula zintu zyako zibotu, alakwe Lazalo zibi. Pesi lino pwajana kulyookezya ookuno iwe wanjila mumapenzi.' ²⁶ Alimwi kunze kwazeezyo, kulimugaano mupati ububidwe aawa, chakuti ooyo uuyanda kutaaluka kazwa ookuno kaza ooko takookonzya pe, ayooyo uuyanda kutaluka kazwa ooko kaza ookuno takookonzya pe.' ²⁷ Mwaalumi muvubi wakati, 'Ndakukumbila, Taata Abbulahamu, kuti umutume kung'anda yandeende - ²⁸ nkaambo ndili aabana bakwesu balimusatu - kuti akabaambile, nkaambo ndiyoowa kuti abalabo bazooza okuno kubusena bwakupengaana.' ²⁹ Pesi Abbulahamu wakati, 'Bali a Mozesi abasinsimi; ababasiilile.' ³⁰ Wakasandula mwaalumi muvubi wati, 'Pe, Taata Abbulahamu, pesi kuti kwayinka muntu wabka kubafu bayoosyoma, bayosanduka.' ³¹ Pesi Abbulahamu wakati, 'Na kabatamuswiilili Mozesi abasinsimi, taakwe nibanga balamuswiilila ayooyo unooli wabuka kubafu."

17

¹ Jesu wakati kulibasikwiiya bakwe, "Ninchobeni kuti kuloba zilebyo, pesi maawe kuliyyo muzitakiinde mulinguwe! ² Kyoba mbubo kuti ziyo likaangwe munsingi yakwe alimwi akawaalwe mulwizi, kwiiknda kuti akeetelezya aaba banini kuti bakachite zibi. ³ Amulilange nyweebo nobeni. Kutti mweenzinyokwe wabisya, amumukalalile, na wasanduka amumulekelele. ⁴ Na wakubisiza tulii musanu atubili abuzuba mpawo kalikuboola kulinduwe tulimusatu atubili, kaamba kuti, 'Ndasan-duka,' weelete kumulekelela." ⁵ Batumwa bakati ku Mwami, "Koyungizya lusyomo

lwesu.”⁶ Mwami wakati, “Kansinga mwali aalusyomo luniini mbuli nseke yamusitada, mwalikunoti kulooyu musamu wamulubbeni, ‘Konyukuka alimwi ukabyalwe mulwizi,’ wali kunoomuswiilizya.”⁷ Pesi ngwani wenu uulamulanda uulima na uyembela mbelele, uwamba kuti kulinguwe elyo kanoli wasika kuzwa kumuunda, ‘Sika lino ukkale aansi ulye?’⁸ Takoowamba na kuti, ‘Ndibambilila chakulya ndily, uwange lukumba kuziwaato zyako mpawo undikutawukile mane ndimane kulya akunya. Ndamaninsya notazoleye akunywa webo?’⁹ Tamulumbi pe mulanda nkaambo wamuchitila nzyamatuma, ulamulumba na?¹⁰ Akulindinywe mbukubede, na mwachita zyoonse nzimwatumwa, mweelede kuti “Tuli balanda bateelete pe, twachita biyo nzitweelede kuchita.”¹¹ Kwakasika kuti kachiyobweenda kaya ku Jelusalema, wakalikuyabwiinda mumugaano wa Samaliya a Galili.¹² Naakanjila mulilimwi gunzi, ooko wakatambulwa abamwi baalumi balikumi bakali aachipele. Bakimina kule angue¹³ mpawo bakasumpula majwi aabo, bakati, Jesu, Mwami ba aluse kulindiswe.”¹⁴ Naakababona, wakati kulimbabo, “Amwiinke mukalitondeezye kubapayizi.” Mpawo chakachitika kuti nibakali kuyabwiinka bakasalazigwa.¹⁵ Umwi wabo naakabona kuti wakali waponesegwa, wakabweeda musule, ajwi pati kayabulumbayizya Leza.¹⁶ Wakafugama kumawulu aa Jesu akumupa kulumba. wakali mu Samaliya¹⁷ Jesu naakasandula, wakati, “teensi balikumi na basalazigwa? Balikuli bamwi musanu abane?”¹⁸ Tekwalikwe na bamwi beeleder kuboola kuzopa bulemu kuli Leza kwiinda ooyu muzwamasi?”¹⁹ Wwakati kulinguwe, “Nyampuka weende. Lusyomo lwako lwakuponia.”²⁰ Naakabuzigwa aba Falisi kuti bwami bwa Leza buyosika lili, Jesu wakabasandula watgi, “Bwami bwa Leza tabusiki aakubulangisisya.”²¹ Nakuti nimuyoomvwa kakutgwa, ‘Amulange mbobul!, na ‘Amulange mbobuya!, nkaambo amulange bwami bwa Leza buli mulindinywe.”²² Wakati kuli basikwiya bakwe, “Ayoosika mazuba ngimuykoolumbozya kubona buzuba bomwe bwaMwana wa Muntu pesi tamukoyoo bubona pe.”²³ Mpawo bayoti kulindinywe, ‘Amulange, aano! Amulange, okuya!’ Pesi tamukazwi pe pukuyobatobel,²⁴ mbuli kalabi mbukamweka chakumunika kuzwa kulinimi bbazu lya julu kakaboneka kulinimi bbazu, mbatakabe alakwe Mwana wa Muntu mubuzuba bwakwe.²⁵ Pesi weeleder kusyonsegwa kuzintu zyhiingi akukakwa aleeli zyalane.²⁶ Mbuli muzyakachitika kumazuba aa Noah, zyioochitika mumazuba aa Mwana wa Muntu.²⁷ Bakali kulya, bakali kunywa, bakali kukwata, bakali kukwatwa, kuyoosika buunsi Noah mbwakanjila mubwaato - mpawo zaambangulwe lyakasika akubanyonyoona boonse.²⁸ Ambubo mbuli mbuzyakachitika kumazuba aa Lot, bakali kulya, bakalikunywa, bakali kuula, bakali kuuzya, bakalikubyalu akuyaka.²⁹ Pesi mubuzuba Lot mbwaakazwa mu Sodomu, kwakawa mulilo wa salufa kuzwa kujulu wabanyonyoona boonse.³⁰ Munzila njijeeyo mbukutakabe mubuzuba bwa Mwana wa Muntu nataka yubununwe.³¹ Mubuzuba ooob tamukaleki ooyo uli aakaluli kang’anda kuti akaselele akeezye kugwisizya aanze zintu zyakwe zili mung’anda. Alubo tamukamuleki ulikumunda akabole.³² Amuyeye mukayintu wa Lot.³³ Ooyo weezya kutabilila buumi bwakwe bulamuswekela pesi ooyo usweekelwa buumi bwakwe ulabubamba.³⁴ Ndamwambila, muli ooob buzuba kunooli bantu babili aabulo, umwi uyoobwezwa, mpawo umwi uyoochaala.³⁵ Kunooli banakazi babili balikutwa antoomwe. Umwi uyoobwezwa, umwi uyoochaala. - Muli Luka 17: 36, Malembe mabotu aachiindi taakwe munchali 36 pe.³⁶ Kuyooba babili muumuunda, umwi uyoobwezwa umwi uyoochaala. Bakamubuzya bati, “Ikuli, Mwami?” Mpawo wakati kulimbabo, “Aawo aanoli chidumbu, aawo makubi ayoobungana antoomwe.”³⁷ Bakamubuzya kuti, “Nkokuli Mwami?” Wakati kuli mbabo, “Oko kuli mutunta, nkonuko kuyobungana makubi antomwe.”

18

¹ Lino nakabambilila chikozyano chitondezya mbubelede kunokomba akuti batatyoki myoyo, ² wati, “Muli limwi dopolo kwakali mubetesi utakwe wakalikuyowa Leza nikuba kulemeku bantu. ³ Lino kwakali mukamufu mudolopo eli, wakaliswini kaza kulinguwe, kat, ‘Mundigwasizye makani angu asimulandum’. ⁴ Lino wakaba achindi chilamfu katalikuyanda kumugasizya, pesi nikwakaba kayindi, wakalyambuuzya alikke wati, ‘Nikuba ngundilemeku’, ⁵ pesi mukamufu oyu wandikatazya, ndilamugwasizya kuti ajane Iwanguku kumakanii akwe, kwiitila kuti atandisusubiki, kanoswini kandichindila”. ⁶ Mpawo Mwami wakati, ‘Muswilizye mbaamba mubetesi oyu siluuni’. ⁷ Lino muyeeye kuti, Leza takonzi na kubeteka chabululami kubsale bakwe, ibamulilila sikati amansiku? Ulachedwa na kubkutukila? ⁸ “Ndamwambila kuti, uyoofwambana loko kulingula makani abo. Nikuba obo, nazobweda Mwana mulombe wa Muntu uzojana kakuchili lusyomo na munyika?”⁹ Elyo wakamba mukozyano oyu utobela kuli

bamwi bakali kulisyom beni kuti baliluleme, abo bakali kunyansya bamwi,¹⁰ “Baluumi bibili bakaya mun’anda yaLeza kuyookomba- umwi wakali muFalisi oyu umwi kali Simutelo.¹¹ MuFalisi wakayimikila wakomba kaamba zintu ezi atala lyabuumi bwakwe wati, ‘Leza, ndilakulumba nkambo kakuti tandili mbuli bamwi pe babbi, bantu bataluleme pe, basibwamu, na bali mbuli Simutelo oyu.¹² Ndilalyimya tubili amviki. Ndilapa chipanzi chakkumi chazintu zyoonse nzindijana’.¹³ Pesi Simutelo, kayimvvi kulekule, tewakonzya pe nikuba kusompya meso akwe kujulu, pesi wakawuma akaango kakwe wati, ‘Leza, ndifwide luzyalo, me ndisizibi’.¹⁴ Ndamwambila kuti oyu mwalumi wakajoka kun’anda yakwe kali walulamikwa kwiinda olya mweenzinyina, nkambo kufumbwa mutnu ulisumpula uzofwinsigwa, pesi woonse mutnu ulijosya ansi uzosumpulwa”.¹⁵ Bantu bakeeta bana banini kulinguwe kuti abaampe, pesi basikwiya nibakababona bakabaambwiida.¹⁶ Pesi Jesu wakabayita kulinguwe wati, “Muzumizye bana banini baze kuindime, alubo mutabakasyim pe. Nkambo bwami bwakujulu mbubwabo.¹⁷ Kasimpe ndamwambila, utakonzyi kutambula bwami bwaLeza mbuli mwana munini takwe kuyobunjila”.¹⁸ Umwi mwendelezi wakamubuzya wati, “Muyisi mubotu, ngandilachita biyeni kuti ndikajane buumi butamani?”¹⁹ Jesu wakati kulinguwe, “Nkamboonzinundaamba kuti ndilimubotu? Takwe mutnu mubotu pe, kunze kwaLeza alikke.²⁰ Ulizi milawu yaamba kuti utachiti bwaamu, utajeyi, utabbi, utaambi manwa, lemeka uso abanyoko”.²¹ Mweenedelezi wakati, “Yoonse eyi ndakayilondola kuzwa kandichili mulombe”.²² Lino Jesu nakamvwya obo, wakati kulinguwe, “Kuli chinti chimwi nhuchublide. Weedele kuzya zintu zyoonse nzulaazyo mpawo wabila bachete, elyo uyooba achiybwedo chalubono kujulu mpawo uze unditobele”.²³ Lino mweenedelezi oyu nakamvwya makani aya, wakawusa, nkambo wakali alubono lwiingi.²⁴ Elyo Jesu nakabona kuti wawusa loko wakati, “Nchiyumu loko kuli abo bajisi lubono lwiingi kunjila mubwami bwakujulu!²⁵ Nkambo chilakonzeka kuti nkamela yiinde mumpuli yansunda kwiinda kuti mutnu muvubi anjile mubwami bwaLeza”.²⁶ Abo ibakamvwya makani aya bakati, “No mwati sa mpali unga uyofutulwa?”²⁷ Jesu wakamwambila wati, “Zintu ziyumu kubantu nzyuuba kuliLeza.”²⁸ Pita wakati, “Langa twakasiya zintu zyesu zyoonse mpawo twatobela nduwe”.²⁹ Jesu wakati kulimbabo, “Ndamwambila kasimpe kuti takwe mutnu naba umwi wakasiya n’anda yakwe, naba banakazi bakwe, na banike bakwe, na bazyali, na bana nkambo kabwami bwaLeza,³⁰ utakwe kuzojana zyindilide kuchiindi echino, amuchindi chibola, buumi butamani.”³¹ Nakamaninsya kubunganizya bali kkumi ababili kulinguw, wakati kulimbabo, “Mulange tuyu kujelusalema, lino zyoonse zintu zyakalemwba abasinsimi atala a Mwana mulombe wa Muntu ziya kuyozuzikizigwa”.³² Nkambo uyopenzegwa mumaboko Basami, mpawo bayomuwela, uyojatwa chamasampu, mpawo bakamuswide mate.³³ Nibayomaninsya kumooma, bayomujeya, mpawo mubuzuba bwatatu uyojuka lubo.”³⁴ Takwe rchibakamvwya pe kumakanai aya, alubo eli lyakabasita, mpawo takwe nibakamvwisisisa pe zintu ezi zyakali kwaambwa.³⁵ Kwakaba kuti Jesu kaali waamba kusika muJelikko, umwi moofu wakalikkede kumbali aanzila, ulakumbila,³⁶ mpawo nakamvwya tyanga lyabantu bayabweenda, wakabuzya kuti chakali kuchitika niinzi.³⁷ Bakamambilila kuti, “Ngu Jesu waNazaleta uyangewenda.³⁸ Mpawo mwalumi oyu moofu wakasompezya wati, “Jesu Mwana a Davida, ndifwide luzyalo”.³⁹ Bakali kweenda kumpela bakamwambwiida moofu oyu, bat, “Umuna”. Pesi wakasompezya loko, “Mwana wa Davida, ndifwide luzyalo”.⁴⁰ Jesu wakayimikila nji mpawo walayiliila kuti mwalumi oyu ayeetwe kuli nguwe. Lino mwalumi oyu moofu nakaba awfifwi, Jesu wakabuzya wati,⁴¹ “Uyanda kuti ndikuchitilenzi? Wakati, “Mwami ndiyanda kuti ndibone”.⁴² Jesu wakati kulinguwe, “Bona. Lusyomo lwako lwakuponesya”.⁴³ Mpawo awo wakabona, wamutobela, kalemya Leza. Bantu boonse nibakabona ezi bakalumbayizya Leza.

19

¹ Jesu wakanjila alimwi wakali kwiinda mu Jeliko. ² Amulamnge kwakali mwaa-lumi wakalikutege Zekias wakali simutelo alimwi kali muvubi mupati ³ Wakali kweezya kubona kuti Jesu ngwa, pesi taakakonzya kumubona pe munkamu yabantu, nkaambo wakali mfwifwi. ⁴ Nkinkaako wakachijaanina kunembo lyabantu waakutanta mumukuyu kuti amubone, nkaambo Jesu wakalikwiinda munzila eeyo ⁵ Lino Jesu naakasika aawo walangala mujulu mawo wati kulinguwe, “Zekiyasi, seluka chakufwambaana, nkaambo sunu ndiyoookkala mung’anda yako.” ⁶ Aboobo wakaseluka chakufwambaana akumutambula chakubotelwa. ⁷ Lino bantu boonse nibazibona eezi, bakanyontooka, kabaamba kuti, “Waya kuyooswaya mwaalumi ulazibi.” ⁸ Lino Zekiyasi wakayima wati ku Mwami, “Langa, Mwami, chisela chalubono

lwangu ndilachipa bachete kuti na ndakeeneena kufumbwa muntu, ndilamujosezya kazipetedwe tume kumuulo.”⁹ Jesu wakati, “Sunu lufutuko lwasika kung’anda eeno, nkaambo alakwe ooyu mwana wa Abbulahamu.”¹⁰ Nkaambo Mwana wa Muntu wakasika kuzooyandula akufutula bantu basweekede.”¹¹ Nibakachiswiilide eezi zintu, wakasngua kubaambilila chikozyanisy, nkaambo wakali afwiifwi a Jelusalemu, alimwi bakayeeya kuti bwami bwa Leza bwamba kuboneka mpawaawo.¹² Aboobo wakati, “Umw i mwaalamu musongo wakayinka kunyika ililikule kuyotambula bwami mpawo akuyoboola”¹³ Wakayita balanda bakwe bali kumi, mpawo wakabapa mali aalikumi akuti kulimbabo, ‘Amuchite mabbindawuko mane ndikaboole.’¹⁴ Pesi basichisinyina bakalimusulide alomwi bakamutumina bantu bakamutobel, bakati, ‘Tatuyandi pe kuti oyu waamlumi atutonge.’¹⁵ Zyakachitika naakaboola lubo, kali watambula bwaami, wakalayilila kuti bayitwe bableesi bakwe aabo mbakapede mali, kuti azibe kuti nimpindunzi njibakajana mukuchita kwabo makwebo.¹⁶ Wakusanguna wakasika kunembo lyakwe wati, ‘Mwami, mali yako yakazyala aambi mamali aalikumi.’¹⁷ Mwaalumi wabusongo wakati kulingue, ‘Wakachita kabotu, omubelesi muboto. Nkaambo wakasyomeka muzintu ziniini lino ndakupa manguzu aatla amadolopo aalikumi.’¹⁸ Wabili wakasika, wati, ‘Mali yako, mwami, yakapanga aambi mali alimusano.’¹⁹ Mwaalumi uulemekeka wakati kulingue, ‘Iwe tola madolopo alimusano.’²⁰ Umwi alakwe wakasika, wati, ‘Mwami, njeyi mali yako, ndakayibambide kabotu mumulembo,²¹ nkaambo ndakakuyoowa, nkaambo ulasisa, ulabwenza chuwatabikide akutebula mpuwatabyalide.’²² Mwaalumi uulemekeka wakati kulingue, ‘Amajwi aako ndilakubeteka, mubelesi mubi, wakalizi kuti ndilimluntu uusesa, ndilabwenza nchindatabikide, akutebula nchindatabyalide.’²³ Wakalumwayi nuwakatabikide mali yangu mubbanka, kuchitila kuti nindalikuyoooboola ndalikuzoyijana kiili yaba aampindu?’²⁴ Mwaalumi uulemekeka wakati kuli aabo bakayimvwi kumbali, ‘Amumunyanzye mali yomwe eeyo mupe ooyo uulamamali aalikumi.’²⁵ Bakati kulingwe, ‘Mwami, uulamamali aalikumi kale.’²⁶ ‘Ndati kulindinywe, woonse uulazyo, uyoopegwa zimbi, pesi ooyo uutakwe, achecho nchali aacho uyoonyanzigwa.’²⁷ Pesi aaba basinkondoma, aabo bakatalikuyanda kuti ndibatonge, amubeete aano mubajaye kunembo lyangu.’²⁸ Nakaamba zintu eezi, wakayinda kaya ku Jelusalemu.²⁹ Kwakachitika kuti naakasika afwiifwi abusena bwa Betipeji a Betani, kukalundu kakalikutegwa Oliveti, wakatuma basikwiyya bakwe bibili,³⁰ kat, “Amunjile mugunzi lilikunembo. Mwanjila biyo mulajana mwana wadonki uutana kutantwa. Mumwaangunune mumweete kulindime.³¹ Na kwaba utamubuzye kuti, ‘Nkaambo nzi nimumwaangununa?’ mukatedi, ‘Mwami ulamuyanda.’”³² Aabo bakatumwa bakamujana mwana wa donki mbuli mbakabalayilide Jesu.³³ Nibakali kumwaangununa mwana wa donki ooyo?”³⁴ Bakati, “Mwami ulamuyanda.”³⁵ Mpawo bakamweeta kuli Jesu, mpawo bakawaala majansi aabo aatala amwana wa donki mpawo bakakkazika Jesu aataka.³⁶ Naakalikuyabweenda bakalikuya buyala majansi aabo munzila.³⁷ Naakali waamba kusika abusena aawo Kalundu kama Oliva mpuka nkunka, mbunga yoonse yabasikwiyya yakasanguna kubotelwa akulumbayizya Leza ajwi pati nkaambo kamilimu mipati njibakali babona,³⁸ kabati, “Ulilongezezwegue mwami uuza muzina lya Mwami! Luumuno kujulu abulemu kumajulu!”³⁹ Bamwi ba Falisi bakali munkamu bakati kuli ngwe, “Muyiisyi bakkabule basikwiyya bako.”⁴⁰ Jesu wakasandula wati, “Kanskinga aaba baluumwine, mabwe alikunoompolola.”⁴¹ Jesu naakasika mudolopo, wakalila aatala andilyo,⁴² kat, “Kansinga wali waziba mubuzuba oobu, ayebo, zintu zikweetela luumuno! Pesi lino zilisisidwe kulinduwe.⁴³ Nkaambo mazuba ayoosika alinduwe, aawo basinkondonyokwe nibayoyaka kaanda akukuzyunguluka akukusyanikizya kuzwa kumabazu woonse.⁴⁴ Bayooku wisizya aansi abana bako. Taakwe nobayoosiya niliba bbwe aatala alimwi, nkaambo taakwe nuwakachibona Leza naakalikweezya kukufutula.”⁴⁵ Jesu wakanjila muchikombelo akutanda boonse nakali kuuzya,⁴⁶ wakati kulombabo, “Kulilebedwe kuti, ‘Ng’anda kyangu iyoba ng’anda yakukombela,’ pesi mwayisandula kba ng’anda yabasikubba.”⁴⁷ Aboobo Jesu wakalikuiisya abuzuba muchikombelo. Bapayizi bapati abalembi bamulawu abazululi babanti bakali kuyanda kumujaya,⁴⁸ pesi taakwe nibakajana nzila yakuzichita, nkaambo bantu boonse bakali kumuswiilila loko.

20

¹ Bumwi buzuba, Jesu naakali kuiiisa bantu mutempeli akoompolola majwi mabotu, bapayizi bapati abalembi bamulawu bakasika kulingue abapati. ² Bakaambula kabati, kabati kulingue, “Twaambile kuti mumanguzu aani mochita eezi zintu? Nakuti ngwani ukupa nguzu zyakuchita eezi zintu?” ³ Wakabasandula wati, “Ambebo

ndilamubuzya mubuzyo. Amundaambile aatala⁴ alubbabbatizyko lwa Joni. Lwakali kuzwa kujulu na kumuntu?"⁵ Bakaambula aakati kabo, kabati, "Twati, 'Kuzwa kujulu', ulati, 'Naambo nzi nimwakatamusyoma?'"⁶ Pesi twati, 'Luzwa kumuntu,' bantu balatutulula mabwe nkaambo bazi kuti Joni wakali musinsimi."⁷ Aboobo bakasandula kuti tabazi pe kuti lwakali kuzwa kulinii.⁸ Jesu wakati kulimbabo, "Ambezo nsikomwaambila pe kuti ninguzu zyani nzyechita aazyo zintu eezi."⁹ Wakaambila bantu chikozyanisy eechi, "Umwi mwaalumi wakabyala chiilili chama sansa, mpawo wakawubikka mumaboko anaaboo balima masansa waya kulimbi nyika kwachiindi chilamfu."¹⁰ Muchiindi chakasalwa, wakatuma mubelesi wakwe kulibasimuunda. Pesi basimuunda mbakamuma akutanda katakwe chintu.¹¹ Wakatuma lubo umbi mubelesi mpawo bakamuma, akumunyansya akmutanda lubo katakwe chintu.¹² Wakatuma lubo uumbi watatu alimwi bakamuchisa, akumutandila aanze.¹³ Aboobo mwami wachilili wakati, 'Ndilachita biyeni? Ndilatuma mwandu wangu ngweyandisa amwi balikuyomulemeka.'¹⁴ Pesi nibakamubona, bakaambula aakato kabo, kabati, 'Ooyu ngosili lukono. Atumujaye kuchitila kuti lukono lube Iwesu.'¹⁵ Bakamusowela kunze kwalubaya, mpawo bamujaya. Niinzi lino nchabatachite mwani muunda?¹⁶ Ulasika azabajaye boonse balimi nbamasansa, mpawo ape muunda kuli bamwi." Nibakamvwa eezyo bakati, "Inche atazizumini pe Leza kuti zibe oobo!"¹⁷ Pesi Jesu wakabalanga, wati, "Aambaanzia malembe aaya? 'Bbwé ndibakaka bayaki, lyakazoba ndilyo lyakazooba bbwe lya chooko'?"¹⁸ Woonse uuwoda abbwe eelyo uyyotyoloowla muzimpanzi. Pesi ooyo ngujliyoowida, liyoomu pwaya¹⁹ Aboobo balembi bamulaw abapayizi batpatgi bayakanya kutigi bamujate muchiindi nchicheecho, nkaambo bakalizi kuti wakaambula chikozyanisy eechi kaamba mbabo. Pesi bakayoowa bantu.²⁰ Nibakamulangisisya obotu obotu, bakamutumina bantu bakali kulyeeneenia mbuli basalali, kuti bamuyandwiide mpatabisye kwaambuuula, kuchitila kuti bamupede kabotu kulibasimaluwu akumulawu wamweendezezi.²¹ Bakabuzya kulinguwe batii, "Muyisiyi, tulizi kuti wambuula akuyiisa choonyzo, alimwi toktobeleyzi mizeeo yabantu pe, pesi uyiisa choonyzo aatala anzila ya Lez."²² Chili mumulawu na kuti tubbadale mitelo kuli Siza nape?"²³ Pesi Jesu wakalumvwisisisya Iweeno Iwabo, mpawo wakati kulimbabo,²⁴ "Amunditomndeeye kobili. Mbusyu azina lyani lilemedwe mpawo?" Bakaambla kuti, 'Nzizya siza."²⁵ Wakati kulimbabo, "Akboobo amupe kuli Siza zintu zya Siza, akuli Leza zointu zya Leza."²⁶ Bakakachilwa nbulewusi muli nzyakaambla kunembo lyabuntu. Bakayimikila akugamba aatala anandulo yakwe alimwi taakwe chimbi nchibakaamba.²⁷ Lino ma Sadiusi nibakasika kulinguwe, aabo baamba kuti takukwe bubuke kubafu,²⁸ bakamubuzya batii, "Muyisiyi, Molzesi wakatulembela kuti na mukulana wamwaalumi wafwa, kali walikwete, pesi katakwe mwana, ooyo mwanike weelede kukwata bana mukulana azyalile mukulana mwana."²⁹ Kwakali bananyina bali kmusanu ababili, alimwi wakusanguna wakakwata, mpawo wakafwa katakwe mwana pe,³⁰ awabili lubo.³¹ Watatu wakanjila munda, aboobo boonse musanu ababili bakanjila mung'anda pesi boonse bakafwa taakwe wakasiya mwana pe.³² Musule wakazoofwa alakwe mwananakazi.³³ Lino kububuke, uyooba mwananakazi wanu? Nkaambo boonse kabali musanu ababili bakali mukwete."³⁴ Jesu wakati kulimbabo, "Bana balombe banyika iino balakwata alimwi balapegwaa mulukwatanoo.³⁵ Pesi aabo batakaljane bulemu bwakutambula kubuka kubafu taakwe nibatakakwate na kupegwaa mulukwatanoo.³⁶ Tabakoyoofwa alimbi, nkaambo banooli bakozyania abangelo alimwi mbanaa ba Leza nkaambo mbanaa babubuke.³⁷ Pesi abalabo bafwide bazobusigwa, alakwe Mozesi wakatondeezya kubusena bwalusaka, awo nayita kuti Leza wa Abbulahamu a Leza wa Ayizeki a Leza wa Jakobo.³⁸ Lino tachili Leza wabafwide pe, pesi wabawumi, nkaambo boonse baponaa kulinguwe.³⁹ Bamwi balembi bamulawu bakasandula batii, "Muyisiyi wasandula kabotu."⁴⁰ Nkaambo taakwe nibakachilikuyanda kweezya kumubuzya lubo iimbi mibuzyo.⁴¹ Jesu wakatghji kulimbabo, "Baamba biyeni kuti Kkilisito mwana wa Davida?"⁴² Nkaambo Davida lwakwe mu Bbjuku lya Ntembaawuzyo waamba kuti, Mwami wakati ku Mwami wangu, 'Kkala kululyo lwangu,⁴³ mane ndikachite basinkondo nyokwe bakabe kundi aamawulu aako'⁴⁴ Aboobo Davida wiita Kkilisito kuti 'Mwami', mpo mwana wa Davida biyeni?"⁴⁵ Kabamvwide bantu boonse wakati kulibasikwiya bakwe,⁴⁶ "Amubaschenjelele balembi bamulawu, bayanisya kweenda kabazweete majansi malamfu, kabayada kujuzigwa kulinisini muzisambalilo, azyuuno zipati muzikombelo azyuuno zisumpukide kumapobwe.⁴⁷ Balatola maandaaabamukabafu, akweeneena kumchita nkombyo ndamfu. Aba bayotambula kunyonyoonwa kupati."

21

¹ Jesu wakalanga wabona balumi bavubi kabalokubikka zipo munkomo yakubikkila mali. ² Wakabona umwi muka mufu ufwaba kalokubikka tunini tobile. ³ Lino wakati, "Kasimpe ndamba obu kulindunywe, oyu muchete mukamufu wapa kwinda boonse. ⁴ Boonse bapa zipo mukwindilila mukuvula kwazyo. Pesi mukamufu, kwinda buchete bwakwe, wabikka toonse twayelede kupona ato". ⁵ Abamvi bakali kwambula achikombelo, yasamika mabwe mabotu azituuzyo, wakamba, ⁶ "kulizezi zintu nzimubwene, izuba liyosika nikuyochala katachikwe bbwe lilatala abbwe nyina liyochala kalitawidide ansi." ⁷ Bamumuzya bati, "Muysi, ndilili niziyochitika zintu ezi?" Alubo nchiinzi chiyoba chitondezyo chakuti zintu ezi zyaamba kuchitika?" ⁸ Jesu wakasandula, "Amuchenjele kuti muteenwi. Nkambo bayosika muzina lyangu kabati 'ndime oyoo'a 'chindi chaba awfifwi' mutakabatobel. ⁹ Mwakumvwa nkondo ampyompyongano mutakayowi, nkambo zintu ezi zyelede kuchitikana kusanguna, pele mamanimo takayochitika kufwambana". ¹⁰ Mpawo wakati kulimbabo, "Chisi chiyolvana achisi nyina. ¹¹ Kuyooba mizuzumino mipati munyika, anzala mumasena asiyenesiyene azilwazi, kuyoba ziyosa azitondeezyo zipati zizwa kujulu. ¹² Pesi kakutanachitika ezi zintu, bayobikka manza abo alindinye akumupenza, bamwabe muzikombelo amuntolongo, akumweeta kunembo lyabami abendelezi nkambo kazina lyangu. ¹³ Kuyooba bukamboni kulindinywe. ¹⁴ Nkambo kako amukanze mumyoyo yanu kuteeezeezya makani ngimuyowamba, ¹⁵ nkambo ndime usikamupe majwi abusongo kuti boonse basinkondo nyokwe bakachilwe kukaka akukazya. ¹⁶ Pele moyozipegwa atala abazalyi, bakulana, nzubo, abenzuma alimwi bayobikwa bamwi bana mulufu. ¹⁷ Muyosulwa moonse nkambo kazina lyangu. ¹⁸ Pele takukoyooba kasusu kakumitwe yanu kayooloba. ¹⁹ Kumakatazyo myuoobujana bumi bwanu. ²⁰ "Nimwakubona Jelusalema yazyungulukwa ampi, lino moyoziba kuti kusaalwa kwabo kwaba awfifwi. ²¹ Lino abo bali muJudiya abachijile mumalundu, alubo bali mudolopo abazwe, abo alabo bali anze achisi tabellede kunjila mudolopo. ²² Nkambo aya mazuba akubwedzya chibi, kuti zintu zyoonse zilembedwe ziyoozuzikizigwe. ²³ Mawee kuli babo bamisi akulibabo banyonsya kumazuba ayo! Nkambo kuyoba mapenzi mapati munyika, ayendelana abantu aba. ²⁴ Bayojetgwa apanga, bayootolwa baange kuzisi zyoonse a Jelusalemu uyoozunganisigwa abamasি kusikila chindi chabamasi chizulile. ²⁵ Kuyooba zitondeezyo kuzuba, akumwezi, amunyenyezi. Amunyika, nyika iyooba akakukatazigtwa nkambo kakuvuumwa kwamayuw amulwizi. ²⁶ Kuyooba bantu bayoomana nguzu akuyowa akuyeya zintu zitasikile nyika. Nkambo nguzu zyakujulu ziyozunganisigwa. ²⁷ Mpawo bayomubona Mwana mulombe wa Muntu kaboola mujoba munguzu amubulemu bupati. ²⁸ Pele zintu ezi zyakatalika kuchitika, amunyampuke akulungumika mitwe yanu, nkambo lwangunuko Iwanu lwaba awfifwi". ²⁹ Jesu wakabambilia muzikozzano, "Mulange mukuyu amasamu onse. ³⁰ Lino na asyuuka ndelema, anga mwabona Iwanu akuziba mayinza aba awfifwi. ³¹ Lino aboobo, na mwabona zintu ezi kazichitika, moyoziba kuti bwami bwaLeza bwaba awfifwi. ³² Kasimpe ndamwambila obu nywe, olu lunyungu talukayindi mane zintu ezi zikachitike. ³³ Ijulu anyika ziyoyinda, pele ijwi lyangg talikoyomana pe. ³⁴ Pesi amuswilile Iwanu, kuti myoyo yanu italemenwi akwindilizya kuniywa akulkolwa akulipenza abuumi, azuba elyo talikoyomujana kufwambana pe ³⁵ mbuli kakole. Nkambo chiyosikila kuli boonse bapona kubusyu bwanyika yoonse. ³⁶ Pesi amulibambile chindi choonse, mukcombe kuti mube anguzu akuchija zintu ezi zitachitike, aksiima kunembo lya Mwana mulombe wa Muntu". ³⁷ Lino kuzwa kuseni kusikila goko wakali kuyiisa muzikombelo, munsi wakali kuzwa anze akuyokkala kutegwa Oliveti. ³⁸ Bantu boonse balikusika kuseni kuzomuswilizya mutempele.

22

¹ Lino pobwe lyachinkwa chitakwe bumena chakali chaamba kusika, litegwa Pasika. ² BaPayizi bapati alimwi abalembi bakalikuyaandula mbubanga balabika Jesu kulufu, nkaambo bakalikuyoowa bantu. ³ Lino Satani wakanjila muli Judasi Isikkaliyoti, oyo wakali umwi wabalikkumi ababili. ⁴ Judasi wakayinka kubapayizi bapatki akubapati babasilumamba waakubaambila mbanga ulapeda Jesu kulimbabo. ⁵ Bakabotela alimwi bazuminana kuti bamupe mali. ⁶ Wakazumina alimwi wakayaandula mweenya wakubapa kule abantu. ⁷ Nibwakasika buzuba bwachinkwa chitakwe bumena, aawo nikwakeelede kupayigwa kabelele kakwiindilila. ⁸ Jesu wakatuma Pita a Joni kaamba kuti, "Mweende mukatubambile chakulya cha Pasika kuchitila kuti tzolye." ⁹ Bakabuzya kulinguwe bati, "Nkookuli nkoyanda kuti tukachite mabambe aaya?" ¹⁰ Wakabasandula kuti, "Amulange naa mwanjila mumuunzi, mulaswaana mwaalumi utukkide nongo

yamanzi. Mukamutobele mung'anda eeyo njatakanjile. ¹¹ Amukatedi kuli muna ng'anda, "Muysi wati kulinduwe, ilikuli ng'anda yakulida, oomo munditalide Pasika abasikwiya bangu?" ¹² Uyokutondezya n'anda mpati yakulala yakujuju illi aazyoonse. Kachite mabambe ooko." ¹³ Aboobo bakiinka, alimwi bakujana zyoonse mbuli mbakali waamba kulimbabo. Mpawo bakabamba kulya kwa Pasika. ¹⁴ Eelyo chiindi nichakasika, wakakkala aansi abasikwiya. ¹⁵ Mpawo wakati kulimbabo, "Ndalikuyandisya kapati kulya Pasika andinwey nkesinapenzewa, ¹⁶ Nkaambo ndati kulindinywe, nsikoyoolya lubo kusikila zyazukizigwa mubwaami bwa Leza." ¹⁷ Mpawo Jesu wakabweza nkomeki, alimwi eelyo nakapa kulumba, wakachikwamuna, alimwi wakabapa, kati, "Ooyu mibili wangu, ooyo wapegwa akaambo kanu. Mukachite eechi mukuyeya ndime." ¹⁸ Wakabweza nkomeki munzila yeeelene musule lya chilalilo, kalikuti, "Eeyi nkomeki nhizuminano changu chipya mu gazi lyang, lyatilwa akaambo kanu. ²¹ Pesi musuulile. Ooyu undiwuya uli andime antafula. ²² Nkaambo Mwana mulombe wa Muntu nchobeni uliinka mbuli mbuzyakabambwa. Pesi mawe kuliwoyo muntu uyonduuzya!" ²³ Bakatalika kuzuwisyania chabochabo kuti ngwani unga uyoookonzya kuchita eechi. ²⁴ Mpawo kwakaba kukazyania aakati kabo aatala akuti nguuli wabo wakalikubwezwu kali mupati. ²⁵ Wakanit kulimbabo, "Baami ba bamaasi mbasimalelo aatala ambabo, alimwi aabo bali aabwendelezi aatala ambabo babonwa mbuli baabo bachita bubotu kubantu babo. ²⁶ Pesi tazyeelede kuba boobu pe andinwe. Anikuti, muleke ooyo mupati aakati kanu abe mbuli muniini, alimwi muleke ooyo uli alugwasyo abe mbuli ooyo ubeleka. ²⁷ Nkaambo ngwani mupati, ooyo uukkala antafula, na ooyo ubeleka? Nikubaboobo ndili aakati kanu mbuli woyo uubeleka. ²⁸ Pesi ndinywe nimwakiinkilila kunembo andime mumasukukusyo aangu. ²⁹ Ndapa kulindinywe bwaami, mbuli Taata wangu mbakapa bwaami kulindime, ³⁰ kuti mukonzye kulya akunyuwa aantafula lyang, mubwaami bwangu, alimwi uyoookkala azyuuno kolikubeteka mikowa iilikumi ayibili ya Izilayeli. ³¹ Sayimoni, Sayimoni, chenjela, Satani wakukumbila, kuti amwi walikonzya kukupupulula mbuli witi. ³² Pesi ndakukombela, kuti lusyomo lwako lutakachilwi. Niwabweda msule lubo, simwa bakulana bako." ³³ Pita wakanit kulinguwe, "Mwaami, ndililambilide kwiinka ayebo koonse kuntolongo alimwi a kulufu." ³⁴ Jesu wakamusandula, "Ndakwaambilila, Pita, mukuku takyoyokokolika buzuba obuno, iwebo kotanandikaka tutatu kuti tondizi pe." ³⁵ Mpawo Jesu wakanit kulimbabo, "Eelyo nindakamutuma aanzé kamutakwe chikkwama chemali, chikkwama chazyoonse, na nsangu, mwakakubula chintu na?" Bakasandula, "Takwe pe." ³⁶ Mpawo wakanit kulimbabo, "Pesi lino, ooyo uli echikkwama, mumuleke achibweze, alimwi lubo chikkwama chazyoonse. Ooyo utakwe panga weelede kuzya chikobela chakwe alimwi awule limwi. ³⁷ Nkaambo ndati kulindinywe, eezyo zilembedwe aatala andime zyeelede kuzukizigwa, 'Wakabalwa aantomwe abatakwe mulawu.' ³⁸ Mpawo bakati, "Mwaami, langa! Ngaya mapanga obile." wakanit kulimba, kwakkwana." ³⁹ Jesu wakiinka, mbuli mbakalikukkala kachita chiindi chiingi, ku Chilundu cha Olivi, alimwi basikwiya bakamutobel. ⁴⁰ Eelyo nibakasika, wakanit kulimbabo, "Mukombe kuti mutanjili mumasukusyo." ⁴¹ Wakazwa aakati kabo afwifwi aasikila bbwe lyakuwala amaboko, alimwi wakafugama aansi alimwi wakakomba, ⁴² kati, "Taata, na kamuyanda, mugwisye nkomeki eeyi kuzwa kulindime. Nikubaboobo pe pe lwangu luyando, pesi lwanu ngalukachitwe." ⁴³ Mpawo mungelo kuzwa kujulu wakaboneka kulinguwe, kalikumusimya. ⁴⁴ Kali mukulila kupati, wakakombesya loko chanchobeni, alimwi nkasaalo yakwe yakaba mbuli malosi mapati agazi kayilikulokela anyika. ⁴⁵ Eelyo nakazwa kukukombwa kwakwe, wakaya kui basikwiya bakwe alimwi wakabajana kabalikoona akaambo kabuusu bwakwe ⁴⁶ alimwi wakababuuya, "Nkaambonzi nimulikoonaa? Mubuke mukombe, kuti mutakanjili mumasukuusyo." ⁴⁷ Aawo nakachilikwaambula, bona, inkamu yakaboneka, aantomwe a Judasi, umwi wa bali kkumi ababili, kali kubazulwida. Wakaza afwifwi a Jesu kuzomumyonta, ⁴⁸ pesi Jesu wakanit kulinguwe, "Judasi ulikuuzya Mwana mulombe wa Muntu alumyonto?" ⁴⁹ Eelyo bakazyungulukide Jesu nibakabona zyakali kuchitikana, bakati, "Mwaami, tuume na apanga?" ⁵⁰ Mpawo umwi wabo wakawuma mulanda wa mupayizi mupati, alimwi wakakwapaula kutwi kwakwe kwachilisy. ⁵¹ Jesu wakanit, "Eezyo zyakkwana!" Wakaguma kutwi kwakwe, alimwi wakamuponia. ⁵² Jesu wakanit kuli silutwe wa bapayizi ba muchikombelo, alimwi akubapati bakamubukila, "Muza mbuli kumubbi, kamuli amapanga a nkoli?" ⁵³ Eelyo nindakali aandinwe mazuba oonse muchikombele, takwe nimwakabika maboko aanu alindime. Pesi eeli ndihola lyanu, alimwi bweendelezi bwamumudima." ⁵⁴ Kabamukwensa, bakamubweza alimwi

bamutola kun'anda yampayizi mupati. Pesi Pita wakalikutobel a kulekule. ⁵⁵ Musule lyakudukula mulilo aakati kabbetekelo alimwi kabali bakkala aansi aantomwe, Pita wakakkala aakatai kabo. ⁵⁶ Umwi mulanda mwanakazi wakamubona aawo nakakkende mumumuni wamulilo alimwi wakalanga kulinguwe chakumudunamina alimwi wakati, "Ooyu mwaalumi alakwe wakali aanguwe." ⁵⁷ Pesi Pita wakakaka, kati, "Mwanakazi, nsimwizi pe." ⁵⁸ Musule lyakayindi kaniini loko umwi wakamubona, alimwi wakati, "Nduwe umwi wabo." Pesi Pita wakati, "Mwaalumi, tensi ndime." ⁵⁹ Nikwakiinda hola lyomwe uumbi mwaalumi wakasisimpiza alimwi wakati, "Nchobeni mwaalumi ooyu alakwe wakali aanguwe, nkaambo ngwaku Galili." ⁶⁰ Pesi Pita wakati, "Mwaalumi, nsizi pe eecho ncholikwaamba." Chakufwambaana, nakachilikaambula, mukuku wakakokolika. ⁶¹ Wakachebuka, Mwaami wakalanga Pita, alimwi Pita wakayeya ijwi lya Mwaami, eelyo nakati kulinguwe, "Mukuku katanaakokolika sunu uyondikaka tutatu." ⁶² Pita wakiinka aanzé alimwi wakakulila kapati. ⁶³ Mpawo baalumi bakalindide Jesu bakamuseka alimwi bakamuuma. ⁶⁴ Bakabika chivumbyo aatala lyakwe alimwi bakamubuza, kabati, "Sinsima! Ngwani ooyoo wakuuma?" ⁶⁵ Bakaambula zimwi zyiingi zintu aatala a Jesu, kabalikumutuka. ⁶⁶ Chakufwambaana mbuli mbulyakali zuba, bapati babantu bakaswaanana aantomwe, bapayizi bapati alimwi abalembi. Bakamutola mu Nkuta ⁶⁷ alimwi bakati, "Na koli Kkilisito, twaambile." Pesi wakati kulimbabo, "Na ndamwaambila, tamukoyoondisyoma pe, ⁶⁸ alimwi na ndamubuza, tamukoyoosandula pe." ⁶⁹ Pesi kuzwa lino kaziya kunembo, Mwana mulombe wa Muntu unoyokkede kuchilisyo chamanguzu aa Leza." ⁷⁰ Bonse bakati, "Nkokwaamba kuti uli Mwana mulombe wa Leza?" Jesu wakati kulimbabo, "Mwaamba kuti ndime." ⁷¹ Bakati, "Nkaambonzi nituchiyanda mukamboni? Nkaambo lwesu tobweni twalimvwida kuzwa kumulomo wakwe."

23

¹ Yoonse nkamu yabo yakanyampuka, mpawo bakeeta Jesu kunembo lya Payileti. ² Bakasanguna kumupa milandu, kabati, "Twajana mwaalumi ooyu kali kunyongania chisi chesu, walikukaka kuti tulemeke Siza, alimwi walikwaamba kuti we ngo Kkilisito, mwai." ³ Payileti wakamubuza wati, "Uli Mwami waba Juda na?" Mpawo Jesu wakamusandula wati, "Nduwe waamba oobo." ⁴ Payileti wakati kubapayizi bapati akunkamu yabantu, "Taakwe bubi pe mbundabona mumwaalumi ooyu." ⁵ Pesi bakasungwaala kabaamba kuti, "Unyongania bantu, ulaiyiisa mu Judea lyoonse, kuzwa ku Galili kuzosika okuno." ⁶ Aboobo Payileti naakamvwa eezi, wakabuza kuti ooyu mwaalumi muna Galili na. ⁷ Naakamvwa kutgi wakali munsi lyanguzu zya Helodi, wakamutumina kuli Helodi, ooyo alakwe wakali mu Jelusalem muli aayho mazuba. ⁸ Helodi nakabona Jesu, wakabotewa loko, nkaambo wakalikuyandisya kumubona kwachiindi chnilamfu. Wakaliknvwa aatala anguwe alimwi wakali kulipeekezya kubona malele ngachita. ⁹ Helodi wakamubuza makani miangi, pesi Jesu taakwe naakasandula pe. ¹⁰ Bapayizi bapati abalembi bamulawu bakaliimvwi aawo kabamupa milandu. ¹¹ Helodi abasilumamba bakwe bakamusampawula, akumuweela, bakamuzwaatika zisamo ziboto mpawo baka bweedezya Jesu kuli Payileti. ¹² Helodi a Payileti bakazawaaba bazolani buzuba mbuboobo (bakalibasinkondonyina chiindi choonse). ¹³ Mpawo Payileti wakiita antoomwe bapayizi bapati, batgongi antoomwe ankamu yabantu, ¹⁴ wakati kulimbabo, "Mwandeetela mwaalumi ooyu, mbuli mutu ulikupa kuti bantu babisye, pesi amulange, mebo, ndamubuzisisya kunembo lyenu, taakwe nindajana bubi pe kulinguwe aatala amilandu njimwamupa. ¹⁵ Peepe, alakwe Helodi taakwe nchaajana, nkaambo wamubooza kulindiswe, alimwi amulange, taakwe cheelede lulu pe nchachachita. ¹⁶ Ndilamusubula biyo mpawo ndimwaangunune. ¹⁷ ¹⁸ Pesi boonse bakoompolola kabati, "Tatumuyandi pe swe ooyu mwaalumi, twaangunwide Bbarabbasi!" ¹⁹ Bbarabbasi wakali mwaalumi wakabikidwe muntolongo nkaambo kakutatgobeleyza imwi milawu akujaya. ²⁰ Payileti wakaambula lubo, kulimbab kali achiyandisyo chakumwaangununa Jesu. ²¹ Pesi bakoompolola, kabati, "Abambulwe, abambulwe." ²² Wakabaambila lwatatu, wakati, "Nkaambo nzi, nccheechili chibi nchaachita ooyu mwaalumi? Taakwe nchindajana pe chiyanda kuti apegwe chisubulo chalufu aalinguwe. Aboobo nindazwa kumusubula ndilamwaangununa." ²³ Pesi bakasungwaala amajwi mapati, kabayanda kuti abambulwe. Alimwi majwi aaya akamupa kuzumina Payilet. ²⁴ Aboobo Payileti wakazumina kubapa chiyandisyo chabo. ²⁵ Wakaangununa ooyu ngubakali bakumbila ooyu wakabikidwe muntolongo nkaambo kabupanduki akujaya. Pesi wakapeda Jesu kuluyando lwabo. ²⁶ Nibakali kuya bumuzulwida, bakajata umwi mwaalumi utegwa Sayimoni waku Sayilini, walikuzwida munyika, bakamupikuza chiingano kayobutobel a Jesu. ²⁷ Nkamu mpati yabantu,

abananakazi bakalikuya bumulila, bakamutobela. ²⁸ Pesi wakabacheba, Jesu wakati, "Nobana basimbi ba Jelusalema, tamulili ndime, pesi amulilile lwanu abana benu. ²⁹ Nkambo amulanga, alasika mazuba aawo nibayoti, 'Zililongezezegwe ngomwa, ayaayo mala akatazyalwa, ankolo zyakatanyonkwa.' ³⁰ Mpawo bayootalika kuti kutulundu, 'Tuwide,' akumwaala, 'Tuvumbe.' ³¹ Nkaambo nabachita oobu kumusamu mutete, bayochita biyeni kulooyo muyumu?" ³² Bamwi baalumi, basimilandu bibili, bakabingwa antoomwe anguwe kuti bakajiigwe. ³³ Nibakasika kubusena butegwa "Chifuwa," ooko bakaumbula abasimilandu bibili, umwi kuulyo umwi kuchimweensi. ³⁴ Jesu wakati, "Ndeende, balekelele, nkaambo tabazizi nzibachita." Mpawo bakawuma chisilo kabaabana zisamo zyakwe. ³⁵ Bantu bakaliimvvi kabalangide alimwi batkongi bakali kumuweela, kabati, "Wafutula bamwi. Alifutule, na kali Kkilisito wa Leza uusalidwe." ³⁶ Basilumamba abalabo bakamusonya kabamupa viniga kuti anywe, ³⁷ bakati, "Na koli Mwami waba Juda, lifutute." ³⁸ Kwakalivo alimwi chitondeezyo kumutwe aakwe chakalembedwe kuti, "Ooyu Mwami waba Juda." ³⁹ Umwi wabasimilandu wakali kulengelela kumbali aakwe wakamutukila watgi, "Teensi nduwe Kkilisito na? Lifutule utufutule aswebo." ⁴⁰ Pesi umwi wakamukalalila wati, "Tomuyoowi na Leza, nkaambo ulimunsi lyachisubulo chikozyenie na? ⁴¹ Swebo tuli aano mukweelela, nkaambo tulikutambula zitweelede kunchito zyesu. Pesi ooyu mwaalumi taakwe chibi nichachita pe." ⁴² Alimwi wakayungizya wati, "Jesu, ukandiyeeye wakunjila kubwami bwako." ⁴³ Jesu wakati kulinguwe, "Nchobeni ndakwaambila, sunu uyoba andime mu paladiso." ⁴⁴ Lino lyakali lyaba wola lyamusunu akamwi, kwakaba mudima nyika yoонse mane kwakusika wola lyamusunu atune ⁴⁵ nkaambo zuba lyakachilwa kumunika. Mulumbo wamuchikombelo waka deluka akati kuzwa kujulu do aansi. ⁴⁶ Akukwiila ajwi pati, Jesu wakati, "Ndeende, mumaanza aako ndabikkia muuya wangu." Naakamana kwaamba oobo wakafwa. ⁴⁷ Silumamba wa mwaanda naakabona kazichitika eezi, wakalumbayizya Leza, wakati, "Nchobeni ooyu wali mwaalumi uusalala." ⁴⁸ Lino bantu boonse bakabungene kuzobona zyakalikuchitika nibakabona zintu eezi zyakachitwa, bakabweeda kabafwide nsoni loko. ⁴⁹ Pesi bazolani bakwe boonse abananakazi bakabatobede kuzwa ku Galili bakayimikila kulekule, kabalkweeba zintu eezi. ⁵⁰ Amulange kwakali mwaalumi wakalikutegwa ngu Jozefu, wakali waNkuta, wakali mwaalumi mubotu uululeme ⁵¹ (taakwe naakazuminene awo pe muzeezo wabo), wakalizuwa kudolopo lyaku Judiya litegwa Arimathea alimwi wakalikulinda bwami bwa Leza ⁵² Ooyu mwaalumi wakayinka kuli Payleti, wakukumbila mutunta wa Jesu. ⁵³ Wakawuseluzya, akuvunga mumicheka mibotu, akulazika mukabanda kakali kabbwe libezedwe, alimwi taakwe muntu wakalina lazikwa oomo pe. ⁵⁴ Bwakali buzuba bwakumbila, alimwi buzuba bwa Sabata bwakali bwaswena. ⁵⁵ Banakazi bamukatobede kuzwa ku Galili, bakatobela, bakakukabona kabanda ambaakavwilkwa. ⁵⁶ Bakaboola, bakabamba tununkilizyo amafuta. Mu Sabata bakalyookezya mbuli mumulawu

24

¹ Chifumofumo mubuzuba bwakusanguna bwamvwiki, bakasika kukabanda, kabeeta tununkilizyo tubakali babamba. ² Bakajana bbwe lilitontedwe kuzwa kukabanda. ³ Bakanjila mukati, pesi tebakawujana pe mutunta wa Mwami Jesu ⁴ Zyakachitika kuti, aawo kabachigambide aatala azeezi, mpawaawo, kwakiimikila baalumi bibili kumbali lyabo kabazwete zisamo zibayima. ⁵ Aawo banakazi nibakazula kuyoowa bakafundamika busyu bwabo, bakati kubanakazi, "Muyandwiidanzi baponna kubafu." ⁶ Tawo pe aano, pesi wabusigwa! Amuyeeye mbakaumbula kulindinywe naakachili ku Galili, ⁷ kati Mwana wa Muntu weelede apedwe kumaanza abasizibi akabambulwe, mpawo mubuzuba bwatatu akabuke lubo." ⁸ Banakazi bakayeeya majwi aakwe, ⁹ bakeenda kuzwa kukabanda bakwaambila zyoonse eezi kulibalikumi awumwi abamwi boonse. ¹⁰ Lino Meli Magadalena, Jowana, Meli banyina a Jemusi abamwi banakazi mbibakali aabo, bakakwaamba zintu eezi kubatumwa. ¹¹ Pesi majwi aaya akabaanga ngakubeja nibakaamvbatumwa, tebakabasyoma pe banakazi. ¹² Mpawo Pita wakanyampuka wachijaanina kuchuumbwe, wakakotama kalikuyuna mukati wakabona micheka kiili ayilikwe, wakabula kuti niinzi chachitika. ¹³ Amulange bibili babo bakalikuyabwenda buzuba mbuboobo kabatozya kugunzi litegwa Emawusi, lyakali kasinzo kuzwa ku Jelusalema. ¹⁴ Bakalikuyabuzuwa aatala azintu zyakachitika. ¹⁵ Zyakachitika kuti, kabachiyabuzuwa akubuzisisyania, Jesu lwakwe wakabeezya weenda aabo. ¹⁶ Pesi menso aabo akaksigwa kuti bamuzibe. ¹⁷ Jesu wakati kulimbabo, "Nobabili niinzi nchimuyobwaambula nimuyobweenda awa?" Bakayimikila kabali amawuse. ¹⁸ Umwi wabo uuutegwa Kiliyopasi, wakamusandula, "Te nduwe olike mu Jelusalem uutazi zintu

zyalikuchitika mumo mazuba aaya?"¹⁹ Jesu wakati kulimbabo, "Zintu nzi eezyo?" Bakamusandula bati, "Zintu zili aatala a Jesu muna Nazaleta, wakali musinsimi, wakali aanguzu kunchito akujwi kunembo lya Leza akubantu boonse.²⁰ Ambubakamupeda bapayizi bapati abatongi besu kuti apegwe mulandu wakujiigwa.²¹ Pesi ytvakali twasyoma kuti nguwe uutakaangunune Izilayeli. Iyili, kunze kwazyo zyoonse eezi, kwaba mazuba aata tu zintu zyoonse eezi kazichitikide.²² Pesi kakuliboobo, bamwi banakazi mbityabwewenda aabo batugambya, nibalikuchibuda chifumo.²³ Nibakuubula mutunta wakwe, bakuboola, kabaamba kuti babona chilengano chabangelo babili balikubaambila kuti wabuka.²⁴ Bamwi lubo baalumi mbituli aabo bachijsaanina kuchibunda bakujana mbubo mbuli mbubaamba banakazi. Pesi tabamubwene pe."²⁵ Jesu wakati kulimbabo, "Nywebo nobaalumi bafubafuba animuli aamyooyo iicedwa kusyoma kulizyoonse zyakaambwa abasinsimi!²⁶ Teensi zyakaleede na kuti Kkilisito aswaanane amapenzi woonse aya na, akuti anjile mubulemu bwakwe?"²⁷ Mpawo kusangunina kuli Mozesi akubasinsimi boonse, Jesu wakali kubapandulwida zyoonse zyakalangene aawe mumalembwe woonse²⁸ Kabali baamba kusika kugunzi eelyo nkukbakali kuyabuya, Jesu wakachita aanga uyanda skwinda kaya kunemboo.²⁹ Pesi bakamukombeleya, bakati, "Kkala aswebo, nkaambo lyaamba kuba goko zuba lyaamba kubbila." Aboobo Jesu wakanjila wakkala aabo.³⁰ Chakachitika kuti, naakkalka aansi ambabo kuti balye, wakabeweza chinkwa, wakachilongeza, wakachikwamuna mpawo wakabapedekezya.³¹ Mpawo menso aabo akajulika, mpawo bakamuziba, mpawo tebakachilikumubona pe.³² Bakati aakati kabo, "Myoyo yesu niyatapya mukati kesu, nalikwaambuula kulindiswe munzila, aawo nalikutujulila magwalo?"³³ Bakanyampuka mu wola ndileeyo babweda ku Jelusalema. Bakajana balikumi awumwi kababungene antoomwe, antoomwe abaabo mbibakali aabo,³⁴ bakalikuti, "Mwami wabuka nchobeni, alimwi walibonia kuli Sayimoni."³⁵ Aboobo bakabaambila zintu zyakachitika munzila, akuti Jesu wakayubununwa byeni kulimbabo naakali kukwamuna chinkwa.³⁶ Kabachaambula zintu eezi, Jesu lwalkwe wakayimikila aakati kabo, wakati kulimbabo, "Luumuno alube kulindinywe."³⁷ Pesi bakateketa akuzulu kuyoowa, bakayeeya kuti babona cheelo.³⁸ Jesu wakati kulimbabo, "Nkaambo nzi nimulikataazya? Nkaambo nzi mibuzyo niyazula mumyoyo yenu?"³⁹ Amulange maboko aangu amawulu aangu, kuti ndime nchoonzyo. Amundigume mubone. Nkaambo cheelo tachikwe nyama amafuwa, mulindibwene me ndilaazyo."⁴⁰ Naakaamba eezi, wakabatondeezya maboko amawulu aakwe.⁴¹ Nibakachizwide lukondo lwiingi, alimwi okambagambide, Jesu wakatgi kulimbabo, "Mujisi chakulya na?"⁴² Bakamupa chimpanzi chamuswi wakabizizigwe.⁴³ Jesu wakachibweza, alimwi wakalya kunembo lyabo.⁴⁴ Wakati kulmbabo, "Nindakachili aandinywe, ndakamwaambila kuti zyoonse zilembedwe mumulawu wa Mozesi abasinsimi amuntembaawuhyo zyeelede kuzuzikizigwa."⁴⁵ Mpawo wakajula meno aabo kuti bamvvisisisye malembe.⁴⁶ Wakati kuli mbabo, "Aboobo kulilembedwe, kuti Kkilisitu welede kupenzegwa, akabuke lubo kubafu mubuzuba bwatatu.⁴⁷ Alimwi kusanduka akulekelelwa kwazibi kweelede kukakambawukwe muzina lyakwe, kunyika zyoonse, kutalikila mu Jelusalema.⁴⁸ Mulibakboni bazeezi zintu.⁴⁹ Amulange ndilikutumina kulindinywe eecho Ndeende nchakasyomezya. Pesi amukkale mudolopo kusikila mukajane nguzu kuzwa kujulu."⁵⁰ Mpawo Jesu wakabazulwida kunze mane bakusika afwiifwi aku Bbetani. Wakanyampula maboko aakwe, wakablongezya.⁵¹ Zyakachitika kuti, naakachili kabalongeza, wakabasiya alimwi wakanyampwidwa kujulu.⁵² Aboobo bakamukomba, mpawo bakabweeda ku Jelusalemu mulukondo lupati.⁵³ Bakakkala kabali muchikombelo kabalongezya Leza

Joni

¹ Kumatalikilo kwakali Ijwi, mpawo Ijwi wakali aaLeza, aboobo Ijwi wakali Leza. ² Ooyu wakali aaLeza kumatalikilo. ³ Zyoonse zintu zyakaanzwa kwiindila malinguwe, alimwi naatali nguwe nekutakwe chomwe chakaanzwa. ⁴ Malinguwe momwakali buumi, alimwi buumi oobo bwakali mumuni wabantu. ⁵ Imumuni ulamunika mumudima, alimwi mudima tuuzundide pe. ⁶ Kwakali mwaalumi wakatumidwe kuzwa kuli Leza, zina lyakwe wakali Joni. ⁷ Wakazide mbuli kamboni kuzoolungulula aatala amumuni, kuti boonse basyome kwiinda malinguwe. ⁸ Joni taakali mumuni pe, pesi wakazide kuzoopa bukamboni aatala amumuni. ⁹ Imumuni wamasimpe, uumunikila bantu boonse, wakalikuyobuza munyika. ¹⁰ Wakali munyika, inyika yakaanzwa kwiinda malinguwe, aboobo inyika teyakamuziba pe. ¹¹ Wakaza kulibakwe mwini, alimwi ibakwe mwini tebakamatumbala pe. ¹² Pesi kuli boonse bakamatumbala, ibakasyoma muzina lyakwe, wakabapa cheelelo chakuba bana ba Leza. ¹³ Aaba tebakazyalwa ku bulowa, nanka kukuyanda kwanyama, nanka kukuyanda kwa mwaalumi, pesi kukuyanda kwa Leza. ¹⁴ Ijwi wakaba mubili akupona aakati kesu. Twakabona bulemu bwakwe, bulemu bubaanga mbubwayooyo omwe alimwi alike wakazwa kuli Taata, uuzwide luzyalo a bwini. ¹⁵ Joni wakamupeda bukamboni akukwiila nkati, "Ooyu ngonguwe ngundakali kuti, 'Ooyo uuza musule lyaangu mupati kwiinda ndime, nkaambo mutaanzi kulindime.'" ¹⁶ Nkaambo kuzwa mukuzulila kwakwe toonse twakatambula luzyalo kuzwa ku luzyalo. ¹⁷ Nkaambo mulawu wakapegwa kwiinda kuli Musa. Luzyalo a bwini zyakaza muli Jesu Kkilisito. ¹⁸ Tawo pe wakali wabona Leza. Uumwi alike, uulikubbazu ly Taata, wakachita kuti Leza azibikane. ¹⁹ Oobu mbobukamboni bwa Joni eelyo ma Juda nibakatuma bapayizi a baLevi kulinguwe kuzwa ku Jelusalema kuyomubuzya kuti, "Nduweni?" ²⁰ Wakaamba - teensi wakakaka pe, pesi wakaamba - "Teensi rdime Kkilisito pe." ²¹ Eelyo bakamubuzisisa, "Nduweni mpo? Nduwe Elayia na?" Wakati, "Nsilinguwe pe." Bakati, "Ulimusinsimi na?" Wakasandula wati, "Pe." ²² Mpawo bakayi kulinguwe, "Nduweni, kuchitila kuti tukape nsandulo kulibabo bakatutuma? Ulityeni nomwini?" ²³ Wakati, "Ndili jwi, lyoompolola munkanda: 'Mululamike inzila ya Mwaami; mbuli Isaya musinsimi mbwakaamba.'" ²⁴ Lino bamwi benkamu ya baFalisi bakatumwa, ²⁵ mpawo bakabuzya kulinguwe nkabati, "Nkaambonzi nobabbatizya na kotali Kkilisito na Elayija na musinsimi?" ²⁶ Joni wakabasandula, wati, "Ime ndibabbatizya aamanzi. Pesi aakati kenu kwiimvwi uumwi ngomutazi. ²⁷ Ngonguwe uyoobuza musule lyangu, ngwesikonzyi kwaangununa ntambo yansangu zyakwe." ²⁸ Eezi zintu zyakachitwa mu Bbetani mutual aa Jodani, ooko Joni nkakali kubbabbatizya. ²⁹ Nebwakacha Joni wakabona Jesu nkayobuza kulinguwe mpawo wamwaambilka kuti, "Langa, ngoyu mwana wembelele wa Leza uuugwisya zibi zyanyika! Ooyu ngonguwe ngundakali kuti, ³⁰ "Ooyo uuza musule lyangu mupati kwiinda ndime." ³¹ Teensi ndakalimwizi p, pesi kuti ayubununwe kuli Izilayeli nchenchicho ncndakaka nkebbabbatizya amanzi." ³² Joni wakapa bukamboni nkati, "Ndabona Muuya nkaseluka mbuli nziba kuzwa kujulu akukkala alingewe. ³³ Tendamwizi pe, pesi ooyo wakandituma kubbabbatizya mumaanzi wandibuzya kuti, "Ali yooyo ngotabone Muuya kaseluka akukkala aalinguwe, ngonguwe uubbabbatizya muMuuya Uusalala." ³⁴ Ndabona aantomwe akupa bukamboni kuti ooyu Mwaana waLeza." ³⁵ Alubo, zuba lyakatobela, aawo Joni kayimvwi abasikwiyya bakwe babili, ³⁶ bakabona Joni Jesu kayobweend, mpawo Joni wakati, "Amubone, Mbelele ya Leza!" ³⁷ Basikwiyya bakwe bobile bakamumvwa nkawamba oobu mpawo bakatobela Jesu. ³⁸ Mpawo Jesu wakacheba wababona nkabayomutobelka eelyo wakabambilka kuti, "Muyandaayi?" Bakasandula, "Rabbi" (chitolekelwa kuti "Muyisi"), "Ukkala kuli?" ³⁹ Wakabaambilka kuti, "Musike muzoobone." Mpawo bakayinka akuyoobona aawo mpakali kukkala, bakakkala anguwe zuba eelyo, nkaambo lyakali hola lyakkumi. ⁴⁰ Umwi wababili aaba wakamvwa Joni nkawambuula mpawo akutobela Jesu wakali Endulo, ngubazyalwa kumwi a Sayimoni Pita. ⁴¹ Wakasanguna kubonana amwana wakababo Sayimoni akumwaambilka kuti, "Twamubona Mesiya" (chitolekelwa kut, Kkilisito). ⁴² Wakamweeta kuli Jesu aboobo Jesu wakamulanga akaumba kuti, "Nduwe Sayimoni mwana wa Joni. Uyooyitwa kuti Sifasi" (chitolekeledwe: Pita). ⁴³ Nebwakacha, aawo Jesu nakali kuyanda kuya ku Galilaya, wakajana Filipi mpawo wamwaambilka kuti, "Nditobe." ⁴⁴ Eelyo Filipi wakalikuzwa ku Bbetisayida, idolopo lyaba Endulo a Pita. ⁴⁵ Filipi wakajana Nataniyeli mpawo wamwaambilka kuti, "Ooyo Mozesi ngwakalemba mumulawu, aba Sinsimi, twamubona: Jesu mwana wa Josefa, uuzwa ku

Nazaleta.”⁴⁶ Nataniyeli wakati kulinguwe, “Kuli chintu chibotu na chikonzya kuzwa mu Nazaleta?” Filipi wakati kulinguwe, “Kweza alimwi ubone.”⁴⁷ Jesu wakabona Nataniyeli kayobuza kulinguwe mpawo waamba kuti aatala anguwe, “Bona, mu Izilayeli wamasimpe, utakwe lweenol!”⁴⁸ Nataniyeli wakati kulinguwe, “Wandiziba biyeni?” Jesu wakasandula akwaamba kuti kulinguwe, “Nkatanakukwiita Filipi, nkoli munsi aamukkuyu, ndalikubwene.”⁴⁹ Nataniyeli wakasandula, “Rabbi, uli mwana wa Leza! Uli Mwaami wa Izilayeli!”⁵⁰ Jesu wakamusandula nkati, “Nkaambo kakuti ndati kulinduwe, ‘Ndakubona koli munsi aamukkuyu; ulasyoma na? Uchizoomba zintu zipati kwiinda eezi.”⁵¹ Mpawo wakati, “Nchobeni, ndakwaambila kasimpe, uyoobona julu nkali julikide, abangelo ba Leza nkabatanta akuseluka aatala aMwana wa Muntu.

2

¹ Nkakutanayinda mazuba otatwe, kwakaba muchado kuKkana ku Galili, mpawo banyina a Jesu bakaliko. ² Jesu a basikwiya bakwe bakalitambidwe kumuchado. ³ Lino wayini nakamana, banyina a Jesu bakati kuli nguwe, “Tabachikwe wayini.” ⁴ Jesu wakati kuli mbabo, “yomwanakazi, nkambonzi noza kulindime? Ichiindi changu tachina sika.” ⁵ Banyina bakati kubalandia, “kufumbwa nchata mwamble, muchichite.” ⁶ Lino kwakali musanu ayimwi mpoto zyamabwe zyakali kubelesegwa a ma Juda kuma pobwe akusanza, achimwi nkachili abulamfu kusikila kututatu. ⁷ Jesu wakabaambila kuti, “Ngamuzuze mpoto zyamanzi.” Aboobo bakazuza kusikila kulumpimpito. Mpawo wakabambilia babelesi,⁸ “Mubweze lino aakupa mupati wakwaaba.” Bakachita mbubobo.⁹ Mupati wakwaba wakalabila maanzi akaba wayini, Pesi takaziba kwakazwa manzi (Pesi babelesi bakatekede manzi bakalizi). Mpawo wakazwa sibwinga.¹⁰ mpawo wakaya kuli nguwe, “woonse muntu uupa wayini mubotu lutanzi alimwi ulamuulo uselukide wayini nibakolwa. Pesi kabambala wayini mubotu kusikila lino.”¹¹ Echi chitondezyo nchitanzi Jesu nchakachita mu Kkana ya Galili, alubo wakayubununa bulemu bwakwe, antomwe abasikwiya bakwe bakasyoma mulinguwe.¹² Musule lyazeezi Jesu, abanya, abana bakwabo, mpawo abasikwiya bakaselukila ku Kapenawumu alimwi bakakukkala kwamazuba mache biyo.¹³ Lino i Pasika lyaba Juda lyakali awfifwi, mpawo Jesu wakatanta akuya ku Jesu Jelusalem.¹⁴ Wakajana basambali baaba sune ambelele abasambali benkwilimba muchikombelo, abasikula bakalikkede mumo.¹⁵ Lino wakachita chimboko chakoosa akubatanda boonse aanze kuzwa muchikombelo, kubika antomwe ambelele ang’ombe. Wakamwayusya makobili amali zyabawuli mpawo wasowa matafula.¹⁶ Kubasambazyi bankwilimba wakati, “mubweze zintu zizwe awa. Muleke kuchita ing’anda ya Taata chisambalilo.”¹⁷ Basikwiya bakwe bakayeyea kuti zyakalilembedwa, “busungu bwakumaandenu bwandisyukuta.”¹⁸ Alimwi ba Juda bendelezi bakaziswilila mpawo bakati kuli nguwe, “Nchitondezoyoi nchotatutondezye?”¹⁹ Jesu wakasandula, “Amumwayule chikombelo, mpawo mumazuba otatwe ndachimika lubo.”²⁰ Lino bendelezi baba Juda bakati, “Eechi chikombelo chakayakwa muminyaaka ilimakkumi oone - amusanu - alimwi, mpawo ulibusya mumazuba otatwe?”²¹ Nikuba kuti, wakalikwambula ataala achikombelo chamubili wakwe.²² Kunembo akubusigwa kuzwakulufu, basikwiya bakwe kabayeya kuti wakalambide, mpawo bakasyoma kumalemba akutwambo ntwaakamba Jesu.²³ Lino kali mu Jelusalem kupobwe lya pasika, kali kupobwe, biingi bakasyoma muzina lyakwe nibakabona zitondezyo nzyakachiita.²⁴ Pesi Jesu takabasyoma nkambo wakalibezi boonse,²⁵ nkambo takayanda kuti naba omwe ape bukamboni atala a muntu, nkambo wakalizi chakali mulinguwe.

3

¹ Lino kwakaliwo mu Falisi wakali kutegwaa Nikkodemasi, muzululi wama Juda. ² Ooyo mwaalumi wakaza kuli Jesu mansiku, mpawo wakati kulinguwe, “Muyiisyi kuti uli muyiisyi wakazwa kuli Leza, nkaambo tawope ukonzya kuchita zitondeezyo eezyo chita ado Leza ulaanguwe.”³ Jesu wakasandula kuli nguwe, “Nkasimpe, kasimpe ado muntu wazyalwa bupya lubo takonzyi kubona bwami bwa Leza.”⁴ Nikkodemasi wakati kulinguwe, “Mbubuli muntu mbwakonzya kuzyalwa nkali wachembala? Tachikonzyoi kunjila lwabili mutumbu lyabanyina mpawo akuzyalwa, ulakonzya na?”⁵ Jesu wakasandula, “Nkasimpe, nkasimpe ado muntu wazyalwa amaanzu amuuuya, takonzyi kunjila mubwami bwa Leza.”⁶ Eecho chizyalwa kunyama ninyama, mpawo eecho chizyalwa kumuuya muuya.⁷ Utagambi eecho nchindakwaambila, ueyeledie kuzwalwa bupya.⁸ Luuwo luloonga kufumbwa nkuluyanda; ulamvwa muzuumo pesi tokonzyi kuziba nkulwazwa nekunba nkuluya. Nkikaako woonse muntu ooyo uzyalwa amuuuya mbwabede.⁹ Nikkodemasi wakasandula kuti, “Mbubuli mbuzikonzya

kuba zintu eezi?”¹⁰ Jesu wakasandula wati kulinguwe, “Uli mwiiyi wa Isiolayili na aboobo tomvwisyi zintu eezi? ¹¹ Nkasimpe, nkasimpe ndakwaambila, twaambwa nzitwizi, mpawo tupa bumboni aatala anzitwakabona. Aboobo totambuli bumboni bwesu. ¹² Na ndakaambide aatala azintu zyanyika mpawo twasyoma, mbuli mbokonzya kusyoma na ndakwambila ataala azintu zyajulu? ¹³ Tawope wakaliinkide kujulu kunze kwayooyo wakaseluka kuzwa kujulu- Mwana aa Muntu. ¹⁴ Mbubonya mbuli Mozesi mbwakasumpula nzoka munkanda, mbobonya Mwana aa Muntu mbwayosumpulwa, ¹⁵ kuti boonde basyoma bakabe abuumi butamani. ¹⁶ Mbuli Mozesi mbwakasumpula nzoka munkanda, mbombubo Mwana aa Muntu mbwazoosumpulwa, kuchitila boonde basyoma mulinguwe kuti babe aabuumi butani. ¹⁷ Oobuya Leza mbwakayandisya nyika, eelyo wakiipa Mwana wakwe simuzyalwa aalike kuti kufumbwa uumusyoma mulinguwe atafwidilili pesi kuti aabe aabumi butamani. Obuya Leza takatuma Mwana munyika kuti azoobeteke nyoka, pesi kuti azoofutule nyika kwiiifa mulinguwe. ¹⁸ Ooyo usyoma muli nguwe takoyooobetekwa, pesi ooyo utasyomi wabetekwa kale nkaambo taasyoma muzina lya Mwana alike wa Leza. ¹⁹ Aaka nkikaambo kakutonga: Mumuni wasika munyika mpawo bantu bayanda mudima kwiinda mumuni nkaambo nchito zyabo nzyabubi. ²⁰ Woonse uuchita bubi wasula mumuni aboobo tasiki kumumuni, kuchitila nchito eezi kuti zitabonwi. ²¹ Nikuba kuti, ooyo uuchita kasimpe wasika kumumuni kuchitila zilaantanganana ziboneke eeyzo nchito kuti zyachoitwa muli Leza. ²² Musule aceechi, Jesu abasikwiya bakwe bakayinka munyika ya Judiya. Ookoo wakakukkala kkala antoomwe ambabo akubbabbatizya. ²³ Lino Joni alakwe wakali kubbabbatizya mu Ayinoni awififwi ku Salimu nkaambo kwakali meenda mayingi nkuko. Bantu bakalikusika kulinguwe mpawo bakali ku bbabbatizigwa, ²⁴ nkaambo Joni takalina waalwa muntolongo. ²⁵ Lino aawo kwakabuka lukazyano aakati kabasikwiya ba Joni aba Juda aatala aapobwe lyakusanzanya. ²⁶ Bayiinka kuli Joni mpawo bamwaambila kuti, “Labbi, ooyo wakali aanduwe kulimwi bbazu lyamulonga wa Jodani, aatala ayooyo ngwakalungulula, laanga, uliiku bbabbatizya mpawo boonde balikwiinka kulinguwe.” ²⁷ Joni wakasidiula, “Muntu takonzi kutambula chintu na chapegewa kulinguwe kuzwa kujulu. ²⁸ Iwe lwako omwini ulanza kupa bukamboni bwacheecho nchindakaamba, pesi kuti takatumwa kunembo lyakwe. ²⁹ Mulumi ngwaasibwinga. Lino muzolwani wasibwinga, ooyo uyiimikila akuswiilila nguwe, ulabotelwa kapati nkkambo kajwi lyasibwinga. Eechi lino, ndoOlukondo Iwangu ngalwazulila. ³⁰ Weelela kuti kusumpulwa mebo ndifwiinsigwe. ³¹ Ooyo uzwa kujulu ulaajulu azyoonse. Ooyo uzwa aansi uzwa aansi mpawo wambuula aatala aansi. Ooyo uzwa kujulu uli aajulu azyoonse. ³² Ulungululua aatala aceecho nchakabona anchakamvwaa, pesi taakwe uzumina bukamboni bwakwe. ³³ Ooyo utambula bukamboni wazuminina kuti Leza nkasimpe. ³⁴ Ooyo Leza ngwatuma wambuula majwi aa Leza. Pesi tapi mweelo wamuuya. ³⁵ Taata uyanda Mwana mpawo wakamupa zyoonse zintu mumaboko aakwe. ³⁶ Ooyo usyoma ku Mwana uli aabuumi butamani, pesi ooyo ukaka Mwana takwe kuyobona buumi, pesi bukali bwa Leza bulakkala aalinguwe.”

4

¹ Awo Jesu nakaziba kuti ba Falisi bakamvwa kuti wakalikuba abasikwiya biingi mbakali kubbabaatizya kwinda Joni ² (nekuba kuti welwakwe mwini tensi wakali kubbabbatizya pe, pesi basikwiya bakwe mbabo bakali kubbabbatizya), ³ wakazwa mu Judiya wabweda lubo ku Galilaya. ⁴ Pesi chakalelede kuti ayinde mu Samaliya. ⁵ Elyo wakasika mumunzi wamu Samaliya utegwa Sychal awififwi achipanzi chanyika eyo Jakobo njakali wapa mwanakwe Josefa. ⁶ Chikala cha Jakobo chakaliwo. Jesu wakali wakatala kuzwa mulwendo lwakwe mpawo wakakkala kumbali achikala. Lyakali sikati. ⁷ Umwi mukayintu mu Samaliya wakazi kuzoteka manzi, elyo Jesu wakati kulinguwe, “Ndipe manzi nwe”. ⁸ Nkambo basikwiya bakwe bakali banjila mumunzi kuyowula kulya. ⁹ Mpawo mukayintu mu Samaliya wakamwambila kuti, “Chikonzeka buti, kuti webo nomu Juda undikumbile chakunywa imebo ndemukayintu mu Samaliya”. nkambo ma Juda tabakwe bulidilano pe ama Samaliya. ¹⁰ Jesu wakasandula wati, “anoli walizi chipo cha Leza, akuti ngwanzi ukukumbila manzi, wayinokumbila nduwe, nkekupa manzi mawumi”. ¹¹ Mukayintu, wakati kulinguwe, “Yomvalumi, tokwe chakutesya pe mpawo chikala nhilamfu. Ani mpo ulaajanayi ayo manzi abuumi? ¹² Tooli mupati, mbubo na, kwinda taata Jakobo, wakatupa chikala akunwa kuli nchicho lwakwe mwini, abana bakwe ambono zyabo? ¹³ Jesu wakasandula wati kulinguwe, “woonse unywa manzi amuchikala echii uyoba anyota lubo. Kufumbwa unywa manzi nginjomupa takoyoba a nyota limbi. ¹⁴ Pesi, manzi ngesikamupe ayoba kasensa kamanzi mulinguwe, kakunka mane kukabekutamani”. ¹⁵ Mukayintu wakati kulinguwe, “Mwami, ndipe

manzi ayo kuchitilakuti nsikabi anyota akuti nsizoboli lubo kuzoteka manzi awa.”¹⁶ Jesu wakati kulinguwe, “koya, ukite mulumako, mpawo ubolano”¹⁷ Mukayintu wakati kulinguwe, “nsikwe mulumi pe”. Jesu wakati, “waamba kasimpe kuti nsijisi mulumi pe”.¹⁸ Nkambo wakala baalumi musanu, ooyo ngolawe lino temulumako pe. Nzawwamba zilisinizizye.”¹⁹ Mukayintu wakati kulinguwe, “mwami ndabona kuti ulimusinsimi”.²⁰ Mataata esu bakali kukomba muchilundu echi pesi muti Jelusalema mbobusena bantu nkubelede kukombela.”²¹ Jesu wakati kuli nguwe, “yomukayintu ndisyome, chindi chilasika awo nemutakakombe Taata kutali muchilundu echi nabi mu Jelusalemu.²² Mukomba nchomutazi. Swebo tukomba nchetuzi, nkambo lufutuko luzwa kuba Juda.²³ Nekubaboochindi chilasika, nchenchichechi, awo bakomba mukasimpe mpobayomukomba Taata mumuya amubwini, nkambo Taata mbembabo bantu mbayandula kuti babe basikumukomba.²⁴ Leza ngumuya, aboobo bantu bamukomba belede kumukomba mumuya amubwini”.²⁵ Mukayintu wakamwambila kuti, “ndilizi kuti Mesiya uyobuza (ooyo utegwa Kilisito)”. Nazosika uzotupandulwida zyonse.²⁶ Jesu wakamwambila kuti, “ndendime nguwe oyu uwambula ayebo”.²⁷ Aleecho chindi basikwiya bakwe bakaboola. Elyo bakagamba kuti nkamboyi nambula amukayintu, pesi taakwe wakamba kuti, “uyandai?” na kuti “Nkamboyi nambula awe?”²⁸ Awo mukayintu ooyu wakasiya noongo yakwe yamanzi, wabweda kumunzi, wakwambila bantu,²⁹ “kamuza, muzobone mwalamu wandambilazintu zyonse nzendakachita. Oyu tekujana waba Kilisito na, nkujana waba nguwe?”³⁰ Bakazwa mumunzi baza kulinguwe.³¹ Achindi nchichecho, basikwiya bakwe bakali kumukombelezya kuti “Rabbi, lya”³² Pesi wakati kulinguwe, “Ime ndakulya nkcomutazi atala ankuko.”³³ Awo basikwiya bakakazyania akati kaboo, “Takwe muntu wamwetela kulya pe, mpali na?”³⁴ Jesu wakati kulimbabo, “kulya kwangu nkuchita luyando Iwayoyo wakandituma akumaninsizya mulimu wakwe.³⁵ Sa tamwambi kuti, ‘kuchili myezi yoone nekutakabe goloka’? Ndokumwambila kuti, amunyampule meso anu mulange myunda, nkambo yabizwa kale yeleta kutebulwa!”³⁶ Oyo utebulwa utambula chakufola akubungika michelo yabumi butamani, kuchitila kuti oyo ubyalwa ayooyo utebulwa bakakondwe antomwe.³⁷ Mulichechi kalasinizya kambyo kat, “umwi ulabyala utebulwa ngumbi”.³⁸ Ndakamutuma kuyotebula ncemewakata lima. Bamwi bakalima, inywe mwakanjila mumilimu yabo.³⁹ Bantu biingi bamu Samaliya bamumunzi oyu bakamusyoma nkambo ka mbakalungulula mukayintu wakali kupa bukamboni, “wandambilazyonse nzendakachita”.⁴⁰ Bantu bamu Samaliya nibakasika kulinguwe, bakamu kumbila kuti akkale aboo, wakkala mumunzi oyu kwamazuba aabil.⁴¹ Kwakaba bambi biingibakamusyoma nkambo kajwi lyakwe.⁴² Bakati kumukayintu ooyu, “Tatuchisyomi nkambo kanzwawamba pe, pesi nkambo swoebu tobeni twalimwida, mpawo twaziba kuti nsonzyo oyu mufutuli wanyika”⁴³ Nakuinda mazuba aya obile oko waya ku Galilaya.⁴⁴ Nkambo Jesu lwakwe mwini wakamba kuti musinsimi takwe bulemu muchisi mwazwa.⁴⁵ Nakasika mu Galilaya, bantu bamu Galilaya bakamutambula. Bakali bazibona zyonse nzyakali wachita mu Jelusalemu chindi chapobwe, nkambo abalabo bakaliko kupobwe⁴⁶ Alimwi wakaboola lubo ku Kenani mu Galilaya, oko nkwa sandula manzi kuba wayini. Elyo kwakali umwi sichuno ulemekwa wakala mwana wakali kuchiswa mu Kapenawume.⁴⁷ Nakamvwa kuti Jesu wasika mu Galilaya kuzwa mu Judiya, wakaya kuli Jesu akumukumbila kuti aakaponie mwana wakwe, wakali wamba kufwa.⁴⁸ Jesu mpawo wakati kuli kulinguwe, “Ado mubone zitondezyo azigambyo, tamukosyoma”.⁴⁹ Ooyu sichuno wakamwambila kuti, “Mwami, boola natana fwa mwanangu”.⁵⁰ Jesu wakati kuli nguwe, “kooy. Mwanako ulapona”. Ooyu mwalumi wakasyoma majwi Jesu ngakamba kulinguwe, mpawo wakenda.⁵¹ Nakachili kuyobwenda wakaswanana aabalandabakwe, bakamwambila kuti, mwanakwe muponi.⁵² Elyo wakababuza chindi mwanakwe nakatalika kumywa kaboto. Bakamwambila kuti, “jilo sikati nakapona”⁵³ Mpawo wisi wakayibalukwa kuti nchechindi awo Jesu, “Mwana wako wapona.” Elyo we lwakwe mwini abanganda yakwe bakasyoma.⁵⁴ Echi chakaba chitondezyo chabili echo Jesu nchakachita nakazwa mu Judiya kaya mu Galilay.

5

- Nikwakamana aya kwakaba pobwe lya majuda, alakwe Jesu wakayinka ku Jelusalema.
- Elyo muJelusalema afwifwi amulyango wambelele kwakali kalambw, kitwa kuti muchi Alamayiki Betesida, kwakayakidwe nganda ilamanda alimusunu.
- Ibantu bingi bakali kuchiswa, boofu, bateendi, abalebukide bakalikulinda mpawawo.
- Nkambo mungelo wakali kuseluka akukopa manzi mulizimwi zyindi elyo kufumbwa walikunjila imanzi nkachikopegwa wakali kupona kuzwa kubulwazi fumbwa mbwali

kuchiswa.⁵ Awo kwakali umwi mwalumi wakali kuchiswa kwaminyaka ilimakkumi otatwe amusanu aiyitatu. Awo Jesu nakamubona nkaleded⁶ mpawaw, nkali waziba kuti waliwawo kwachindi chilamfu. Wakati kulinguwe, "ulayanda na kuponesegwa?"⁷ Mulwazi wakati, "Mwami, nsikwe muntu wakundinjizya mudambwa awo manzi na kopanisigwa, awo nenti njile, umwi anga wandindila kunjila."⁸ Jesu wakamwambila kuti, "Nyampuka, bweza buulo bwako, uyende."⁹ Mpawawo oyu mwalumi wakapona, mpawawo wakabweza buulo bwako elyo wakenda. Yino obo buzuba bwakali kutegwabata.¹⁰ Aboobo bamajuda bakamwambila kuti oyu mwalumi wakaponesegwa, "Sunu niSabata tozumizigwi pe kubweza buulo bwako."¹¹ Wakati, "Oyo wandiponia wati kulindime, 'bweza buulo bwako wende."¹² Bakamubuzya kuti, 'ngwani mwalumi oyu mwalumi wakubuzya kuti, bweza buulo bwako uyende?'¹³ Nekuliboo, iwakasilikwa takamwizi pe kuti ngwani nkambo Jesu wakazwebeleka wanjila mabantu, mukuti kwakali bantu bingi abusena oobu.¹⁴ Kuzawo, Jesu wakamujana mutempele wamwambila kuti "boona, waponia! Utakabisyi limbi, kuchitila kuti zibi kwinda awa zitakuchitikili."¹⁵ Imwalumi oyu wakazwa waya kuyobuzya majuda kuti ngujesu wamuponia.¹⁶ Ino nkambo kazezi zintu majuda bakapenzegwa Jesu, mukuti wakachita zintu ezi muzuba litegwa Sabata.¹⁷ Jesu wakati kulimbabo, "Taata ulokubeleka ayin, aboobo ambebo, ndookubeleka."¹⁸ Nkambo kazezi, majuda bakayindilila kuyanda kumujaya mukuti takatyola Sabata biyo pe, pesi akuti lubo wakita Leza nkati nguwisi mwini, kulyelanisya aLeza.¹⁹ Jesu wakabasandula, "Nchobeni, imwana takonzyi kuchita chintu mwini, ado biyo zyabona Taata nkachita, nkambo kufumbwa Taata nchalokuchita, Imwana uchita munzila njijo.²⁰ Nkambo Taata ulamuyanda Mwana aboobo ulamutondezya zyonse nzyachita mwini, akumutondezya zintu zipati kwinda ezi kuti mugambe.²¹ Mbubo Taata mbabusya bafwide akubapa buumi, aboobo alakwe Mwana ulapa buumi kuli kufumbwa ngwasal.²² Nkaambo Taata takwe ngwabeteka, pesi wakapa lubeta loonse kuMwami.²³ Kuchitila kuti bantu boonse bakalemyi Mwana mbuli mbobalemya Taata. Oyo utalemyi Mwana talemyi Taata wakamutuma.²⁴ Nchobeni, nchobeni, Oyo umvwa ijwi lyangu akumusyoma wakandituma ulabuumi butamani mpawo tayopegwa mulandu, pesi winda kuzwa kulufu kuya kubuumi.²⁵ Nchobeni, nchobeni, ndamwambila chindi chiyobuza, ayino nchenchichechino, awo bafwide mpobayomvwa ijwi lyamwana Leza, abaabo bamvwa bayo pona.²⁶ Nkaambo mbuli Taata mbala buumi mulinguwe mbubo mbapede Mwana kuti abe abuumi muli nguw,²⁷ Mpawo Taata wakapa mwana bwendelezi bwakubeteka nkambo mwana wa muntu.²⁸ Mutagambi aatala azez, nkaambo kulichindi chiyobuza mulinchichio woonse muntu ulimuchumbwe mpayo limvwa ijwi lyakwe²⁹ Mpawo bayozwa aboobo bakachita kabotu kububuke bwamwami aabobo bakachita bubi kububuke bwalubeta.³⁰ Nsikonzyi kuchita chintu lwangu. Mbuli mbomvwa ndabefeka, mpawo kubeteka kwangu kuliluleme nkaambo nsiyobuyandula luyando lwangu pesi luyando lyayoyo wakanditum.³¹ Ikuti ndalipeda bukamboni lwangu ndemwin, bukamboni bwangu tabunosinizy pe.³² Kuli umwi upeda bukamboni atala andime mpawo ndizizi kuti bukamboni mbwapa atala anduwe bulisinizizye.³³ Mwakatumua bantu kuli joni mpawo wakapa bukamboni businizizye.³⁴ Pesi bukamboni mbotambula tabuzwi kumuntu. Ngwamba zintu ezi kuti mukonzye kufutulwa.³⁵ Joni wakali lampi lyakali kuyaka akumunik, mpawo mwakanda kukondwa mumumuni wakwe kwakindi.³⁶ Pesi ibukamboni mbondabo mbupati kwinda bwa Jon, nkaambo imilimi eyo³⁷ Taata njandipa kuti njimanisizy, njijo milimo njechit, indipede bukamboni kuli Taata wakandituma. Taata wakandituma lwakwe mwini wakandipedu bukambon.³⁸ Tamuna kumumvwida jwi nanka kumubona chimo chakwe naba achili chind. Tamukwe ijwi likkalilide pe mulindinyw, nkaambo tamulikusyoma pe muliyooyo ngwakatum.³⁹ Mulayandula magwalo nkaambo moyeye kuti muli ngawo mulibuumi butaman, mpawo ngayaya magwalo apeda bukamboni aatala andime.⁴⁰ Inywe tamukwe chiyandisyu chakuza kulindime kuti mukonzye kuba abuumi.⁴¹ Nsitambuli mulema buzwa kumuntu,⁴², pesi ndilizi kuti tamukwe luyando lwa Leza pe mulindinywe.⁴³ Ndasika muzina lya Taat, inywe inywe tamunditambuli pe. Ikuti umwi wasika muzina lyakw, mulakonzya kumutambul.⁴⁴ Mbobuli mbomunga mulasyom, inywe nomutambula bulemu kuzwa kilibamwi banu pesi tamuyandulu bulemu buzwa kuli Leza alike?⁴⁵ Mutayeyi kuti lwangu ndemwinji njomupa mulanda kunembo lya Taata. Uyomupa mulanda ngu Musa, mulinguwe mumwakabikide bulangizi.⁴⁶ Ikuti mwakamusyoma Mus, mwayinondisyoma ambeb, nkambo wakalemba atala ambebo.⁴⁷ Ikuti kamutasyomi malembe akw, mbobuli mbomuyosyoma majwi angu?"

6

¹ Nikwakayinda zintu ezi, Jesu wakayinka bubambene alwizi lwaku Galili, lwambwa kuti lwizi Tebeliyasi. ² Inkamu mpatti yakamutobela nkaambo bakabona zitondezyo zyakali kuchita kuli bakachisidwe. ³ (Jesu wakaya kuchilundu oko wakaakkala ansi abasikwiya bakwe. ⁴ Lino Pasika, pobwe lyaba Juda, lyakali aafwifwi.) ⁵ Elyo Jesu wakalanga kujulu wakabona makamu makamu aleza kuli nguwe, wakaamba kuti kuuli Filipo,” nkuukuuli nkutunga tulawula chinkwa kuti balye aaba?.” ⁶ (Pesi Jesu wakaamba ezi kuti asunke Filipo, wee wakalizi kuti niinzi nzyatachite.) ⁷ Filipo wakamusandula, “myaanda yobile yampondo tiikokwana pe kuti umwi awumwi ajane nikati kucheya.” ⁸ Umwi wabasikwiya, Andileya mukulana wa Simoni Pita, wakaamba kuti kuli Jesu, ⁹ kuli kalombe okiya kalaazinkwa zili musanu zinkwa zyabbali atuswi tubili, pesi niinzi ezi akati kabiingi?” ¹⁰ Jesu wakati,” chita kuti bantu bakkale aansi, bakali mweelwe wazyuulu zili musanu. ¹¹ Mpawo Jesu wakabweza zinkwa alimwi naakamana kupa kulumba wakapa abo bakakkede ansi. Wakachita bukozyeniye akunswi, kazili zyiingi mbuuli mbubakayandide. ¹² Bantu nibakakkuta, wakati kuli basikwiya bakwe,” amubunganiye bufwefwelenga bwachaala, mpawo kaatakwe buta bulike pe.” ¹³ Mpawo bakabunganiya bufwefwelenga bazuzya nsuwo zili kkumi azibili kuzwa bufwefwelenga bwazinkwa zili musanu zyabbali twachaala nibali kulya. ¹⁴ Mpawo, bantu nibakabona ezi zitondeezyo nzyaakachita, bakati, “Akakasimpe kuti musinsimi usikide munyika.” ¹⁵ Jesu naakaziba kuti baamba kusika kukumujata changuzu akumuchita mwami, wakabweeda kuchilundu alikke. ¹⁶ Nilyakaba mansiku, basikwiya bakwe bakaya munsi aalwizi. ¹⁷ Bakanjila mubwaato, bakaya bweenda atala alwizi lwaku Kkapenawumi. kwakali kwasikila kuli cheecho chiindi, alimwi Jesu takayinaasika pe kulimbabo. ¹⁸ Iguwo lili anguzu lyakabawuma, elyo lwizi lwaka yuuntana. ¹⁹ Nibakakwasula mamayela asikabe makkumi abili amusanu naa makkumi atatu amamayeli bakabona Jesu Jesu uleenda atala alwizi alimwi kazabuza kubwaato, eelyo bakayoow. ²⁰ Pesi wakaamba kuti kuli mbabo, “Ndime! mutayoow.” ²¹ Mpawo bakayandisyu kumutambula mubwaat, aboobo bwaato bwakafwambana kuyosika anyika nkubakali kuya. ²² Izuba litobelu, inkamu yakayimvwi mumbali aalwizi yakabona kuti takuchikwe bwaato kunze kwabumwi, Jesu mbwatanjila basikwiya bakwe pesi basikwiya bakwe bakayinka abalikke. ²³ Nikuba boobo, kwakali aamwi maato akazwa kuli Tibbeliyasi kubambene abusena nkubakali kuula zinkwa naakamana kupa kulumba mwaami. ²⁴ Nkamu niyakaziba kuti naa Jesu naa basikwiya bakwe bakaliwo, abalabo bakanjila mubwaato elyo bakaya ku kkapenawume kuya bulanguula Jesu. ²⁵ Nibakamujana kubbazu limwi lya lwizi bakaamba kuti kuli nguwe,” Muiisi, wakasika lili okuno?” ²⁶ Jesu wakabasandula, wati,” kasimpe, mulandilanguula, kutali kuti mwaba zitondeezyo pe, pesi nkaambo kakuti mwakalya zinkwa akukkuta zinkwa alimwi mwaka kkuta. ²⁷ Mutabelekelu kulya kumana, pesi mubelekele kulya kutola kubuumi butamani buumi Mwana a Muntu mbwayomupa, aboobo Leza Taata uyodinda chidindo chakwe alimbabo. ²⁸ Mpawo bakaamba kuti kulinguwe,” nchinyamaanzi nchitweede kuchit, kuchitila kuti tuchite mulimu wa Leza?” ²⁹ Jesu wakasandula akwaamba kuti kuli mbabo,” Oyu ngumulimu wa Leza: kuti musyome oyo ngwakatuma.” ³⁰ Mpawo bakaamba kuti kuli nguwe,” Nchichili chitondeezyo nchutachite, kuchitila kuti tubone akusyoma? Ulachita buyeni? ³¹ BamaTaata bakalya mana munkanda, mbuuli mbukulembedwe, ‘wakapa zinkwa kuzwa kujulu kuti balye. ³² Mpawo Jesu wakabasandula wat, “nkasimpe, nkasimpe, tali Mozesi pe wakamupa zinkwa kuzwa kujulu, pesi ngu Taata uumupa zinkwa zinkwa chini chini chizwa kujulu. ³³ Aboobo chibunge cha Leza nheecho chisika aansi kuzwa kujulu akupa buumi kunyika.” ³⁴ Mpawo bakamwaambilila kuti,” Mwaalumi, kotupa chinkwa echii lyoonse. ³⁵ Jesu wakabambilila kuti, “ndime chinkwa chabuumi; oyo uuza kulindime tachiyobi anzala limbi, ayooyo uusyoma mulindime takoyobaa anyota limbi. ³⁶ Pesi ndamwaambilila obu kuti mulindibweme, alimwi tamusyom. ³⁷ Boonse mbaandipa Taata balasika kuli ndime abo baza kulindime, tandibasweeli aanzepe. ³⁸ Ndakasika aansi kuzwa kujuli, pe kuchita luyando lwangu, pesi kuyanda kwayooyo wakandituma. ³⁹ Oku nkuyanda kwayooyo wakandituma, kuti nditasweekelwi omwe aabo mbakandipa, pesi ndiyoobabusya kubuzuba bwamamanino. ⁴⁰ Eno olu ndoluyando lwa Taata, ikuti umwi awumwi uubona Mwana akusyoma mulinguwe uyooba abumi butamanini alimwi ndiyomubusya mubuzuba bwamamanino. ⁴¹ Mpawa ba Juda bakatongawuka aatala anguve nkambo wakamba kuti,” ndichinkwa chakazwa kujulu.” ⁴² Bakaamba kuti,” saa tali ooyu Jesu mwana wa Jozefu, wisi abanyina mbituzi, mpaali mpaambila obo, ‘ Ndaza aansi kuzwa kujulu?’” ⁴³ Jesu wakasandundulu akubaambilila kuti,” amuleke kutongawuka akati kanu ⁴⁴ tawope naba omwe uuza kulindime anukuti

Taata wakandituma wamweeta, aboobo ndomubusya mubuzuba bwama maninino.⁴⁵ Kuli lembedwe mubasinsimi," ikuti boonse balooysisigwa a Leza. Umwi awumwi wakamvwa akwiyya kuli Taata ulaza kulindime.⁴⁶ Taakwe wakabona Taata kunze kwayooyo wakazwa kwa Leza wakabona Taata.⁴⁷ Nkasimpe, nkasisimpe, ooyo usyoma ulaabumi butamani.⁴⁸ Ndichinkwa chabuumi.⁴⁹ Bamawuso bakalya mana munkanda, aboobo bakafwa.⁵⁰ Echi chinkwa chizwa kujulu, lino kuti muntu wachilya tafwi.⁵¹ Ndichinkwa chabuumi chakaza aansi kuzwa kujulu. Kuti naa umwi wachilya chinkwa eechi, uyoopona lyoonse. Chinkwa nchipa ngomibili wangu bube buumi bwanyika."⁵² Bajuda bakanyema akati kabo akukazyania kabaamba kuti," anga mwaalumi oyu ulatupa buti mubili wakwe kuti tulye?"⁵³ Mpawo Jesu wakabaambilka kuti," Nkasimpe, nkasisimpe, kuti tewalya mubili wa Mwanaamuntu akunywa bulowa bwake, tamukoyooobaaabumi pe.⁵⁴ Kufumbwa uulya mubili wangu akunywa bulowa bwang uyoobaaabumi butamani alimwi ndiyomibusya kubuzuba bwamamanino.⁵⁵ Nkaabo mubili wangu nkulya kwini abulabo bulowa bwachakunywa chinichin.⁵⁶ Umwi awumwi uulya mubili wangu akunywa bulowa bwang ulakkalilila mulindim, ambebo mulinguwe.⁵⁷ Mbuli Taata mbwakandituma, ambuuli mbupona nkaambo ka Taata, aboobo uundilya me, uyoopona nkambo kandime.⁵⁸ Echi nchinkwa chakaseluka aansi kuzwa kujulu, chitali eecho bamaTaata nchibakalya akufwa. Uulya chinkwa eechi uyoopona lyoonse."⁵⁹ Pesi Jesu wakaamba zintu eezi muchikombelo naakachili kuyiisya mu Kkabenamu.⁶⁰ Mpawo biangi basikwiyya bakwe bakamvwa bakati," okukwaamba nkuyumu; ngwani uukonzya kukumvwisya?"⁶¹ Jesu, nkaambo wakalizi lwakwe kuti basikwiyya bakwe kuti balokutongawuka azazi, wakabaambila kuti," zyamakataaza ya na?⁶² Mpawo muyochita buti mwaakubona Mwana a Muntu wayinka oko nkvakabede saansi?⁶³ myua uuchita buponi; inyama tiikwe mpindupe. Majwi ngindakamwaambilka ngamuuya, alimwi alapona.⁶⁴ Nikuba oobo mpubali bamwi banu batasyomi," nkaambo Jesu wakalizi kumatalikilo bamwi bakatali kusyoma alimwi bakali basikumwaaba.⁶⁵ Wakaamba kuti," nkaambo kazezi nchindaamba kuti taakwe naba omwe uukonzya kusika kuli ndime kuti tapegwa aa Taata."⁶⁶ Nkaambo kazeeli, basikwiyya bakwe biangi bakamwayika alimwi taakwe nibakachilikweenda awe.⁶⁷ Mpawo jesu wakaambilka bali kkumi ababili," tamundi na kwinka anywebo, mulayandana?"⁶⁸ 'Simoni Pita wakasandula kuti," mwaami, tulaya kuliini? uuli amajwi aabumi butamani,⁶⁹ alimwi twakasyoma akuziba kuti nduwe uusalala wa Leza."⁷⁰ Jesu wakabaambila kuti," teeni ndakamusalan, balikkumi ababili, akati kanu umwi ngu satani?"⁷¹ lino wakali kwamba Judasi mwana wa Simoni Isikkaliyoti, wakalinguwe, omwe akati kabali kkumi ababili, uutamwabe Jesu.

7

¹ Nikwakamana zintu ezi Jesu wakayinka ku Galili, nkambo talikuyanda kwinka ku Judiya nkambo ba Juda balikumulangula kuti bamujaye.² Lino ipobwe lyaba Juda lyamadumba lyakali afwifwi.³ Bakulana bakwe bakati kuli nguwe, "zwa busena obu uyeku Judiya, kuchitila kuti basikwiya bakwe babone milimu njabeleka.⁴ Takwe chelede kuchitwa mukusisikizya kuti kayanda kuzibinkana antanganana. Kuti mwachita zintu ezi, litondezye kuniyika.⁵ Nkambo abalabo bakulana bakwe tebakali kumusyoma.⁶ Jesu wakabambilka kuti, "Chindi changu tachinasikape, pesi chindi chanu mpuchili kale.⁷ Inyika timuswilide pe nywebo, pesi mebo ilindiswilide nkambo ndamba kuti milimu yaayo mibi.⁸ Kamuya mupobwe; mebo tandikoyinka pe kupobwe nkambo chiindi changu tachina zuzikizigwa pe."⁹ Nakamana kwamab zintu ezi kulimbabo, wakakkala mu Galili.¹⁰ bakulana bakwe bakiinka kupobwe, alakwe wakinka, kutali kwantanganana pe pesi mukusisikizya.¹¹ Ba Juda bakali kumulangula kupobwe balambala kuti, "Ulikuli?"¹² Kwakali mizeeo myiingi akati kankamu yabantu atala anguwe. Bamwi bakati, "Mwalumi mubotu." Bamwi bakati, "pe, ulokusowa makamu abantu."¹³ Katakwae wakambula antanganana atala anguwe bakali kuyowa ba Juda.¹⁴ Ipobwe nilyakaba akati kuti limane, Jesu wakanjila muntempele akutalisya kuyisyia.¹⁵ Mpawo ma Juda bakagamba, batii, "Nkamboyi nazi kwindilila? Takwe anakaiide pe."¹⁶ Jesu wakabasandula kuti, "kuiyisa kwangu takuli kwangu, pesi nkukwayoyo wakandituma.¹⁷ Kuti umwi wachita kuyanda kwakwe, ulaziba njisyo eyii, kuti nansya yazwa kuli Lez, akuti na ndalyambwida lwangu. Ulyambwida lwangu.¹⁸ Ulyambwida lwakwe ulilangwida bulemu bwakwe mwini, pesi oyo ulangula bulemu bwayoyo wakamutuma, oyo muntu wakasimpe; alimwi takwe bululami mulinguwe.¹⁹ Mozesi takamupede mulawu na? Katakwae naba omwe wakubaamba. Niinzi nimulokulangula kuti mundijaye?"²⁰ Inkamu yakasandula, "Uli aadimon. Ngwani ulokulangula kuti akujaye?"²¹ Jesu wakasandula kuti kulimbabo, "Ndakachita mulimo omwe, alimwi

moonse mwakagamba nkambo kanguwo.²² Mozesi wakamupa kupalulwa (pe kuzwa kuli Mozesi, pesi kuzwa kuli basikale) alimwi mubuzuba butegwa Sabata mwakapalula baluumi.²³ Kuti na muntu watambula kupalulwa mubuzuba bwesabata nkukuti mulawu wa Mozesi tewakatyolwa pe, Nkambo nzimwandinyemena me akambo kakuti ndachita kuti muntu amaninine kupona kubuzuba bwesabata.”²⁴ Mutabeteki achimo, pesi amubetekе chakululama.”²⁵ Bamwi babo bazwa ku Jelusalema bakamba, “teensi yooyu na ngubali kulangula kuti bamujaye?”²⁶ Amubone wamba antanganana, alimwi nchibamba anguwe. Tachikooba obo pe kuti bendelezi kuti oyu ngu Kkilisitu, tensi mbubo pe?²⁷ Iswetuli oyu nkwarzwa. Pesi Kkilisitu asik, takwe naba omwe uzoziba nkwarzwa.”²⁸ Mpawo Jesu wakoompolola mutempele, kalookuyisa akwamba kuti, “moonse mulindizi ankundakazwa mulikwizi. Tendakalizidilide Iwangu, pesi wakandituma ulakasimpe, alimwi tamumwizi pe.”²⁹ Ndimwizi me nkambo ndakazwa kulinguwe alimwi wakandituma.”³⁰ Bakali kwezya kumwanga, pesi takwe wakabika luboko alinguwe nkambo chindi chakwe techakalina sika pe.³¹ Pesi bayingi munkamu bakasyoma mulinguwe, alimwi bakamba kuti, Kkilisitu nasika, uzochita zitondezyo zyingi na kwinda nzyachita oyu?”³² Ba Falisi bakamvwa kabalo kuvviya vviya zintu ezi atala a Jesu, alimwi bapati babapayizi aba Falisi bakatuma bamapulisa kuti hamusunge.³³ Jesu wakamba kuti, “ndichili andinywe, kuchindi chinini, alimwi ndizoyinka kuliyyo wakandituma.”³⁴ Muyondiyandawula pesi tamukoyondijana pe mebo oko nkwenja, Tamukonzyipe pe kusika.”³⁵ Abo ba Juda bakabuzyania akati kabo, “Nkukuli nkwaya mwalumi oyo nkotutakonzyi kuyomujana? Sena ulayinku kuli bamwayikide akati kaba Giliki akuyoyiisa baGiliki? ³⁶ Katyeni kambo aka nkaamba kakuti muyondiyandawula, pesi tamukoyondijana pe. Oko nkwenja, tamukonzyi kukusika?”³⁷ Lino mubuzuba bwakumaninsya, izuba pati lyepobwe, Jesu wakanyampuka akompolola, kati, “Na umwi wafwa inyota, abole kulindime anywe.”³⁸ Umwi awumwi usyoma mulindime, mbuli melembemba wambawamba, milonga yamanzi mawumi iyoyenda mwida lyakwe.”³⁹ Pesi wakamba ezi mumuuya, kilibabo basyoma mulinguwe bayotambula, Muuya tewakayinapegwa pe nkambo Jesu talina lemesegwa pe.⁴⁰ Bamwi benkamu, nibakamvwa ayamajwi, bakamba kuti, “Inchobeni oyu musinsimi.”⁴¹ Bamwi bakati, “oyu ngu Kkilisitu.” Pesi bamwi bakati Kkilisitu inga ulazwa mu Galili?⁴² Malembe sa tawambi kuti Kkilisitu ulazwa kulunyungu lwa Davidi alimwi kuzwa ku Betelehema, kumunzi Davida nkvakali kuzwa?”⁴³ Aboobo kwakaba kwaanzana akati kankamu nkambo kanguwe.⁴⁴ Bamwi bakayandise kumwaanga, pesi takwe wakabikka manza alinguwe.⁴⁵ Mpawo bamapulisa bakabola kubapati babapayizi aba Falisi, bakati kulimbabo “kwabanzi nimwatamatweta?”⁴⁶ Bamapulisa bakasandula kuti, “Takwe naba omwe wakali wambula abo.”⁴⁷ Aboobo ba Falisi bakasandula, andinywe mwenwa na?⁴⁸ Kulumwi na akati kabendelezi wasyoma mulinguwe, nikuba kuba Falisi?⁴⁹ Pesi eyi inkamu intaanzi mulawu, ultukidwe.”⁵⁰ Nikkodimasi (umwi wabaFalisi wakasika akufwambana) wakati kulimbabo.⁵¹ Mulawu wesu ulabeteka na muntu katutanaswilila na kulinguwe akuziba nzyachita?”⁵² Bakamusandula batu kulinguwe, “ayebo uzwa ku Galili na? Langula ubone kuti takwe musinsimi uwzaku Galili.”⁵³ Mpawo umwi awumwi wakaya kung'anda yakwe.

8

¹ Jesu wakaya kuchilundu cha Oliva. ² Chifumofumo wakaya ku tempele lubo, eelyo bantu boonse bakasika; wakakkala aansi akubaiyiisa. ³ Balembi bamulawu abaFalisi bakeeta mukayintu wakajatwa nkakookuchita bumambe. Bakamubika aakati. ⁴ Mpawo bakati kulinguwe, “Muyiisi, ooyu mwanakaziwajatwa kalikuchita bumambe. ⁵ Lino mumulawu, Mozesi wakatulayilila kuti bantu baliboobu tubatulule mabwe; iwe utenyi aatala anguwe?”⁶ Bakaamba eezi kuchitila kuti bamupe mulandu anzizyo, pesi Jesu wakakotama walemba aansi amunwe wakwe. ⁷ Nibakiinkilila aanembo akumubuzuya mibuzyo, wakanyampuka akubaambilila kuti, “Ooyo utakwe chibi aakati kenu, ngabe mutanzi kutulula mwanakazi ooyu ibbwae.”⁸ Wakakotama aansi lubo, akulemba aanyika amunwe wakwe. ⁹ Nibakamvwa eezi bakeenda umwi awumwi, kutalika aamupati. Kumamanino Jesu wakasyala aalike, nkali aamwanakazi ngubakabikide aakati. ¹⁰ Jesu wakanyampuka akumwaambilila kuti, “Yoo mwanakazi, mbali basikukupa mulandu? Takwe muntu wajana mulandu na mulinduwe?”¹¹ Wakati, “Takwe, nikuba womwe Mwaami.” Jesu wakati, “Ambebo nsikupi mulandu. Koya alimwi utakabisyilimbi.”¹² Alimwi Jesu wakaambuula aabo nkati, “Ndili mumuni wanyika; ooyo unditobela takoyoyenda mumudima pesi uyooba aamumuni wabuumi.”¹³ Ba Falisi bakati kulinguwe, “Ulipeda bukamboni nomwini, bukamboni bwako tabusinizizye pe.”¹⁴ Jesu wakabasandula akwaamba kuti kulimbabo, “Nekuba kuti ndipa bukamboni bwangu

ndemwini, bukamboni bwangu bulisinizizye. Ndilikwizi nkundakazwa ankwenjobuya.
¹⁵ Mubeteka chanyama; Ime nsibeteki muntu pe. ¹⁶ Nikuba kuti ndabeteke, kubeteka kwangu kulisinizizye nkaambo nsili aandike pe, pesi ndili aaTaata wakandituma. ¹⁷ Iyii, alimwi mumulawu wenu kulilembedwe kuti bukamboni bwabantu babilis bulisinizizye.
¹⁸ Ndili ooyo uulungulula bukamboni aatala alwangu, eelyo Taata wakandituma upeda bukamboni aatala andime.” ¹⁹ Bakati kulinguwe, “Ulikuli wuso?” Jesu wakasandula, “Takwe ngomuzi imebo na Taata; kansinga mwalindiz, mwalikunomuziba Taata alakwe.” ²⁰ Aaya majwi wakaamba muchibambalilo nkali kuyiisya mutempe pesi takwe muntu wakamusunga nkaambo chiindi chakwe techakalinaakkwana pe. ²¹ Aawo wakabaambila lubo kuti, “Ndiyobwiinka, muyondiyanduula eelyo moyofwa muzibi zyanu. Ooko nkweya, tamukonzyi kusika pe.” ²² Ba Juda bakati, “Mpo ulalijaya na? Nchenchicho na mpo nchati, ‘Nkweya tamuysika?’” ²³ Jesu wakati kulimbabo, “Muli baansi; Imebo ndiwakujulu. Muli banya eeyi; Mebo nsili wenyika eeyi pe.
²⁴ Akaako ndakamwaambila kuti moyoofwa muzibi zyabo. Ado do mane musyome kuti NDIME, moyoofwa muzibi zyenu.” ²⁵ Bakati kulinguwe, ikuti kuliboobo, “Nduweni?” Jesu wakabaambila kuti, “Nzindamwaambila kuzwa kumatalikilo. ²⁶ Ndili aazintu zyiingi zyakwaamba azyakubeteka aatala andinywe. Nikubaboo, ooyo wakandituma ulisinizizye; mpawo zintu nzyemvwa kuzwa kulinguwe, nzyezintu nzyewamba kunyika.” ²⁷ Tensi bakamvwisisiya pe kuti wakalikwaambula aatala aTaata. ²⁸ Jesu wakati, “Aawo mwayoonyampula Mwana waMuntu, mpempawo mpomuyooziba kuti NDIME, akuti nsichiti chintu alwangu. Mbubo Taata mbwakandiyiisya me, mbubo bewamba zintu eezi. ²⁹ Ooyo wakandituma uli aandime, mpawo tandisiide andike pe, nkaambo ndichita zintu zimukonda chiindi choonse. ³⁰ Nkachaambula zintu eezi Jesu, bantu biangi bakasyoma mulinguwe. ³¹ Jesu wakati kuma Juda ibakali bamusyoma, “Na mwakkalilila mujwi lyangu, moyooba basikwiya bangu basinizizye,
³² alimwi moyoziba kasimpe, eelyo kasimpe kayoomwaangununa.” ³³ Bakamusandula, “Tulizyalane lya Abbulahamu mpawo tatunaaba bazike bamuntu pe; waambilaaloi kuti, ‘Muyowangununwa?’” ³⁴ Jesu wakabandula, “Nchobeni, nchobeni, ndamwaambila kuti, ooyo woонse uchita chibi muzike wachibi. ³⁵ Muzike takkalilili mun’anda kwalyoonse; mwana ulakkalilila chalyoonse. ³⁶ Akaako, na Mwana wakwaangununa, ulaangunuka cha nchobeni. ³⁷ Ndilizizi kuti muli zyalane lya Abbulahamu; moyandula kundijaya nkaambo ijwi lyangu talikwe busena mulindinywe. ³⁸ Ndiwamba nzindakabona kuli Taata, alimwi andinywe muchite nzimwakamvwa kuli wuso wanu.” ³⁹ Bakamusandula alimwi bakati kulinguwe, “Taata wesu ngu Abbulahamu.” Jesu wakati kulimbabo, “Na mwali bana ba Abbulahamu, nimunga muchita milimu ya Abbulahamu. ⁴⁰ Pesi, lino moyanduula kundijaya, muntu wamwaambila kasimpe nkendakamvwa kuli Leza. Abbulahamu takwe nakachita eechi. ⁴¹ Muchita milimu yawuso wenu.” Bakati kulinguwe, “Tetwakazyalilwa mubwamu pe; tuli aaTaata omwe: Leza.” ⁴² Jesu wakabaambila wakati, “Kaansinga Leza ngu Wuso wenu, mwalikunondiyanda, nkaambo ndakazwa kuli Leza mpawo ndili aano; nkaambo nsilizidilide pe ndemwini, pesi wakandituma. ⁴³ Nkaambonzi nimutamvwisisiyi majwi aangu? Kuli ooobu nkaambo tamukonzyi kumvwa majwi aangu. ⁴⁴ Muli bawuso wenu, dyabbulosi, alimwi mukanza kuchita ziyandisyo zyawuso. Wakali mujayi kuzwa kumatangunino mpawo tayiimvwi muchisinizyo nkaambo takwe kusinizya mulinguwe. Aawo nawamba zyakubeja, uwamba kazizwa mubube bwakwe mwini nkaambo mubeji alimwi ngowisi wabubeji. ⁴⁵ Eelyo, nkaambo ndiwamba lusinizyo, tamundisyomi pe. ⁴⁶ Ngwani aakati kenu uundipa mulandu wachibi? Kuti ndaamba lusinizyo, nkambooyi nimutandisyomi? ⁴⁷ Muntu waLeza woонse uaamvwa majwi aa Leza; tamwaamvwi nkaambo tamuli ba Leza.” ⁴⁸ Ba Juda bakamusandula alimwi bakati kulinguwe, “Nchoonzyo tattwaambi kuti uli mu Samaliya na akuti uli aadayimona?” ⁴⁹ Jesu wakasandula, “Nsikwe dayimona pe, pesi ndilemya Taata wangu, alimwi inywe mulanduubawulusya. ⁵⁰ Nsilinguuli bulemu bwangu ndemwini; kuli uumwi uuyandula akubeteka. ⁵¹ Chobeni, nchobeni, ndamwaambila, na umwi wabamba ijwi lyangu, takoyoobona lufu.” ⁵² Ma Juda bakati kulinguwe, “Lino twaziba kuti uli aadayimona. Abbulahamu abasinsimi bakafwa; pesi wamba kuti, ‘Na umwi wabamba ijwi lyangu, takoyoobala lufu.’” ⁵³ Toli mupati pe kwiinda taata Abbulahamu wakafwa, ulimupati na? Basinsimi abalabo bakafwa. Ulichita ani?” ⁵⁴ Jesu wakasandula, “Kuti nkelipa bulemu ndemwini, bulemu bwangu mbwabuyo; ngu Taata undilemya - ooyo ngumuti ngu Leza wanu. ⁵⁵ Tamunaamuziba pe, pesi ndilimwizi. Kuti ndati, ‘Nsimwizi, ndilaba mbuli ndinyw, mubeji. Nikuba boobo, ndimwizi alimwi ndilabamba ijwi lyakwe.
⁵⁶ Wuso wenu Abbulahamu wakabotelwa kubamba izuba lyangu; waklibona alimwi wakabotelwa.” ⁵⁷ BamaJuda bakati kulinguwe, “Tonaakuba aaminyaka ili makkumi

musanu pe, mpawo wakamubona Abbulahamu?”⁵⁸ Jesu wakati kulimbabo, “Nchobeni, nchobeni, ndamwaambila Abbulahamu nkatalanaaba, NDIME.”⁵⁹ Mpawo bakabweza mabwe kuti bamutulule, pesi Jesu wakayuba akuzwa aanze kwe tempele.

9

¹ Lino Jesu nakayinda, wakabona mwalumi moofu kuzwa kubuzyalwe bwakwe. ² Basikwiya bakwe bakamubuzya, “Muyisyi, ngwani wakabisya, ngooyu mwalumi nakuti mbazyali bakwe, kuti azyalwe kali moofu?”³ Jesu wakasandula kuti, “teensi nguwepe wakachita chibi, nikuba bazyali bakwe, pesi kuti milimu ya Leza iyubununwe mulinguwe.”⁴ Tuledele kubeleka milimu ya oyo wakandituma nelichili isikati. Mansiku alasika nikuyochala katachikwe uyobeleka.⁵ Ninchili munyika, ndime mumuni wenyika.”⁶ Nakamaninsya Jesu kwamba ezi zintu, wakaswida anyika, wakakanda bulongo amate, akunanika bulongo kumeso akwe.⁷ Wakamba kuti kulinguwe, “Yinka, ukasambe mukalambwa kaku kaku Silawomi” (kupandalulwa kuti “kutumwa”). Lino mwalumi wakayinka, wakusamba, wakubola wabbwazula.⁸ Mpawo mbakayakilene aabo mwalumi abakamubonwene kali mukumbizi bakalikwamba kuti, “teensi nguwe na mwalumi oyu walimukumbizi?”⁹ Bamwi bakamba kuti, “Nguwe.” bamwi bakati, “pe, pesi ukozyania awe biyo.” Pesi wakati, “Ndime.”¹⁰ Bakamba kuti kulinguwe, “mpawo bakamubuzya kuti ajulika buti meso?”¹¹ Wakasandula, mwalumi utegewa Jesu wakkanda bulongo akubunanika mumeso angu akwamba kuti kulindime, Yinka ku Silawomi ukasamb. Lino ndakayinka akyosamba, alimwi ndakatambula kubona kwangu.¹² Bakati kulinguwe, “Ulikuli?” wakasandula, “Tandizi pe.”¹³ Bakeeta mwalumi wakali moofu kubaFalisi.¹⁴ Eno lyakali zuba lyakwe lyesabata. Jesu mpakakanda bulongo akumujula meno akwe.¹⁵ Aboobo ba Falisi bakamubuzya kuti watambula buti kubona kwako. Wakati kulimbabo, wabika bulongo mumenso angu, ndakakusamba, alimwi lino ndabona.”¹⁶ Bamwi baFalisi bakati oyu mwalumi tazwi kuli Leza nkambo tabambi buzuba bwaSabata.” Bamwi bakati, “Anga wakonya buti mwalumi sizibi kuchita zitondezyo zili boobu?” Lino kwakaba kwanzana akati kabo.¹⁷ Bakamubuzya moofu alimwi kuti, uwamba buti angue, mbwakajula meno aako?” Mwalumi moofu wakati, “Musinsimi.”¹⁸ Nkambo kako baJuda takwepe nibakasyoma kuti nguwalkali moofu alimwi kuti watambula kubona.¹⁹ Bakakubuzya bazyali, “Oyu ngumwana ngumwana wenu na ulokwamba kuti wakazyalwa kali moofu?”²⁰ Lino wabona?” Bazyali bakwe bakasandula, “Tuzi biyo kuti oyu mwana wesu akuti wakazyalwa kali moofu.”²¹ Kuti wazobona buti tatuzipe, akuti ngwani wajula meno akwe, tatuzipe. Amumubuzye, mupati. Ulakonzya kulyambwida Iwakwe.”²² Bazyali bakwe bakaamba ayamakan, nkambo bakali kuyowa ba Juda nkambo ma Juda bakali kuzumina kuti kufumbwa utazumine kuti ngu Kkilisitu, ulatandwa muchikombelo.²³ Nkambo kazezi, nchibakati, “Mupati, ulalyambwida.”²⁴ Lino bakamwita Iwabili mwalumi wakali moofu akuti kuli nguwe, “kupa bulemu kuli Leza. Tulizi kuti oyu mwalumi ngu sizibi.”²⁵ Mpawo mwalumi wakasandula, “Tandizi pe kuti na ngu sizibi. Chintu chimwi nchinzi: Nkuti ndakali moofu, lino ndabona.”²⁶ Mpawo bakaamba kuti kulinguwe, “ninzi nchaachita kulinduwe? Waajula buti meno aako?”²⁷ Wakasandula, “ndamwambila kale, alimwi tamuswilizyi pe! Nkambonzi nimuyanda kumvwa lubo? Tamuyandi pe kuba basikwiya bakwe, mulayandana?”²⁸ Bakamutukila alimwi bakati, “Nduwe sikwiya wakwe, pesi swebo tulibasikwiya ba Mozesi.”²⁹ Tulizi kuti Leza waambula kuli Mozesi, pesi tatwizi kuti ooyu uzwa kuli.”³⁰ Mwalumi wakasandula akuti kulimbabo, “Eechi chilayoosya, kuti tamumuwi nkawazwa, alimwi wajula meno angu.”³¹ Tulizi kuti Leza taswilizyi pe kuli basizibi, pesi umwi kuti walipedu akuchita luyando Iwakwe, ulamuswilizya.³² Kuzwa nyika niyakalengwa takuna mwrigwa pe kuti naba omwe wakajula meno amuntu wakazyalwa kali moofu.³³ Kuti mwalumi oyu katazwi kuli Leza, natakwe anchakonzya kuchita.”³⁴ Bakasandula akwamba kuti kuli nguwe, “Wakazyaligwa muchibi, alimwi ulokuyisya ndiswe?” Mpawo bakamutontela aanze.³⁵ Jesu wakamvwa kuti bamutandila aanze achikombelo. Wakamujana alimwi wakati, “Ulasyoma na mu Mwana a Muntu?”³⁶ Wakasandula kuti, “Ngwani, Mwami, kuti ndimusyome.”³⁷ Jesu wakamwambila kuti, “Wamubona, alimwi nguwe ngulokwambula awe.”³⁸ Mwalumi wakati, “Mwami, ndasyoma, “alimwi wakamukomba.”³⁹ Jesu wakati, “Nkambo kakubeteka nchindasikamunyika ino kuti abo bataboni babone alimwi kuti babona babe boofu.”⁴⁰ Bamwi ba Falisi bakali awe bakamvwa zintu eezi alimwi bakamubuzya kuti, “Tuliboofu na toonse?”⁴¹ Jesu wakati kuli mbabo, “Naa mwakali boofu, munoli kamutakwe chibi, pesi mwamba kuti, ‘Tulabona, Aboobo zibi zyanu zilakkalila.

10

¹ Nkasimpe, nkasimpe, ndamwambila, utanjili akwinda amulyango wachaata chamelele, pele ulatanta mujulu ayimbi nzila, ooyo muntu mubbi asikunyanga. ² Ooyo unjila akwinda amulyango ngusikwembela mbelele. ³ Uubamba mulyango ulamujulila. Mbelele zilamvwa ijwi lyakwe, aboobo ulazyita mbelele zyakwe amazina azyo, akuzitola anze. ⁴ Chiindi nazigwisizya anze zyoonse zyakwe, ulinka kunembo lyazyo, aboobo mbelele ziyoumotelba, nkambo zililizi ijwi lyakwe. ⁵ Tazikoyo tobela mwenzu nguzitazi pesi anukuti ziyoumucha, nkambo tazilizi pe ijwi lyamwenzu ngozitazi. ⁶ Jesu wakamba aya mambilambali kulimbabo, pesi takwe nibakamvvisisya kuti ezi zintu zyakali nzizyo nzyakali kubaambila. ⁷ Aboobo Jesu wakabambila lubo, “nchobeni, nchobeni ndamwambila, ndime, mulyango wambelele. ⁸ Bonse bakasika nkesina sika mbabbi abasikunyanga, pesi mbelele tezyakabaswila. ⁹ Ndime mulyango. Kuti umwii unjila akwiinda mulindime, uyoo futulwa, uyoo njila akuzwa akujana machelelo. ¹⁰ Mubbti tazi kupela pe kunze kwakubba, kujaya akunyonyona. Ndaza kuti babe abuumi akuti buvule. ¹¹ Ndime sikwembela mubotu. Sikwembela mubotu ulapeda buumi bwakwe kumbelele. ¹² Oyoo mubelesi ubbadalwa tensi ngusikwembela pe aboobo tazilizyakwe mbelele. A bona wumpe ulaza aboobo ulazisiya mbelele akuchija, elyo wumpe uyoziluma akuzimwayisa. ¹³ Ulachija nkambo mubelesi sikubbadalwa aboobo talikatazyi ambelele. ¹⁴ Ndime sikwembela mubotu, aboobo zyangu zilindizi. ¹⁵ Taata ulindizi, andime ndilimwizi Taata, aboobo ndilapeda buumi bwangu kumbelele. ¹⁶ Ndilijisi zimwi mbelele zitali zyamuchata chamelele echino. Aboobo ndilelede kuyeta azilazyo, alimwi ziyoulmwaa ijwi lyangu elyo ziyo baanga lyomwe asikwembela omwe. ¹⁷ Echi nchenchicho Taata nchandiyandila. Ndilapeda buumi bwangu elyo njobubweza lubo. ¹⁸ Takwe naba omwe uyobubweza kuzwa kuli ndime, pesi ndabupeda ndemwini. Ndila chelelo chakubupeda ndemwini. Ndila chelelo chakubupeda, aboobo ndilachelelo chakubu bweza lubo. Ndakatambula malayilile aya kuzwa kuli Taata” ¹⁹ Kwanzana lubo kwaka akati kama Juda nkambo kamajwi aya. ²⁰ Biangi babo bakati “Ulijisi dimoni abobo ulisuwidwe. Nkambonzi nnmuswila?” ²¹ Bamwi bakati, “Aya tensi majwi amuntu unjidwe dimoni. Sena dimoni lilakonzya kujula meso amoofu”? ²² Kwakali kuchindi chakusalazigwa mu Jelusalemu. Kwakali lya impeyo, ²³ aboobo Jesu wakali kuyowenda mu mutempele mu kota lya Solomon. ²⁴ Pesi ba Juda bakamuzyunguluka akwamba kuti kuli nguwe, “Kukabe lili kojisi nkotwena? Kuti na nduwe Kilisito, twamble antanganana”. ²⁵ Jesu wakabasandula, “Ndakamwambila, pesi tamusyomi pe. Milimu eyo njenchita muzina lya Taata njindipandulula lwangu me.” ²⁶ Pesi tamusyomi nkambo tamuli mbelele zyangu. ²⁷ Mbelele zyangu zilamvwa ijwi lyangu. Ndilizzi aboobo zilanditobela me. ²⁸ Ndazipa buumi butamani. Tazikyoofwa pe, aboobo takwe naba omwe uyozikwempya mujanza lyangu. ²⁹ Taata wangu wakazipa ndime, mupati kwinda bamwi boonse takwe naba omwe uyokonzya kuzikwempya kuzwa mujanza lya Taata. ³⁰ Ime a Taata tuli umwi”. ³¹ Nkabela ma Juda bakabweza mabwe lubo kuti bamutulule ³² Jesu wakabasandula, “Ndamutondezya milimu myingi mibotu izwa kuli Taata. Pesi nguli wamilimu awa ngumunditulwida?” ³³ Ba Juda bakamusandula, “Tettakutulula nkambo kamilimu mibotu pe, pesi nkambo kakusampawula, nkambo webo, ulimuntu, ulichita Leza lwakwe”. ³⁴ Jesu wakasandula “Sa tazilembewe na mumulawu wanu, ‘Ndati, “muli baleza”? ³⁵ Kuti bategwa mbaleza, ooyo ngulyakazida ijwi lya Leza (aboobo malembe takoyotyolwa), ³⁶ uwamba kuli ooyo ngwakasala Taata akumutuma munyika, Muloku sampawula. nkambo ndamba kuti ndii mwana wa Leza? ³⁷ Kuti na nsili kuchita milimu ya Taata, mutandisyomi. ³⁸ Pesi na ndikuchita, nansya kuti temwandisyoma, musyome mumilimu kuchitila kuti mukazibe akumvvisisisya kuti Taata ulimulindime aboobo ambebo ndimuli Taata”. ³⁹ Bakezya kumujata lubo, pesi wakapuzuka kuzwa kumanza abo. ⁴⁰ Wakabweda lubo mutaala Jodani kubusena oko Joni nkawkatalikila kubbabbatizya, aboobo wakakukkala nkukoko. ⁴¹ Bantu biungi bakasika kulinguwe alimwi bakati, “Joni nchobeni takwe nakachita zitondezyo, pesi zyonse zintu Joni nzyakamba atala ayoyu mwalumi nzyakasimpe”. ⁴² Bantu biungi bakamusoma mpawapo.

11

¹ Lino umwi mwalumi walikutegwa Lazalo wakalikuchiswa. Wakali kuzwa ku Bbetani, igunzi mwakali kukkanla Meli a amuchizi wakwe Maata. ² Meli nguwe oyo iwakananika Mwami amuunde akumusinda mawulu akwe amasusu, ngula mukulana Lazalo wakachisidwe. ³ Bachizi bakananiza mulumbe kuli Jesu kabaamba kuti, ‘Mwami, Langa, ooyo ngoyandisya wachiswa.” ⁴ Jesu nakamvwa eezi, wakati, “Óku kuchiswa tekwakufwa pe, pesi nkwbabulemu bwa Leza kuti akonzye kulemekwa kuli

nzizyo.”⁵ Lino Jesu wakali kuyandisy Maata, mwanike wakwe, a Lazalo.⁶ Nakamvwa kuti Lazalo wachiswa, Jesu wakakkala kwamazuba aabili lubo kubusena oobo nkvakabede.⁷ Mpawo nikwakiinda eezi, wakati kuli basikwiya bakwe, “Tubwede lubo ku Judiya.”⁸ Basikwiya bakati kuli nguwe, “Muyiisyi, lino lino bama Juda balokwezezya kuti bakutulule alimwi uyanda kubweda luubo?”⁹ Jesu wakavvila, “Taakuli mahoola alikkumi aabili na amumuuni mubuzuba bumwi? Na umwi weenda izuba kaliliwo, takonzyi pe kuti aligububle, nkambo unobona amumuni wenyika.”¹⁰ Nikuba boobo, kuti weenda mansiku, ulawaa nkambo mudima tuli anguwe.”¹¹ Wakaamba zintu ezi, nakamaña kwamba ezi, wakati kuli mbabo, imuzyalwama Lazalo ulookona, pesi njankuko kuchitila kuti nkamubusye kuzwa mukoona.”¹² Basikwiya mpawo bakati kuli nguwe, “Mwaami na kali ulokoona, ulabuka.”¹³ Lino Jesu wakalaambide akufwa kwakwe, pesi bakayeya aanga wakali kwambula akoona kwakulyokezya.¹⁴ Mpawo Jesu wakabambilila kanzambwenene kuti, “Lazalo wafwa.”¹⁵ Ndabotelwa, nkambo kandinywe, kuti tendaliwope pe kuchitila kuti musyome. Twende kulinguwe.¹⁶ Tomasi, ooyo walikwitwa kuti Didimasi, wakati kuli basikwiyanina “Twinke anidiswe kuchitila kuti tukafwe a Jesu.”¹⁷ Nakasika Jesu wakajana kuti Lazalo wakali mukabanda kwamazuba aane.¹⁸ Lino Bbeteli yakali awfifwi a Jelusalema, mweelwe walikusika kumamayila obile.¹⁹ Bama Juda biingi bakalizide kuli Maata a Meli, kuzobaambulizya atala amuchizi wabo.²⁰ Eelyo Maata, nakamvwa kuti Jesu wasika, wakayinka wakuswanana awe, pesi Meli wakali kkede munganda.²¹ Mpawo Maata wakati kuli Jesu, “Mwami, aanoli wakaliwo, mukulana wangu tayinofwa pe.”²² Nikuba lino, ndilizi kuti kufumbwa nchokumbila kuli Leza, ulakupa.²³ Jesu wakati kulinguwe, “Mukulana wako ulabuka lubo.”²⁴ Maata wakati kulinguwe, “Ndizi kuti ulabuka lubo kububuke muzuba lyakumamanino.”²⁵ Jesu wakati kulinguwe, “Ndendime bubuke abuumi, Ooyo uusyoma mulindime nikuba kuti wafwa, uyopona;²⁶ alimwi kufumbwa oyo upona akusyoma mulindime takoyofwa pe. Ulazisyoma na eezi?”²⁷ Wakati kulinguwe, “Yii, Mwami, ndilasyoma kuli nduwe Kkilisito, Mwana wa Leza, ooyo utazosike munyika.”²⁸ Naakamba ezi wakazwa waya kukwita Meli chakusiliziyta. Wakati, “Muyiisyi ulaano alubo ulokukwiuta.”²⁹ Mpakamvwa ezi, wakanyampuka achakufwambana akwinka kulinguwe.³⁰ Li no Jesu takalina kusika pe mumunzi pesi wakachili kubusena ooko Maata nkvakamuswene.³¹ Mpawo awo ba Juda, bakalanguwe munganda bakali kumumbulizya nibakabona Meli kanyampuka chakufwambana kaaya aanze bakamutobelka kabayeeya aanga wakali kuya kuchuumbwe kukuyolila.³² Meli nakasika abusena aawo Jesu mpakabede akumubona wakawida kundyato zyakwe akwamba kuti, “Mwami aanoli walaano, Mukulana wangu natafwide pe.”³³ Jesu nakamubona kailila, abaJuda mbakazide aabo kabalila, wakeeteela, wakatazikanaka ukujatwa mumoyo wakwe.³⁴ Wakati, “nkokuli nkumwakakumulazika?” Bakati kuli nguwe, “Mwami, boola uzobone.”³⁵ Jesu wakalila.³⁶ Mpawo ba Juda bakati, “Boona kuti Lazalo walikumuyanda biyeni!”³⁷ Pesi bamwi baabo bakaamba kuti, “Talikukonzya na ooyu mwalumi wakajula meso amuntu moofu, kuchitila kuti ooyu muntu atafwi?”³⁸ Mpawo Jesu, kachizwide kukatazikanaka mulinguwe, wakayinka kuchuumbwe. Lino chumbwe yakali mpako, nkabela kwakasinkidwe ibbwem pa.³⁹ Jesu wakati, “Mugwisye ibbwem, “Maata muchizi wa Lazalo, ooyo iwakafwide wakati kuli Jesu, “Mwami, kuli eechi chiindi mibili unoli wabola, nkambo waba amazuba aane kafwide.”⁴⁰ Jesu wakati kulinguwe, “Tendakwambila na kuti, wasyoma ulabona bulemu bwa Leza?”⁴¹ Mpawo bakagwisya ibbwem balibikka kumbali. Jesu wakalanga kujulu akwamba kuti, “Taata, ndakulumba kuti wandiswilizya.⁴² Ndalizi kuti ulandiswilizya chiindi choonse, pesi nkambo kankamu yabantu bayinvwii akati kangu nchindamba eezi, kuchitila kuti basyome kuli nduwe nuwakandituma.”⁴³ Nakamana kwambula ezi, wakawompolola ajwi lilaajulu, “Lazalo, zwida aanzel.”⁴⁴ Mwalumi wakafwide wakazwida aanze, mawulu akwe amaboko akali zambiliidwe asila. Jesu wakati kuli mbabo, “Amumuzambanune mumuleke ayeende.”⁴⁵ Mpawo bamajuda biingi bakazide kuli Meli akubona ezyo Jesu nzyakachita, bakasyoma mulinguwe;⁴⁶ pesi bamwi baabo bakaya kuba Falisi bakubabuzya izintu Jesu nzyakali wachita.⁴⁷ Mpawo bapati babapayizi abaFalisi bakabungania bwendelezi amwi akwamba kuti, “Niinzi nchitutachite? Ooyu mwalumi uchita zitondezyo zyiingi.”⁴⁸ Kuti tumusiye alikke kali boobu, boonse balasyoma kuli nguwe; ma Loma balaza akututolela busena bwesu achisi chesu.”⁴⁹ Nikuba oobo, umwi mwalumi akati kabo, Kkeyifasi, wakali mupayizi mupati ooyo munyaka, wakati kuli mbabo, Taakwe nchimuzi pe.⁵⁰ Tamulangisisyi na kuti nchibotu kuli ndinywe kuti kufwe umwi muntu kafwide bantu kwinda kuti nyika yoonse ifwidilile.”⁵¹ Lino eechi wakachaamba kachitazwide mulinguwe anukuti wakali mupayizi mupati oyo munyaka, wakasinsima kuti Jesu welede kufwida nyika;⁵² kutali chisi luzutu, pesi kuchitila kuti

baana baLeza abo basanseene babunganisigwe aamwi babe umwi.⁵³ Mpawo kuzwa eelyo izuba kaziya kunembo bakalangula inzila yakuti Jesu bamujaye.⁵⁴ Jesu takachili kweenda antanganana pe akati kaba Juda, pesi wakeenda wazwa waya kuli imwi inyika afwifwi akunkaanda mudolopo litegwa Efulemu. Nkuko nkwickakkala abasikwiya bakwe.⁵⁵ Lino ipasika lyabama Juda lyakali lyaba afwifwi, mpawo biingi bakaya ku Jelusalema kabazwa kuzisi bayinka kuti bakalisalazye beni.⁵⁶ Bakali kuyandula Jesu, kabalo kwambula umwi awumwi kabayimvvi muchikombelo, "Muyeyayi loko? kuti ulaleka kusika kupobwe?"⁵⁷ Lino bapayizi batapi aba Falisi bakali bapa malayilile akuti kufumbwa muntu unoli ulizi ooko Jesu nkwanobede, uyelede kuzyamba kuchitila kuti bamujate.

12

¹ Mazuba musanu alimwi, kakutanayinda Pasika Jesu wakasika Betani, aawo aakali Lazalasi, ooyo Jesu ngwakabusya kuzwa kubafu. ² Aabobo bakamubambilila chilalilo nkuko, aMata wakali kubapa. Pesi lazalasi wakali umwi wababo wakalede munsi atafula kali ajesu. ³ Kuzwaho Mariya wakabweza kankuli kamafuta mabotu kwindilila, wakananika Jesu kumawulu angawo akupukuta kumawulu amasusu aakwe. Ngaanda yakazula bweema bubotu bwamafuta. ⁴ Juda Sikaliyoti, umwi wabasikwiya bakwe oyo sikumuzya, wakati,⁵ "Nkambonzi mafuta aaya natakuzigwa amiyanza yotatwe akupegwa kubafwaba?"⁶ Wakamba ezi nkaambo takalikulangisisya kubafwaba, pesi nkaambo wakal, mubbii. Wakali ankomu yamali akukkonzya kubba zyakabikidwe mukati.⁷ Jesu wakati, "Amumuzumize kubaamba ezyo nzyalazyo kuzuba lyakuvwilkwa kwangu."⁸ Munoli aabo bafwaba kwalyoonse. Pesi tamukoyoba andime lyoonse."⁹ Lino nkamu mpatti yamaJuda yakaziba kuti Jesu mpali, mpo bakasika kabatazidi Jesu alike pe, akuzobona Lazalasi, ooyo Jesu ngwakabusya kuzwa kubafu.¹⁰ Ibabayizi batapi bakakkankayizya antomwe kuti bakonzye kujaya Lazalasi;¹¹ nkaambo kanguwe kuti Majuda biingi bakeenda akusyoma kulijesu.¹² Izuba litobelna inkamu mpatti yakasika kupobwe nibakamvva kuti Jesu ulasika kuJelusalemu.¹³ Bakabweeza mitabi yatukunka akwinka kuyoswananaawe akompolola kuti, wosana ulilongezegwelwe, ooyo usika muzina lyaMwami, waIzilayeli.¹⁴ Jesu wakajana kambongolo kanini wakkala alinkako; mbuli mbukwakalembedwe.¹⁵ "Mutayowi nobana basimbi baZiyoni, amubone Mwami wanu ulaz, kakkede amusana wambongolo."¹⁶ Basikwiya bakwe tebakamvvisisya pe kuzintu eezi kumatalikilo, pesi, aawo Jesu nakalemekezegwa bakayeya kuti eezi zintu zyakalemedwe ataala anguwe akuti bakachita zintu eezi kulingue.¹⁷ Lino nkamu yakazuzikizigwa kuti bakali anguwe nakayita Lazalasi kuzwa muchumbwe akumibusya kuzwa kubafu.¹⁸ Chakali nchicho chizato kuti inkamu inkamu yakaya kuyoswanana nkambo bakamvva kuti wakachita chitondezeyo.¹⁹ Bafalisi mpawawo bakati lwabo lwabo, "Bona takwe nchokonzya kuchita: laang, nyika yinka kunembo aatala aakwe."²⁰ Lino bamwi baGiliki bakali mulibaabo bakalikuya kukomba kupobwe.²¹ Aabo bakaya kuliFilipo, oyoowakazwa KuBbetisyaida mu Galili mpo wakakumbila wati, "Mwalumi tuyanda kubona Jesu."²² Filipo wakeenda akuyobuzya Andulo, Andulo wakeenda aFilipo, mpo wakabuzya Jesu.²³ Jesu wakabasandula mpo wati, chindi chasika chamwana amuntu, kuti alemekezegwe.²⁴ Nchobeni, nchobeni ndamwambila anukut, imbuto yabbale yakawida munyika mpo yafwa, iyosyala lwayo ayiliike, pesi kuti yafwa, ilazyala michelo myiingi.²⁵ Ooo uyandisa buumi bwakwe takoyobujana, pesi utayandisyi buumi bwakwe kulizyanyika eeyi uyobamba buumi butamani.²⁶ Kuti umwi undigwasya, akunditobelna, ooko nkumbede, ooko nkukuko mulanda wangu nkwaped. Oyo undimanina milimo, Taata uyakumulemeka.²⁷ Lino muuya wangu wapengeleka. Mpo ngambeenzi?²⁸ Taata, lemekeza zina lyako." Aboobo ijwi lyakazwa kujulu kaliti, "Ndachilemekezya mpo nzochilemekezya lubo."²⁹ Aabobo nkamu yakayimvvi kumbali niyakamumvva yakamba kuti kwakamvvika muzuzumo. Bamwi bakamba kuti mungelo ulawambula anguwe."³⁰ Jesu wakasandula wati, "Eeli jwi telyazida ndime pesi lyazida ndinywe.³¹ Lino ndolu lubeta lwanyika eeyi: Lino muzululi wanyika eeyi uzosowelwa aanze."³² Aawo mpunjonyampulwa kuzwa munyika, ndiyoyobolola bantu boonske kulinidime.³³ Wakamba bobu kutondezya lulu lwakwe mbolunobede.³⁴ Makamu akamusandula, "Twakamvva kuzwa kumulawu kuti Kkilisito uzokkala ikutamani. Wamba buyeni ikuti, 'Mwana Muntu uyelede kusumpulwa?' Nguli ooyo Mwana Muntu?³⁵ Jesu wakabambilila kuti, "Mumuni unolandinywe kwachindi chifwifwi. Mwende nimuchili mumun, ikuti mudima tukamuvumbi. Oyo wenda mumudima taazi ooko nkwaaya.³⁶ Nimuchilamumuni, amusyome mumumuni kuchitila kuti mube bana bamumuni." Jesu wakaamba zintu eezi aboobo wakamba zintu eezi

wakeenda akulisisa mulimbabo. ³⁷ Nikuba kuti Jesu wakachita zitondezyo zyiingi kuli mbaabo, pele takwe nibakasyoma mulinguwe. ³⁸ Kuti ijwi Ayizaya musinsimi lizuzikizigwe, muli zyakamba: “Mwami, ooyo wakasyoma kwaamba kwesu, akuli oyoo luboko IwaMwami nkulyakayubunizidwa?” ³⁹ Nkaambo kayaaya tebakayosyom, mbuli Ayizaya akakwe mwamba, ⁴⁰ “Wakofwazigwa meso aabo, akuyumya myoyo yabo, muliyimwi nzila bazobona ameso aabo akumvvisisy amyoyo yabo, akusanduka alimwi njobaponia”. ⁴¹ Ayizaya wakaamba eesi zintu nkaambo wakabona bulemu bwajesu akwambula aatala anguwe. ⁴² Pesi nikuba boob, akube kuti bazulwidi basyome mulijesu; pesi nkaambo kabaFalisi, tebakakumbila kulekelelwa pe kuti bataka kasigwi kuya kuchikombelo. ⁴³ Bakayanda bulemu bwakazwa kubantu kwiinda bulemu bwakazwa kuliLeza. ⁴⁴ Jesu wakopolola wati, “Ooyo usyoma mulindime tasyomi biyo mulindime, Pesi akuliwoyo wakandituma, ⁴⁵ aawoyo wabona ndime wabona nguwe ooyo wakatuma ndime. ⁴⁶ Ndasika mbuli mumuni munyika, kuti ooyo usyoma mulindime takasyali mumudima. ⁴⁷ Kuti wamvwaa majwi aangu, pesi katabambide, simubeteki pe, tee ndaza kuzotonga nyika, pesi kufutula nyika. ⁴⁸ Ooyo undikaka akutatambula majwi aangu, ulasikumubeteka. Ijwi ndindambula liyomubeteka kuzuba lyamamanino. ⁴⁹ Nkambo nsilyambwidi pe, pesi nguTaata wandituma, ooyo wapa ndime chelelo chakwaamb, azyakwamba. ⁵⁰ Ndiizi kuti chelelo mbuumi butamani, mbubobu nzizezi zindawamba - mbuli Taata mbwakambula kuli ndime, mbubobu ndilamba.”

13

¹ Lino kalitana kutilika ipobwe lya Pasika. Jesu wakaziba kuti chiindi chakwe chasika chakuti azwe munyika eyi ayinke kuli Taata. Mbalikubayanda bakwe bakali munyika, wakabayanda mane kusika kumamamanino. ² Lino Satani wakali wazibika kale mumoyo wa Judasi Sikaliyoti mwana wa Sayimoni, kuti awuze耶 Jesu. Ndilyo achilalilo. ³ Jesu wakalizi kuti wisi wakalimupede zyoonse mananza akwe alimwi kuti wakazwide kul Leza alimwi wakali kubweda k u li Leza. ⁴ Wakanyampuka achilalilo mpawo wagwisya chikobelwa chakujulu. ⁵ Mpawo wakabweza chisansamuzyo walyaanga. Mpawo wakatila maanzi mubbbede watalata kusanzya basikwiyya kumawulu akubayumya achisansamuzyo nchakangide muchikungu chakwe. ⁶ Mpawo wakasika kuli Sayimoni Pita wakati kulinguwe, “Mwami uyanda kundisanzya mawulu na?” ⁷ Jesu wakasandula akumubuzya zyakuti, “Eechi nchenchita tamukochimvvisysisya.” ⁸ Pita wakati kulinguwe, “tokonzyi kundisanzya mawulu angu, “Jesu wakamusandula wati, “kuti tendakusanzya tokooba abulyidilane pe ambebo. ⁹ Sayimoni Pita wakati kulinguwe, “Mwami, tondisanzyi kumawulu kupela pesi akumaboko angu akumutwe.” ¹⁰ Jesu wakati kulinguwe, Muntu wasamba tabuli, kutilasanzya mawulu biyokupela, pesi amubili woonse wasamba, wasalala, pesi temonse nimwasalala.” ¹¹ (Nkambo Jesu wakalimwizi utakamuuyze; nchenchicho nchaakambil, “Moonse tamusalede pe.”) ¹² Nakamana kubasanzya mawulu abo wakabweza zisamo zyakwe wakkala ansi lubo, mpawo wakati kuli mbabo, “mwazimvvisysisya na nzinda muchitila? ¹³ Mundiiita kuti Muyiisyi a Mwami mwamba kabotu, nkambo ndime. ¹⁴ kuti nkendi Mwami a Muyiisyi, wamusanzya mawulu, anywebo mwelede kusanzya mawulu awumwi awumwi. ¹⁵ Nkaambo ndamutondezya chikozyaniso kuti anywebo kuti anywebo muchite mbuli mbundamuchitila. ¹⁶, Chamasimpe, ndamwambila kuti, muzike talimupati kumubelesi wakwe naakuti mutumwa tali mupati kuli wamutuma. ¹⁷ Kuti kamuzizi eesi zintu mulilongezezegelwe kuti mwaziba. ¹⁸ Nsilokwamba moonse pe, ndibazi mbindakasala. Pesi ndaamba kuti malembe azuzikizigwe; Ooyo uulya chinkwa wandilyata akasindi kakwe.’ ¹⁹ Ndamwambila zyoonse ezi kazitana chitika pe, kuchitila kuti zyazochitika muzosyome KUTI NDIME. ²⁰ Nkasimpe, nkasisimpe, ndamwambila kuti, woonse utambula ngundakatumwa, wandalambula, awunditambula, watambula wakandituma.” ²¹ Nakaambo boobu Jesu, wakapengeleka mumuyua. Wakapandulula wati, “Nkasimp, nkasisimpe, ndamwambila umwi wanu uyoondaba. ²² Basikwiyya bakwe bakalangana umwi awumwi kabagamba kuti ngwani ngwakali kwamba. ²³ Umwi wabasikwiyya ba Jesu ngwakali kuyanda wakalilede atafula kumbali lya Jesu. ²⁴ Sayimoni Pita wakamwambila sikiya tuyandisi kuti, “buzya kulinguwe kuti uwambani.” ²⁵ Lino wakaseyama akaango ka Jesu akumwambila kuti, “Mwami, ngaulabani ngowamba?” ²⁶ Mpawo Jesu wakasandula, “Oyu ngwensisunsile chinkwa akumupa.” Lino nakasunsa, wakapa Judasi mwana wa Sayimoni Sikaliyoti. ²⁷ Mpawo nikwakiinda kulya chinkwa, satani wakanjila mulinguwe, kuzwawo Jesu wakamubuzya kuti “Eecho nchoyanda kuchita, chichite akufwambana. ²⁸ Lino takwe naba omwe wabakalede atafula wakaziba kuti nkambozi nawambula oobo. ²⁹ Bamwi bakayeyea

kuti Judasi mbali sinkomo wamali, Jesu ambweni uyanda kuti akawule ziyandikana apobwe, "Naakutti ape zimwi kubantu bafwaba.³⁰ Naakamana kutambula chinkwa, wa-keenda chakufwambana. Kwakali mansiku.³¹ Lino Judasi nakeenda, Jesu wakati, "Lino Mwana a Muntu walamekezegwa, alakwe Leza ulalemekezegwa mulinguwe.³² Leza ulalemezya mwana mulinguwe, alimwi ulamulemya lumwi chakufwambana.³³ Nobana banini, ndandinywe kwachiindi chifwifwi. Muyondiyandula mbuli mbundakabuza ba Juda, "oko nkwenjobuya, tamukonzi kusika. Lino ndamba eechi kulindinywe.³⁴ Ndamupa mulawu mupya, wakuti tuyandane umwi awumwi.³⁵ Acheechi bantu boonse bazooziba kuti ndinywe basikwiya bangu, kuti mwaba luyando kulumwi amwenzinyina."³⁶ Sayimoni Pita wakati kulinguwe, "Mwami, nkokuli nkoya? Jesu wakasandula, "ooke nkwenjenja tokonzi kunditobela kwaino, pesi uzonditobela chaba chiindi.³⁷ Pita wakati kulinguwe "Mwami nkamboonzi nentakkonzi kukutobela? Ndatula buumi bwangu nkambo kako.³⁸ Jesu wakasandula, "ulatuula buumi bwako na nkambo kangu? Nkasimpe, nkasimpe ndakwambila kuti mukombwe takolila kotana kunditama totatwe.

14

¹ "Myoyo yenu kitapengi. Musyome muli Leza, musyome amulindime. ² Mun'anda yaTaata mwaali makkalilo miingi. Nikutalibbobo tendalikunoomwaambila pe, lino ndiya kukumubambilisa busena. ³ Na ndinka kuyomubambilisa busena ndiyoboola kuzomutola, kuti ooko nkwebede mukabeko anyebo. ⁴ Muliizi inzila yakoko nkwenjobuya." ⁵ Tomasi wakati kuli Jesu, "Mwaami, tatukwizi pe nkoyobuya, tuliziba biyei nzila?" ⁶ Jesu wakati kulinguwe, "Ndime nzila, bwini, abuumi; tawo pe uuza kuli Taata natiinda mulindime. ⁷ Nansyo mulindizi, nimumwizi Taata alakwe. Kuzwa sunu mwamuziba alimwi mwamubona." ⁸ Filipi wakati kuli Jesu, "Mwaami, tutondeezya Taata, aawo kunoli kwazuzikizigwa kulindiswe." ⁹ Jesu wakati kulinguwe, "Nidakali aandinywe kwachiindi chilamfu alimwi tamuna kundiziba, Filipi? Oyo wandibona wabona Taata. Kujana ulaamba biyeni kuti, "Tutondeezye Taata?" ¹⁰ Tondisyomi na kuti ndili muli Taata alimwi Taata uli muli ndime? Majwi ngindamwaambila nyewe nsyaawambi kuzwa munguzu zyangu, pesi Taata upona mulindime ulikuchita mulimu wakwe. ¹¹ Mundisyome kuti ndili muli Taata, akuti Taata uli mulindime, nikuba kuti usyome akaambo kamilimu Iwayo. ¹² Nchobeni, nchobeni, ndamwaambila, oyo usyoma mulindime uyoochita milimu njechita, alimwi uyoochita milimu mipati kwinda eeyi nkaambo ndiya kuli Taata. ¹³ Kufumbwa nchimuyookumbila muzina lyangu, ndiyomuchitila kuchitila kuti Taata akabe aabulemu mu Mwana. ¹⁴ Na mwakumbila kufumbwa muzina lyangu, ndiyomuchitila. ¹⁵ Na mwandiyanda moyoobamba milawu yangu, ¹⁶ alimwi ndiyookomba kuli Taata alimwi uyomupa uumbi mugwasyi kuchitila kuti akabe aandinywe kusikila kukabe kutamani - ¹⁷ Muuya wakasimpe. Oyo nyika ngwitakabule kumutambula pe nkaambo timubwene pe na kumuziba. Pesi mulimwizi, alimwi ukkala andinywe alimwi uli mulindinywe. ¹⁸ Nsikoyoomusya amulike, ndiyooboola kulindinywe. ¹⁹ Biyo kwachiindi chifwifwialimwi nyika tikozondibona lubo me, pesi muzondibona. Akaambo kakuti ndilapona, andinywe munoyopona. ²⁰ Mubuzuba ooobu moyoziba kuti ndili muli Taata, akuti muli mulindime, akuti ndili mulindinywe. ²¹ Oyo uli amilawu yangu akwiibamba nguwe undiyanda, alimwi oyo undiyanda uyooyandwa aTaata wangu, alimwi ndiyomuyanda akulitondeezya kulinguwe." ²² Judas (pe pe Sikkaliyoti) wakati kuli Jesu, "Mwaami, nkaambonzi noyolitondeezya kulindiswe notayolitondeezyi kuniyika?" ²³ Jesu wakasandaula alimwi wati kulinguwe, "Na kuli uumwi undiyanda, uyoobamba majwi aangu. Taata ulamuya alimwi tuyosika kulinguwe alimwi tuyoyaka muunzi anguwe. ²⁴ Oyo utandiyandi mebo takwe nabamba majwi aangu. Ijwi ndimuwawa talizwi kulindime pesi kuli Taata wakandituma. ²⁵ Ndaamba zintu eezi kulinindinywe kuchiindi nkechiponza andinywe. ²⁶ Nekubaboobo, Mugwasyi - Muuya Uusalala oyo Taata ngwayootuma kwiindila muzina lyangu - uyoomuiiysa zyoonsse akumuyezya zyoonsse nzindakamwaambila nyewe. ²⁷ Ndamusiila luumuno; ndamupa luumuno lwangu. Tendamupa pe mbuli nyika mbwiipa. Myoyo yanu itapengi, alimwi mutapengi. ²⁸ Mwakamvwa eezyo nzindakaamba kulindinywe; Ndiyobweenda alimwi nzooboola lubo kulindinywe. 'Na mwalikundiyanza, mwalikubotelwa nkaambo ndiya kuli Taata, nkaambo Taata mupati kwiinda ndime. ²⁹ Lino ndamwaambila kazitanaachitikana kuchitila kuti, nizyazochitika, muzosyoma. ³⁰ Nsikoyooambula twiingi andinywe, nkaambommweendezei wanyika eeyi uyobuza. Takwe manguzu pe aatala andime, ³¹ pesi mukuti inyika izibe kuti ndilamuyanda Taata, ndilachita mbubo mbuli Taata mbaakandilayilila mebo. Ngatukanyampuke alimwi tukeende kuzwa aano."

15

¹ "Ndimusamu wakasimpwa Taata ngomuka mwini muunda? ² Uyogwisya ntabi zyoonse mulindime zitazyali michelo, akukwezuula ntabi zitazyali michelo kuchitila kuti zikazyale michelo. ³ Ulasalala kale nkambo kamilumbe njindakawambula kulinduwe. ⁴ Kkalilila mulindime, andime mulinduwe, mbuli mutabi, utakonzyi kuzyala michelo lwayo, kunze kwakuti wayimyo kuchisiko, kuti amwi ulakonzya kuzyala, kunze kwakukkalilila mulindime. ⁵ Ndichisiko chamusamu, inywe muli mutabi. Oyo ukkalilila muli ndime, ambebo malinguwe, ulazyalisya michelo, kotakwe ndime takwe nchokonzya kuchita. ⁶ Oyo naba oomwe uitakkali mulindime, Uyosowegwa mbuli mutabi mpo uyoyuma, alubo iyobwezelelwa mitabi akuyowalilwa mumulilo, mpawo iyotentwa. ⁷ Kuti wakkalilila mulindime, akuti majwi angu akkala mulinduwe, kumbila kufumbwa nchoyanda, mpawo uyochitilwa mboyanda. ⁸ Taata ulalemekezegwa azeezi, kuti wazyalisya michelo akulitondeza kuti nduwe sikwiya wangu. ⁹ Mbuli Taata mbandiyandisa mebo, Ndakuyanda ambebo; mukkalilile mulindime. ¹⁰ Kuti wabamba milawa yangu, unokkalilide muluyando lwangu, mbundaka bambamilawu ya Taata akukkalilila muluyando lwakwe. ¹¹ Ndambuula ezi zintu kulindinywe nkuchitila kuti lukondo lube muli nduwe, akuchitila kuti lukondo lumaninine. ¹² Ooyu ngomulwu wangu, kuti muyandane mbuli mbondakamuyanda. ¹³ Takwe naba omwe ulaluyando luli ooobu-kuti umwi abambe buumi bwakwe mwenzinyina. ¹⁴ Muli benzuma kuti mwachita zintu nzindakamulayilila. ¹⁵ Nsichiyomwiti kuti babelesi, nkambo mubelesi tazi kuti simalelo akwe anzyachita. Ndamwita kuti benzuma, mbuli zyoonse nzindakamvwa kuli Taata, ndachita kuti zizibinkane kulindinywe. ¹⁶ Teensi mwakandisala mebo, pesi ndakamusala inywebo kumwimika nywe kuti mwelede kwenda akuzalya michelo, akuti michelo yanu ikkalilile. Eechi chamba kuti kufumbwa nchimuyokumbila kuli Taata kwinda muzina lyangu, uuyochipa kulindinywe. ¹⁷ Eezi zintu nzindamu layilila, kuti mukonzye kuyandana umwi awumwi. ¹⁸ Kuti nyika yakusula, ziiba kuti yakalindisulide nkitala kukusula webo. ¹⁹ Kuti wali muntu wenylka, nyika ilakuyanda lwayo. Pesi nkambo kakuti taliwanyika akambo kakuti ndakakusala kuzwa munyika, nkiinkako nyika iyokusula we. ²⁰ Koyeeya ijwi ndindakwambila we, Ímubelesi tali mupati kwinda simalelo. Na bandipenza mebo, bayomupenza anywebo; Anukuti balondola majwi angu, bayowalondola amajwenu. ²¹ Bayochita zyoonse zintu kuli nduwe nkambo kezina lyangu, nkambo tabamwizi pe wakandituma. ²² Anoli tendakasika akwambuula kuli mbabo, teensi bayinobisya, pesi kwalino tabakwe nchebangwa balatamizya kukubisya kwabo. ²³ Oyo wakkaka ndime ngongue wakkaka Taata. ²⁴ Ikuti tendachita milimo takwe naaba oomwe ukazya akati kabo, takwe nibanola chibi pe, pesi lino bibona akusula ndime a Taata. ²⁵ Pesi eezi zitondeza kuzuzikizya majwi alebedwe mumulawu, 'Bandisula nkeditakwe mulandu.' ²⁶ Eelyo mugwasyi nayosika - ooyo ngwenjotuma kuli ndinywe kuzwa kuli Taata, nguwe ooyo Muuya wakasimp, ooyo iwakazwa kuli Taata - Uyoopa bukamboni atala andime. ²⁷ Uleeleded ayebo kupa bukamboni, nkambo wakali andime kuzwa kumatalikilo.

16

¹ "Ndamwambila ezi zintu kulindinywe kuchitala kuti mutalebwi. ² Bayomusowela anze achikombelo pesi chiindi chiyosika echo woonse oyo utakamujaye uyochitanga wamanina Leza mulimo. ³ Bayochita ezi zintu nkaambo tabana kumuziba Taata nekuba ndim. ⁴ Ndamwambila ezi zintu kulindinywe kuchitila kuti chiindi chazzo chakusik, muyoyeya kuti kakamwambila atala anzizy. Tendakamwambila atala azesi zintu kumasanganin, kambo ndakachili anywebo. ⁵ Pele lino ndayinka kuliyyo iwakanditum, takukwe akati kanu undibuzya kut, uyakuli? ⁶ 'Pesi nkaambo ndamwambila ezi zintu kuli ndinyw, kubijlwa kwazula mumyoyo yanu' ⁷ Pesi ndamwambila kasimp, chibotu kulindinywe kuti ndiink. Ukuti tendink, Mugwasyi takosika pe kulindinyw, pesi kuti ndayink, ndiyomutumina nguwe kuli ndinywe. ⁸ Elyo asik, Mugwasyi uyotondeza nyika kuti iibisizye atala aziib, atala abululam, atala alubetek, ⁹ atala aziib, nkaambo tabandisyomi. ¹⁰ ataala abululam, nkaambo ndilayinka kuli Taat, aboobo tamukachindiboni limbi, ¹¹ alubeteko nkaambo nkaambo mweendelezi wanyika eyi wabetekekwa kale. ¹² Ndayingi zintu zyakumwambil, pesi tamukomvvisisya lino. ¹³ pesi walo muuya wakasimp, asik, oyo umwenzya mukasimpe koonse, pesi takoyowamba izyakwe mwini. Pesi uyowamba ezyo zyatakamvwwe aboobo uyomwambila zintu izichiz. ¹⁴ Uzondilumbayizy, nkaambo uzobweza zyali zyangu akuyambila ndinywe. ¹⁵ Zyoonse zyajisi Taata nzizyangu. Nchechich, nchindamba kuti Muuya ulabweza zyali zyangu akuyambila ndinywe. ¹⁶ chaba chiindi chifwifwi tamuchikandiboni limb, aboobo kwakuyinda chiindi chifwifwi tuyondibon." ¹⁷ Alimwi bamwi basikwi bakwe

kuli umwi aumw, "Chamba nzi echi nchatwambila sweb, 'chaba chindi chifwifwi tamukachindiboni limbi aboob, 'Nkaambo ndayinka kuli Taata?'"¹⁸ Nchechicho nchibakamba kut, Chamba nzi echi chawamb, 'chaba chindi chifwifwi ?' Tatuzi kuti uwambula atala anyamayi".¹⁹ Jesu wakabona kuti bakali kuyanda kubuzya kulinguw, aboobo wakabambila kut, Ézi nzizyo na nzimwalikulibuzya Iwanu, kuti ndiwamba nzi kandamb, kuti muchindi chifwifwi tamuyokondibona limbi, aboobo muchindi chifwifwi muyondibona?²⁰ Nkasimp, nkasimp, ndamwambila muyokwila akoomok, pesi nyika iyokondob. Alimwi moyozula kubijilw, pesi mapenzi anu ayosanduka akuba lukondo.²¹ Mwanakazi chiindi nyandaya kutumbuka ulabijilwa nkaambo chiindi chakwe chasik, pesi chindi natumbuka mwan, tachiyei limbi machise akwe nkaambo kakukondwa kuti muntu watumbukwa mukati kanyika.²² Anywebo mwabijilwa lin, pesi ndiyomubona lub, aboobo myoyo yanu iyo kondw, aboobo takwe naba omwe uyokonzya kumunyanga kukondwa kwanu.²³ Mubuzuba obo takukwe uyondibuzya chint. Nkasimp, nkasimp, ndamwambila kut, na mwakumbila kufumbwa chintu kuli Taata muzina lyang, uyomupa nchich.²⁴ Ambuleno tamunakumbila chintu mu zina lyang. Kumbila uyopegwa, kuchitila kuti kukondwa kwanu kuzuzikizigwe²⁵ Ndamwambila ezi zintu kuli ndinywe mutulabik, pesi chiindi chilasika nchetachiyomwambili mutulabik, pesi anukuti ndiyomwambila antaanganana atala aTaata.²⁶ Mubuzuba obo moyokumbila muzina lyangu aboobo nsikoyomwambila kuti ndiyomukombela kuli Taata,²⁷ pesi Taata lwakwe ulamuyanda nkaambo mwakandiyanda andime aboobo nkaambo mwakasyoma kuti ndakazwa kuli Leza.²⁸ Ndakazwa kuli Taat, aboobo ndakaza munyik. Lubo ndiyozwa munyika aboobo ndilayinka kuli Taata.²⁹ Basikwiya bakwe bakati; 'Bona, lino wambula antaanganana aboobo tolukubelesya tulabiko pe.³⁰ Lino twaziba kuti ulizi zintu zyoonse, aboobo toyandi naba omwe kuti akubuzye mibuzyo. Nkaambo kazezi, tulasyoma kuti wakazwa kuli Leza."³¹ Jesu wakabasandula," Mwasyoma na lino?³² Bon, chiindi chilasik, iyii, aboobo nchechicho echino chimuyowazana aumwi aumwi kumunzi wakw, aboobo aboobo muyondisiya andikk. Nekuba boobo nsili andikke pe nkaambo Taata ula ndim.³³ Ndamwambila ezi zintu kuti mube alumuno mulindim. Munyika mube mapakasy, pesi amube akujatilila; Ndakizunda nyika.

17

¹ Jesu nakamana kwamba zintu ezezi, wakatambya meso akwe kumajulu akwamba kuti, "Taata, chiindi chasika, mupe bulemu Mwanaako kuchitila kuti alakwe Mwana akupe bulemu - ² mbuli mbwakamupa bwendelezi atala ailengwa zyoonse kuchitila kuti azope buumi butamani kuli woонse ooyo ngwakapa kuli nguwe. ³ Mbuli ibuumi butamani kuti bakuzibe, nduwe Leza wakasimpe, akuli nguwe ooyo ngwakatumwa, Jesu Kkilisito. ⁴ Ndakakupa bulemu anyika. Ndakamaninsya mulimo oyo nguwakandipa kuti nguuchite. ⁵ Lino, Taata, kondilemya antomwe ayebo abulemu obo mbendali kujusi nkechili ayebo, inyika kitanaanzwa. ⁶ Ndakayubununa izina lyako kubantu aabo mbwakandipa kuzwa kunyika. Bakali bako, wakabapeda kuli ndime bakabamba ijwi lyako. ⁷ Lino bakaziba kuti zyoonse eezyo nzwakandipa zizwa kuli nduwe, ⁸ Nkambo ndakabapa woонse majwi ayo ngwakandipa. Bakaatambula mpawo akuziba bwini bwakutu ndakazwa kuli nduwe mpawo bakasyoma kuti wakandituma. ⁹ Ndabakombela. Nsikombeli banyika pe pesi aabo mbwakandipa nkambo mbibako. ¹⁰ Choонse eecho changu nchichaako mpawo chako nchichanghu mpawo mpegwa bulemu mulimbabo. ¹¹ Nsichili munyika, pesi aaba bantu balimunyika, mpawo ndikuza kuli nduwe. Taata Uusalala, babambe muzina lyako elyo nduwe wakandipa kuchitila kuti babe bamwi mbuli mbutuli bamwi. ¹² Nindakachili ambabo, ndakabambide kabotu muzina lyako, eelyo ndwakandipa. Ndakaba kwabilila, mpawo takwe nikuba umwi wakanyonyoka, kusiya mwana wabajyi, kuchitila malembe kuti azuzikizigwe. ¹³ Lino ndaboola kulinduwe, pesi ndikwamba zintu ezezi munyika kuchitila kuti lukondo Iwangu lutzozukizigwe muli mbabo. ¹⁴ Ndakabapa ijwi lyako, mpawo nyika yakabasula nkambo tabali benyika eeyi, mbuuli mbuntali wenyika. ¹⁵ Nsilokukumbila kuli nduwe kuti ubagwisye munyika, pesi kuti babambwe kabotu kulibaabo batalomene. ¹⁶ Tembanyika pe mbuli mbentali wenyika ambebo. ¹⁷ Mubaanzanisyé kwinda kukasimpe. Ijwi lyako ndayakasimpe. ¹⁸ Mbuli mbowakandituma munyika ndabatuma ambebo munyika. ¹⁹ Akambo kambabo, ndalibamba lwango kuchitila kuti abalabo babambwe mukasimpe. ²⁰ Nsikombeli aaba luzutu pe, pesi abaabo batakasyome mulindime kwinda kujwi lyaako ²¹ Kuchitila kuti boonse bakabe umwi mbuli nduwe. Taata mbuli muli ndime, andime ndimuli nduwe. Aabalabo abaabe muli ndiswe kuchitila kuti inyika ikasyome kuti nduwe nuwakandituma. ²² Ibulemu oobo mbuwakandipa, ndakabupa kuli mbabo, kuchitila kuti babe uumwi, mbuli mbundi umwi. ²³ Ime muli mbabo, mpawo iwe

muli ndime - kuti mpobazulila mulukamantano, kuti inyika izibe kuti wakandituma akuti wakabayanda mbuli mbuwakayanda ndime.²⁴ Taata, njanda aabo mbwakandipa kuti baabe andime ooko nkuumbe, mpawo akubona bulemu mbwakandipa nkambo wakandiyanda intalisyo yenyika kitana kubambwa.²⁵ Taata ululeme, inyika teyaka kwizi pe, pesi mebo ndakali kwizi, mpawo aaba balizi kuti wakandituma.²⁶ Ndakachita kuti izina lyako lizibinkane kuli mbabo, nkabela ndichiyolizibya kuchitila kuti luyando ndwakandiyanda aalo lukabe muli mbabo, mpawo nooli muli mbabo."

18

¹ Jesu nakamana kwambula majwi aaya, wakainka kuli aanze abasikwiya bakwe kuli bumwi busena mumusena wa Kkidiloni, oko kwakali chilili mwakakunjila abasikwiya bakwe.² Lino Judasi ooyo wakali sikuyo mwaba, alakwe wakalibwizi busenobu nkambo Jesu wakali kuswanana absikwiya bakwe nkuko.³ Mpawo Judasi wakazulwida inkamu yabasilmamba abamwi bendelezi bazwa kubapayizi bapati akubaFalisi, abasizyuno, bakayinka nkukoko amalampi, azimunisyo, azilwanisyo.⁴ Mpawo Jesu, iwakazi zyoonse zintu ezyo zyakali kuyochitika kulingue, wakaya kunembo wababuzuya kuti, "Ngwani ngomulokuyanduula?"⁵ Bakamusandula, "Jesu waku Nazaleta." Jesu wakati ndamwambila kuti, "Ndime." Judasi ooyo wakamuzya wakaliimvvi abasilumamba.⁶ Nakaamba kuli mbabo kuti, "Ndime," bakabwedela musule bawidaansi.⁷ Wakababuza lubo, "Ngwani ngomulokuyanduula?" Lubo bakindulula batu, "Jesu waku Nazaleta."⁸ Jesu wakasandula, "Ndamubuza kuti ndime. Na kamulokuyandula ndime, amubaleke aaba beende."⁹ Ezi zyakachitika kuti ijwi ndyakaamba lizuzikizigwe: "kuti kulibaabo mbwaakandipa takwe ngundakasowa pe."¹⁰ Alimwi Sayimoni Pita, wakali akafulo, wakakasomona wagonka mulanda wamupayizi mupati wamugonka kutwi kwakuchilisyo. Lino izina lyamulanda oyu wakali Malukkasi.¹¹ Jesu wakati kuli Pita, "Bweedezya ikafulo munkomo. Nsyelede kunywa muchinywidoo eecho Taata nchaakandipa mebo?"¹² Awo inkamu yabasilmamba amupati wabo, ababelesi babajuda, bakajata Jesu akumwaanga.¹³ Kutanguna bakamutola kuli Aanasi, nkambo wakali yisizyala wa Kkefasi, wakali mupayizi mupati munyokoyo.¹⁴ Lino Kkefasi wakali nguwe wakapede lulayo kubajuda kuti nichali chibot kuti umwi muntu awifde bantu boonse.¹⁵ Sayimoni Pita wakatobelaa Jesu, alimwi awumwi sikiwiya. Lino ooyu sikiwiya wakazibinkene kubapayizi bapati, aboobo wakanjila a Jesu munkuta yabapayizi bapati.¹⁶ Pesi Pita wakaliimvvi amulyango kalaanze, mpawo umwi sikiwiya, wakazibinkene kubapayizi bapati, wakazwa aanze kuyowambula abalinda amulyango, mpawo wakanjizya Pita mukati.¹⁷ Mpawo mulanda wachikayintu, wakalikubamba amulyango, wakabuzya Pita kuti, "Tooli umwi wabaabo basikwiya bayooyu mwalumi na, wakasikuti, "teensi ndime pe."¹⁸ Lino balanda abasikubeleka muwofesi bakalimvvi awo, nkabela bakali bakutilizya mulilo nkambo kwakali kutontola, bakali kuyota. Pita ambabo kayimvvi kalikuyota alakwe.¹⁹ Mupayizi mupati wakabuzya Jesu aatala abasikwiya bakwe anjiisyo yakwe.²⁰ Jesu wakamusandula, "Ndakambuula entanganana kunyika. Choosne chiindi ndakali kuiyiisa muzitumba amuzikombelo akoko bajuda nkubakali kuswanana. Taakwe pe nchindakaamba mukusisikizya.²¹ Nkambonzi nimundibuya? Kabuzye kuli bakandimvva ataala azezyo nzindakaamba. Boona, aaba bantu balizizi nzindakaamba."²² Jesu nakamana kwamba eezi, umwi wababelesi wakayimvwi wakawuma Jesu wati, "Mbubo na mboyelede kusandula mupayizi mupati?"²³ Jesu wakatikuli nguwe, "kuti nkendi ndaambula bubi, paa bukamboni atala abubi, pesi kuti kakuli kabotu, unduuminayi?"²⁴ Mpawo Aanasi wakamutola kaangidwe kuli Kkayifasi mupayizi mupati.²⁵ Lino Sayimoni Pita wakalimvvi kayoota mulilo. Bantu bakati kulingue, "Sena tenduwe umwi wabasikwiya bakwe na? Wakakaka akwamba kuti, "Tensindime pe."²⁶ Umwi wabalandaa bamupayizi mupati, wakali munyina wamwalumi ulakutwi Pita nkwegagonkede, wakati, "Tooli nduwe na ngundakabwene muchilili anguwe?"²⁷ Mpawo Pita wakakaka lubo, mpawo mukuku wakakokolika.²⁸ Eelyo bakatola Jesu kuzwa kuli Kkayifasi kuya kukubetekwa. Kwakachili kuseni loko, nkabela tebakanjila pe mubbetekelo kuchitila kuti tabosfwazigwi pe pesi bakakonzye kulya pasika.²⁹ Awo Pilato wakazwa aanze waya kuli mbaboo wasikuti, "Nguuli mulandu ngumweeta ayoyu mwalumi?"³⁰ Bakasandula kabati kulingue, "Aanolii ooyu mwalumi tesimuchita zibi, Tetwayinomweeta kuli nduwe pe."³¹ Mpawawo Pilato wakati kulimbabo, "mumutole ndinywe, akuyomubeteka kwinda mumulawu wanu." MaJuda bakati kulingue, "Tachili mumulawu pe kulindiswe kubikka kufumbwa umwi muntu kulufu."³² Bakaamba ezi kuchitila kuti ijwi lya Jesu lizuzikizigwe eelyo ndyakaamba kutoondezya atala amusyobo walufu ndwayizofwa.³³ Mpawo Pilato wakanjila munganda yakubetekela lubo wayita Jesu wamubuzya kuti, "Nduwe Mwami waba Juda

na?”³⁴ Jesu wakasandula, “Ulokulyambwida na, nakuti kuli bamwi bakamburga atala andime kuli nduwe?”³⁵ Pilato wakasandula, “Nsili muJuda pe me, ndinguwe na? Bantu bako abapayizi bapati bakupeda kuli ndime. Niinzi nchiwachita?”³⁶ Jesu wakasndula, “Bwami bwangu tabuli bweenyika eeyi pe. Aanoli bwami bwangu bwali bwachimwi chipanzi chenyika eeyi, balanda bangu bayinokulwana kuchitila kuti nkindeka kwabwa kuba Juda. Pesi lino bwami bwangu tabuzwidi aano pe.”³⁷ Pilato wakati kulinguwe, “Uli mwami na?” Jesu wakamusandul, “wamba kuti ndimwami. Kuuli aya makanze ndakazyaligwa, akuli aya makanze ndakasika munyika, kuti ngaambe bukamboni mukasimpe. Woonse ooyo uuli mukasimpe ulaswilizya kujwi lyaangu.”³⁸ Pilato wakati kulinguwe, “niinzi kasimpe?” Ndakazwa kwaamba eezi, wakayinka kurnaJuda wamba kuli mbabo, Takwe mulandu pe ngundajana mumwalumi ooyu.³⁹ Pesi mulachiyanza chakuti ndiwangunune umwi muntu kuli ndinywe apasika. Aabobo mulayandana kuti ndimulekezezye mwami waba Juda?”⁴⁰ Mpawo bakoompolola lubo akwamba kuti, pepe oyu mwalumi, pesi Bbalabbasi.” Lino oyu Bbalabbasi wakaali mubbii.

19

¹ Mpawo Pilato wakatola Jesu akuyomunabba. ² Basilumamba bakalunda ingowani yamamvwa. Bakayibikka amutwe waJesu bamuzwatika asila lyamusyobo wantuumbula. ³ Bakasika kulinguwe basikuti, wabonwa, “Mwami waba Juda!” mpawo basikumuma. ⁴ Pilato wakabbuda aanze lubo wasikuti kulimbabo, “Mubone, ndikumweeta anze kulindinywe kuchitila kuti muzibe kuti nsijene mulandu pe aalinguwe.”⁵ Awo Jesu wakabbuda aanze, kazweete musini wamamvwa asila lyachikobela chamusyobo wantumbula. Pilato wakati kulimbabo, “Mubone ngooyu mwalumi!”⁶ Mpawo awo bapayizi bapati ababelesi nibakabona Jesu, bakoompololesya bat, “Aababmbulwe, abambulwe!” Pilato wakati kuli mbabo, “Mumutole ndinywe mukamubambule nkambo nsijene mulandu pe kulinguwe.”⁷ Ba Juda bakamusandula, “Tulijisi mulawu, alubo kwinda mumulawu oyoo, welede kufwa nkambo wakali kulyaamba kuti Mwana waLeza.”⁸ Aawo Pilato nakamvwa nkani eeyi, wakayoweesya loko.⁹ Wakanjila munganda yakubetekela lubo wati kuli Jesu, “Uuzwa kuli? Pesi Jesu takwakasandula pe.¹⁰ Mpawo Pilato wakati kulinguwe, “Towambuli na kulindime?” Toozi na kuti ndilenguzu zyakukwanganuna aanguzu zyakukubambula?¹¹ Jesu wakamusandula, “Tojis pe kupanguzu alindime kusiya eecho nchiwakapegwa kuzwa kujulu, nikuba oobo, ooyo wandipeda kuli nduwe ulaachibi chipati.”¹² Kunsandulo eeyi, Pilato wakeezya kumwangununa pesi bama Juda bakawompoola kabati, “kuti wangununa mwalumi ooyu, “Tooli muzolwani wa Siza. Woonse ulichita mwami uwuwambula ataala a Siza.¹³ Pilato nakamvwa makani aaya wakeeta Jesu aanze wakkala aachuno chakubetekela mibusena bwiita kuti “Ibbuwa lyamabwe,” pesi mumulaka wachi Hibbulu, ni “Gab-bata.”¹⁴ Lino lyakali izuba lyakubambilila kwapasika, chiindi chamahola aali musanu alimwi. Pilato wakati kuba Juda, “Mulange ngoyu mwami wenu!”¹⁵ Bakawompolola, “Kuule anguwe, kule anguwe, “Abambulwe!” Pilato wakati kuli mbabo, “Mubambule na mwami wenu?” Bapayizi bapati bakasandula, “Tatukwe mwami pe, pesi Siza.”¹⁶ Mpawo Pilato wakapedekezya Jesu kuli mbabo kuti abambuulwe.¹⁷ Mpawo bakatola Jesu, bayinka aanze, kalibwezelede chiingano, kubusena butegwa “Kaanza,” chitwa kuti “Gologota.” mumulaka wachi Giliki.¹⁸ Bakamubambula Jesu nkuko, antomwe abamwi baalumi babili umwi kuli eeli bbazu, umwi kuli eeli, Jesu kali akati.¹⁹ Pilato wakalemba chitondezyo wachibika achiingano. Chakalemedwe obu: JESU, MWAMI WABA JUDA.²⁰ Bajuda biungi bakalikuchibala chitondezyo eechi nkambo busena Jesu nkvakabambwidwe bwakali afwifwi adolopo. Chitondezyo chakalemedwe mumilaka eyi, chi Hibbulu, Latin, antomwe amuchi Giliki.²¹ Eelyo bapayizi bapati babajuda bakati kuli Pilato, “Utalembi kuti, “Mwami wabaJuda, pesi utedi, “Ooyu uulyamba kut, “Ndimwami wabamaJuda.””²² Pilato wakasandula kuti nzindalemba, ndalemba.”²³ Basilumamba nibakabambula Jesu, bakatola zisamo zyakwe, bazyabana akati kabu muzibeele zyoone, kuti baabane umwi awumwi, achilacho chibaki. Lino chibaki chakali abusumyo buumwi kuzwida ajulu.²⁴ Mpawo bakati kuli umwi awumwi, “Tatuchideluli pe, pesi aatusonde kuchitila kuti chilyaambe kuti chilaaba chan. Eechi chakachitika kuchitila kuti malembe azuzikizigwe awamba kuti, “Bakaabana zikobela zyangu akati kaabo akusonda zisamo zyangu. Eezi nzibakachita basilumamba.”²⁵ Lino ibakayimvwi afwifwi achiingano cha Jesu, kwakali banyina Jesu, kwakali mukulana wabanyina, Meli muka Kkilopasi, a Meli Magadalina. Aaba bamakayintu bakalimvwi afwifwi achiingano cha Jesu.²⁶ Jesu nakabona banyina asikwiya ooyo ngwakali kuyandisyu kabimvwi afwifwi, wakati kuli banyina, “Yomwanakazi, “Langa, mwanako!”²⁷ Mpawo wakati kuli sikwiya, “Langa banyoko.” Kuzwa kuchiindi echo sikwiya

wakabatola banyina kungda yakwe. ²⁸ Nikwakayinda ezi Jesu, nkambo wakaziba kuti zyonse lino zyakali zyamana, akuchitila kuti malembe ayelede kuzuzikizigwa, Jesu wakati, "Ndaaba enyota" ²⁹ Chibikilo chakazwide wayini upanyuka chakaliwo, mpawo bakabika akasamu kakaangidwe chisana chakazwide wayini upanyuka bamutambikizya amulomo wakwe. ³⁰ Jesu nakanywa wayini upanyuka wakati "Kwamana." wakalanza mutwe aansi akupedyada muuya wakwe. ³¹ Mpawo bajuda, akambo kakuti lyakali izuba lyakulibambilila, akuti mibili teyakali kuchaala aachingano kuchindii chasabata (elyo Sabata yakali impati loko), bakakumbila Pilato kuti atyole mawulu aabo akubagwisya. ³² Mpawo basilumamba bakasika akutyola mawulu amwalumi wakutanguna awabili wabo bakabambwidwe a Jesu. ³³ Nibakasika kuli Jesu, bakabona kuti wakali wafwa kale, aboobo tebakamutyola pe mawulu akwe. ³⁴ Nikuba obo, umwi wabasilumamba wakamuyasa limwi bbazu esumu, mpawo kwakazwa iganziaamaanzi. ³⁵ Ooyo wakabona eechi wakaamba bukamboni, abukamboni bwakwe mbwakasimpe. Ulizi kuti nzyawamba ninchobeni kuchitila kuti anduwe usyome. ³⁶ Nkambo eezi zintu zyakachitika kuchitila kuzuzikizya malembe, "Takwe nikuba limwi fuwa lyakwe litakatyolwe." ³⁷ Alubo, aamwi malembe aamba kuti, "Bayolanga kulinguwe ooyo ngubakayasa." ³⁸ Nikwakamana ezi zintu, Josefa waku Alimatiya mbuli kuti wakali sikiwiya (pesi mukusisikizya akuyoowa bajuda) wakakukumbila kuli Pilato kuti atoole mibili wajesu, Pilato wakamuzumizya. Aboobo Josefa wakaboola akuutola mibili wajesu. ³⁹ Nikkodimasi alakwe wakasika, nguwe wakazide kutangna kuli Jesu mansiku. Wakeeta tununkilizyo tuvwelene twamuula atwatyati, mweelwe wamuyanda umwi wampondo. ⁴⁰ Mpawo bakatola mibili wa Jesu bawuvungilizya zisani zituba atununkilizyo mbuli muchaanza chaba majuda kukuwwikka mibili. ⁴¹ Lino mubusena mwakabambwidwe kwakali chilili, omu muchilili mwakalika kabanda kakatalina kulazikwaa muntu naba umwi pe. ⁴² Nkambo kakuti lyakali izuba lyakulibambilila lyabama Juda alimwi akambo kakuti kabanda kakali awififi, bakamulazikka mumo Jesu.

20

¹ Lino chifumo mubuzuba butaanzi bwamviki, nkakuchisiya, Meli Magadalina wakaza kuchuumbwe alimwi wakabona ibbwé kalikkunkulisigilwe kuzwa kuchuumbwe. ² Akaako wakachijaana alimwi wasika kuli Sayimoni Pita a kuli bamwi basikwiya aabo Jesu mbakali kuyanda, alimwi wabaambila wati, "Bamubweza Mwaami kuzwa muchuumbwe, alimwi tatuzi nkubamulazika." ³ Mpawo Pita abamwi basikwiya bakazawa, alimwi bakaya kuchuumbwe. ⁴ Aantomwe bakachijaana, alimwi umwi sikwiya wakachijaanisa kwinda Pita akusika kuchuumbwe lutaanzi. ⁵ Lino wakalangisisya aansi, wakabona mulembo wazizwaato zyakwe kazilede aawo, pesi takanjila pe mukati. ⁶ Sayimoni Pita lino wakasika kunembo lyakwe alimwi wanjila muchuumbwe. Wakabona chilembo chachizwato kachiyalidwe awo, ⁷ achilembo chakali aatala amuutwe wakwe. Techakayalidwe aamwi azilembo zimwi pesi chakalivungidwe mubusena bwacho achilike. ⁸ Lino umwi sikwiya, ooyo wakatanguna kusika kuchuumbwe, alakwe wakasika wanjila muchuumbwe, alimwi wakabona alimwi wasyoma. ⁹ Nkaambo kusikila kuchiindi eecho tebakalinaaziba malembe aamba kuti uzobuka kuzwa kubafu. ¹⁰ Akaako basikwiya bakabweeda kumunzi lubo. ¹¹ Pesi Meli wakaliimvi aanzee aachuumbwe. Nkachilila, wakalangisisya aansi muchuumbwe. ¹² Wakabona bobilwe bangelo muzituba balikkide, umwi kumutwe, alimwi umwi kumawulu aawo mubili wa Jesu mpuwakalede. ¹³ Bakati kulingue, "Yo mwanyakazi, ulilaanzi?" Wakati kulimbabo, Nkaambo babweza Mwaami wangu, alimwi tandizi pe kuti bamubika kuli. ¹⁴ Nakaambo eechi, wakachebuka alimwi wabona Jesu kayimvwi aawo, pesi takaziba pe kuti ngu Jesu. ¹⁵ Jesu wakamwaambil, "Yo mwanyakazi ulilaanzi? Ngwani ngolanguula?" Wakayeya kuti ngu sichilili. akaako wakati kulingue, "Yo mwaalumi, na wamubweza, ndaambile nkuwamubika, alimwi ndiyomubweza." ¹⁶ Jesu wakati kulingue, "Meli." Wakachebuka, alimwi wati kulingue muchi Alamayiki, "Labboni," (chitolekelwa kuti: "Muyiisi.") ¹⁷ Jesu wakati kulingue, "Utandijati, nsinayinka kujulu kuli Taata, pesi inka baukulana bangu alimwi ubaambile kuti ndiyobiwinka kujulu kuli Taata wangu a Taata wenu, alimwi Leza wangu a Leza wenu." ¹⁸ Meli Magadalina wakasika alimwi waambila basikwiyy, "Ndamubona Mwaami," alimwi azintu nzyaakamwaambil. ¹⁹ Nikwakaba goko, mubuzuba oobo, izuba taanzi lya mviki, alimwi amakkoma aakooko basikwiya nkubakabede, akaljalidwe mukuyoywa ba Juda, Jesu wakasika alimwi wiima aakati kabo wasikwaamba kuti, "Luumuno kulindinywe." ²⁰ Nakamana kwaambaa eezii, wakabatondezya maboko aakwe a bbazu lyakwe. Mpawo basikwiyya nibakabona Mwaami, bakabotelwa. ²¹ Jesu lino wakabaambila alubo, Luumuno kulindinywe. Mbuli

Taata mbwakandituma, lino ndili kumutuma.”²² Aawo Jesu naakaamba eezi, wayoyela alimbabo alimwi wasikuti kulimbabo, “Mutambule Muuya Uusalala.²³ Kufumbwa chibi chani nchimuyolekelela, ngachalekelela; kufumbwa ngumubweedezezya chibi, ngazyabweedezegwa.”²⁴ Tomasi, umwi wenkamu yabalikkumi ababili, utegwa Didi-masi, takali aantomwe pe abamwi aawo Jesu naakasika.²⁵ Bamwi basikwiyya nikwaki-inda chiindi bakati kulinguwe, “Twamubona Mwaami.” Wakabaambila kuti, “Ado ndabona mumaboko aakwe impa zya zipikili, alimwi ndibike munwe mukati ke mpa zya zipikili, akubika luboko lwangu mubbazu lyakwe, nsikyooyosyoma.”²⁶ Nikwakayinda mazuba ali musani aatatu basikwiyya bakwe bakali mukati alubo, alimwi Tomasi wakali aakati kabo. Jesu wakanjila aawo makkoma kaajalidwe, alimwi wiimikila akati kabo, wati, “Luumuno kulindinywe.”²⁷ Lino wakati kuli Tomasi, “Seyomeka munwe wako, alimwi ubone maboko aangu, sikila amunwe wako, alimwi ubike mumampango aangu, utabi uutasyomi, pesi syoma.”²⁸ Tomasi wakasandula alimwi wakati kulinguwe, “Mwaami wangu a Leza wangu.”²⁹ Jesu wakati kulinguwe, “Nkaambo wandibona, wasyoma. Balilongezegwelge batanaabona, alimwi basyoma.”³⁰ Lino Jesu wakachita zitondezyo zyiingi kunembo lya basikwiyya, zitondezyo zyakatalembwa pe mumagwalo,³¹ pesi eezi zyakalembwa kuti tusyome kuti Jesu ngu Kkilisito, Mwana wa Leza, alimwi mukusyoma, ube aabuumi muzina lyakwe.

21

¹ Nikwakayinda eezi zintu Jesu wakaliyubununa lwakwe mwini alubo kuli basikwiyya bakwe ku Iwizi lwa ku Tibbaliyasi. Oobu mbombubo mbwakaliyubununa lwakwe mwini. ² Sayimoni Pita wakali aantomwe a Tomasi uutegwa Didimasi, Nataniel uuzwa ku Kkana mu Galili, ibana ba Zebbedi, alimwi ababili basikwiyya ba Jesu. ³ Sayimoni Pita wakati kulimbabo, “Ndiyobuya ku kuloba.” Bakati kulinguwe, “Aswebo, tuyobwiinka anduwe.” Bakiinka alimwi banjila mubwaato, pesi takwe nchibakajata busiku boonse. ⁴ Lino, nkakuli kwa chifumofumo, Jesu wakaliimvvi kunkomwe yalwizi, pesi basikwiyya tebakaziba pe kuti wakali Jesu. ⁵ Akaako Jesu wakati kulimbabo, “Yo balombwana, muli aachakulya na?” Bakamusandula, “Tatukwe.” ⁶ Wakati kulimbabo, “Kamuwaala bunsabwe bwenu kubbazu lyalulyo lwa bwaato, alimwi muyoojana zimwi.” Akaako bakawaala bunsabwe bwabo, pesi tebakakonzya pe kubukwelela mukati akaambo kakuvulisyka kwe nswi. ⁷ Alimwi sikiwiyya Jesu ngwakali kuyandisa kapati wakati kuli Pita, “Ngu Mwaami. “Aawo Sayimoni Pita naakamvwa kuti Mwaami, wakadelula chisamo chakwe chaanze (nkaambo wakali maya), alimwi walwaalila mulwizi. ⁸ Bamwi basikwiyya bakaza mubwaato (tebakali kule pe kuzwa anyika, mbuli myaanda yobile yatukkokola kuzwa aawo), alimwi bakayobukkwela bunsabwe buzwide nswi. ⁹ Aawo nibakazwa aanze aatala anyika, bakabona makkala aamulilo nkakulazikidwe muswi aatala lyawo achinkwa. ¹⁰ Jesu wakati kulimbabo, “Mweete zimwi nswi nzimwajata.” ¹¹ Sayimoni Pita wakayinka aajulu akukkwela bunsabwe aanyika, kakuzwide baswi ba pati, mwaanda omwe amakkumi musamu aatatu mbuzyakabede, pesi nikuba kuti zyakali nyangi, bunsabwe tebwakadeluka pe. ¹² Jesu wakati kulimbabo, “Kamuza akulya chilyo chachifumo.” Takwe aakati kabasikwiyya wakayanda kumubuzya kuti, “Nduveni?” Bakali zizi kuti ngu Mwaami. ¹³ Jesu wakaza wabweza chinkwa, alimwi wachipa kulimbabo, a nswi azilazyo. ¹⁴ Oolu Iwakali Iwatatu Jesu kali kulyubununa mwini kuli basikwiyya musule aakubuka kwakwe kuzwa kubafu. ¹⁵ Nebakamana kulya chilyo chachifumo, Jesu wakati kuli Sayimoni Pita, “Sayimoni mwana wa Joni, ulandiyanda na kwiinda eesi?” Pita wakati kulinguwe, “Iyi Mwaami wangu, ulizi kuti ndilakuyanda.” Jesu wakati kulinguwe, “Sanina mbelele zyangu.” ¹⁶ Wakati kulinguwe Iwabili, “Sayimoni mwana wa Joni, ulandiyanda na?” Pita wakati kulinguwe, “Iyi Mwaami wangu, ulizi kuti ndilakuyanda.” Jesu wakati kulinguwe, “Bamba mbelele zyangu.” ¹⁷ Wakati kulinguwe, “Sayimoni mwana wa Joni, ulandiyanda na?” Pita wakali wanyema nkaambo Jesu wakali wamubuzya Iwatatu, “Ulandiyanda na?” Wakati kulinguwe, “Mwaami, ulizizi zyoonse eezi zintu, ulizi kuti ndakuyanda.” Jesu wakati kulinguwe, “Sanina mbelele zyangu. ¹⁸ Nchobeni, nchobeni, ndakwaambila, niwakachili muniini, wakalikulizwaatika akweenda kufumbwa nkuwakali kuyanda, pesi niwakkomena, uyootandabika maboko aako, alimwi umwi uyoookuzwatika a kukubweza kukutola nkotayandi kwiinka.” ¹⁹ Lino Jesu wakachaamba eechi kuchitila musyobo walufu Pita ngwatakalemekye Leza. Nakamana kwaamba eechi, wakati kuli Pita, “Nditobe.” ²⁰ Pita wakachebuka alimwi wabona sikiwiyya ooyo Jesu ngwakali kuyandisa nkayoobubatobel, ooyo wakali aafwifwi kubbazu lya Jesu kuchiindi cha chilalilo alimwi wakati, “Mwaami, utakakuuze?” ²¹ Pita wakamubona akwaambila Jesu, “Ulachita biyeni mwaalumi ooyu?” ²² Jesu wakati kulinguwe, “Na ndayanda kuti akkale

kusikila ndaboola, niinzi eecho kulinduwe? Nditobe.”²³ Lino aka kaambo kakasaalila kuli babunyina, kuti ooyo sikwiya takoyoofwa. Pesi Jesu teensi wakateedi kuli Pita kuti ooyo sikwiya takoyoofw, pesi, “Na ndayanda kuti ukkale kusikila ndaboola, niinzi eecho kulinduwe?”²⁴ Ooyu ngonguwe sikwiya uupa bukamboni aatala azint, alimwi iwakalemba zintu eezi, alimwi tulizi kuti bukamboni bwakwe mbwanchoonzyo.²⁵ Kuli zintu zyiingi alubo Jesu nzyakachita. Na chimwi achimwi chakalembwa aansi, ndibona kuti niiba nyika lwayo teyalikunokonzya pe kubamba magwalo anoli alembwa.

Nchito

¹ Tiyofilasi, lugwalo lutanzi ndundakalemba, ndakaamba zyoonse eezyo Jesu nzyakatalika kuchiita akwiisa, ² mane kubuzuba mbwakatolwa kujulu, nakamana kupa mulalilo kwiinda mu Muuya Uusalala kuba tumwa mbakasalide. ³ Nakamana kupenga, wakalitondezya lwakwe muzitondezyo zyiingi zizundikizya. Wakaliyubununa kuli mbabo kwamazuba aali makumi aane, mpawo wakambula aatala aabwami bwa-Leza. ⁴ Chindi nakali kubungana aamwi ambabo, wakabalayilila kuti batazwi mu Jelusalema, pesi bakalindile chisyomezyo cha Taata, Eecho nchaakamba kuti, "mwakamvwa kulindime" ⁵ kuti choonzyo, Joni waka bbabbatizya a meenda, pesi nywebo mumazuba mache biyo muyo bbabbatizigwa muMuuya Uusalala." ⁶ Aawo nibaka bungene aamwi bakabuza kuti, "Mwami, sena echinchehindi nchoyobusilizya Bwami ku Izilayeli?" ⁷ Wakabambilila kuti, "tachili kulindinywe kuziba zyiindi eezyo Taata nzyakabamba munguzu zyakwe. ⁸ Pesi moyotambula nguzu aawo Muuya Uusalala nyosiska aalindinywe, mpawo moyooba bakamponi bangu mu Jelusalemu amu Judiya moonse amu Samaliya, akumamanino anyika." ⁹ Chiindi Mwami Jesu nakaamba eezi zintu, mpawapo kabachilangide kujulu, wakanyamoulwa mujulu, mpawo ijoba lyakamusisa kuzwa kumeso aabo. ¹⁰ M bubonya kabachilangisisa kujulu mbuli mbwakeenda, mpawo mpawo, baalumi babili bakayimikila kulubazu lwabo kabasamide zisamo zituba. ¹¹ Bakaamba kuti, "Yo balumi baku Galili, nkambonzi nomwimvwi aano akulanga mujulu? Jesu ooyu watansiikwa kuzwa kulindinywe kuya kujulu, mbubonya uuyobola muchiumo nchichonya nhomwamubona kayinka aacho kujulu. ¹² Mpawo bakajokela ku Jelusalema kabazwa kuchilundu chitegwa Oliveti, eecho chili aafwifwi akiu Jelusalemu, lweendo lwabuzuba bwa Sabata. ¹³ Mpawo nibakasika, bakatanta mung'anda yamujuju, oomo mubakali kukkala. Bakali Pita, Joni, Jemusi, Andulo, Filipi, Tomasi, Bbatolomyu, Mateyo, Jemusi mwana wa Alufiyasi, Sayimoni mu Ziloti, a Judasi mwana wa Jemusi. ¹⁴ Boonse bakali peda kumulimo wakukomba antomwe abanakazi, a Meli banyina ba Jesu Kkilisito abanabakwabo. ¹⁵ Mumazubayo Pita wakiimikila akati kababakwabo, batiki kabe mwaanda amakkumi aabil, akwamba kuti, ¹⁶ "Nobakwesu, chakalede kuti magwalo azuzikizigwe kuti Muuya Uusalala wakamba lutanzi kumulomo wa Devidi azya Judasi, ooyo wakazulwida aabo bakaanga Jesu. ¹⁷ Nkaambo wakaluumwi wesu mpawo wakatambula chaabilo chamulimo ooyu." ¹⁸ Lino mwaalumi ooyu wakawula muunda a mpindu nzyakatambula mububi bwakwe, eelyo nkukonya wakawa watola mutwe lutaanzi amubili wakwe wakabhaluka alimwi mala aakwe akafwasukila kunze. ¹⁹ Boonse bakkali bamu Jelusalemu bakamvwa ataala achechi, mpawo bakawulika muunda ooyo mumwaambo wabo "Akeludama, "nkukwamba kuti, "Muunda wa Bulowa." ²⁰ "Nkaambo kuli lembedwe mulugwalo Iwa Ntembauzyo, Muunda wakwe awuchitwe chisesemyo, alimwi kutabi naba omwe muntu ukkala nkuko; 'Akube umwi uumbi ubweza chuuno chakwe chabuzulwidi. ²¹ Nkinkako, kulede, kuti umwi wabantu bakeenda aswe chiindi choonse Mwami Jesu nakanjila akuzwa aakati kesu, ²² kutilikila kuzwa kulubbabatizyo lwa Joni kulosika kubuzuba mbwakabwezegwa kuzwa kulindiswe, abe kamboni andiswe kububuke bwakwe." ²³ Mpawo bakabika baalumi babili kunembo, Jozefu uitegwa Bbasabbi, ooyo wakawulikwa lubo izina lyakuti Jasitasi, a Matiyasi. ²⁴ Eelyo bakakomba akwamba kuti, "Mwami, webo, ulizi myoyo yabantu boonse, nkinkako yubununa kuti nguuli wababili aaba; ooyo ngosalide" ²⁵ abweze busena mumulimo oyu abutumwa oobo mbwakasiya Judasi akuya kubusena bwakwe." ²⁶ Mpawo bakawuma chisolo, alimwi chisolo chakawida kuli Matiyasi, mpawo wakabalwa aamwi abatumwa bali kkumi awumwi.

2

¹ Nibwakasika buzuba bwa Pentekosita, boonse bakali aantomwe aabusena bomwe. ² Mpawaawo kwakasikka muzuzumo wakazwa kujulu ulimbuli kuunga wagubo pati, wakazuya ng'anda yoonse mubakabede. ³ Mpawaawo kwakalibonia ndimi zilimbuli zyamulilo zyakabakkala, alimwi zyakabakkala umwi awumwi. ⁴ Boonseni bakazula aMuuya Uusalala mpawo bakatalika kwaambuu la mumilaka, mbuli mbubakazumin-inwa aMuuya. ⁵ Lino kwakali bajuda bakali kukkala mu Jelusalemu, bakalo aabuna leza, balikuzwa kumanyika woone alimunsejulu. ⁶ Ooyu muzuzumo niwakamvwigwa, makamu makamu aabantu akaboola aamwi alubo bakagamba nkaambo bakabamvwa

kabaambuula mumilaka yabo.⁷ Bakayoowa akugamba; bakati sena aaba boonse balikwaambula tabali bamu Galili na?⁸ Nkamboonzi nitulikubamvwa, umwi awumwi mumilaka yabuzyalwe bwesu?⁹ Baku Patiya abaku Medesi abaku Elamiya, abaabo bakkala ku Mesopotamiya, mu Judiya abaku Kkapadokkiya, ku Pontasi aku Ezhia,¹⁰ ku Pirigiya aku Pamfiliya, ku Ejipiti aamwi mabazu a Libbiya aku Sayilini, abeenzu bakalikuzwa ku Roma,¹¹ bajuda abakasanduka baku Kkilete abana Arabiya, twabamvwa balaambuula mumilaka yesu aatala amilimu iigambya yaLeza.”¹² Boonse bakakankama akuyooowa kupati, bakambuula umwi kulumuwu, “Eechi chaambaanz!”¹³ Pesi hamwi bakabaniaka bat, “Bakkuta wayini mupya.”¹⁴ Pesi Pita wakayimikila abalikumi awumwi, wakatola muju jwi lyakwe, wakabaambilka kuti, “Nobaalumi bamu Judiya, antoomwe amoonse nimukkala mu Jelusalema, eechi achizibinkane kulindinywe; amuteelele loko kumajwi aangu.”¹⁵ Nkaambo aaba bantu tabakoledwe pe mboli mbumulikubayeyela, nkaambo lichili biyo wola lyatatu lyabuzuba.¹⁶ Pesi eechi nchenchicho chakaambidwe kuzwa kumusinsimi Jowelu:¹⁷ ‘Kuyooba kumazuba akumamanino,’ Leza uwamba oobo, ‘Ndityotila muuya wangu aatala anyama yoonse, bana benu balombe abasimbi bayoosinsima, bakubusi bayoobona zilengaano, abamanene benu bayoolota ziloto.’¹⁸ Chanchoonyzo balanda bangu bachaalumi abalandaa bachanakazi mumazuba aayo nindiyotila Muuya wangu, bayoosinsima.¹⁹ Ndityotondezya zigambyo kujulu azitondezyo aanyika, bulowa, mulilo, akawuntumusi kabusi.²⁰ Zuba liyooси amweezi uyooba bulowa, kabutana kusika buzuba bupati bwakubooola kwa Mwami.²¹ Kuyooba kuti boonse bayita muzina lya Mwami bayofutulwa.²² Nobaalumi baku Izilayeli, amumvwe majwi aaya: Jesu muNazalata, wakali mwaalumi ngumwakasalilwa a Leza amanguzu mapati antoomwe azigambyo azitondezyo nzyakachita Leza kwiinda mulingue akaki kenu, mbubonya mbuli mbomuzi.²³ Ooyu mwaalumi mwakamupegwa kwinda mumakanze amuluzibo; andinywe, kwiinda mumaanzaaabatalemeki mulawu, mwakamubambula akumujeya;²⁴ pesi Leza wakamibusya, wakamwaangununa kumachise aalufu, nkaambo teensi chakalikukonzenka kuti akkalilile mulindulo.²⁵ Nkaambo Devidi waamba boobu aatala angwe, ‘Ndakabona Mwami lyoonse kubusyu bwangu, nkaambo uliko kulubazu lwakululyo kuti nsikasunzulusigwi.²⁶ Nkenkaako moyo wangu wakabotelwa alulimi lwangu lwakakondwa. Alubo, nyama yangu iyookkala mubusichaamba.²⁷ Nkaambo tokoyoolekela muuya wangu mu Hadesi, nikuba kuyozumina Musalali wako kuti akabone bubozi.²⁸ Wakachita kuti zizibwe kulindime nzila zyabuumi; uyondipa kuti ndikazule lukondo kubusyu bwako.²⁹ Nobayandwa, eechi chililuleme kulindime kuti ngambuuule aatala asikale Devidi, wakafwa akuvvikiwa, kabanda kakwe mpukachili ambulisunu akati kesu.³⁰ Nekubaboobo, wakalimusinsimi alubo wakalizi kuti Leza wakali wasyomezya muchikonke kulingue kuti, uyoonaanika umwi wamumazyalane aakwe utatakakkale aachuuno chakwe.³¹ Wakabona zyakali kuyanda kuchitika muchiindi chiboola kwaamba aatala abubuke bwa Kkilisito, ‘Taakwe pe anakalekelwa mu Hadesi, nuuba amubili wakwe taakwe niwakabola pe.’³² Ooyu Jesu, Leza ngwaakabusya, uuli ngonguwe toonse ngotuli kaamboni.³³ Nkenkaako kwiinda mukusumpulwa akubikwa kujanza lyalulyo lwa Leza alubo amukutambula Muuya Uusalala wachisyomezyo kuzwa kuli Wisi, wakatila eechi, eecho nchimubona akumvwa.³⁴ Nkaambo Devidi taakwe pe naakatanta kuya kujulu, pesi uwamba kuti, ‘Mwami wakati kuMwami wangu,’ Kokkala kujanza lyakuulyo lwangu³⁵ mane ndikachite basinkondonyokwe chilyatilizyo chandyatyo zyamawulu aako.”³⁶ Aboobo, akube kuti yoonse ng’anda ya Izilayeli izibe kuti Leza nguwakamuchita kuba Mwami a Kkilisito, ooyu Jesu ngumwakabambula.³⁷ Lino nibakamvwa eezi zyoonse, bakayawa mumyoyo yabo, bakaambilka Pita antoomwe abatumwa boonse bat, “Nobakwesu, tuchite biyeni?”³⁸ Mpawo Pita wakabaambilka kuti, “Amusanduke, alubo mubbabbatizigwe, umwi awumwi wenu muzina lya Jesu Kkilisito kuti mulekelelew zibi zyenu, mpawo muyootambula chipo cha Muuya Uusalala.³⁹ Nkaambo chisyomezyo nchichanu abana banu aboonse bazwa kule, abuvule bwabantu boonse mbatanoli wiita Mwami Leza.”⁴⁰ Aambi majwi miangi wakabapa bukamboni akubalayilila, akwaamba kuti, “Amulifutule kuzwa kuli eeli zyalane lyabubi.”⁴¹ Mpawo bakatambula ijwi lyakwe, bakabbabbatizigwe, bakayungizigwe oobo buunsi bakasanduka kabayeyelwa kusika kuzyuulu zitatu.⁴² Bakalipeda kunjiisyoo zyabatumwa, akubulyidilano, mukukwamuna chinkwa amukukomba.⁴³ Kuyoowa kwakabawo kumuntu amuntu, antoomwe azigambyo azitondeezyo zyiingi zyakachitwa kwiinda mubatumwa.⁴⁴ Boonse bakazumina bakali antoomwe kabali aazintu zyoose mukuba aamwi,⁴⁵ mpawo bakawuzya nzibakali aazyo ambono zyabo, akuyaabana boonse akati kabu, umwi awumwi mbuli kubula kwabo.⁴⁶ Mubuzuba abuzuba bakalikulipeda lwabo amaboneno omwe muchikombelo, alimwi bakali kukwamuna chinkwa mumaanda aabo, kabaabana chakulya antoomwe chakukondwa amyoyo

iwangunukide;⁴⁷ bakatembawula Leza akuba aaluzyalo kubantu boonse, alubo mazuba woонse Mwami wakayujngizya mweelwe wabaabo bakalikufutulwa.

3

¹ Lino Pita a Jon bakalikuya muchikombelo muchiindi chakukomba, muwola lyamusanu atune. ² Lino umwi mwaalumi wakalemene kuzwa mwida lyabanyina wakali kunoongwa wabwezwia wakutulwa aamulyango wachikombelo ooyo wakalikutegwa Mubotu. Bakalikumutula mpawaawo abuzuba kuchitila kuti kalikukumbila zipo kubantu banjila muchikombelo chazipo. ³ Naakabona Pita a Joni kabalikwaamba kunjila muchikombelo, wakabakumbila zipo. ⁴ Pita wakamulangisisya, kali a Joni, wakati "Tulange." ⁵ Mwaalumi uulemene wakabalanga kalangila kutambula chimwi chintu kuzwa kulimbabo. ⁶ Pesi Pita wakati, "Nsiliva angolide nsikwe pe, pesi nchelaacho ndilakupa. Muzina lya Jesu Kkilisito waku Nazaleta, enda." ⁷ Kamujisi akuboko kwakuchilisy, Pita wakamunyampula, mpawo ingo amawulu aakwe akasima. ⁸ Wakasunkutila mujulu, mwaalumi mulema kayanypuka wasanguna kweenda, mpawo wakanjila a Pita a Joni muchikombelo kayabweenda, kayabusunkuta akulumbayizya Leza. ⁹ Bantu boonse bakamubona kayabweenda akulumbayizya Leza. ¹⁰ Bakabona kuti nguwe uulya mwaalumi wakali kukumbila zipo kubantu aaMulyango Mubotu wachikombelo; mpawo bakagamba chakwiindilila nkambo kachakachitika kulinguwe. ¹¹ Nakachijisilidi kuli Pita a Joni, bantu boonse bakachijanina kulimbabo kubbazu litegwa ndilya Solomoni, kambagambide loko. ¹² Pita nakazibona eezi wakabasandula bantu wati, "Inywe nombaalammi ba Izilayili nkamboonzi nimugamba? Nkamboonzi nimutulangisisya, aanga ndiswe twamuponia amangu eesu nakuti abu Leza bwesu?" ¹³ Leza wa Abbulahamu, awa Ayizeki, awa Jakobo, Leza wama taata eesu, wapa bulemu kumulanda wakwe Jesu. Nguwe ngumwakapeda mwamukaka kubusyu bwa Payileti, awo we naakasalide kumwaangununa. ¹⁴ Mwakakaka Musalali a Mululami. Pesi mwakalikumbila mujayi kuti awangununwe. ¹⁵ Mwakajaya Sikwaanza buumi, ooyo Leza ngwakabusya kubafu, tulibakamboni bazyo eezi. ¹⁶ Nkaambo kalusyomo muzina lyakwe, zina lyakwe lyapa kuti ooyu mwaalumi, ngumubwene akuziba, kuti asime. Lusyomo kwiinda muli Jesu lwamupa bulondozi bubotu kunembo lyanu. ¹⁷ Lino nobakwesu ndilikwaamba kuti mwakachita mukutaziba, mbuli mbubakachita batongi benu. ¹⁸ Pesi zintu nzyakaamba Leza kwiinda mumilomo yaba sinsimi boonse, kuti Kkilisito wakwe uzopenzegwa, lino wazizuzikizya. ¹⁹ Amusanduke, aboobo, mubooke, nkokuti zibi zyenu zisalazigwe. Kuchitila kuti kwaba zyiindi zyakulyookezya ku Mwami; ²⁰ mpawo ulamatumina Kkilisito ngumwakasalilwa Jesu. ²¹ Ngongue weelede kutambulwa ajulu mane zintu zyoonse zikabeedezegwe muchiimo chazyo, aatala aazintu Leza nzyakaambula kwiinda mumilomo yaba sinsimi basalala. ²² Mozesi kampatila wakati, Mwami Leza uzoobusya musinsimi uulimbuli ndime kuzwa aakati kabakwenu. Muyoosiihila zyoonse nzyatakaambe kulindinywe. ²³ Chiyooba mbubo kuti muntu woонse uutakaleke kumuswiilila ooyo musinsimi uyoonyonyoonwa akati kabantu. ²⁴ Iyii, aboonse basinsimi kuzwa kuli Samuyele abaabo bakazoza musule lyakwe, bakaambula akuzibisa aatala amazuba aaya. ²⁵ Mulibana babasinsimi abachizuminano nchakachita Leza abasikale benu, mbuli mbakaamba kuli Abbulahamu kuti, "Mumbuto yako, azikkalongezegwe mpuli zyoonse zyaanyika." ²⁶ Leza wakabusya mulanda wakwe wamutumina kulindinywe sansina, kuti amulongezye moonse akusandula umwi awumwi wenu kuzwa kuzibi zyakwe."

4

¹ Pita a Joni nkabali kwambula kubantu, bapaizyi amuzulwidi wa tempele, aba Sadusi bakabasilika. ² Baka pengana kapati nkaambo Pita a Joni bakali kuyiisya bantu akubakambaukila Jesu akubuka kwakwe kubafu. ³ Bakabajata bababika muntolongo maane buzuba butobela, nkambo lyakali lyaba goko. ⁴ Pesi bantu biingi bakamvwa aya makani bakasyoma, imweelo wabalumi bakasyoma bakali zyuulu musanu ⁵ Nibwakaba buzuba butobela, bendelezi, bapati abalembi bakabungana aamwi mu Jelusalema. ⁶ Anasi mupayizyi mupati wakaliwo, Kefasi, Joni aa Alekizanda, abaabo boonse nzubo zyamupaizyi mupati. ⁷ Nibakabika bika Pita aa Johani akaati kabo, bakababuza,"nzizyani nguzu, niliba zina ndimwachira aalyo eezi. ⁸ Pesi Pita, nkazwide Muuya Uusalala, wakati kulimbabo, ⁹ "Inywe nobendelezyi abapati, babantu, kuti mwatubeteka sunu atala amulimo mubotu ngutwakachita aliyyu mwalumi uchiswa, akuti wapona buyeni." ¹⁰ Ngakuzibinkane kulindinywe moonse akubantu bamu Izilayeli kuti oyu mwalumi uyimvwi kunembo lyanu nkaponede muzina lya Jesu Kilisito wa Nazaleta, Ooyo ngumwakabambula, ooyo Leza ngwakabusya kubafu. ¹¹ Jesu Kkilisito ndibbwae

bayaki ndibaka kaaka lyakaba chooko (chiswi) ¹² Takwe lufutuko mumuntu naba omwe, nkambo taakwe zina aansi ajulu lipedwe kubantu nditwelede kufutulwa.” ¹³ Lino nibakalanga busichamba bwa Pita aa Joni, mpawo bakaziba kuti mbantu babuyo, batayiide, bakagamba, nkabazi kuti Pita aa Johani bakali a Jesu. ¹⁴ Nkaambo bakabona mwalumi wakaponesegwa nkayimvvi aambabo, bakabula zyakwamba ataala nzizyo. ¹⁵ Pesi nibakabalayilila batumwa kuti babbude munkuta yabechipala, bakiizya akati kabo. ¹⁶ Bakati, “tuchite buyeni ataala abalumi aaba? Nkambo kamaside alabukamboni bwachitwa ambabo bwazibinkana kubantu boonse bamu Jelusalema” tatukonzyi kuzikazya. ¹⁷ Pesi kuti zileke kuyakunembo akati kabantu, ngatubachenjezye ikuti batambilili naba omwe muzina eeli.” ¹⁸ Lino bakabita Pita a Joni babalayilila kuti batambilili nekuba kuyisa alimwi muzina lya Jesu. ¹⁹ Pesi Pita aa Joni bakavwiila bati kulimbabo, “Saa nchibotu kumeso a Leza kuswiilila ndinywe kwiinda nguwe, amuli beteke. ²⁰ Tatukonzyi kuti tuleke kwambula atala azeezi zintu nzitwakamvwa akubona.” ²¹ Nibakaba sinizy Pita a Joni, bakabaleka beenda. Tebakajana mulandu uyanda chisubulo, nkaambo bantu boonse bakali kutembaula Leza azeeyo zyakachitwa. ²² Oyo mwalumi wakajana oku kupona wakali aminyaka iyinda kumakumi oone akuyyalwa. ²³ Nibakangununwa, Pita aa Joni bakaza kulibamukowa wabo mpawo bakubambila zyoonse mupati wabapaiiyi abapati nzibakambila. ²⁴ Lino nibakamvwa eezi, bakoompolola ajwi limwi kuli Leza mpawo bat, “Mwami, wakalenga majulu aanyika alwizi, azyoonse zilimuli nzizyo. ²⁵ webo owakambula a Muuya Uusalala kwindila mumulomo wabalandia bakwe, taata wesu Davida, ‘Nkambonzi, inyika zyabamasii nizyanyema, abantu bayeeya zintu zitanambene.’ ²⁶ Ibaami banyika bakakkala aansi aamwi, Ibendeelezi bakabungana aamwi kukulwania Mwami, alimwi a Kilisito wakwe.” ²⁷ Ninchonzyo, aba bibili Helodi aa Pontiyasi Payileti, antomwe abamaasi bakabungana aamwi muchisi cha Izilayeli, kukwimikilana amulanda Uusalala Jesu, munanike wako. ²⁸ Bakabunganamwi kuti bachite zyoonse eezzo luboko amabambe aako nguwalkakanzide kale kale achiindi chibola atachitike. ²⁹ Lino, Mwami, laanga inchenjezyo yabo alimwi ubape busichaamba balanda bako kuti bambule ijwi lyako. ³⁰ Tandabika luboko lwako kuti uponie akubapa zitondezeyo azigambyo kwindilila muzina lyamulanda wako Uusalala Jesu.” ³¹ Nibakamana kukomba, busena boonse bwakazula a Muuya Uusalala mpawo bakamba jwi lya Leza abusichaamba. ³² Mweelwe mupati wabaabo bakasyooma bakaba amoyo amuya woomwe. Takwe naba oomwe wakamba kuti nchakalacho nchichakwe, pesi bakalijisi zyelelne mubube bwabo. ³³ Munguzu mpatti batumwa bakakambauka bukamboni atala abubuke bwa Mwami Jesu, aboobo luzyalo lupati lwakala mulimbabo boonse. ³⁴ Akati kabo katakwe wakabula kufumbwa chintu, nkambo boonse bakajisi nyiika amaanda bakaasambala mpawo beeta mali yanzezyo nzibakawuzya. ³⁵ Mpawo bakatala kumawulu abatumwa, mpawo yakabwa kulumwi awumwi mbuli mukubula kwakwe. ³⁶ Jozefu, mu Levi, ooyo batumwa ngubakalikuti Bbanabbasi (zina lilabupanduluzi ibuti mwana wabusung-wazyi) mu-Levi, mwalumi waku Sayipulasi, ³⁷ wakasambala muunda wakwe mpawo waketa mali witula kumawulu abatumwa.

5

¹ Lino umwi mwalumi uutegwa Ananiyasi, nkali a Safila mwanakazi wakwe, bakawuzya chimpanzi chabuvubi, ² alimwi wakabamba musule chimpanzi chamuulo wamali (mwanakazi wakwe kabiyo wakalizizi ezi), alimwi wakeeta chimpanzi chazyo alimwi wakachibika kumawulu amu abatumwa. ³ Pesi Pita wakati, “Ananiyasi, nkambonzi satani naazuza moyo wako kuti ubeje ku Muuya Uusalala alimwi kuti ubambe musule chimpanzi chamuulo wamuunda? ⁴ Niwalikusyaala nkawutawuziziwe, tensi wakayimvvi kawuli wako, alimwi akuzwa nkawuli wawuzigwa, saa wakali munsi lyanuzya? Nwani oyo wabika eyi milimo mumoyo wako? Teensi wabejela muntu pesi kuli Leza.” ⁵ Naakamvwa majwi aya, Ananiyasi wakawida aansi mpawo wayoya kwakumaninsizya, alimwi kuyoowa kupati kwakasika kuli boonse bakamvwa eezi. ⁶ Balombe bakanyampuka alimwi bamuvunilizya, alimwi bakamubweza alimwi bakumuvvikka. ⁷ Nikwakiinda biyo otatwe mahoola, mwanakazi wakwe wakanjila, katezi kuti niinzi zyachitika. ⁸ Pita wakati kulinuwe, “Ndibuze naanka mwawuzya muunda azezi, “wakati, “Iyii, azezi.” ⁹ Mpawo Pita wakati kulinuwe, “Mbuubuli mbuwazuminana moonse kuti musunke muuya wa Leza? Bona mawulu abaaalumi bavvikka mulumi wako ali amulyango, alimwi bayokubweza ayebo.” ¹⁰ Mpawo mpawo wakawida ansi kumawulu aakwe alimwi wakayoya kwakumaninsizya. Elyo baluumi nibakanjila, bakamujana nkafwide, alimwi bakamubweza alimwi bakumuvvikka kumbali lyamulumi. ¹¹ Kuyoowa kupati kwakasika akkati kayoonse imbungano

alimwi aakati kaboонse aabo bakamvwa eezi. ¹² Zyingi zitondezyo alimwi azigambyo zyakalikuchitika akati kabantu kwiinda mumaanza abatumwa. Bakali antoomwe kumulyango wa Solomoni. ¹³ Pesi takwe wabo wakaba aachiyandisyo chakuba antomwe ambaboo; nikuba boobo bantu bakabalemeka. ¹⁴ Kabiyi biingi basyomi bakali kuyungizizingwa ku Mwami, bantu biingi bechalumi mpawo abanakazi, ¹⁵ nkokuti bakali kubweza bachiwa muchisi alimwi babalazika aabulo amuzitobo, kuchitila kuti awo Pita nayosika, muzuzumbwe wakwe wayino wida alibamwi babo. ¹⁶ Mpawo bakasika kabiyo antomwe bantu biingi bazwa muchisi chilafwifwi a Jelusalema, nkabeeta bachiwa alimwi abaabo bajiswi aa myuya yamatombé, alimwi balikuponesegwa boonse. ¹⁷ Pesi mupayizi mupati wakanyampuka, mpawo aboonse abo bakali anguwe (aabo benkamu yama Sajusizi); alimwi bakazwa munyono ¹⁸ alimwi bakabika maanza aatala lyaba tumwa, mpawo babawala muntolongo yakazibinkene. ¹⁹ Elyo muchindi chamansiku mungelo wa Leza wakajula mulyano wentolongo alimwi wakabagwisya aanze, mpawo wakati, ²⁰ "Mwiinke, mwime muntempele mpawo mwambule kubantu majwi woonse abuumi." ²¹ Nibakamvwa eezi, bakanjila muntempele nkakuli kwamba kucha mpawo bayiisa. Pesi mupayizi mupati wakasika mpawo ababo bakali anguwe, alimwi bakayita mulubeta antomwe, boonse batapi babantu bamu Izilayeli, mpawo babatuma kuntolongo kuti bakeete batumwa. ²² Pesi bakapokola abo bakayinka tebakabajana pe muntolongo, mpawo bakaboola kukuзowamba, ²³ "Twajana intolongo mbuli mbukwelede kazijalidwe kabiyo balindizi kabiimvvi amulyango, pesi nitwajula, twajana takwe pe ulimukati." ²⁴ Lino basilumamba bentempele antomwe abapayizi batapi nibakamvwa aya majwi, baka bulikilwa atala ambaboo kuti mbobuli mbubanga balazwa kulinzizyo. ²⁵ Elyo umwi wakasika mpawo wabaambil, "Balumi aabo mbimwakabika mukkati kentolono balimvvi mukkati kantempele mpawo balikuiiysa bantu." ²⁶ Eelyo silumamba wakiinka aamwi abakapokola, mpawo wababoozya musule, pesi kakutakwe kulwana, eelyo nkabayowede kuti balabatulula mabwe. ²⁷ Nibaka beeta, baka bakkazika muni ababetsi. Mupayizi mupati wakaba buzisisya, nkati, ²⁸ "Twalayilila ndinywe a mulawu kuti mutayiysi muzina eeli, mpawo lino mwazuzya Jelusalema enjiysi achiyandisyo chenu alimwi mwayeya akweeta bulowa bwamwalumi oyu atala lyesu." ²⁹ Alimwi Pita abatumwa bakasandula, "Twelede kulemekwa Leza kwinda muntu. ³⁰ Leza wabamataata wakabusya Jesu, oyo numwakajaya akumwanzika mumusamu. ³¹ Leza wakamunyampula kubbazu lyakuchilisylo kuti abe mwana wa Mwami mpawo amufutuli, kuti ape kusanduka ku Izilayeli, mpawo akulekelelwa kwazibi. ³² Ndiswe bakamboni bazeesi zintu, mpawo ngu Muuya Uusalala, oyo Leza ngwakapa kulibaabo bamulemeka." ³³ Eelyo bazuluzi bamwi nibakamvwa eezi, bakanyema alimwi bakayanda kujaya batumwa. ³⁴ Pesi mufalisi uutegwa Gamalieli, muiyiysi wamulawu oyo wakalikulemekwa aboonse bantu, wakanyampuka mubazuluzi mpawo wakalayilila batumwa kuti bagwisigwe kwakiindi kanini. ³⁵ Mpawo wakati kulimbabo, "Nobaluumi bamu Izilayeli, amuswilizye loko kuli nzimwa zuminana kuti muchite kubantu aba. ³⁶ Nkambo musule amazuba aya, Tewudasi wakanyampuka nkali kuyanda kuba uumwi, mpawo bantu biini, basika myaanda iine, bakaba antomwe anuwe. Wakajayigwa, eelyo boonse abo bakali kumulemeka baka mwayisiwampawo kwakamana. ³⁷ Nikwakazawa ooyu mwalumi, Judasi waku Galili wakanyampuka mumazuba akubalwa kwabantu mpawo wakachunzya kule abantu kuzwa kulinuwe. Alakwe wakajayigwa, mpawo boonse abo bakali kumulemeka bakamwayika. ³⁸ Lino ndamba kulindinywe, ikuti muye kule kuzwa kubantu aba mpawo ubayiisyre abalikke, kjuti aya mabambe naa mulimo kuti nkazili zyamuntu, ziyosowegwa. ³⁹ Pesi kuti nkazili zya Leza, tamukoyo kkonye pa kuzimwaya; muiyojana kuti munoyolwana a Leza." Eelyo bakazumina. ⁴⁰ Eelyo bakayita batumwa mukkati alimwi babawuma mpawo babalayilila kuti taba nochambuli muzina lya Jesu, mpawo bakabaleka beenda. ⁴¹ Bakaya kule kuzwa musule abazuluzi nkaba boteledwe kuti bakali baswanana kabiyo akupenzegwa akuwisyah bulemu bwezina. ⁴² Kuzwa wawo woonse mazuba, mukkati kentempele alimwi kuzwa kung'anda akung'anda, bakali kwinkilila anembo akuyobuiisa alimwi akuyobumwaya milumbe mibotu kuti Jesu ngu Kkilisitu.

6

¹ Lino kumazubayo nobakali kuyabuvula basikwiya ba Giliki bakatalisya kutongawukila ba Hebbulayo, nkambo bamukabafu bakuli mbabo bakatongawuka amakanzi azyakulya nzibakali kupewa buzuba abuzuba zyakuliwasya. ² Balikkumi ababili bakayita basikwiya boonse mubwiingi bwabo babambilka kuti, "Tachili chibotu kuti iswebo tuleke ijwi lya Leza nkambo kamakanzi azyakulya. ³ Aboobo bakwesu mulelede kusala balumi bali musanu ababili akati kanu. Balumi bali ampuwo

mbotu, bazwide Muuya usalala antomwe awabusono, abo mbitutabike mumulimu oyu.⁴ Kwalo iswebo, tulinkilila kunembo lyonse akukomba akukambawuka ijwi lya Leza.”⁵ Eno ijwi lyabo lyakabotezya nkamu yabantu boonse. Aboobo bakasala Sitivini mwalumi uzwide lusyomo alimwi a Muuya Uusalala, a Filipi, a Pulokkolasi, Nikkanoli, Tayimoni, Pamenasi, antomwe a Nikkolas, mukombi wachi Juda wakali kuzwa ku Antiyokki.⁶ Basyomi bakabayimika balumi aba kumawulu abatumwa, mpawonya bakabakombela alimwi bakabikka manza alimbabo.⁷ Elyo ijwi lya Leza lyakayinkilila kunembo aboobo basikwiya bakavulisyia mu Jelusalemu ababo bapayizi bayingi bakali bombya akusyoma.⁸ Lino Sitivini kazwide luzyalo anguzu, wakali kuchita zigambyo zipati azitondezeyo akati kabantu.⁹ Pesi bakanyampuka bamwi bantu baku chikombelo chaambwa kuti nchikombelo cha Fulidimeni, wakuba Sayilini akuba Alekizandiliya, antomwe abamwi bazwaku Silisiya aku Eziza. Aba bantu bakali kukazyania a Sitivini.¹⁰ Pesi tebakalikwe nguzu pe zyakukazyania abusongo a muuya walikwambula muli Sitivini.¹¹ Mpawo bakapa bamwi balumi masinkamulomo kabati, “Twakamumvwa ulamba majwi akusampawula Mozesi alimwi kambula bubi atala a Leza.”¹² Bakasungilizya bantu abapati, abalembi bayinka, bamujata Sitivini bamweta kulubeta.¹³ Bakeeta bakamboni basikubeja, kabamba kabati, “Oyu mwalumi taleki pe kusampawula busena obu busalala amulawu.”¹⁴ Nkambo twakamumvwa kaamba kuti Jesu waku Nazaleta uyobumwaya busena obu, asandule ziyanza zyakatupa Mozesi.¹⁵ Boonse bakakkede mulubeta bakamulangisisya, babona busyu bwakwe bwasanduka bwaba mbuli busyu bwamungelo.

7

¹ Mupayizi mupati wakati, “Makani aya ngakasimpe na?”² Sitivini wakati, “Nobak-wesu anomataata, mundiswilizye: Leza wabulemu wakalibonia kuli taata wesu Abbulahamu kali ku Mesopotamiya, katana kukkanla mu Halani;³ wakati kulinguwe, “Longa uzwe munyika yakulindinywe abantu bakulindinywe, mpawo uye kuniya njensikakutondezye.”⁴ Mpawo wakazwa wasiya inyika yaba Kkaludiya akuyokkala ku Halani, kali nkuko oku wisi nakafaka, Leza wakamweeta munyika omuno mumukkede lino.⁵ Takwe nakamupa kuti ibelukono lwakwe pe, nikuba mweenya wakuti alyate kulinjiyo. Pesi wakamusyomezya - kuti uzomupa nyika eyi kuti ibe lukono lwakwe amazyalani akwe, nikuba takalina kuba amwana pe - kuchindi echo mpakati uzomupa nyika eyi mbuli lukono kulinguwe akumazyalani ayotobela ngewe.⁶ Leza wakambula anguwe anzila eyi kuti bana bakwe bayokkala munyika yabwenzu, akuti bana banyika eyo bayobajata buzike akabapenzya kapati kwaminyaka ili myanda iine. Leza wakati,⁷ “Pesi ndiyobeteka musyobo wabantu abo ibayobajata buzike, kuzwa awo bayozwa bazoze omuno bazondikome mubusena obuno.”⁸ Mpawo Leza wakapa Abbulahamu chizuminano chabupalule, elyo Abbulahamu wakazyala Ayizeki mpawo wamupalula mubuzuba bwamusana aatatu; Ayizeki wakazyala Jakkobbu, mpawo Jakkobbu wakazyala ibalikkumi ababili.⁹ Lino nkambo kakuti Jozefu, bananyina bakamuchitila ibbivwe bakamuuyza ku Ijiputi, pesi Leza wakali anguwe¹⁰ wakamuvuna kuzwa kumapenzi akwe. Wakapa Jozefu choolwe abusongo kunembo lya Falo, mwami waku Ijiputi, iwakamusala kuba mwendelezi mu Ijiputi aatala lyempuli yakwe.¹¹ “Lino kwakaba bbalanwe, amapenzi mapati mu Ijiputi yoonse amu Kkenani, mpawo bamataata bakabulikilwa chakulya.”¹² Pesi Jakobbu nakamvwa kuti ku Ijiputi kuli chakulya, wakatuma bamataata kulwendo lutanzi.¹³ Mulwendo lwabo lwabili Jozefu wakalitondezya kubakulana baklwe, mpawo wakabazibya kuli Falo.¹⁴ Mpawo wakatuma bakulana bakwe kuti babwede bakaambile wisi kuti aze ku Ijiputi, antomwe abanzubo zyakwe bonse, kabali mweelwe wabantu bali makumi ali musanu aabilii abantu bali musanu.¹⁵ Lino Jakobbu wakayinka wakukkala mu Ijiputi wakufwida mumo, welwakwe abamataata.¹⁶ Bakabwezegwa batolwa ku Shekkemu bakubambwa mukabanda ka Abbulahamu nkakawula amuulo wansiliva kuzwa kubana ba Hamoli mu Shekkemu.¹⁷ Lino nichakamba kuzulila chiindi chachisyomezyo nchakali waamba kuli Abbulahamu, bantu bakakomena akuvula mu Ijiputi,¹⁸ lumwi kwaba uumbi mwami wakeendelezya Ijiputi mwami utakwe anchakalizi pe azya Jozefu.¹⁹ Wakeena bantu besu akubamanikizya kuti bazibye kuzyalwa kwabana bacheche kuchitila kuti abajaye.²⁰ Muchiindi nchicho echo Mozesi wakazyalwa wakali kweebeka loko kubusyu bwa Leza, wakalondolwa kwamyezi iitatu mung’anda yawisi.²¹ Eelyo nakagwisigwa aanze, mwana musimbi wa Falo wakamutangila akumukomezya mbuli mwana wakwe mulombe.²² Mozesi wakali yiide mulibonse busongo bwaba Ijiputi, mpawo wakabasinguzu mumajwi akwe amumilimu yakwe.²³ Pesi nakaamba kuzulizya minyaka ilimakumi aane wakayeeya mumoyo wakwe kuti

aswaye babunyina ibazyalani ly a Izilayeli.²⁴ Wakabona mu Izilayeli kalo kutamizigwa, Mozesi wakamuvuna mu Izilayeli nyina, wakali kupenzegwa mpawo wajaya mu Ijiputi:²⁵ Wakachita eezi kayeeyanga bantu bamukowa wakwe balaziba kuti Leza kwindila mukuboko kwakwe uyobapa lwangunuko pesi bo tebaka zimvvisisisa pe.²⁶ Mubuzuba butobelwa wakabona balumi bibili kabalo kulguna, wakeezya kubavuna chaluumuno wati, "Nobalumi, muli bantu bamwi biyo, nkambonzi nimulokuchisana lwanu lwanu?"²⁷ Pesi ulya umwi wakali wabisiza mwenzinyina wakamutontela kule mpawo wati, 'ngwani wakakusala kuti ube mwendelezi konotubeteka?²⁸ Uyanda kundijaya na andime mbulimbwakajaya mu Ijiputi ulya ijilo?²⁹ Lino Mozesi nakamvwa obu wakachija, wakakuba muzwakule munyika yaba Midiyani oko nkakakuzyala bana balombe bibili.³⁰ Elyo nikwakinda minyaka ilimakumi aane angelo wakalibonia kuli nguwe munkanda yakuchilundu cha Sinayi mumabangabanga amulilo kali muchiteeyo.³¹ Lino Mozesi nakabona mulilo, zyakamuamba eezi, mpawo nakalikuya buswena afwifwi kuti abonesesye loko, kwakazwa ijwi Iya Mwami lyakati,³² "Ndime Leza wabamawuso, Leza wa Abbulahamu awa Ayizeki a Jakobu." Mozesi wakayoowa takwe nakayanda kulanga lubo pe oko.³³ Lino Mwami Leza wakati kulingue, gwisya insangu kumawulu aako, nkambo abusesa mpoyimvvi mbusena busalala.³⁴ Ndabona loko kupenzegwa kwabantu bangu balimu Ijiputi; Ndamvwa kukwila kwabo, alimwi Ndasika kuza kuzobavuna; kwalino kweza, Ndilakutuma ku Ijiputi.³⁵ Oyu Mozesi nguwe ngubakkaka nibakamba kuti, "Ngwani wakakubikkka buzuluzi amubetes?" - nguwe ngwakatuma Leza kuti abe muzuluzi amuvuni. Leza wakamutuma kwinda mukuboko kwamungelo iwakalibonia kuli Mozesi muchiteyo.³⁶ Mozesi wakabazulwida wabagwisya mu Ijiputi, nakachita zigambyo azitondezyo mu Ijiputi akuLwizi lwa Matete, amunkanda muminyaka ili makumi aane.³⁷ "Oyu Mozesi ngonguwe wakaamba kuti kuba Izilayeli, 'Leza uyomupa musinsimi kazwa akati kababunyina, musinsimi uli mbuli ndime.'³⁸ Oyu ngomwalumi wakali mukwiizya amungelo wakali kwambula awe atala achilundu cha Sinayi, iwkali aamwi abamataata, iwakatumbula imajwi apona kuti atwambile iswebo.³⁹ "Pesi bamataata bakakaka kumuswilizya; bakamutontela kule kuzwa kulimbabo, mpawo mumyoyo yabo bakabweda ku Ijiputi.⁴⁰ Echo chindi bakambilia Aaloni kuti tupangile baleza batatuzulwide. Oyu Mozesi, wakatugwisya mu Ijiputi tatuzi pe ichachitika kulingue.⁴¹ Lino bakapanga kanamani kumazuba ayo baleta chipayizyo kuli nkako, mpawo bakakondwa nkambo kamiliimo yamaboko abo.⁴² Pesi Leza wakachengunuka mpawo wakapeda kukomba nyenyezi zyamulengalenga, mbuli mbukuleembedwe mubbuku lyabasinsimi kuti, "Mwakandipana zipayizyo zyamitumba yabanyama kwaminyaka ili makumi aane munkanda, inywebo nobana ba Izilayeli."⁴³ Mwakatumbula chikombelo cha Moleki antomwe anyenyezi yaleza waLafani, azikozyanjo nzimwakapanga kuti muzikombe: alimwi Ndiyomubweza nkamwiinze mu Babbiloni.⁴⁴ Bamataata bakalijisi idumba lyabukamboni munkanda, mbuli Leza mbwakalayilila nakaambula a Mozesi kuti welede kuchita mbuli mabambilola ngaakabona.⁴⁵ Musule lyayaaya, bamataata, kabali ansi lyabuzuluzi bwa Johuwa, bakatumbala idumba lyakubunanina baza aloyo nibakakona bulono bwanyika. Leza wakabweza bulongo wanyanzya misyobo yabantu bakalikkukala mumo wabatanda kubusyu bwamataata. Elidumba lyakaliwo munyika omuno kusikila kuchindi cha Devidi,⁴⁶ oyu wakajana cholwe kubusyu bwa Leza, mpawo wakumbila kuti ajane busena bwakukkala bwang'anda ya Jakobbu.⁴⁷ Pesi ngu Solomoni wakayaka ing'anda ya Leza.⁴⁸ Nekuba obo, Sijulu lyamajulu takkali mung'anda iyakwa amaboko, mbuli mbwaamba musinsimi kuti,⁴⁹ "Ijulu nipande lyangu mpawo inyika ngimalyatililo amawulu angu. Musyobo uli weng'anda unga ulandiyakila? Mbwamba Mwami, an, mbobuli busena bwakulyokezya kwangu?"⁵⁰ Temaboko angu na akachita zintu eezi zyoonse?⁵¹ Inywebo nobasichizindwe, nobasyajumumoyo, noba nkunulumatwi, chindi chonse mulakaka Muuya Uusalala; mulijisi inchito zyabamawuso.⁵² Nguuli wabasinsimi ngubatakwe nibakapenza bamawuso? Bakajaya basinsimi bakalibonia katana kusika pe Ululeme, mpawo lino mwaba basikumwaba abasikumujaya,⁵³ Inywebo nobantu ibakatumbala mulawu oyo wakabikwa aba angelo, mpawo mwakachilwa kuulondola?"⁵⁴ Lino baalu bebboma nibakamvwa makani aya, bakanyongana mumyoyo bamulumina ntwino Sitivini.⁵⁵ Pesi welwakwe, kazwide Muuya Uusalala, wakalungumana kujulu mpawo awo wabona bulemu bwa Leza. Elyo wakabona Mwami Jesu kayiimvvi kululyo lwa Leza.⁵⁶ Sitivini wakati, "Mulange, ndabona majulu kajulidwe, a Mwana amuntu ulimvvi kululyo lwa Leza."⁵⁷ Kuli ezi baalu bebboma bakasinka matwi aabo, bompoolola ajwi pati, bakachijana kuli nguwe amoyo umwi.⁵⁸ Bakamugwisizya aanze changuzu batanguna kumutulula mabwe, Bakamboni bakabika zisamo zyabo kumawulu amulombe uutegwa Sawulo.⁵⁹ Lino nibakali kumutulula mabwe, wakali

kusompezya kuli Leza kati, "Mwami Jesu tambula muuya wangu." ⁶⁰ Wakafugama wayita ajwi ip[ati wasikuti, "Mwami, mutabapi mulandu pe kuchibi eechi nchibahita." Lino nakamaninsya kwamba makani aya, wakona mpawo.

8

¹ Sawulo wakati muchizuminano chalufu lwakwe. Nkabela kwakatalika mubuzuba obo kupenzegwakupati ambungano zyakali mu Jelusalemu; mpawo basyomi bakamwayika kumasena woonse a Judiya a Samaliya, kusiya batumwa. ² Balumi basyomi bakamuzikka Siefani akumulila kapati. ³ Asi Sawulo wakeezya kunyoonyona mbungano. Wakali kunjila mumaanda, kasunga boonse baalumi abanakazi, akubabikka muntolongo. ⁴ Echo chiindi bazumini bakali mumasena asiyene-siyene bakeenda kabaya bukambawuka makani a Leza. ⁵ Filipo wakeenda kuchisi cha Samaliya akukambawuka kulimbabo azy Kkilisito. ⁶ Makamu abantu bakali kupa awifwi kuswilila kuli zyakali kwaambwa a Filipo; kabali amuzeeo omwe ngubakamvwa kulinguwe, alimwi bakabona zitondezyo nzayakachita. ⁷ Myuuya isofwede yakazwa abiingi bakali kkedwe, kulisilisa kapati ajwi lyakoompolola, abiingi bakalebukide azilema bakasilikwa. ⁸ Eelyo kwakaba kubotelwa kupati muchisi eecho. ⁹ Asi kwakali umwi mwalumi muchisi wakali kutegwa Sayimoni, wakali kuchita zyabusondi; wakali kugambya bantu bamu Samaliya kali kulyaamba kuti wakali mwalumi ulemekeka. ¹⁰ Boonse ba-Samaliteni, kuzwa kubanini abapati, bakaliya kulinguwe; bakati, "Ooyu mwalumi sa ninguzu zya Leza nyziali kutegwa mupati." ¹¹ Bakaswilizya kulinguwe nkambo wakabagambya kwachiindi chipati abusondi bwakwe. ¹² Asi nibakasyoma Filipo kalungulula makani mapati mabotu atala aBwami bwa-Leza azina lya Jesu Kkilisito, bakabbabbatizingwa, boonse balumi abanakazi, ¹³ alakwe Sayimoni lwakwe wakasyoma, alimwi nakamana kubbabbatizingwa wakakkala kwachiindi kabalamwi a Filipo. Nakabona zitondezyo azigambyo zyakachitika abusena, wakagamba. ¹⁴ Lino batumwa bamu Jelusalema nibakamvwa kuti baSamaliya batambula makani mabotu a Leza, bakatuma kuli mbabo Pita a Jowani. ¹⁵ Nibakasika, bakabakombela kuti batambule Muuya Uusalala. ¹⁶ Muchindi echo, Muuya Uusalal twikalina ali umwi wabo; bakali kubbabbatizingwa kupela muzina lya-Mwami Jesu. ¹⁷ Mpawo Pita a Jowani bakabikka maanza abo amitwe, alimwi bakatambula Muuya Uusalala. ¹⁸ Lino Sayimoni nakabona kuti Muuya Uusalala wakapegwa akubikkwa maanza amitwe abatumwa, wakabapa mali. ¹⁹ Wakati, "Amundipe andime inguzu ezi, kuti kufumbwa ngunditabikke maanza alinguwe atambule Muuya Uusalala." ²⁰ Asi Pita wakati kulinguwe, "Insiliva yako ifwidilile antoomwe anduwe, nkambo wayeeya kujana chipego cha Leza amali. ²¹ Tojisi chabilo nebulu busena kumakanii aya, nkambo moyo wako tululeme kunembo lya Leza. ²² Nkambo kaako, sanduka kububi bwako obu, ukumbile kuli-Leza, kuchitila kuti ambweni walikukulekelela kuyeeya kwamoyo wako. ²³ Nkambo ndabona kuti uli mubuyoka bwamachise amubwange bwamililandu. ²⁴ Sayimoni wakasandula wati, "Amundikombele ku-Mwami kuti kutabi nichiba chomwe chichitika kulindime aali nzimwamba." ²⁵ Aboobo nibakasinizya akwamba makani a Mwami, Pita a Joni bakabweda ku-Jelusalema, baya bukambawuka makani mabotu mumyunzi myingi yaba Samaliteni. ²⁶ Lino angelo wa-Leza wakambilila Filipo watati, "Nyampuka uye kumusanza, kumugwagwa uzwaku Jelusalema uyaku Gaza." (ooyu mugwagwa ulimunkanda.) ²⁷ Wakanyampuka akwewenda. Lino kwakali mwalumi waku-Etiyopiya, muzibe wamwami mupati wa Kkandasi, namalelo waba Etiyopiya. Nguwakali mulangi walubono lwakwe loonse. Wakaza ku-Jelusalema kukukomba. ²⁸ Wakali kubwed, kakkede munkalaki, nkayabubala mulugwalo lwa- musinsiimi Isaya. ²⁹ Muuya wakambilila Filipo kuti, "Sweena ube awfifwi ankakali eeyi." ³⁰ Nkabela Filipo wakachijana kaya kuli nguwe, alimwi wakamvwa kabala kuli-Isaya musinsimi, eeno watati, "Ulamwisisysisa na nzolokubala?" ³¹ Nkabela muzibe wakasandula Filipo kuti, "Ino ndilakonzya buti, kaatakwe muntu unditonez?" Mpooanya aawo wakatamba Filipo kuti akkale anguwe munkalaki. ³² Lino chandano ncakali kubala nccheechi; wakeenzegwambuli kabelele kaya kukujayigwa, Ambuli kabelele kawumuna kunembo lya ugela, Nkabela awalo takambula, ³³ Kukulyeetezya kwakwe takabeteckedwe kabetu, Nguni oyu amba izyalani lyakwe? Nkambo buumi bwakwe bwagwisigwa ansi. ³⁴ Nkabela muzibe wakamuvwila Filipo wakati, "Ndilokubuzya, ino nguni ngwaamba musinsimi kumakanii aya sa ulyaamba lwakwe mwini, na uwamba umbi?" ³⁵ Filipo wakatalika kwambula, wasanguna kulugwalo olu ndulonya kumkambawukila a-Jesu. ³⁶ Nobakali kweenda mumugwagwa, bakasika kwakali meenda. Muzibe wakati, "Bona ngaya meenda, nchiinzi ino ichinga chilandikkachizya kubbabbatizingwa?" ³⁷ Filipo wakati, "Na wasyoma amoyo wako woonse ulakonzya. Muzibe waksandula, "Ndasyoma kuti Jesu

Kkilisito ngu-Mwana wa-Leza.”³⁸ Nkabela Muzibe wakalayilila kuti inkalaki iyimikile, bakaseluka akunjila mumaanzi, kabali babili Filipo amuzibe, wakamubbabbatizya.³⁹ Nibakazwa mumeenda amuzibe, Muuya wa-Mwami wakakwempa Filipo, muzibe takachili kumubona limbi, asi wakatozya munzila yakwe kaya bubotelwa.⁴⁰ Asi Filipo wakabonwa ku-Azotusi. Akwinda mugundu, elyo lyoonse uyabukambawuka makani mabotu mane wasika ku-Sizaliyi.

9

¹ Pesii, Sawulo mbwalikwambula ziyoosyo akujaya basikwiya baMwami,² wakiinka kubapaizi bapati alimwi kuyokumbila magwalo amuzumizya kuya kuzikombelo zyabajuda zyaku Damasiko, kucitila kuti naswaana bazumini naba mwaalumi naba mwanyakazi, akabange akubatola ku Jelusalemu.³ Nakacili kuyabwinka, nakasika afwifwi a Damasiko, mpawompawo kwakaboneka mumuni konse konse uzwa kujulu;⁴ alimwi wakawida aansi alimwi wakangwa ijwi lyakamwambila kuti, “Sawulo, Sawulo, undipenzenzyanazi me?”⁵ Sawulo wakasandula, “Nduweni, Mwami?” Mwami wakati, “Ndime Jesu ngolikupenzya; ⁶ pesi buka, unjile mucisi, uyowambilwa zyakuchita,”⁷ Baalumi bakalikweenda a Sawulo bakayowa bakagamba, kumvwa ijwi, Asi kabatab-wene muntu.⁸ Sawulo wakabuka kuzwa ansi, alimwi nakajula meso akwe, takwe nchakabona; mpawo bakamujata kuboko bamuzulwida akwinka awe ku Damasiko.⁹ Kwamazuba otatwe takalikubona pe, nekuba kulya naanka kunywa.¹⁰ Kwakaliko sikwiya ku Damasiko walikutegwa Ananiyasi. Mwami wakamwambila mucilengano, “Ananiyasi.” Wakavuwa, “Bona, ndilano, Mwami.” Mwami wakati kulingue,¹¹ “Buka, uyinke kunzila itegwa Sitileti, kung’anda ya Judasi ukabuzye muntu utegwa Sawulo waku Tasasi nkambo ulakomba.¹² Wabona muchilengano mwalumi utegwa Ananiya ulanjila akubika maanza kuti abone alimwi.”¹³ Asi Ananiyasi wakasandula kuti, “Mwami ndakamvwa biingi loko amuntu oyu, abubi mbwakachitila basalali bako baku Jelusalemu.”¹⁴ Ulijisi bwami mbwakapegwa kubapayizi bapati bwakwaanga boonse abakomba kuzina lyako.”¹⁵ Asi Mwami wakati kulingue, “Yinka, nkambo ndamusala kuba chibelesyo changu; akubana ba Izilayeli;¹⁶ Nkabela ndiyomutondezya zyiingi-zyiingi nzyayeelede kuyopengela zina lyangu.¹⁷ Nkabela Ananiyasi wakiinka, wakunjila munganda. Wamubika maboko wati, “Sawulo mukwesu, Mwami Jesu, wakalibonya kulinduwe munzila njwakazeyo, wandituma kuti ubone alimwi uzule muuya Uusalala.”¹⁸ Mpawo kwakazwa kumeso akweaabanga mapapa, wabona; wakabuka akubbizigwa;¹⁹ alimwi akulya wajana nguzu. Ino wakkala mazuba amwi abasikwiya bamu Damasiko kwamazuba.²⁰ Ndilyo wakakambauka muzikombelo zyaba Juda, kuti Jesu mwana wa-Leza.²¹ Boonse bakamuswilila bakagamba akwamba kuti, “Tensi nguwe wakajaya mu Jelusalema basikukomba muzina eli? Akokuno wazida kubatola kabangidwe kubapayizi bapati.”²² Asi Sawulo wakali kuya bukomena munguzu, wakabayinda kunguzu akuleta lupyopyongano kuba Juda bakakkede mu Damasiko kusinizya kuti Jesu ngu Kkilisito.²³ Nakamana mazuba minggingi, ba Juda bakakanza kumujaya.²⁴ Pesi Sawulo wakaziba kukanza kwabo. Bakalikulindila milyango sikati amansiku kuti kuti bamujaye.²⁵ Pesi basikwiya bakwakamutola mansiku akumuselusya abulambo muchisuwo.²⁶ Lino Sawulo nakasika ku Jelusalema, wakayezza kuswanana abasikwiya, pesi bakamuyoobo boonse, tebakali kusyoma ngusikwiya.²⁷ Pesi Bbanabbasi wakamubweza wamutola kubaappositolo, waba lungulwida Sawulo mbakabona Mwami munzila akuti wakambula awe, ambwakali achaamba chakukkambawuka mu Damasiko muzina lya-Jesu.²⁸ Elyo wakakuya buzelengana abo, mukati aanze a Jelusalema. Wakambawuka echamba muzina lya Mwami Jesu,²⁹ alimwi wakambula akukazyania abama Juda; pesi abalabo bakasoleka kumujaya.³⁰ Elyo nebakamvwa obo babunyiina, bakamutola kuli Sizaliyi akumutuma ku Tasasi.³¹ Nkabela, ino mbungano yamu Judiya moonse, amu Galilaya, amu Samaliya yakaba aluumuno akuyakwa; akwenda chakuyowa Leza akutobela mumuuya Uusalala, mbungano yakayungizigwa.³² Mukuya kwechiindi, Pita nakayenda kumasena oonse, wakasika alimwi kubasalali baLeza bakakkede mu Lida.³³ Oko wakakujana mwalumi utegwa Eniyasi, wakalede aabulo bwakwe kwaminyaka ilimusatu ayitatu, kalebukide mibili.³⁴ Pita wakamwambila kuti, “Eniyasi, Jesu Kkilisito wakuponja. Buka uyalule bulo bwako,” ndilyo wakabuka.³⁵ Nkabela bakamubona boonse abakkede mu Lida amu Shaloni, bakasandukila ku Mwami.³⁶ Ino mu Jopa kwakaliwo sikwiya walikutegwa Tabita nkokuti “Dolika.” Oyo mwanyakazi wakalizwide milimo mibotu ayaluzyalo ndwakali kuchitila bafwaba.³⁷ Kumazubayo wakachiswa akufwa; Nebakamusanya, bakamuka munganda yamujuju.³⁸ Lino mbokuli kufwifwi ku Lida kuyaku Jopa,

alimwi basikwiya nobakamvwa kuti Pita wakaliko, bakamutumina baalumi bobile kuyomukombeleyza kuti, "utachedwi kusika kulindiswe." ³⁹ Pita wakanyampuka wakinka ambaaabo. Nkasika, bakamutola kunganda yamujuju, boonse bamukabafu bakayima kubbazu lyakwe akulila, akumutondezya zibaki ezyakusuma nzyakali kusuma Dolika nakachili abo. ⁴⁰ Pita wakabatandila anze boonse, wakasandukila kumutunta, wakati; "Tabita, buka." Mpawo wakajula meso akwe, akubona Pita wakakkala. ⁴¹ Pita wakamupeda janza akumwimika; nakaayita basalali abamukabafu, wakamubikka kalimumumi kunembo lyabo. ⁴² Ezi zyakamvwigwa moonse mu Jopa, lino bantu bingi loko bakasyoma ku Mwami. ⁴³ Lino Pita wakakkala mu Jopa mazuba miangi loko kuli Sayimoni musuki wazikumba.

10

¹ Lino kwakali umwi mwalumi wamuchisi chaku Sizaliya, wakali kutegwa Kkoneliyasi, mwendelezi wabasilumamba balimwaanda baku Itali. ² Wakali mwalumi ulipede, akuyoowa Leza antomwe abang'anda yakwe, wakali kupa mali kulibabo bakali kubula, alimwi wakali kukomba God lyoonse. ³ Achindi chamahola ali musanu aane kuseni, wakabona chilengano chamungelo wa Leza kaza kulinguwe. Mungelo wakati, "Kkoneliyasi!" ⁴ Kkoneliyasi wakalangisisya mungelo alimwi chakuyowa kapati wasikuti, "Uwambanzi, yomwalumi?" Mungelo wakati kulinguwe, "Inkombyo abwabi bwako kubafwaba zyasaki kujulu mbuli chipo chaku yeeyegwa mubuliwo bwa Leza. ⁵ Lino tuma balumi kuchisi chaku Jopa bakandetele mwalumi utegwa Sayimoni utegwa Pita. ⁶ Ukkala amusuki uwuzikidwe kuti Sayimoni, ulaang'anda ili awififi ankomwe yalwizi." ⁷ Eelyo mungelo wakambula kulinguwe nakeenda, Kkoneliyasi wakayita babeleki bakwe bobile bamunzzi, alimwi asilumamba umwi wakali pedelede akati kabonse bakali kumubelekela. ⁸ Kkoneliyasi waka baambila zyoonse zyakachitika mpawo wabatuma kuti bayinke ku Jopa. ⁹ Lino mubuzuba bwakatobel achiindi chamahoola alimusanu alimwi, kabachili mulwendo Iwabo alimwi kabali babafwifwi achisi, Pita wakatanta mung'anda yamujuju kuyokomba. ¹⁰ Mpawo wakaba enzala kayanda kulya chimwi nchanga ulalya, pesi bantu bakachili kujika chakulya, wakapegwaa chilengano, ¹¹ alimwi wakabona julu lijulikide mpawo achibikilo chakalibonia, chakali mbuli mucheka mupati kuyobuseluka kuuza enyika kuujisi mabazu awo aane. ¹² Mulinguwo kwakali banyama bamisyobo yoonse bakali amawulu aane azinyama ziyavula anyika, alimwi abayuni bawuluka mujulu. ¹³ Eelyo kwakasika ijwi kuli Pita lyasikuti, "Buka, ujaye alimwi ¹⁴ uulye." Pesi Pita wakati, "Peepe, Mwami; nkambo takwe nindakalyide chintu chisofwede pe alimwi chitasalali." ¹⁵ Pesi ijwi lyakamusikila lubo kachibili lyasikuti: "Echo Mwami Leza nchakasalazy, toyelede pe kuchaamba kuti chilisofwede." ¹⁶ Eezi zyakachitika tutatu; eelyo chibikilo chakabwedelegwa lubo kujulu. ¹⁷ Eelyo Pita naka chili kuzilikili chilengano nchakabona kuti chakali kwambanzi, amubone, balumi aabo bakatumidwe a Kkoneliyasi bakalimvvi amulyango, kabali kubuya inzila iya kung'anda. ¹⁸ Bakasompezya mpawo babuzya naa Sayimoni utegwa Pita, wakali kukkanla mpawo na. ¹⁹ Awo Pita nakachili kuyeyya azyechilengano, Muuya wakamba kuti kulinguwe, "Langa, balumi batatu balikuyandula nduwe. ²⁰ Buka useluke uyende aabo. Uta doneki pe kweenda abo, nkambo ndili batumide." ²¹ Elyo Pita wakaseluka wayinka kubalumi wakubaambilka kuti, "Ndendime oyo ngumulokuyandula. Mwazidaanz?" ²² Bakati, "Mwendelezi wabasilumamba balimwaanda, utegwa Kkoneliyasi, mwalumi musalali oyo uyowa Leza, alimwi oyo wamba abubotu kuniyika yoonse yama Juda, wakapegwaa mulumbe kuzwa kuli Leza mukwinda mumungelo usalala oyo wakapa kuti tutumwe kuti webo ubole kung'anda yakwe, kuti akaswili mulumbe kuzwa kulinduwe." ²³ Lino Pita wakabayita kuti baze bazokkale amwi. Mubuzuba bwakatobel, wakabuka mpawo winka ambabo, alimwi bamwi babunyina bawza ku Jopa bakamusindikila. ²⁴ Mubuzuba butobelka bakasika ku Sizaliya. Kkoneliyasi wakali balindide; wakali watamba baluzubo lwakwe antoomwe abenzinyina baafwifwi. ²⁵ Awo Pita wakanjila, Kkoneliyasi wakamutambula mpawo wawida aansi amawulu akwe, wakomba. ²⁶ Pesi Pita wakamibusya wamba kuti, "Buka! Ambebo ndili muntu biyo." ²⁷ Eelyo Pita naakachili kwambula anguwe, wakanjila mpawo wajana bantu bakali bungene aamwi. ²⁸ Wakabambilka kuti, "Inywe lwanu mulizizi kuti takuzumininwi pe kuti mwalumi mu Juda ayenyanie amwenzu nikuba kumuswaya. Pesi Mwami Leza wakanditondezya kuti nsyelede pe kwamba muntu naba umwi kuti uli sofweede nikuba kumwamba kuti ngu simatombe. ²⁹ Nchenchicho nchindakaza kandidakazyi pe, nimwakandiita. Pesi ndibuzya nchimwakandiita." ³⁰ Kkoneliyasi wakamba kuti, "Musule amazuba aane muhola ndilyo eli, ndakali kukomba muhola lyamusana aane mung'anda yangu; Amubone, mwalumi wakayima

kunembo lyangu kasamide chibaki chabayima.³¹ Wakaamba kuti, "Kkoneliyasi, nkombyo yako yamvwigwa a Leza, abululami bwako bwayeeyezya Mwami Leza atala anduwe.³² Lino tuma umwi ayinke ku Jopa, akawwitile mwali utegwa Sayimoni ulezina litegwa Pita. Ukkala mung'anda yamusuki wazikwiye wiitwa kuti Sayimoni, kumbali lyankomwe yalwizi." mpawo mpawawo ndakakutumina bantu. Kulangunukide kuti uze.³³ Lino obuno, toonse mpotuli ano kunembo lya Leza kuti tumvwe zyonse nzimwaka layililwa kuzwa ku Mwami."³⁴ Mpawo Pita wakamba kuti, "Chakasimpe, Ndakabona kuti Leza talangi chiimo.³⁵ Anukuti, Munyika imwi ayimwi kufumbwa umuyoowa akuchita bululami ulatambulika kuli nguwe.³⁶ Mulilizi ijwi ndyakatumizya kubantu baku Izilayeli, awo nakali kwambuuula makani mabotu alumuuno mukwinda muli Jesu Kkilisito, Mwami wazyonse -³⁷ inywe ilwanu mulizizi zyakachitika, zyakaba munyika yoonse yamu Judiya, kazitangunina mu Galili, Joni nakazwa kwambula azyalubbizyo;³⁸ ezyo zyakali atala a Jesu waku Nazaleta, kuti mbobuli Leza mbwakamunanika a Muuya Uusalala antomwe anguzu. Wakayita zintu zibotu akuponesya abo boonse bakali kutamizigwa aba siluuni a satani, nkambo Leza wakali anguwe.³⁹ Tuli bakamboni bazintu zyonse eezyo zyakachitwa a Jesu, munyika yama Juda alimwi amu Jelusalema. Bakamujaya mpawo bamulengeleya amusamu,⁴⁰ pesi Mwami Leza wakamibusya mubuzuba bwatatu akumuchita kuti abonwe,⁴¹ pepe kubantu boonse, pesi kuti kubakamboni abo bakasalidwe kale a Mwami Leza - andiswe andiswe nitwakalya anguwe kali wabuka kuzwa kubafu⁴² Wakatwambila kuti tukabambile bantu alimwi akwambisywa kuti oyu ngongue wakasalidwe a Mwami Leza kuti abe mubetesi wabachipona abakafwa.⁴³ Nkulinguwe nkukwakaba kuti basinsimi bonse bambule majwi mayingi azyakwe, kuchitila kuti boonse bamusyobo ma bakanambule lulekelelo lwazibi zyabo mukwinda muzina lyakwe."⁴⁴ Eelyo Pita nakachili kwambuuula zintu ezi zyonse, Muuya Uusalala wakaba selukila abo boonse bakali kuswilizya nzyakali kwambula.⁴⁵ Abo bantu boonse bakali munkamu yabakali palwidwe abakali basyomi - boonse bakazide a Pita - bakagamba, nkambo Muuya Uusalala wakabasikila abalabo bamaasi mpawonya awo.⁴⁶ Nkambo bakamvwa bamaasi abalabo kabaambula mumilaka imbi kabalumbayizya Mwami Leza. Mpawo Pita wakasandula wasikuti,⁴⁷ "Mpalina muntu uunga ulakasya meenda kuti bantu batabbiziope, aaba bantu batambula Muuya Uusalala antomwe andiswe?"⁴⁸ Lino wakalayilila kuti babbiziope muzina lya Jesu Kkilisito. Eelyo bakamukumbila kuti bakkale amwi kwamazuba mungi.

11

¹ Lino batumwa ababunyina bakali mu Judiya nebakamvwa milumbe yakuti bamaasi batambula ijwi lya-Leza abalabo. ² Pita nakasika muchisi cha-Jelusalema, inkamu yabapalwidwe yakamupa mulandu. ³ Yakamwambila kuti, "Walivwelengania akulya abantu batapalwidwe!" ⁴ Pesi Pita wakabalungulwida mubunikide, "Kuti,⁵ ndalikukomba mudolopo lya-Jopa, mpawo ndatondezegwa chilengano chachibikkilo kachiseluka aansi, mbuli mulembo uzwa kujulu ulampeto zyone. Wakaselukila kulindime. ⁶ Ndakawulangisisa, Mpawo ndayeyesya aatala anguwo. Ndakabona banyama balamawulu oone baansi, banyama bamusokwe, bayavula ansi, abayuni bawuluka bakujulu. ⁷ Mpawo ndakamvwa ijwi kaliti nyampuka, Pita jaya mpawo ulye!⁸ Ndakati, "tachelede pe, Mwami, tachiwope chisofwede kana chitasalali chakali chanjila mumulomo wangu."⁹ Pesi ijwi lyakavuwa lubo kuzwa kujulu, kaliti, echo Leza nchasalazya, toyelede kuchaamba kuti chilisofwede; ¹⁰ Eechi chakachitika tutatu mpawo zyonse zyakabwedezegwa kujulu lubo. ¹¹ Mpawo aawo kwakali balumi botatwe bakiimvwi an'anda mputwakiimvwi, Bakatumwa kuzwa ku Sizaliya kabaza kulindime. ¹² Muuya wakandilayilila kuti yiinka ambabo, mpo nsyelede kulisianysa pe ambabo. Aba bakwesu balimusuru awumwi baakeenda andime, mpawo twakanjila munganda ya umwi mwalumi.¹³ Wakatwambila mbakabona mungelo uyimvwi mukati kanganda yakwe mpawo kalokuti, "Tuma balumi ku Jopa mukaze a Sayimoni utegwa Pita. ¹⁴ Uzokwambila makani ayo aazochitya kuti iwe abanganda yako mufutulwe. ¹⁵ Nindakatalika kwambulaabo, Muuya Uusalala wakaselukila alimbabo, mbubonya mbuli mbuwakachita alindiswe kumatilikilo. ¹⁶ Ndakayeyea majwi a Mwami, mbuli mbaakamba, Joni nchobeni wakababbatizya a meenda Pesi nywe ndamubbabbatizya a Muuya Uusalala. ¹⁷ Aboobo na kakuli Leza wakabapa zipo mbubonya mbakapa ndiswe awo nitwakasyoma ku Mwami Jesu Kkilisito Ndakalini mpundanda kayinokazyania a Leza?¹⁸ Nibakamvwa zintu, eezi, takwe nchibakakonzya kwamba nikuba nsandulo, pesi bakalumbaizya Leza bati, "Leza wabapa buumi bwakusanduka kwabamaasiaabazwakule."¹⁹ Lino bakamwayikide nkambo kamakatazyo akabukila akambo kazyakali zyachitika kule mbuliki Fonesiya, Sayipulasi aku-Antiyokki kabayo

bukambawukila ba-Juda. ²⁰ Pesi bamwi babo, balumi baku Sipulasi a Sayilini bakasika ku Antikkeya bakambawukila aba Giliki, kababambilia makani mabotu aatala amwami Jesu. ²¹ Akuboko kwa-Leza kwakalambabo; makamu makamu abantu akasyoma akuza ku-Mwami. ²² Impuwo ataala ambaabo zyakasika kumatwi ambungano mu-Jelusalema, mpawo bakatumwa Bbanabbasi kuyosika ku - Antiyokkiya. ²³ Nakasika wakabona luzyalo lwa-Leza, wakabotelwa alubo akubasungwazya boonse kuti bayiime mu-Mwami amyoyo yabo yoонse ²⁴ Nkambo kakuti wakali mwalamu ululeme uwizide Muuya Uusalala alubo kalalusyomo abantu biingi bakayungizigwa ku-Mwami. ²⁵ Mpawo Bbanabbasi wakaya ku Tasasi kukuyandula Sawulo, ²⁶ Nakakumujana, wakamubozya ku Antiyokku. Zyakachita obo kwamunyaka wonse bakali kubungana amwi ambungano akuyisya bantu biingi. Basikwiya mpobakatalikila kwambwa kuti mbaKkilisito. ²⁷ Lino muli ayo mazubabamwi basinsimi bakakunuka kabazwa ku-Jelusalema kabaya ku Antiyokku. ²⁸ Umwi wabo, utegwa Agabbasi, wakimikila kali watondezegwa a Muuya Uusalala kuti kuzoba nzala impati anyika yoонse. Eechi chakachitika kumazuba a Kkilawudiysi. ²⁹ Nkabela basikwiya, umwi awumwi mbuli mbakakonzya kupa, bakatumizya banyiina baku Judiya. ³⁰ Bakachita oobu, bakatumizya mali kubazululi bambungano kwindilila mananza a Bbanabbasi a Sawulo.

12

¹ Lino kuchindi echo Helodi mwami wakaanga bamwi babunyina mumbungano kuti abapenzye ² Wakajaya Jemusi mwanaakwaboacheeba ³ Nakabona kuti echi chakabotezya bamajuda, wakayinkilila kunembo akwaanga Pita alakwe. Ayo akali mazuba chibunge chitakwe bumena. ⁴ Nakazwa kukumwanga, wakamubikka muntolongo wamutula kuli basikulinda ntolongo bane kuti bamulinde, walikuyanda kumweeta kubantu kukumana kwa Pasika. ⁵ Aboobo Pita wakalijiswi muntolongo, pesi inkombyo zyabasikumukombela kuli Leza, zyakendelela anembo muchikombelo. ⁶ Kumansiku ngawo Helodi katana mutola kukubetekwa Pita wakalilede akati kabasilumamba bibili, kaangidwe amakketani aabilo mbubonya basikulinda kabali kunembo amulyango wentolongo, balikkede kabalinda intolongo. ⁷ Amubone, mutumwa wa Leza wakalibonia kulinguwe, alimwi mumuni wakalibonia muntolongo. Wakawuma Pita kumwi kubbazu wamibusya akumwambila kuti, "Buka akufwambana nkabela makketani anzyakangidwe zyakazwa mumaboko. ⁸ Mungelo wakati kulinguwe, buka uliyabike, uzwate alimwi usame insangu zyako. Pita wakachita mbubo. Mungelo mbwakamba kuti zwata ijansi lyako unditobe. ⁹ Aboobo Pita wakatobela mungelo akwinka awe aanze. Taakazibe pe kuti eecho chakachitwa amungelo chakali chakasimpe. Wakayeya anga ulikubona chilengano. ¹⁰ Nibakayinda amulindizi wantolongo mutanzi awabili, bakasika amulyango wabutale unjila mumunzi mpawo wakalijula awulikke. Bakabbuda aanze bakunuka amugwagwa nkabela mungelo wakamusiya mpawawo alikke. ¹¹ Awo Pita nakalibona lwakwe, wakabambilia kuti, "Lino ndaziba kasimpe kuti mwami Leza watuma mungelo wakwe akundanganuna kukuboko kwa Helodi akuli zyonse ba Juda nzibakali kulangilila. ¹² Nakabona echi wakaya kung'anda ya Maliya banyina Johani uyitwa kutegwa Makki, oko bantu biingi nkubakabungene kabalo kukomba. ¹³ Nakakonkomona akkoma lyamulyango, musimbi, mulanda utegwa Loda wakasika kukuviwiila. ¹⁴ Nakaziba ijwi lya Pita, kwinda mukubotelwa, wakakachilwa kujula kkoma, kwinda kuti ajule mulyango, wakachijana kubweda mung'anda, wakwamba kuti Pita ulimvwi amulyango. ¹⁵ Mpawo bakati kulinguwe, "Wasuwigwa," nikuba boobo wakakatila kuti mbubo mbundaamba. "Bakati mungelo wakwe." ¹⁶ Pesi Pita wakinkilila anembo akukonkomona, alimwi nibakajula kkoma, bakamubona bakagamba. ¹⁷ Pita wakatambika ijanza kukubawumuzya, mpawo wakatanguna kubalungunwida Mwami mbakamuwisya muntolongo. Wakati, "Amumwamble zintu ezi Jemusi abakwesu." Mpawo wakazwa awo akuya kuli bumwi busena. ¹⁸ Lino nibwakacha, takwe nikuba kanini kakachizya akati kabasilumamba kuli zyakachitikene kuli Pita. ¹⁹ Helodi nakamana kumuyandula akutamubona, wakabuza kuli basikulinda ntolongo akulayilila kuti bajayigwe. Wakakumuka kuzwa ku Judiya kaya ku Sizaliya mpawo wakakukkala nkuko. ²⁰ Lino Helodi wakanyemena loko bantu baku Taya a Sidoni. Bakayinka kulinguwe kabali amakanze omwe, nkabela kuzwa awo bakasungilizya Bbulasitasi, mugwasyi wamwami, kuti abagwasizye, bakakumbila lumuno nkambo inyika yabo chakulya cheyo chakali kuzwa kunyika yamwami. ²¹ Mubuzuba bwakabambidwe Helodi wakasama chizwato chabwami mpawo wakakkala aachuno chabwami; wakamba achakubambil. ²² Bantu bakoompolola, "Eeli ndijiwi lyakaleza pepe lyamuntu!" ²³ Achakufwambana munelo wamwami wakamura, nkambo takapa

bulemu pe kuli Leza; wakaligwa aziyokaansi elyo wakafwa.²⁴ Pesi ijwi lya Leza lyakayunizigwa akuvula.²⁵ Aboobo Bbanabbasi a Sawulu nibakamaninsya mulimu wabo bakabweda kuzwa ku Jelusalemu, amwi malembe achiindi awamba kuti bakabweeda ku Jelusalema bayinka a Joni uyitwa kuti Makki.

13

¹ Lino muchikombelo mu Antiyokki, kwakali bamwi basinsimi abayiisi,. Bakali Bbanabbasi, Simiyoni (utegwa Nayija), Lusiyasi waku Sayilini, Manayemi (mwananyina wa Helodi mu tetilaki) a Sawulo. ² Nibakali kukomba Mwami Mwami akuyiimya kulya, Muuya Uusalala wakati, "Mundibambile bwanzeeene Bbanabbasi a Sawulo, bachite mulimo oko nkundabayita." ³ Nibakamana kulyiimya kulya, kukomba, akubika maboko aabalumi aaba, bakabatuma kuzwa. ⁴ Nkinkako Bbanabbasi a Sawulo, kabali batumwa kunze a Muuya Uusalala, bayinka aansi ku Selusiya; kuzwa oko bakayamba kuya ku Seyipulasi. ⁵ Nibakali mudolopo lya Salamasi, bakakambawuka ijwi Leza muzikombelo zyama Juuzi. Bakali a Joni Makki mbuli mugwasyi wabo. ⁶ Nibakamana kwenda kasuwa koonse kusikila ku Pafosi, bakajana umwi mwalumi simusamu, musinsimi mubeji wechi Juda, wakalezina lyakuti Bbaa Jizasi. ⁷ Oyu siminsamu wakalijisini amwendelezi wachisi, Sejiyasi Pawulasi, oyo wakali mwalumi musongo loko. Oyu mwalumi wakapa mulandu kuli Bbanabbasi a Sawulo, nkambo wakali kuyanda kumvwa ijwi lya Leza. ⁸ Pesi Elimasi "simisamu" (obu mbombubo mbulyakali kutolelekelu izina lyakwe) wakabakazy; wakeezya kusanduula nzila yabeendelezi bachisi kuzwa kululusyomo. ⁹ Pesi Sawulo, utegwa Pawulo alimwi, kazwide Muuya Uusalala, wakamulangisisa kapati¹⁰ akwamba kuti, "Iwee mwana satani, uwwide misyobo yoone yalweno abulozi. Nduwe sinkondonyina wayoone misyobo yabululami. Tokoyoleka pe kumonya inzila ziluleme zya Mwami, uyoleka na?" ¹¹ Kwaino boona, kuboko kwa Mwami kuli atala alinduwe, alimwi uyooba moofu. Tokoyobona izuba kwakayindi." Mpawawo Elimasi wakawidwa sikunkwe amudima; nakatalika kwendeenda kuyanduula bantu kuti bamukwele kuboko. ¹² Musule akubona zyakachitika mweendelezi wachisi, wakasyoma, nkaambo wakagamba kukuyiisiga aatala a Mwami. ¹³ Lino Pawulo abenzinyina bakatalika kuyamba kuzwa ku Pafosi akuza ku Pega mu Pamfuliya. Pesi Joni wakabasiya alimwi wabweeda ku Jelusalema. ¹⁴ Pawulo abenzinyina bakeenda kuzwa ku Pega akusikila ku Antiyokki yaku Pisidiya. Oko bakanjila muchikombelo mubuzuba butegwa Sabata akukkala ansi. ¹⁵ Musule akubalwa kwamulawu abasinsimi, bazuluzi bechikombelo bakabatuma mulayizyo, kabati, "Nobakwesu, kuti kamujisi mulayiizyo wakusungwazya kubantu bali aano, amuwambe." ¹⁶ Nkiinkako Pawulo wakimikila akuumuzya akuboko kwakwe; wakati, "Nobalumi bamu Izilayeli andinywe nimulemeka Leza, amumvwwe. ¹⁷ Leza wabantu aba ba Izilayeli wakasala bamataata akuchita bantu kuti bavule awo nibakakkede munyika ya Ijiputi, alimwi akuboko kunyaampwidwe wakabazulwida kuzwa munyika njiyo. ¹⁸ Kwaminyaka ilimbuli makumi oone wakakkala ambabo munkanda mulusaka. Amwi malembe aansiku awamba boobu, kwamyaaka ilimbuli makumi one wakabalela mulusaka na loonde. ¹⁹ Musule akujaya izisi zili musanu azibili munyika ya Kkenani, wakapa bantu besu inyika yabo kuti bakkone. ²⁰ Zyonse inchito ezi zyakachitika mumyaaka myanda yone amakumi musanu. Musule azantu zyonse ezi, Leza wakabapa babetesи mane kwazoba Samiyele musinsimi. ²¹ Mpawo bantu bakakumbila Mwami, alimwi Leza wakabapa Sawulo mwana wa Kkishi mulombe, mwalumi uzwa kumusyobo wa Bbenjamini, kuti aabe mwami kwamyaaka makumi one. ²² Musule akuti Leza wamugwisya mubwami, wakanyampula Deviti kuti abe ngomwami wabo. Kwakali atala a Deviti mwana wa Jese mulombe kuli mwalumi utebalo moyo wangu, kuchita zyoone nzyendiyanda kuti achite.²³ Kuzwa kulunyungu Iwayooyu mwalumi Leza weeta mutufutu, Jesu, mbuli mbwakasomezya kuyochita. ²⁴ Kakutana kuba kuboola kwa Jesu, oyo Joni ngwakakambawuka atala alubbabbatizyo Iwakulilesya kubantu boonse ba Izilayeli. ²⁵ Awo Joni nakali kumaninsya mulimo wakwe, wakati, 'Muyeeya kuti ndimeni? Teensi ndime oyo pe. Pesi muswilizye, nguumwi uza musule lyangu uuli aansapato zyakumawulu nzyesyelel kumwanganuna pe.'²⁶ Nobakwesu, bana bamulongo wa Abbulahamu, abaabo bali mukati kenu balemeka Leza, zili kuli ndiswe kuti mulumbe walufutuko olu watumizigwa. ²⁷ Nkaambo aabo bakkala mu Jelusalemu abazuluzi abasinsimi tebakamuziba pe, alimwi bakazukizikya ayo majwi abasinsimi ayo abalwa mumasabata woonse akumuniaka. ²⁸ Nikuba kuti tebakajana kaambo kamweloo wakujigwa bakayita Pilato kuti amujaye. ²⁹ Nibakamaninsya zyonse zintu zyakalemedwe atala anguwe, bakamuseluzya amunsamu akumulazika muchuumbwe. ³⁰ Pesi Leza wakamubusya kuzwa kubafu. ³¹ Wakaboneka kwamazuba

miingi ababo bakali baza awe kuzwa ku Galili kuya ku Jelusalemu. Aba bantu lino baba bakamboni bakwe kubantu.³² Nkiinkako tuli kumwambila makani mabotu, ichisyomezyo chakaza kumataata³³ watuzuzikiziza iswe, abana babo, mukubusya Jesu. Mboli mbukulembedwe muli Ntembauduzyo: 'Uli mwana wangu mulombe, sunu ndaba Wuso.'³⁴ Mukuti wakamibusya kuzwa kubafu tachibwedeli pe, Leza wakambuula muli eyi inzila: 'Ndiyomupa izisalala alimwi zyanchoonzyo zilongezyo zyakasyomezegwa kuli Deviti.'³⁵ Nkinkako nchawamba lubo muli imwi Intembawuzyo, 'Tokoyozumizya Musalalai wako pe kuti akabone kubola.'³⁶ Nkambo awo Daviti nakali wabeleka ziyanidisyo zya Leza muzyalane lyakwe mwini, wakoona ing'onz; wakalazikwa amwi awisi alimwi mubili wakwe wakamvwa kubola.³⁷ Pesi kuloyo ngwakabusya Leza takwepe nakamvwa kubola.³⁸ Nkinkako leka chizibinkane kuli ndinywe, bakwesu, kuti kwinda muli oyu mwalmi kuli kambawuidwe kuli ndinywe ilu lekelelo lwa zibi.³⁹ Kuli nguwe woonse mutu usyoma ulilulamikidwe kuzwa kuzintu zyonse ezyo mulawu wa Mozesi nziwakakachilwa kukululamika.⁴⁰ Elyo nkinkaako mubone kuti chakaambwa abasinsimi tazichitiki pe kuli ndinywe.⁴¹ 'Amubone, nobadyamizi, alimwi mugambe alimwi mufwe mpawo: Nkambo ndili kweeta mulimo mumazuba eenu, imulimo ngomutakabule kusyoma pe, nikuba kuti umwi mutu wawambilizya kuli ndinywe.'⁴² Awo Pawulo a Bbanabbasi nibakeenda, bantu bakabakumbila kuti bazowambe lubo majwi nyayaayo musabata iitobela.⁴³ Niwakamana muswangano wachikombelo, bwingi bwaba Juda abasikulipeda bakatobelwa Pawulo a Bbanabbasi, aabo bakambuula abo akubasungwazywa kuti bayinkilile anumbo muluzyalo lwa Leza.⁴⁴ Mubuzuba ibutegwa Sabata yakatobelwa, kubanga idolopo lyonse lyakali bungene antoomwe kuti bamvwe ijwi lya Mwami.⁴⁵ Awo ba Juda nibakabona lubunga lwabantu, bakazula bbivwe akwambuula kabakazya zintu zyakaambwa a Pawulo akumutukila.⁴⁶ Pesi Pawulo a Bbanabbasi bakambuula chamanguzu kabti, 'Kwakeelede kuti ijwi lya Leza kalyaambwa kusanguna kuli ndinywe. Mukubona kuti mula litabulula kuzwa kulinndinywe akulibona kamuteledwe buumi bulakujulu, amubone, tuyobweeda kuli basizibi.'⁴⁷ Nkambo mbombubo mbatulayilila Mwami, wati, "Ndasada mbuli mumuni wabasizibi, kuti mweete lufutuko kumasena akunze anyika."⁴⁸ Awo basizibi nibakamvwa ech, bakabotelwa akusalazyia ijwi lya Mwami. Mboli biangi bakasalwa kubuumi bwakujulu bakasyoma.⁴⁹ Ijwi lya Mwami lyakendelezegwa muchengelelo choonse.⁵⁰ Pesi ba Juda bakenenena banakazi balipedelede kubwime bwajulu abalumi bazuluzi badolopo. Bakasungwaazya kusyonsegwa kwa Pawulo a Bbanabbasi akubag-wisya muchenelelo chabo.⁵¹ Pesi Pawulo a Bbanabbasi bakakunkumuna lusuko kuzwa kumawulu aabo mukakazyania ambabo. Mpawo bakaya kudolopo lyaku Ikkoniyyamu.⁵² Alimwi basikwiya bakazuzigwa alukondo alimwi a Muuya Usalala.

14

¹ Izyakachitika mu Ikkoniyyamu Pawulu a Bbanabbasi bakanjila aamwi m uchikombelo chaba Juda bakambuula munzila eeyi yakuti makamu mapati aaba Juda aba Giliki bakasyoma. ² Pesi ba Juda bakatalikuswilila bakanyongania mizeeo yamasi akubachita kuti banyemena bakwabo. ³ Abobo bakakkala nkuko kwachindi chilamfu, kabawambula ijwi lya Lezaachaamba kabali anguzu zya Leza, kali kubapa bukamboni bwamakanli aluzyalo lwakwe. Wakachita ech, akubapa zitondezyo azigambyo mukwindila mumaboko a Pawulu a Bbanabbasi. ⁴ Pesi bantu bamunzi bakaanzanza; bamwi bakayaama kuba Juda, pesi bamwi kuba tumwa. ⁵ Antomwe bamasi aba Juda (antomwe abazulwidi babo) bakeezya kutabajata obotu akubat-ulula mabwe, ⁶ pesi mbubakachibona eechi, bakachijila kumadolopo a Likkoniya amyunzi yaku Lisitiya a Debbe abusena buzyungulukide, ⁷ oko nkubakayinkilila anembo akwambwa makani mabotu. ⁸ Ku Lisitiya kwakali mwalmi wakakkede aansi, katakwe nguuzu kumawulu akwe, kali mulema kuzwa kukuzyalwa mwida lyabanyina, takwepe nakeendede. ⁹ Oyu mwalmi wakamvwa Pawulu kawambula. Pawulu wakamulangisya aboobo wakabona kuti uli aalusyomo lwakuti ukonyza kuponesegwa.¹⁰ Mpawo wakati kulinguwe ajwi pati, "yimkila amawulu ako." Mpawo oyu mwalmi wakasotoka wendeenda. ¹¹ Lino makamu makamu abantu nakabona Pawulu nzyakachita, bakoompolola, amajwi aabo, muchambuzyo chaku Likkoniya, "Ba leza baza mboli mutu mpawo baza kulindisye."¹² Eelyo Bbanabbasi bakamuzika izina lyakuti ngu "Zewusi," alimwi Pawulu bakamuti ngu "Hemesi," nkambo nguwe wakali mukambawusi mupati.¹³ Mupayizi waku Zewusi, wakali aa chikombelo chakali aanze amunzi, wakayeta musune atununkilizyo kumilyango; lwakwe amakamu makamu balikuyanda kupayila.¹⁴ Pesi kwaino batumwa ba Bbanabbasi a Pawulu, nibakazimvwa, bakadelula zizwato zyabo mpawo bakayinka chakufwambana mukati amakamu,

bakakalala kuti,¹⁵ “Nobantu, nkambonzi nimulikuchita eezi? Aswebo tulibantu bali achimo mbuli ndinywe. Tuli kumukambawukila makani mabotu kuti muzwe muzintu zitagwasyi muze kuli Leza upona, iwakalenga majulu, inyika, lwizi, azyonse zili mukati.¹⁶ Muysiindi zyakayinda, wakazuminina zisi zyonse kwenda munzila zyabo.¹⁷ Pesi mbubonya, we takaliside katakwe bukamboni, muzibotu zyonse nzyakamuchitila zibotu kumupa mvula kuzwa kujulu amichelo zyiindi zyonse, akuzuzya myoyo yanu azilyo, alukondo.”¹⁸ Nikuba amajwi aya, Pawulu a Bbanabbasi bakakasya makamu abantu kuti kabachipiyila kulimbabo.¹⁹ Pesi bamwi bajuda baku Antiyokkiya aku Ikkoniya bakaza kuzosungiliza makamu makamu. Bakatulula Pawulu akumukwelela anze amunzi, bakayeeya anga wafwa.²⁰ Aboobo basikwiya bakali muzyungulukide, wakabuka akunjila mumunzi. Izuba litobel, wakayinka ku Debbe aamwi a Bbanabbasi.²¹ Nibakamana kwambula makani mabotu kuli ooyo munzi akuchita abasikwiya biingi, bakabweda ku Lisitila, aku Ikkoniya, alimwiaku Antiyokki.²² Bakayinkilia kunembo akusimya muuuya yabasikwiya akubasungwazyia kuti bayimikile mulusyomo, kabambakuti, “Twelede kunjila mwabumi bwa Leza kwindila mumachise amakatazyo miangi.”²³ Nibakabasalila batapi mumbungano zyonse, akukomba akulyimya kulya antomwe ambabo, bakabasyoma ku Mwami oyo ngubakali kusyoma.²⁴ Mpawo bakayinda mu Pisidiya akuyosika ku Pamfuliya.²⁵ Nibakamba ijwi mu Pega, bakakunukila ku Ataliya.²⁶ Kuzwa oko bakazubukila ku Antiyokki oko nkubakapedekezedwe luzyalo lwa Leza nkambo kamulimu ngubakamaninsya.²⁷ Nibakasika ku Antiyokki bakasbungania imbungano antomwe, bakatalika kupandulula zintu zyonse Leza nzyakachita ambabo, ambwakajulila bamasi mulyango walusyomo.²⁸ Mpawo bakakkala chiindi chilamfu abasikwiya.

15

¹ Bamwi balumi bakakunuka kuzwa ku Judiya kabaya ku Antiyokki kabayiisa basyomi kabaamba kuti, “Na temwapalulwa mbuli mbuuwamba mulawu wa Mozesi tamukonzyi pe kufutulwa.”² Echi chakachita kuti Pawulu a Bbanabbasi abalumi aaba bakazyanie kapati akubonesyania. Nkabela Pawulu a Bbanabbasi, antoomwe abamwi akati kabo, bakatumwa ku Jelusalemu kuti bakaswanane aba Tumwa abaaalu bambungano akubuzya atala ankanie eeyi.³ Nobakatumwa ambungano bakayinda ku Foyenisiya amu Samaliya kabaya bulungulula kusanduka kwabamaasi bakeeta lukoondo lupati.⁴ Nibakasika mu Jelusalemu, bakatambulwa ambunga abatumwa antomwe abaaalu bembungano, mpawo bakalungulula zintu zyonse Leza nzyakachita kwinda mulimbabo.⁵ Pesi bamwi bakasyma, kabali bankamu yaba Falisi, bakanyampuka batii, “Nchintu chipati loko kuti tubapalule akubalayilila kuti babambe mulawu wa Mozesi,”⁶ Nkinkaako batumwa aabulu bembungano bakabungana antomwe akuzilikila kuti ngakulachitwa biyeni ankanie eeyi.⁷ Nikwakayinda kayinda chindi chilamfuchakunesyania atala enkanie eeyi, Pita wakanyampuka wasikuti kulimbaabo, “Nobenzuma, mulizi kuti kuchiindi chainda Leza wakandisala akati kenu kuti akukambawuka kwangu bamaasi balimwe ijwi lyamakanii mabotu mpawo basyome⁸ Leza uuzi moyo, wakapa bukamboni kulimbabo mukubapa Muuya Uusalala, mbuli mbwakachita kulindiswe.⁹ Tachitide musiyano pe akati kesu ambabo, mukusalazyia myoyo yabo kwiinda mulusyomo.¹⁰ Nkambonzi nimusunka Leza, akubika jokwe munsingo zyabasikwiya eelyo bamatata nikuba ndiswe nditutakonzyi kulibweza.¹¹ Pesi tulasyoma kuti tuyofutulwa mukwinda muluzyalo lwa Mwami Jesu, mbuli mbubakafutulwa,”¹² Bantu boonse bakawumuna akuswilizya ba Bbanabbasi a Pawulu kabalokulungununa zitondezyo azigambyo Leza nzyakabeleka akati kabamaasi kwinda mulimbabo.¹³ Nibakamaninsya kwambuula, Jemusi wakasandula kuti, “Nobenzuma, ngamundiswilizye.¹⁴ Sayimoni walungulula Leza mbwakagwasya muluzyalo lwakwe bamaasi kuti alichitile bantu bakwe kuzina lyakwe;¹⁵ Majwi abasinsimi alazuminana anzizyo eezi, mbuuli mbukuleembedwe,¹⁶ Kwainda zintu eezi Ndiyoobola, alimwi ndiyoyakulula chikombelo cha Devidi, eecho chakamwayika; ndiyoyakulula akubusya lubo matongo acho,¹⁷ kuchitila kuti balobosi babantu bakonzye kulanguula Mwami, antoomwe abamaasi boonse bayitwa kuzina lyangu.”¹⁸ Mbuboobu Mwami mbwaamba, oyo wakachita zintu ezi zyakazibinkana kuzwa muysiindi zyakale. (kuli magwalo aba Giliki achiindi alabupanduluzi busiyen, mubunini, mbubobu Mwami mbwaamba, aabo bazi zyoonse nzyakachita kuzwa kuchiindi chakale).¹⁹ Nkiinkako, muyeyo wangu ngwakuti, tutabakatazyi pe bamaasi aba basandukila kuli Leza;²⁰ Pesi tuyobalembele kuti beelede kusosoloka kuzwa kukulininania amituni, kuzwa kubusofwazi kulizyamalalane, akukulyanyama yabanyama bafwa akulidinwa, akuzwa bulowa.²¹ Nkambo Mozesi wakakambawukwa mumadolopo mapati oonse: kuzwa kumazyalane akale

nkabela uchikambawukwa amuzikombelo mazuba oonse ategwa Sabata.²² Aboobo batumwa, abalu bambungano, antomwe ambungano yoonse, bakabona kuti nchibotu kuti basale Judasi uutegwa Bbasabbasi a Sayilasi, abo bakali bazulwidi baabamwi, kuti babatume ku Antiyokki antomwe a Pawulu a Bbanabbasi,²³ Bakalemba eezi: "Ibatumwa, bazuluzi ababunyiina, kulibamaasi abalimu Antiyokki, Siliya akuSilisiya, Twamujuzya."²⁴ Nkambo twakamvwa kuti bamwi baalumi bakazwa akati kesu, kabatakwе malayilile kuzwa kuli ndiswe, aboobo bamunyongania amabala aayo atyola myuuya yanu,²⁵ Zyakabotela iswe, nitwakanzyania akuzuminana, kusala balumi akubatuma kulindinywe antoomwe abayandwi kulindiswe ba Bbanabbasi a Pawulu,²⁶ Baalumi bakaaba buumi bwabo kuntenda nkambo kazina lya-Mwami Jesu Kkilisito.²⁷ Nkinkko twatuma Judasi a Sayilasi, abo batamwambile zintu nzizyo eezyo amajwi abo.²⁸ Nkaambo kwakabotela Muuya Uusalala andiswe, Kuti tutamulemezyi mukuli atala azintu zitakwe lugwasyo,²⁹ Kuti mulikasye kuzintu zipayilwa kumituni, bulowa, akuzintu zitanoli zyakafwa akusinwa akubusofwazi bwamalalano na mwilibamba kuzwa kuli zeezi zilamubotela muchale kabotu."³⁰ Lino nibakasungulwa, bakakunkila ku Antiyokki; nibakabunganisa makamu abantu boonse, bakasisya lugwalo.³¹ Nibakamana kubala lugwalo bakabotelwa nkambo kakusungwazigwa.³² Judasi a Sayilasi, alimwi abasinsiimi bakabasungwazya babunyina amajwi akubasimya.³³ Eelyo nibakakkala chiindi chinini nkuko oko, baka bwedezegwa kuzwa kulibakwabo abo bakabatumide muluumuno.³⁴ Magwalo mabotu achiindi takwe minchali pe awa 34. (langa Nchito 15: 40) Pesi kwakaboneka kuti nchibotu kuti Sayilasi achaale nkuko.³⁵ Pesi Pawulu a Bbanabbasi bakakkala ku Antiyokki, kabalikuyiisa akukambawuka (antomwe abamwi biingi) Ijwi lya Mwami.³⁶ Nikwakayinda mazuba Pawulu wakati kuli Bbanabbasi, "Ngatubweede lino tukaswaye bakwesu mumadolopo woonse omo mutwaakambiliza ijwi lya Mwami, akubona kuti balibiyeni.³⁷ Bbanabbasi wakalikuyanda kuti beende amwi a Joni wakalikutegwa ngu Makki.³⁸ Pesi Pawulu wakayeeya kuti takuli kubotu kuti babweze Makki, ooyo wakabalobokede mu Pamfuliya akuleka kwendelela kunembo ambabo amulimu.³⁹ Lino mpawawo kwakaba kukazyania kupati, kwakachitika kutipabambukane kuzwa kuli umwi awumwi, mpawo Bbanabbasi wakabweza Makki, bayamba binkamwi mubwaato bayaku Sayipulasi.⁴⁰ Pesi Pawulu wakasala kупедекезегва kuluzyalo IwaMwami ababunyiina.⁴¹ Mpawo wakeenda akwiinda mu Siliya aku Silisiya kabali kusimya mambungaano.

16

¹ Pawulo wakasika alimwi ku Debbe aku Lisitila, aboobo, umwi mutobeli uutegwa Timoti wakaliwo, imwana wamukayintu muJuda iwakali musyomi, pesi wisi wakali muGiliki. ² Wakali ampuwo mbotu kulibakwabo ibakali ku Lisitila aku Ikkoniyamu. ³ Pawulo wakali kuyanda kweenda anguwe; nkinkaako wakamubweza wamupalula kaambo kaba Juda bakali mumasena aayo, nkambo kakuti boonse bakalizizi kuti wisi mu Giliki. ⁴ Awo nibakayobweenda lwendo lwabo mumadolopo, bakayobupa imajwi kubatumwa abapati ibakali mu Jelusalema ikuti balilemeke. ⁵ Awo imbungano zyakasimisigwa mu mweelwe ibuzuba abuzuba. ⁶ Pawulo abasindikizi bakwe bakayinda kumasena a Pilijiya a Galantiya, mbuli kuti bakali babindwa aMuuya Uusalala kuti bakambauke ijwi mubusena bwa Eziya. ⁷ Nibakasika awifwi Misiya, bakeeyza kunjila mu Bbitiniya, pesi imuuya wa Jesu wakabakasya. ⁸ Awo nibakayinda Misiya, bakakusika kudolopo lya Tulowasi. ⁹ Ichilengano chakaboneka kuli Pawulo imansiku; imwalumi waku Mesodoniya wakalimvwi mpawawo, kalikumukkumbila akwamba kuti, "kweza ku Mesodoniya uzotugwasye,"¹⁰ awo Pawulo nakabona chilengano, mpawawo twakabambilila kuyaku Mesodoniya, akuzumina kuti Leza nguwatwita kuti tukakambauke ijwi kuli mbabo. ¹¹ Akutalika kuyamba kuzwa ku Trowasi, twakeendela limwi kululama ku Samotilasi, aboobo mubuzuba tutobela twakasika ku Neyopolisi. ¹² Kuzwaawo twakaya ku Filipi, kalili dolopo lyaku Mesodoniya, idolopo lyabulemu mubboma akubwendeeleezi bwa Loma, aboobo twakakkala mazuba miangi mudolopo eeli. ¹³ mubuzuba bwamugibelo twakazwa aanze aakkoma lyakubbazu lyamulonga, oko nkutwakayeya kuti kuli busena bwakukombela. Twakakkala aansi twambuula abakaintu bakabungene. ¹⁴ Umwi mwanakaza walikutegwa Lidiya, wakalikusambala zisamo zyamubala wantumbala, iwkali kukomba Mwami, wakatuswilila. Leza wakajula moyo wakwe kuti aswilize loko nzyakali kwamba Pawulo. ¹⁵ Aawo naka bbabbatizigwa antoomwe abempuli yakwe, wakatukombelazya, wakamba kuti, "kuti mwandibona kuti ndilasyoma kuli Leza, amuze mukakkale kunganda yangu." Alimwi wakatukombeleyza. ¹⁶ Mbuzyakaba, aawo nitwakali kuya kubusena bwakukukombela, umwi musimbi muzike iwkali aamuya wabusondi wakatuwondongania. Wakapa

basimalelo bakwe impindu kuzwa kubusondi bwakwe.¹⁷ Oyu mukaintu wakatobelela Pawulo andiswe kali koompolola, wakati, "Aaba balumi mbabelesi ba Leza wabulemu. Bali kumukambawukila ijwi lyalufutuko."¹⁸ Wakachita mbuboobu kwamazuba miangi. Pesi Pawulo, nakamunyemba loko, wakacheba akwambila muuya oyu wakati, "Ndili kulkwambila muzina lya Jesu Kilisito kuti uzwe mumukayintu oyu." Aboobo imuuya wakazwa muchiindi nchichecho.¹⁹ Aawo basimalelo bakwe nibakabona kuti imweenya wabo wakujana mpindu wagola, bakajata Pawulo a Sayilasi akubakwelela kuli basimulawu muchisambalilo.²⁰ Nibakabeeta kuli Sikubeteka, bakati, "Aaba baalumi balikupenzya idolopo Iyesu, mba Juda.²¹ Bakambawuka milawu itazumininwi kuti ba Looma batambule akuchita mbubo."²² Aawo iluundu loonse lwakanyampuka akutongooka aatala a Pawulo a Sayilasi, imubetesu wakadelula akubazwatununa zisamo akwambilizya kuti bawumwe amilamu.²³ Nibakamana kubabuduula, bakabawalila muntolongo akwambila simulinda ntolongo kuti abalinde tabazwi.²⁴ Musule akapegewa mulawu oyu, simulinda ntolongo wakabajila mukaanda kamukati loko kabasungidwe misungo kumawulu.²⁵ Aakati kabusiku Pawulu a Sayilasi bakalikukomba akwimbila Leza, awo bamwi basungwa bakali kubaswilizya.²⁶ Muchiindi chifwifwi kwakaba muzuzumo wanyika, ezi zyakazunganisya intolongo; mpawo imilyango yakajuka, alimwi imisungo yanketani yakanguunuka kuli umwi awumwi.²⁷ Simulinda ntolongo wakasinsimuka akubona milyango yantolongo kayaseeme; wakabweza ipanga lyakwe (Ifulo) lyakwe akuyanda kulijaya, nkaambo wakayeyea kuti basungwa boonee bachija.²⁸ Pesi Pawulo wakatambwizya ajwi pati, wakati, "utalinyonyoni, nkambo toonse mputuli."²⁹ Simulinda ntolongo wakasyaya malampi akunjila mukati, kateketa akyutowa, wakawidaansi kunembo lya Pawulo a Sayilasi.³⁰ Wakabeeta aanze akwamba kuti, "Nobapati, ndichite biyeni kuti ndifutulwe?"³¹ Bakaamba kuti, "syoma kuMwami Jeso, ulafutulwa. iwebo ampuli yako."³² Bakamwambila ijwi lya Mwami, antoomwe aboonse bempuli yakwe.³³ Awo simulinda ntolongo wakabweza boonee busiku oobo, wabasanza zilonda, alimwi wakabbabbatizingwa aboonse bempuli yakwe mpawawo.³⁴ Nakeeta Pawulo a Sayilasi munganda yakwe akubapa ichakulya, wakabotelwa kapati ampuli yakwe yoонse, nkambo wakali wasyoma kuli Leza.³⁵ Nibwakacha, imubetesu wakatumua ijwi kuli basikulinda, wakati, "Amubaleke baalumi abo bayinke."³⁶ Simulinda ntolongo wakambila Pawulo, wakati; imubetesu walayizya kuti ndimulekezye mwende nkokuti amuzwe lino, mweende mulumuuno.³⁷ Pesi Pawulo wakabambila kuti; "Batuma kunembo lyabantu kabatatabetekede, nikuba kuti tuzwa ku Looma - alimwi batubika muntolongo. Lino bayanda kutugwisya chakusisikizya na: Pepe. Ababaze mbabo bazotwaangunune.³⁸ Basimulinda ntolongo bakasisya majwi ayaa kubabetsi, nibakamvwa kuti Pawulu a Sayilasi mba Loma bakayoowa.³⁹ Bakasika ibabtesi akukkumbila lulekelelo kuliba Pawulo a Sayilasi akubagwisya aanze, akubakumbila kuti bazwe mudolopo eeli.⁴⁰ Pawulo a Sayilasi bakazwa muntolongo akuya kunganda ya Lidiya. Aawo Pawulo a Sayilasi nibakabona babunyina, bakabasungwazyia alimwi bakazwa mudolopo eeli.

17

¹ Lino chiindi nobakiinda mumyuunzi yaku Amfipolisi a Apoloniya, bakasika kumunzi waku Tesalonika, ooko kwakali chikombelo chaba Juda.² Pawulu, mbubonya mbulichimbo chakwe, wakiinka kulimbabo alimwi kwamazuba aama Sabata aatatu wakambilaana aabo kuzwa mumalembe.³ Wakali kujula malembe akupandulula kuti chakalelede kuti Kkilisito aapenge akubuka lubo kuzwa kulufu. Wakwamba kuti, "Jesu ooyo ngundiluwa kulindinywe ngu Kkilisito."⁴ Bamwi babajuda bakakombelezegwa eelyo bakajatana a Pawulu a Sayilasi kubikilizya mweelwe muunji waba Giliki balipedu, abuzulizi bwabanakazi bayingi.⁵ Pesi baJuda ibatasyomi, bakali abbivwe, bakabweza bamwi bantu bamineme kuzwa kuchisambalilo, bakabungania makamu aantomwe, akubika muunzi mumbukila. kubusizya kung'anda ya Jasoni, bakali kuyandula ikuhusya Pawulu a Sayilasi aanze kuti aaye kubantu.⁶ Pesi awo nebatakwe nobakabajana, bakakwela Jasoni abamwi bakwabo kunembo lyaba singuzu bamumuunzi, bakalilila kuti aaba bantu bakasandamwida nyika aansi alubo basika ookuno lubo.⁷ Aaba baalumi Jasoni mbakatambula bakazyania aamulawo wa-Siza, bamba kuti, "Kulumbi Mwami Jesu."⁸ Bakatazya makamu abasinguzu, bamuunzi bakamvwa zintu eezi.⁹ Pesi mukwinda kwakujana kukwabililwa kuzwa kuli Jasoni akuliboonse, bakabazumizya kwiinka.¹⁰ Busiku oobo bakwabo bakatumua Pawulu a Sayilasi kuBbeliya. Nobakasika nkuko, bakayinka muchikombelo chaba Juda.¹¹ Lino bantu aaba bakaliluleeme kwinda aabo bamu Tesalonika, nkambo bakatambula ijwi amizeezo ilipedelede, kulingulula malembe buzuba abuzuba kuti babone na zintu

eezi zyakali mbubo. ¹² Nkinkaako biingi babo bakasyooma, kubikilizya abamwi banakazi bayuungi ba Giliki abalumi biangi. ¹³ Pesi chiindi ba Juda baku Tesalonika nibakaziba kuti alubo Pawulu wakali kuluula jwi lya Leza ku Bbeliya, bakiinka nkuko akunyongania akukataaza ya makamu. ¹⁴ Mpawawo, bakwabo bakatumina Pawulu kuya kulwizi, pesi Sayilasi a Timoti bakakkala nkuko. ¹⁵ Aabo bakali kweenzya Pawulu bakamubweza bamutola kule kuluumbi munzi waku Atenisi. Mbubonya mbakamusiya Pawulu nkuko, bakatambula malayilile kuzwa kulingue kuti Sayilasi a Timoti basike chakufwambana mbuli mbubakonza. ¹⁶ Lino mbubonya Pawulu mbwakali kubalinda mu Atenisi, muuya wakwe wakanyemezegwa mukati kawke aawo nakabona muunzi uwwide zikozzano. ¹⁷ Eelyo mazuba wonse wakambilaana abajuda abamwi bakali kukomba Leza mbonya amuchisambalilo kuba nkuko. ¹⁸ Pesi abalabo baba Epikuliya abasongo ba Sitoyiki bakaswanana aawe. Bamwi bakaamba kuti, "Niini ooyu utakwe makan icheezya kwaamba?" Bamwi bakati, "Ulangika aanga nguumwi ooyu wwiita bantu kuti batobela baleza benz, nkambo wakali kuluula makan mabotu aatala a Jesu abubuke. ¹⁹ Bakabweza Pawulu akumuleta ku Aliyopagasi, bakati, "Ngatulaziba eeyi njiisyo mpyaa eyo njowakali kwaamba? ²⁰ Nkaambo ulikweta zintu zyeenzu kumatwi eesu. Nkinkaako, tuyanda kuziba kuti eezi zyambanzi." ²¹ (Lino ba Atenisi abantu bakali kukkanila nkuko bakamaninsya chiindi chabo kakutakwe anchibachita pesi kwambuu nikuba kuswilila atala achimwi chipya.) ²² Mpawo Pawulu wakima aakati kaba Aliyopagasi akwaamba kuti, "Yobalumi baku Atenisi, ndabona kuti muli basichizuminano munzila yoonse. ²³ Nkambo mbubonya mbundayinda akulanga loko kuzintu zyabukombe bwanu, ndajana chipayili chili abulemu oobu, "Kuli Leza utazibinkene." kufumbwa nchimukomba mukutaziba, eechi ndachaambilizya kuli ndinywe. ²⁴ Leza wakachita nyika azyoonse zilimulinjiyo, mbwanga ngu Mwami wajulu anyika, takkali mamaanda ayaakwa amaboko. ²⁵ Nikuba kubekelwa amaboko abantu, mbuli kunga ubulide chintu, mbwaanga Iwakwe nguupa bantu buumi akuyoooya azimwi zyonse. ²⁶ Kuzwa kumuntu uumwi wakachita misyobo yabantu kuti bapone aatala enyika kali wabamba kuzulila kwaziindi amigano yamasena aabo mubakkede, ²⁷ Kuchitila kuti balanguule Leza akuti ambweni ngabalakonza kuzuzya nzila yabo nkambo kanguwe akumujana pesi talikule pe kuzwa kuluumwi wesu. ²⁸ Nkaambo mulinguwe tulapona akweenda akujana buumi, mbubonya mbuli bamwi, simwanza ngano banu mbubakaamba, 'Nkambo alubo tuli lunyungu Iwakwe.' ²⁹ "Nkinkaako, mbokungu tulilunyungu lwa Leza, tatwelede kuyeyea anga bubotu bwabulenge bulakozyanisigwa angolida niiba nsiliva, niliba bbwe, izikozzano zyakabezwa amiyeeyo yamuntu. ³⁰ Nkinkaako Leza wakazileka ziyiindi zyakutaziba, pesi lino ulayilila bantu boonse koonse kuti basanduke. ³¹ Nkambo wakabamba buzuba nayobetaeka nyika mubululami kumuntu ngwakasala. Leza wakapa chisinizo chamuntu ooyu kuli woonse akumubusya kuzwa kubafu." ³² Lino chiindi bantu baku Atenisi nobakamvwa azyabubuke wabafu, bamwi bakamuniaka Pawulu; pesi bamwi bakati, "Tuyokuswilila lubo aatala ankan ieyi." ³³ Kuzwa waawo, Pawulu wakabasiya. ³⁴ Pesi bamwi bakasyoma, kubikilizya a Diyonisiasi mu Aliyopegit, mwanakazi utegwa Damalisi, abamwi bakalaambabo.

18

¹ Musule azeesi zintu Pawulu wakazwa mu Atenisi akuya ku Kkolinto. ² Ooko wakakuswanana amu-Juda uutegwa Akkwila, wachisi cha Pontasi, ooyu wakachili kusika kuzwa ku Itali amukaintu wakwe Pulisila, nkambo Kkilawudiyasi wakali walayilila ba Juda boonse kuti bazwe mu Loma. Pawulu wakayinka kuli mbaabo, ³ alimwi nkambo kakuti wakali kubeleka nguyooyo mulimu, wakakkala ambaabo wabeleka, nkaambo bakali basimpanga mateente kuluzibo. ⁴ Aboobo Pawulu wakayiiyza muchikombelo ambaabo mazuba wonse ateegwa sabata, kayezya kukombeleyza ba Juda aba Giliki. ⁵ Lino Sayilasi a Timoti nibakasika sika saansi kuzwa ku Masedoniya, Pawulu wakalipeda kujwi, kapa bukamboni kuba Juda kuti Jesu ngongue Kkilisito. ⁶ Pesi aawo ba Juda nibakamusandukila akumutukila, Pawulu wakabangundumwida zisamo zyakwe akubaambilka kuti, "Bulowa bwanu abube aatala amitwe yanu; ime ndasalala. Kuzwa lino ndilaya kulibamaasi." ⁷ Mpawo wakanyampuka kuzwa ooko akuya kun'anya da Tayitasi Jasitasi, mwalusi walii kukomba Leza. Ing'anda yakwe yakali awifwifo achikombelo. ⁸ Kkilisipasi, muzuluzi wachikombelo wakali kusyoma ku Mwami, antomwe ampuli yakwe bakasyoma mu Mwami. Abanamunji baku Kkolinto ibakamvwa ijwi bakasyoma alimwi bakabbabbatizigwa. ⁹ Mansiku Mwami wakati kuli Pawulu muchilengano, "Utayowi, pesi wambula utawumuni. ¹⁰ Nkambo ndili anduwe, aboobo takwe utakeezya kukunyonyona nkambo ndili abantu biingi mumunzi ooyu.

¹¹ Pawulu wakakkala oono kwamwaaka amyeezi musanu awumwi, kaiyiyanjwi lya-Leza mukati kabu. ¹² Pesi aawo Galiyo naakaba mweendelezi mupati waku Akkayiya, ba Juda bakajatana amuzezo omwe wakusandukila Pawulu akumweeta kubbetekelo; ¹³ bakaamba kuti, "Ooyu mwalumi uli kukombelezya bantu kuti bakkombé Leza zitali mumulawu." ¹⁴ Anu aawo Pawulu nakasyambuule, Galiyo wakati kuba Juda, "Inywe noba Juda, aanoli nchoonzyo bwakali bulewusi na mulandu, chali kunooli kabotu kulangana andinywe. ¹⁵ Pesi mbuli kuti eeyi mibuzyo ilangene amabala amazina amilawu yenu nubeni, amuzibambe ndinywe lwenu. Tandilangilili kuba mubelesi waazyambo ezi pe." ¹⁶ Galiyo wakachita kuti bazwe mubbetekelo. ¹⁷ Aboobo boonse bakajata Sositenesi, mutongi wa chikkombelo, akumuuma kunembo lyachuno chabbetekelo. Pesi Galiyo taakwe mbakalimvwa kuli eezyo nzibakachita. ¹⁸ Pawulu, musule lyakukkala omo aambi mazuba, wakabasiya bakwabo akuyamba kuyaku Siliya a Pulisia a Akkwila. Katana kuzwa kujinkilo, Senkiliya, wakali wagonkwa susu akaambo kachizuminano nchakali wachita. ¹⁹ Nibakasika ku Efesasi, Pawulu wakasiya Pulisia aa Akkwila nkukooko, pesi we Iwakwe wakanjila muchikombelo akwambuzyania aba Juda. ²⁰ Aawo nibamukkumbila Pawulu kuti akkale chiindi chilamfu, wakakkaka. ²¹ Pesi nakazwa aalimbabo, wakati, "kuti kakuli kuyanda kwa Leza ndilaboola kuli ndinywe." Mpawo wakayamba kuzwa ku Efeso. ²² Pawulu nakasika ku Sizaliya, wakatanta akuyojuzya imbungano yaku Jelusalema alimwi wakaselela waya ku Antiyokki. ²³ Musule lyakukkala kwechindi chilamfu lamfu nkukooko, Pawulu wakeenda kayindia momasena aku Galantiya a Pilijiya akusimya basikwiya boonse. ²⁴ Lino umwi mu Juda uitewga Apolosi, imwana wa Alekizanda kukuzyalwa, wakasika ku Efeso. Wakali kumvwikka kabotu kukukwambuula alimwi kajisi luzibo lwiingi lupati kumalembe. ²⁵ Apolosi wakali walayilwa kunjiisyø ya Mwaami. Mukubaanguzu zya Muuya, Wakaambuula akuyiisya chakululamika ezyo zintu zyakalangene a Jesu, pesi wakazi biyo ilubbabbatizyo lwa Joni. ²⁶ Apolosi wakatalika kwambuula changuzu muchikombelo. Pesi nibakamumvwa ba Pulisia a Akkwila, bakamutola kumbali akumupandulwida inzila ya Leza mubunike. ²⁷ Nakayeyya kuyamu Akkayiya, ibakwabo bakamusungwazya alimwi bakalembela basikwiya baku Akkayiya kuti bamutambule. Nakasika, wakabagwasya loko aabo bakasyoma muluzyalo. ²⁸ Apolosi wakabakazya changuzu ba Juda munkazyario yaluundu, kali kutondeezya kwiindilila mumalembe kuti Jesu ngonguwe Kkilisito

19

¹ Kwakaba kuti Apolosi nakali mu Kkolinto, Pawulo wakayinda kuchisi chakutala wakusika kudolopo lyaku Efeso, mpawo wakakujana bamwi basikwiya. ² Pawulu wakabambilä kuti, "Mwakawutambula na Muuya Uusalala nimwakasyoma?" Bakamusandula kuti, "Pepe, tatuwe anchitwalina kumvwa pe atala azya Muuya Uusalala." ³ Pawulu wakati, "Mpo mwakabbabbatizigwa buyeni? Bakati, "Mulubbabbatizyo Iwa-Joni." ⁴ Pawulo wakabasandula, "Joni wakabbabbatizya mulubbabbatizyo Iwakusanduka. Wakabambilä bantu kuti bayelede kusyoma kulooyo uzobuza musule lyakwe, kali, ngu Jesu." ⁵ Lino bantu nibakamvwa obu, bakabbabbatizigwa muzina lya-Mwami Jesu. ⁶ Pawulo nakabika maanza aakwe alimbabo, Muuya Uusalala wakaza alimbabo alimwi bakambuula muliimwi milaka akusinsii. ⁷ Kumweelo bakali baalumi bali kkumi abibili. ⁸ Pawulo wakanjila muchikombelo akwambula changuzu kwameyezi yotatwe, kaambuzyania akubakombelezya atala abwami bwa-Leza. ⁹ Pesi aawo bamwi ba Juda nibakayuma myoyo akutalemeka, bakatalika kwambula bubi atala anzila ya Kkilisito kunembo lyabantu. Nkinkako Pawulu wakabasiya weenda abasikwiya, akuyowambuzyania ambabo mazuba woонse munganda yazyiyo yaku Tayilanasi. ¹⁰ Ezi zyakachitura kwaminyaka yobile, kuchitura kuti woonse wakakkede mu Esiya amvve ijwi lyaMwami, boonee ba-Juda ama-Giliki. ¹¹ Leza wakalikuchita zigambyo zyiindilide kwindilila mumaboko a Pawulo, ¹² Kwakali kujanika kuti itudabba azisamo zyakukwabilila itombe zyakali kumuguma zyakali kutolwa kokusilisyä bachiswa malwazi kaamana amyuuva mibi kayiizwa mulimbabo. ¹³ Pesi kwakali ba-Juda basiklipa bakayobweenda mubusena oobo. Bakalikwita izina lya Mwami Jesu kuchitura kuti bajane nguzu zyakuzunda myuuva mibi nibakali kuti, "Kwinda muli Jesu oyo Pawulo ngwakkambawuka, ndakulayilila kuti zwa," ¹⁴ Imupayizi mupati waba Juda, iwali kutegwya Sikkewa, wakali abana balombe bali musanu ababili bakali kuchita eesi. ¹⁵ Imuuya mubi wakabasandula, "Jesu ndimwizi, Pawulu ndilimwizi, pesi iwe nduweeni?" ¹⁶ Imuuya mubi wakali mumuntu wakabanyansya akubazunda basiklipa wabawuma. Aawo bakali kuchija kunganda oomo kabazwa maya azilonda zyakuumwa. ¹⁷ Ezei zyakazibinkana kuli boonse, ba-Juda aba Giliki, aabo bakakkede ku

Efeso. Bakayowa loko, Aabobo izina lya Mwami Jesu lyakalemekwa. ¹⁸ Alubo, basyomi biingga bakaza akulibeteka kabapa bupanduluzi buzwide aatala azibi nzibakali kuchita. ¹⁹ Basikwiya biingga bakeeta mabbuku azibelesyo zyabo akwawumpa kunembo lyabantu boonse. anaibakaabala muulo wazyo, wakali makkumi musanu wazyulu wazigodo zyansiliva. ²⁰ Nkiinkako ijwi lya-Mwami lyakayendelela akusaalila changuzu mpatti. ²¹ Lino Pawulu nakamaninsya mulimo wakwe mu-Efeso, wakayeeya ichamumumuuya kuti ayinde ku Mesodoniya aku-Akkayiya kayobuya ku Jelusalema; wakati, "Mbuli mbundali kooko, cweelede ndikabone Loma," ²² Pawulu wakazubula babili kuli bakali kumugwasya wabatuma ku Masedoniya, Timoti a Elasatisi. Pesi we lwakwe wakajana bukkala mu- Eziya kwakayindi. ²³ Ikwachindi echo tekwakaba kuchelezeka nikuba kunini mu Efeso kulangene aanzila. ²⁴ Umwi simufula nsiliva utegwa Demetiliyasi, iwakali kubumba zikozyanisyo zyansiliva zya Diyana, ²⁵ wakeeta makweeo miangi kuli basikubeza. Nkinkaako wakabungania aamwi babelesi bawoyo mulimo akwaamba kuti, "Nobantu, mulizi kuti muloyu mulimo tujana mali inyigi. ²⁶ Mulizibweene akuzimvwa eezi, teensi mu Efeso biyo pe, pesi kumasena miangi mu Eziya, Pawulu oyu wakombelezya akumwaya bantu biingga. Ulikwamba kuti baleza babumbwa amaboko teensi baleza. ²⁷ Takulikwamba biyo kuti ziletelezya kuti makweeo eesu abule bulemu, pesi akuti inganda yakukombela ya mukaleza Atenisi ikonzya kuba chintu chabuyo, abulemu bwakwe bunoli bwamana, we ooyo ukkombwa a Eziya yoonse akumanyika." ²⁸ Nibakazimvwa eezi, bakatulindila akunyema akukwiila, bakati, "Bulemu mbubwa Diyana waba Efeso," ²⁹ Idolopo lyoonse lyakanyongana, alimwi bantu bakachijana amuzeego womwe kabanjila muchibunganino. Bakajata basindikizi ba-Pawulu, Gayiyasi a Alisitachasi, aabo ibakazwa ku Mesodoniya. ³⁰ Pawulu wakali kuyanda kunjila mumoomo mumpuumba yabantu, pesi basikwiya bakamukasya. ³¹ Alimwi, bamwi batapi bachilikit cha Eziya ibakali beenzinyina bakatuma ijwi lyakumukombelezya kuti atanjili pe muchibunganino. ³² Bamwi bantu bakali kutambuzya limwi ijwi, abamwi kabatambuzya ilimbi, nkambo ilubunga olu lwakalinonyongene, Ibiingga babo tebakazi biya pe akuti babunganina anzi. ³³ Bamwi balubunga bakanyenyebwida Alekizanda, oyo iwakali kutunziigwa kunembo aba-Juda. Mpawo Alekizanda wakatambika kuboko kwakwe, kayanda kukazya mumuswangano. ³⁴ Pesi aawo nibakamuzida kuti mu Juda, boonse bakakwiila ajwi lyoomwe kwamahoola obile, kabamba kuti, "Ibulemu mbubwa Atenisi waba Efeso." ³⁵ Nakawumuzya luundu imulembi wadolopo, wakati, "Inywe nobantu baku Efeso, ngwani mwalumi uuliwo uutazi kuti idolopo lyaba Efeso mubambi wachikombelo cha mupati Atenisi achikozyanio ichakawida aansi kuzwa kujulu? ³⁶ Nakabona lino kuti eezi zintu tazikakiki pe, ziyanda kuti walyumunizya kotachiti chamaawiliwili. ³⁷ Kaambo weeta baalumi aaba kulubeta kabatali babbi bazikombelo na basikusampawula izimuleza wesu. ³⁸ Nkikaako, ikuti Demetiliyasi abasikubeza mbalabo kabali amuntu ngubapa mulandu, inkuta ilijulidwe ababeleka twambo mpobali. Ngabapane mulandu chabochabo. ³⁹ Pesi kuti kakuli nzoyanduula aatala azimwi zyaambo, ziyobambwa mumuswangano uzibinkeene. ⁴⁰ Kambo nchoonzyo tuli muntenda zyakupewa mulandu aatala ankondo yasunu. Takwelede pe kuti kuge kunyongana oku, alimwi tatukozokonzya pe kuzipandulula," ⁴¹ Nakamana kwamba boobo, wakajala muswangano bakotoka.

20

¹ Niyakamana mbukila, Pawulo wakatuma basikwisya nakamana kubasungwazya. Wakti mwinke obotu mpawo wakaya kuMakkedoniya. ² Nakayabwenda bwenda akati kazisi ezyo wakambula makanii mangi akubasungwazya, wakasika kuGilisi. ³ Musule akukkala myezi itatu oko, baJuda bakamuvwiya kuchindi naakalikuyanda kuzubukila kuSiliya, aboobo wakayeya kubweda kayinda kuMakkedoniya. ⁴ Kabaya bumsindikila kuya kusika kuAsiya oko Sopata mwana wa Payilasi waku Bbeliya; Alisitokkasi a Sekkundasi boonse bakazwa kubasyomi baku Tesalonikka; Gayo waku Debbe; Timoti aTikkaki aTilosfilasi waku aSiya. ⁵ Pesi bantu aba bakasanguna kwinka kunembo eesu mpawo bakakutulinda kuTiloyasi. ⁶ Twakayamba kuzwa kuFilipi kuzwa kumazuba achibunge chitakwe buswezyo, mukati kamazuba ali musanu twakasika muTiloyasi nkubakakkede. Oko twakakkala mazuba ali musanu aabili. ⁷ Mubuzuba butanzi bwamviki, awo katubungene amwi mukukomona chibunge, Pawulo wakambula kubazumini. Walikwamba kuzwa mubuzuba butobel, wakabamba nkani yakwe kusikila akati kabusiku. ⁸ Mwakali malampi miangi mun'anda yakujuju mutwakabungene. ⁹ Mumpulunguzyo kwakkede mukubusi utegwa Utikkasi, oyo wakali mungonzi mpatti. Awo Pawulo mbwakadonselela kwambula, oyu mukubusi wachili koona, wakawida ansi kuzwa kunganda yatatu kuzwa kujulu wakabwezwia ulifwide.

¹⁰ Pesi Pawulo wakaseluka ansi, wasika ali nguw walyolola akumubukata. Elyo watu, "Mutachinyemi limbi nkambo uchili muumi". ¹¹ Mpawo wakabweeda lubo kunganda yakujulu wakukomona chibunge mpawo walya. Musule akwambula chindi chilamfu kusikila kubuchedo, wakayinka. ¹² Bakaboza mukubusi kali muumi bakawumbiliziga kapati. ¹³ Iswe lвесu twakayinka kunembo lya Pawulo abwato twazubukila kuAsosi, mputwali kuyeya kwenda amwi a Pawulo. Ezi nzyakayandide kuchita, nkambowakayeleder kwenda amawulu. ¹⁴ Nakatuswania kuAsosi, twakamunjizya mubwato mpawo twayaMetleni. ¹⁵ Mpawo twakayamba kuzwa ooko mpawo twakasikusa buzuba butobela oko kubambene akasuwa kaKkiyosiizuba litobelwa twakasika aka suwa ka Samo, mpawo izuba litobelwa twakasika kumunzi waku Melitasi. ¹⁶ Nkambo Pawulo wayeya kuyamba kayinda kuEfeso, kuti atakabi achindi chilamfu mu Eziya, nkambo wakali kufwambananina kuya ku Jelusalema kafwambananina buzuba bwapentekkosityi niinga chakakonzenza kuti achite bobo. ¹⁷ Kuzwa ku Melitasi wakatuma bantu ku Efeso kuti bakamwitile baalu bambungano. ¹⁸ Nibakasika kulinguwe, wakati kuli mbabo, "Inywe lwanu mulizi, kuzwa kubuzuba buzuba butaanzi nindakalyata ino lyangu mu Eziya, ambunoli kali kukkanla andinywe. ¹⁹ Ndakaya kunembo akubelekela mwami amooy woone, amisozi, mpawo amasunko akandibeda, nkambo kamanz abama Juda. ²⁰ Mulizi mbundatakanusisila abunini kumwambila makani amwelede, ambundakamuyisya aakati kabantu mpawo akuzwa kunganda akunganda. ²¹ Ndakali kubalungunwida bajuda aba Heleni atala akusandukila kuli Leza mpawo akuba alusyomo muMwami wesu Jesu. ²² Lino amubone, ndaya kuJelusalema ndangidwe mumuya, nsizi pe zintu zitakachitike kuli ndime oko, ²³ kunze kwakuti Muuya Usalala undambile kuti mumyunzi yonse kuti insimbi yamapenzi zili ndilindilide. ²⁴ Pesi nsikomezyi buumi bwangu kuli ndime ndimwini, kunze kwakukuti ndibeleteke akumaninsya mulimu ngundakatumbulkula kuzwa kuMwami Jesu, kandilungununa makani mabotu aluzyalo lwaLeza. ²⁵ Lino amubone, ndilizi kuti nywe moonse, akati kanu mbindakendela kandamb bwami, tamuchikabuboni limbi busyu bwangu. ²⁶ Nkikako ndipa bukamboni obuno buzuba, kuti nsikwe mulandu aganzi lyamuntu naba umwi. ²⁷ Nkambo tendakaleka abuninikumwambila koonse kuyanda kwaLeza. ²⁸ Nkikako amuchenjele lwanu, antoomwe abutanga obo Muuya Usalala mbwakamusilila kuba bendelezi. Amuchenjele mukwembela imbungano yaLeza, njakawula aganzi lyakwe. Kwindila muganzi lyamwanawakwe mwini. ²⁹ Ndilizi kuti ndazwa biyo, bawumpe balasika akati kanu alimwi tabakobuleka butanga. ³⁰ Ndilizi kuti nikuba kuzwa akati kanu bamwi bantu balabuka akwambula makani mabi kuti bagwisyie basikwiya babo. ³¹ Nkikako amulinde. Muyeye kuti kwaminyaka itatu nsikalekede kumulaya umwi awumwi sikati amansiku amisozi. ³² Lino ndamupeda kuliLeza akujwi lya luzyalo lwakwe, lukonza kumuyaka akumupa lukono akati kababo bakasalazigwa. ³³ Takwe mutu ngundakanyeya nsiliva yakwe, ngolida, nikuba chizwaato. ³⁴ Inywe lwanu mulizi kuti aya maboko akabeleka zyakulyiyanda ndime. Antoomwe azyababo bali antoomwe andime. ³⁵ Muzintu zyoonse ndakaba chitondezyo chambumukonzya kugwasya batajisi nguzu, zyakulibilekela, kuyeya makani amwami Jesu, makani ngakamba we lwakwe, "Kulilongezedwe kupa kwinda kutambula". ³⁶ Nakamana kwambula munzila eeyi wakafugama wakomba ambabo boone. ³⁷ Kwakaba kulisysa mpawo bambundila Pawulo akumumyonta. ³⁸ Bakaba akuwusa boone anzyakamba, kuti tabachizoboni busyu bwakwe ilubo. Mpawo bakamusindikila kubwaato.

21

¹ Eelyo nitwakeenda kuzwa kulimbabo kuti tukazubuke, twakatola inzila ilulama kudolopo lyaku Kkosi, mpawo muzuba litobelwa twakaya kudolopo lya Lodesi, kuzwawo twakaya kudolopo ilya Patala. ² Muchiindi nitwakajana bwaato buzubuka kuyaku Finisiya, twakazubuka twiinka. ³ Nitwaka kulangalanga mu Sayipulasi, katwisyiide kuchimweensi chabwaato, twakazubuka kuyaku Silisia twaaku selukila a Taya, oko bwaato nkubwakali kuseleyza zilongo. ⁴ Eelyo nitwakajana basikwiya, twakkalkala mazuba musanu aabili. Kwindila muMuuya bakali kukasya Pawulu kuti atayinki ku Jelusalema. ⁵ Nakamana mazuba esu, twakazwa mpawo twiinka muznzila yesu, abalabo boone, abakayinti babo abana, bakatobelwa nitwakalikuzwa mudolopo. Twakafugama musele lyakumbali alwiizi twakomba, ⁶ Mpawo twakawonekana twakaya kukutanta bwaato, bo bakabweeda kumyuunzi. ⁷ Eelyo nitwakananinsya lweende lwakuzwa ku Taya, twakasika ku Putolemayisi. Oko twakajuzya bakwesu mpawo twakkalkala kwazuba lyomwe. ⁸ Mubuzuba butobela twakazwa twaya ku Sizaliya. Twakanjila munganda ya Filipo, muvangeli, oyo iwakali umwi wabalimusunu ababili, mpawo twakkalkala awe ⁹ lino oyu mwalumi wakali abana banakalindu bone bakasinsima.

10 Eelyo nitwakakkala kwamazuba, Awo kwakaselela uumwi musinsiami kuzwa ku Lidiya uutegwa, Agabbasi. ¹¹ Wakaza kulindiswe kulindiswe mpwawo wakabweza ibbanti lya-Pawulu. Wakalyaanga andilyo kumawuluakwe akumaboko wasikuti, "Nzwaliwamba Muuya Uusalala, mbubatakamuchite bama Juda mu Jelusalema kwanga mwanibbanti eli mpawo akumupeda kumaanza abazwa maasi." ¹² Aawo nitwakamvwa eezi zintu, toonse iswe abantu bakalikkukala mubusena oobo twakamukbelezya Pawulu kuti atayinki ku Jelusalema. ¹³ Elyo Pawulu wakasandula, "Uchitayi, kulila akukwamuna moyo wangu? Nkambo ndilibambilide, pepe kwangwa luzutu, pesi ikuti ndifwe mu Jelusalema mukambo kazina lya Mwami Jesu." ¹⁴ Kaambo kakuti Pawulu takakombelezeka, twakawumuna mpwawo twakati, "Akuchitwe ikuyanda kwa Mwami. ¹⁵ Kuzwa amazuba aya, twakabweza izikwama zyesu twayinka ku Jelusalema. ¹⁶ Awo twakendaamwi abamwi basikwiya bazwaku Sizaliya. Baketa mwaalumi uutegwa Munasoni, mwalumi uuzwaku Sayipulasi, sikwiya mutanzi oyo ngutwakali kuzokkalaawe. ¹⁷ Awo nitwakasika ku Jelusalemu, bakwesu baktutambula chakukondwa. ¹⁸ Buzuba butobelua Pawulu wakayinka andiswe kuli Jemusi, abaalu boonse bakaliwo. ¹⁹ Awo nakabujuza, wakabambilila zintu chiimwi achimwi ezyo Leza nzyakali wachita akati kabamaasi kwindilila mumulimo wakwe. ²⁰ Elyo nibakazimvwa, bakalumbaizya Leza, mpawo bakati kulinguwe, "Wakubona, mukwesu, nzingana zyuulu zyakasyoma akati kaba Juda. Balilipedelete boonse kuti babambe mulawu. ²¹ bakabuzigwa aatala andime, ikuti uyiisa ba Juda boonse ibakkala akati kabamaasi kuti basule Mozesi, akuti mpawo ubabuzya kuti batakapaluli ibana babo, akuteenda munzila yachiyanza chabo chakale. ²² Tuchiite kutyeni? nkaambo kasimpe bayomvwa kuti wasika. ²³ Lino chita ezi nzitukwambila: Tulabalumi bone bachita chikonke. ²⁴ Bweza baalumi aba ulisalazye ambabo, ubbadale nzibelete kuti baliye bo, kuti bakakulule mitwe yabo. Kuti muntu woone akazibe kuti ezi zintu nzibakali babuzigwa ayeebo nzyabuyo. Bayoyiya kuti ayebo upona kabetu mukubamba mulawu. ²⁵ Pesi atala abamaasi ibakasyoma, twakalemba mizeeo yesu kuti bakaligwisye kuzintu zyapedwa kuzikozyanio, kubulowa akulizyadinya, azyamalalane." ²⁶ Elyo Pawulu wakabweza balumi, mpawo mubuzuba litobela wakalisalazy we antomwe ambabo. Elyo bakaya munganda ya Leza, akubona kuti mazuba akusalazigwa azuzikizigwa azipo ziketwe izya umwi wabo. ²⁷ Eno mazuba alimusana aabilii nakaambla kumana, bamwi ba Juda baku Eziya, mukubona Pawulu mun'anda ya Leza, bakasungilizya makamu mpawo bamujata. ²⁸ Bakali kompoolola, Nobalumi ba Izilayeli, mutugwasye. Ngonguwe muntu uyiisa baluumi boonse koonse zintu zilwisyania abantu, amulawu, abusene obu. Kutali oobo, alubo, wakeeta baGiliiki munganda ya Leza, mpawo wakasofwazya busena busalala. ²⁹ Mukuti bakali babona Tulofimasi waku Efeso nkalaawe mudolopo, mpawo bakayeyea kuti Pawulu wakali wamweeta mukati ka nganda ya Leza. ³⁰ Idolopo lyoonse lyakakondwa, abantu bakachijiana antomwe abakajata Pawulu. Bakamugwisya munganda ya Leza, imilyango mpawo yakajaligwa. ³¹ Elyo nibakali kweezya kumujaya, makani akasika kuMwami wenkamu yechandaano yabalinda kuti yoonse Jelusalema yakali mukubotelwa. ³² Mpawo wakabweza abasilumamba abasilutwe babasilumamba bali mwaanda mpawo bakachijiana buselela kuya kumakamu makamu Eelyo bantu nibakabona Mwami wachandano chaba Silumamba, bakimikila kumuma Pawulu. ³³ Elyo mupati wachandano wakasika wajata Pawulu, mpawo wakabambilila kuti aangwe anketani zyobile. Elyo wakabuzya kuti wakaliini akuti wakaliini. ³⁴ Bamwi munkamu bakali koompolola chintu chomwe bamwi chimbi. Mukuti mupati wachandano takaziba bwini akambo kakuyowela kwakaliwo, elyo wakabambilila kuti, Pawulu ayeetwe mukati kachikwabililo ³⁵ Chindi naakaza kumatantilo, wakanyampulwa abasilumamba nkambo kamakamu akali kumulwana. ³⁶ Awo makamu abantu akabotela akwimikila kunembo akoompolola, "mwiinkawel!" ³⁷ Awo Pawulu nakali kwetwa mukati kachikwabililo, wakati kumupati wachandano, "Zilazuminwa na kuti ime ngaambe chimwi chiintu kulinduwe?" Mupati wachandano wakati, "wambula chiGiliiki na? ³⁸ Toli waku Ijipita na, wakindide chimwi chiindi chakinda wakatalika kupapapila mpawo akuzulwida zyuulu zyabalumi baku 'Asasinzi' kuya munkaanda?" ³⁹ Pawulu wakati, "Ime ndimu Juda, uuzwa mudolopo ilyaku Tasasi mu Silisiya. Ime ndilichizyalwa chamudolopo lilemekwa. Ndakukumbila, ndizumizye kuti ngaambule abantu." ⁴⁰ Elyo mupati wachandaano nakamuzumizya, Pawulu wakiima amatantilo mpawo wakawumuzya bantu akuboko. Elyo kwakaba kumuuna kunikide, wakaambula kuli mbabo mumulaka wachi Hiibbulu, We wati,

lino kulindinywe.”² Lino makamu makamu nakamvwa Pawulu kali kwambula mulaka wachi Hebbulu, bakawumunisa. Wakati,³ ñmebo ndili mu Juda wakazyalilwa mu Tasasi waku Silisiya pesi ndakayijiya muchisi echino kensi amawulu a Gamaliyeli. Ndakalayililwa mbuli mubwendelezi bwamilawu miyumu yaba mataata. Ndili musungusungu kuli Leza mbuli bangu boonse sunu.⁴ Ndakapenzya inzila eyi kusikila kulufu, kandisunga akutola balumi abanakazi kumajele amuntolongo,⁵ mbuli mupayizi mupati abazulwidu boonse blakonza kuba bakamboni. Ndakatambula magwalo kuli mbabo, kuchitila kabukulana baku Damasiko alimwi ndakayinka kuyobaleta mubwange, kuti bakasubusigwe ku Jelusalema.⁶ Zyakachitika kandiyabwenda awfifwi a Damasiko, kuchindi chakuya kukalanga bwaseme mpawawo mumuni wakandimwekela kuzwa kujulu.⁷ Ndakawida ansi mpawo ndakamvwa ijwi lyakati kuli ndime, ‘Sawulu, Sawulu, nkambonzi nolikundipenzya?’⁸ Ndakasandula, ‘Kuti nduweni, Mwami?’ Wakati kulindime, ‘Ndime Jesu waku Nazaleta, oyo ngoli mukupenzya.’⁹ Abo bonse mbindakalaabo bakawubona mumuuni, pesi tebakali kumvvisisisya ijwi lyayooyo wakali kwambula andime.¹⁰ Ndakaamba kuti niinzi nchindeleede kuchita Mwami?¹¹ Mwami wakati kulindime, ‘Buka uyiinke mu Damasikkas. Oko uyowambilwa zyonse nziwatondekelwa kuti ukachite.¹² Tendakachili kubona pe nkambo kakutubisya kwamumuni ulya, kwinda mukuzulwidwa amaboko ababoo mbindakalabo, ndakanjila mu Damasikkasi.¹³ Nkukoko ndakaswanana amwalumi utegwa Ananiyasi, imwalumi wakalipededele alubo kawuzi mulawu kajisi impuwo mbotu kuma Juda boonse bakali kukkala mumoomo.¹⁴ Wakasika kuli ndime, wayimikila andime, alimwi wakati, ‘Mukwesu Sawulu, tumbala kubona kwako.’ Muchindi nhichichecho ndakamubona.¹⁵ Elyo wakati kuli Leza waba mataata wakutondeka kuti uzibe kuyanda kwakwe, kuti ubone ulaleme ukamvwe ijwi lizwa mumulomo wakwe.¹⁶ Nkambo uyooba kamboni wakwe kubantu boonse kuli nziwabona akumvwa.¹⁷ Lino ulindaanzi? Buka, ubbabbatizigwe, alimwi usanziwe zibi zyako, akwiita kuzina lyakwe.¹⁸ Nindakabweda ku Jelusalema amuchindi amuchindi nindakali kukomba mung’anda ya Leza, zyakandichitika kuti ndakapegwa chilengano.¹⁹ Ndakamubona kati kulindime, fwambana uzwe mu Jelusalema, chakufwambana nkambo tabakwe nibayo butambula bukamboni bwako atala andime.²⁰ Ndakati, ‘Mwami, bolwabo balizi kuti ndakali kwanga akumaabo bakali kusyoma muli nduwe muzikombelozyonse.²¹ Alya bulowa bwa Sitivini kamboni wako nibwakatilwa, ndakali umwi wabo wakalimvvi kazuminana anzizyo, alimwi ndakali kulinda zyakusama zyabobo bakamujaya.²² Pesi wakati kulindime, koya nkambo ndiyokutuma kule kuli bamaasi.”²³ Bakamuswilia kusikila kujwi elyo. Mpawo bakompolola kabati nawandwe mukwesu oyo munyika nkambo tachilikabotu kuti apone.”²⁴ Nibakali kuya bompolola, kabasowa zisamo zyabo, alimwi kaba lundumuna lusuko mujulu.²⁵ awo silutwe mupati waba silumamba wakalayilila kuti Pawulu bamulele mukati alubaya. Wakapa malayilile akuti abuzisigwe chakuumwa achimboko kuti welwakwe akazibe kuti nkambonzi nibalikuya bompolola nkambo kakwe.²⁶ Lino nibakamwanga lutambo Pawulu wakati kuli silumamba mupati walimwanda oyo wakalimvvi kumbali, “Chili mumawulu na kuti inywe muume mwalmuni achimboko kalimu Loma alimwi kata toledwe kukwezegwa?”²⁷ Lino silumamba mupati walimwamda nakamvwa eezi, wakayinka kuli silutwe mupati wasilumamba wakamwambila kali kuti, “Niinzi ncholikuyanda kuchita? Nkambo oyu mwalmuni oyu mu Loma mubuzyalwe bwakwe.”²⁸ Silutwe mupati wabasilumamba wakasika kuli nguwe wati, ndambile uli mu Loma na? Pawulu wakati, “Iyii.”²⁹ Silutwe mupati wabasilumamba wakati, zyakakonzeka biyo nkambo kamali nyiingi kuti ndikonye kujana bukkalo bwamu Loma. Pesi Pawulu wakati, mebo ndakazyalilwa kandili mu Loma.³⁰ Mpawo bantu bakaledeku kumubuzisisa bakamusiya mpawawo. Silutwe mupati waba silumamba wakali wayoowa, Nakayihi kuti Pawulu wakali mu Loma, nkambo wakali wamwanga.³¹ Mubuzuba butobelwa silutwe mupati wabasilutwe wakayanda kuziba nchoonzyo atala anchibakali kumutamikizya Pawulu mujuda. Mpawo waka mwangununa zyanzyo akulayilila Mupayizi mupati aboonse benkuta kuti baswanane. Mpawo wakamweeta Pawulu wamukkazika akati kabo.

23

¹ Pawulo wakalangisisya basinkuta mpawo wakati, “Bakwesu, ime ndakapona kunembo lya Leza amoyo wangu wonse mubotu kuyoosikila sunu.”² Ananiyasi mupayizi mupati wakalayilila aabo bakayimvvi kubbazu lyakwe kuti bamuume kumulomo.³ Mpawo Pawulo wakati kulinguwe, “Leza ulawuma nduwe, iwe yobulambo butubulukide. Ukkalilide kundibeteka kumalawu na, pesi ulayilila kuti nduumwe,

chitali mumulawu? ⁴ Aabo bakayimvwi mpawo bakaamba kuti, "Mbomubo na mbotukila mupayizi mupati wa Leza?" ⁵ Pawulo wakaamba kuti, "Teendazi pe nobakwesu kuti ngomupayizi mupati. Nkaambo kulembedwe, Tokoyoowambula bubi aatala amweendelei wabantu bako." ⁶ Aawo Pawulo naakabona kuti imwi nkamu yabantu bakali ba Sajusi mpawo bamwi bakali ba Falisi, wakaambuula ajwi pati nkali munkuta wati, "Bakwesu, mebo ndimu Falisi, ndimwana waba Falisi, nkaambo kakuti ndaabulangizi bwakubuka kubafu, nchenchicho nhendookubetekwa." ⁷ Nakaamba oobo kwakaba kukazyania aakati kaba Falisi aba Sajusi, mpawo nkamu yakaanzaana. ⁸ Nkaambo ba Sajusi bati taakwe kubuka kubafu, taakwe bangleo alimwi taakwe myuuya, pesi ba Falisi balazizumina zyoonse eezyo. ⁹ Mpawo kwakaba kuyooma kupati, bamwi balembi bamulawu balikubbazu lyaba Falisi, bakiimikila kabakazya kabati, "Taakwe bubi pe mbotujana mumwaalumi ooyu. Ani kuti muuya naakuti mungelo nguwaakambuula kuli nguwe?" ¹⁰ Nikwakaba kuyooma kupati, mupati wabasilumamba wakayoowa kuti Pawulo balamukwamuma, aboobo wakalayillila basilumamba kuti bayinke aansi bakamubweze changuzu kuzwa kuli basinkuta amweete kusisikene. ¹¹ Busiku bwakatobelwa mwami wakiima kubbazu lyakwe mpawo wati, "Utayooowi, nkaambo mbuli mbwakandipeda bukamboni mu Jelusalema, mbubo mboyoodipeda bukamboni aku Loma." ¹² Nebwakacha, bamwi bajuda bakayungana balibika munsi lyachikonke, kabati tabakoolya na kunywa chikntu mane bamujaye Pawulo. ¹³ Bakalikwiunda makumi aane baalumi bakapanga jungwe eeli. ¹⁴ Bakayinka kubapayizi bapati akubaalu bembungano bakwaamba kuti, "Twaanga chikonke chipati kuti tutalyi chintu ado tumujaye Pawulo. ¹⁵ Aboobo, lino basinkuta abakumbile zilimulawu kuli silutwe wabasilumamba bamweete kulindiswe, kuge aanga kuli nchoyanda kumvvisisisya kumulandu wakwe. Swebo tulilibambilide kumujaya katanasika aano. ¹⁶ Pesi mwana mulombe wamuchizi wa Pawulo wakamvwa kuti balimubawatilide, mpawo wakanjila mukati mwakabede Pawulo wakumwaambila. ¹⁷ Pawulo wakayita umwi wabasilumamba bamwaanda wati, "Bweza mulombe ooyo umutole kuli Silutwe wabasilumamba nkaambo uli aachakwaambwa. ¹⁸ Eelyo Silutwe wabasilumamba bamwaanda wakabweza mulombe akumweeta kumupati wabasilumamba mpawo wamwaambila kuti, "Pawulo musungwa wandiita kulinguwe akundikumbila kuti njete mulombe ooyu kulinduwe. Ulachakwaamba kulinguwe. ¹⁹ Mupati wabasilumamba wakamujata wamutola kubusena busisikene mpawo wakamubuzya wati, "Niinzi nchoyanda kundaambil?" ²⁰ Mulombe wakati, "Bajuda bazuminana kuti kukukumbila kuti uyete Pawul ijuunza kunkuta, kakubanga bayanda kumvvisisisya obootu obootu mulandu wakwe. ²¹ Pesi utabazuminini nkaambo kuli baalumi biinda makumi one bamubwatilide munzila. Bakalimbika muchikonke chakuti tabakolya nanka kunywa chintu mane do bamujaye. Kwalino balindide biyo kuzumininwa anduwe." ²² Mpawo mupati wabasilumamba wakamuleka mulombe ooyo weenda nakamana kumulayilila kuyi, "Utaambilu muntu kuti wandaambila zintu eezi." ²³ Mpawo wakiita bapati babilu babasilumamba bamwaanda wabaambila kuti, "Mubunganie mbasilumamba bali myaanda yobile balibamble kuyoosika ku Kkayisalia, abali makumi musanu aababili bama basimabbiza, abali myaanda yobile basimasumu. Mulanyampuka muwola lyatutu lyamansiku." ²⁴ Wakambaambila alubo kuti babambe bamnyama mbatabelesye Pawulo akumutola katabililikide kuli elekisi mweendelezi wchilikit. ²⁵ "Mpawo wakalemba lugwalo lutu: ²⁶ "Kkilawudiyasi Lisiysi uyindila kulemekwa Mweendelezi Felekisi, ndajuzya. ²⁷ Ooyu muntu wakasungwa abajuda mpawo bakali kuyanda kumujaya nendakasika nkelabasilumamba akumuvuna nkaambo ndakamvwa kuti muna Loma ²⁸ Ndakayanda kuziba kuti nkamboonzi nibamupa mulandu, aboobo ndakamutola kunkuta yabo. ²⁹ Ndakaziba kuti wakalikupegwa mulandu uulangene aamilawu yabo, pesi taakwe kaambo nkaakachita pe nkapedwe keelela mulandu walufu na ntolongo. ³⁰ Kuzwaawo ndakazibisigwa kuti kubambidwe mabambe aalangene amwaalumi ooyu, aboobo ndafwaambana kumutumizya kulinduwe akulayilila basikumupa mulandu kuti beete moilandu njibamupa kunembo lyako. Ndalumba." ³¹ Aboobo basilumamba baktobele malayilile aabo, mpawo bakatgola Pawulo akumweeta kut Antipatilisi mansiku. ³² Mubuzuba bwakatobelwa basilumamba biingi bakasiya basimabbiza kuti biinkaaewe mpawo bo babweeda kulubaya. ³³ Aawo basimabbiza nibakasika ku Kkayisaliya akusisya lugwa kumweendelezi alimwi bakamutula Pawulo kulinguwe. ³⁴ Aawo naka-balala lugwalo mweendelezi, wakabuzya Pawulo chilikiti nkwarzwa; naakamvwa; kuti wakalikuzwa ku Silisiya, ³⁵ wakati, "Nzokumvvisisisya basika basikukupa mulandu." Mpawo wakalayilila kutgi abambwe kung'anda mpati yabwami bwa Helodi.

24

¹ Nikwakayinda mazuba aali musanu, Ananiyasi mupayizi mupati abamwi bapati asimwiitilizya twaambo walikutegwa Tatalasi, bakayinka ooko. Lino baalumi aaba bakatamikizya Pawulo milandu kunembo lya mweendelezyi. ² Lino Pawulu nakayimikila kunembo lyamweendelezi, Tatalasi wakatalika kumuninaania wati kumweendelezi, “Nkaambo kako tuli aaluumuno lupati; alubo mubono wako upa kubumbululwa kubotu kwachisi chesu; ³ aboobo akulumba koonse talatambula zyoonse nzuchita, Felekisi, simunantya makani. ⁴ Amukuti nditakujatili chiindi; ndakumbila kwiinda mubuuya bwako kuti utuswilizye mubufwifwi. ⁵ Twajana mwaluumi oyu kali bulyi alubo kali sikusiblizya akusungilizya bajuda bali munyika zyoonse kuti babe basikubukila, Oyu muzulwidi wankamu yabaNazalini. ⁶ Wakeezya kusampawula nganda yaLeza, ncitwamwanga. ⁷ ⁸ Pesi Lisiyasi, mupulisa waza wamubweza changuzu kuzwa mumaboko esu, wakalayilila basikumutamikizya kuti baze kulindiuwe. Na mwamubuuya Pawulu atala amakan aya, mulakonzya kuziba zintu zyoonse kuti nkaambonzi nitunokumupa mulandu.” ⁹ Abalabo bama Juda bakanjilila mukumutamikizya, kaba simatiziy kuti twambo otu twamasimpe. ¹⁰ Pesi mweendelizi nakapa Pawulu mweenya wakwaambuuila, Pawulu wakavviila wati, “Ndamvwisisisya kuti ujisi minyaka miungi kuli mubetesi wamusyobo wabantu aba nkikaako ndabotelwa kulipandulula kuli nduwe. ¹¹ Ulakonzya kuziba Iwako awulike kuti takuna kwiinda mazuba ali kkumi aabili pe kandli ndaya kukukomba ku Jelusalemu; ¹² nibakandijana mu nganda ya Leza, takwe ngundakakazyanya awe pe, alubo takwe ambikakanyonyonganya pe, nikuba muzikombelo, na mudolopo; ¹³ Tabakwe abukamponi pe mbubanga balapa atala lya makani ngibalokunditamikizya lino. ¹⁴ Pesi ndiyanida kulyambilila kulindiuwe makani aya, kuti kwiinda munzila njibaamba ayo kuti kabaamba kabunga kabukombi, mulinjiyo eyi nzila andime mundikubelekelia Leza wabamataata. ¹⁵ Ndilasyoma zintu zyoonse zyeendelelana amulawu azilmbedwe mubasinsimi. Ndjisi bulangizi bumwi biyo muli Leza mbuli mbabo aba baluumi, bwakuti buzoba bubuke bwabafu bwa baluleme abasizibi. ¹⁶ Nchiichicho nchindisungwala nchiindi choonse kuti ndibe amizeeo itakwe kampenda kunembo lya Leza akubantu. ¹⁷ Lino nikwayinda minyaka miungi ndakaza kuzopa lugwasyo kabantu bakulindiswe akupa zipayizyo. ¹⁸ Nindakachita ezi, bajuda bamwi bazwa ku Eziza bakandijana kandilimulimu wakulisalazy a munganda yaLez, kakutakwe bantu bayiingi niluba lupyopyongano. ¹⁹ Aaba baluumi mbibeleede kuba kunembo lyako lino kabanditamikizya kuti kabala anchibanga balanditamikizya. ²⁰ Nakuti aba baluumi mbimbabo baleede kwamba bubi mbubakabona mulindime nindakayimikila kunembo lyaBbooma lyaba Juda; ²¹ kunze kwachintu chimwi echi nchindawompolola nindalimvwi kunembo lyabo,” chila achakuchita abubuke bwabafu nchindi mukubetekelwa kunembo lyako sunu. ²² Lino nkambo Felikisi wakali wazibisigwa kabotu atala anzila eyi, wakayimikizya nkuta eyi. Wakati, “Kuti Lisiyasi muzuluzi wabasilumamba wasika kuzwa ku Jelusalemu, ndizobona zyakuchita amulandu wako oyu.” ²³ Mpawo wakalayilila mupati wankamu yabasilumamba mwaanda kuti Pawuli weleede kujalila kakuzilikila, pesi ajane Iwangunuko Iwaswayigwa abeenzunyina kuchitila kuti kabamugwasizya kulinzayabulide. ²⁴ Nikwayinda mazuba, Felikisi wakabweeda aDulisisila mwanakazi wakwe, wakali muJuda, mpawo wakalayilila kuti Pawulu aletwe kulinguwe, elyo wakamvwisisisya azyalusyomo muli Jesu Kilisitu. ²⁵ Pesi Pawulu nakamupalwida kabotu azyabululami, kulizyotola alubeta luboola. Felikisi wakatalika kuyoowa mpawo wati, “Zwa, bwalino kuya. Pesi ndazojana mweenya ndizokwita lubo.” ²⁶ Mpawo awo kalangilila kuti ambweni Pawulu walikunomupa mali, walikunga unokunwita kuti aambul aawe, kaniikumubwedezya.” ²⁷ Pesi nikwakayinda mimnyaka iibili, Pokkiyasi Fesitasi, wakaba mweendelezi mubusena bwa Felekisi, pesi Felekisi walkuyanda kuti bajuda bamuchijjtile buuya, eelyo wakasiya Pawulo kaangidwe.

25

¹ Lino Fesitasi wakanjila mubwami, alimwi musule lyamazuba otatwe wakazwa ku Kkayisalia kaya kuJelusalemu. ² Bapayizi bapati abapati bama Juda bakteeta twaambo twakubejelezya Pawulo, alimwi bakabuza Fesitasi changuzu. ³ Bakakumbila Fesitasi kuti abape buuya aatala aPawulo kuti amwiite kujelusalemu nkaambo bakakanza kumuyubilila kuti bamujaye. ⁴ Fesitasi wakasandula kuti, Pawulo wakalijiswi ku Kkayisalia, alimwi we Iwakwe ulabweeda nkuko muchiindi chifwiifwi. ⁵ “Nkenkaako aabo bakonzya,” wakaamba “Balayinka andiswe nkuko, na kakuli chintu chitaluleme aatala ayooyu mwaalumi, muleleede kumupa mulandu.” ⁶ Fesitasi naakkakkala mazuba musanu aataatu kuyosika kukumi lyamzuba, wakayinka ku Kkayisalia, alimwi muzuba

lyakatobela wakakkala achuuno chalubeta akulayilila kuti Pawulo aletwe kulinguwe.⁷ Naakasika, bama Juda baku Jelusalemu nibakayima afwiifwi, akuleta twaambo tuyumu ntobakali kukonzya kupeda bukamboni.⁸ Pawulo wakalikwabilila akwaamba kuti, "Taakwe mulandu ngondakachita akukazyania aamulawu waba Juda nekuba uukazynia ang'anda yaLeza nekuba Kkayisala⁹ Pesi Fesitasoi wakalikuyanda kulumbwa kuba Juda, alimwi wakasandula Pawulo wati, "Ulayanda na kwiinka kuyobetekwa andime ku Jelusalemu aatala azeezi?"¹⁰ Pawulo wakasandula skuti, "Ndilayima kunembo lyachuuuno chalubeta cha Kkayisala ooko nkwenjele kubetekwa. Taakwe bajuda mbendakabisizya, mbuli mbomuzi kabotu kabotu.¹¹ Nakuti ndachita bubi akuti ndachita cheeteleyza lufu tandikaki pe kufwa. Pesi kakuli kuti twwambo twabo katuli twabuyo, taakwe naba omwe uuKonzya kundaaba kuli mbabo. Ndayi Kkayisala."¹² Fesitasi naakambula ankamu yakwe wakavuwa wati, "Wakumbila kuyoobetekwa kuli Kkayisala, aboobo uliinka kuli Kkayisala."¹³ Lino nkwickayinda mazuba, Mwami Agilipa a Bbenisi bakasika kui Kkayisala kuzoswayila Fesitasi.¹⁴ Nkwickayinda mazuba miingbi kabali nkuko, Fesitasi wakatula kaambo ka Pawulo ku mwami, wakati, "Umwi mwaalumi wakasiigwa okuno aFelekisi kali mwaange.¹⁵ Nindakali mu Jelusalemu bapayizi batapi abapati baba Juda bakeeta twaambo tukazyania ayooyu mwaalumi kulindime, akukumbila kuti apegwe mulandu.¹⁶ Ndakawiila kuti tachili muchiyanza chaba Roma pe kwaaba muntu wabikwa kaambo, katanalangana aabo bakamubika kaambo, akujana chiindi chakulyaambilila mulandu ngobamupede.¹⁷ Nkenkaako, nimbakabunga okuno, teendakachedwa pe, pesi nibwakacha ndakakkala achuuno chakubeteka akulayilila kui mwaalumi ooyo aletwe.¹⁸ Nebanyampuka basikumupa mulandu, teebakamupa mulandu mboli mbundakali kulangilila pe.¹⁹ Nekuba kuti bakali amibuzyo imwi yankombelo yabo beni, ayamuntu uutegwa Jesu wakafwa ngwasinizya Pawulo kuti muumi.²⁰ Lino mbendakatalikwe bwiini akubuzisisya makani aliboobu, ndakabuzya kuti ulayanda na kuya kujelusalemu akabetekwe aatala azeezi zintu.²¹ Pesi Pawulo naakumbila kuti asisigwe lwamwami mupati, ndakalayilila kuti alindwe mane nkamutimizye kuli Kkayisala.²² Agilipa wakati kuli Fesitasi, "Ambebo ndilayanda kumumvwa mwaalumi ooyu." "Juunza," wakasandula Fesitasi, "ulamumvwa."²³ Nkabela muzuba lyakatobela, Agilipa a Bbenisi bakasika abulemu bupati; bakasika mung'anda yakuswiiliza arnntoomwe abasilumamba batapi abapati bamuchisi. Fesitasi nakalayilila, Pawulo wakeetwa kuli mbab.²⁴ Fesitasi wakati, "Omwami Agilipa, andinywe moonse nobaluumi nimulu aamwi andiswe aano, mwa-mubona mwaalumi ooyu, muntu ngundakakambilwa aba Juda ku jelusalemu akokunku alimwi bakokompola kulindime kuti tacheelete pe kupona.²⁵ Ndakajana kuti taakwe chintu nchaakachita cheelede lufu; pesi nkaambo kakulikumbilila kumwami mupati, ndakakanza kumutumina.²⁶ Pesi nsikwe majwi abukamboni akulembela mwami wangu. Nkaambo kaako nchindamweta kulindinywe, ikapati kunembo lyako Mwami Agilipa, kuti ndijane zyakulemba aatala amulandu ooyu.²⁷ Kwabaanga mbufubafuba kulindime kuti nditumine mwaange, alimwi kataambilidwe milandu njatamizigwe."

26

¹ Lino Agilipa wakambila Pawulu wati, "Ulakonzya kulyambwida lwako" Mpawo Pawulu wakanyampuka kuboko kwakwe walyambila.² Ndabotelwa lwangu, Mwami Agilipa kwamba kumakanji ngibandibejeleyza onse bajuda;³ kapati nkambo we ulimusongo kuziyanza zyabaJuda akumibuzyo. Aboobo ndakumbila kuti indiswilizye mebo chamoyo mulamu.⁴ Kasimpe, bonse bajuda balikuzi kupona kwangu kuzwa kubwanikenike munyika yangu mujelusalema.⁵ Balizi atala andime kuzwa kumatalikil, kuti kabayanda kuzizumina, obo kuti ndakalikupona mbuli muFalisi, wamunkamu njumu loko yabukombi bwesu.⁶ ndayimikizigwa ano kuti ndibetekwe nkambo kabulangizi mbwakasyomezya Leza lwindila kulisamatata.⁷ Chisyomezyo chamikowa yesu ili kkumi ayibili nchituli abulangizi akutambula kuti twakomba Leza mansiku asikati, nkambo kabulangizi obo chembikilwa kaambo kubaJuda.⁸ Nkambonzi mukuyeya kwanu, nimutazumini kuti Leza ulabusya bafu?⁹ Lino nchobeni, lwangu ndakali kuyeya kuchita zintu zizkazania azina lyjesu wakuNazaleta.¹⁰ Ndakachita ezi mujelusalema bantu basalali bingi baLeza ndakabanjizya muntolongo mbundapegwa bwendelezi abapayizi batapi, anibakalikujegwa, ndakazumina kuti bajayigwe.¹¹ Ndakabapenzya kwachindhi chilamfu muzikombelo zyoonse alimwi ndakezya kubajata changuzu kuti basampawulwe. Ndakanyema akubakalalila akubapenzya nikuba kuchisi chabwenzu.¹² Nindakachili kuchita ezi ndakinka kuDamasikka munguzu amumalayilile a bapayizi batapi;¹³ Nkiya buya oko, nilyakaba akalanga bweseme, mwami, ndakabona mumuni kuza kujulu wakali kubalama kwinda zuba wakatumwinikila watuzyunguluka ime

abalumi mbindakali abo. ¹⁴ Lino nitwakawida ansi, ndakamvwa ijwi kalyambula kulindime lyakuti mumulaka waHebbel, 'Sawulo, Sawulo, undipenzezyanzi? Chiymu kulindime kubbompa kasamu kalamfu kakubizya banyama.' ¹⁵ Mpawo ndakamba kuti, 'Nduweni, Mwami?' Mwami wakasandula kuti, 'Ndime Jesu ngulokpenzya. ¹⁶ Lino nyampuka uyimikile amawulu aka; Nkambo kamakanze nchindalibonia kulinduwe, ndikubikke kuti ube similimu wangu asikulungununa wazezi zintu nzusi atala andime azintu nzindakutondezya kunembo; ¹⁷ Ndiyokuvuna kubantu akuli bamasi oko nkundiyokutuma, ¹⁸ Kuti ukabbanune meso akulekelewa zibi akuti bakakone ezyo nzipa kuli babo basalazigwa alusyomo kwindila mulindime.' ¹⁹ Aboobo, Mwami Agilipa, tendakaka kulemeka chilengano chakujulu; ²⁰ Pele kusanguna abaliku Damasika mpawo amuJesualema akwiinda muchisi chaJudiya, akuli bamaasi, ndakapa ijwi lyakuti bakonzye kusanduka akubola kuliLeza, bachite milimu iyelede kusanduka. ²¹ Azezi baJuda bandanga mun'anda yaLeza kwezya kuyanda kundijeya me. ²² Aboobo ndakatambula kuvunwa kuzwa kuliLeza kusikila sunu, ndimvwi akulungununa akati kabanini abapati katakwе chakuyungizya kunze kwazezi zyakaambwa abasinsimi aMozesi kuti zizochitika; ²³ Kuti Kilisito ulelede kopenzegwa, akuba mutanzi kubuka kubafu akupandulwida mumuni kubantu bakulindiswe akuli bamasi." ²⁴ Nkamaninsya kulyambila Pawulo, Fesitasi wakompolola ajwi pati wati, "Pawulo wasondoka; kwiya kwako kupati kwasondosya. ²⁵ Pele Pawulo wakati, "Nsisondokede pe, Fesitasi; simunantya makani uyindilide, ndikwamba biyo majwi akasimpe amvwiwa kunembo lyalubeta. ²⁶ Nkambo mwami ulaza makani aya; lino ndambula achamba angewe, ndakombeleya kuti kumakanii aya onoose taakwe ngatabwene, nkambo echii techakachitwa kumbali pe. ²⁷ Ulasyoma na basinsimi, mwami Agilipa? Ndilizi kuti ulasyoma". ²⁸ Agilipa wakamba kuti kuli Pawulo, "Kuchindi nchicho echo uyanda kundisandula na kuti mbemukilisitu na?" ²⁹ Pawulo wakati, "Ndakomba kuli Leza, kuti nikuba kuchindi chilamfu, kutali ndiwe awulikke, aboobo bandimvwa sunu, bazoba mbuli ndime, kakutakwe nketani zyamtolongo". ³⁰ Mpawo mwami wakanyampuka, amwendelezi a Benikke alakwe, aboonse mbibakkede aboo; ³¹ Nibakazwa mun'anda, bakambula kuli umwi awumwi batii, "Oyu mwalumi tachitide chintu chelede lufu nikuba kwaangwa." ³² Agilipa wati kuli Fesitasi, "Oyu mwalumi walede wangununwa anoli talina kumbila kuti atatongelwe a Kkayesa."

27

¹ Nikwakayeyegwa kuti twelede kuyaku Itali abwaato bakasala Pawulu abamwi baange kumwendelezi wabasilumamba utegwa Juliyasi wamunkamu. ² Twakanjila mubwato buzwa ku Adilamatiyamu oobo bwakali bwaba afwifwi kuti bunyampuke bwakali kuyoyinda kunkomwe ya Eziya. Mpawo twakayinka kulwizi. Alisitachasi uzwaku Tesalonika mu Masedoniya wakeenda andiswe. ³ Mubuzuba butobela twakasika kuchisi cha Sidoni, oko Juliyasi nkvakakujata Pawulo cabuuya alimwi akumuzumizya kuti ayinkee kubenzinyina kuyotambula kubambwa. ⁴ Kuzwa awo twakaya kulwizi twakuyamba muensi ankoomwe yaku Sayipulasi, afwifwi akukasuwa, nkambo luuwo lwakalikutonta. ⁵ Nitwakeenda katutimbula lwizi nitwakazoninda ku Silisiya alimwi aka Pamfiliya, twakasika ku Mayila, chisi chaku Lusiya. ⁶ Nkuko ooko mwendelezi nkvakajana bwaato buzwa ku Alekizandiliya obo bwakalikuya ku Itali. Mpawo watubika mumo. ⁷ Nitwakali kweenda bunini abunini kwamazuba mayingi, twakazomaninsiza twasika mubuyumuyumu afwifwi a Sinidusi alimwi luuwo telwakazotuzumizya pe kuti twinde nzila eeyo, twakeenda katuyabuya alubazu lwankomwe yaku Kkilete, kumbali lya Salimone. ⁸ Twakeenda mumo omo munkomwe mubuyumuyumu, mane twakusika kubusena bumwi butegwa Majulu mabotu, buli afwifwi achisi cha Laseya. ⁹ Twakali twamana chiindi chilamfu, chiindi chakulyimya kwama Juda achilacho chakali chayinda, alimwi kwakali kwatentusya lino kweenda. Mpawo Pawulu wakabachenjezya, ¹⁰ wati, "nibaluumi, ndibwene kuti lweendo ndutuyanda kubweza lulakulichisa akuswekelwa kupati, pepe zinyampwidwe nikuba bwato luzutu, pesi abuumi bwesu." ¹¹ Pesi mwendelezi wakaswilizya kapati kuli sikwenzya bwaato akulimuna bwaato kwinda eezyo zyaakambwa a Pawulu. ¹² Nkambo chito techakali chuubila pe kuti bukkale mpawo chilinu choonse, bamwi bayiingi bakapa muzezo wakuti tweende kuzwa aawa, ambweni dozyakonzeka ngatuyosika kuchisi chaFoyenikisi, kuti tukakkale chiindi chachilimo nkuko. Foyenikisi nchito cha Kkilete, chilangide koonse kumusaansa akubbilla alimwi kumbo -akubbilla. ¹³ Eelyo luuwo lwakumusansa nilwakatanguna kuunga kwachumunizi, basibwato bakayeeya mbuli kuti bakali bachijana nchibakalikuyanda. Lino bakanyamuna bbwe lyakwimikizya bwato mpawo beenda kabatobezya Kkilete, afwifwi ankomwe. ¹⁴ Pesi

nikwakayinda kayindi kanini kwakaza muuwo mupati uutegwa Notisita, wakatanguna kuuma aansi kuzwa kusuwa.¹⁵ Eelyo bwaato nibwakajatwa amuuwo mupati zyakukachilwa kuyakunembo muluuwo, twakayinzizya muuwo mupati ooyu mwenya alimwi wakatuchuunda twatobeleyza muuwo.¹⁶ Twakeenda munkomwe munsi akaswa kanini kategwa Kkawunda, alimwi abuyumuyumu twakazokonzya kusika akaato kakuvunwa.¹⁷ Eelyo nibakaanga Kaato, bakabelesya minchinda yako mpawo bazojatanisywa amwi kubulambo bwabwato. Bakalikuyowa kuti ngabayosisigwa kumuse waku Sayitis, lino bakalosya minchinda wangidwe bbwe wabwato alimwi bakatontwa kabayabuya.¹⁸ Twakatamamizigwa mbubobu amuuwo mupati zyakuti buzuba bwakatobela bakatanguna kubwala mpasya mukati mulwizi.¹⁹ Mubuzuba bwachitaatu bantu bakalimubwato bakabwaala zintu zyakali mubwato amaboko aabo.²⁰ Eelyo izuba anyenyezi nizyakatatumunikila kwamazuba mayingi, alimwi muuwo mupati kuchuumma alindiswe, bulangilizi boonde bwakuti twelede kufutulwa bwakamana.²¹ Nibakeenda kwachiindi chilamfu kabatakw chakulya pe, eelyo Pawulu wakayimikila akati kabantu wati, "Nobakwesu, mwalelede kunditelela, alimwi temwalelede kwenda kamuzida kuKkilete pe, eezzi zyakuti mujane kulichisa alimwi kuswekelwa.²² Lino ndamusimya kuti nywebo mube abusungu, nkaambo takwe nikutabewo pe kuswekelwa buumi akati kanu, pesi biyo kuswekelwa kwabwaato.²³ Busiku bwayinda mungeelo wa Leza ooyo ngundili kulinguwe, ooyo alimwi ngundikomba — mungelo wakwe wakaliimvvi aambilu lyangu²⁴ alimwi wati, "Utayoowi, Pawulu, weelede kuyoyimikila kunembo lyaKayisa, alimwi ukabone Leza mubuya mbwakapa kuli nduwe abo boonse balimwendo anduwe."²⁵ Linobu mube abusungu, nobakwesu! Nkaambo ndisyoma Leza kuti chiyochitika mbuli mbuchakaambwa kulindime.²⁶ Pesi twelede kuchijana munyika amutusuwa.²⁷ Eelyo busiku bwakkumi abwaane nibwakasika, mbuli mbutwali kuchundilwa kulubazu olu alimwi mukati kalwiizi lwa Adiliyatiki, kubanga mpakati kabusiku basilwendo bakayeeya kuti bamba kusika kunyika.²⁸ Bakabeza zipimyo alimwi bakajana kuti maboko ali kkumi amusanu.²⁹ Bakayoowa kuti ambweni anga tulawuminina amabwe, lino bakawaala mabwe akwimikizya bwaato aanze kuzwa munsi alimwi bakakomba kuti kucha ambweni kulafwambana kusika.³⁰ Bakali mubwaato bakalikulanga nzila yakusya bwato alimwi bakalosya kaato kulwizi, alimwi bakabaanga balabwaala mabwe abwaato kuzwa kunembo.³¹ Pesi Pawulu wakati kumwendelezi akuli basilumamba, "kunze akuti baalumi aaba bakkale mubwaato, takwe nimunga mulaftufuka pe."³² Eelyo basilumamba bakadunsuula minchiinda yakaato alimwi bakaleka kayabuya.³³ Nikwakaamba kucha, Pawulo wakabasungwazya boonse kuti babweze chakulya. Wakamba kuti, "Eli zuba ndyakkumi aane kamuswini kulindilizya kamutakwe chakulya pe — takwe nchimulide pe."³⁴ Eelyo ndamukombeleyza kuti mwabane chakulya, nkambo oolu ndulufutuka Iwanu. Ko takukwe anaba umwi akati kanu utaswekelwe inzeeta imwi yasusu kuzwa kumutwe wakwe."³⁵ Naakamana kwaamba eezi, wakabweza chinkwa alimwi walumba Leza mumeso aboonse. Eelyo wakakwamuna chinkwa alimwi watalika kulya.³⁶ Eelyo bakasungwazigwa boonse mpawo abalabo bakabweza chakulya.³⁷ Twakali myaanda ibili ilamakkumi musanu abili amusanu awumwi (276) myuuya yakali mubwaato.³⁸ Nibakalya achakwelela, bakachita kuti bwaato buubilwe akubwaala mayila mulwini.³⁹ Nikwakaba buunsi, tebakibonape nyika, pesi bakabona tyebe lilankomwe, alimwi bakayowesya kuti anga balayinzya bwaato na ataala.⁴⁰ Mpawo bakanenga zyatendela zijazyo alimwi bakasiya mukati kalwizi. Muchindi chimwi biyo eecho bakangununa minchiinda yzitabilisyo kuluuwo; alimwi bakayinka kunkomwe.⁴¹ Pesi bwaato bwakajimpa aansi mpawo bweenda anyika. Chakumpela chabwato chakapatila alimwi chachaala kachitanyamuki pe, alimwi chaansi chakatyolwa anguzu zyamayuwe.⁴² Mabaambe abasilumaamba akali kujaya baange kuchitila kuti kutabi naba omwe uunga ulayamba mpawo achije.⁴³ Pesi mweendelezi wakalikuyanda kufutula Pawulo, mpawo wakayimikizya mabambe aabo; alimwi wakalayilila aabo bakalikukonzya kuyamba kuti basotokele kuunze alimwi basike anyika.⁴⁴ Eelyo boonse baalumi beelete kutobel, bamwi ajulu azimwi zintu zyakali mubwato. Munzila eeyi zyakachitika kuti toonse tusike obotu anyika.

28

¹ Nitwakazubusigwa kabetu twanjila mukati, twakaziba kuti ako kasuwa kategwa Malita. ² Bantu bamumo bakatuchitila buuya bwindilide, pesi bakakunka mulilo, batutambula toonse, nkaambo kwakali muyooba alubo kakulokutontola. ³ Pesi Pawulu nakabwezelela bukunikuni wabuwaala mumulilo, muzoka wakazwa nkaambo kakuumpa kwamulilo. Mpawo wanamatila aluboko lwa Pawulu. ⁴ Lino bakkali bamuchisi echii nibakabona munyama oyu ulalengelela aluboko lwa Pawulu, bakati

kuli umwi awumwi, "Oyu mwalumi welede kuti mujayi wawunwa kulgizi. Lubeta talumuzumizyi pe kuti kachipona." ⁵ Pesi nakamusansila mumulilo muzoka ulya, katakwe anakamuchisa pe. ⁶ Bakalindila kabalingilila kuti ulachiswa ndulwe mukati na kuti kuwidaansi mpawawo. Pesi nibakamulangilizya kwachiindi chilamfu, babona takwe abubi bwakachitika alinguwe, bakasandula kuyeeya kwabo batu mwalumi oyu ngu Leza. ⁷ Lino abusena buli awifwi kwakali nyika yakali yamuzuluzi mupati wakasawa aaka, mwalumi utegwa Pabbuliyasi. Wakatutambula watukutawukila kwamazuba ataatu. ⁸ Lino kwakaba kuti wisi wa Pabbuliyasi wakalikuchiswa ndulwe akania bugwalaya. Lino Pawulu nakaya kulinguwe, wakakomba, wamubikka maboko, mpawo wamuponia. ⁹ Kuzwa akuchitika kwazezi, bantu biangi bakalikuchiswa mukasawa aaka bakaza mpawo bakaponesegwa. ¹⁰ Bantu bakanulemeka abulemo bwiangi. Elyo nitwakaamba kweenda, bakatupa zyoone nztwakabulide. ¹¹ Kuuzwa amyeezi itaatu twakeenda abwaato bwakalilji chikozzano chaba leza bamambile kachili chitondezyo, ¹² Kuzwa nitwakasika adolopo litegwa Silakkiyasi twakakkala mazuba ataatu. ¹³ Kuzwa mpawawo twakayamba mane twakusika kudolopo litegwa Legiyamu. Nikwakayinda zuba limwi kwakabuka moyo wakumusanza, mpawo mukati kamazuba twakali twasika kudolopo lya-Pitiyoli. ¹⁴ Awa twakajana babunyina bamwi, mpawo batutambula kutukkale ambabo kwamazuba aalimusana aabilii. Kwiinda munzila mbutwakasika ku Loma. ¹⁵ Kuzwa mpawawo bakwesu nibakamvwa kuti twasika bakaza kuzotutambula ku Masasmbalilo a Apiyasi, akumaanda ataatu nkutwakali twaba. ¹⁶ Nitwakanjila mu Loma, Pawulu wakanganunwa kuti akkale alikee a silumamba sikumulinda. ¹⁷ Elyo kwakaba kuti nikwakayinda mazuba ataatu Pawulu wakayita basilutwe bama Juda. Lino nibakabangununa, wakati kulimbabo; "Nobakwesu, nikuba kuti tandijisi mulandu pe kubantu akutunsiyansiya twamataata, Ndakeetwa mbuli mwaange kuzwa ku Jelusalema ndabikwa mumaboko aba Loma. ¹⁸ Nibakandibuzisisya, bakaba amoyo wakundangununa nkambo kwakabulika mulandu wakuti ndijiigwe. ¹⁹ Pesi bama Juda nibakambuila mbuli mbubayanda, ndakamanikizigwa kuti ndizobeteke kunkuta ya Siza, nikuba kuti takuli ndikupa bantu bakuli ndiswe mulandu. ²⁰ Nkambo kanzizyo ezi, nchindamwiita kuti ndimubone mpawo ngaambule andinywe, mbuli kuti nkambo kabulangizi bwa Izilayeli nchindisamide nketani eezi lino. ²¹ Mpawo bakati kulinguwe, "Takwe anitwakatambula magwalo aambula azyanduwe, naba umwi wabakwesu wakaza kuzotwambila azyako, nikuba kwamba chimwi chibi atala anduwe. ²² Pesi tukumbila nduwe kuti uyeeya buti abukombi obu, nkaambo tulizi kuti bunowaaambulwa azyambubo koonse koonse. ²³ Nibakabamba buzuba bwakuyooma anguwe, bantu biangi bakali kusika kung'anda yakwe. Wakabaambila kaambo kakwe, alubo kalungulula azyabwami bwa Leza. Wakeezya kubakombeleya azya Jesu, kubikkia aamwi kuzwa kumulawu wa Mozesi awaba sinsimi kuzwa kuseni kuyosika goko. ²⁴ Bamwi bakazumina aatala azintu ezi zyakali kwaambwa, pesi bamwi tebakazumina pe. ²⁵ Nibakakkachilwa kuzuminana kumakani aya, bakazwa bamusiya Pawulu kali wamba ijwi eli: "Muuya Uusalala wakaambula kwiindilila muli Isaya musinsimi kuli bamawuso, ²⁶ "Wakati, koya kubantu aba ukaambe kuti, 'Akumvwa muyoomvwa pesi tamukwe nimuyomvwisisya pe. akubonu mulakubona pesi takwepe kunobenesesylo loko. ²⁷ Nkambo moyo wabantu aba wasitikwa, amatwi abo takonomvwa pe, alubo bakafwinya meso aabo, mbokunga ngabalabona ameso abo mpawo bamvwe amatwi abo mpawo bamvvisisyem amyyoyo yabo mpawo basanduke lubo kuti ndibaponisye." ²⁸ Nchinichcho, mwelede kuziba kuti olu lufutuko lwa Leza lwakatuminwa bamasi alubo bayoswilizya. ²⁹ Lino nakamba makani aya, bama Juda bakeenda alubo bakanyongana loko. ³⁰ Pawulu wakakkala minyaka ibiili mung'anda yakwe mwini yakuula. ³¹ Wakali kukambawuka bwami bwa Leza, alubo wakalikuyiisa azya Mwami Jesu Kkilisito abusichaamba buzulide kakutakwe achimugulungania pe.

Ba Loma

¹ Pawulo, mulanda waJesu Kkilisito, wakayitwa kuti abe mu positoli, alimwi wakasalilwa kukuchita mulimu waLeza. ² Eli ndilyo vangeli ndyakasyomezya chiindi kwiinda mubasinsimi bakwe mumalembe aasalala. ³ Zili aatala aMwana wakwe, wakazyalwa kuzwa kulunyungu lwaDeviti mukwiinda munyama. ⁴ Akubuka kuzwa kubafu, wakaambwa kuti Mwana waLeza uli a manguzu mapati kwiinda muMuya wa busalali - Jesu Kkilisito Mwami wesu. ⁵ Kwiinda mulingue twakatambula luzyalo abutumwe akaambo kakuswiilila chalusyomo aakati kamanyika woonse, kuchitila zina lyakwe. ⁶ Aakati kawaaya manyika, alubo mwakayitwa kuti muli bakuli Jesu Kkilisito. ⁷ Oolu lugwalo ndulwabaabo bali muLoma, bayandwi baLeza, bayitwa kuti bantu basalala. Luzyalo alube kulindinyewe, alimwi luumuno luzwa kuli Leza Taata wesu alimwi Mwami Jesu Kkilisito. ⁸ Lutanzi, ndilumba Leza wangu kwiinda muli Jesu Kkilisito akaambo kenu moonse, akuti lusyomo lwenu lwaambiliziga munyika yoonse. ⁹ Leza ngu kamboni wangu, ngundibelekela mumuya wangu kumakani mabotu aMwana wakwe, aawo mpeyinkila kunembo nkewamba atala andinyewe. ¹⁰ Ndilakumbila lyoonse munkombyo zyangu kuti mubunini ndikonzye kuzwidilila lino akuyanda kwaLeza mukuza kulindinyewe. ¹¹ Nkaambo ndilayandisa kumubona, kuti ndimupe zimwi zilongezyo zyaMuya, kuti ndikonzye kumusimisy. ¹² Nkokuti, ndilayanda kusungwazigwa akanu kenu, kwiinda mulusyomo lwawumwi awumwi, lwangu alimwi alwangu. ¹³ Lino nsiyadi pe kuti mube batazi, bakwesu, kuti kiangi ndakalikuyanda kusika kulindinyewe, pele ndakalikukachisigwa kusila lino. Ndakali kuyanda echi kuti nkonye kuba amuchelo aakati kenu alubo mbuli aakati kabaMaasi. ¹⁴ Ndimesichikwelete kubili kubaGiliki alimwi akubazwakule, koonse kubasongo alimwi akubafubufuba. ¹⁵ Nkaambo, mbuli ndime, ndilibambilide kwaambawula ivangeli alubo kulindinyewe nimili kuLoma. ¹⁶ Nkaambo nsiwusigwi nsoni avangeli, nkaambo manguzu aLeza kulufutuko kuli woonse usyoma, kubaJuda alimwi kuba Giliki. ¹⁷ Mukuti mulindilyo bululami bwaLeza bwayubununwa kuzwa kulusyomo kuya kulusyomo, mbuli mbukwakalembwa, "Basalali bayoopona chalusyomo." ¹⁸ Nkaambo mukali bwaLeza bwayubununwa kuzwa kujulu aatala abusofwazi alimwi akutululama kwabantu, aabo babwedezya musule isimpe akaambo kakutululama. ¹⁹ Ezi nkukuti eecho chizibinkene aatala aLeza chilaboneka kulumbabu. Nkaambo Leza wabamunikila. ²⁰ Nkaambo bube bwakwe butaboneki bwakatondeezegwa aantanganan kuzwa kumatalikilo akulengwa zintu. Bube oobu ninguzu zyakwe zitamani alimwi abunajulu. Akaambo kaako, aaba bantu tabachikwe ntami pe. ²¹ Ezi nkukuti, nikuba bakalizi aatala aLeza, tebakamulemya mbuli Leza, nikuba kumupa bulumbu. Pesi, baka bafubafuba mumiyeyo yabo, alimwi myoyo yabo itamvwiisisiyi yakasizingwa. ²² Bakali kulyaamba kuti bali abusongo, pele bakaba bafubafuba. ²³ Bakachinchanisa bulemu bwaLeza uutanyonyooki kucikkozyanyo chachitombe chamuntu uunyonyoka, cha bayuni, chabayanya bali amawulu one, alimwi chazintu ziyavula. ²⁴ Akaako Leza wakabaaba kunkosya yamyoyo yabo yabusofwazi, kuti mibili yabo ikabule kulemekwa aakati kabo. ²⁵ Mbimbabo bakachinchaanya kasimpe kaLeza kumabejo, alimwi bakakomba akulemya zilengwa kwiinda Mulengi, uyolumbayizigwa chakutamana. Amen. ²⁶ Akaambo kacheechi, Leza wakabapeda kumpeekezyo zitakwe bulemu, nkaambo banakazi babo bakachinchanya bubelesi bwabo mbubakalengwa aambubo kulizeeyo ziteendelani aabukkale. ²⁷ Mbuli munzila eeyi, baalumi abalabu bakasiya nzibakeelede kuchita abanakazi alimwi baba eenkosya yakuyanda umwi awumwi. Aaba mbaalumi bakachita a baalumi chiteelede pe, alimwi bakatambula mulilwabo lubeta lweendelana akutabotya kwabo. ²⁸ Nkaambo tebakayeeya kubika Leza mukubonesya kwabo, wakabapa muzezo utali kabotu, kuchitila mbabo kuti bachite ezyo zintu zitali kabotu pe. ²⁹ Bakazuzigwa akutululama koonse, busofwazi, butangazi, alimwi a mabejo. Balizwide bbivwe, bujai, lukajyanyo, lweeno, alimwi amiyeyo mibi. ³⁰ Mbavwiyi, mbaasibupamu bwakubba, alimwi mbaasimusul-Leza. Balalupyopyongano, mbaachuundwe, alimwi balalisumpula. Mbaasimubamba zibi, alimwi tabaswiilili bazyali babo. ³¹ Tabakwe kumvwisy; tabasyomekede pe, batamvwidi luzyalo alimwi batakwe luse ³² Balamvwisy milawu yaLeza, kuti aabo bachita zintu ziliboobu baleelede kufwa. Pele pe pe kuti balachita biyo zintu ezi, balabotelwa abaabo bamwi bazichita

2

¹ Akaako tokwe chikachizyo, iwe muntu, iwe nuubeteka, nkaambo nchobeteka muli umwi mulinduwé ulalipa mulandu. ² Pele tulizi kuti lubeta lwaLeza lweendelana akasimpe na lrawida aali baabo bachita zintu zili boobu. ³ Pelelangisisye eechi, iwe muntu, nuubeteka aabo bachita zintu zili boobu nikuba ulachita zili boobo ayebo. Uyoonzwenga na kulubeta lwaLeza? ⁴ Na ueeya buniini aatala abuvubi bwababotu bwakwe, kuchedwa kwalubeta lwakwe, alimwi alukatatio lwakwe? Tamuzi na kuti bubotu bwakwe buchitilidwe kuti bumuzulwé kkusanduka? ⁵ Pele nkaambo kakuyuma akutasanduka kwamoyo nkoli kulilondweda bukali mubuzuba bwabukali, nkokuti, buzuba bwakuyubununwa kwalubeta lululeme lwaLeza. ⁶ Uyooboozya kumuntu woonse mbuli mumachitlo aakwe: ⁷ kulibaabo bachita kabotu chabusungu akuyanduula bulumbu, kulemekwa, alimwi akutafwa, uyoopa buumi butamani. ⁸ Pele aabo balichitila zyabo, bataswilli simpe pesle balaswilli kutalulama, lunyemo abukali bupati buyosika kulimbabo. ⁹ Leza uyoyota mapenzi amafwabi kumuuya wamuntu woonse wakachita ubi, kubaJuda lutaanzi, alimwi akubaGiliki. ¹⁰ Pele bulumbu, bulemu, aluzyalo ziyoosika kuliwoonse uuchita kabotu, kumaJuda lutaanzi, akubaGiliki. ¹¹ Nkaambo takwe kusaluulana pe kwaLeza. ¹² Nkaambo mbuli biingi mbubakabisya kakutakwe mulawu bayoofwa alubo kakutakwe mulawu, alimwi mbuli biingi mbubakabisya mumulawu, bayoobetekwa mumulawu. ¹³ Nkaambo tensi basikumvwa mulawu mbibaluleme kunembo lyaleza, pele mbaasikuchita batakalamikwe. ¹⁴ Nkaambo aawo baMaasi, batakke mulawu, bo, mulawu kulinwabo beni, nikuba tabakwe mulawu. ¹⁵ Kulichechi batondeezya kuti nthito ziyandwa aamulawu zililembedwe mumyoyo yabo. Mayeyelo aabo alazuminana, alimwi miyeyo yabo tiibapi mulandu pe na kubalwanina lwabo beni ¹⁶ alimwi akuliLeza. Eezyo ziyochitikana mubuzuba aawo Leza natakabeteke nsiswa zyabantu boonse, mbuli muvangeli lyangu, kwiinda muli Jesu Kkilisito. ¹⁷ Na kolyaamba kuti uli mujuda, kala aatala aamulawu, botelwa chaklikankayiza muli Leza, ¹⁸ ziba luyando lwakwe, mpawo sala zisiyene kkuyigwa mulawu, koli walayililwa amulawu. ¹⁹ Alimwi koli aalusinizyo kuti nduwe sikuzulwida boofu, mumuni kuibaabo bali mumudima, ²⁰ muzyotololi wabafufuba, tuyisi wabaniini, alimwi koli aaluzibo akaasimpe kamulawu. ²¹ Iwe, lino, noomuyisi wabamwi, tolyiisyi na we nomwini? Nywebo nimukambawuka kuti mutaabbi, mulabba na? ²² Nywebo nimwaamba kuti utachiti mamambi, mulachita mamambi na? Nywebo nimusesemwa mitumi, mulabbida matempole na? ²³ Nywebo nimulikankayiza mumulawu, mulamusampawula na Leza kwiinda mukusotoka mulawu? ²⁴ Nkaambo, "izina lya Leza liuubisigwa aakati kabaMaasi akaambo kenu," mbuli mbuzyakalembwa. ²⁵ Nkaambo kupalulwa kuleempindu kulinduwe na waswiiliza mulawu, pele na koli sikuksotoka mulawu, bupalulwe bwako ngabwaba kutapalulwa. ²⁶ Na, limo, muntu uutapalwidwe wabanya ziyandwa aamulawu, kutapalulwa kwakwe takukoyoboneka mbuli bupalulwe na? ²⁷ Alimwi ooyo uutapalwidwe takonzyi na kumubeteka na watobeleyza mulawu? Oku nkukuti muli aamagwalo aalembedwe alimwi abupalulwe pele muchili basikusotoka mulawu! ²⁸ Nkaambo tensi uubanguwe mwinimwnini kuchiwa chaanze; nikuba bupalulwe oobo buli aanze buyo munyama. ²⁹ Pele mujuda ooyo uuli aabwamukati, alimwi abupalulwe bwamumoyo, mu Muya, pe pe mumalembe. Bulumbo bwamuntu uuliboobu tabuzwi kumuntu pe pesi kuliLeza.

3

¹ Alyobo mbobuli bubotu majuda mbubalabo? Mpawo ninzi mpindu yakupalulwa? ² Nchipati munzila zyoonsse kumatalkilo, bajuda bakasyomezegwa achiyubunuzyo kuzwa kuliLeza. ³ Ino kwalinolibiyeni ansinga bamwi bajuda te bakalalusomyo? Sena kutasyomeka kwabo kuyo lesya busyomesi bwaLeza na? ⁴ Takwelede kuba akube kuti Leza ajanike kali kasimpe, nekuba kuti muntu woonse ulabeja. Mbuli mbukwakalembewe, "Ukonzya kuti kutondeezya kululama kwindila kumajwi akwe, mpawo ukakonzye kuzunda muchindi niwakusika mulubeta." ⁵ Pesi kuti kutalulama kwesu kutondeezya bululami bwaLeza, chinzi chitunga tulamba? Nga tulamba kuti Leza taluleme na weta bukali bwakwe alindiswe? Ndokubelesya muzezo wabuntu. ⁶ Te mbukwelede pe! Mbubuli mpawo Leza mbwayobeteka nyika? ⁷ Pesi kuti isimpe kuliLeza ikwinda mukubeja kwangu kuyungiziza bulemu, nkambonzi me nichili mukubetekwa mbuli sizibi. ⁸ Nkambonzi nitutatedi mbuli mbutilu basikubisia mbulikwamba mbulibamwi mbubasinizya echo nchibamba, "atuchite zibi kuti bubotu busike?" Mpawo kubisia kwabo kuliluleme. ⁹ Mpawo ninzi? Sena tulokulitamtamuna na lwasu? Pe tembubo pe. Nkambo mbubonya mutwatamatikiziga kubaJuda abaGiliki boonse lwabo, ikuba ansi aachindi. ¹⁰ Eechi chilimbili mbukulembewe, "Takwe

umwi ululeme, nikuba umwi. ¹¹ Takwe naba umwi umvwisya. Takwe naaba umwi ulangulana aLeza. ¹² Boonse bapambuka, boonse bababatachikwe lugwasyo. Takwe naaba umwi uchita chibotu, pe naaba umwi.” ¹³ Kameneno kabo nkabanda kajulikide. Indimi zyabo nzyenwa, ibusaki bwanzoka buli munsi amilomo yabo. ¹⁴ Yabo milomo ilizwide intuko akunyema. ¹⁵ Mawulu abo afwambanina kutila bulowa. ¹⁶ Lunyonyoko amachise alimunzila zyabo. ¹⁷ Aaba bantu tebakanaaziba pe inzila yalumuno. ¹⁸ Takwe pe buyofu bwaLeza mumeso abo.” ¹⁹ Lino tulizi kuti kufumbwa mulawu nzuwamba wambula kuli baabo balansi amulawu. Echi chibambilidwe kuti yoонse milomo yelede kuti ijalee ayoонse nyika mbiyopegwa kuli Leza. ²⁰ Echi nkambo kakuti takwe nyama niyolulamikwa akwinda milimo yamulawo akumenso akwe. Aboobo kwinda mumulawu kwaza luzibo lwachibi. ²¹ Pesi lino kuzwa kumulawu wabululami bwaLeza bwayubununwa. Chakazuminwa kumulawu abansinsimi, ²² nkukuti bululami bwaLeza kwindila mulusyomo muli Jesu Kkilisito kuli boonee abo basyoma. Mbili mbukutakwe musiyano. ²³ Nkambo boonse bakabisya akulelwa kusikila kubulemu bwaLeza. ²⁴ Alimwi bakululamikwa chantanganana kuluzyalo lwakwe kwinda mulwangunuko luli muli Jesu Kkilisito. ²⁵ Nkambo Leza mbakapa Kkilisto mbulichiswanisyo kwindila mulusyomo mubulowa bwakwe. Wakapa Kkilisito mbili chitondezyo chabululami bwakwe. Nkambo kwakutayeya kwakwe zibi zyakinda. ²⁶ Mubulangilizi bwakwe ezi zyoonse zyakachitika kukutondezya bululami bwakwe kuchindi nchicho echino. Ezi zyakachitilwa kuti alibonye kuti ulisalede, akutondezya kuti ulalumbika kufumbwa muntu nkambo kalusyomo mulijesu. ²⁷ Mpo nkuli kulikankayiza. Tachimvwelene pe. Kwiindakulul mulawu? Milimu ili? Pe, pesi kwiindilila mumulawu walusyomo. ²⁸ Swe tumanisizya kuti muntu ulalulamikwa alusyomo katakwe milimu yamumulawu. ²⁹ Sena kuti Leza nguLeza wabaJuda kupela na? Alubo tali nguwe na Leza wabaMasi? Iyii, ngwabaMasi lubo. ³⁰ Iyii chonzyo Leza ngumwi, uyolulamika bupalulwe alusyomo, abatapalwidwe kwiindila mulusyomo. ³¹ Nga tulawukasya na mulawu kwindila mulusyomo? akube kuti kutachitiki obo, pesi atusumpule mulawu.

4

¹ Tulatyeni kuti Abbulahamu, ndeende sikale wesu munyama, wakajanaanzi? ² Nkaambo na Abbulahamu wakatambulika amilimu, nikuli uli aachakulidundiizya aacho, pele pe pe kunembo lyaLeza. ³ Lino malembe atyen? “Abbulahamu wakasyoma Leza, aboobo chakatolwa mbili bululami kulinguwe.” ⁴ Lino kuli wooyo uubeleka, muholo wakwe tuubalwi mbili chipo pe, pele mbili chikwelete. ⁵ Pele kuli wooyo uubeleka pele kasyoma muli wooyo uululamika batakwe bunaLeza, lusyomo lwakwe lubalwa mbili bululami. ⁶ Deviti alubo waamba chilongezyo kumuntu oyo Leza ngwabalila bululami butakwe milimu. ⁷ Wakati, “Balilongezegelwe aabo balekelelwa nchito zyabo zitali mumulawu, alimwi azibi zyabo zivumbidwe. ⁸ Ulilongezegelwe oyo muntu Mwami ngwatabalili zibi.” ⁹ Sa eechi chilongezyo chaambwa biyo kuli babo basibupalulwe, na kuti akuli babo batali basibupalulwe? Nkaambo twaamba kuti, “Lusyomo lwakabalilwa Abbulahamu mbili bululami.” ¹⁰ Wakalubalilwa biyeni? Aawo katana palulwa na, kana kuti musule akupululwa, pesi katana palulwa. ¹¹ Abbulahamu wakatambula chitondezyo chabupalule. Echi chakali chisimyo chalusyomo ndwakalaabo katanapalulwa. Mpindu yachitondezyo echi nkuti wakaba wisi wabaabo boonse basyoma, nikuba kabatanapalulwa. ¹² Echi chaamba kuti bululami bupalulwe kulinguwe. Alubo eechi chaamba kuti Abbulahamu wakaba wisi wabaabo bapalwide kulibaabombasike pe pe kuzwa kubapalulwe luzutu, pele alubo kulibaabo batobela nzila zya taata wesu Abbulahamu. Elyo oolu ndulo lusyomo ndwakalaalo katana palulwa. ¹³ Nkaambo teensi kwiinda mumulawu pe chakapa kuti chisyomezyo chiwegwe kuli Abbulahamu akulunyungu lwakwe, echi chisyomezyo kuti babe basimulyazina benyika. Pesi kwiinda mubululami bwalusyomo. ¹⁴ Nkaambo na kuti aabo baponia mumulawu babambabo basimulyazina, lusyomo taluchaambi chintu, aboobo lusyom lwaba lwabuyo. ¹⁵ Nkaambo mulawu weeta bukali, pele aawo atakwe mulawu, takwe bulewusi. ¹⁶ Akambo kaaka echi chilachitika kwiinda mulusyomo, kuti chibe chaluzyalo. Akaako, chisyomezyo chibe chakasimpe kubana boonse. Alimwi boonse bana banoozikilizya pe pe luzutu bazi mulawu, pele alubo aabo bazwa kulusyomo lyaAbbulahamu. Nkaambo ngu taata wesu toonse, ¹⁷ mbulimbukulembedwe, “Ndakuchita wisi wamanyika miangi. “Abbulahamu wakali mubuliwo bwawooyo ngwakasyma, nkukuti, Leza, uupa buumi kubafu alimwi wiita zintu zitawo kuti zibewo.” ¹⁸ Nikuba wakasweenene azintu zilibuti, Abbulahamu wakasyoma Leza chakasimpe alyejunza. Akaako wakaba wisi wamanyika miangi, mbili mbuzyakaambulwa, “Mazyalane aako mbayooba.” ¹⁹ Takawizukide mulusyomo. Abbulahamu wakavwisisisya kuti mubili

wakwe tuchikonzyi kuchita mwana (nkaambo wakali waamba kusisa myaaka ili mwaanda). Alimwi wakazumina kuti bula bwaSala tabuchikonzyi kuzyala mwana.²⁰ Pele akaambo kachisyomezyo chaLeza, Abbulahamu taakwe naakatazumbuuzya mukutasyoma. Pesi, wakasimisigwa mulusyomo alimwi wakapa bulemu kuliLeza.²¹ Wakakutisika loko kuti ezyo Leza nzyakasyomezya, ulakonzya kuzuzikizya.²² Akaako zyakabalilwa lubo kulingue mbuli bululami.²³ Lino tezyakalilemedwe luzutu pe kukukutisya lwakwe mwini, zyakabalilidwe kulingue.²⁴ Zyakalembewa ndiswe alubo, nkuziyoobalilwa, iswe nitusyoma muliwooyo wakabusyajesu Mwami wesukuzwa kubafu.²⁵ Oyu nguwe wakaabwa akaambo kazibi zyesu alimwi wakabusigilwa kukululamikwa kwesu.

5

¹ Mukuti tululamikwa alusyomo, tuli aalumuno aLeza kwiindila muMwami wesi Jesu Kkilisito. ² Kwiindila mulinguwe tulanjana manjililo mulusyomo kunjila muluzyalo lwakwe oomo mutwiimvwi. Tulabotela mibusichaamba Leza mbwakatupa kuchitila lyejunza Iyesu, busichaamba mbututakaabane mubulemu bwaLeza. ³ Kakutali oobo luzutu, pele tulapakala alubo mukupenzegwa kwesu. Tulizi kuti kopenzegwa kweeta lukakati. ⁴ Lukakati Iweeta kutambulika, alimwi kutambulika kweeta musichaamba bwalyejenza. ⁵ Busichaamba oobu tabufwisyi nsoni, nkaambo luyando IwaLeza lwakatulidwa mumyyoyo yesu kwiinda muMuuya Uusalala, wakapegwa kulindiswe. ⁶ Aawo nitwakatalikwe manguzu, muchiindi cheelede Kkilisito wakafwida batasalali. ⁷ Nkaambo nchiyumu kufwida muntu uululeme. Kuti, amwi wumwi ulakonzya kufwida muntu uululeme. ⁸ Pele Leza ulateedeezya luyando Iwakwe kulindiswe, mukuti nitwakachili basizibi, Kkilisito wakatufwida. ⁹ Mubwiingi, elyo, mukuti twakalulamikwa abulowa bwakwe, tuyofutulwa kubukali bwaLeza. ¹⁰ Nkaambo na, nitwakachili basinkondonyina, twakabwedezeegwa kuliLeza kwiinda mulufu lwaMwana wakwe, mukuyungizya, nitwakabwedezeegwa, tuyooftulwa abuumi bwakwe. ¹¹ Nikutali boobu luzutu, pele tulabotela muliLeza alubo kwiinda muMwami wesi Jesu Kkilisito, ooyo kwiinda mulinguwe mutwakatambula kuswaanizigwa. ¹² Eelyo, mbuli chibi mbuchakanjila kwiinda mumuntu womwe munyika, munzila eeyi lufu lwakanjila kwiinda muchibi. Alimwi chibi chakeendelela kubantu boonse, nkaambo boonse bakabisya. ¹³ Nkaambo kusikila ku mulawu, chibi chakali munyika, pele takwe kwaambwa kwachibi pe na kakutakwe mulawu. ¹⁴ Akaako, lufu lwakeendelezya kuzwa kuli Adamu kusikila kuli Mozesi, nikuba aatala ababo bakatabisya pe mbuli kutaswilila kwa Adamu, wakali chitondezyo chawooyo uuchizoosika. ¹⁵ Nikuba boobu, chipo tachili mbuli mulandu pe. Nkaambo na akubisya kwawumwi biingi bakafwa, mbombubo luzyalo IwaLeza mbulwakachita alimwi chipo chaluzyalo chamuntu womwe, Jesu Kkilisito, chakavulila biingi. ¹⁶ Nkaambo chipo tachili mbuli mpindu yawooyo wakabisya. Nkaambo kulilimwi bbazu, lubeta lwanmulandu lwakaza akaambo kachibi chamuntu omwe. Pele kulilimwi bbazu, chipo chaangununa chakaza musule kwazibi zyiingi. ¹⁷ Nkaambo na kuti, akubisya kwawumwi, lufu lwakeendelezya kwiinda kuliwumwi, elyo kuli baabo batambula bwiingi bwa luzyalo alimwi achipo chabulamai beendelezegwa kwiinda mubuumi bwawumwi, Jesu Kkilisito. ¹⁸ Nkokuti, chibi chomwe mbuchakeetelezya kutatambulika kwabantu boonse, nkokuti alimwi kwiindila munzila yomwe yabululami kwakaza kululamikwa abuumi kubantu boonse. ¹⁹ Nkaambo mbuli mukwiinda mubulewusi bwamuntu omwe mbiingi bakaba basizibi, mbombubo, alimwi kuti kwiindila mubululami bwamuntu omwe kuyoolulamikwa biingi. ²⁰ Pesi mulawu wakazida kuyungizya bulewusi, pesi aawo chibi mpuchakavula, luzyalo lwakavula kwiindilila. ²¹ Ezi zyakachitilwa kuti, ichibi mbuchakeendelezya mulufu, mbombubo luzyalo mbuluyoyendelezya kwiindila mubululami bwabuumi butamani kwiindila muli Jesu KkilisitoMwaaami wesi.

6

¹ Twambe buti? Tunochinkilila anembo na akubisya kuti luzyalo lukayindilile kuvula?
² Takwelede kuba obo pe. Iswe nitwakafwa kuchibi, tunochikonzya buti kuchinopona kulinchicho. ³ Tamuzi na kuti mbuli biingi mmbubakabbabtizigwa muliKkilisto Jesu bakabbabbatisiga mulufulwakwe. ⁴ Twakavwkwa, alimwi, angwe kwinda mulubbabbatizyo amulufu. Ezi zyakachitika nkambo kakuti Kkilisto wakabusigwa kuzwa kubafu mubulemu bwawisi, kuti aswebo tweende mubumi bupya. ⁵ Kuti twaba abujatane muchikozyano chalufu lwakwe, aboobo tatukoyoba abujatane mububuke bwakwe kubafu. ⁶ Tulizi ezi, kuti muntu wesi mukulukulu wakabambulwa anguwe kuti mubiliwazibi ukonzye kulobesegwa. Ezi zyakachitika kuti tutachibi bazike

bachibi. ⁷ Oyoo wakafwa wakambwa kululama kumulandu wachibi. ⁸ Pesi kuti twakafwa aKkilisito, tulasyoma kuti tuyokkala antomwe angewe. ⁹ Tulizi kuti Kkilisito mbakabusigwa kuzwa kubafu, takonzi kufwa lubo pe; lufu taluchikwe bwami pe alinguwe. ¹⁰ Nkabela mukujatikizya mulufu ndwakwafwa kamwi kwalyoonse. Nekuba boobo, buumi mbwapona uponena Leza. ¹¹ Munzila ikozyene, anywebo mwellede kulibweza mbuli bafwide kuchibi, pesi baponede kuli Leza mulijesu Kkilisito. ¹² Aboobo mutalekeli chibi kuti chimwendelezye mumibili yanu ifwika mutakasiki nkumulemeka zisusi zyanya. ¹³ Mutaabili zizo zyanu kuchibi, kiti zibe zibelesyo zyakuchita bubi. Pele amulitondezye kuli Leza mbuli aabo bakeetwa kuzwa kulfu kuya kubuumu, amutondezye zizo zyanu kuliLeza mbuli zibelesyo zyakuchitya bululami. ¹⁴ Mutazumini chibi kuti chimwendelezye. Nkambo nywe tamuli munsi amulawu pe, pesi munsi aluzyalo. ¹⁵ Twambe buti lino? Tulakonzya kubisa na nkambo tatulimuni amulawu, pesi munsi aluzyalo? Kutakabi boobo pe. ¹⁶ Sa tamuzi na kuti naa mwalitondezya mbuli bazike mulibazike kuliyooyo ngomulemeka? Mukonzya kuba bazike kuchibi, chitolu kulfu, naanka bazike kululemeko lutola kubululami. ¹⁷ Pesi kupa kulumba kuliLeza! Nkambo mwakalibazike bachibi, pesi mwakalemeka kuzwa kumyoyo inzila yanjisyo eyo njimwakapegw. ¹⁸ Mwakanganunwa kuzwa kuchibi akuchitwa balanda mubululami. ¹⁹ Ndambula mbuli muntu nkambo kabukompami bwanyama zyanu. Mbuli mbumwaka tonddezya zizo zyanu mbulibazike kubusofwazi akubusendami kachizala kubusendami kwindililiede, munzila imwi biyo, lino mutondezye zizo zyanu mbuli bazike kubululami akusalazigwa. ²⁰ Nkambo nimwakachili bazike bachibi, mwakalangunukide kuzwa kubululami. ²¹ Kuchindi echo njili michelo eyo njimwakabi ayo kuzintu zikonzya kumufwisyah bweeme? Nkambo mamanino azintu eezii ndufu. ²² Pesi lino mbulimbumwakanganunwa kuzwa kuchibi akuba bazike kuli Leza, mula michelo yanu yakusalazigwa. Impindu mbumi butamani. ²³ Nkambo mpindu yazibi ndufu, pesi chipo chaLeza mbumi butamani muliKkilisto Jesu Mwami wesu.

7

¹ Nikuba bobo tamuzi na, nobakwesu (nkambo ndokwambuula kabantu abo bazi mulawo), kuti mulawo ulatonga kumuntu kufumbwa chiindi nchapona? ² Nkambo mwanakazi ukwetwe ulangwa amulawu kumulumi chiindi napona, pesi kuti mwalumi wafwa, ulangununwa kuzwa kumulawo wakukwatwa. ³ Alubo, chindi mwalumi wakwe nachipona, kuti wakukwatwa awumbi mwalumi, uyowambwa kuti ngusimambe. Pesi kuti mwalumi wakwe wafwa, wangunuka kuzwa kumulawo, alubo tanoli simamambe pe, kuti wakukwatwa awumbi mwalumi. ⁴ Nkiinkako, nobakwesu, mwakachitwa alimwi mwakafwa kumulawo kwinda mumubili wa Kkilisito. Ezi zilobo kuti mukaswanizigwe kuli umbi, nkukuti kuli oyo wakabusingwa kuzwa kubafu, kuchitila kuti tube amuchelo wa Leza. ⁵ Nkambo nitwakali munyama, chiyandisyo chazibi, chibusigwa a mulawo, chakali a mulimo mujiizo zyesu kukuzyala muchelo walufu. ⁶ Pesi lino twakanganunwa kuzwa kumulawu. Twakafwa kuli echo nchitwakangidwe. Echi chilibobu kuti tukabelekele mubupya bwa Muuya alimwi kutali mubukulukulu bwalugwalo. ⁷ Tulyateni kabi? Mulawo imavo mubina? Kutabi bobo. Nikubabobo, tendali kunoziba chibi, nikwatanoli kwinda mumulawo. Nkambo ndanoli nkintazi ibbivwe kutali kuti mulawo wakamba, "Mutabi abbivwe." ⁸ Pesi chibi chakabweza mwenya mukwinda mumalayilile alimwi akweeta bbivwe mulindime. Kuti kakutakwe mulawo, chibi chilifwide. ⁹ Kuli chimwi chiindi ndakali kupona katakwe mulawo, pesi elyo malayile nakasika, chibi chakajana lubo buumi, alimwi ndakafwa. ¹⁰ Malayilile ayo akayelete kweta buumi akasanduka aba lufu lwangu. ¹¹ Nkambo chibi chakabweza mwenya kwindila mumalayilile alimwi akandena. Kwindila mumalayilile chakandijeya. ¹² Nkinkaako mulawo ulasalala, alimwi malayilile alasalala, bululami, alimwi bubotu. ¹³ Nkinkaako ezyo zibotu zyakabotu lufu na kulinidime? Kutabi boobo. Pesi chibi, kuchitila kuti chikatondezegwe kuba chibi, chakazyala lufu muli ndime kwindilaachecho chakali chibotu, alimwi kwindila amalayilile chibi chibe chibi loko kwinda mmwelo. ¹⁴ Nkambo tulizi kuti mulawo nguwa Muuya, pesi imebo ndimunyama. Ndakamuzigwa munsi abuzike kuchibi. ¹⁵ Ezyo nzindichita, tandizimvwisisisyi loko. nkambo nzinjanda kuchita, tandizichiti, alimwi ezyo nzizonda, ndachita. ¹⁶ Pesi kuli ndachita nzitayandi, ndazuminana a mulawo kuti mulawo uliluleme. ¹⁷ Pesi lino tokuchili ndime uzichita, pesi chibi echo chipona mulindime. ¹⁸ Nkambo ndilizi kuti mulindime, echo chilimunyama, tamponi chintu chabubotu pe. Nkambo chiyandisyo chabubotu buli mulandime, pesi tandikozichita pe. ¹⁹ Ezyo zibotu zindiyanda, tandizichiti, pesi ikuti mbuntayandi mbunchinta. ²⁰ Lino kuti ndachita nzintayandi kuchita, abobo takuchili ndime ulokuchita, pesi biyo chibi chikkala mulindime. ²¹ Elyo,

ndijana mulawu oyu, amo mpundiyanda kuchita kabotu, chibi mpuchili andime. ²² Nkambo ndilakondwa mumulawo wa Leza amumuntu wangu warukati. ²³ Pesi ndibona busiyene mulawo mumuzizo zyangu. Ulwisyanya a mulawo mupya mumiyeyo yangu. Zindibweza ndibe muzike wamulawo muchibi muzizo zyangu. ²⁴ Ndilimuntu umuside! Ngwani ulondinunula kuzwa kumubili wa lufu? ²⁵ Pesi kulumba ngakube kuli Leza kwinda muli Jesu Kkilisito Mwami wesi! Nkinkako, ime lwangu mbeleleka mulawu wa Leza amwi a miyeyo yangu. Nikuba bobo, anyama yangu ndibelekela mulawu wachibi.

8

¹ Akaako lino takwe kupegwa mulandu kulibaabo bali muliKkilisito Jesu. ² Nkaambo mulawu wa Muuya wabumi muliKkilisito Jesu wamwanganununa kuzwa kumulawu wachibi a chalufu. ³ Nakambo zyakatali kuchitwa amulawu mukuti wakalin-dizukide akaambo kanyama, Leza wakachita. Wakatuma Mwana wakwe mulombe muchikoziyano chenyama yechibi kuzooba chipo chachibi, alimwi wakapa mulandu kuyanya. ⁴ Wakachita echii kuchitila kuti ziyanza mulawu zikonzye kuzuzikizigwa mulindiswe, iswe nitweenda pe pe munyama, pele mbuli mumuya. ⁵ Aabo bapona chenyama babika miyeyo yabo kuzintu zyenayama, pele aabo bapona mbuli muMuuya babika miyeyo yabo kuzintu zyaMuuya. ⁶ Nkaambo miyeyo iibikidwe kuyanya ndufu, pele miyeyo iibikidwe kumuuya mbuumi a lumuuno. ⁷ Miyeeyo iibikidwe kuyanya ilakalala kunembo lyaLeza, nkambo tiilifwinsy kumulawu waLeza, nikuba kukonzya kuchita oobo. ⁸ Aabo balimunyama tabakonzyi kubotezya Leza. ⁹ Nikubaboobo, tamuli munyama pe pele mu Muuya, na umwi katakwe muuya katakwe muuya wa Kkilisito tewakwe pe. ¹⁰ Na Kkilisito ulimulindime, mubili ulifwide kukulemekwa kuchibi, pele muuya uliponede ku mubululami. ¹¹ Na Muuya wawooyo wakabusya Jesu kuzwa kubafu ukala mulindinywe, oyo wakabusya Kklisito kuzwa kubafu uyomupa buumi alimwi kumibili yenu iifwa kwiinda mu Muuya wakwe, uupona mulindinywe. ¹² Elyo lino, nobakwesu, ndiswe basikukweleta, pele pe pe kuyanya kuyanya kuti tupone kuyanya. ¹³ Akaako na mwaponna chenyama, mwaambakufwa, pele na aMuuya mubika mubili kumilimo yalufu, moyopona. ¹⁴ Nkambo mbuli biingi mbubazulwidwa aMuuya wa Leza, abambabo bana ba Leza. ¹⁵ Temwakatambula muuya wabuzike kuti mupone mukuyowa limbi; pele mwakatambula Muuya wabwana, anguwo mulompolola kuti, "Abba, Taata!" ¹⁶ Muuya wakwe wazuminana a Muuya wesi kuti tulibana ba Leza. ¹⁷ Na kuli bana, banakukalya, banakukalya ba Leza. Alimwi tuliswanizigilwe a Kkilisito, na nchoonzyo tulafwabisigwa antomwe anguwe kuti tutakonzye kulemekwa antomwe anguwe. ¹⁸ Nkambo ndayeya kuti machise achiindi achino tayelene abulemu buyotondezegwa kulinidinywe. ¹⁹ Nkambo bulangizi bupati bwazilengwa bulilindide kutondezegwa kwabana ba Leza. ²⁰ Nkambo bulengwa bwakasampawulwa, pepe mukuyanda kwabo, pele akambo kayoyo wakazichita, mubulangizi. ²¹ bwakuti bulengwe bwini buyogwisigwa kuzwa kubuzike kuya kukunyonyonyoka, alimwi kuti bayoyetwa mulwanganuko lwabulemu bwabana ba Leza. ²² Nkambo tulizi kuti zilengwa zyoonse zilalila kapati akubeleka mubuchise antomwe nikubalino. ²³ Kutali echo luzutu, pesi aswebo tobeni, nituli akabalwe balwe ka Muuya, tulalila kapati mukati kesu, awo nituyolinda chabalangizi kukuchitwa kwesu bwana, kwangununwa kwamibili yesu. ²⁴ Nkambo mubulangizioobu twakafutulwa. Nkambo ngwani uulangilila nchatabwene? ²⁵ Pele tulangilila eecho nchitutabwene pe, tulachilindila chakukazika moyo. ²⁶ Munzila iliboobo, eelyo Muuya ulatugwasizya munkompami zyesu. Nkambo tatuzi pe mbutweelede kukomba, pele Muuya mwini ulatukombelezezya amajwi atambiki. ²⁷ Oowo ulingula moyo ulizi miyeyo ya Muuya, mukuti ulatukombelezezya mukwiminina basalila ba Leza mbuli mukuyanda kwa Leza. ²⁸ Tulizi kuti kulibabo bayanda Leza, ubeleka zintu zyoonse aantomwe kumubotu, kulibaabo bayitidwe kumakaanze akwe. ²⁹ Nkambo aabo mpakazi kale wakabambilila kuti bakendelane abuboneke bwa Mwana wakwe, kuti akabe mwana mutanzi akati kabakkulana biingi. ³⁰ Aabo mbakanzila, aba wakabayita alimwi. Aabo mbakayita, wakabasalazy. Aabo mbakasalazy wakabalemya. ³¹ Lino tuyteni azintu eezi? Na Leza kaliwesi, ngwani uutukatazaya? ³² Ooyo wakatakasya Mwana wakwe pele wakamwabilo ndiswe toonse, uyoleka buti alubo kuti akatupe zintu zyoonse mulinguwe chakwangunuka. ³³ Ngwani utakeete intuko aatala abasale ba Leza? Leza nguwe uululamika. ³⁴ Ngwani uupa mulandu? Kkilisito Jesu nguwe wakafwa - kwinda oobo, wakabisgwa - uuli kuchilisyo cha Leza, alimwi uuli kutukombelezezya. ³⁵ Ngwani utakatwanzanye kuluyando lwa Kkilisito? Nkupenzegwana? kubulikilwa na, kusukusigwa, na nzala, na kwenda maya, na ntenda, na nipanga? ³⁶ Mbuli mbukulembedwe, "Akambo kakujanina

kwenu tulajayigwa buzuba boonse. Twakachitidwe mpuli mbelele iyanda kuyojayigwa.”³⁷ Kulizyonse ezi zintu tulibazundi kwiinda muliwoyo iwakatuyanda.³⁸ Nkambo ndakazibisigwa kuti nikuba lufu, nikuba bunini, nikuba bango, nikuba basinsimi nikuba zintu ziliwo, nikuba zizosika, nikuba munguzu,³⁹ nikuba bulamfu, nikuba bunike, nikuba chintu chakalengwa, chiyokonzya kutwaanzanisyza kuzwa kuluyando lwa Leza, luli muli Kkilisito Jesu Mwami wesu.

9

¹ Ndamwambila kasimpe mulikilisito. Nsilokubeja pe, amamvwido angu alazu minana andime muMuuya uSalala.² Izyakuti mumoyo wangu mulikuusa kupati akuchisa kutamani.³ Nkambo ndalikuyanda kwanzanisigwa aKkilisito kuti ndibe mutuke akambo kabakweu, anzubo nzyangu zyamunyama.⁴ Mba Izilayeli. Bakabweza, bulemu, zizuminano, achipo chamulawu, abukombi bwamung’anda yaLeza, azisyomezyo.⁵ Bamataata babo chiindi kwakazwa Kkilisto, kwiinda munyama - we kali Leza atala zyoonse. weelede kulumbayizigwa mane kutamani. Ameni.⁶ Pele twakamba kuti ijwi lyaleza lyakalewulula. Nkambo boonse balimulzilayeli te mbanaIzilayeli nchobeni.⁷ Nekuba loonse lunyungu lwaAbbulamu teensi mbana bakwe pe. Pele, muli Ayizeki tuyowambwa lunyungu lwakwe.⁸ Nchikwaambwa kuti, bana banyama teensi mbana baLeza. Pele, bana bachisyomezyo mbawambwa mbuli lunyungu.⁹ Nkaambo eli ndiji lyachisyomezyo: “Mulinchichechi chiindi ndiyosika, elyo Sala uyopegwa mwana.”¹⁰ Teensi mbubo luzutu, Pele alakwe Lebeka wakaba abula bwa mwalmi umwi, taata wesu Ayizeki -¹¹ bana kabatana zyalwa akutana chita chimwi chintu chibotu na chibi, kuti makanze aLeza kwindila mukusala bwiime, kutali akaambo kanchito, pele akaambo kayoyo uyita -¹² kwakambwa kuli nguw, “Mupati uyosanina munini.”¹³ Mboli mbukuleembedwe: “Jakkobo ndakamuyanda, pele Isawu ndakamusula.”¹⁴ Lino twambe buti? Sa kuli kutalulama kwaLeza? Takwe ziliboobo.¹⁵ Mbubobo mbaamba kuli Mozesi, “Njomvwida luse kufumbwa ngunjomvwida luse, njoyetelela kuliyoyo ngunjoyetelela.”¹⁶ Aboobo tensi akaambo kayoyo uyanda, nekuba akaambo kayoyo uchijan, pele akaambo kaLeza, waluse.¹⁷ Mbobu malembe mbawamba kuliFalo akuti, “nchichecho nchindakakubusizya mumakanze akutondezya nguzu zyangu mulinduwe”, kuchitila kuti zina lyangu likambwe munyika yoonse.¹⁸ Mbubo leza ulaluse kulingwayanda akulingwayand, ulamuyumya moyo.¹⁹ Uywamba chakuti kulindime, “Nkaambonzi nachitongawuka? Ngwani ukonzya kukaka makanze akwe?”²⁰ Omwalumi nduweni ukuzyana aLeza? Kulichibumbwa na chaamba kuli sikuchibumba, “Wabonayi! Niwandibumba ayeyi nzila?”²¹ Anu kuti mubumbi tajisi nguzu kubulongo bwakubumba chimbi chilongo chibotu achimwi chilongo chibi?²² Ani kuti Leza, wayanda kutondezya bukali bwakwe akuti ngunzu zyakwe zizibwe, wakakkazikila zilongo moyo mulamfu kubukali bwakabambilidwe kunyonyona?²³ Nkutyeni nayanda kuzubula bувуби bwabulemu bwakwe kuzilongo zyaluse, nzyakambilide kale bulemu bwakwe kuzilongo zyaluse, nzyakambilide kale bulemu?²⁴ Ani kuti wachita obu akulidisive, mbakayita, akati kamajuda abamasí?²⁵ Mbubonya mbwaamba muiHosiya kuti: “Njoyo bantu bangu bakatali bantu bangu pe, akuyanda wakatali kuyandwa.”²⁶ Mpawo oko nkubakambilwa kuti, ‘tamwensi bantu bangu; oko nkubayoyitwa kuti mbana baLeza muumi.’²⁷ Ayizaya ulalila atala a Izilayeli, “Nekuba kumweele wabana ba Isilayeli nkubali mboli musele wamulwizi, kuyoba kabela kabache bayofutulwa.”²⁸ Nkaambo Mwami uyochita makanze ajwi lyakwe munyika chakumanisizya achakunonoka.²⁹ Akwambwa kwa Ayizaya kuti, “Mwami wamakamu - makamu tatusila lunyungu, netwali kunoba mbuli Sodomu, akuba mbuliGomola.”³⁰ Lino nkutyeni, Bamasi, bakatali kuyandula bululami, bakabujana bululami bwalusyomo.³¹ Pele Isilayeli, walikuyandula mulawu wabululami, takwe nebakasika kumulawu.³² Nkaambonzi? Nkaambo tebakayandula chalusyomo, pele kumilomo yabo. Bakalebwa kuzwa kubbwe lyakabalebya.³³ Mboli mbukuleembedwe, “Amubone, ndasitikizya muZayoni ibbwе lilebya amwala wamilandu. Oyo umusyoma takoyowusigwa bweme”

10

¹ Bakwesu, nchindiyanda mumoyo wangu akumukombeleya kuli Leza, ndufutuko lwako.² Nkambo ndilabukamboni atala ambabo bwakuti baliabusungu kuli Leza, pesi butali bwkuluzibo.³ Nkambo nchibakachilwa kumvwisisya bululami buzwa kwa Leza pele balikuyandula kutuchitila bululami bwabo beni, aboobo bakachilwa kulfwinsya kubululami bwa Leza.⁴ Nkambo Kkilisito ngonguwe uzuzikizya mulawu wabalulami bwabo boonse basyoma.⁵ Nkambo Mozesi ulalemba atala abululami obo buzwa

kumulawu: "mwalumi uchita bululami bwamulawu uyobuponena bululami obo." ⁶ Pele bululami obo buzwa kulusyomo mbwamba obo: "mutaambi mumyoyo yanu kuti ngwani uytanta kujulu? (ikuti, akeete Kkilisitu aansi) ⁷; aboobo utambi kuti ngwani uyo selukila kubusena busiya (nkokuti akeete Kkilisitu kuzwa kubafu). ⁸ Pesi chambanzi? "ijwi lili awifwi anduwe lilimumulomo wako amumoyo wako" eli ndijiwi lyalusyomo, eli ndijiwi lyalusyomo elyo nditukambawuka. ⁹ Nkambo kumulomo wako kulazumina kuti Jesu ngu Mwami, akusyoma kumoyo wako kuti Leza wakakibusya kuzwa kubafu, uyo fululwa. ¹⁰ Nkambo kumoyo omwe kulasyomwa kuti kube bululami alimwi kumulomo omwe kulazuminikwa kuti kube lufutuko. ¹¹ Nkambo malembe alamba kuti, "koonse kusyoma mulinguwe wonse tayowusigwa nsoni" ¹² Nkambo takw ekusiyana akati kama Juda ama Giliki nkambo Mwami wabo nguMwami waboonse alubo ulabuvubi kuli abo bamwita. ¹³ Pele boonse bayita zina lyakwe Mwami bayofutulwa. ¹⁴ Bamwi bamwiite biyeni oyo ngubatasyomi? Bamusyome biyeni oyo ngubatana kumvwa? Bamvwe biyeni katakwe katakwe sikukambawuka? Bakambawuke biyeni kuti tebatumwa? ¹⁵ Mbubonya mbukulembewe, "abota mawulu ababo bakambawuka makani mabotu! ¹⁶ Pesi tensi boonse baswilila makani mabotu. Nkambo Isaya ulamba, "Mwami ngwani wakasyoma mulumbe wesu?" ¹⁷ Aboobo lusyomo lulazwa kukumvwa, alimwi kumvwa ijwi lyakkilisitu. ¹⁸ Pesi ndamba, "tebakamvwa na?" Iyii, mbubonya bangelo lwabo bakanjila munyika yoone, alimwi majwi abo kumagolelo anyika" ¹⁹ Kukuyungizywa ndaamba, "Izilayeli takazi na? "Lutanzi Mozesi wamba kuti, "njokusungilizywa kubuzuba azitali chisi. Anzila yachisi chitakwe kumvvisisisya, alimwi njokukopakopa kusikila ukanyeme". ²⁰ Alimwi Izaya ulamba chabuko zu kuti, ndakajanwa ababo bakatandiyandula. "Ndakaboneka kuli abo batakandikumbila" ²¹ Pesi kuli Izilayeli uwambakuti, "izuba lyoonse ndakatambika maanza angu kulibataswilili akabantu bataswilili".

11

¹ Ndamba kuti, ino Leza wakabakaka na bantu bakwe? Takukwe nichitabi booboo. Nkaambo ambe ndili munaIzilayeli, silunyungu lwaAbbulahamu, wamukowa waBenjamini. ² Leza tewakaka bantu bakwe, mbakaziba kale. Tamuzi na malembe kuti atyeni aElijah, mbakakombeleya Leza kubana Izilayeli? ³ "Mwami, bakajeya basinsimi bako, bakapwayila ansi zipayililo zyabo. Imebo andike ndime wakachaala, alubo balikuyandula bwangu bumi." ⁴ Pesi Leza nsandulo yake ityen i kulinguwe? "Ndakalibambilwa musanu ababili zyulu zyabalumi batana kutyola zwi kuli Bbaala." ⁵ Nikuba obo lino, kuli chechino chiindi chasunu kuli bacheede akambo kakusalwa kwaluzyalo. ⁶ Pesi na nzyakuluzyalo, tazichili zyakumilim. Ateni luzyalo taluchike kuyoba luzyalo. Amwi malembe alabalwa pesi na zyitwa amilimu, mpawo tazichili zyaluzyalo; akutali kuti mulimu tuchili mulimu. ⁷ Niyi lino? Chintu bana Izilayeli nchibayandula, nchibakatajana, abayingi bakayumisigwa. ⁸ Chili mbuli mbuchilembewe: "Leza wakabapa Muuya wabufubafuba, meso kuchitila kuti bataboni, a matwi kuchitila kuti batamvwi, kusika muli obuno buzuba." ⁹ Mpawo Davida wamba kuti, "Muleke tafula lyabo libe kanyandi akakole, lyakubaleba akubabeda chumyo kulimbaboo. ¹⁰ Muleke meno abo asizigwe kuchitila kuti bataboni, akutyola misana yabo lyonse." ¹¹ Ndamba, "Bakalebwa na kusikila kukuwa?" Chitakabi obo. Pele, achibi chabo, lufutuko lwasika kuli baMasi, kuchitila kuti basungilizigwe kubuzuba. ¹² Lino na chibi chabo mbuvubi bwakunyika, na kuswekelwa kwabo mbuvubi bwabaMasi, buyoba bupati kukuzukizywa kwabo? ¹³ Pesi lino ndilikwambula kulindinywe nibaMasi, kufumbwa kuti kandili apositoli kuli baMasi, ndilalutangalo mumulimu wangu. ¹⁴ Ateni ndilakusungilizywa kubuzuba kulibabo bayangu nyama. Ateni twali kunofutuka bamwi babo. ¹⁵ Kuti kukaka kwabo kwamba kuyandana kwakunyika, kuyoba nzi kutambula kwabo pesi buumi kuzwa kubafwide? ¹⁶ Kuti michelo mitanzu kayisalala, mbubede munsumba wachinkwa. Kuti tuyanda kusalala, mbibede amitabi, ¹⁷ Pesi na imwi mitabi yakakuzuka, na webo uli mutabi wamuOlifa wamusokwe, wakabikwa akati kaboo, alubo na wakaabana ambabo mumuvubi bwamuyanda wamunsamu muOlifa, ¹⁸ mutakalikankayizyi atala amitabi. Pesi na mwalikaknayizya, teensi ndinywe munyampula mayanda, pesi tuyanda ngumunyampula. ¹⁹ Muyowamba kuti, "Mitabi yakatyoka kuchitila kuti ndibike mukati." ²⁰ Eyo ninchonzyo nkaambo kakatusyoma kwabo bakakuzuka, pesi muliima nji nkaambo kalusyomo lwanu. Mutayeyi loko atala andinywe, pesi akuyowa. ²¹ Kuti na Leza takabika kulubazu mitabi yabube, takukwe mbayomu mbayobika kulubazu anywebo. ²² Mulange, mpawo, zyiito zyabuya abuyumu bwaLeza: buyumu bwakasikila bajuda bakawa, pesi buboto bwaLeza buza alindinywe na mwayendeleta mubuya bwakwe. Atela anywebo muyogwisigwa. ²³ Alubo nikuba

mbabo nikuba mbabo na tebendelela mukutasyoma kwabo, nkambo Leza ulakonzya kubabika alubo.²⁴ Na mwakaligwisigilwe kuli zyabube bwamunsamu wamusokwe muOlifa, akukazyana abube bwakabikwa mumunsamu muboto muOlifa, bayoba biyeni kuli eyi mitabi, bakabikwe lubo kumunyina muOlifa?²⁵ Nkambo tandiyandi kuti mutabi batakwe luzibo, nibakwesu asinswa eyi, kuti mutakabi basongo mukuyeya kwanu. Kuyumya kumwi kwasikila Izilayeli kusikila mwelwe woonse wabamasi banjila.²⁶ Nkaako Izilayeli woонse uyokufutulwa, mbuli mbukulembedwe: "Kuzwa muZiyoni nkwayozwa munununi. Uyogwisa kubula Leza kuzwa kuli Jakobe,²⁷ alimi eechi chiyoba chizuminano ambabo, nintakagwisy ezie zyabo."²⁸ Mbuli makani mabotu mbalangide, mbasinkondonyokwe kuchitila ndinyewe. Pesi mbulilusalو mbolubede, baliyandidwe akaambo kaba simili mu bakale.²⁹ Nkaambo zipego akwiitwa kwaLeza tazisanduliki.³⁰ Mbuli mbuwakali bataswilili kuli Leza, lino mwatambula luse akambo kakutaswilila kwabo.³¹ Munzila njiyonya eyo, lino aba bajuda bakaba bataswilili. Mpindu yakuti yakuti aluse lutondezedwe kulindinyewe bakatambula luse alubo.³² Nkaambo Leza wakazijalila zyoонse mukutaswilila kuchitila kuti atondezye luse kuli bonse.³³ Aah, kunika kwakuvubi antomwe bwabusongo a luzibo IwaLeza! Taziyanduuliki biyeni mbeteko, anzila zyakwe zyiinda kubbutula!³⁴ "Nguni wakaziba miyeeyyo yaMwami na nguni wakaba sikumuchenjezya?"³⁵ Na nguni wakatalika kupa chintu kuliLeza, kuti Leza amubwedezye?"³⁶ Nkaambo kuzwa mulinguwe alimwi akwiinda mulinguwe alimwi akuli nguwe zyoonse zintu nkuzibede. Kulinguwe abube bulemu bwalyoonse. Amen.

12

¹ Aboobo ndamusungwazya, nibakwesu, muluzyalo IwaLeza, mutule mibili yanu, ibe chipayizyo chuumi, chisalala, chitambulika kuli Leza. Eeyi njimilimo yabukcombe bwanu itambulika.² Mutakozyanisigwi anchito zyanyika, pesi musanduke kukuchitulula kwamizeeo yanu. Amukachite eechi kuti mukazibe chibotu. Awumwi mbuli mweelwe walusyomo Leza ndwamupede.³ nkambo kuluzyalo oolu ndundakapegwa me ndambila boonse bali akati kanu, mutualibiliki ajulu kwinda mpumubede, pesi mbubo kuti, yeeya chakubeteka mubululami, umwi mbuli mweelwe walusyomo oolo Leza ndwamupede.⁴ Mbuli mbutujisi zizo ziji mulimu ukoyene.⁵ Munzila ikoyene, iswebo tubayingi tuli mibili umwi muli Kkilisito, akuba zizo zilyimikilila kuli chimwi achimwi.⁶ Tulijisi zipego zisiyenesiyene kwiinda muluzyalo ndutwakapegwa.⁷ Na chipeego chawumwi nchabusinsimi, ngachichitwe mbuli mweelwe walusyomo wakwe. Na chipeego chawumwi nchakuwutawuka, amuleke akutawuke.⁸ Na umwi ulachipego chakuyisya, amuleke ayiisya. Na chipeego chawumwi nchakusungwazya, amuleke asungwazye. Na chipeego chawumwi nchakutondezya nsoni, amuleke achichitwe chakubotelwa.⁹ Luyando lutali lwakupawupa. Amusesemwe kububi; Mukakatile kuli cheecho chibotu.¹⁰ Atala aluyando lwabunyina, amubotelwe umwi awumwi. Atala abulemu, mulemekane umwi awumwi.¹¹ Atala abusongo, mutabi batolo. Atala amuuya, mube achiyandisyo. Atala aMwami, atumubelekele.¹² Amukondwe chakulangizi, amuyume mumapenzi. Amusyomeke munkombyo.¹³ Amwabane mukubula kubantu boonse baLeza basalala. Amuyandule nzila zyangi zyakutondezya buuya.¹⁴ Amubalonezye aabo bamupenzya; Mulongezye alimwi mutatuki pe.¹⁵ Amukondwe aboobo bakondwe; Mulinile abalila.¹⁶ Amube amuzeego umwi kuli umwi awumwi. Mutaliyeeyi munzila zyakulisumpula, pesi mubatambule bantu balangilwa ansi. Mutabi basongo mumiyeyo yanu.¹⁷ Mutabweedezyi chibi kuchibi. Muchite zintu zibotu mumeso abantu boonse.¹⁸ Na kachikonzeka kuti azibe kuli nduwe, kupona chalumuno abantu boonse.¹⁹ Mutabi lwanian nobayandwa, pesi amupe mweenya kubukali bwaLeza. Nkambo kulilembedwe kuti, "Kubweendezya nkukwangu, ndiyobweedezya mbwamba Mwami Leza."²⁰ Pesi na sinkondonyokwe waba anzala, musanine. Na waba anyota, mupe anywe. Ikuti na wachita oobo, ulalundiaka makala amulilo amutwe wakwe."²¹ Utazundwi abubi, pesi zunda bubi abubotu.

13

¹ Muleke myuuya yoонse ilibombye kubweendeze bulajulu, nkaambo bwendelezi buliwo bwakatondekwa aLeza.² Aboobo oyo upapila bweendeze ukkazya mulawu waLeza, alimwi abo bawupapila bayotambula lubeta beni.³ Kaambo beendeze tabensi kuyoosya kumilimu mibotu, asi kumilimu mibi. Mulayanda kutaba abuyofu kuloyo ulimubweendeze? Chita bubotu alimwi ulatambula bulumbu bwakwe.⁴ Kaambo mubelesi waLeza kulindinyewe kububotu. Asi kuti wachita bubi, yoowa; kaambo tabwezi

panga chabuyo. Nkaambo mubelesi waLeza, nguukwichizya bukali kulaabo bataluleme.⁵ Aboobo weelede kulibombya, kutali kuti kubukali, asi kaambo manjezezya.⁶ Kaambo kazezi mulabbadala mutelo kaambo beendelezi mbabelesi baLeza, mbembabo balanga ezi zintu zyoonse.⁷ Pa muntu woонse eezyo zimweelede: mutelo kulooyo weelede mutelo, bulumbu kulooyo weelede bulumbu, kuyowa kulooyo uuyowegwa, bulemu kulooyo uulemekeka.⁸ Mutabi achikwelete kumuntu, kunze kwakuyandana umwi kumwenzinyina, kaambo ooy ouyanda ngwayakilene aawe uzuzikizya mulawu.⁹ Malayilile, "Utachiti mamambe, utajayi, utabbi, utabi ebbivwe," alimwi kuti kakuli uumbi mulawu uliswanizigwe muliwooyu, "Yanda ngoyakilene aawe mbuli nduwe."¹⁰ Luyando taluchiti bubi kuli ngoyakilene aawe. Aboobo, luyando luzuzikizya mulawu.¹¹ Kaambo kacheechi, mulizi chiindi, kuti chaba chiindi chakusinsimuka kuzwa mun'oni. Kaambo lufutuko lvesu lwabaafwifwi kwiinda nkatusanguna kufutuka.¹² Busiku bwinka, alimwi buzuba bwabaafwifwi. Atubike kumbali milimu yamudima, alimwi atuzwaate zilwanyo zyamumuni.¹³ Atweende mbukweelede, mbuli sikati, pe pe mukupobweda kukkolwa kana bukolwi; alimwi tuteendi mubwaamu na muzisuzi zibi, alimwi kutali munkondo na mubuzuba.¹⁴ Asi amuzwaate Mwaami Jesu Kkilisito, alimwi mutapi mweenya kunyama, kutazukizya zisusi zyayo.

14

¹ Tambula kufumbwa muntu mutete kulusyomo, kamutapi lubeta ataa akukazanya.² Umwi muntu ulalusyomo kukulya kufumbwa, awumwi mutete ulya chisyu kupela.³ Oyo ulya zintu zintu zyoonse atanyansi oyo ulyali; alimwi alakwe ulyali zintu zyoonse atabeteki oyo ulya zintu zyoonse. Nkambo leza wamatambula.⁴ Nduweni, iwe nobeteka mulanda wawumwi? Ezi zilikuli simalelo wakwe nkwayimvwi kana kuwida. Asi ulakonzya kwima, nkambo Mwami ulamukonzyezya kuti amwinike.⁵ Umwi muntu ulalemya limwi zuba kwinda limwi. Awumwi ulalemya mazuba onse mukwelene umwi awumwi ngabe akasimpe mumiyeyo yakwe.⁶ Oyo ubamba buzuba, ulibambilila Mwami; alimwi oyo ulya, ulyida Mwami, nkambo upabulumbu kuliLeza oyo ulyali, ulikachizizya kulya nkambo kaMwami, akulumbayizya Leza.⁷ Aboobo takwe wesi uliponera mwini, alimwi takwe ulifwida mwini.⁸ Anu kuti nkatupona tuponera Mwami, alimwi kuti twafwa, tufwida Mwami. Ninsya nkatupona kana kufwa, tuli baMwami.⁹ Akaambo kazezi Kkilisitu wakafwa alimwi wakapona lubo, kuti abe mwami wabo boonse bafwide alimwi abaabo bapona.¹⁰ Asi nywe, kambonzi nimubeteka munyokwe? Alimwi nywe kambonzi nimunyansya munyokwe?¹¹ Kaambo swe tuyoyima kuchuuno chalubeta chaLeza.¹² Nkambo kulilembedwe, "Mbili mbepona,"mbawamba Mwami, "kulindime mazwi ayofugama, alimwi ndimi zyoonse ziyowamba kuliLeza."¹³ Aboobo, umwi awumwi wesi uyopa makkani alangene anguwe kuliLeza.¹⁴ Aboobo, katutachibetekani, asi tuyeye ezi, kutabi ubika chilebyo kana kakole kumwenzinyina.¹⁵ Ndilizi alimwi me ndasungilizigwa muMwamiJesu, kuti takwe chintu chisalala achilike. Kupela kuloyo uyeya kuti nchibi, kuloyo nchibi.¹⁶ Ikuti nkambo kakulya munakwanu kula mutyola, tochendi muluyando. Utamujayi akulya kwako nkambo Kkilisitu wakamufwida.¹⁷ Kamutazuminini echo nchimuti nchibi chambwe bubi.¹⁸ Nkambo bwami bwaLeza tabwensi bwakulya na kunywa, pesi mbwabululami, lulumuno, alimwi akubotelwa muMuuya uSalala.¹⁹ Aboobo oyo ubelekela Kkilisitu munzila eyi ulatambulika kuliLeza alimwi ulazumininwa abantu.²⁰ Aboobo, atusungwalile zintu zyalumuno alimwi zintu ziyaka umwi awumwi.²¹ Mutajayi mulimu waLeza kumakkani akulya. Zyoonse zisalala, asi nchibi kumuntu ulya kufumbwa chintu chilebya mwenzinyina.²² Tachili kabotu kuti ulye nyama, kana kunywa wayini, kana kuchita chintu chileba munyokwe.²³ Lusyomo ndomulalo, alubambwe akati kanu aLeza. Uilongezegwe oyo utapi mulandu kulecho nchazumina.²⁴ Oyo udoneka ulalibeteka kuti walya, nkambo tachizwi kulusyomo. Alimwi choonse chitali chalusyomo nchibi.

15

¹ Lino swobo tubayumu tweede kunyampula bukompami bwabakompeme, alimwi tatweede kulibotezya tubeni.² Akube kuti umwi wesi aboteye simayake nyina nkambo nchibotu kuchita oobo. mukuti akakonzye kumuyaka.³ Nkambo mbubonya oobo Kkilisito mbwakatalibotezya lwakwe mwini. kunze kwakuti kube mbuli mbukulembedwe, "zitusi zyabaabo bakamutukide zyakawida alindime."⁴ Kulizyonse zyakalembedwe zyakalembedwe kuti zitupe malayilile ikuti kwinda mukusungwazigwa kwamalembe kuti tukabe abulangizi.⁵ Lino Leza wabuuya abusungwazi amupe muzeezo umwi awumwi mbuli muli Kkilisito Jesu.⁶ Amuchite eezi kuchitila kuti

amuzeeso umwi mukonzye kulumbaizya amulomo umwi wa Leza ataata wamwana wesi Jesu Kkilisito.⁷ Aboobo amutambule umwi awumwi, mbuli Kkilisito mbwakamutambula, mukuti Leza apegwe bulemu.⁸ Nkambo ndaamba kuti Kkilisito wakandichitya muzike wabupalule muchibaka chalusinizyo lwa Leza, mukuti tuzuminane zisyomezyo zyakapegwa basikale,⁹ akuti bamasi bakalumba izya Leza muluzyalo lwakwe. Mbuli mbukulembedwe, “aboobo ndiyokutembawula akati kabamasi akwiimba ntembawuzyo kuzina lyako.”¹⁰ Alubo lilaamba kuti, “mubotelwa, nywebo nobamaasi, antomwe abantu bakwe.”¹¹ Alimiwi, alumbayizigwe Leza, moonse nobamaasi; akube kuti bantu boonse bamulumbayizye.”¹² Alubo Isaya waamba kuti, “muyanda wajese uyosika, ooyo unyampuka akweende bamaasi. mulingue bamaasi bayooba abulangizi.”¹³ Lino Leza wabulangizi, amuzuzye lukondo alumuno mukusyoma, ikti munguzu zya Muuya Uusalala mukakkalile mubulangizi.¹⁴ Mebo ndemwini ndazuzikizigwa atala andinywe, nubakwesu. Ndazundikizigwa akuti nywebo nubeni muzwide buboto, akuzuzikizigwa aluzibo loonse. Ndazundikizigwa alubo, kuti mulakonya kulayilila amwi awumwi.¹⁵ Pesi ndamulembela chakumusngwazywa kapati atala azimwi zintu mukuti ndikamuyeezye lubo, nkambo kaluzyalo ndundipedwea Leza.¹⁶ Eechi chipo chakali chakuti ndibe mulanda wa Kkilisito Jesu uyootumwa kulibamaasi, kuti ndikabe mbuuli mupayizi wamakan mabotu a Leza, kuti chipeco chabamaasi chitambulikike, akusalazigwa a Muuya Uusalala.¹⁷ Muli Kkilisito Jesu ndilaacha kulikankayizya amuli mulimu wangu wa Leza.¹⁸ Pesi nsikonyi kilitakata kwamba atala achimwi chintu kunze kwazeozyo Kkilisito nzyakuzuzikizy mulindime mukuswilizya mukuswilizya kwabamaasi. Ezi zintu ziitwa ajwi anchito,¹⁹ Kwinda munguzu zyazitondezyo azigambyo, alimwi anguzu zya Muuya. Ezi zyakaba kuzwa ku Jelusalem, akuyunguluka kusika ku Ililikamu, kuti ndubweze bukwene mulimo wa Kkilisito.²⁰ Munzila eyi: chiyandisyo changu chalichakuti ndikanane makani mabotu, pesi kuteensi ooko Kkilisito nkawakazibinkene azina, mukuti nditakayaki atala antalisyo yawumwi muntu.²¹ Zili mbuli mbuzilembedwe: kulibaabo batakalinia kumvwa atala azyanguwe bayomubona, abaabo batana kumvwa bayomvvisisisa.²² Abobo ndakakachizigwa kwazyindi ziyingi lokokuti ndisike kulindinywe.²³ Pesi lino, tandidikwie busena pe mumasena aaya, alimwi ndali achiyandisyo kwamwaaka miinji kuboola kulindinywe²⁴ Ndilangila kuzomubona ndazoyinda oko kandiya ku Sipeyini, alimwi akugwasigwa andinywe mulweendo lwangu lwakuza ooko, alubo ndakondelwa kubandinywe kwachiindi chinini.²⁵ Pesi lino ndilikuya ku Jelusalem, kandikutawukila bantu ba Leza basalala.²⁶ Nkambo kwakalikubotezya kuti Makkedoniya a Akkaya kuchita tumwi tusangisangi twabachete akati kabamwi bantu ba Leza basalala bakkala mu Jelusalem.²⁷ Iyi, iwakali lukondo lwabo, alubo bali achikwelete eechi kulimbabo. Nkambo na bamaasi bapa zipo zyabo zyamumuuya, nchikwelete kuba Juda kuti babalongezye azintu zjatika.²⁸ Aboobo, kuti ndamaninsya mulimu ooyu akupedekezya muchelo ooyu kulimbabo, ndizoza ku Sipeyini kandinda kulindinywe kumuswaya.²⁹ Ndilizi kuti ndiozo kulindinywe ndiozo mukuzulila kwazilongezyo zyoonse zya Kkilisito.³⁰ Lino ndamusngwazywa nobakulana, mu Mwami wesi Jesu Kkilisito, amuluyando lwa Muuya, kuti mukakatilie antomwe andime munkombyo zyanukuli Leza kundikombela.³¹ Mukombe kuti ndikavunwe kuzwa kulibaabo bataswilizy mu Judiya, akuti kubelekela Jelusalem kwangu kukatambulike kubantu basalala ba Leza.³² Mukombe kuti ndboole kulindinywe mulukondo kwinda mukuyanda kwa Leza, alubo ikuti ime, antoomwe andinywe, tukajane kulyokezya.³³ Akube kuti Leza walumuno abe anywebo. Ameni.

16

¹ Ndamutumina Foyebbe muchizi wesu, mubeleki wa mbungano lili ku Sinkile,² kuti mutumtambule muMwami. Uzicheezi munzila yelede bantu baLeza basalala, alubo mumupe loonse lugwasyo ndwayanda kuzwa kulindinywe nkumbo wakali mugwasyi mupati kubiingi akulindiswe awalo.³ Juuzya Pulisila a Akwiyla, mubelesima muli Kilisito Jesu⁴ nkambo kabuumi bwangu bakapedekezya buumi bwabo. Ndipa kulumba kulibaabo, kutali andikke; pesi alubo ambungano zyoonse zyabamaasi.⁵ Juuzya imbungano ilimun'anda yabo. Juuzya Epanetasi uyanwa wangu ulingomuchelo mutanzi waEzyiya kuli Kkilisito.⁶ Juuzya Maliya, wakakubelekela changuzu.⁷ Juuzya Andilonikkasi a Juniya, wakuluzubo lwangu, alimwi musungwama. Bakalizibikene loko kubatumwa, alubo bakali muliKkilisito imw nkesina.⁸ Juuzya Ampuliyatas, muyandwa wangu muMwami.⁹ Juuzya Ubbanasi, babelekima muli Kkilisito, a Sitakkisi, muyandwa wangu. ¹⁰ Juuzya Afelesi, utambwidwe muna Kkilisito. Ujuuzye boonse ben'anda ya Alisitobbulasi.¹¹ Ujuuzye Helodiyeni, wakuluzubo lwangu. Ujuuzye boonse ben'anda ya Nakkisasi bali muMwami.¹² Ujuuzye Tayifana a Tayifosa, basimilo basungu muMwami.

Ujuuzye Pesisa uyandwa, wakachita mulimo mupati muMwami.¹³ Ujuuzye Lufasi, usalidwe muMwami, abanyina abaama.¹⁴ Ujuuzye Asiyikkitasi, Filegoni, Hemesi, Patilobbas, Hemasi, abanyina mbabalabo.¹⁵ Ujuuzye Filologasi aJuliya, Nelewusa muchizi wakwe, Oliyimpasi, a boonse baLeza basalala balaambabo.¹⁶ Mujuuzye umwi waumwi alumyonto lusalala. Zyoonse mbungano zya Kkilisito zilamujuuzya.¹⁷ Lino ndamusung-wazya, nibanama, kuti tuyeye atala ababo balikwanzyana akaleba. Balikwindilila njisyo njimwakayiisya. Amubafutatile.¹⁸ Nkambo bantu balimbulaaba tababekileli Mwana Kkilisito wesi, pesi matumbu aabo. Azyaambo zibungusene akuwupawupa beenena myooyo yabatakwe mulandu.¹⁹ Nkambo chitondezyo chakuteelela kwako kulasikila boonse. Ndilabotelwa, alubo anduwe, pesi ndiyanda kuti ube muchenjezi kulizeezyo zibotu, akutabaamulandu kulizeezyo zibi.²⁰ Leza waluumuno wapwaya Satani nsi amawulu ako. Luzyalo lwaMwami Jesu Kkilisito alubaayebo.²¹ Timoti, ngutubelekaawe, ulakujuzya, aLusiyasi, Jasoni, aSosipata, sinzuboma.²² Ime, Tetiyasi, iwakalemba lugwalo olu ansi, ndakujujuzya muMwami.²³ Galiyasi, mubutawukili wangu ambungano yoonse, balamujuuzya. Elasitasi, sinkomwe wadolopo, ulajuuzya, aKwatasi mwananayina.²⁴ Luzyalo lwaMwami wesi Jesu Kkilisito abe andinywe moonse. Ameni.²⁵ Lino kuliyoyo ukonzya kukuchita usime mbuli makani angu mabotu akompolola kwajesu Kkilisito, mbuli chiyubunizyo chensiiswa zyakasisikene kwachiindi chilamfu,²⁶ pesi lino lyakayubununwa lyachitwa kuti lizibikane kwiinda akulemba kwaba sinsimi kunyika zyoonse, akulayilila kwaLeza bwinibwini, mukweeta kuteelela kwalusyomo.²⁷ Kuliyoooy uchenjede Leza kwindilila ajesu Kkilisito, abulemu kutamani. Ameni.

1 Ba Kkolinto

¹ Pawulo, wakayiitwa aKkilisito Jesu kuti abe Mutumwa kwiinda mukuyanda kwaLeza, aSositesi mukwesu, ² kumbungano yaLeza iliku Kkolinto, abo bakasalazigwa muliKkilisito Jesu akwambwa kuti mbantu basalala, antoomwe aboonse bali mumasena oonse abayita zina lya Mwami Jesu Kkilisito, ulingonguwe Mwami waboandiswe. ³ Ngamube aluzyalo a lumunoluzwa kuli Leza Taata aMwami Jesu Kkilisito. ⁴ Ndilumba Leza nkambo kandinywe nkaambo kaluzyalo lwaLeza olo Kkilisito Jesu ndwakamupa. ⁵ Wakamuchita bavubi munzila zyoonse, mukwambula koonse aluzibo loonse, ⁶ alimwi mbuli bukamboni atala aKkilisito mbubwa boneka kuti mbwamasimpe akati kanu. ⁷ Aboobo tamubuli chipo chaMuuya mbumulindide chakulangila kuyubununwa kwaMwami wesu Jesu Kkilisito. ⁸ Uyoomuchita kuti mukasyome chakumaninina kusikila kumamanino, ikuti mutakabi amulandu mubuzuba bwaMwami wesu Jesu Kkilisito. ⁹ Leza ulisyomekede, wakamwita kuti mukabilane aMwana, Jesu Kkilisito Mwami wesu. ¹⁰ Lino ndamukumbila, nibakwesu, kwiinda muzina lyaMwami wesu Jesu Kkilisito, kuti moonse mulazuminana, akuti takuyoobi kupambukana antoomwe kamulamuzezo umwi amakanze amwi. ¹¹ Mbundakambilwa atala andinywe nobakwesu, kuzwa kubantu baKkuluzi ikuti kulukujatana akati kanu. ¹² Ndilikwamba eechi: umwi awumwi waamba kuti, "Ime ndili wa Pawulo," na kuti, "Ime ndili wa Apolosi," na kuti "Ime ndili wa Sifasi," na kuti "Ime ndili wa Kkilisito." ¹³ Ani sa Kkilisito ulipambukene na? Ani Pawulo wakagankamininwa ndinywe na? Ani mwaka bbabbatisiga muzina lyaPawulo na? ¹⁴ Ndilumba Leza kuti takwe ngundakabbabatizya pe, kunze kwa Kilisipasi aGayosi. ¹⁵ Eechi chakachitwa kuti kutabi waamba kuti mwakabbabatizigwa muzina lyangu. ¹⁶ (Alimwi ndakabbabatizya bang'anda yaSitefano. Kwiinda awo, tandikonzyi kuyeeya kuti kulisambi na mbindakabbabatizya.) ¹⁷ Nkaambo Kkilisito takandituma kuti ndika bbabbatizye pesi ikuti ndikakambawuke makani mabotu kutaamba amajwi abuchenjezu, mukuti chingano chaKkilisito chitakawubulwi nguzu zyacho. ¹⁸ Nkaambo makani achingano chaKkilisito mbufubafuba kulabo balimukunyonyoka. Pesi akati kabaabo bafutulwa, ninguzu zyaLeza. ¹⁹ Nkaambo kulilembedwe kuti, "Ndiyomwayisya busongo bwabasongo. Ndiyokonga kumvvisisya kwabachenjede." ²⁰ Ulikuli muntu musongo? Ulikuli mulembi? Ulikuli sikukazya wanyika eeno? Sa Leza takasandula busongo bwanyika kubufubafuba? ²¹ Nkaambo nyika mibusongo bwayo teyakamuziba Leza, Leza wakabotelwa kuti afutule abo basyoma kwiinda mbufubafuba bwakukambawuka. ²² Nkaambo majuda bakumbila zitondezyo zigambya baGiliki bayandula busongo. ²³ Pesi tukambawuka Kkilisto wakagankaminwa, Nchilebyo kumajuda alimwi mbufubafuba kulibaMasi. ²⁴ Pesi kulaabo Leza mbakayita, aantomwe bajuda abaGiliki, tukambawuka Kkilisito mbuli nguzu abusongo bwaLeza. ²⁵ Nkaambo bufubafuba bwaLeza bulayinda busongo bwabantu, alimwi kukompama kwaLeza kulanguzu kwiinda bantu. ²⁶ Amulange kwiita kwanu, nobakwesu teeboonse banu bakali basongo mbuli kunyama. Teeboonse banu bakali basinguzu. Teeboonse banu bakalizyedwe kabali bana babaami. ²⁷ Pesi Leza wakasala zintu zifubafuba zyanyika kuti awusye nsoni basongo. Leza, wakasala echo chikompeme munyika kuti akawusye nsoni echo chilanguzu. ²⁸ Leza wakasala echo chilansi alimwi chawuubulwa munyika. Alimwi wakasala zintu zitegwa takwe mbuzibede pe, kuti akazijosye ansi ezyo, zilangilwa kuti zintu loko. ²⁹ Wakazichita ezi kuti kutakabi nyama ilikankayizya kumembo lyakwe. ³⁰ Nkaambo kacheechi Leza nchakachita, lino mwaba muliKkilisito Jesu oyo utubeda busongo buzwa kuli Leza. Wakaba bululami bwesu, busalali, alununko lwesu. ³¹ Kuti kukabe mbuli mbukulembedwe kuti, "Na kuli ulikankayizya, alikankayizye muMwami Leza."

2

¹ Nindakaza kulindinywe, nobakwesu, tendakaza abunnone bwamulaka kana busongo awoo nindakopolola simpe lisisidwe ataala aLeza. ² Nkambo ndakasala kutaziba chintu awo nindakali andinywe mukubala nguzu amukuyowa, amukukankama. ³ Alimwi ndakali andinywe mukubala nguzu amukuyowa, amukukankama. ⁴ Alimwi mulayizyo wangu akukambawuka kwangu tekawakali amajwi akukombeleyza chabusongo. Pesi, akali achitondezyo chamuuya anguzu, ⁵ kuchitila kuti lusyomo lwenu talubi mibusongo bwabantu, pesi munguzu zyaLeza. ⁶ Lino twambula busongo mukati kabantu bazyikitide, pesi butali busongo bwanyika eeyi, kana bwendelezi bwalino, aboo bayobwinda. ⁷ Anukuti twambula abusongo bwaLeza musimpe lisisidwe, busongo

busisidwe oobo Leza mbwakali wabikka kunembo lyamyaka yabulemu besu.⁸ Takwe naba omwe wabendelezi balino wakachimvvisisisya, nkambo anoli bakachimvvisisisya, nikuli tebakamukankamina pe Mwami wabulemu.⁹ Pesi mbuli mbukulembedwe, "Takwe lisyo lyabona, takwe kutwi kwamvwa, takwe moyo wamuntu waziyandula eezyo Leza nzayabambilaboo bamuyandula."¹⁰ Pesi Leza wayibununa zintu eezi kulindiswe kwiindila muMuuya. Nkambo Muuya ulayandula zintu zyoonse, nikuba zintu zyaLeza zinikide.¹¹ Nkambo ngwani uzi mizeeza yamuntu ado woMuuya wamuntu nuuli anguwe? Nkoku aliwmi, takwe muntu uzi zintu zyaLeza zinikide ado wo Muuya waLeza.¹² Pesi tettwakatambula Muuya wanyika pesi Muuya ooyo uzwa kuli Leza.¹³ Twambule atala azintu eezi mumajwi akatayisigwa abusongo bwamuntu pesi aMuuya, kawupandulula zintu zyaMuuya kubantu baMuuya.¹⁴ Muntu utakwe Muuya tazitambuli pe zintu zyaku Muuya waLeza, nkambo nzayabufubafuba kuli nguwe. Takonzyi pe kuzimvvisisisya nkambo ziselezegwa aMuuya.¹⁵ Ooyo ulimuMuuya ngukonzya kweela zintu zyoonse, psi takonzeki kweela azimwi.¹⁶ "Nkambo ngwani ulikonyza kuziba kuyeya kwaMwami chakuti unga ulamulayilila? Pesi ulijisi muzeeso waKkilisito.

3

¹ Alimwi andime, bakwesu, tendalikunowambula kulindinywe mbuli bantu basimuuya, pesi biyo mbuli kubantu banyama, mbuli kubana baniini muliKkilisito. ² Ndakamusanna amakupa, pe pe chakulya chiyumu, nkambo temwalina libambilisa; nikuba lino tamuna kulibambilisa. ³ Nkaambo inywebo muchili munyama. Kaambo aali buzuba akukazanya akati kanu, tamulikupona mbuli basinyama, tamulikwenda mbuli kupona kwamubuntu na?⁴ Nkaambo umwi waamba kuti, "Nditobela Pawulo," alubo umwi waamba kuti, "Nditobela Apolosi," tamuli zilengwa zyabuntu biyo na?⁵ Ngwani mpo Apolosi? Ngwani Pawulo? Babelesi kwiinda mumulawu ngwakazumina, mbuli Mwaami mbakapa mulimu kuli umwi.⁶ Ndakabyala, alubo Apolosi wakatilila, pesi Leza nguupa kukomezya.⁷ Mpo lino, te ooyo uubyalya na utilila uli mbabede. Pesi nguLeza uupa ukomema.⁸ Lino ooyo uubyalya alubo uutilila mbamwi, alubo umwi uyootambula chaabilo chakwe mbuli kumulimu wakwe.⁹ Nkaambo tuli basimulimunyina aLeza. Mulimuunda waLeza, mayake aLeza.¹⁰ Mbuli kuluzyalo lwaLeza lwakapegwa ndime mbuli muyaki ukonzesy, ndakabika intalisyo alubo umwi ulayaka alinjiyo. Pesi muleke umwi uyeyesya Mbayaka alinjiyo.¹¹ Nkaambo takukwe uunga ulabamba ntalisyo imbi itali eeyo yakabikwa, kiili, Jesu Kkilisito.¹² Lino na umwi ulayaka aatala antalisyo a ngolide, nsiliva, mabwe ayandika, zisamu, makuba, matete,¹³ mulimu wakwe ulakuyubununwa, nkaambo buzuba buyobuyubununwa. Nkaambo uyooyubununwa mumulilo. Mulilo ulabweezya bube bwawumwi anzyakachita.¹⁴ Na mulimu wawumwi ukayimikile, ulakutambula chabilo;¹⁵ pesi na mulimu wawumwi wapya, ulakujana kuswekelwa, pesi we lwakwe uyofutulwa, mbuli uftufuka kwiinda mumulilo.¹⁶ Tamuzi na kuti muli tempele yaLeza akuti muuya waLeza ukkala muli ndinywe?¹⁷ Na umwi ulajaya tempete yaLeza, Leza ulamujaya muntu ooyo. Nkaambo tempele yaLeza ilasalala, alubo alwenu.¹⁸ Kutabi umwi uulyenyen. Na umwi wenu akati kenu uyeya kuti musongo muchiindi echino, mumuleke abe "mufubufuba" kuti abe musongo.¹⁹ Kaambo busongo bwenyika iino mbufubufuba aLeza. Kaambo kulilembedwe, "Ulajata basongo mubuchenjezu bwabo."²⁰ Alubo, "Mwaami ulizi kuti kuyeya kwabasongo nkwbuyo."²¹ Akaambo kacheechi kutabi umwi ulikankayizya mabantu. Zyonse zintu nzizyenu,²² do Pawulo, na Apolosi, na Kefasi, na nyika, na buumi, na lufu, na zintu ziliko, na zintu zichiza. Zyonse zintu nzizyenu,²³ alubo muli baKkilisito, alimwi Kkilisito ngu waLeza.

4

¹ Mbuboobu muntu mbwayelede kutubona, mbuli balanda ba Kkilisito ababanzu bakasimpe ka Leza kasisikene. ² Lino chiyandika kubabanzi nchakujanika mukusy-omeka. ³ Pesi kulindime nichintu chinini kuti ndibetekwe andinywe nikuba nkutaya abantu. Nkambo nsikwe nindili beteka ndemwini. ⁴ Taakwe luzibo atala alubeteko lwachitwa atala andime, pesi echo tachaambi kuti ndategwaa tandikwe kaambo. Oyo undibeteka ngu Mwami.⁵ Nkenkaako utambilizyi lubeta atala achimwi chintu kachitanasika chiindi, katanakubola Mwami. Uyoyeta kumumuuni zintu zisisikene zyamumudima akuyubununa makanze amoyo. Mpawo umwi awumwi uyotambula kulumbayizigwa kuzwa kuli Leza.⁶ Lino, noppakwesu, ndakabelesya malayilile aya kulindime ndemwini a Apolosi nkambo kandinwe, kuchitila kuti kuzwa kulindiswe inga mulayiyya kuti, "Utaakwindilili kuli zilembedwe." Eechi chili boobu kuchitila kuti kutabi umwi ulisumpula atala aluumwi.⁷ Ino ngwani uubona nikuba musiyano akati

kanduwe awumwi? Ninzi nchalacho eecho nchotatambwide? Ikuti wakachitambula, nkamboonzi nolikankayizya mbotatedi tewakachitambula? ⁸ Ikaale mwakali azyo zyoone nzimwali kunoyanda. Ikale mwababavubi! Mwakatanguna kwendelezya alubo akuba ampela kuzwa kulindiswe! Inchoonzyo, ndalikuyandisa kuti mwendelezye andinywe. ⁹ Nkambo ndiyeeya kuti Leza wakatubika ba Apositola akutondezya mbuli chakumanizya mumunchali, mukubambulula, ambuli balumi batongelwa lufu. Twaba chitondezyo kunyika - akuba anelo, akubantususu. ¹⁰ Tuli bafubafuba nkambo ka Kkilisito, pesi mulibasongo muli Kkilisito. Twateta, pesi mulibayumu. Mwajawata mubulemu, pesi twajawata mukubawulwa. ¹¹ Manedo kuchiindi echu tulenzala enyota, twazwata chabuchete, twawumwa, alimwi tatuchikwe myunzi. ¹² Tubeleka chenuzu nkaturebesya maboko eseu. Nitwatukilwa twalongezegwa. Nitupenzewa, tulakakatila. ¹³ Nitusampawulwa, tulambuuла chaluzyalo. Twachita biyo mbuli masifwinini biyo aanyika atombe lyazintu zyonse. ¹⁴ Tandili kulemba zintu ezi kukumufwisya bweeme pe, pesi kukumu chenjezya mbuli bana bangu bayandisi. ¹⁵ Aboobo nikuba kuti waba ezyuulu zilikkumi zyabasimalelo muli Kkilisito, tokwe bamawuso biingi pe. Nkambo ndakaba wuso wanu muli Kkilisito Jesu kwinda mumakanii mabotu. ¹⁶ Aboobo ndamusunwazya kuti mube basikutobeleya ndime. ¹⁷ Nchenchicho nchindaka mutumina Timoti, tuyandwi wangu amwana wanu usyomeka mu Mwami. Uyomuyeezya inzila zyangu muli Kkilisito, mbubonya mbuli mbundimuyiisya konse konse amumbungano zyonse. ¹⁸ Lino bamwi benu bakaba basikulisumpula, kabachitanga tandichibooli kuli ndinywe. ¹⁹ Pesi ndizoboola chakufwambana kulindinywe, naa kuti Mwami wayanda. Aboobo tandikwe kuyoziba majwi abuyo pe aboobo balisumpula, pesi ndiyobona nguzu zyabo. ²⁰ Nkambo ibwami bwa Leza tabuli bwakwamba biyo pesi munguzu. ²¹ Niinzi nchimuyanda? Sena ndize kulindinywe ankoli naa aluyando mumuuya muteteete?

5

¹ Twakamvwa mpuwo kuti mamambe akati kanu, musyobo wamalalane utazumizigwi akati kabatali bazumini. ² Mwalumi ulala amwanakazi wawisi. Mwafundikila! Sena tamuyelede kulila, kuchitila kuti umwi wachita chiito eecho agwisigwe kuzwa akati kanu. ³ Nikuba nsiko mumubili, mpundili mumuya. Ndapa kale lubeteko ali wumwi wachita echii, mbuli kubanga ndaliwo. ⁴ Kuti kamungene muzina lyaMwami wesi Jesu mpawo ndili andinywe mumuya aanguzu zyaMwami wesi Jesu mpuzili. ⁵ Mupe mwalumi oyu kuli dyabbulosi nkambo kakunyonyonwa kwanyama, kuchitila kuti muuya wakwe fufulubuzuba bwaMwami. ⁶ Kulisumpula kwako tensi kubotu. Tuzi na kuti kaswezyo kache kalafufumina chibunge? ⁷ Lisalazye lwako kuzwa kubuswezyo bukulukulu kuchitila kuti kuge chiwela chipya, chitakwe buswezyo, mbuli mbumubedie choonzyo. Kuli Kkilisito, kabelele kesu kakwindilila, kaka payigwa. ⁸ Lino atubotelwe pobwe, litakwe buswezyo bukulukulu, buswezyo bwazichito zibi aa buntu bubi. Pesi, atubotelwe aachibunge chitakwe buswezyo nchoozyo aa bwini. ⁹ Ndakamulembela mulugwalo lwangu mutavwelani abantu abasimamambe. ¹⁰ Kakutakwe nzila imbi nsyambi basibwamu bayino nyika, olo muunyu, silweeno, kana kuti basimamambe, kuzwa kukkanala kule ambabo tuyelede kuzwa kunyika. ¹¹ Lino ndamulembela kuti mutualivwelanganisyi amuntu uiyitwa kuti mukwesu pesi upona mumalalane, kana kuti muunyu na kuti sibwamu, na kuti simakanii alunyansano, na kuti mukolwi, na kuti silweeno. Mutualiy chihiyo amuntu ulibobu. ¹² Ndjinjalali kukubeteka abo bali aanze achikombelo? ¹³ Pesi, tuyelede kubeleka aabo bali aanze. "Gwasya muntu mubi kuzwa akati kanu."

6

¹ Kuti umwi ulakambo atala awumwi, ulayinka kumulawu na wabataluleme kwiinda kuti aye kubantu baLeza basalala? ² Tamuzi na kuti bantu baLeza basalala bayoobeteeka nyika? Kuti na katuyooobeteka nyika, sa tamukonzyi kukkazikwa twaambo tunini? ³ Tamuzi na kuti tuyooobeteka baangelo? kwiinda biyeni mpo, sa ngatulabeteka makani abuumi obu? ⁴ Kuti na kamuyoochita lubeta lweendelene abuumi bwamazuba onse, nkaambonzi nimutola twaambo kulibabo mbuli ooto kuli baabo balangilwa ansi mumbungano? ⁵ Ndamwambila eechi kuti ndimuusy nsoni. Takwe na umwi akati kanu musongo unga ulakonzya kukkazikzya twaambo kulibakwesu? ⁶ Pesi umwi mukwesu uya kumulawu atala awumwi mukwesu, alimwi kazi chitilwa kunembo lyabatasyomi pe! ⁷ Nkambo kakuti tuyisi kubetekana chanu chanu muzundidwe kale. Nkambo nimutake mwalipeda kuba babi? Nkambo nywebo nubeni nimutakwe mwalipeda kubbidwa? ⁸ alimwi muchita eezi kuli bamwi banu! ⁹ Tamuzi na kuti bataluleme tabakoyookona

Bwami bwaLeza? Muteenwi. Basimalalano, basikukomba mizimu, basibwamu, balumi baanu abo bakwatana chabo chabo,¹⁰ babba, batangala, bakolwa, basikutamikizya, abasikulyamaanu takwe akati kabo uyookona bwami bwaLeza.¹¹ Mbubaalibede bamwi banu. Pesi mwakasanzigwa, akusalazigwa, akululamikwa muzina lyaMwami Jesu Kkilisito aMuuya waLeza.¹² "Zyoonse zilimumulawu kulindime," Pesi teezyoонse zipa mpindu. "Zyoonse zilimumulawu kulindime" Pesi tandikwe kwakwendeelegzega nikuba achimwi chazyo.¹³ "Chakulya nchabula, alimwi bulu mbwachakulya" Pesi Leza uyoozimwayisyza zyoonse. Mubili tweesi wabwaamu, pesi mubili ngwaMwami Leza, alubo Mwami nguyooopa nziyanda mubili.¹⁴ Leza antoomwe wakabusya Mwami alimwi uyootbusya aswebo munguzu zyakwe. Tamuzi na kuti mibili yanu nzizo zyaKkilisito?¹⁵ Sa tulelede na kuti ndigwisye zizo zyaKkilisito akuziswanizya kubwamu? Kutabi mbuboobo!¹⁶ Tamuzi na kuti oyo uswanizigwa kumamambe ngawaba mubili umwi angewe? Mbili malembe mbwaamba kuti, "Bibili bayoobanyama imwi."¹⁷ Pesi oyo uswanizigwa kuMwami ulaba muuya umwi angewe. ¹⁸ Amuchije kumalalano! Kufumbwa chibi mutu nchachita chili kunze amubili, pesi malalano abisyia mubili wako numwini.¹⁹ Tamuzi na kuti mibili yanu nin'anda yaMuuya Usalala, upona mulindinye, ngumulaawo muliLeza? Tamuzi na kuti tamulibenu pe? Nkambo mwakawulwa amuulo.²⁰ Nkikaako ngamulumbayizye Leza amibili yanu amumuuya wanu nkambo nzizyakwe.

7

¹ Lino kumakani ngimwakandilemba, "Nchibotu kuti mwaalumi atagumi mwanakazi." ² Pele akaambo kamasonko anchito zyiingi zyamamambe, umwi awumwi mwaalumi weeledge kuba a mwnwakazi wakwe, alkwe mwanakazi abe a mwaalumi wakwe. ³ Mwaalumi weeledge kuzuzikizya mulimu wakwe akuba alulalano a mwanakazi wakwe, mbubonya oobo alakwe mwanakazi kumulimu wakwe. ⁴ Teensi mwanakazi uli abwaami kumubili wakwe, pele mulumi. Alimwi mwaalumi tajisi bwaami aatala amubili wakwe, pele mwanakazi nguujisi. ⁵ Mutakatazyanyi umwi awumwi, pele amuzuminane kuchita oobo zimwi zyiindi. Muchite oobo kuti mubike myoyo kukukomba. Eelyo mubole muswanane lubo, kuti Satan atamusunki nkaambo kakukachilwa kwantu kulijata. ⁶ Pele ndaamba makani aya miyeyo yangu pe pe mbuli mulayizyo. ⁷ Ndili kuyeya kuti woone abe mbuli ndime. Pele umwi awumwi uli achipo chakwe kuzwa kuli Leza. Umwi uli awoyu musyobo wachipo, awumwi uulya musyobo. ⁸ Kuli batakwtewe akuli bamukabafu ndamba kuti nchintu chibotu kuti bukkale kabatakwtewe mbuli ndime. ⁹ Pele kuti kabatakonzyi kulijata, baleelede kukwata na kukwatwa. Nkaambo nchintu chibotu kuti bakwate na kukwatwa kwiinda kufwa amunyamunya. ¹⁰ Lino kuli bakwete, ndamupa mulawu ooyu, - teensi ndime, pele nguMwaami: "Mwanakazi teeled kulekana amulumi wakwe." ¹¹ Pele waanzana amulumi wakwe, uleelede kukkanala katakwetwe kana kubwedelana a mulumi wakwe. ¹² Pele kuli boonse ndati - Ime, pe pe Mwaami - kuti mukwesu uli a mwanakazi utali muzumini, kuti kakkutisikene kukkanala angewe, teeledge kumuleka pe. ¹³ Kuti mwanakazi uli a mwaalumi utali utazumini, kuti kakkutisikene kukkanala angewe, teeledge kumuleka pe. ¹⁴ Nkaambo mwaalumi utazumini ulasalazigwa nkambo ka mwanakazi wakwe, alakwe mwanakazi utazumini ulasalazigwa nkambo kamunyina. Abalo bana benu nibatasalali, pele lino balasalala. ¹⁵ Pele kuti utazumini wayanda kweenda, muleke ayinke. Muchiimo chiliboo, mukwesu na muchizi taangidwe pe kuchikonke chabo. Leza watwiita kuti tukkale muluumuno. ¹⁶ Mbobuti mbokonzya kuziba, yomwanakazi, amwi uyoofutula mwaalumi wako? Na mbobuti mbokonzya kuziba, yomwaalumi, amwi uyoofutula mwanakazi wako?¹⁷ Nekubaboobo, mbuli kuti Mwaami wakapa umwi awumwi chibela chakwe, umwi awumwi mbuli Leza mbakamwiita. Ooyu ngumulayizyo wangu kumbungano zyoone. ¹⁸ Sa kufumbwa mutu wakali mupalulwe naktwa kukuzumina? Teeled kusoleka kuboneka katapalwidwe. Sa kufumbwa mutu wakatapalwidwe naktwa kukusyoma? Ooyu atapalulwi. ¹⁹ Teensi kuti kupalulwa na kutapalulwa nkukujisi makani. Chijisi makani nkuswilila milawu yaLeza. ²⁰ Umwi awumwi akkale mbuli mbayitwa aLeza kukuzumina. ²¹ Wakali muzike na Leza naakakiita? Utalikatazyi anzizo. Pele kuti kokonzya kwaangunuka kulaba mbubo. ²² Ooyu wakiita aMwaami kalimuzike ngumwaangunuke waMwaami. Mbubonya oobo, alakwe wakali mwaangunuke naktwa kukuzumina ngomuzike waKkilisito. ²³ Mwawulwa amuulo, mutachibi bazike babantu. ²⁴ Bakwesu, kufumbwa chiimo nchuwakabede nwakayitwa, umwi awumwi akkale aLeza. ²⁵ Lino kumakani abanakalindu, nsikwe mulawu uuzwa kuMwaami. Pele ndamupa miyeyo yangu mbuliumwi, muluse IwaMwaami, akuba uusyomeka. ²⁶ Nkaambo kaako, ndayeya kuti

nkaambo kamapenziaaboola, nchintu chibotu kumwaalumi kuti akkale mbwabede.²⁷ Sa ulangidwe kumwanakazi. Utazyanduuli kulekana. Kuti kwaangunukide kumwanakazi, utayanduuli mwanakazi.²⁸ Pele kuti wakwata, tobisizye pe. Pele aabo bachita balaja mapenzi miingi anyama, pesi ndayanda kumuvuna kuli zeezi.²⁹ Lino ncheechi nchingamba, bakwesu: Chiindi nchifwifwi. Kuzwa sunu kuya kunembo, aabo bakwete banakazi babe mbuli batakewete.³⁰ Abaabo balili babe mbuli batalili, abaabo basekelela babe mbuli batasekeleli, abaabo bwawula babe mbuli batavubide chintu.³¹ Abaabo babelesya zintu zyaansi batapangiki myoyo yabo kukubeleysa nzizyo. Nkaambo nyika chiimo nchilimulinchicho iya kumamanino.³² Ndayanda kuti mwaangunu ke mumakatazyo. Mwaalumi utakwete ulalikataziza zintu zyaMwaami, kuti abotezye Mwaami.³³ Pele mwaalumi ukwete ulalikataziza zintu zyaansi, kuti abotezye mukakwe -³⁴ ulaanzene. Musimbi utakwetwe ulalikataziza kuzintu zyaMwaami kuti asalale nikuba kumibili nikuba kumuuya. Pele mwanakazi uukwetwe ulalikankayiziza zintu zyaansi, kuti abotezye mulumi wakwe.³⁵ Aaya ndawamba kuti mugwasigwe, nsiyandi kubika kakole kulindinywe. Ndaamba aaya kuti kuge zyeede zibotu, mukalitakate kuMwaami kaatakwе lunyonyoko.³⁶ Kuti mpali uyeeya kuti tachitili munakalindu wakwe kabotu - kali munsi aaminyaka yakukwatwa - weelede kuchita mbayanda. Talimukubisa pe. Beelede kukwatana.³⁷ Pele mwaalumi uyima akujatisya mukati kamoyo wakwe, kuti katamanikide pele ulakonzya kweendelezya kuyanda kwakwe, alimwi kuti wayeya kuchita eezi mumoyo, akkale mbwabede, ulachita kabotu.³⁸ Elyo ooyo ukwata nakalindu ulachita kabotu, pele ooyo ulisalila kutakwata ulachita kabotu chakwiinda.³⁹ Mwanakazi ulaangidwe kumulumi wakwe nachipona. Pele mulumi wakwe aafwa, waangunu ke kukwatwa kufumbwa ngwayanda, pele kali muMwaami.⁴⁰ Pele mukuyeya kwangu nchibotu loko kuti ukkale mbuli mbabede. Alimwi ndayeya kuti ndili aMuuya waLeza.

8

¹ Lino atala azilyo zipayizigwa kuzikozyano: Tulizi kuti toonse tulijisi luzib. Iluzibo lulatutundumika, pesi luyando lulatuyaka. ² Na umwi muntu ueyeza kuti ulizi chimwi, oyo muntu tana kuziba mbuli mbwellede kuziba. ³ Pesi na umwi wayanda Leza oyo muntu ulaziba aanguwe. ⁴ Nkiinkako atala akulya kuzipayilizidwe kuzikozyano: Tulizi kuti chikozyano chili muli eeyi inyika nchabiyo ngwabiyo akuti takukwe Leza pesi umwi. ⁵ Nikuba kuti nkubali bakali bakali kutegwa mbaleza, nikuba kujulu naba ansi (mbuli mbubali bayangi "baleza" amubwini bwabo "bam"), ⁶ nikubabobo kulindiswe kuli Leza umwi biyo Taatesi, nkuzyakazwida zintu zyonse alimwi nutuponera swebo, amwami numwi Jesu Kkilisito, akwinda mulinuwe zintu zyonse zilapona, alimwi swebo tuponera kulinguwe. ⁷ Aboobo, kuti luzibo olu taluli kuli boonse. Pesi kuti, chimwi chindi bakali kukomba chikozyano, alimwi bakalya kulya oku mbuli chintu chakapayizidwe kuzikozyano. Miyeeyo ili sofwede nkaambo ilikompeme. ⁸ Pesi tensi kulya takukoyo twimikilila kuli Leza. Takukonzyi kubija na tetwalya zili mbubo na twalya. ⁹ Pesi amuchenjele kuti lwangunuko lwenu lutabi chilebyo kuli wabo bakompeme kulusyomo. ¹⁰ Nakuti tutedi umwi wakubona, ulaluzibo, ulokulya mung'anda yazikozyano. Sa temizeeo ikompeme kuti abe amanjeezezya kukulya zipayizigwa kuzikozyano? ¹¹ Nkambo kumwisisysisa kwanu atala abube bwazikozyano, oyo ukompeme wabunyina ngwakafwida Kkilisito, wanyonyoonwa. ¹² Nchincho, nchimubisizya bakwesu akujaya miyeyo yabo ikompeme, mukubisizya Kkilisito, ¹³ Nkinkaako, na kulya chaba chilebyo kumukwesu, nsikoyoolya limbi nyama, kuti nditawisyi mukwesu.

9

¹ Ani nsilimwangunuke? Ani nsili mutumwa? Te ndakamubona na Jesu Mwami wesi? ² Kuti nketalii mutumwa kulibwami, pele ndilinguwe kulindinwe. Nkambo inywe mulichitondezyo chabutumwa bwangu muMwami. ³ Echi nchili kwabilizyo changu kulabo bandi lungulula: ⁴ Tatukwe chelelo na chakulya alubo aunywa? ⁵ Tatukwe chelelo na chakwenda antomwe amukazi nyina, mbuli mbuba chita boonse batumwa, alubo bananyina baMwami, alubo aKefasi? ⁶ Na takuli Bbanabbasi andime abo batakwe chelelo chakubeleka? ⁷ Ngwani ubeleka mbuli silumamba ulifozya? Ngwani ubyalu munda wamasansa aboobo atalyi muchelo yawo? Kana ngwani wembela butanga aboobo katanywi malili kuzwa kubutanga? ⁸ Tandambi ezi zintu kazizwa kunguzu zyamuntu? Awalo mulawu tawambi obo na? ⁹ Nkambo kuli lembedwe mulawu waMozesi," mutamwangi mulomo musune ulyatuka miila." Alimwi musune na Leza ngwayanda. ¹⁰ Talikwambula atala andiswe na? Zyakalembewa ndiswe,

kaambo oyo ulima welede kulima abulangilizi, pele upola welede abulangizi bwa kwabana mubutebuzi.¹¹ Ikuti twakabyala zintu zyamuya akati kanu, zilindide na kuti tutyole zintu zijatika kuzwa kulindinywe?¹² Kuti bamwi bakali kuchita zyelelo kuzwa kulindinwe, swebo tatwelede zyindilide na? Asi tettwakayanda echi chelelo. Asikuti twaka kkakatila zintu zyoonse kuti kutabi chikachizya makani aKkilisito. Sa tamuzi na kuti abo bachita milimo yamunganda yaLeza bajana kulya kwabo munganda yaLeza?¹³ Sa tamuzi na kuti abo babeleka kuchipayilo babilana ezyo nzibatula echipayililo?¹⁴ Munzila njiyevo, Mwami wakalayilila kuti abo hakambawuka makani mabotu belede kujana zyakuli gwasya kumakani mabotu.¹⁵ Asi tendakayanda chimwi chezyelelo ezi. Alimwi nsilembeli kuti ndichitilwe chimwi chintu. Nizyakalikabotu mendifwe. Takwe mutnu uyondisampawula kukulikankayizya oku!¹⁶ Na kuti ndakambawuka makani mabotu, nsyelede kulisumpula, nkambo ndelete kuchita obo, alimwi maawe kuli ndime kuti tenda kambawuka makani mabotu!¹⁷ Na kuti ndachita chakuyanda, ndila mpindu. Asi kuti chakutayanda ndichila buanzi mbundakapegwa. Nimpindunzi yangu?¹⁸ Na kuti nekambawuka, ndipe vangeli katakwе mbadalo alimwi nsibwezi chelelo chizwide mumakani mabotu.¹⁹ Nikuba ndangunwidwe kulizyoonse, ndakaba muzike kuliboonse kuchitila kuti ndijane zyiingi.²⁰ Kuba Juda ndakaba mbuli mujuda, kuchitila kuti ndijane abo balimunsi amulawu. Ndakachita echi nikuba kuti nsilimunsi amulawu. (ULB ula: Ndakachita ezi ime lwangu nketali munsi lyamuwa. Magwalo achi Giliki echindi kalimache alubo kayandika albumwi bupanduluzi bwachindi asiya kunze munchali oyu.)²¹ Kulabo balenze amulawu, ndakaba mbuli umwiulanze amulawu, nekuba tendakali kunze amulawo waLeza lwangu asi kunsi amulawu waKkilisito. Ndakachita kuti kuchitila kuti ndijane abo balenze amulawu.²² Kuba teteete ndakaba muteteete, kuchitila kuti ndeete bateteete. Ndakaba zintu zyoonse kubantu boonse kuchitila kuti amwi anzila zimwi ndalikufutula bamwi.²³ Ndichita zintu zyoonse nkambo kamakani mabotu kuchitila kuti ndikabe achabilo muzyolwe zyamakani mabotu.²⁴ Tamuzi na kuti mumuzundano boonse bala chijana basikuchijana muzundano, asi omwe ngujana bulumbu.²⁵ Umwi awumwi uchijana welede kujiljata muzintu zyoonse. Balazichita kuti batambule musini umana, asi tulazichita kuti tutambule oyo utamani.²⁶ Aboobo mbubobu mbundichijana, mbuli utakwe utakwe makanze; mbubobu mbewuma, katalimbili uwuuma luwo.²⁷ Asi ndazunda mubili wangu alimwi nduuchita muzike, kuchitila kuti ndamana kukambawuka kuli bamwi, ime lwangu ntakajaniki abubi.

10

¹ Tandiyandi kuti mutazibi, bakwesu, kuti bamataatesu bakali munsi ajoba alimwi bakayinda mulwiz. ² Boonse bakabbabbatizingwa muli Mozesi mujoba alimwi amulwizi, ³ alimwi bonse bakalya chilyo chamuuya chikozyania. ⁴ Bonse bakanywa chakunywa chamuuya chikozyania. Nkambo bakanywa kubbwe lyamuuya elyo lyakabatobel, alimwi ibbweliyo lyakali Kkilisito. ⁵ Pele bonse bakabotelwa abiingi babo, alimwi mitunta yabo yakalisapeene munkanda. ⁶ Lino zintu ezi zyakali chitondezyo kuli ndiswe, kuti tutakabi abo bemuuzya zintu zibi mbuli mbubakeemuzya. ⁷ Mutabi basikukomba mituni mbuli bamwi babo mbubakabede. Echi chilobu mbuli mbukulembedwe, "Bantu bakakkala aansi kuti balye akunywa, alimwi kunyampuka kuti balisenie." ⁸ Tutachiti bwamu, mbuli biangi babo mbubakachita, muzuba limwi, zyulu zyamakumi abili azitatu zyabantu bakafwa nkambo kanchicho. ⁹ Tutabiki Kkilisito mukusunkwa, mbuli biangi babo mbubakachita alimwi bakanyonyoonwa anzoka. ¹⁰ Alimwi mutangunguni, mbuli bingi babo mbubakachita alimwi bakanyonyoonwa amungelo walufu. ¹¹ Lino ezi zintu zyakachitika kuli mbabo mbuli chitondezyo kuli ndiswe. Zyakalembewla kuti lube lulayo kulindiswe - kuli ndiswe abo mamamino achind ngasikilide. ¹² Nkambo kaako kufumbwa ani ueyea kuti ulimvwii alangisisye kuti atabi nawu. ¹³ Takwe musunko umusikila atali ayo azibinkene kubantu boonse. Pele, Leza ulisyomekede. Takaoyomuzumizya kuti mukasunkwe zyiinda munguzu anu. Kusunko uyobikkia inzila yakulizwa yo, kuchitila kuti mukakonzye kulyiminina. ¹⁴ Nkambo kako nobayandwa bangu, amuchije kuzwa kukukkomba mituni. ¹⁵ Imebo ndiwambula kulindinywe mbuli bantu bali akumwwisisya, abobo mulakonzya kulangisisya nzindaa. ¹⁶ Ikanyiwido kazilongezyo ako nkitalongezya, sena takali kakwabilana mubulowa bwa Kkilisito? Chinkwa nchitukwamuna tachili chakwabilana mumubili wa Kkilisito? ¹⁷ Nkambo kuli chinkwa chimwi, iswe nituli bingi tuli mubili umwi. Toonse tutola kuchinkwa chimwi antoomwe. ¹⁸ Langa kubantu bakwa Izilayeli. Tabali abo balya zipayizyo bali achakuchita achipayililo? ¹⁹ Ndokwambanzo mpo? Kuti chikozyanio nchimwi chintu? Nanka kulya kupayizigwa kuchikozyanio nchimwi chintu? ²⁰ Pele ndikwamba

atala azintu bamaasi nzibapayila, kuti batula zintu ezi kumadimon i kutali kuli Leza. Tandiyandi kuti mube azyakuchita amadimon! ²¹ Tamukonzi kunywa kanywido ka Mwamiakanywido kamadimon i. ²² Naa tudyokola Leza kubuzuba? Tulamanguzu na kwinda mbwabede? ²³ "Choonse chintu chilazumizigwa," pesi tazili zyonse zintu zigwasya. "Chonse chintu chilazumizigwa," Pele tensi chonse chintu chiyaka bantu. ²⁴ Takwe muntu uyelede kuyandula chigwasya nguwe luzutu. Asi, umwi awumwi uyelede kuyandula chigwasya ngwayakilene anguwe. ²⁵ Ulakonzya kulya chonse chuzigwa kuchisambalilo kotabuzyi mibuso yakulilya mumizezo. ²⁶ Nkambo nyika nja Mwami alimwi abuzulilo bwayo." ²⁷ Na utasyomi wakutamba kukulya chilyo, alimwikoyanda kwinka, lya kufumbwa chabikwa kunembo lyako kotabuzyi mibuso yakulilya mumizezo. ²⁸ Pele na umwi wamba kuti kulinduwe, "Echi chatuulwa kuchipayizo," elyo utachilyi. Kuchitila yooyo wakwambila webo, alimwi akambo kamiyeeyo yakulilya - ²⁹ Amwi mabbuku achindi alamalembe achi Giliki alayungizya aya, nkambo nyika azyonse zintu zilimumo nya Mwami. Pele mabbuku ayinda achindi amalembe achi Giliki tajisi ezi pe. Bingi basichikolo babona kuyungizya mbuli kwindulula munchali. Kulilya kwawumwi muntu, ndikwamba, alimwi chitali chako. Ino nkambonzi kulyendelela kwangu nikubetekwa akulilya kwawumwi? ³⁰ Na ndalya chilyo amoyo usalala, nkambonzi imebo nentukililwa echo nchindapeda kulumba? ³¹ Nkambo kako, naa walya kana kunywa, kana kufumbwa nchochita, kochita zyonse kuti kube bulemu kuli Leza. ³² Utajapi mulandu kuba Juda akuba Giliki, nikuba kumbungano ya Leza. ³³ Munzila ikozyenie ndeezya kubotezya bantu boonse muzintu zyonse. Tandiyanduli zindigwasyalwangu, pele ezyo zyabiingi. Ndilachita echi kuti antela bayinofutuka.

11

¹ Amwiye ndime, mbuli mbwendi sikwiya wa Kkilisitu. ² Lino ndilamulumbayizya nkambo mulajatisisa kutunsiyansiya mbuli mbondakamwambila. ³ Lino ndiyanda kuti mumvuwisyi kuti Kkilisitu nguwe mutwe wamwanakazi akuti Leza mutwe wa Kkilisitu. ⁴ Kufumbwa mwalamu ukomba nekuba kusinsima kavumbide kumutwe wakwe wawubula mutwe wakwe. ⁵ Pesi kufumbwa mwakanakazi ukomba nekuba kusinsima kavumbide mutwe wakwe ulawubula mutwe wakw. Aboobo chilikozyenie akuti mutwe wakwe wakululwa. ⁶ Nkabela kuti mwakanakazi tavumba mutwe wakwe, uleelede kugela masusu aakwe afwimpe. Na chitawusisa insoni kuti mwakanakazi agele masusu naa kukululwa mutwe wakwe, avumbe mutwe wakwe. ⁷ Nkabela mwalamu tayeledere kuvumba mutwe wakwe, nkambo kakuti nchikozyanisyo chabulemu bwa Leza. Pesi mwakanakazi mbulemu bwamwaalumi. ⁸ Nkambo mwalamu takalengwa kuzwa kumwanakazi. Anukuti mwakanakazi wakalengwa kuzwa kumwalumi. ⁹ Nkabela teensi mwalamu wakalengelwa mwakanakazi. Anukuti, mwakanakazi wakalengelwa mwalamu. ¹⁰ Nchenchicho mwakanakazi nchayelede kuba chitondezyo chabulemu amutwe wakwe, nkambo kabaangelo. ¹¹ Nekubaboo, mu Mwami, mwakanakazi taponi chakulyiminina katakwe mwalamu, naba mwalamu taponi chakulyiminina katakwe mwakanakazi wakwe. ¹² Mbuli mwakanakazi mbwazwa kumwalumi, alakwe mwalamu uzwa kumwanakazi. Alimwi zintu zyonse zizwa kuli Leza. ¹³ Amulibeteke nobeni: Saa chililuleme kuti mwakanakazi kakomba kuli Leza amutwe wakwe kutavumbidwe? ¹⁴ Saa bulenwe bwanu tabumuiysi kuti naa mwalamu waba amasusu malamfu, nkutalemekwa kwakwe? ¹⁵ Bulengwe bwanu tabumuiysi naa kuti mwakanakazi aaba amasusu malamfu, mbulemu bwakwe? Nkambo masusu akwe akapegwa kulinuwe mbuli chilivumbyo. ¹⁶ Pesi kuti umwi wayanda atala azeesi, tatukwe nechiba chimwi chaanza, neziba mbungano zya Leza. ¹⁷ Pesi mumalayilile atobela, tandikonzyi kumutembawula. Nikuba nemubungana, tensi nkvakubotya pesi nkvakubisya. ¹⁸ Nkabela lutanzi, ndilamvwya kuti nemuswanana mumbungano, kuli mipampo mipampo akati kanu, alimwi mubuche ndilasyoma. ¹⁹ Nkenkaako kulelede alimwi tubunga tubuna akati kanu, kuchitila kuti abo bakalomesegwa ngabala libonia akati kenu. ²⁰ Nkenkaako nemubungana, tensi nchilyo chamwami nchemulya. ²¹ Nemulya, awumwi awumwi ulya kulya kwakwe mwini bamwi kabatana kujana chilyo chabo. Umwi waba anzala, alimwi umwi wakolwa. ²² Tamukwe maanda na mukalye akunywida mukati? Mulasampawulana imbungano ya Leza akulangilila aansi abo batake nzebalazyo? Ngambe buti kulinidinywe? Ndimutembawule na? Nsikomutembawula nkambo kazeezi! ²³ Eleyo ndakatambula kuzwa ku Mwami makani ngendakamusila, kuti Mwami Jesu, mansiku nakaabwa, wakatola chibune. ²⁴ Musule akupa kulumba, wakachikwamuna akwamba kuti, "Oyu mubili wangu, nonguwe wenu. Muchiite obu kukundiyeya ndime." ²⁵ Mbubonya obo wakatola nkomeki musule achilalilo, alimwi wakati,

"Eyi nkomeki nchizuminano chipya chabulowa bwanu. Amuchite boobo muzyindi nemubunywa, kuti mukandiyeeye." ²⁶ Kuchindi choonse nchemulya echi chibunge akunywa eyi nkomeki, kamuyeyea lufu lwa Mwami mane akaboole. ²⁷ Nkabela, oyo, uulya chibune nawanywa inkomeki ya Mwami munzila italuleme uyoba amulandu wamibili abulowa bwa Mwami. ²⁸ Muleke muttu alilingule lwakwe chakusanuna, alimwi muleyi inzila amumuleke alye chibune akunywa munkomeki. ²⁹ Alakwe oyo uulya akunywa katalililinguli mibili walya akunywa lubeta kulingue mwini. ³⁰ Nkenkako biangi akati kanu mulamana manguzu akuchiswa, alimwi bamwi benu bafwa. ³¹ Pesi kuti twalilingula tobени, tatukoyo betekwa. ³² Pesi elyo notubetekwa a Mwami, tulululamikwa, kuchitila kuti tutakabetekwa anyika. ³³ Nkeenkako, nobakwesu, nemuswanana antomwe kukulya, amulindane. ³⁴ Naa umwi wenu wafwanzala, mumuleke akalye kumunzi, kuchitila kuti nemuswanana antomwe kutakabi kwalubeta. Alimwi atala aamwi makani ngemwakalemba, ndiyomupa malayilile elyo ndasika.

12

¹ Ataala azipego zyamuuya, nobakwesu, nsiyandi kuti mubule luzibo. ² Mulizizi kuti nimwakatali kusyoma Mwami Leza, mwakali kwenzegwa munzila ziswekede kumituni yakatali kwambul, munzila kufumbwa nzemwakali kwenzegwa aazyo. ³ Aboobo njanda kuti muzibe kuti takwe muttu uwambuzigwa a Muuya wa Leza ukonzya kwamba kuti, "Jesu mutuke." Takwe ukonzya kwamba kuti "Jesu Mwami," ado Muuya Uusalala. ⁴ Lino kuli zipego zisiyene, pesi Muuya ngumwi. ⁵ Kuli milimo isiyene siyene, pesi Mwami ngonguwe, ⁶ alubo kuli kwaandana kwamisyobo yamilimu, pesi nonguwe Leza ubeleka zyonse mili zyonse. ⁷ Lino kuli umwi awumwi kulipedwe chimo cha Muuya kuti kugwasigwe boonse. ⁸ Nkambo kuli pedwe ku Muuya ijwi lyabusongo, mpawo kuli umwi ijwi lyaluzibo a Muuya omwe. ⁹ Kuli umwi kuli pedwe lusyomo anguwo Muuya, alimwi kuli umwizipo zyakuponesya anguwo Muuya omwe. ¹⁰ Kuli umwi kuli pedwe milim uayuchita zigambyo, mpawo kuli umwi businsimi. Kuli umwi ulipedwe kukonzya kusiyanisa misyobo yandimi, mpawo kuli umwi kupandululwa kwandimi. ¹¹ Ezei zyonse milimu ya Muuya omwe biyo, kupa zipego kuli umwi awumwi, mbuli mbwasala. ¹² Nkambo mubili mbuli umwi mpawo nkujisi zizo zyiingi mpawo zizo zyonse ezi nzyamibili omwe, mbuboobo mbukubede a Kkilisito. ¹³ Nkambo a Muuya omwe twaka bbabbatizigwa mumubili omwe, nibaba ba Juda nanka ba Giliki nibaba bazike na balubusi, aawo bonse bakachitwa kuti banywe ku Muuya omwe. ¹⁴ Nkambo mubili tensi chizo chomwe pe, pesi nzyiingi. ¹⁵ Ikuti kuulu kwati, "Nkambo kakuti nsili mutwe, aboobo nsilichizo chamubili," tensi nchimpanzi chinini pe chamubili. ¹⁶ Na kuti ikutwii kwamba kuti, "Nkambo kakuti nsili linso, nsilichimpanzi chamubili," tensi nchiminii pe chamubili. ¹⁷ Ikuti mubili wonse lyaba linso, chimpanzi chakumvwa chilazwayi? Kuti mubili wonse kakuba kutwi, chimpanzi chakumvwabwema chalikuno zwayi? ¹⁸ Pesi Leza wakabika chimpanzi chimwi achimwi chamubili mbuli mbwakayanda. ¹⁹ Kaansinga kaziba chimpanzi chomwe, mubili nulikuli? ²⁰ Aboobo linobu kuli zimpanzi zyiingi, pesi mubili ngumwi biyo. ²¹ Iliso talikonzyi kwamba kuti kukuboko, "Nsikwe mupundulo anduwe." Nanka mutwe kuti utedi kumawulu, "Nsikwe mupundulo anduwe." ²² Pesi zimpanzi zyamibili zilangika kukompama azilazyo zilamulimo, ²³ alimwi azimwi zipanzi nzituyeyela kuti tazilemekwi, tuzipe bulemu bupati, aboobo bamwi besu batakwae chiiwa chitambulika babe abulemu bwini. ²⁴ Lino bamwi besu balachiwa chitambulika tabakwe ziyandisyo zilobu. Kwindilila, Leza wakachita mubili, nkapa bulemu bupati kuzimpanzi zitakwaabo. ²⁵ Wakachita ezi kuchitila kuti kutabi kwaanzana mumubili, pesi kuti zimpanzi eezi zigwasyanie amabonenio ayelene. ²⁶ Kuti na chimwi chimpanzi chaba epenzi, zyonse ina zyabamupenzi; na chimwi chalemekwa, zyonse zimpanzi zilabolera antomwe. ²⁷ Lino muli mubili wa Kkilisito elyo umwi awumwi nchimpanzi chawo. ²⁸ Alimwi Leza wakabikka muchikombelo lutanzi batumwa, bachibili mbasinsimi, bachitatu mbaysi, mpawo ababo bachita maleele, mpawo zipo zyakuponia, abaabo bagwasizya bamwi abo bachita milimu yabwendelezi, abaabo baala misyobo myiingi yendimi. ²⁹ Bonse mbatumwa na? Mbasinsimi na boonse? Bonse mbayiisyi na? Bonse bachita maleele na? Bonse bachita milimu igambya na? ³⁰ Bonse balazipego zyakuponia na? Bonse baambula myaambo na? Bonse bala pandulula na myaambo? ³¹ Musungwalile kuyandula zipego zipati. Pesi ndiyomutondezya inzila imbotu loko.

13

¹ Nikuba kuti ndaambuula mundimi zyabantu azyabangelo. Pesi kuti kanditakwe luyando, nooli ndaba mulangu usabila naanka chisaka chichokola chokola. ² Nikuba kuti

ndachita chabusinsimi achakumvvisisisya toonse tusimpi tesisidwe aluzibo, mpawo akuba aaloonse lusyomo lwakunyampula zilundu. Pesi kuti kanditakwe luyando, nsichili chintu. ³ Alubo nikuba kuti ndapa boonse bувуби bwangu kukusanina bafwaba, akuti ndapeda mibili wangu kukuyotetwa. Pesi kuti kanditakwe luyando, takwe nchindijana. ⁴ Luyando lulabulindizi amuuya. Luyando taluli munyono mpawo talulidundizy. Talulisumpuli. ⁵ Na chinguni. Talulilangilili chintu. Taluliniakidwe, na kulondola twaabmo twabubi. ⁶ Talubotelwi mububi nakuti, kubotelwa mubwini. ⁷ Luyando lunyampula zyoonse zintu, lusyoma zyoonse zintu, lulangilila zyoonse zintu mpawo lulakakatila kuli zyoonse zintu. ⁸ Luyando talumani. Nikwali basinsimi, zyalinooyinda. Nikwali myaambo yalikuyoomana. ⁹ Nitwali luzibo, luyooyinda. Mboli mbutuzi mubuche mpawo tusinsima mubuche. ¹⁰ Pesi eelyo bululami nibwaayoosika, oobo butazulilide buyooyinda. ¹¹ Nindakachilli munini, ndakalikwambuuula mbuli munini, ndalikuyeya mbuli munini, ndalikubuyania mbuli munini. ¹² Nindakazooba mupati, ndakabikka kule zintu zyabunini. Mboli mbutubona chakutilulama muchiboniboni, pesi kumeso akumeso. Lino ndizi mubuche, pesi eelyo ndiyooziba bumaninide mbuuli mbezipedwe bumaninide. ¹³ Pesi lino eezi zintu zitatu zisyeede: Lusyomo, bulangilili mpawo aluyando. Pesi chipati loko kuli Leza nduyando.

14

¹ Fundumanina luyando alimwi unangatile kukujana zipo zyamuuya, kapati nkukuti ukonzye kusinsima. ² Nkambo ooyo uwambula mululimi tawambuli abantu pesi uwambuuila a Leza. Nkambo takwe umumvvisisyua nkambo uwaambula zigambyo zyamumuuya. ³ Pesi oyo usinsima wambuula abantu kuti aba yake, kubasimya akubawonga. ⁴ Ooyo wambula mululimi uliyaka lwakwe, pesi oyo usinsima uyaka mbungano. ⁵ Lino ndipeekezya kuti anoli moonse mukonzya kwambuuula mundimi. Pesi nikuba kwinda ezyo, ndali kupeekezya kuti kansiinga mwali kusinsima. Oyo usinsima mupati kwinda kwinda ooyo uwambula mundimi (ado umwi wapandulula kuchitila kuti imbungano ijane luzibo). ⁶ Pesi lino, nobakwesu, kuti ndeza kulindinywe nke-wambula mundimi, ngandamugwasya biyen? Takwe pe, adokuti ndambula andinywe akuyubununa, na aluzibo, na businsimi, na kuyiisya. ⁷ Muli njiyeyo inzila, awo zibelesyo zitaponi nizichita muyoliyoli mbuli muiteetele kana kantimbwa kuti tezasiyana ndililo, umwi muntu nga ulaziba biyeni kuti ndwimbonzi lulikulizigwa amuteetele kana kantimbwa. ⁸ Nkambo kakuti inyele yasibwa akalizyo katazibinkene, umwi muntu nga ulaziba buti kuti chaba chindi chakubambilka inkondo? ⁹ Njimwi inzila anduwe nowambula mundimi. Kuti waamba zyambo zyakubulunguzya, zilamvvisisigwa biyeni zilimukwambwa? Unoli kowambula muluwo biyo. ¹⁰ Chilizibinkene kuti kuli milaka myiingi isiyene siyene munyika, aboobo tuwoo pe utakwe nchuwamba. ¹¹ Pesi kuti nkesizi mulaka nchuwamba, ndinoli muzwakule kuli oyo sikuwambula, alubo sikuwambula unoli muzwakule kuli ndime. ¹² Nkokuti chili kuli nduwe. Mbulikuti ulachiyandisyo chakuyubununwa kwamuuya, yanduula kuyungizigiza kwambungano kuchitila kuti muvule. ¹³ Nkokuti oyo uwambula mundimi welede kukombela kuti akonzye kupandulula. ¹⁴ Nkambo kuti ndakomba mundimi, imuuya wangu ulakkomba, pesi mizeezo yangu inooli tayikwe michelo. ¹⁵ Ndicheetenzi? Ndilakomba amuuya wangu, pesi ndilakomba alimwi amiyeyeo yangu. Ndiyoyimba amuuya wangu, alimwi ndinoyimba amizezo yangu. ¹⁶ Anolikuti, na walongezya Leza amuuya, muntu wakunze ulaamba biyeni kuti "Amen" aawo nolikupa kulumba kuti kotazi nzli kwaamba? ¹⁷ Nkambo chanchonzyo ukwizi loko kupa kulumba, pesi umwi muntu tabumbikene. ¹⁸ Ndilumba Leza kuti ndilamwindha monse kwambula mundimi. ¹⁹ Pesi mumbungano chili kabotu kuti ngambuule majwi musanu muku mvvisisisa kwangu kuchitila kuti ndikonzye kulayilila bamwi, kwinda kwamba kkumi lyamajwi mundimi. ²⁰ Nobakwesu, tamubi bana mukuyeeya kwenu. Chilabota kuti, kuzibi mube mbuli zisukasuka. Pesi kukuyeeya muzikitizye chipati. ²¹ Mumulawu kulilebedwe kuti, "Kwindilila kubantu bandimi zita zibinkene akumilomo yamazwakule ndiyowambula kubantu aaba. Nikuba obo tabakoyo ndimvwa," mbwawamba Mwami. ²² Nkokuti lino, indimi nzitondezyo, pepe kubasyomi, pesi kuli batasyomi. Pesi businsimi mbwa chitondezyo, peepe chabatasyomi, pesi chabasyomi. ²³ Na, kakuli boobo, imbungano yoonse yaza aamwi alimwi boonse baambula mundimi, alimwi ibazwa kunze abatasyomi banjila, tabakombi kuti muli pengede na? ²⁴ Pesi anoli moonse mwali kusinsimi alimwi utasyomi na oyo uuzwa kunze kanjila, wali kunotusika kuli zyonse nzyali kumwy. Zyonse zyali kunowambwa zyali kunomubeteka. ²⁵ Insiwa zyamumoyo wakwe zyali kunobbusigwa. Mboli chitondezyo, wali kunowa kavundama akukomba Leza. Wali kunopa bukamboni kuti nchoonzyo Leza mpali akati kenu. ²⁶ Niinzi chitobelaa

bakwesu? Nimubungana, awumwi uli antembawuzyo, injiisyo, chiyubunuzyo, indimi, kana bupanduluzi. Amuzichite zyonse kuchitila kuti tuyake imbungano.²⁷ Ikuti imwi wambuula mundimi, ababe bibili kanakuti batatu, batobelane umwi awumwi, alimwi kwelede kuti umwi apandulule zilimukwambwa.²⁸ Pesi kuti kakutakwe uupandulula, boonse abo ngabawumune biyo mumbungano. Kube kuti umwi awumwi alyambwide lwakwe mwini kuli Leza.²⁹ Akwambuule basinsimi bobile kana batatu bamwi baswilizye akutobeleyza zilikwambwa.³⁰ Pesi kuti kwaba chiyubunuzyo kuli umwi uukkede, wakusanguna ngawumune.³¹ Nkambo monse mulakonza kusinsima umwi awumwi kuchitila kuti umwi awumwi ayiiye alimwi bonse basungwazigwe.³² Nkambo myuuya yabasinsimi ilangene abasinsimi.³³ Nkambo Leza teensi ngu Leza walunyongano, pesi ngwa lumuno. Oyui ngomulawu wambungano zyoonse zyabantu ba Leza basalala.³⁴ Banakazi belede kuba chumunizi mumbungano. Nkambo kakuti tabazumizigwi kwambula. Anukuti, belede kulibombya, alimwi nkambo mulawu mbuwamba.³⁵ Kuti kakuli chimwi chintu nchibayanda kwiiya, ngababuzye balumi babo kumyunzi yabo. Nkambo chipa mawuse kuti mwanakazi awambuule mumbungano.³⁶ Ijwi ly Leza lyakazwa kuli ndinywe na? Lyakasika kulindinywe amulikke na?³⁷ Kuti kuli uyeya kuti musinsimi na kuti uli a muuya, ulede kubbusa kuti zintu nzindamulembela amalayilile a Mwami.³⁸ Pesi kuti kakuli umwi utazitambuli eezi, alakwe atatambuliki.³⁹ Nkokuti, bakwesu, amube achiyandisyo chukusinsima, alimwi tamukasyi umwi kukwaambula mundimi.⁴⁰ Pesi amuchite kuti zyonse zintu zichtitwe kabotu akubambikana munzila mbotu.

15

¹ Lino ndayanda kuti kuzibikane akulindinwe, nobakwesu, makani ngindakamwambila alimwi ngimwimikilide.² Alimwi ngimufutulwa awo, na mwajatisya majwi ngindakamukambawukila, kunze kwakuti mwakasyoma chitawo.³ Nkambo ndakamwabila nhindakatambula lutanzi, ikuti Kkilisito wakafwida zibi zyesu mbuli malembe mbwaamba,⁴ ikuti wakazikwa akuti wakabusigwa mubuzuba bwatatu mbuli malembe mbwaamba.⁵ Kkilisito wakalibonya kuliSifasi, akuli balikumi;⁶ mpawo wakalibonya kulibakwesu balimyanda musanu kuchindi chimwi. Bayingi babo bachili bawumi, pesi bamwi bakafwa.⁷ Mpawo wakalibonya kuliJemusi akubatumwa boonse.⁸ Kumamanino azyonse, wakalibonya kulindime, kukabunga mbulimuntu wakazyalwa kalimbewelule.⁹ Nkaambo ndime munini wabo boonse batumwa. Tandelede kwamba kutegewa mutumwa nkambo ndakapenza mbungano yaLeza.¹⁰ Pesi nkambo kaluzyalo lwaLeza ndili nzindilinzizyo, alimwi luzyalo lwakwe mulindime te lwakaba lwabuyo pe. Pesi ndakabeleka changuzu kwinda boonse. Asi kakutensi ndime pe, pesi nduyalo lwaLeza olo lulandime.¹¹ Nkikako na ndime na kuti mbabo, twaka kambawuka alimwi mwakasanduka.¹² Lino na kula kambawukwa kuti Kkilisito wakabusigwa kuzwa kubafu, lino nkambonzi bamwi banu nibamba kuti bubuke bwabafu?¹³ Pesi na takwe bubuke bwabafu, chamba kuti olo Kkilisito takwe nakabusigwa kubafu.¹⁴ Alimwi na Kkilisito tabukide kubafu, nnikako kukambawuka kwesu nkwbabuyo, alimwi lusyomo lwasu ndwabuyo.¹⁵ Alubo, tulajanika katuli bakamboni bakubeja atala aLeza, nkambo twakapa bukamboni bwakutti Leza wakamibusya Kkilisito kuzwa kubafu. Pesi katamubusizye pe, na ndisimpe kuti bafwide tababukide pe.¹⁶ Nkambo na bafu tababukide, alakwe Kkilisito takabukide pe.¹⁷ Alimwi na Kkilisito tabukide, lusyomo lwanu ndwabuyo alimwi muchili muzibi zyanu.¹⁸ Chaamba kuti abo bafwa muliKkilisito abalabo bakafwidilila.¹⁹ Kuti kakulikuti bulangizi bwesu bulimuliKkilisito, kubantu boonse twelede kufwidwa insoni.²⁰ Pesi lino Kkilisito wakbusigwa kuzwa kubafu mbuli muchelo mutazi wabaabo boona.²¹ Nkambo lufu lwakaza amuntu, amuntu lubo bubuk bwabafu buyosika.²² Mbuli kuti muliAdamu woonse muntu ulafwa, amuliKkilisito woonse ulaba muumi.²³ Pesi umwi awumwi mumabambe akwe: Kkilisito, ulinguwe muchelo mutanzu, aboonse abo balimuli Kkilisito bayoba bawurni kukuboola kwakwe.²⁴ Ayooba ngimamanino, awo nayojosya bwami kuliLeza Taata. Elyo nayoloya bwendelezi abaami abasinguzu.²⁵ Nkambo uledele kwendelezya kusikila akabike basinkondonyina boonse kundi azitura zyakwe.²⁶ Sinkondonyina wamamanino ngwayoloya ndufu.²⁷ Nkambo, "wakabika zintu zyonse kumawulu akwe." Pesi naamba kuti "wakabika zintu zyonse," zilantanganana kuti ezi tazilikubikilizya oyo wakabika zintu kundi lyakwe.²⁸ Kuti zintu zyonse zyakabikwa kundi lyakwe, we mwana lwakwe uyoba kundi lyayoyo wakabika zintu kundi lyakwe, kuti Leza akabe nguwe muli zyonse.²⁹ Na kuti niinzi nchibayochita aabo bakabbabbatizigwa kulufu? Kuti na bafu takwe nibayoobusigwa, nkaambonzi nibayobbabbatizigila ambabo?³⁰ Nkambonzi nituli mukufwa chiindi achiindi?³¹ Ndilafwa buzuba

abuzuba! Eechi nichonzyo mbuli kulikankayizya kwangu mulindinwe, ndundilalo muliKkilisito Jesu Mwami wangu.³² Ninzi nchindijana, kuzwa kumaboneno abuntu, kanzonga ndakalwana abbulu wangombe kuEfeso, nkukuti bafu tababuki? “Atulye tunywe nkaambo junza tulafwa.”³³ Mutenwi pe: “Kabunga kabi kalajaya kupona kulikabotu.”³⁴ Mupone kabotu! Mupone buumi bwakululama mutendeli anembo akubisywa nkaambo bamwi banu tabakwe luzibo lwaLeza. Ndamwambila eechi kuti ndimusye nsioni.³⁵ Pesi umwi ulamba kuti, “Ani babusigwa byeni bafu, alimwi bayoba amibili ilibyen?”³⁶ Inweho nobafubufuba eecho nchimubalya tachikonzyi kuba abuumi chatafwa.³⁷ Nchimwakabyala nachensi ngumubili uyoba pesi inseke itakamene. Ngelakonzya kuba witi na chimbi chintu.³⁸ Pesi uyoyipa mubili mbuli mbwasala, akulimwi nseke mubili wayo.³⁹ Tenyama yoonse pe ikozyene, pesi, kulimubili umwi kubantu, amubili wabanyama, amubili wabayuni, amubili wabaswi.⁴⁰ Kuli lubo mibili yakujulu ambili yans. Pesi bulelu bwamubili wakujulu musyobo umwi abulemu wamubili wansi ngumbi.⁴¹ Kulibulemu bumwi bwazuba abulemu bumwi bwamweezi, abulemu bwanyenzezi. Nkunkuti imwi inyenyenze busiyene ayimw.⁴² Mbukuyoba akububuke bwabafu. Echo chibyalala chila loba achibusigwa tachilobi.⁴³ Chakabyalwa mumasampu; chilabusigwa mubulemu. Chakabyalwa mukukompama, chiyobusigwa munguzu.⁴⁴ Chakabyalwa mumubili uboneka; chiyobusigwa mumubili wamuuya. Kuti kakuli mubili uboneka, mpuli alawo mubili wamuuya.⁴⁵ Nchikulembedwe kuti, “Adamu mutanzi wakaba muuya upona.” Adamu wa mamanino wakaba muuya upa buumi.⁴⁶ Pesi wamuuya te nguwe wakasanguna kusika pesi wanyama, mpawo wamuuya.⁴⁷ Muntu mutanzi ngwansi, wakalengwa alusuko. Muntu wabili ngwakujulu.⁴⁸ Ulimbuli woyo wakalengwa kulusuko, kuti abe mbuli abo babumbwa kulusuko, amuntu wakujulu mbwabede, ambuli baabo bakujulu.⁴⁹ Mbuli mbukwakakuzyalwa chiimo chamuntu walusuko, tuyoozyala chiimo chamuntu wakujulu.⁵⁰ Lino ndamba kuti, nobakwesu, eyo nyama abulowa tazikonzyi kukona Bwami bwaLeza.⁵¹ Amulange! ndamwambila lwaano lwasimpe lusisikide: Tatukoyowowna pe toonse, pesi tonse tuyosandulwa.⁵² Tuyosandulwa mukayindi kanini, mbuli kulaba kwaliso, kumweembo wamamanino. Nkaambo mweembo uyolila, elyo bafu bayoobuka amubili utafwiki, alimwi tuyosandulwa.⁵³ Nkaambo oyu mubili ufwu welede kusama oyo utafwi.⁵⁴ Pesi na mubili ufwu wakusama oyo utafwi, alimwi na mutunta wasamikwa oyo muumi, mpawo tuyoooba mbuli eecho chakambwa chilembedwe kuti,” Lufu lwakamenwa mukuzunda.”⁵⁵ “Lufu, lulikuli luzundo lwako. Lufu, lulikuli lumoola lwako?”⁵⁶ Lumoola lwafu nchibi, anguzu zyachibi mulawu.⁵⁷ Pesi ngalumbwe Leza, wakatupa kuzunda kwiinda muMwami wesi Jesu Kkilisito!⁵⁸ Nkikaako, nobakwesu, ngamuyime akutasunzulwa. Ngamukkalilile mumilimu yaMwami, nkaambo mulizi kuti milimu yanu muMwami teesi yabuyo pe.

16

¹ Lino mukulanga kubunganizya kwabantu basalala baLeza: Mbuli mbundakakalayillila mbungano zyaku Galantiya, lino, anywebo mwalelede kuchita.² Mubuunsi bwakusanguna bwamviki, umwi awumwui wanu welede kubikka chimwi ambalii alimwi akuchibamba, mbuli mbwajana. Muchite eehi kuti kutazobi kubunganya eelyo nintaboolie.³ Naa ndaboola, kuli naba ni oyo ngumuzuminina, ndiyoomupa magwalo, amanjililo kuli mbabo alimwi ndiyomutumizya achipo chanu kuJelusalema.⁴ Kuti kachili kabotu kuli ndime kwiinka lubo, bayoinka andime.⁵ Pesi ndiyosika kuli ndinywe nindiyoyinda kuMasedoniya. Nkambo ndiyoyinda mu Masedoniya.⁶ Ambweni ndilakonzya kukkala andinywe nikuba kumana chilimu, kuchitila kuti ngamulandigwasya a lweendo lwangu, kufumbwa nkundinga ndilayinka.⁷ Nkambo tandilombozzi kumubona pe lino kukumuswaya kwangu kwakwinda luzutu. Nkambo ndilaabulangizi bwakuba achiindi chilafu kandili andinywe, kuti Mwami wazumizya.⁸ Pesi ndiyokkala muEfesasi do mane Pentekkosit,⁹ nkambo mulyango ukwazeme wajuluka kuli ndime, alimwi kuli zyiingi zikachizya.¹⁰ Lino naa Timoti wasika, mubone kuti waba andinywe akutayowa pe, nkambo ulikubeleka chakuminwa kumulimu waMwami, mbuli mbundilikuchita.¹¹ Kutabi nikuba umwi umusampawula. Mumugwasye munzila yakwe muluumuno, kuchita kuti azobole kulindime. Nkambo ndilikumulangilila kuboola ababunyina.¹² Lino mukulanga mukwesu Apolosi, ndakamusungwazyawa kapatii kuti amuswaye antoomwe ababunyina. Pesi nikuba biyeni tekwakali kuyanda kwakwe pe kuti aboole lino. Nikuba boobo, uzoboola kuti chiindi chaba kabotu.¹³ Muchenjele, mukakatile mulusyomo, muchite mbuli baalumi, musime.¹⁴ Muchite kuti zyoonse nzimuchita zyiitwe muluyando.¹⁵ Mulilizi isuwa lya Sitefanasi, kuti bakali njimichelo yakusanguna yaAchayila, alimwi bakalipeda kumulimu wabantu ba Leza basalala.

Lino ndamwaambila inywe, bakwesu,¹⁶ kuti mube mukulifwinsya kubantu baliboobo alimwi akuli woонse ugwasizya mumulimu alimwi kaminwa andiswe.¹⁷ Ndilabotelwa kuboola kwaSitefanasi, Fotunatasi, alimwi a Achayikkasi. Bakayiizyiita mukutaba kwako.¹⁸ Nkambo bakatontozya muuya wangu awanu. Mpawo eelyo, amubayeye bantu bali mbuli mbabo.¹⁹ Imbungano zyaku Asiya zilamwanzya. Akwila a Pulisila baamwanzya muMwami ambungano eeyo ilimumunzi wabo.²⁰ Boonse beenzuma balamwaanza. Mwaanzyane umwi awumwi alumyonto lusalala²¹ Ime, ndiPawulo, ndilembo eechi aluboko lwangu.²² Kuti umwi katamuyandipe Mwami, ngatukwe.²³ Luzyalo lwaMwami wesu Jesu alube andinywe.²⁴ Luyando lwangu alube andinywe moonse kuli Kilisito Jesu.

2 Ba Kkolinto

¹ Pawulu apositolo waKkilisito Jesu mumaknze aLeza aTimoteyo mukulana wesi kumbangano yaLeza ilimuKkolinto, akubantu baleza boonse basalali muchisi choonse cheAkkasia. ² Luzyalo kaluba mulindinwe aluumuno buzwa kuli Leza Tata wesi aMwami Jesu Kkilisito. ³ Alumbwe Leza aTata Mwami wesi Jesu Kkilisito. Ngu Tata waluzyao aLeza wakumbulizya koonse. ⁴ Leza wakatumbulizya kumasukusyo esu woonse, kuti tukakonzye kumbulizya abo balimumasukuzyo. Tulumbulizya bamwi alumbulizyo ndulonya Leza ndwatumbulizya alo. ⁵ Mboli machise aKkilisto mbwakavula nkambo kesu, lino aboobo kumbulizigwa kwesu kwakavulisya kwindila mumachise aKkilisito. ⁶ Pesi na twapenzegwa, ndumbulizyo Iwanu alufutuko; na twawumbulizigwa anwebo mwawumbulizigwa. Lumbulizyo Iwanu lulokubeleka kabotu mukwabana kupenzegwa kukozyenye akwesu. ⁷ Bulangizi bjesu kulindinwe taluteketi: nkambo tulizi kuti mbumwabana mapenzi mwakabana, akumbulizigwa kwesu. ⁸ Nkambo tatuyandi kuti muleke kuzibisigwa nobakwesi, atala amasukusyo ngit-wakalawo muEziya. Twakali kulemenwa kwinda nguzu zyesu, lino kuti tutakate nikuba buumi bwesu. ⁹ Iyii twakabetekelwa milandu yalufu. Pesi zyakali zyakuti tutabikki kusyomeka mulindiswe pesi muliLeza ubusya bafu. ¹⁰ Wakatuvuna mumapenzi ajeya, uytotuvuna lubo. Mulinguwe twabika bulangizi bwakuti ulatuvuna. ¹¹ Wazichita ezi mbuli mbumulokutugwasya ankombyo zyanu, mpawo bingi bayotulumbila nkambo kazipo zyaluzyalo nztupewga kulindiswe kwindila munkombyo zyingi. ¹² Makanzie akulisumpula kwesu ngaaya: kutaba aluzyalo kwesu kuntwakachita Iwesu munyika abusalali abantu abuleza bwini kutaponena mubusongo bwanyama pesi muluzyalo IwaLeza. ¹³ Takwe nchitwakalemba pe kulindinywe chitabaliki akumvvisikana ndasyoma kuti mulaba akumvvisisya kumaninide. ¹⁴ Mboli mbumwakatumvwa mubuche kuti mukalikankayizizye atala andiswe mubuzuba bwaMwami Jesu, mboli mbutuy-olikankayizya andinye. ¹⁵ Nkambo ndakasimpe azezi ndalikuyanda kusanguna kusika kulindinywe kuti mutambule zipo zysluzyalo zyabili. ¹⁶ Ndalikuyeya kumuswaya nkjinjindililakuyosika kuMasedoniya. Alubo andayandide kumswaya ndakuzaa lubo mulwendo lwaku Masedoni, akuti nkayindilile kuya kuJudiya. ¹⁷ Nindakachili kuyeya nzila eyi, ndakalengwana na? Sena ndibamba zintu munyama? Lino ndakati, “iyii, iyii “a “pe pe” muchindi chimwi? ¹⁸ Pesi mboli Leza mbasyomekede, majwi esu kulindinywe tesi akuti “Iyii” a “pe.” ¹⁹ Nkaambo Mwana aLeza, Jesu Kkilisito, oyo Silivanasi, Timoteyo andime ngutwakakupandulula akati kanu tensi “iyii” a “pe. Anukuti, ngu iyii kwaloyoonse. ²⁰ Nkambo zisyomezyo zyoone zyaLeza ngu “iyii” Mulinguwe. Lino aboobo kwinda mulinguwe twamba kuti “Ameni” kubulemu bwaLeza. ²¹ Lino nguLeza uzuzikizya ndiswe andinywe muliKkilisito, wakatunanika swe. ²² Wakadinda chidindo alindiswe akutupa muuya mumyoyo yesu mboli chitondezyo chibola. ²³ Pesi ndayita Leza kuti abe kamponi amuuya wangu kuti tendakakkonya pe kusika kuKkolinto lino kuti ndizomusiyi. ²⁴ Eechi tachambi kuti tuyanda kuba baami kulusyoma Iwanu. Anukuti, tuli basimilimo nyokwe akukondwa kwanu, mboli mbumwimvvi mulusyomo Iwanu.

2

¹ Elyo ndakayeya kulubazu lwangu kuti sikoza kulinduwe muysiindi zichiza. ² Na ndachita kuti umvwe kuchisa, nguni unga ulandisekeleza pesi oyo nguwenya ngundachisa moyo ime? ³ Ndalemba mbuli mbunda chita kuchitila kuti ndaza kulinduwe nditachisigwi moyo ababo belede kundichita kuti ndikondelelo. Ndi-lalusyomo atala andinywe moonse kuti lukondelo lwangu lulikozyene alukondelelo ndimulalo. ⁴ Ndakulembela chakupengana kupati akuchisa kwamoyo, alubo amisozи mingi. Tendalikuyanda kuti ndikwetele kuchisa. Nkabela, ndalikuyanda kuti uzibe bukomezi bwaluyando ndwejisi kulinduwe. ⁵ Kuti kuli wakachita kuti ube mu-machise, teewaka zichita kulindime, pesi ayimwi nzila-kuti atakulemezyi - kulindinywe moonse. ⁶ Echi chisyubulo chamuntu oyu abinji zilikwene. ⁷ Lino kwinda chisyubulo, mweelede kulekelela akumumbulizya we. Muchiteezi kuti atakatazigwi amawuse manji. ⁸ Ndamukumbila kuti mutondezye luyando kulinduwe. ⁹ Nkaambo nchinchicho nchindakamulembela, kuti ndimusunke alubo ndizibe kuti mulaswilila mulizyoonse. ¹⁰ Elyo mwalekelela muntu chintu, ambebo ndamulekelela oyo muntu. Nchindalekelela - kuti ndalekelela nchintu -chilalekelela nkaambo kanduwe mubube bwaKkilisito.” ¹¹ Ezi zilobu kuti Satani atatchengi toonse. Nkaambo tatuli bafubafuba kumaano akwe.

¹² Mulyango wakajulwa kulindime aMwami ninda kaza kudolopo lyaTekisasi kuzokambawuka makani mabotu aKkilisito oko. ¹³ Taakwe nindakaangunike mu muuya nkaambo takwe nindakajana Tayitasi oko. Ndakabasiya alubo ndaya kuMasedoniya. ¹⁴ Pesi alumbwe Leza unga muliKkilisito utuzulwida mukuzunda lyoonse. Kwindilila mulindiswe ulayubununa mununko unona waluzibo Iwakwe koonse. ¹⁵ Nkambo kuliLeza tuli tunulkilizyo tunona muliKkilisito antomwe ababo baponede alubo akati kababo balikufwa. ¹⁶ Kubantu balikufwa, nkanunkililo kazwa kulufu kaya kulufu. Kulibabo baponesegwa nkanunkilizyo kuzwa kubumi kuyakubumi. Nguni welede ezi zintu? ¹⁷ Nkaambo tatulimbuli bantu binji bawuzya ijwi lyaLeza kuti bajane mpindu. Asi kuti, akusalala kwamizezo, tulambula muliKkilisito, mbuli mbututumvwa kuzwa kuli Leza kubusyu bwaLeza.

3

¹ Ani tulokutalika kulilumbayizya lwesu lubobiya na? Swe tatyandi lugwalo lwachizibyo kuli ndinywe na kuzwa kuli ndinywe, mbuli bamwi bantu, nga tulachita obo? ² Inywe Iwanu muli lugwalo lwachizibyo, lulembedwe amyoyo yesu, tulizibikene alimwi akabalwa abantu boonse. ³ Mutondezya kuti mulilugwalo kuzwa kuli Kkilisito, Impindu yamulimu wesu. Te yaka lembwa achilembyo pesi aMuuya waLeza upona. Te yakalembewe atala abbwe, pesi atala amyoyo yabantu. ⁴ Alimwi eechi nichichisimizyo nchitujisi kwindila muli Kkilisito kunembo lyaLeza. ⁵ Tatukwe luzibo muli ndiswe mukwamba nikuba chili mbuli chizwa kulindiswe, pesi kuti luzibo kuzwa kuli Leza. ⁶ NguLeza wakatuchita twakonzya kuba balanda bachizuminano chitali cha lugwalo pesi chaMuuya, nkaambo luwalo lulajeya, pesi Muuya upa buumi. ⁷ Lino mulimu wa lufu-wakavundikwa mulugwalo lulamabwe - wakasika muli obu bulemu kuti bana balombe bamulzilayeli tebakakonzya pe kulangana abusu bwaMozesi. Echi nkambo kabulemu bwabusu bwakwe, bulemu bwakali kuzima. ⁸ Ngabula vula byeni bulemu bwakubeleka bwamuuya mbukuyoba? ⁹ Nkambo na mulimulimu wakupa mulandu wakalabulemu, mbuvule bwingi bulibyeni buchita mulimu wabululami bukkalila mubulemu! ¹⁰ Mukwambisywa echo chakali mulichimwi chindi chachitwa chaba abulewe tachichikwe bulemu muchimo echi, nkambo kabulemu obu bwindilila. ¹¹ Nkambo kuti echo chiinda chakali abulewe ngabuloba bwingi bulibyeni bulewe kulichecho chikalilila! ¹² Mboli mbutujisi obu bulangilizi, tulibatakwe kuyowa. ¹³ Tatuli mboli Mozesi, wakabika chisitikizyo kubusyu bwakwe kuchitila kuti bana ba-Izilayeli tebakakonzya kulangana kumamanino abulemu obu bwakali kwinda. ¹⁴ Pesi miyeyo yabo yakayumisigwa. Nkambo kusika sunu, elyo nibakali kubala chizuminano chipya, echo chisitikizyo chomwe mpuchichili. Takwe nichakagwisigwa pe, nkambo muliKkilisito kupela muchikonzya kugwisigwa. ¹⁵ Pesi nikuba sunu elyo kufumbwa Mozesi nabalwa chisitikizyo chivwinika myoyo yabo. ¹⁶ Pesi elyo muntu kasandukila kuMwami, chisitikizyo chilagwisigwa. ¹⁷ Lino Mwami nguMuuya oko kuliMuuya kulikwanganuka, lino swe toonse katuli abusu bugwisigile chisitikizyo, tubona bulemu bwaMwami. ¹⁸ Tulabukulusigwa kunjila mubulemu bukozyanya bomwe kuzwa kuchibela chomwe chabulemu kunjila mulichimwi mbuli kuzwa kumwami oyo uliMuuya.

4

¹ Nkinkako, nkambo tuli amulimu oyu alimwi mbuli mbutwakatambula luzyalo, tatusiki mukutyompwa. ² Pesi, twakkakka nsiswa anzila zyabusu. Tatwendi mububumbwe mpawo tatujati bubi pe ijwi lyaLeza akupedekezya kasimpe, twalizumizya tobeni kuliwонse mbwamvwa kubbazu lyaLeza. ³ Pesi na esu makani avumbwa, avumbidwe kupela kulibabo balimukunyonyoka. ⁴ Mukambo kabo, baLeza bayeyi nyika bawofwazya ikutasyoma kwamizezo. Nkambo kambubobu, tabakonzyi kubona mumuni wamakanai mabotu abulemu bwaKkilisito, ulichikozyanyo chaLeza. ⁵ Nkambo tatuli lungululi tobeni, pesi KkilisitoJesu mbuliMwami mpawo swobo mbuli babelesi banu nkambo kajesu. ⁶ Lino Leza nguwenya wakati, "Mumuni oyu munika mumudima." Wakatondezya mumyoyo yesu kupa mumuni waluzibo Iwabuna Leza mbuliwo bwajesu Kkilisito. ⁷ Pesi tuli abuvubi muchibikilo chanongo, Kuchitila kuti kuboneke nguzu zyindilide impati nzizyaLeza pepe kulindiswe. ⁸ Twapenzegwa munzila zyoonse, pesi pepe kuzundwa. Twakanyonganisigwa pesi pepe akuzuzigwa akupupulwa. ⁹ Twapenzegwa pesi pepe kusiyigwa, twakasowelwa pesi pepe kunyonyoka. ¹⁰ Lyoonse katubwezede mulindiswe mumibili yalufu Iwajesu, kuchitila kuti bumi bwajesu alubo bukayubununwe mumibili yesu. ¹¹ Kulindiswe nitupona twakapedekezegwa kulufu nkaambo kajesu kuchitila kuti bumi bwajesu buyubununwe mumibili wesu wanyama. ¹² Lino lufu luli amilimu mulindiswe pesi bumi buli amilimu mulindinywe. ¹³ Pesi tuli

amuuya omwe walusyomo mbuli echo chakalembedwe: "Ndasyoma, alubo ndamba." Alubo tulasyoma aboobo tulamba.¹⁴ Nkambo tulizi oyo wakabusya Mwami Jesu alubo andiswe oyo uyotubusya amwi aJesu mpawo akutweta antomwe mubuliwo bwakwe.¹⁵ Kulizyoonse nkambo kandinywe kuchitila luzyalo kuti lusikile kuliboonse bantu bachite kulumbayizya kuyungizigwe kubulemu bwaLeza.¹⁶ Lino tatwelede kuba batyompwa. Nikuba kuti chanze tulukuswekelwa, chamukati tulabukuluka buzuba abuzuba.¹⁷ Echi chiyezyo mapenzi mawubawuba alikutubambila butamani bundemene bwabulemu obo bwindilila zyoonse zyesyo.¹⁸ Lino tatulangililwi kuzintu ezyo zibonwa pesi kuzintu zitabonwi. Zintu ezi nzitubona zilamana, pesi zintu zitabonwi tazimani.

5

¹ Tulizi kuti na nganda yesu yansi chilawu - yamwayisigwa, tulabuyaki kuliLeza. Ninganda itayakwi amaboko abantu pesi nganda itamani, ilikujulu. ² Nkambo muchilawu echu tulalila kapati, kuti tukasamikwe abukalo bwesu bwakujulu. ³ Tulabulangilila bukkalo obu nkambo na twabusama tatukoyo janika katuli azintanda. ⁴ Kasimpe nituchili muchilawu echu tulalila kapati akulemenwa. Tatuyandi pe tukaleke kusamikwa. Pesi, tuyanda kusamikwa kuti echo chifwa chikamenegwe abuumi. ⁵ Watubambilila echu chintu ngleLeza, wakatupa muuya usalala mbuli chitondezyo cha echo chiyosika. ⁶ Aboobo amube alusyomo, kuti katuchili kumunzi mumubili, tuli kule aMwami. ⁷ Nkambo twenda akusyoma pepe akubona. ⁸ Lino tuli akusyomesesa katutali mumubili pele katuli mumunzi aMwami. ⁹ Lino twita kuti chibe chintulangilila swebo nekuba tuchiliku munzi nekuba katutali nkuko kuti mukamabotezye. ¹⁰ Mbunga toonse tuyoboneka kunembo lyachuno chalubeta chaKkilisito kwitila kuti umwi awumwi utakatambule zilengene azintu zichtwa mumubili na buboto nekuba bubi. ¹¹ Nekuba boobo, kuziba kuyowa Mwami tukombeleyza bantu. Kulabonwa kabotu imbutubede aLeza, ndilangilila kuti kulibabo kumanjezeza anu. ¹² Tatuli kwezya lubo kukombeleyza ndinywe katuboneka katulibasyomekedo pesi tunokumupa makani makani akulidunda atala andiswe, kuti mukabe ansandulo kuli babo balikankayizya atala akuboneka kwabo pesi kakutali mbukubede mumoyo. ¹³ Na tulizwide mumiyeyo yesu nkukwaLeza; pele na kuti mumiyeyo mibotu nkuyanda kwako. ¹⁴ Luyando lwaKkilisito lwatuchunda nkambo twakamanisya echu. Kuti muntu umwi wakafwida boonse aboobo boonse bakafwa. ¹⁵ Wakafwida boonse kuti baponia kabatachiponeni lwabo beni pesi baponene oyo nkambo nkako wakabafwida akibusigwa. ¹⁶ Ankambo kachechi kuzwa lino kaziya kunembo tatuakbwene mumwi mukwinda munyam, nekuba kuti twakali muzi Kkilisito mukwinda munyama. Pesi kwalino tatuchizi. ¹⁷ Nkikako na umwi uli muli Kkilisito, waba chilenge chipya. Zintu zyachindi zyayinda. Bona zyaba zipya. ¹⁸ Ezi nzitu zyoonse zizwa kuliLeza, wakatubwedezya mulinguwe lubo mukwinda muliKkilisito akutipa mulimo wakubwedezyanya. ¹⁹ Nkokuti muli Kkilisito leza unolikubwedezyanya nyika kuli nguwe, kutesi kubala milaka ilatala ambaabo. Unokutupa makani akubweedelana. ²⁰ Aboobo twakatondekwa mbuli bayimikilila baKkilisito mbuli anga Leza walikuchita kukombeleyza mukwinda mulindiswe."Twamukumbila, ankambo kwakuyanda kwaKkilisito: Amubwedelane aLeza." ²¹ Wakamubumba oyo wakalezi chibi kuti abe chibi kulindiswe, kuti tukabe bululami bwaLeza mulinguwe, kuti abe chibi kulindiswe, kuti tukabe bululami bwaLeza mulinguwe.

6

¹ Mbuli mbutubeleka aamwi anguwe, yulamukumbila kut mutatambuli luzyalo lyaLeza chabiyo. ² Mbuli mbaamba kuti; "Kuchiindi cheelede ndakakuswilizya, amubuzuba bwalufutuko ndakakugwasya." Bona, lino nchiindi cheelede. Bona, lino ndizuba lya lufutuko. ³ Tatukonzyi kubika zilebyo kunembo lyawumwi awumwi, kuchitila kuti milimu yesu itasampawulwi. ⁴ Ani kuti, munchito zyesu zyoonse tulalitondezya kuti tulibalanda baLeza. Tulibalanda mulukakatilo lupati, mumapenzi, amumakatazyo, amubuyumu, ⁵ mukuumwa, mukubikwa muntolongo, mulupyopyongano, mukubeleka changuzu, mukubula n'onz, munzala, ⁶ mubusalali, muluzibo, kuba aamoyo mulamfu, mubuuya, amuMuuya uusalala, muluyando Iwini.⁷ Tulibalanda bakwe mujwi lyakasimpe, munguzu zyaLeza. Tulaazilwanyo zyabululami kujanza lyachilisyio alyachimwensi. ⁸ Tubeleka mubulemu amukunyansigwa, amumpuwo mbi amukulumbayizigwa mbuli balaalweno pesi katuli bakasimpe. ⁹ Tubeleka mbuli batazibidwe anu kuti tulizidwe kabotu. Tulabeleka mbuli bafwide - bona! - tuchipona. Tubeleka mbuli bali muchisubulo chanchito zyesu pesi mbuli batapedwe mulandu walufu. ¹⁰ Tubeleka mbuki bawuside, pele tulabotelwa chalyoonse. Tubeleka mbuli

bafwaba, pele tulokuvuzya buvubi. Tubeleka mbuli batakwe ani kuti tuli azintu zyiingi.¹¹ Twakaambula kasimpe koonse kulindinywe, nibaKkolinto, alimwi moyo wesi ulaangunukide loko.¹² Teensi musyanikizigilwe aandiswe pe, pele mulilisyani kizizye lwenu mumyoyo yenu.¹³ Lino mukwaabilana kweelene - ndamwaambila mbuli bana - andinywe mujule myoyo yenu.¹⁴ Mutasungwi jogwe aantomwe abatali bazumini. Nga bululami bulalyidilana buti abubi? Nga mbulyidilanoonzi buli aakati amumuni amudima?¹⁵ Nchizuminano nzi Kkilisito nchakonzya kuzuminana aBbeliyyi? Muzumini ulaatwambo nzi aantomwe awutali muzumini?¹⁶ Ani n'anda yaLeza ijisi chizuminanoonzi amituni? Tuli n'anda yaLeza iipona, mbuli Leza mbaakaamba: "Ndiyookkala aakati kabo akweenda aakati kabo. Ndiyooba Leza wabo, abalabo bayooba bantu bangu."¹⁷ Aboobo, "Amuzwe aakati kabo, akulitamtamuna," mbwaamba Mwaami. "Mutagumi chintu chitasalali, eelyo ndiyomutambula."¹⁸ Ndiyooba Taata wenu, alimwi muvooba bana bangu balombe abasimbi," mbwaamba Mwaami Singuzuzyoonse.

7

¹ Nobayandwa, mbukunga tuli aazisyomezyo eezi, muleke tulisalazye tubeni kubusofwazi boonse bwakunyama akumuuya. Amuleke tutobebe busalali mukuyowa Leza. ² Amutupe mweenya! Takwe ngutwabisizya. ³ Takwe nitwakanyonganya muntu. Nkaambo ndakazyaaamba kale kuti muli mumyoyo yesu, kuti tufwe aantomwe akuti tupone aantomwe. ⁴ Ndili aakutayowela kupati mulindinywe, alimwi nkupati kulidunda aatala andinywe. Ndilizwide aluumbuluzyo/. Ndilafwasuka alukondo nikuba mumafwabi eesu. ⁵ Elyo nitwakasika kuMasedoni, nyama zyesu tezyakali akulyookezya. Asikuti, twakakatazigwa munzila yoonse akutakkalinkana kunze alubo akuyowa mukati. ⁶ Pesi Leza, wuumbulizya balaansi, wakatuumbulizya akusika kwaTayitasi. ⁷ Tekwali kusika kwakwe biyo pe Leza nchaakatuumbulizizya. Alubo chakali alumbuluzyo Tayitasi ndwakatambwide kulindinywe. Wakatwaambila aatala aluyando Iwanu, mapenzi anu, alubo chiyandisyo chenu kulindime. Akaako ndakakondelwa kwiindilide. ⁸ Nikuba kuti lugwalo lwangu lwakamuchita kuti musululwe, takwe nindilipa mulandu pe. Pesi ndakalipa mulandu eelyo nindakabona kuti lugwalo lwangu lwamusuluzya, nikuba kwali kwachiindi chiniini biyo. ⁹ Lino ndilakondwa, pe pe akaambo kakuti mwakalikatazikene, pesi nkaambo kusululwa kwenu kwakamuleta kukweempwa. Mwakabona kuusa kwabuLeza, kwakuti takwe nimwakasweekelwa pe akambo kandiswe. ¹⁰ Nkaambo kuusa kwabuLeza kuleta kweempwa oko kuzukizya lufutuko kakutakwe kulipa mulandu. Kuusa kwakunyika, biyeni obo, kuleta lufu. ¹¹ Amubone batupi bwakuyandisisa kwakuuasa kwabuLeza mbubwkaleta mulindinywe. Kwakali kupati biyeni kuyandisisa mulindinywe mukutondeezya kuti tamukwe mulandu. Kwalibupati biyeni kusesemwa kwenu buyofu bwenu, kutaakizya kwenu, bunkutwe bwenu, alubo chiyandisyo chanu kubona kuti kubeleka kabotu makani kweelede kuchitwa. ¹² Nikuba kuti ndakalemba kulindinywe, tendakalemba akaambo kasimuchita chibi, na ooyo wakachitilwa chibi, pesi kuti kuyanda kwanu kubotu kulindiswe kuchitwe kuti kuboneke kulindinywe kumenso aLeza. ¹³ Nkaambo kazeezi mpotusungilizigwa. Mukuyizya muluumbuluzyo lwesu, twakakondelwa alubo loko nkaambo kalukondo lwaTayitasi, nkaambo muuya wakwe wakabukulusigwa andinywe moonse. ¹⁴ Na ndakalikankayizya aatala andinywe, tendakawusigwa nsoni. Mulilumwi lubazu, mbuli zyonse nzitwakaamba kulindinywe nisimpe, kulikankayizya kwesu aatala andinywe kuliTayitasi zyakaboneka kalili simpe. ¹⁵ Luyando lunikide kulindinywe ndupati mbuli nayeya kuswiilila kwenu moonse, mbuli mbumwakamutambula kabotu akuyowa akuzazama. ¹⁶ Ndilakondwa nkaambo ndili aakutamuyowela kuzulide.

8

¹ Tuyanda kuziba, bakwesu, aatala aluzyalo lwaLeza lwakapegwa mambungano aaMakkedoniya. ² Muchiindi chakusunkwa kumasukuusyo mapati, akukondwa kuzulilide, abuchete bwabo bwiindilide bakaba aabuvubi batupi bwabuuya. ³ Elyo ndipa bukamboni kuti bakapa mubwiingi mbuli mbubakali kukonzya, mpawo nikuba kwiindilila mpubakali kukonzya, elyo mukwiindila mukwaangunuka kwabo⁴ bakatukcombeleya kwamoyo wonose mucheelo chakwaabana muli ooku kugwasya basalali baLeza. ⁵ Eechi techakachitika mbuli mbutwakali kulangilila, pesi batatanguna kulipeda kuMwaami lwabo mpawo akulindiswe mukwiinda mukuyanda kwaLeza. ⁶ Elyo twakasungwaazy Tayitasi, ooyo wakali watalika kale mulimu ooyu, kuti amminizye kuchita kwaluzyalo oku. ⁷ Pesi mujatikizye zyonse - mulusyomo, mukwaambula, muluzibo, mubukozu boonse, muluyando lwenu ndumulaalo kulindiswe. Elyo alubo amubone kuti

mwiinkilila kunembo mukuchita luzyalo olu.⁸ Tandili kwaamba oobu chakwaangila, pesi, ndaamba oobu kuti ndisunke kunika kwaluyando lwenu mukweelanisyalo kuchiyandisyo chabamwi bantu.⁹ Nkaambo mulizi luzyalo lwaMwaami wesi Jesu Kkilisito. Nikuba kuti wakali muvubi wakaba muchete nkaambo kesu, kuchitila kuti mukwiinda mukufwaba kwakwe tube bavubi.¹⁰ Mukaambo aaka ndiyoomupa nchenjezyo iyoomugwasya. Munyaka omwe wiindide tamutalikide biyo kuchita chimwi chintu pesi mwakaaba aachiyandisyo kuti muchichite.¹¹ Lino amuchimaninsye. Mboli mbukwakalichiyandisyo akumaninina mukuchichita lino, alubo ngamuchimaninizye mubupati mbumukonzya.¹² Pesi na kolaachiyanidisyo chakuchita inchito eeyi, nchintu chibotu chitambulika. Cheelede kweendelana azintu muntu nzyaleezyo, pe pe kuleezyo nzyatakweezyo.¹³ Nkaambo oku takuli mboli kuubisizya bamwi eelyo kulinduwe kube buyumuyumu. Anu kuti, kweelede kweelana.¹⁴ Ikuuzulila kwenu muchiindi eechino kuyooibeetela eezyo nzibayanda. Kuli mbubo akulako kuti buzulile bwabo bumweetele nzimuyanya, eelyo kuti kube kweelana.¹⁵ Chili mboli mbuchilembedwe: "Ooyo iwakali aazyiingi takwe nzyaakakuchala azyo, mpawo ooyoo wakali aziche takwe nakabula."¹⁶ Pesi kulumba akube kuliLeza, ooyoo wakabika muliTayitasi moyo wakulikkataazya aatala abamwi mboli mbundilaawo kulindinywe.¹⁷ Nkaambo tatambwide buyo chikkumbizyo chesu pesi wakalikkataazya loko kulinzizyo. Wakaaza kulindinywe mukuyanda kwakwe mwini.¹⁸ Twakamutuma aamwi amukwesu uulumbayizigwa mumambungano woonse kumulimu wakwe wakwaambilizya makani mabotu.¹⁹ Kutali eezi azilike, pesi alubo wakasalwa amambungano kuti abe sikweenda awe munyendo anchito eeyi yaluyalo, ilikweendelezegwa andiswe mubulemu bwaMwaami lwakwe akuyanda kwesu kubotu.²⁰ Tulikuchitila kuti umwi atakonzyi kutongooka aatala abuuya mbutuyobuchita.²¹ Tulabamba mukuchita zilikabotu, kutali kunembo lyamwaami luzutu pesi akunembo lyabantu lubo.²² Tulikutuma lubo umwi mukwesu aamwi ambabo. Twakamusunka munzila nyangi mpawo twakajana kali aabukozu kumilimu myiingi. Alubo ulisungweete kapati lino nkaambo kabusichaamba bupati mbwalaabo kulinindinywe.²³ Mboli Tayitasi, ooyoo mweenzuma alubo ngusimilimuma kulinindinywe. Mboli kubakwesu, mbeendelezi bamakan kuzwa mumambungano. Eelyo mbulemu kuli Kkilisito.²⁴ Eelyo amubatondeezye luyando lwenu, alubo amutondeezye mambungano kuti nkaarbonzi nitulikankayizya aatala andinywe.

9

¹ Kwambisya milimo yabantu baLeza basalala, twekweelede kuti ndamulembela njijo pe. ² Ndilizi atala aziyandisyo zyanu, ezyo nzindakalikankayizya atala andinywe kubantu bakuMakkedoniya. Ndakabaambila kuti Akkaya wakalibambila kuzwa munyaka wayiinda. busungusungu bwanu bwakasungwaazya bayingi kuti bachite mbubonya.³ Lino ndakatumwa bakwesu kuti kulikankayizya kwesu andinywe kutabi kufwisya bweeme akuti mukalibamble, mboli mbundakamwaambila. ⁴ Ambweni, kuti baMakkedoniya bamwi ndaza abo akujana kamutalibambilide, ngatuyoofwa bweeme - takukwe nchinga ndilamba atala andinywe - nkaambo ndilikkusikene mulindinywe.⁵ Ndakayeya kuti kulikabotu kuti ndisungwaazye bakwesu basike kiulindinywe akuti muzobambilile chipo nchimwakasyomezya. Kuchitila kuti chibambike mboli chilongezyo, akuti chitabi mboli chakumasinikizya ped.⁶ Ichiliko ncheechi: Ooyo ubuala chakuchesyala ulatebula mubuche, ayooyo ubyalu chakulangila choolwe ulatebula chilongezyo.⁷ Amuleke umwi awumwi ape mboli kukanza kwamoyo wakwe. Kutali chamunyono na kuti kusinikizigwa. Nkaambo Leza uyanda uupa chalumwemwe.⁸ Alimwi Leza ulakonzya kuchita luzyalo loonse kuti lweete kulindinywe ikuti kukabe, muzyiindi zyoonse, muzintu zyoonse, kuti mujane zyoonse nzimuyanya. Eechi chiyooba kuti mukayangizye milimu mibotu.⁹ Kuli mboli mbukulembedwe: "Wakaaba buvubi bwakwe akubupa kubachete. Bululami bwakwe bulapona kwalyoonse."¹⁰ Ooyo uupa mbuto kubalimi nguubyala alimwi chinkwa chakulya uyoopa akuyungizya mbuto yakubyala. Uyoyungizya butebuzi bwabululami bwako.¹¹ Muyoovubisigwa munzila zyoonse akuba sibuuya. Eezi ziyooleta kulumba kuliLeza kwiinda mulindiswe.¹² Kukunyampula mulimu ooyu takuli kugwasizya bantu baLeza basalala luzutu pe, pesi alubo kuyoojeta muzintu zyiingi zyakupa Leza zipo.¹³ Nkaambo kakweezegwa akwiimikizigwa kwenu amulimu ooyu, alimwi muyoolumbayizya Leza akuswilila kukuza mina makani mabotu aaKkilisito. Muyoolumbayizya Leza alubo azipo nzimuy-oobunganisya chalumwemwe kulimbabo akuli wumwi awumwi.¹⁴ Mbibanu, alimwi balikumukombela. Bachita eezi nkaambo kaluzyalo lupati lwaLeza luli alindinywe.¹⁵ Ngalumbwe Leza achipo chakwe chitaambiki!

10

¹ Ime nde Pawulo, lwangu ndamusungiliza, mukulibombya alimwi mubwiime bwaKkilisito. Ndateta chiindi neli anywebo, pesi tandikwe buyofu kulindinywe chiindi netawo. ² Ndamukumbila kuti, kuchiindi neli anywebo, tandikoyoojowa akwaamba kanzambwene. Pesi ndiyeya kuba akutayowa kuchiindi nchekazya babo bachitaanga tulenda kwiinda munyama. ³ Pele nanka tulenda munyama, tatulwani inkondo kwiinda kunyama. ⁴ Pele zilwanyonzetulwanya tazili zyanyama. Anukuti, tuli amanguzu mapti ngetumwayisa mampangala mayumu. Zyeeta inkazi zisowa kukazya buyo. ⁵ Abobo tulamwaya zyoonse zintu zyakujulu zilibusuya akukazya luzibo lwaLeza. Tulabweza akwaanga miyeyo yoonse yabuzike kuti iswilizye Kkilisito. ⁶ Alimwi twalibambilila kupa chisubulo kumichito yakutaswili, chakufwambana mbuli kuswilizya kwangu mbukuzulide. ⁷ Langa ziboneka kunembo lyako. Na umwi ulizumide kuti nguwaKkilisito, mbubo aswe mbutubede. ⁸ Nkaambo na ndalikankayizya bunini kupati atala anguzu zyesu, ezyo Mwaami nzyakatupa kukumuyaka alimwi pepe kumumwaya, nsikyoofwa nsoni. ⁹ Nsiyandi kuti kuboneke aanga ndikumuyosya kumugwalo angu. ¹⁰ Nkaambo bamwi bantu, "Magwalo akwe alisungwete a changuzu, pele bube bwamubili mbuteteete. Majwi akwe tayeeleli kwaaswili." ¹¹ Amuleke bantu baliboobo bazibe kuti nzetubede mumajwi amumagwalo eesu chiindi nitutawo abobo mbutuzoba munchito zyesu anetuliwo. ¹² Tatukonzyi kwiinka kule kuyolibunga lwesu na kulyezyanisa lwesu ababo balidundizya lwabo beni. Pesi nibakalyela lwabo beni mumwi mumwi akulyezyanisa lwabo beni akuli umwi awumwi abobo tababoni. ¹³ Swebo, nhobeni, tatulikankayizyi kwiinda mumweelwe. Anu kuti tuyochita oobo luzutu mweelwe wesus Leza ngwatweleseyza, mweelwe ujosika oko kule nkubede. ¹⁴ Nkaambo tatulyoololi lwesu chiindi nchetusika kulindinywe. Twakali batanzi kusika kule kukindinywe amakan mabotu a Kkilisito. ¹⁵ Tatulikankayizyi kwiinda kumweelwe wamulimu wabamwi. Anukuti, bulangizi bwesu mbwakuti lusyomo lwenu kaluchiya bukomena, amulimu wesus akati kenu ulakomena kapati. ¹⁶ Tulalangila ezi, kuchitila kuti tutakambawuke makani nekuba kuzisi zilikunembo lyanu. Tatulikankayizyi atala a mulimu ulikuchitwa mumasena awumwi. ¹⁷ "Pesi muleke uulikankayizya alikankayizye muMwaami." ¹⁸ Nkaambo tensi ooyo ulisala lwakwe nguzuminwa. Anukuti, ngoyo uzumininwa aMwaami.

11

¹ Ndipeekezya kuti ube aandime muli bumwi bufubafuba. Pesi nkasisimpe kuti ulaandime! ² Nkaambo ndili aabbivwe anduwe. Ndikuchitila bbivwe lilaabunaLeza, nkaambo ndakakusyomezya lukwatano kumulumi omwe. Ndakasyomezya kukutondeezya kubantu mbuli nakalindu uumaninide kuli Kkilisito. ³ Pesi ndilikuyowa kuti muliimwi nzila, aawo mubbi sizibi nakeeneena Eva abusongo bwabumpelenge bwakwe, miyeyo yako ikonzya kusweeka kuzwa kukukomba kusinizizye alimwi kusalala kuliKkilisito. ⁴ Nkaambo kuti umwi muntu wasika wakambawuka uumwi Jesu kwiinda ooyo ngutwakakambawuka. Na kuti mwatambula umbi muuya kwiinda ngumwakatambula kale kana kuti mwatambula limbi ijwi lisiyene kuli eelyo ndimwakatambula kale. Mbuli mbumukkala kamuzibona zintu eezi! ⁵ Nkaambo ndiyeya kuti nsili aansi kababo baambwa kuti mbebatumwa bantu loko. ⁶ Pesi nikuba kuti tendakayiya zyakwaambuula, tachaambi kuti nsikwe luzibo. Muli zyoonse nzila amuzintu zyoonse twakachita kuti eechi chizibwe kulindinywe. ⁷ Ndakabisya na kulisomblya kuchitila kuti musumpulwe? Nkaambo ndakamukambawukilamijwi lyaLeza kakutakwe muulo. ⁸ Ndakabbida zimwi mbungano mukutambula lugwasyo lwabo kuti ndizoomubelekele. ⁹ Nindakali aandinywe alimwi nkebulide taakwe ngundakalemezya. Nkaambo nzindakali kuponaazyo zyakali kuzwa kubakwesu ibakwaza kuMasedoniya. Kuli zyoonse ndakalibamba kuti nsibi mukuli kulindinywe, alimwi ndiyochita mbubo lyoonse. ¹⁰ Mbuli simpe lyaKkilisito mbulili mulindime, ooku kupakala kwangu takukoyowumuzigwa pe muli amwi masena aaku Akkayiya. ¹¹ Nkaambonzi? Nkaambo nsimuyandi pe? Leza nguusi. ¹² Alimwi nzichita ndiyoyinkilila kunembo akuzichita, kuchitila kuti ndikagonke mweenya wababo bayanda mweenya wakujanika kabali mbuli ndiswe muzintu nzibalidundiizya aatala anzizyo. ¹³ Nkaambo bantu baliboobu mbatumwa babeji alimwi mbabelesi balaalweeno. Balyeena kuti mbatumwa baKkilisito. ¹⁴ Alimwi eezi tazigambyi pe, nkaambo alakwe Satani ulyeena kuti mungelo wa mumuni. ¹⁵ Tachili chigambyo chipati pe kuti abalabo babelesi bakwe balyeena kuti mbabelesi ba bulumami. Impindu yabo iyooba eeyzo zyeendelana amilimo yabo. ¹⁶ Ndilaamba alimwi: Takubi muntu uyeya kuti ndili chifubafuba. Pesi kuti mboyeya, munditambule mbuli chifubafuba kuchitila kuti ndipakale buniini. ¹⁷ Nzindilikwaamba

akupakala ooku kwakudundula - nsili kwaambuula munzila njali kunowambuula aayo pe Mwaami - njindili kuti mbuli chifubafuba.¹⁸ Mbuli kuti bantu biingi bapakala zyeendelana anyama, ambebo ndiyoopakala.¹⁹ Nkaambo mulabotelwa kubaamwi abantu bafubafuba. Inywe lwenu muli basongo!²⁰ Nkaambo muntu umuchita bazike, na wamunyonyoona, wamulya maanu, walisumpula, na kuti wamusinka lubayi kumeno.²¹ Ndiyorawamba kumawuse eesu kuti twakalilekelelo loko akuchita oobo. Anu kuti umwi muntu wapakala - Ndili kwaambula mbuli chifubafuba - Ambebo ndilapakala.²² Mba Hibbulu na? Ambebo mbebede. Mba Izilayeli na? Ambebo mbebede. Mba mazyalane aa Abbulahamu na? Ambebo mbebede.²³ Mbabelesi baKkilisito na? (Ndili kwaambula anga ndapenga.) Ndiliinda aawo: kumilimu miyumu, muntolongo nydingi, mukuumwa kwiindilide, mukuswanana antenda nydingi ziyosya.²⁴ Kuzwa kubajuda ndakatambula tuli musanu "kunabbwa myoondo makumi one kakugwisigwa omwe."²⁵ Tutatu ndakawumwa atulamu. Lumwi nketululwa mabwe. Tutatu nkezapukilwa bwaato. Ndakakkala busiku azuba lyomwe aantanganana mulwizi.²⁶ Ndakeenda twiingi nketentuuka milonga, nketentuuka bajayi, nketentuuka kubantu bakulindiswe, nketentuuka kuli bamasi, nketentuuka mugunzi, nketentuuka mulusaka, nketentuuka kulwizi, nketentuuka kuli bakwesu babeji.²⁷ Ndakabeleka mubuzike akoomba, mumansiku miangi akatali koonwa, munzala amunyota, twiingi kelyimya, mumpeyo amuchintanda.²⁸ Kusya kuli zyonse zimwi, kuli kupengaana kwangu mazuba woonsse nkeyeeya aatala ambungano zyonse.²⁹ Ngwani utakwe nguzu alimwi ime nsibilule nguzu? Ngwani wadadalisiga, alimwi ime nsipyi?³⁰ Kuti keyelede kupakala, ndiyopakala aatala azezyo zitondeezya kutasima kwangu.³¹ Leza alimwi Wisi waMwaami Jesu, ooyo wakalongezegwa kutamani, ulizi kuti nsili kubeja pe!³² Ku Damasikkasi, imuleli munsi lyaMwaami Aletasi wakali kulinda gunzi lyaDamasikkasi kuti andisunge.³³ Pesi ndakaselezegwa muchizuma kuzwa kumpulunguzyo yabulambo, alimwi ndakafutuka kuzwa kumaboko aakwe.

12

¹ Njelede kuli dundizya, nikuba kuti tachigwasyi. Pesi ndilaya kuzilengaano aziyubunuzyo zizwa kuMwaami. ² Kuli mwaalumi umwi ngundizi mulKKilisito oyo minyaka iili kumi ayine yakayiinda - wakali mumubili tandizi pe, Leza nguazi - wakatolwa kujulu lyatatu. ³ Alimwi ndilizi kuti oyu mwaalumi - naa muumubili, kanakuti kunze aamubili tandizi pe, Leza nguazi - ⁴ wakatolwa kubusena bwakulyookezya nkwickaakumvwa majwi aatambiki alimwi tachili mumulawu kuti bantu baawambe. ⁵ Mukuyiminima muntu uuli oobo ndali dundiizya. Pesi ime ime nkelyiimvwilidi lwango nsikolidundiizya pe, ado biyo aatalaakubula nguzu kwangu. ⁶ Na kuti ndasla kulidundiizya, nsikoba chifubafuba, nkaambo ndinoli nkengamba kasimpe. Pesi ndilatantamuka kukuli dundiizya, kuchitila kuti kutabi uumwi undiyeeyela atala loko kwinda ezyoo nzyabona mulindime na kuti nzyamvwa kuzwa kuli ndime. ⁷ Mukundigwaysa kuti nditalisumpuli nkaambo kakukwiindilila kwabupati bwaziyubunuzyo, ndakapegwa buumvwa munyama, kuti mutumwa wasatani andipenzye kuchitila kuti nditali sumpuli. ⁸ Ndakkombelezya Mwami tutatu aatalaacheechi, kuti achigwisyte kuzwa kulindime. ⁹ Pesi wakati kulindime, "Luzyalo lwango aalinduwe lulizulide, nkaambo nguzu zilazulizigwa mukubula nguzu." Aboobo inga chilabota loko kulidundiizya aatala akubula nguzu kwangu, kuchitila kuti nguzu zyaKKilisito zikale aali ndime.¹⁰ Aboobo, ndilakutisika nkaambo kaKKilisito mukubula nguzu, muzisapi, mukupenzegwa, amuzyimo zityompya. Awo nesikwe nguzu mpimpawo mpelaanguzu.¹¹ Ndaba chifubafuba! Ndinywe mwakandisyanikizya kuchita oobu, nkaambo ndakeelede kulumbayizigwaa andinywe. Nkaambo teenzi ndakali muniini pe kulaabo bateegwa mbatumwa bapati, nikuba kuti nsili chintu.¹² Zitondeezyo zyakasimpe zyamutumwa zyakachitwa aakati kanu akukakatila koonse, zitondeezyo, azigambyo amaleele.¹³ Ino mwakacheya biyeni kubupati kwiinda mbungano zyonse, kunze kwakuti teensi ndakali mukkulikuli ndinywe? Mundilekelele mukubisya ooku!¹⁴ Mulange! ndilibambilide kuza kuli ndinywe ilwatatu. Nsikozooba mukkuli kulindinywe, nkaambo nsiyanduuli zyenu. Ndiyanda ndinywe. Nkaambo bana tabeelede kuyobwenda bana.¹⁵ Chakubotelwa inga ndila maninsya lubono lwango akumana ime lwango nkemaminina myuya yanu. Nankemuyanda loko, ino ime ndiyandwe buniini na?¹⁶ Mbuuli mbukubede takwe nindaka mulemezya pe. Pesi nkaambo ndilimuchenjezu loko, ndime ndakamujata chalweeno.¹⁷ Ani ndakalya maanu na kwindila kuli baabo mbindakatumwa kuli ndinywe?¹⁸ Ndakasungwazya Tayitasi kuti ayinke kuli ndinywe, alimwi ndakatumwa umwi mukwesu kuti amusindikile. Ani Tayitasi wakamulya maanu na? Teetwakenda mumuuuya omwe na? Teetwakakeenda mumuuuyaomwe na? Teetwakende muntambo

zyomwe na? ¹⁹ Ani tuyeeya kuti echi chiindi choonse twakali kulikwabilila kuli ndinywe? Mumenso aaLeza, nomuyandw, muliKkilisito twali kwamba zyoone katuzyambula kusimisigwa kwanu. ²⁰ Ndiyoowa kuti ndaza amwi nsiko zoomujana mbuui mbepeekezya. Ndiyowa kuti amwi tamukozoondijana mbuli mbumupeekezya. Ndiyowa kuti amwi kunoli kukkazyania, bbivwe kunyemezya, kusaluulana kuninaania, kuvwiya, bulutiluti akutabambika kabotu. ²¹ Ndiyoowa kuti ndaboolu Leza wangu uyoondibombya kunembo lyenu. Ndiyoowa kuti amwi ndizoowusa nkaambo kabwiingi bwabaabo bakabisya kale kabateempedwe pe kubusofwaazi abusangu alimwi akwe-muzya kusofweede nkubakachita.

13

¹ Aaka nkachitatu aawo kandili kuza kulindinywe. "Kaambo koonse keelede kwaam-buulwa kakali aabazi chakchitika babili nikuba batatu bakamboni." ² Ndakaambo kale kulibaabo bakabisya chiindi alimwi akuli boonse nindakali nkuko kwachibili, alimwi ndaamba lubo: Ndazooza lubo, tandikozoobalekelela pe. ³ Ndamwaambilila eechi nkaambo mulikuyanduula bukamboni Kkilisito uliikwaambula mukwiinda mulindime. Tawongedwe pe kulindime. Anukuti ulaanguzu mpati mulindinywe. ⁴ Nkabela wakabambuula mukukompama, pesi tuyopona anguwe anguzu zyaLeza akati kanu. ⁵ Amulilingule lwanu kuti mubone na muli mulusyomo. Mulisunke lwaenu. Tamuyeyi eechi na aatala alwanu, kuti Jesu Kkilisito uli mulindinywe? - kunze akuti, iyi, mwakakashilwa musunko. ⁶ Alimwi ndili aabolangilizi bwakuti tuyooyeaya kuti tatkachidwe pe musunko. ⁷ Lino twakomba kuliLeza kuti mutakayiti chibi pe. Tandikombeli kuti pe tukalibonye akuzunda musunko. Anukuti ndikomba kuti mukachite chilikabotu, nikuba ngatulalibonya mbuli bakakashilwa musunko. ⁸ Nkaambo tatukonzyi pe kuchita nikuba chimwi chintu chilwana akasimpe, pesi buyo kwakasimpe. ⁹ Nkinkaako tulakondwa na katukompeme alimwi kamusimide. Tuliikukomba lubo kuti mubambwe zizulide. ¹⁰ Ndilemba zintu eeki kandili kule andinywe kuchitila kuti na kandili aandinywe nditazoochiti zyalunyemo andinywe mukubelesya cheelolo changu - eecho Mwaami nchakandipa kuchitila kuti ndimuyake, pe pe kumunyonyoona. ¹¹ Kumamaninsizyo, bakwesu, mukondwe! Mubelekele kuchitululwa, amusungwaazigwe, muzuminane, mukkale muluumuno. Alimwi Leza waluyando aluumuno uyooba aandinywe. ¹² Mujuzyanye alumyonto lusalala. ¹³ Bantu basalali boonse baLeza balamujuzya. ¹⁴ Luzyalo IwaMwaami Jesu Kkilisito, luyando IwaLeza, alimwi bulyidilano bwa Muuya Uusalala bukabe aandinywe moonse.

Ba Galatiya

¹ Pawulu, mutumwa - uutali mutumwa uzwa kubantu naanka kwiinda mumilimo yabantu, pesi kwiindilila muli Jesu Kkilisito mpawo a Leza Taata, oyo wakamibusya kuzwa kubafa - ² mpawo aboonse balombe bali andime, muzibunga zyaku Galantia: ³ Luzyalo kulindinywe mpawo aluumuno luzwa kuli Leza taatesu mpawo a Mwami Jesu Kkilisito, ⁴ Wakalipeda Iwakwe kuzibi zyesu kuchitilakuti atwaangunune kuzwa kububi bwalino, kwiinda mukuyanda kwa Leza wesi mpwao a Taata, ⁵ Kulinguwe akube bulemu kwalyoonse alyoonse. Amen. ⁶ Ndagamba kuti mulikubweeda achakufwambana kuzwa kulinguwe wakamwiita muluzyalo Iwa Kkilisito. Ndagamba kuti wasandukila kumakanasiyene, ⁷ teensi kuti kulaambi makani, Pesi kulisamwi bantu bayanda kumuchitila mapenzi a Kkilisito ⁸ Pesi nikubakuti swe naa mungelo uuzwa kujulu walikukambawuka kulinduwe makani aatali mbuli aya ngitwakali kukambawuka kulindinywe, ngabe mutuke. ⁹ Mbuli mbutwamba kumatalikilo, mpawo lino ndaamba lubo, "naa umwi wakambawuka kulindinywe makani aatali mbuli ngimwakatambula, ayo ngabe mutuke." ¹⁰ Sa lino ndikulanguula buuya bwamuntu nanka bwa Leza? Saa ndikulangula kuboteezya muntuma? kuti nkecheezya kuboteezya muntu, nsichili mulanda waKkilisito. ¹¹ Mbuli mbiyanda kuti muzibe, nobakwesu, kuti makani ngindakambawuka teensi aamantu. ¹² Teensi ndakatambula kuzwa kumuntu naba oomwe naanka kuijisigwa. Nikuba boobo, kwakalikwinda muchiyubunuzyo cha Jesu Kkilisito kulindime. ¹³ Mwakamvwaa ataata akupona kwango mutunsiyansiya twaba Juda, mbuli mbundakapenya mbungano zya Leza kuzwa mubwelede mpawo ndalikwezya kuzimwaya. ¹⁴ Ndakakkomena muchanza chamuJuda bwindilide kubiingi oboo bakali beselalyangu, kuzwa kubantu bangu. Obu mbubo bwindilide bwechiyandisyo nchindakali aacho kuchaanza chabamataata. ¹⁵ Pesi elyo nakandibikkka kumbala kuzwa muda lyabaama, mpawo ooyo wakandiita kwiinda muluzyalo lwakwe, ¹⁶ wakabotela akutondezya mwanakwe mulindime, kuchitila kuti ndikakambawuke akati kabamaasi, Teenda kabukakubuzya aamibili abulowa. ¹⁷ Teensi ndakayinka ku Jelusalema kuli baabo bakali batumwa kunembo lyangu. Kwinda kuchita oobu, ndakayinka ku Alabbiya mpawo ndaboola ku Damasikkasi. ¹⁸ Alimwi nikwakiinda minyaka yotaatwe ndakayinka ku Jelusalema kuti nkazibe Sifasi mpawo ndakakukkala anguwe mazuba aalikkumi amusanu. ¹⁹ Pesi takwe mutumwa ngwindakabona kunze kwa Jemusi, mwanike wa Mwami. ²⁰ Kulizezi nzindalemba kulindinywe, ndasyomezya kunembo lya Leza kuti nsilukeja pe. ²¹ Mpawo ndakayinka kuchisi cha Siliya aka Silisiya. ²² Teensi ndakalizibidwe kumenso akumambungano aka Judaya ali muli Kkilisito. ²³ Bakazimvwa biyo kazilikwambwa, "mwalumi wakali kutupenza lino ngulikukambawuka makkani mabotu aa lusyomo ndwakali kwezya kumwaya." ²⁴ Mpawo bakalemeka Leza nkambo kangu.

2

¹ Nikwakinda myaka kkumi ayiine ndakabweda ku Jelusalema a Bbanabbasi, ndakabweza Tito alakwe. ² Ndakinka nkambo kachiyubunuzyo akubapandalwida makani ngindakali kukambawuka akati kabamaasi. Ndakambula kunsiswa abalemekeka, kuti ndibe akanzambwenene kuti kuchijana - teendakachijana- chabuyo. ³ Asi nekuba kuti Tito wakali andime awakali mu Giliki, bakasungilizya kupalulwa. ⁴ Bakwesu babeji bakaza munsiswa kuzolingula lwangunuko ndutulalo muli Kkilisito Jesu. Bakali kuyanda kutuchita bazike. ⁵ Pesi tettawa zumina kulibombya kulimbabo muchiindi chinini, kuchitila kuti simpe lyamakanii mabotu likkalilile mulindinywe. ⁶ Asikulabo balikulangila kulemekwa (kufumbwa mbubakabede takwe nichamba chintu kulindime, Leza talangilili chiimo) -abo, ndati, abo bakalikulangika nkabalemekeka tabayungizizye chintu kulindime. ⁷ Musiyano, bakazobona kuti ndakapegwa makani mabotu kulabo batapalwidwe, mbokunga Pita wakapegwa makani mabotu kulaabo bapalwidwe. ⁸ Nkambo Leza, wakabeleka kuli Pita kubutumwa kulibabo bapalwidwe, wakabeleka kulindime kulibamaasi. ⁹ Awo Jemusi, Kkefasi a Joni, abo bakali minsemu, bakabona luzyalo ndundakapegwa, bakamuzuminina Bbanabbasi ambebo. Bakatuzuminina kuti twinke kuli bamaasi ambabo bayekulabo bapallwidwe. ¹⁰ Bakakumbila kutituyeeye bachete, nchintu nchindakalibambilide kuchita. ¹¹ Asi Kefasi nakasika ku Antiyoki, ndakamukazya kumeso akwe nkambo wakalijana kalamulandu. ¹² Nkabatasanika balumi bakazwide kuli Jemusi, Kkefasi wakali abamaasi. Pesi nibakasika balum, wakaleka wakalisosolosa kulibamaasi. Wakayoowa abobakali kuyandisisa bupalule.

¹³ Abobo boonse bamaJuda bakanjilana awe mukuwupawupa. Nikuba Bbanabbasi wakapambuka abo mukuwupawupa kwabo. ¹⁴ Pesi nindakababona kuti kuchita kwabo takuli kwakutobelwa simpe lyamakan mabotu pe, Ndakati kuli Kkefasi kunembo lyabo boonse, "Kuti nkoli mu Juda nkoli kupona mbuli mujuda, ulalangila byieni bamaasi kuti bapone mbuli bama Juda?" ¹⁵ Iswetubeni tuli majuda mukuyalwa pepe bamaasi basizibi, ¹⁶ Eno tulizi kuti takwe muntu ululamikwa amilimu yamulawu pesi kulusyomo muli Kkilisito Jesu. Iswe twakasyoma muli Kkilisito Jesu ikuti tululamikwe a lusyomo muli Kkilisito kutali kwamilimo yamulawu. Kumilimo yamulawu takwe nyama iyolulamikwa. ¹⁷ Pesikuti twayanda kululamikwa muli Kkilisito, iswebo tuyojanwa nkatuli basizibi, lino Kkilisito mubelesi wabasizibi? ¹⁸ Kuti nkelikuyakulula zintu nzindaka mwayide, ndili tondezya kuti ndichili sikutyola mulawu. ¹⁹ Kambo kwinda kumulawu ndakafwa kumulawo, kuti ndiponene Leza ²⁰ Ndakabambulwa antomwe a Kkilisito, Takucheensi ndime upona, askutu Kkilisito ngupona mulindime. Ibumi lino mbwendipona munyama ndapona mulusyomo mumwana a Leza, Oyo wakandiyanda wakapelida kambo kangu. ²¹ Nsibikide kumbali luzyalo lwa Leza, ikuti bululami bwaliukjanwa kwinda mumuulo, unoli Kkilisito wakafwida chabuyo!

3

¹ Nibana Galatiya nobafubafuba! Ngwani wakamulowa? Kunembo lyamenso enu Jesu Kkilisito wakatondeezegwa mbuli mbakabambuulwa. ² Echi nchicho chintu chimwi nhindiyanda kwiya kuzwa kulindinywe: Mwakatambula Muya na kuzwa kumilimo yamulawu na kuzwa kukusyoma nzimwakamvwa? ³ Mulibafubafuba obu? Kamunoli mwatanguna aMuya, muyomaninsya munyama na? ⁴ Mwakafwaba na muzintu zyiingi chabuyo - na mwakachita chabuyo? ⁵ Ooyo uupa Muya kulindinywe akuchita maleele akati kenu ulazichita kwiinda mumulawu na kana mukumvwa chalusyomo? ⁶ Mbuli Abbulahamu "mbakasyoma Leza alimwi zyakayesyanisigwa mbuli musalali kulinguwe," ⁷ munzila njijo eyi, mumvwisisisye, lino, kuti mbalusyomo aabo biitwa kuti mbanu baAbbulahamu. ⁸ Malembe mbuli mbaalangilidwe kuti Leza uyolulamika baMasi alusyomo, wakakambawuka kale makani mabotu kuli Abbulahamu, kati, "Mulinduwe masi woonse ayolongezegwa." ⁹ Nninkaako, aabo balusyomo balalongezegwa aantomwe aAbbulahamu, muntu walusyomo. ¹⁰ Aabo boonse baponena kumilimo yamulawu balitukidwe; alubo kuli lembedwe, "Ulitukidwe ooyo woonse uutatobeleyi zyoonse zilembedwe mubbuku lyamulawu, akuzichita." ¹¹ Lino zili aantanganana kuti takukwe muntu uululamikwa kunembo lyaLeza amulawu, nkambo baluleme bayopona chalusyomo. ¹² Pele mulawu teensi walusyomo, pesi, "Muntu uuchita milimu yamulawu weelede kuponena njijo." ¹³ Kkilisito wakatuunununa kuzwa kulutoko lwamulawu mukuba lutuko lwasu - nkambo kulilembedwe, "Ulitukidwe woonse uulengelela mumusamu" - ¹⁴ kuti chilongezyo chaAbbulahamu kusikile baMasi muliKkilisito Jesu, kuchitila kuti alusyomo tukonzye kutambula chisyomezyo chaMuya. ¹⁵ Bakwesu, muleke ndaambe mubuntu. Muchizuminano chabambwa abantu, tawope muntu unga ulachibika kumbali na kuyungizizya kulinchicho, na chayimikwa amulawo. ¹⁶ Lino zisyomezyo zyakaambwa kuli Abbulahamu akulunyungu lwakwe. Tachaambi kuti, "ku lunyungu" kwaamba biangi, pesi kuliwumu biyo, "alimwi kulinunyungu lwakwe," kali Kkilisito. ¹⁷ Lino ncchewamba ncchechi: Mulawu, wakasika kakuli kwiinda myaaka ili myanda iine ili a makkumi aatatu, tiibiki kunze pe chizuminano chakabambwa aLeza. ¹⁸ Nkaambo na lukono kaluza akambo kamulawu, nkokuti taluchizi achisyomezyo. Pele Leza wakachipa Abbulahamu chalusyomo. ¹⁹ Ninzi mpo, uwgasya nyamayi mulawu? Wakayungizigwa akambo kazibi, kusikila lunyungu lwasuAbbulahamu lwasika kuliwooyoo wakapegwa chisyomezyo. Mulawu wakabikwa mukubeleka kwiinda mubangelo mumanza aasimwaama aakati. ²⁰ Lino simwima aakati zyaamba zyiinda muntu womwe, pele Leza ngumwi. ²¹ Akaako mulawu ulakazzyanya na azisyomezyo zyaLeza? Chanchobeni pe! Na mulawu wakali wapegwa kuti upe bumi, akaako bululami chanchoonzyo ninga bwakasika a mulawu. ²² Pele malembe akabika zyoonse zyachibi muntolongo. Leza wakazichita ezi kuti chisyomezyo chakutufutula muli Jesu Kkilisito chikakonzye kupegwa kulibaabo basyoma. ²³ Lino kalutanasika lusyomo, twakalijiswi mubwange bwamulawu, katwaangidwe kusikila lusyomo lyayubununwa. ²⁴ Aboobo mulawu wakatubeda mwiiminini kusikila Kkilisito wasika, kuchitila kuti tukonzye kululamikwa mulusyomo. ²⁵ Pele lino mukuti lusyomo lyakasika, tatuchili mumaboko a mwiiminini. ²⁶ Nkaambo nywebo moonse muli bana baLeza kwiinda mulusyomo muli Kkilisito Jesu. ²⁷ Nkaambo mbuli biangi benu mbubakabbatisigwa muli Kkilisito, mwakatambula Kkilisito. ²⁸ Takukwe mujuda na muGiliki, takukwe muzike na waangunkide, takukwe mwalumi na mwanakazi,

nkaambo mulibamwi muli Kkilisito Jesu.²⁹ Alimwi na kamuli baKkilisito, zyaamba kuti muli lunyungu lwa Abbulahamu, abasikukona mbuli muchisyomezyo.

4

¹ Ndaamba aya kuli sikulyalukono, kuciindi nowakacilimwana, takwe kusiyana amuzika, asikoli mwaniibusuna boonse.² Pele kali munsi abuzuluzi abwendelezi kusikila kuciindi cakabikwa a wisi.³ Mbubonya nitwakachili bana, twakali mubuzike kumalengelo, akumulawu wayeyi nyika.⁴ Asi ciindi nichakasika, Leza wakatuma mwana wakwe, wakazyalwa kumwanakazi, wazyalwa aansi amulawu.⁵ Wakachita oobo kukunununa aabo balikuuni amulawu, kuti tukatambulwe mbuli bana.⁶ Nkambo kakuti muli bana, Leza wakatuma mumyoyo yesu muuya wamwana wakwe, ngutwiita kuti, "Abba, Taata."⁷ Aboobo tochili muzike, asi mwana, alimwi mbuli mboli mwana, waba sikulyalukono lwa Leza.⁸ Asi kuciindi echo, nchiwakatalina kuziba Leza, wakali mubuzike bwayooyo, utajisi bu Leza bwinibwini.⁹ Pesi bwalino mwakaziba Leza, nkambonzi mwabweda kuzichito ziteite zitagwasyi zyamalengelo amulawu? Muchiyanda kuba mubuzike lubo na?¹⁰ Mulalangisisya mazuba amyeeye mipya azyiindi aminyaka!¹¹ Ndamuyowela kuti amwi milimo yangu njindaka mubelekele yaba yabuyo.¹² Ndamukumbila, bakwesu, amube mbulindime, nkambo ambebo ndaba mbuli ndinywe. Takwe nimwa ndibisizya.¹³ Aboobo mulizi kuti kambo kabulwazi bwanyama nkindakamukambawukila ijwi chiindi chitaanza.¹⁴ Nekuba kuti nyama yangu yamunjizya mumisunko, takwe nimwa ndiwabasya na kundikaka. Pele mwakanditambula mbali angelo wa Leza.¹⁵ Lulikulu lulongezyo Iwanu? Mbuli mbundi lungululu kulindinywe kuti, ansinga zyalikukonzeeka, kamunonkoola meso anu kamwapa ndime.¹⁶ Nekubobo inga ndaba sinkondonyokwe nkabo kakumwambila kasimpe?¹⁷ Balisungwete kuyanda kukona, Asi katakwe mpindu mbotu.. Bayanda kumumuuya akuti musungwalile mbabo.¹⁸ Nchibotu lyoonse kusungwalila buboto bulampindu, kutaamba neli anywe kupelape.¹⁹ Na twana twangu, lubo ndabamumachise akutumbuka ado Kkilisito abumbwe mulindinywe.²⁰ Ndilombozya kuba akati kanu lino akuchincha mambwidio angu, nkamo mwandigamba.²¹ Amundambile inywe nimuyanda kuba aansi amulawo, temwakumvwala mulawu?²² Nkambo kulilebedwe kuti Abbulahamu kajisi bana balombe bobile, omwe kali mwana wamusimbi muzike awomwe kali mwana wamwanakazi uwakangunukide.²³ Omwe wakazyalwa kumusimbi muzike nkambo kanyama, asi umwi wakazyalwa kumwanakazi uwakangunukide kwinda muchisyomezyo.²⁴ Ezi zilapandulula kaaano kachiindi kuti banakazi aba bobile bayiminina zizuminano zyobile. Omwe wabo wakali kuzwa kuchilundo cha Sinayi abobo wakazalya bana mubuzike. Oyu ngu Hagayi.²⁵ Lino Hagayi uyiminina chilundu cha Sinayi mu Alabbiya; aboobo uyiminina bubewba Jelusalema, nkali mubuzike abana bakwe.²⁶ Pele Jelusalemu ulukijulu ulangunukide, nkambo ngongouwe baama.²⁷ Nkambo kulilebedwe kuti, "Amusekelele, nywebo nongoomwa nimuyazyali; kkwila akutambwiizya kwalukondo, wenotali koomba amachise abutumbu; nkambo bana bayoooy utakwtewe mbiingi kwinda bamwanakazi ula mulumi."²⁸ Asi nywebo, bakwesu, mbuli Izaka, mulibana bachisyomezyo.²⁹ Kuchiindi echo ooyo wakazyalwa kunyama wakapenzyao yo wakazyalwa kumuuya. Mbukubede alino.³⁰ Pele malembe atyen? "Taanda musimbi muzike amwana wakwe. Nkambo mwana wamusimbi muzike takonzyi kwabana lukono amwana wamwanakazi walwanganuko,"³¹ Aboobo, bakwesu, tatuli bana bamusimbi muzike pe, tulibana bamwanakazi walwanganuko.

5

¹ Mulwaangunuko Kkilisito wakatwaangununa. Amwiime nji, alimwi, mutakabikwi limbi mubweendelezi bwa moyo wabuzike.² Amubone, me, ndePawulo, ndamwaambilu kuti na muntu wazuminina kuti apalulwe, Kkilisito takwe mbayomupa mpindu nikuba kutyeni.³ Ndipia bukamboni lubo kumwaalumi woonse uuzuminina kupalulwa kuti unoli weeela kutobeleya mulawu woonse.⁴ Wagwisigwa kuli Kkilisito, iwebo notazosalazigwe a mulawu; tokojana limbi luzyalo.⁵ Nkaambo kwiinda muMuya, chalusyomo, tulalindila chalusinizyo bulangilizi bwabululami.⁶ Muli Kkilisito Jesu uupalwide naba utapalwide takwe nchaamba pe, pesi biyo lusyomo lubeleka muluyando.⁷ Mwakali kweenda kabotu. Ngwani wakamukachizya kutobela kasimpe?⁸ Olu lweeno taluzwi kuli wooyo wakamwiita!⁹ Busweezyo buche bulaluzya nongo yoonse.¹⁰ Ndili abusichichaamba muMwami kuti tamukoyoyeeya zimbi zisiyene. Oyo uli kumupenzya uyoofwaba mulubeta, nikuba kuti ngwani.¹¹ Bakwesu, na kandichaambula aazyabupalulwe, nkaambonzi nenchiyobupenzegwa? Mukuba oobo chilebyo chachiingano chagwisigwa.¹² Kuli kulibaabo balikumupenzya, ndipeekezya

kuti balizibe lwabo! ¹³ Nkaambo mwakayitwa kulwaangunuko, bakwesu. Pele mutabelesi lwaangunuko lwenu mbuli mweenya wazanyama; anikuti kwiinda muluyando amugwasyanye awumwi awumwi. ¹⁴ Nkaambo mulawu wonse ulizuzikizigilwe mumulawo womwe; mukuti “Weelde kuyanda simayakilanwi wako mbuli mbuliyanda webo nomwini.” ¹⁵ Pele na mwalumana akulyana, amuchenjele kuti mutakamanani. ¹⁶ Pele ndati, amweenda chaMuya alimwi tamukoyozuzikizya ziyandisyo zyenayama. ¹⁷ Nkaambo ziyandisyo zyenayama zilalwana aMuya, alimwi ziyandisyo zyaMuya zilalwana anyama. Nkaambo ezi zilalwana chimwi achimwi, kuti mutachiti chintu nchimuyanda. ¹⁸ Pele na mwazulwidwa aMuya tamuli munsi lyamulawu pe. ¹⁹ Lino milimu yenyama ilalitondezya: busofwazi muli zyamalalani, busofwazi, inkosya, ²⁰ kukomba mituni, busondi, kanyetunyetu, inkondo, ibbivwe, kufwambana kubijilwa, inkazi, inkazyanyo, kwaanzana, ²¹ kubijilwa, bukolwi, mapobwe akukolwa, azimwi ziliboobu. Ndamenchenjezya, mbuli mbundakamuchenjezeyale kake lutanzi, kuti aabo bachita zintu ezi tabakoyookonzya kunjila mubwami bwaLeza. ²² Pele michelo yaMuya nduyando, lukundo, lumuno, bulindizi, buuya, bubotu, lusyomo, ²³ bubombe, alimwi akulijata; aatala azezi zintu tuuwo pe mulawu. ²⁴ Aabo bali muli Kkilisito Jesu bakagankamina nyama aantomwe arpeekezyo alimwi aziyandisyo zyayo. ²⁵ Na katupona mu Muya, ngatweende muMuya. ²⁶ Tatunolifunkayizyi, kunyesesyanya, akweemuzyanya.

6

¹ Nobakwesu, naumwi wenu wajanika ulimukubisya, inywe nimuli amuuya mwelede kumuboozya amuuya muboombe. Amulikatazye lwenu nubeeni, ikuti inywebo mutasunkwi. ² Mubwezelane mukuli, mpawo muzuzikizye mulawu waKkilisito. ³ Na umwi ueyeeyaa kuti ulimbawabede wekatakwe mbwabede pe, ulikuyeeya lwakwe mwini. ⁴ Awumwi alingule mulimo wakwe, mpawo kulikankayizya kwakwe kunoli mulingwe kakutali kulumwi pe. ⁵ Kambo umwi awumwi uyonyampula mukuli wakwe. ⁶ Ooyo uyiisiga ijwi welede kwabilaana zintu zibotu awoyo uyiisya. ⁷ Muteneenwi pe. Leza tasekwii, kufumbwa mutu nchabyala, nchenchiicho nhayotebula. ⁸ Nkambo oyo ubyala imbuto munyama yakwe, kuzwa kunyama uyotebula lunyonyko. Kuli oyo ubyala imbuto kumuuya kuzwa kumuuya uyotebula buumi ibutamani. ⁹ Tutakatali mukuchita kabotu, nkambo kuchindi cheelede tuyotebula, kuti tetwakalengwana. ¹⁰ Alimwi, nituchili amweenya, ngatuchitile bantu boonse bubotu, kwindilila abo bang'anda yalusyomo. ¹¹ Mulange kukomena kwamagwalo ngimulembela amaboko aangu. ¹² Abo bayanda kubotesya izyanyama balikweezya kumwangila ikuti mupalulwe. Balikuchita obo biyo kuti batapenzegwi nkambo kachiingano chaKkilisito. ¹³ Nikuba kulaabo bakalipalula takwe nibakabamba mulawu, Pesi bayanda kuti mupalulwe ikuti bakali kanckayizye nkambo kamibili yanu. ¹⁴ Pesi nsyelede kulikankayizya pe kunze kwakulikankayizizya chiingano cha Mwami wesu Jesu Kkilisito, mukwiinda mulinchicho inyika yakakankaminwa alindime, andime kunyika. ¹⁵ Nikuba kupalulwa na kutapalulwa takwambi chintu pe, pesi chibaligwa biyo mbulenge bupya. ¹⁶ Kuli boonse benda munzila eeyi, lumuuno aluzyalo alube alimbabo nikuba kulabo bana ba Izilayili wa Leza. ¹⁷ Kuzwa lino kutabi uchindikazya pe, nkambo amubili wangu ndibwezedee impa zya Jesu. ¹⁸ Luzyalo lwaMwami Jesu Kkilisito alube amyuuya yanu, nobakwesu, Amen.

Ba-Efeso

¹ Pawulu, mutumwa wa Kkilisito Jesu kwindila mukuyanda kwa Leza, muli Kkilisito Jesu. ² Luzyalo kuli ndinywe a lumuuno luzwa kuli Leza Taata wesu, a Mwami Jesu Kkilisito. ³ Eelyo Leza a Taata wa Mwami Jesu Kkilisito ngatembaawulwe, oyo wakatulongezya azyoonse zilongezyo zyamuuya mumasena aakujuju muli Kkilisito. ⁴ Leza wakatusala mulinguwe kuzwa kumatalikilo enyika kuti tukabe basalali akubula chibi kumenso akwe muluyando. ⁵ Muluyando Leza wakatukanzila yejunza swe kuti atubweze mbuli bana kwinda muli Jesu Kkilisito kwindila mukulibonia mukulibotezya kwakuyanda kwakwe. ⁶ Kubwezwa kwesu kweta kutambawula kuluzyalo lulabulemu oolo we ndwakatupa swe kakutakwe muulo muuli umwi ngwakayanda. ⁷ Muli Jesu Kkilisito tulalununuko kwinda mugaze lyakwe akulekelewa kwazibizyesu, kwindila mubuvubi bwaluzyalo lwakwe. ⁸ Wakavuzya luzyalo oolu kulindiswe a boonse busongo akumvvisisiya. ⁹ Leza wakazichita kuti zizibwe kulindiswe zisisikene zyakuyanda kwakwe, kwindila kulizezyo zyakamubotezya, azyakatondezya muli Kkilisito, ¹⁰ nkali a maboneno kukubambilila kuzulila kwachindi, kukweta zintu zyoonse antoomwe, zyoonse zintu zilikujulu azilaansi, munsi amutwe womwe, nkokuti Kkilisito. ¹¹ Muli Kkilisito twakasalwa achisalo, wakatuyanda mukwindila mumabambe akwe ooyo ubeleka kuzwa kulizyoonse kwindila kumakanze akuyanda kwakwe ¹² Leza wakatusala swe mbuli basilukono kuchitila kuti swe, tobatanzi kubulangizi mulikkilisito, tukabe bakutembawula bulemu bwakwe. ¹³ Muli Kkilisito, inywe kabiyo, eelyo nimwakamvwa ijwi lyakasimpe, makani mabotu alufutuko lwenu, mwakasyoma mulinguwe mpawo mwakasinizigwa a chisyomezyo chamuuya Uusalala, ¹⁴ ooyo mwakabikwa kulukkono lwesu kuyosika kulununuko lwanzitulaazyo, kukutembawula bulemu bwakwe. ¹⁵ Kuleechi chilengwa, kuzwa nkesinaamvwa aatala alusyomo lwanu mu Mwami Jesu aluyando lwenu kuli boonse bantu ba Leza basalala, ¹⁶ tendakaleka kulumba Leza nkambo kenu mbuuli mbindamwaamba munkoombyo zyangu. ¹⁷ Ndakomba kuti Leza waMwami wesu Jesu Kkilisito, Taata wabulemu, uyopa kulindinywe muuya wabusongo aziyubunuzyo muluzibo lwakwe. ¹⁸ Ndakkomba kuti meso amyoyo yanu amunikilwe, kuti mukazibe bulangizi kuli zezyo nzyakamwitila bantu ba Leza basalala. ¹⁹ Munkombyo zyangu ndikumbila kuti muzibezu mbuzibede inguzu zyakwe mpati loko zyiinda nzyajisi kulindiswe nitusyoma, kwindila mukubeleka kwanguzu zyabulemu bwakwe. ²⁰ Eezi nzenzizyo nguzu ezyo Leza nzyakabelesya muli Kkilisito eelyo nakamibusya kuzwa kubafa akumukkazika kujanza lyalulyo lwakwe mumasena akujuju. ²¹ Wakakkazika Kkilisito kule atala lyayoone milawu abwendelezi anguzu abasinguzu, alyoonse zina eelyo lyuzikidwe Kkilisito uyoyendelezya kutensi mulicheechi chibela luzutu, pesi amuchibeeela chiza. ²² Leza wakabikka zyoonse zintu mukuzipeda kuunsi lyamawulu aKkilisitu alimwi wakamupa kumbungano mubili mutwe atala lyayoone zintu. ²³ Imbungano mubili wakwe, buzule bwakwe oyo uzuzya zyoonse muli zyoonse.

2

¹ Alimwi kulindinywe, mwakalifwide mumilandu yenu azibi. ² Mwakali kupona kwindila kumuzuluzi wamulawu wamuuya, muuya oyo ulikubeleka mubana batakwe lulayo. ³ Eelyo toonse twalikupona akati kabantu aba, kuzuzikizya makanze asiluuni wamibili yesu, akubweza makanze eenyama alimwi amiye. Twakali kwindilila mubwiime bwabana babukali, mbuli bumwi bwabantu. Twakali abuntu bwabwana babisywa mbuli kuchita bamwi. ⁴ Pesi Leza ulabuvubi muluzyalo nkambo kaluyando lwakwe lupati oolo ndwakatuyandisya swe. ⁵ Nkuba twakalifwide mumilandu, wakatuchita bawumi antomwe muli Kkilisito aluzyalo mwakafutulwa. ⁶ Leza wakatibusya antomwe a Kkilisito, alimwi Leza wakatuchita kuti tukkale a Kkilisitu, alimwi Leza wakatuchita kuti tukkale antomwe mumyenya yakujulu muli Kkilisitu Jesu. ⁷ Kuchitila kuti muminyaka iza akatondezya kulindiswe kulindiswe buvubi bwakwe bupati buteleki kwa luzyalo lwakwe lutondezegwe mulwetelelo lwakwe kulindiswe muli Kkilisitu Jesu. ⁸ Nkambo a luzyalo mwakafutulwa kwindila mulusyomo, alimwi echi techakazwa kulindinywe, nchipo cha Leza. ⁹ Pepe kuzwa kumilimo, kuchitila kuti takwe atakali kankayizye. ¹⁰ Nkambo tuli basimilimo ba Leza, bakalongezegwa muli Kkilisito Jesu kuchitila milimu mibotu eyo Leza njakatubambilila kalekale, kuchitila kuti tukeende mulinjiyo. ¹¹ Nkiinkako amuyeyeye kuti bamaasi munyama mwiitiwa kuti "chitapalwidwe" acheecho chitegwa a "kupalulwa.. munyama chakuchitwa amaboko

amuntu. ¹² Nkambo kachecho chiindi mwakalanzanisizigwe kuli Kkilisitu kamuli bawakule kuchisi chamu Izilayeli, batuba kuzizuminano zyachisyomezyo, kamutakwe bulangizi alimwi nkakutakwe Leza munyika. ¹³ Pele lino muli Kkilisitu Jesu inywe nimwakali kule loko kuzwa kuli Leza mwakaboozegwa afwifwi kwindila mugaze lya Kkilisitu. ¹⁴ Nkambo ngongue lumuuno lwesu. Wakachita kuti kubili baabe umwi. Kwinda kunyama yakwe wakanyonyoona bulambo bwankoondo bwakatwanzanisizye. ¹⁵ Nkinkako, wakalobya mulawu wamilawu amalayilile kuchitila kuti alenge mutu omwe mupya mulinguwe, nkokuti kube lumuuno. ¹⁶ Kkilisito wakababoozya amwi bantu bobile mumubili omwe kuli Leza kwinda muchiingano, kukujaya nkondo yakali akati kabo. ¹⁷ Jesu wakasika akukambawuka makani mabotu aluumuno kulindinye nimwakali kule alumuno kuli aabo bakali afwifwi. ¹⁸ Eelyo kwindilila muli Jesu toonse mutujana luswano mumuuya omwe kuli Taata. ¹⁹ Nkambo kaako, lino inywe nobamaasi tamuchili batubua amazwakule pe. Nkokuti muli benyika yomwe abantu ba Leza basalala abantu bamung'anda ya Leza. ²⁰ Chamba kuti mwakayakilwa entalisyo yabatumwa abasisim, alimwi Kkilisito Jesu lwakwe ngongue bbwe lyachooco. ²¹ Mulinguwe ing'anda yoonse ikkwana ooboto antoomwe alimwikikkomena kabotu mbuuli tempele iisalala mu Mwami. ²² Mulinguwe omo mumulikuyawa kabiyo antomwe mbuli chikkalilo cha-Jesu mu Muuya.

3

¹ Nkambo kacheechi ime, Pawulu, ndimwaange wa Kkilisito Jesu nkambo kandinye bamaasi. ² Ndasyoma kuti mwakavwa abubanzi bwaluzyalo bwa Leza obo bwakapegwaa kuli ndime nkambo kenu. ³ Ndilikulemba kwindila kuchiyubunuzyo nchindakazibisigwa. Aka nkikasimpe kasisidwe nkindaka mulembela mubufwifwi kulindinye. ⁴ Nimuyobala aatala azeezi, muyokkonzya kumvvisisisya atala a Kkilisitu. ⁵ Kumvvisisisya kwangu muli aka kasimpe tekakazibisigwa kubana babantu. Pesi lino kayubununwa a Muuya kubatumwa bakwe basalala abasisim. ⁶ Aka kasimpe kasisidwe nkakuti bamasi mbasilukkonyokwe, alimwi mbasizonyokwe mumubili, alimwi balabilana chisyomezyo muli Kkilisito Jesu kwindila mumakani mabotu. ⁷ Eelyo ndakaba mulanda wamakanai aya nkwinda kuchipo chaluzyalo lwa Leza ndwindakapegwaa kwindila mukubeleka kwanguzu zyakwe. ⁸ Kuli ndime - nikuba kuti ndendime munini kuli boonse bantu ba Leza basalala - olu luzyalo wakapegwaa, kukukambawuka kuli bamaasi buvubi butayanduliki bwa Kkilisitu ⁹ akweta kumumuni kuli boonse mabambe - ezintu zyakasisidwe kwaminyaka myiungi muli Leza, wakalenga zintu zyoonse. ¹⁰ Aya mabambe akazibisigwa kwindila mumbungano kuchitila kuti bendeelezi abasinguzu bamumilenga lenga akujulu bakasike mpubaziba mabazu - mingi abube bwabusongo bwa Leza. ¹¹ Eezi zyakachitika kwindilila kumabambe atamani ayo ngakazuzikizya muli Kkilisito Jesu Mwami wesu. ¹² Eelyo muli Kkilisitu tulijisi busichaamba akuswenenena alusinizyo nkambo kalusyomo. ¹³ Nkinkaako ndamukumbila kuti mutualengwani nkambo kamafwabi aangu nkefwabila ndinye, wo mbobulemu bwenu. ¹⁴ Nkambo kaaka ndafugamina Taata amazwi aangu, ¹⁵ kuzwa kulinguwe zyoonse mpuli zyakujulu aansi ziluzikidwe. ¹⁶ Ndakamba kuti akamupe kwindila kubuumi bwabulemu bwakwe, kuti mukasimisigwe anguzu kwinda kumuuya wakwe oyo uuli mubuntu bwenu bwamukati. ¹⁷ Ndakomba kuti Kkilisitu akkale mumyoyo yenu kwinda kulusyomo, miyanda yenu antalisyo muluyando lwakwe, kuchitila ¹⁸ kuti muka kkonye kumvvisisisya, antoomwe aboonse bantu ba Leza basalal, kuti mbuubuli busasa, bwanda, bulamfu bwakuya kujulu akunika muluyando lwa Kkilisitu. ¹⁹ Akuziba luyando lwa Kkilisitu, lwiinda aluzibo, kuchitila kuti mukazule buzule bwa Leza boonse. ²⁰ Lino kuli nguwe oyo ukkonzya kuchita kwindilide kulizyoonse nzitukkumbila naa kuyeya, kwindila kunguzu zyakwe zibeleva mulindiswe, ²¹ Kulinguwe akube bulelu mumbungano amuli Kkilisito Jesu kumikkowa yoonse kwalyoonse alyoonse. Amen.

4

¹ Nekubabobo, mbuli mwange nkambo ka Mwami, ndamukombelezya kuti mwende chakwelela kubwite obo mbumwakiitwa. ² Ndamukombelezya kuti mupone akulibombya kupati achakulitoba aansi akubamoyo mulamfu, mumvwidilane luzyalo umwi awumwi muluyando. ³ Muchite zyelede kulkulondala kujatana kwamuuya kunchoonzyo achalamuno. ⁴ Kuli mibili omwe amuuya omwe, kabiyo mbuli mbumwakiitwa mubulangizi boomwe bwabwitwe bwenu. ⁵ Alimwi kuli Mwami omwe, lusyomo lomwe, lubabbatizyo lomwe, a Leza womwe a Taata waboonse, ⁶ uletela lyazyoonse alimwi kwindila kulizyoonse amulizyoonse. ⁷ Kuli umwi awumwi wesu luzyalo wakapegwaa

kwindila mumwelo wachipo cha Kkilisito. ⁸ Kuli mbuli malembe mbwaamba kuti: "Naakatanta kujulu. wakazulwida baange mubwange alimwi wakapa zipo kubantu." ⁹ Chambanzi kuti, "Wakatanta kujulu," kunze akuti wakaseluka kensi anyika? ¹⁰ Ooyo wakaselukide ngonguwe muntu kabiyo wakatanta kule atala lyamajulu oonse, kuti azuzye zyoonse zintu. ¹¹ Kkilisitu wakapa bamwi kuti babe batumwa, bamwi mbuli basinsimi, bamwi babe bakambawusi alimwi bamwi babe bembeli abayisi. ¹² Wakapa zipo ezi kusamika bantu ba Leza basalala kubasamikila mulimu wakugwasya nkachitila kuyawala kwamubili wa Kkilisitu. ¹³ Kwinkilila anembo akuyaaka mubili wakwe maane toonse tukasikile lujatano lwalusyomo aluzibo lwaMwana Leza, akuti tukasime akusikila mwelwe wabuzule bwa Kkilisitu. ¹⁴ Kkilisitu wakatuyaka kuchitila kuti tatuchinoli bana bapupulwidwe musule akunembo aguuwo, kubwezegwa aguwo lyonse lyanjisyo yabuchenjezu bwabantu mumabambe abo alweno. ¹⁵ Twelede kwaamba kasimpe muluyando, twelede kukomena mulizyonse inzila mulinguwe ooyo silutwe, nkokuti Kkilisitu. ¹⁶ Kkilisitu uyaka mubili wonse, alimwi yonse igwasizya, alimwi mubili kuti ukomene kuchitila kuti ulyiake mwini muluyando. ¹⁷ Nkinkako, ndaamba kuti ndasimya kuleezi mu Mwami kuti tamuchinoyendi mbuli kweenda bamaasi, mubufubafuba bwamyoyo yabo. ¹⁸ Bali siyilidwe mukumvvisisya kwabo, kuti kulimbabo, nkambo kakuyuma kwamyoyo yabo. ¹⁹ Tabakwe nsoni alimwi bakalipeda kutubuno, alimwi bakiyya yoonse misyobo yazibi abulyabi. ²⁰ Pele tensi mbubo mbumwakayiya atala akkilisito. ²¹ Ndiyeyela kuti mwakamvwva atala anguwe, akuti amwakayisigwa mulinguwe, mbuli kuti bwini buli muli Jesu. ²² Mwakayisigwa kuti musowe zyoonse zyempeno yechiindi akusowa muntu wechiindi. Muntu wechiindi ngonguwe nguusofwede nkaambo kalweno lwaziyanidisyo zyakwe. ²³ Musowe buntu bwewchiindi kuti mulengululwe bupya mumiyeyo yanu, ²⁴ muchite echii kuti muzwate muntu mupya oyo ulengedwe muchiimo cha Leza-mbululami bwakasimpe abusalali. ²⁵ Nkinkaako, amusowe bubeji, alimwi muleke uumwi awumwi wanu aambe kasimpe kulisimabambanwa wakwe, nkambo tulichizo chawumwi awumwi. ²⁶ "Nyema, pele utabisyi." Utazumini kuti zuba likabbile nkochinyemedi. ²⁷ Utapi mwenza kuli dyabolusi. ²⁸ Ooyo wakali kubbata achinobbi lubo welede kubeleka, kubelekela kulecho chibotu amaanza akwe, kuchitila kuti abe achimwi chakwabilana ababo babulide. ²⁹ Utazumizyi kwambuula kuchisa kuti kuzwe mumulomo wako. Belesya biyo majwi mabotu kuchitila kugwasigwa kwabaabo bakuyanda, kuchitila kuti majwi ako ape luzyalo kulaabo baamvwa. ³⁰ Alimwi mutapenzyi Muuya Uusalala wa Leza, nkaambo nguwe wakamusimisizya buzuba bwalununuko lwenu. ³¹ Musowe boonse buluti amaambani, lunyemo, ndutiliti azisapi aantomwe abubi boonse. ³² Mube aluzyalu kuli umwi awumwi, moyo mubombe, mwambilane umwi awumwi, mbuli Leza muli Kkilisitu mbwakamulekelela.

5

¹ Nkinkaako amube basikwiya ba Leza, mbuli bana bayandisi. ² Alimwi mweende muluyando, mbuli Kkilisitu mbwakatuyanda swe akulyabilila lwakwe nkambo kesu. Nchinunkilizyo chachituuzyo achipayizyo kuli Leza. ³ Pesi takwelede nikuba kwambula akati kenu atala abwaamu na kufumbwa misyobo yabusofwazi naa buunyu, nkambo ezi taziluleme kubantu ba Leza basalala. ⁴ Eelyo kutabi zisapi, kutabi twambo twabufubafuba, abuchapa kukwambula zyoonse azezyo zitali zyabululami. Nikuba kuti kwelede kuba chipo chakulumba. ⁵ Alimwi mbuli mbumuzi kuti takwe sibwamu, sibusofwazi naa muntu muunyu ayooyoy sikukomba mituni - uli alukono mubwami bwa Kkilisito a Leza. ⁶ Kutabi umwi umweena amajwi abuuyo, eelyo nkambo kazeezi zintu bululami bwa Leza bulaza atala lyabana bataswilili. ⁷ Nkinkaako, mutaswanani antomwe ambabo. ⁸ Elyo mwakali mumudima, pesi lino mwakaba mumumuuni muMwami. ⁹ Amweende mbuli bana bamumumuuni. (Nkambo michelo yamumiuni mwiili muli zyonse zibotu, busalali, akasimpe), ¹⁰ Mpawo mwiye ezyo zikoonda Mwami. ¹¹ Mutanobi aamwi amilimu itazyali michelo yamumudima pesi amwiyubunune. ¹² Eelyo mawuse nikuba kwaamba zintu nzibachita chakusisa. ¹³ Pesi kuti kufumbwa chintu chabikwa mumumuuni, ngachali bonia. ¹⁴ Eelyo kufumbwa chintu chilibonia mumuni. Nkinkaako kwambwa kuti, "sinsimuka, iwe nosikona alimwi buka kuzwa kubafu, alimwi Kkilisitu uyomunika kulindime." ¹⁵ Langisisisya kabotu kabotu mbayeenda - pepe mbuli bafubafuba pesi mbuli basongo. ¹⁶ Bamba chiindi nkambo mazuba mabi. ¹⁷ Nkinkaako, mutabi bafubafuba, pesi mumvvisisye kuti kuyanda kwa Mwami nkukuli. ¹⁸ Alimwi mutakkolwi abukkande, nkambo bwetela budakwi mumizeeo. Nikuba kuti, amuzuzigwe a Muuya Uusalala, ¹⁹ amwambule kuli umwi awumwi muntembaawuzyo enyimbo alimwi enyimbo zyamuuya, kwimba

akulumbaizya ku Mwami amyoyo yanu yoonse,²⁰ Lyoonse kamupa kulumba kuli zyoonse, muzina lya Mwami wesi Jesu Kkilisitu kuli Leza Taata,²¹ akuli bombya kuli umwi awumwi mukulemeka Kkilisitu.²² Nobanakazi amulibombye kubalumi banu, mbuli kuMwami.²³ Nkambo mwalumi ngomutwe wamwanakazi mbuli Kkilisitu mbwali mutwe wembungano, welwakwe mufutuli wamubili.²⁴ Pesi mbuli mbungano mbilibombya kuli Kkilisitu, eelyo anywebo nobanakazi kubalumi banu muli zyoonse.²⁵ Nobalumi, amuyande banakazi benu, mbuli Kkilisitu mbwakayanda mbungano akulipeda Iwakwe kuli nguwe.²⁶ Kuchitila kuti akamusanzye, kuti ayisalazye, kukwisalazya akwisanzya kwamanzi ejwi,²⁷ kuti akapede mbungano kulingue mbuuli bulemu butakwe kabata naa bubi naa kamwi kampenda kamusyobo oyo, pesi isalala akutaba akampenda.²⁸ Munzila iyendelene abululami belede kuyanda banakazi mbuli mibili yabo beni. Oyo uyanda mwankazi ulaliyanda mwini.²⁹ Eelyo takwe umwi wakabijila amibili wakwe, pesi ulawubamba akusilika chamaanu, mbubonya mbuli Kkilisitu mbwakananika akusilika mbungano chamaanu,³⁰ nkambo tuli bana bamubili wakwe.³¹ "Nkambo kacheeli mwalamu unonga kasiya wisi abanyina alimwi uyoba antomwe amwanakazi wakwe, alimwibibili bayoba nyama yomwe."³² Obu bwini busisidwe mbupati - pesi ndikwambula atala a Kkilisitu ambungano.³³ Nikuba booboo, umwi awumwi wanu kabiyo welede kuyanda mwankazi wakwe mwini mbuli lwakwe, alimwi mwankazi welede kulemeka mulumi wakwe.

6

¹ Banike, amulemeke bazyali benu mu Mwami, nkambo eechi chililuleme. ² "Lemeka Uuso abanyoko" (oyu ngomulazyo mutanzi ulechisyomezyo),³ kuchitila kuti kubekabotu kulinduwe akupona chiindi chilamfu munyika." ⁴ Anywebo, nomataata, mutanoniaki banabenu kukunyema nikuba kuti, mubanyampule mululayo amulayilile a Mwami.⁵ Nobazike, amumvwe kubaami benu kwindila kunyama akulemeka kunikide achakuyooowa, mukusyomeka kwamoyo yanu.⁶ Amumvvisisisye kulimbabo mbuli mbu-mumvvisisisya kuli Kkilisitu. Amumvvisisisye mubabotzye. Nikuba kuti, amubeleke mbuli bazike baKkilisitu, abo bachita kuyanda kwa Leza kuzwa mumoyo yanu.⁷ Muchite amyoyo yenu yonse, mbuli mbumwakali kuchitila Mwami alimwi pepe bantu,⁸ Nkambo tulizi kuti kufumbwa zichito zibotu awumwi muntu nzyachita, uytambula mpindu kuzwa kuMwami, nikuba muzike naa ufutwidwe.⁹ Nubaami, mubelesye bazike benu munzila yelene. Mutabakanzi bubi mulizi kuti oyo uuli kobile mubelesyi wabo anunu ulikuju., alimwi mulizi kuti takwepe kulgangilwa kwachiwa chamuntu.¹⁰ Kumaninizya, amusime mu Mwami amunguzu zyabupati bwakwe.¹¹ Muzwate mulizyonse zilwanyo zya Leza, nkokuti mukakkonye kwimininana amanjezezeza akuyeya kwadyabolosi.¹² Eelyo kupengana kwesu takwiminene enyama abulowa, pesi kwiminene abendelezi abendelezi, kwiminene anguzu ezi ziliwo zyamudima, kwiminene abwendelezi bwamuya mibi ili mumilengalenga yakujulu.¹³ Nkinkaaiko muzwate zyoonse zilwanio zya Leza, kuchitila kuti mukakonye kwiminika mubuzuba bwakabi, alimwi nkamuli mwamaninsya kuchita zyoonse, kukwimikila nji.¹⁴ Mwime njii, alutambo lwabwini luzyungulukide zikkungu zyenu, alimwi mulizwitatike zizwaato zyakukaango zyabululamu,¹⁵ alimwi, azitura zibambwe kukuzwatikwa amakani amakani mabotu alumuno.¹⁶ Muli zyonse zichtwa mubweze ntobo yalusyomo, mbubonya tuyokkonza kugwisya yoonse mivvi iyaka yamubi.¹⁷ Alimwi mubweze ngowani yalufuko apanga lyamuuya, liliindendilo ijwi lya Leza.¹⁸ Azyoonse nkombyo azikkumbizyo, mukombe kuzyiindi zyoonse mumuuuya. Dokumamanino, lyoonse kamulangilizyo aboonse busungu nkamupeda nkombyo kuli bonse bantu ba Leza basalala.¹⁹ Alimwi mundikcombele, kuti mulumbe ukapegwe kulindime nindayojula mulomo wangu. Mukombe kuti ndikazibisigwe kasimpe kasisidwe aatala evangeli.²⁰ Ndendilo lye vangeli elyo ndiyobuzulwida oyo uli mumachen, kuchitila kuti ndikaambe akanzambwenene, mbuli mbiyelede kwamba.²¹ Pele nkukuti mukakonye kuziba amabelekole angu mbwendikuchita, Taychikkasi, mwalumi tuyandisi alimwi mulanda usyomeka mu Mwami, uyomubuzya zyoonse, kuchitila kuti mukazibe mbuli mbwendikuchita.²² Ndakamutuma kulindinywe kulingaaya ya makanzé, kuchitila kuti mukazibe mbutubede, alimwi kuchitila kuti akusungwazye myoyo yenu.²³ Akube kuti lumuno lube kubakwesu, alimwi luyando alusyomo luzwa kuli Leza Taata a Mwami Jesu Kkilisitu.²⁴ Luzyalo alube kuli boonse abo bayanda Mwami wesi Jesu Kkilisitu aluyando lutakwe kampenda.

Ba Filipi

¹ Pawulu a Timoti, ibabelesi ba Kkilisito Jesu, ibabelekela bantu ba Leza basalala muli Jesu Kkilisito ibali ku Filipi, abeendelezi bapati abadikoni. ² Iluzyalo alumuno luzwa kuli Leza taata wesu a Mwami Jesu Kkilisito alube kulindinywe. ³ Ndilumba Leza wangu chindi choonse nindimuyeeya. ⁴ Lyoonse, munkombyo zyangu zyonse nzindimuchitila, nkekkomba mukubotelwa ⁵ nkambo kakujatisyania andinywe ijwi kuzwa kubuzuba butaanzi kuzosika lino. ⁶ Ndilakkutisika anchiicho chintu echii, chakuli oyo iwakatalika mulimo mubotu mulindinywe uyoyinkilila kunembo akuchita kuti akawumane ado kubuzuba bwa Jesu Kkilisito. ⁷ Chilikabotu kuti ndilimvwae kabotu atala andinywe nkambo muli mumoyo wangu. Moonse mwalijisini andime chaluzyalo nikuba mukujalilwa muntolongo akububotu bwangu amukusisikizigwa kwajwi. ⁸ Nkambo Leza ngukkamboni wangu, mukumuyandisyua kwangu moonse alwetelelo lwa Kkilisito Jesu. ⁹ Aboobo njeyi inkombyo yangu: Kuti luyando lwanu lukomene mubwingi lyoonse muluzibo akumvwisisisya koonse ¹⁰ kuchitila kuti mubotye echo chibotu kwindilila, alimwi mukuti mube aabwini akutaba amulandu mane busike buzuba bwa Kkilisito, ¹¹ nkamuzwide muchelo wabululami ooyo uuza kubulemu akutembawulwa kwa Leza kwindila muli Jesu Kkilisito. ¹² Lino ndiyanda kuti muzibe, nobakwesu, kuti ezi zyakachitika kulindime zyagwasya loko kukunyampula kwendelela kwajwi. ¹³ Nkaambo kaako inketani zyangu muli Kkilisito zyaboneka kuli basikulinda muunzi wa Mwami akubantu boonse. ¹⁴ Ibakwesi biingi bajana kumvwisisisya muMwami akambo kanketani zyangu, alimwi baba abukozu bwakwambula ijwi kabatayoowi. ¹⁵ Nchonzyo bamwi bakonzya kukambawuka Kkilisito chakutangalilana abulwani na, alimwi bamwi bachita amoyo mubotu. ¹⁶ Ibamusule bachita aluyando, mukuziba kubi ndabikwa aano kuti ndikwabilie ijwi. ¹⁷ Pesi ibakayinda bakambawuka Kkilisito amizeeo yakulipa, pepe mubwini. Bayeeya kuti balandiinda mpuwo aawo nenchisungidwe. ¹⁸ Ani niinzi lino? Ado kuti munzila zyoonse nikuba zyajungwe lyakubeja kana lyakasimpe - Kkilisito uli kukkambawukwa, alimwi ezezi zilandibotezya. Iyii, alimwi ndiyobotelwa, ¹⁹ nkambo ndilizi kuti eezi ziyondipa kwangununwa kwinda munkoombyo zyenu alugwasyo lwa Muuya wa Jesu Kkilisito. ²⁰ Kuzumana kwabulangizi alusyomo lwangu kuti taakwe mbundiyooba amawuse pesi ndiyoba aanguzu, lino mbuli kuti lyoonse, Kkilisito uyomemezegwa mumubili wangu, nikuba mukupona kana kulufu. ²¹ Nkambo kuti ndiponede ngu Kkilisito alimwi kufwa nimpindu. ²² Pesi aanoli kwali kuti ndipona munyama, eechi chaamba mulimu uzyala michelo kuli ndime. Pesi ndilasala chili? Nsichizi pe. ²³ Nkambo ndilimanikizigwe azintu zibili. Ikupeekezya kwangu nkuti ndizwe ndikabe aa Kkilisito, kachili ncchechintu chibotu loko, ²⁴ Pesi kupona munyama mukubona kachili chintu chipati kuli ndinywe. ²⁵ Mukukkutisika acheechi, ndilizi kuti ndiyochala akwinkilila kunembo andinywe, kuchitila kuzwidilila akubotelwa kwenu mulusyomo. ²⁶ Kuchitila kuti muli ndime mukajane twaabmo twingi tutakamupe kupakala muli Kkilisito Jesu aawo ndakuubola lubo kulindinywe. ²⁷ Inywe amulyendeleye biyomunzila iyendelana aajwi lya Kkilisito, kuchitila kuti ndaboola kuzomubona kana tendabola, ndikonzye kumvwa aatala andinywe, kuti muliiumvi njii mumuuya omwe, amuzeeo oomwe wakufundumanina lusyomo lyajwi kali antoomwe. ²⁸ Tamukongwi nikuba muli iili inzila abaabo mbimu suleene aabo. Eechi ncchikozyanisyko kuli mbabo ichaamba kumwayika kwabo, pesi kuli ndinywe ndufutuko - alimwi luzwa kuli Leza. ²⁹ Nkaambo lwakapegwa biyo kuli ndinywe akambo ka Kkilisito kutali kuti biyo musyome mulinguwe, pesi akuti mumufwabile, ³⁰ kamuli ensandulo lukazyanio ndumwakabona mulindime, alimwi lino mulalumvwa muli ndime.

2

¹ Ndiyeyela kuti kuli kusungwazigwa muli Kkilisito. Ndiyeyela kuti kulikulyiiba kujanika muluyando lwakwe. Ndiyeyela kuti kuli luswanano lwa Muuya. Ndiyeyela kuti kuli kufwidwa nsoni alwetelelo. ² Amuzuze kubotelwa kwangu mukuba bamwi amumuzeeyo omwe, amukuba aluyando lomwe, kamujisini amumuuya, akuba anchito ikozyenye yoomwe. ³ Tamuchiti chintu mubufubafuba kana mukulipenza biyo. Pesi mumawuse mwelede kubona bamwi kabali kabotu kwinda ndinywe. ⁴ Umwi awumwi wenu atalangi nzyayanda lwakwe mwini biyo, pesi alange alimwi iziyanda bamwi. ⁵ Amube acho echi mumizeeo yanu ichakali muli Kkilisito Jesu. ⁶ Ooyo, nikuba kuti wakapona muchiimo cha Leza, taakalibona kayelene pe a Leza mbuli chintu

chakujatilila kuli nchicho. ⁷Pesi, wakalyubula akulibika muchiimo chamubelesi, aboobo wakaizyalwa muchiimo chikozyenye abantu. ⁸Wakalibombya akusyomeka kuyosika kuchiindi chalufu, akukuyofwa achiingano. ⁹Nkinkaako Leza wakamunyampula loko alimwi. ¹⁰Wakachita obo kuchitila kuti muzina lya Jesu woонse mazwi akatifuke, imazwi aababo balikujuju abali aansi abali munsi aanyika. ¹¹Wakachita boobo kuchitila kuti zyoонse indimi zikape bukawamba kuti Jesu Kkilisitu ngu Mwami, kubulemu bwa Leza Taata. ¹²Nkokuti lino, nobayandwa, mbuli mbumulemekwa kale lyoonse, kutaamba neliwo biyo pesi kapati nensiwo, amubelekele lufutuko lwanu mukuyowa amukukankama. ¹³Nkaамbo ngu Leza uulikubeleka muli ndinywe munzila zibili zyakuyanda akukubelekelwa kubotelwa kwakwe kubotu. ¹⁴Muchite zintu zyoонse kamuta tongooki nikuba kukazyania. ¹⁵Kuchitila kuti mumanninene tamubi akampenda, ibana ba Leza ibatakwe ibubi mukati kabuзыалане bubblingene alimwi bulangililwa aansi, oomo mumumvika mbuli malampi munyika yoонse. ¹⁶Amujatilile kujwi lya buumi kuchitila kuti mubuzuba bwa Kkilisito ndikalidundiizye kuti tendakachijana biyo kana kubelekelwa mayabwe. ¹⁷Pesi nikuba kuti ndilikutilwambuli chipo kuchipayililo akuba mulimo walusyomo lwanu, Ndilalumba akubotelwa andinywe moonse. ¹⁸Muli njiyeeyo inzila yomwe anywebo mwelede kulumba akubotelwa andime. ¹⁹Pesi ndilasyoma ku Mwami Jesu kuti atume Timoti kuli ndinywe kufwambana, kuchitila kuti ambebo ndisungwazigwe. ²⁰Nkaамbo nskwe uumbi uulimbuli nguwe, uuli aluyando andinywe. ²¹Nkambo boonse bayanduula nzibayanda beeni, izitaala azaya Jesu Kkilisito. ²²Pesi mulizi bupati bwakwe, nkambo mbuli mwana uli awisi, nkinkaako wakabeleka andime mujwi. ²³Aboobo ndisyma kumutuma kufwamabana awoo ndabona kuti zintu zilandendela byeni. ²⁴Pesi ndilasyoma ku Mwami kuti ambebo lwangu ndize kufwambana. ²⁵Pesi ndibona kuti chiledele kutuma Epafuloditasi kuti aboole kulindinywe. Mukwesu alimwi mubelesima, alimwi ngu silumambaama, alimwi ngusinyenda wenu kali mubelesi wa nzindibula. ²⁶Nkambo wakatyompedwe loko, alimwi wakali wazimba kubandinywe moonse, nkambo mwakamvwa kuti wakali kuchiswa. ²⁷Nkambo inchoonzyo wakalichisidwe kwakuti wakasifwe. Pesi Leza wakamufwida luzyalo, kakutali nguwe biyo, pesi akulindime, kuchitila kuti nskabi aamawuse ajulu lyamawuse. ²⁸Nkokuti chilimibusungu kwindilide kuti ndimutume, kuchitila kuti mwamubona lubo mubotelwe, alimwi nditawusi loko. ²⁹Mumutambule Epafuloditasi mu Mwami alukondo loonse. Mulemeke bantu balimbuli nguwe. ³⁰Nkambo wakasifwe akaамbo kamulimu wa Kkilisitu. Wakasanga buumi bwakwe mukundibelekela akuzuzikizya eezyo nzimwakatali kukkonzya kundichitila.

3

¹ Ichamamanino nobakwesu, amubotelwe muMwami. Nkambo kuti ndimulembele lubo zintu ezi teensi penzi pe kulindime, alimwi chilandikwabilila. ² Amuchenjelele bankala. Amuchenjelele aabo babelesi babisyi. Amuchenjelele zikonzya kumucheleyza. ³Nkambo ndiswe bapalwidwe — abo bakomba a Muuya wa Leza, alimwi balamantukwe muli Kkilisito Jesu, alimwi tatukwe lusyomo kunyama. ⁴Nikuba boobo, ime lwangu ndakonzya kusyoma kunyama. Kuti kalojo umwi mutu ueyeya kuti ulasyoma kunyama, ime ndikonzya kusyoma kwindilila. ⁵Ndakapalulwa mubuzuba bwamusuan amazuba ootatwe, kubantu ba Izilayeli, kumusyobo waba Bbenjamini, mu Hibbulu waba Hibbulu; mbuli mukulemuzya mulawo, mufalisi. ⁶Ndakasungwala chenguzu kukupenzya imbungano. Alimwi kumakanai aabusalali kumulawu, tendakalikwe mulandu. ⁷Pesi zyoонse zintu zyakali mpindu kulindime, ndazibona kakuli kuswekelwa akambo ka Kkilisito. ⁸Isimpe nkuti, lino ndibona zyoонse mbuli mayabwe nkambo kabukkolokolo bwaluzibo lwa Kkilisito Jesu Mwami wangu. Nkambo kakwe ndisiya zyoонse zintu - alimwi ndazibona mbuli tombe - kuchitila kuti ndijane Kkilisito ⁹akuti ndijanike mulinguwe, akuti nsijaniki aabusalali bwakulichitila kumulawu, pesi kuti eezyo zizwa mukusyoma kuli Kkilisito - ibusalali buzwa kuli Leza uuli lusyomo lwangu. ¹⁰Nkambo lino ndiyanda kumuziba anguzu zyakubuka kwakwe abuzolwani bwa koomba kwakwe akubuka mbuli nguwe kuluju lwakwe. ¹¹Kuchitila kuti mulimwinzila ndikakonzye kubuka kuzwa kubafu. ¹²Teensi kwaамба kuti ndazijana kale pe zintu eezzi, kana kuti ndili libambilide kumaninina, pesi ndilipeda kukujatilila kuli eecho nchindakabwezelwa kuti ndijate a Kkilisito Jesu. ¹³Nobakwesu, nsiyeyi kuti ime lwangu ndakachijatilila kale pe, Pesi chintu chomwe nchindichita: Nkuluba echo chakiinda akunangatila eecho chili kunembo. ¹⁴Ndijatisya kuya kunembo kubulangizi nkelamuzeego wakujana lwiito lwa Leza undinyampula muli Kkilisito Jesu. ¹⁵Toonse swebo nitwakakkomena, atuyeye boobu. Alimwi kuti chimwi chintu wachiyeeyaa

busiyene, alimwi Leza ulachiyubununa kuli nduwe. ¹⁶ Muliimwi inzila, kumaboneno aachecho nchitwajana, atubambe nguyooyo mweelo wachiimo. ¹⁷ Amundiye, nobakwesu. Amulangisisye aabo bayobwenda muchikkozyano nchimulachcho muli ndiswe. ¹⁸ Mbiingi bayobwenda - aabo mbindikkala nkemwambila atala ambabo, alimwi lino ndikumwambila akulila - mbuli basinkondonyina baachingano cha Kkilisito. ¹⁹ Imagoleo aabo nkunyonyooka. Nkambo leza wabo mbula bwabo, alimwi bulemu bwabo buli mukuusa kwabo. Bayeeya zintu zyanyika. ²⁰ Pesi ibukkale bwesu bulukjulu, ooko nkutulindide Mufutuli kuti azobile, i Mwami Jesu Kkilisito. ²¹ Uyosandula mibili yesu myuuba akayichite mibili ilengedwe mbuli wakwe mubili wabulemu, uubumbidwe abupati bwanguzu zyakwe kuti zintu zyoonse zilangane aanguwe.

4

¹ Nkinkaako, nobakwesu bayandwa mbindizimbide, ikubotelwa kwangu abulemu, muli yeeyi inzila kulizyandamene mu Mwami, benzuma nimuyandwa. ² Ndili kukkombeleyania a Ewuyodiya, alimwi ndili kukkombeleyania a Sintiki, kuti babe amoyo omwe mu Mwami. ³ Iyii, ndili kumukkumbila, nobasindikizy bangu bakasimpe, kuti mugwasye banakazi aba ibakabeleka andime kukwendelezya ijwi antoomwe a Kkilementi abamwi boonse mbindibeleka aabo, bali amazina aalembedwe mu Bbuku lya Buumi. ⁴ Amubotelwe mu Mwami lyoonse. Alimwi ndinowamba kuti, amubotelwe. ⁵ Muchite kuti bubombe bwanu buzibinkane kubantu boonse. Mwami waaba awfifwi. ⁶ Tamubilili chintu nichiba chomwe. Anu kuti, mulizyoonse mukukkomba alimwi akutongooka akupa zilumbyo, izikkumbilo zyenu azibizinkane kuli Leza, ⁷ alimwi Lumuuno lwa Leza, lwiinda kumvwisisisy koonse, luyokwabilila myoyo yanu amizeezo yanu muli Kkilisito Jesu. ⁸ Kumamanino, nobakwesu, kufumbwa zintu zyanchoonzyo, kufumbwa zintu zyabulemu, kufumbwa zintu zyabwiini, kufumbwa zintu zisalala, kufumbwa zintuzyebeka, kufumbwa zintu zyaambwa kabotu, kuti kakuli chimwi chibotu kwindilila, kuti kakuli chintu chiyana kulumbayizigwa, amuziyeeye zintu eezi. ⁹ Izintu nzimwakiya, akutambula, akumvwa akubona kulinidime, amuchite zintu ezi, alimwi Leza walumumo uyooba aandinywe. ¹⁰ Ndili akubotelwa kupati mu Mwami nkambo lino mwakonzya kubambulula bupya imandiyeyelo anu. Nkasimpe kuti mwali kundiyeeya kale, pesi tekwakali mweenya pe wakuti mundigwasye. ¹¹ Nsili mukwambila kuti ndilibulide pe. Nkaambo ndakiya kukkutisika muysiimo zyoonse. ¹² Ndilibwizi buchete, munzila zyoonse zintu amuzintu zyoonse ndakiya insiswa yakusaninwa kabotu alimwi akuba enzala, alimwi akuba azyoonse na mukubula. ¹³ Ndakonzya kuchita ezi zintu kwinda mulinguwe ooyo undisimya. ¹⁴ Nikuba boobo, mwakachita kabotu kwabilana andime nindali mubuyumuyumu. ¹⁵ Inywe nobantu baku Filipi mulizi loko kuti kumatalikilo aajwi, aawo nindakazwa mu Masedoniya, takwepe imbungano yakandigwasya munzila yakundipa kana kutambula kunze kwandinywe luzutu amulikke. ¹⁶ Koonse ani ndakali mu Tesalonika, mwakanditumizya twiingi lugwasyo lwazintu nzindakabulide. ¹⁷ Tachaambi kuti ndiyanda kupegwa pe. Pesi, ndiyanda muchelo uuyungizya impupo yenu. ¹⁸ Ndakatambula zintu zyoonse, kazikkwene kana kwindilila. Ndakakkutisikana. Ndakazitambula kuzwa kuli Epafuloditasi izintu nzimwakamutumizya. Nzintu zinunkilila bunonono, mbusange butambulika akubotelezya kuli Leza. ¹⁹ Leza wangu uyomupa zyoonse nzimubula mbuuli mubuvubi bwakwe amubulemu muli Kkilisito Jesu. ²⁰ Lino kuli Leza a Taata akube bulemu bwalyoonse alyoonse. Ameni. ²¹ Mujuzye boonse bazumina muli Kkilisito Jesu. Balikumujuzya loko bakwesu mbindaabo. ²² Bamujuzya boonse bazumini ba Leza baluleme bali kokuno, ikapati aabo bempuli ya Siiza. ²³ Iluzyalo lwa Mwami Jesu Kkilisito lube amyuuuya yanu. Amwi malembe mapati abasikale mumulaka wechi Giliki ayungizya kuti, Ameni, alimwi kuli amwi malembe aansiku muchiGiliki aalabbala eelyo kumamanino kwa lyoonse bbuku lya Chizuminano Chipya. Alimwi kuli malembe mapati miungi aansiku muchi Giliki aatakwe Amen ku mamanino.

Ba Kkolose

¹ Pawulu, mutumwa wa Kkilisito Jesu kwinda mubukanze bwa Leza, antomwe a Timoti mukwesu, ² akubasalali ba Leza akubakwesu basyomekede muli Kkilisito baliku Kkolose. Luzyalo lube anywe, aluumuno luzwa kuli Leza Taata wesu. ³ Tupa kulumba kuli Leza, wisi wa Mwami wesi Jesu Kkilisito, elyo tulamukombela kwyoonse. ⁴ Twakamvwa zyalusyomo lwenu lwamuli Kkilisito Jesu aluyando ndomulaalo kubasalali ba Leza boonse. ⁵ Mulijisi luyando oolu nkambo kabulangizi mbomubambilidwe kujulu. Mwakamvwa atala abulangizi obu kamutana kukambawukilwa ijwi lyakasimpe, makani mabotu, ⁶ Akasika kulindinywe. Ijwi eli lilazyala michelo akuya bukomena munyika yoonse. Lyakali kuchita obo akulindinywe kuzwa kubuzuba nimwakalimvwa animwakayiyya ataala aluzyalo lwa Leza mubwini. ⁷ Aya ngimakan niwmwakalimvwa animwakayiyya ataala aluzyalo lwa Leza mubwini. ⁸ Aya ngimakan niwmwakalimvwa animwakayiyya ataala aluzyalo lwa Leza mubwini. ⁹ Nkambo kaluyando olu, kuzwa mubuzuba mbutwakamvwa echi tewakaleka pe kumukombela. Twali kumukumbilila kuti mukazuzigwe luzibo lwakuyanda kwakwe amibusongo boonse amukumvwisisya kwamumuuya. ¹⁰ Twali kumukombela kuti mweende munzila iyeelede Mwami ayeeyo imuboteleya munzila zyoonse. Twalikumukombela kuti muzyale michelo yamilimo mibotu amukukomena mukuziba Leza. ¹¹ Tukombela kuti tuyumisigwe mulizyonze mbuli mbukwelede mbulemu bwanguzu zyakwe, akuba akukakatila abulangizi. ¹² Tukombela kuti mukape kulumba chakukondwa kuli Taatesu, wakamuchiita kuti mukonzye kuba achaabilo chalukono lwabasalali ba Leza bali mumumuuni. ¹³ Wakatuvuna kuzwa kunguzu zyamumudima akutulonzya kututola kubwami bwa Mwana wakwe uyandwa. ¹⁴ Mu Mwana wakwe mutujene lununuko, lwakulekelelw kwazibi. ¹⁵ Oyu Mwana nchikozyano cha Leza utaboneki. Ngongue mutanzi kuzyalwa kuzilenge zyoonse. ¹⁶ Nkambo mulinguwe zintu zyoonse zyakalengwa, ezyo zili kujulu, azezyo zitaboneki. Nikuba zyuno zyabwam, nibaba baami, nibaaba bendelezi, nibaaba basinguzu, zyoonse zyakalengwa kwinda mulinguwe kuti zibe zyakwe. ¹⁷ Ilwakwe mwini ngomutaanzi kuzintu zyoonse, elyo mulinguwe zintu zyoonse muzijisini. ¹⁸ Alubo ngomutwe wamubili, nkokuti imbungano. Ngongue matalikilo alubo ngomjtaanzi kukuzyaligwa kuzwa mukati kabafu, chaamba kuti ulabusena butaanzi bwazintu zyoonse. ¹⁹ Nkambo Leza ubotelwa buzwide bwakwe kuti bukkale mulinguwe. ²⁰ Alimwi wakali yananzisiza mumwanakwe zintu zyoonse mulinguwe. Leza wakabikka lumuuno kwindila kubulowa achingano chakwe; Leza wakabweduluza zintu zyonde kulinguwe, neziba zintu zyaansi neziba zintu zili kujulu. ²¹ Alimwi anwebo, kuchindi chakamana, mwakali bazwamaasi kuli Leza alimwi mwakali basinkondonyina a Leza mumizeeo amumichito mibi. ²² Pele lino wakamuyanzanya mumubili wakwe ufwika kwinda mulufu wakachita eezi kuti amupedekezye kamusalala, kamutakte kampenda, akutaba amulandu kunembo lyakwe, ²³ Nkukuti na mwakakatila mulusyomo, akwima njii akutasunzulusigwa mulusyomo lwamakan niwmwakamvwa. Aya makani akaambwa kumuntu woosne wakalengwa aansi ejulu. Aaya ngingawo makani mabotu kuti ime, ndi Pawulu, ndibe muzike. ²⁴ Lino ndilakondelwa machiswe angu nkambo kandinywe. Alimwi ndilazuza mubili wangu makani achisyeede amapenzi a Kkilisito nkambo kamubili wakwe, nkukuti imbungano. ²⁵ Nkambo kambungano eeyi ncndimuzike, nkambo kakuti eyi milimo ndakayibikilwa a Leza nkambo kenu, akuzuzikizya ijwi lya Leza. ²⁶ Makani aayubide aasisidwe muchindi chamazyalani akalekale. Pele kwaino aliyubunwidwe kubasalali ba Leza. ²⁷ Kulibaaba Leza wakayanda kuyubununa mbububede buvubi bulemu bwamakanai aya akati kabamasi, nkukuti Kkilisito uli mulindinywe, bulangizi bwabulemu. ²⁸ Oyo ngongue ngutu kambawuka. Tulalulamika akuyiisyasa bantu boonse achabusongo, kuchitila kuti tubayimikizye boonse kubusy bwa Kkilisito chakulondoka. ²⁹ Nchichonya echo nchembeleka akusolekesya mbuli nguzu zyakwe mbuzilokubeleka mulindime changuzu.

2

¹ Nkambo ndiyanda kuti muzibe bupati bwamapenzi ngindakajana aandinywe, nkambo kabaabo baliku Layodisiya, abaabo bakatakonzya kubona busyu bwangu munyama. ² Ndilabeleka kuchitila kuti myoyo yabo isungwazike akambo kakwetwa antomwe muluyando alubo amuliboonse buvubi buzwide kanzambwenene akumvwisisya, nsiswa zya Leza, izili Kkilisito. ³ Mulinguwe boonse buvubi bwabusongo

aluzibo muzisisidwe. ⁴ Ndaamba echu kuchitila kuti takwepe anaba umwi ukonzya kumwena amakani akumuyunga. ⁵ Nikuba nsili andinywe munyama, ndili andinywe mumuuya. Ndilabolowa kubona kubamba obotu anguzu zyalusyomo lwenu muli Kkilisito. ⁶ Mbuli mbumwakatambula Kkilisito Mwami, amweenda mulinguwe. ⁷ Amukabyalwe muzyandamikwe mulinguwe, mukayakwe alinguwe, mukasimpikwe mulusyomo mbuli mbumwakayisigwa, aakufwasuka mukulumba. ⁸ Amubone kuti kutabi naba omwe umuyunga kukwamba makani alweno ataawo, kaziyendelana atunsiya-nsiya twabantu, azwa kuzilenge zyaansi atazwi kuli Kkilisito. ⁹ Nkambo mulinguwe boonse buzwide bwa Leza mubuponi muchiimo chamubili. ¹⁰ Alimwi mulazuzigwa mulinguwe. Ngomutwe wanguzu zyonse abwendelezi. ¹¹ Milinguwe mumwakapalulwa abupalulwe butachitwi abantu mukugwisya nyama yamibili, Pesi mubupalulwe bwa Kkilisito. ¹² Mwakazikwa anguwe mulubbabbatizyo, amulinguwe mwakabusigwa mukwindila mulusyomo lwanguzu zya Leza, oyo wakamibusya kuzwa kubafu. ¹³ Nimwakafwide muzibi zyenu animwakatapalwidwe kunyama zyenu, wakamuchita kuti mupone antomwe anguwe akutulekelela zibi zyesu. ¹⁴ Wakazima makani abubi ayiminina andiswe amalayilile awo. Wakachigwisya akuchigankamina achingaano. ¹⁵ Wakasamununa bendelezi abasibwami akubachitya kufwa bweme, akubazunda bo achingano. ¹⁶ Akambo kaboobo, kutabi naba umwi umubeteka mukulya nimuba mukunywa, nikuba kumazuba amapobwe nanka amweezi mupya, nikuba kumazuba a Sabata. ¹⁷ Eezi mwenzule wazintu zichiza, pesi mubili mwini ngu Kkilisito. ¹⁸ Kutabi naba umwi uyanda kulfwinsya akukomba baangelo umubeteka kuzwa kumpindu yenu. Oyo mutu uliboobu ulanjila muzintu nzyakabona akuba mbwapekezya katakwe anchachitila mumiyeyo yanyama zyakwe. ¹⁹ Tajisilidi kumutwe, nkruuzwa kumutwe mubili wonse nkujisilidi mungo amilambi yoonse nkwijsini amwi; ilakomena akukomena kupegwa a Leza. ²⁰ Kuti na mwakafwa aamwi a Kkilisito kuzilenge zyanika, nkamboonzi muchipona kamuchibanga mulibe nyika: ²¹ "Utagumi, nanka utalabili, nanka kujata"? ²² Zintu zyonse ezi ziyoloba akubelesegwa, kazilangene kumalayilile anjiisylo zyabantu. ²³ Eeyi milayizyo ilayubununa busongo, akulibombya beni akulibombya kweeta kusilikwa kwamibili yabo. Pesi tazijisi milimu yakutukasya kuzumina zichito zibi mumyoyo yesu.

3

¹ Kuti kakuli kuti Leza wakamibusya amwi a Kkilisito, amuyanduule zintu zyakuju, oko Kkilisito nkakkede kujanza lyechilisyo lya Leza. ² Amuyeeye atala azintu zyakuju, pepe azimwi zili aansi. ³ Nkambo mwakafwa, mpawo buumi bwenu bulisidisidwe a Kkilisito muli Leza. ⁴ Awo Kkilisito nazolibonia, uuli mbobumi bwenu, awo muyolibonia aamwi anguwe mubulemu. ⁵ Muzibike kulufu, mpawo, zizo zyamunyika - bwamu, busofwazi, mpeekezyo, kuyandisyia zibi, abusachivulemwangu, kazili mituni. ⁶ Nkambo kazeezi bukali bwa Leza nchibusikila bana bakutaswilila. ⁷ Mulizeezi zintu nzimwakali mwenda mulinzizyo nimwakali kupona mulinzizyo. ⁸ Pesi lino myelede kuchenjela kuzintu zyonse ezi - bukali, lunyemo, mpeekezyo imbi, lunyansyo, amatusi kuzwa mumilomo yenu. ⁹ Mutanowambilani zyakubeja umwi amwenzinyina, mbuli mbumwaka samununa buntu bukulukulu amwi azyiimbo zyabo, ¹⁰ mpawo mwakazwata mutu mupya iwakachitwa mupya muluzibo mbukwelede kuchiimo chawoyo iwakachilenga. ¹¹ Awo mpawo atakwe muGiliki a mujuda, upalwidwe awutapalwidwe, basikubwelebweza, mu Sitiyeni, muzike, silwangunuko, pesi Kkilisito ulizulide, akuba muli zyonse. ¹² Amuzwaate, mpawo, mbuli basale ba Leza, basalali bayandika, amuzwate moyo waluse, buuya, kulibombya, kulifwinsya akukakatila. ¹³ Amukkazikane myoyo umwi awumwi, amube aluzyalo umwi awumwi. Nakuti kuli uli akambo kumwenzinyina, umulekelele mbuli Mwami mbwakamulekelela. ¹⁴ Atala azintu zyonse, amube aluyando, lulindondulo chaanzo chabubotu. ¹⁵ Luumuno Iwa Leza lwendelezye mumyoyo yenu, nkambo kandulolol lumuno nchimwakayitilwa mumubili omwe. Amube akulumba. ¹⁶ Akube kuti Ijwi lya Kkilisito lipone mulindinywe, kuiiisa akululamikana umwi awumwi abusongo boonse, mukwimba nyimbo antembawuzyo anyimbo zyamumuya akulumba mumyoyo yenu kuli Leza. ¹⁷ Alimwi zyonse nzimuchita, mumajwi amumichito, amuzichite zyonse muzina lya Mwami Jesu. Amupe kulumba kuli Leza Taata kwinda mulinguwe. ¹⁸ Nobanakazi, amulifwinsye kubaalumi benu, nkambo nchicheelede mu Mwami. ¹⁹ Nobaluumi, amuyande banakazi benu, nkabela mutanobi abulkali kulimbabo. ²⁰ Nobana, amuswilie bazyali benu muzintu zyonse, nkambo eezi zilaboteleyza mu Mwami. ²¹ Nomataata, mutanokkalalili bana benu, kuchitila kuti baleke kusululwa. ²² Nobazike, amulemeke basimalelo benu munyama amuzintu zyonse, pepe chipameso biyo, mbuli bantu basikuupaupa, pesi

amoyo wanchoonzyo. Muyowe Mwami.²³ Zyoonse nzimuchita, mubeleke kuzwa kumuuya wa Leza alubo pepe kabantu.²⁴ Mulizi kuti moyotambula kuzwa ku Mwami mpindu yalukono. Ngu Mwami Kkilisito ngumubelekela.²⁵ Nkambo kuliwoonse utachiti bululami ulatambula chisubulo chakatalulama kwakwe nkwichita, nkambo takulangwi chiimo chamuntu pe.

4

¹ Nobasimalelo, amupe balanda benu chakululama achakweleka. Mbumwizi kuti anywebo mulijisi simalelo uli kujulu. ² Amujatisye kukomba, musungwalile nkuko akulumba. ³ Nkabela amutukombele aswebo, kuti Leza atujulile myeenya yajwi, kwamba makani masiske a Kkilisito. Nkambo kacheechi, ndilangidwe anketani. ⁴ Amukcombe kuti nkakonzye kulungulula, mbunjelede kuyowamba. ⁵ Amweende chabusongo kulibaabo balaanje, amununune chiindi. ⁶ Kwamba kwenu akube kwaluzyalo lyoonse, kulweezegwe amwinyo wakulumba, kuti mube abusongo bwaku-vviila kabotu kabantu boonse. ⁷ Lino kumakani alatala andime, Tukiko mukwesu ulachita kuti mwazibe. Mukwesu uyandika, simulimoma musyomesi, muzikema mu Mwami. ⁸ Ndamutuma kulindinywe nkambo kacheechi, kuti amuzibye makani andiswe, akusungilizya myoyo yenu. ⁹ Ndilamutuma antomwe a Onesimasi, ulisyomekede alimwi mukwesu uyandika, kali umwi wenu. Bayomuzibisa zyoonse zyakachitika okuno. ¹⁰ Alisitachasi, mwangema, ulokumujuzya, antomwe a Maakkki, mwenzinyina wa Bbanabbasi (multambwide kale mulazyo wakuti, asika kulindinywe, mumutambule), ¹¹ antomwe a Jesu uyiitwa kuti ngu Jusitasi, Abo boonse babupalule mbasimilimoma mumulimo wabwami bwa Leza. Mbibakali lumbulizyo lwamoyo wangu. ¹² Epafulatasi ulokumujuzya loko. Nguumwi wenu alubo muzike wa Kkilisito Jesu. Ukkala kamwitilila munkombyo, kuchitila kuti mukiime chakuzulila akuba bwiini kulizyoonse muluyando lwa Leza. ¹³ Ndipa bukamboni kuti umubelekela chamanguzu, kuli aabo balimu Layodisiya, antomwe akulibaabo balimu Hilapolis. ¹⁴ Lukka musilisi uyandika antomwe a Demasi balokumujuzya loko. ¹⁵ Mujuze bakwesu balimu Layodisiya, aku Nimfu, embungano ilimu ng'anda yakwe. ¹⁶ Olu lugwalo lwamana kubalwa kulindinywe, amuchite kuti lubalwe akulako kumbungano yabaku Layodikiya. ¹⁷ Amwambile Akkipa kuti, "Langa kabotu kumilimo njiwakatambula ku Mwami, kuti uyelede kuzuzikizya." ¹⁸ Olu lujuzyo ndalulemba amaboko aangu - ndime Pawulu. Kamuyeeya inketani zyangu. Luzyalo alube anywebo.

1 BaTesalonika

¹ Pawuli, Siluvanisi aTimoti, kumbungano yakuTesalonika muliLeza Taata aMwami Jesu Kkilisito. Lino luzyalo alumuno alube kulindinywe kuzwa kuliLeza Taata aMwami Jesu Kkilisito ² Lyoonse tupa kulumba kuliLeza kamulimoone mbuli mbutumwaamba kwalyonse munkombyo yesu. ³ Tulayeya kuti leza wesi aTaata kumulimu yalusyomo milimo yaluyando, ayabulindilizi mukulangilila muMwami Jesu Kkilisito. ⁴ Bakwesu nimuyandwa aLeza, tulizi wakamusala, ⁵ nkaambo majwi mabotu akasika kulindinywe pe pe mumajwi luzutu, pesi aalubo manguzu mumuuya usalala, mpawo amubwingi bwazisyomezyo. Aalubo, mulizi kuti twakali bantu balibenyi aakati kanu nkambo kanu. ⁶ Mwakaba basikwiya kulindiswe akumwami, nimwaka tambula majwi mumakataazyo alukondo kuzwa kumuya usalala. ⁷ Mbuli mpindu, mwakaba chitondezyo kuli boonse baliku Masedoniya aKkayiya basyoma. ⁸ Kuzwa kulindinywe jwi layMwami lyayitwa, mpo tee kuMasedoniya luzutu pe, akyakayiya, pesi lusyomo kuliLeza lwakazulila koonse-koonse. Nkaambokako tatuyelede kwamba chintu kufumbwa. ⁹ Kuli mbabo lwabo kulangisia ya ndiswe, kuti tulabulidilano nzi aakati kanu ambubakasanduka kuli Leza kuzwa kumuzimu kubelekela Leza wabwiini upona. ¹⁰ Akulindila mwanakwe kuzwa kujulu, oyo wakabuka kuzwa kubafu - Jesu, unununa kuzwa kubukali buzakuza.

2

¹ Mbuli mbumuzi lwanu, bakwesu, kuti kuza kwesu kuli ndinywe tekwali kwabiyo. ² Naabi mbuli mbumuzi, mikuba chiindi twakafwabisigwa akujatwa chakuusa kuFilipi, twakasima muliLeza wesi kwambula mumakani mabotu aaLeza mukombozeka kwinji. ³ Nkambo kakukombelezya kwesu tetwaka zwa kukubisya, mbuli nakwakazwa kukusalalamikuba kulweeno. ⁴ Kwinda mbuli mbutwakazumininwa aLeza, akusyomeka kumakani mabotu, lino tulambula, chakutabotyeza mutu, pesi Leza ngongowe uyoolanga myoyo yesu. ⁵ Elyo takwe nitwaka beleysa majwi akuyosya, mbuli mbumuzi, na amuzeeyo zowakuvumba butangazu Leza mukkamboni wesi. ⁶ Na tuyandula bulemu buzwa kubantu, nikuba kuzwa kulindinywe, na ba apositolo aabami. ⁷ Ikwinda, twakaba batete akti kanumbuli banyina bawumbulizya bana babo. ⁸ Munzila eeyi twakali kumuyanda. Twakabotelwa kwabana andinywe kakutali kumania aaLeza luzutu pesi alimwi abuumi bwesu. Mbuli kuti mwakati mwaba bayandwi kulindiswe. ⁹ Mbuli mbumuyeya, bakwesu, milimu yesu amamanino. Mansiku asikati twakali kubeleka kuti tuatabi mukuli kulumwi awumwi aakati kanu. Mbuli mbutwakawa kambawuka makani mabotu aaLeza. ¹⁰ Inywe mulibakkamboni, alimwi aaLeza mbuli mbwasalala, mbwaluleme, achakutaba amulandu, yakuba imponeno kuli ndinywe nimusyoma. ¹¹ Munzila njiyeeyo mulizi mbutwakalibede kuli umwi awumwi wanu, mbuli wisi kubana bakwe, ndamusiya akumumbulizya akumukombelezya ¹² kuti mweende munzila iyeelede yaLeza, umwita kubwami akubulemu. ¹³ Nkambo kakaako alimwi tilumba Leza lyoonse, kuti na mwatambula ijwi lyaLeza eelyo ndimwakamvwa kuzwa kuli ndiswe, temwakalitambula anga lyakazwa kumunt, pesi mbuli akakasimpe, ndijwi lyaLeza alimwi lila aamulimui mulindinywe nimusyoma. ¹⁴ Alimwi bakwesu mwakaba basikwiya bambungano zyaLeza zili muJudiya muliKkilisito Jesu. Nkikaako alimwi mwakafwabisigwa muzintu zikozyene kuzwa kubantu banyika yanu, mbuli mbubakachita kuzwa kumajuda. ¹⁵ Bakajaya antoomwe Mwami Jesu abansimi alimwi bakatutandila anze, tababotezyi Leza. Kwinda, Kukazyanya abantu boonse. ¹⁶ Batukasya kwambula abaMasi kuti bafutulwe. Impindu njakuti lyoonse bakali kuzuzya zibi zyabo kusikila kumamanino. ¹⁷ Pesi iswe bakwesu, twakali pambukene andinywe kwachiindi chifwifwi mubuntu peepe mumoyo. Twakalipeda loko, achiyan-disyo chipati kuti tubone masyu anu. ¹⁸ Mbokunga twakali kuyanda kusika kulindinywe - ichonzyo me - Pawulo, lumwi alubo - pesi Satani wakatwimikizya. ¹⁹ Nkaambo ninzi bulangizi bwesu na kubotelwa, na musini wakulisumpula kunembo lyaMwami Jesu kukuboola kwakwe? Tensi nduwe? ²⁰ Mbokunga uli bulemu, alukondo lwesu.

3

¹ Nkekako, muchiindi netwaka tachilikukonzya, twakayeya kachili chibotu kusyala musule muAtene luzutu. ² Twakatuma Timoti mukwesu alimwi simulimunyina waLeza mumakani aKkilisito, kukusimya akumumbulizya katulangana alusyomo lwanu, ³ kuchitila kuti takwe uyozunganisigwa amapenzi aya. Nkaambo inywe nobeni mulizi kuti eezi nzitwakasalilwa. ⁴ Kasimpe nitwakali anywebo, twaka mwambila

kakuchilichindi kuti twakali twabafwifwi kunjila mumapenzi, alimwi zyakachitikan mbubonya obo, mbuli mbomuzi.⁵ Nkambo kaako, nendaka takachilikukonzya, ndakatumina kuti ambweni ndalikunoziba zili ajulu alusyomo lwanu. Ambweni sikusunka mulimwi nzila wakamunsuka, mpawo mulimu wesu wakaba wabiyo.⁶ Pesi Timoti wakasika kulindiswe kazwa kulindinywe akutwetela makani mabotu aalusyomo lwaano aluyando. Waka twaambila kutimualtuyibalikwa lyoonse alimwi kuti mulayandisa kumubona aswebo.⁷ Nkaambo kazeezi, nobakwesu, twaka wumbulizigwa andinwyne nkaambo kalusyomo lwanu, mubuuus akupega kwesu koonse.⁸ Nkekaako lino tulapona, naamwayima nji muMwami.⁹ Nkaambo chilumbo nzi ncetunga tulapa kuliLeza nkaambo kanu, nkaako luyando loonse ndotulalo kunembo lyaLeza wesu alube alindinywe.¹⁰ Mansiku esikati tulakombesa kuti netwakali kumubona kumeso aanu akupa ezyoo zibulikide mulusyomo lwanu.¹¹ Tukumbila kuti Leza wesu alimwi Taata lwakwe, aMwami wesu Jesu batululamikile nzila yesu iiza kulindinywe.¹² Akube kuti Mwami amuchite kuti mvule alimwi akumufwasusya muluyando lwawumwi amwenzinyinaakuli boonse bantu, mbubonya mbotu muchitila.¹³ Akube kuti amuyumye mumoyo kuchitila kuti ibe myoyo itakwe kampenda mubusalali kunembo lyaLeza alimwi Taata wesu akuboola kwaMwami Jesu antomwe abasalali bakwe boonse.

4

¹ Kumamanino, bakwesu, tuza kulindinywe akumukombeleyza tulamusungilizya muMwami Jesu. Mbuli mbumwakatambula malayilile kuzwa kulindiswe atala mbumweledee kwenda akubotezya Leza, alubo munzila yalwendo olu kuchitila kuti mwinkilile kunembo.² Mulazi malayilile ngitwa kamupa muMwami Jesu.³ Pele okunkuyanda kwaLeza, kulisalazya kwanu, kuti muleke bwamu,⁴ kuti umwi wanu azibe mbwayelede kujana chibelesyo chakwe mubusalalialimwi mubulemu,⁵ kutali mumiyeyo yabubi (mbuli bamasi batazi Leza.)⁶ Kutabi muntu utaluka akubisya muninya kulezi zintu. Nkaambo leza ngubwedezya muzintu zyoonse mbuli, mbuli mbutwakamuchenjezya akumupa bukamboni.⁷ Asi Leza taakamwitila kutasalala asi kubusalali.⁸ Alimiwo oyo ukaka eeli takakili muntu, pele Leza uupa muusalala kuli ndinywe.⁹ Nkatwamba aluyando lwabunyina, tamucheledé umwi muntu amulembele, kambo inywe lwanu muyisigwa aLeza kuti muyande umwi awumwi.¹⁰ Nchobeni, mulachita ezi akuba kwesu boonse balikuMasedoniya. Pesi tulamusungilisya, bakwesu kuti muchitisye ech.¹¹ Tula musungilizya kuti mulangilile kupona buumi bwalamuno, langana azyako, akubeleka amaboko ako, mbuli mbutwakamulayilila.¹² Kuchitila kuti mwende obotu kunembo lyabali anze alusyomo olu alimwi akutabula chintu.¹³ Tatuyandi kuti mube batabizigwa, bakwesu, abaabo boona, kuchitila kuti mutapengi mbuli boonse, abo batakwe bulangilizi.¹⁴ Pele kuti nkatusyoma kuti Jesu wakafwa wabuka alimwi wakabuka lubo. Mbuboobo Leza uyoyeta aJesu abo bakoona mulinguwe.¹⁵ Aboobo twamba ezi kulindinywe ajwi lyaMwami, kuti iswe nituchipona, abo basyede kukubola kwaMwami, kasimpe tatukoyo tangunina abo bakatanguna koona.¹⁶ Pele Mwami lwakwe uyoselela kuzwa kujulu. Uyoboola amongololo, ajwi lyamungelo silutwe, alimwi amweembo waLeza. Alimwi bafwide muli Kkilisito bayobuka kusanguna.¹⁷ Pele swe tobawumi, basyede, tuyobwezwaa toonse ambabo mumayoba kuyoswana Mwami mumulengalenga. Munzila eyi tunoli antomwe aMwami.¹⁸ Aboobo, amumbulizyanje umwi awumwi amajwi aya.

5

¹ Lino katulangene achindi alimwi azyindi zyamwaka nobakwesu, tamukwe chimunga mulalembulula.² Nkambo anywebo lwanu mulizi kabotu kuti bensi bwaMwami busika mbuli mubbis mansiku.³ Elyo nibati, "Lumuno alimwi akubambikana,"mpawo kunyonyoka kwamachampamo kulobasikila. Kunoli mbuli machise akuyzala kumwanakazi ulaada, takukwe mbubanga balapuzuka.⁴ Pesi inywe, nobakwesu, tamuli mumudima zyakuti buzuba nga bulamuzida mbuli mubbis.⁵ Nkambo nywe moonse muli bana balombe bamumuni alimwi bana balombe babuzuba. Tatuli bana balombe bamansiku naa bamudima.⁶ Nkinkako tatonii mbuli bingi mbubachita. Ani kuti, tusinsimuke akuba changa.⁷ Nkambo abo bawona bachita obo mansiku, alimwi abo bakolwa bachita obo mansiku.⁸ Pesi mbutuli babuzuba, twelede kukkala katuli changa alimwi akuzwata lusyomo aluyando mbuli ntobo, alimwi bulangilizi bwalufutuko bwangwani yesu.⁹ Nkambo leza takatusalila bukali, pesi kujana lufutuko kwindila muli Mwami Jesu Kkilisito.¹⁰ Nguwe wakatufwida swe kut, nikuba tulalanga na tulona, tukapone amwi anguwe.¹¹ Nkinkanko mumbulizyanje umwi awumwi alimwi muyakane, mbuli mbumulokuchita kale.¹² Tulokumukombeleyza chamoyo,

nobakwesu kuti tuyeye abo bableka akati kanu alimwi abo balajulu lyanu muMwami alimwi bamulayilila.¹³ Twamukumbila alubo mubalemeke loko muluyando nkambo kamilimo yabo. Ngamube alumuno akati kanu.¹⁴ Tulamusungwazya, nobakwesu; muchenjezye abo bakandu, musungwazye batyompedwe, mugwasye batete, alimwi mube amoyo mulamfu kulibonse.¹⁵ Mubone kuti Takwe naba omwe ubwedezya chibi achibi kuli umwi. Anu kuti, mutobebe ezyo zibotu kuli umwi awumwi alimwi kulibonse.¹⁶ Mukondwe lyonse.¹⁷ Mukombe katakwe kwimikila.¹⁸ Mulizyonse mupe kulumba. Nkambo oku nkukuyanda kwaLeza muli Kkilisito Jesu kulindinywe.¹⁹ Mutatontoziyi Muuya.²⁰ Mutanyansyi businsimi.²¹ Musunke zintu zyonse. Mujatilile kuzibotu.²² Muswene kule kuzwa kububi bwamisyobo yoonse.²³ Inche Leza walumuno amusalazye kumanimide. Inche amuuya wanu wonse, moyo, alimwi, mibili zibambwe katakwe mulandu nkambo kwakuboola kwaMwami wesu Jesu Kkilisito.²⁴ Ulisyomekede oyo umwiita, oyo ulozichita lubo.²⁵ Nobakwesu, mutukombele aswebo.²⁶ Mujuzye bakwesu a nkisi isalala.²⁷ Ndamulayilila chamoyo wonse kwinda muMwami kuti olu lugwalo lubalwe kubakwesu bonse.²⁸ Iluzyalo lwaMwami Jesu Kkilisito lube anywebo.

2 BaTesalonika

¹ Pawulu, aSilivansi, aTimoti, kumbungano yakuTesalonika muliLeza Taatesu aMwami Jesu Kkilisito. ² Luzyalo kulindinywe aluumuno luzwa kuliLeza Taatesu aMwami Jesu Kkilisito. ³ Twelede kupa kulumba lyoonse kuliLeza nkambo kenu, nobakwesu, mbuli mbukwelede, nkaambo lusyomo lwanu lulikukkomena bwindilide abwindilide, alimwi aluyando nwebo ndumulalo kuli umwi awumwi lulikuyungizigwa. ⁴ Elyo iswe ljesu tulalidundilizya atala andinywe mumbungano yaLeza nkambo lukakatila alusyomo muliwonse masukusyo aanu, amumapenzi aayo ngimuswanana awo. ⁵ Eechi nchitondezyo chalubeta lwaLeza lusalala, kuchitila kuti mukeele loko kubwami bwaLeza mbumulikupenzewa biyo. ⁶ Nkambokako, chililuleme kuliLeza kubwedezya mapenzi kuli baabo bamupenzya, ⁷ akubwedezya kulindinywe aabo bapenzewa andiswe, elyo mwami Jesu nayolibonya kuzwa kujulu abangelo bakwe basinguzu. ⁸ Mubbabalaba lyamulilo, uyobwedezya zibi kulibabo batamwizi Leza akuli babo batalemeki kujwi lyamwami wesi Jesu. ⁹ Bayopengana achisubulo chalunyonyoko lutamanikuzwa kunembo lyaMwami akuzwa kubulemu bwanguzuzyakwe. ¹⁰ Uyochita eezi nayoboola mubuzuba obo kuti akalumbayizigwe mabantu bakwe basalala akalumbayizigwe abantu boonse abo bamusyoma, nkaambo bukamboni bwesu kulindinwe bakasyoma. ¹¹ Nkaambo kazezi tulamukombela chakutaleka, nkokuti Leza wesi akanglisise lokokubwitwe bwenu, anguzu zyakwe uyozukizika wonse makanzé mabotu ayoonse milimu yalusyomo. ¹² Tukomba boobu kuchitila kuti zina lyamwami Jesu lilumbayizigwe mulindinywe andinywe mulinguwe, kwienda muluzyalo lwa Leza a Mwami Jesu Kkilisito.

2

¹ Lino atala, akuboola kwaMwamiJesu Kkilisito akubungana kwesu katulantomwe kuti tukabe awe, twamukumbila changuzu bakwesu, ² kuti mutakazungani kumiyeoyo na kumafwabi anu, nekuba mumuuya, na kujwi, nekuba kulugwalo lubanga luzwa kulondiswe. Chakuyeya kuti buzuba bwaMwami buliswenede kale. ³ Kutabi muntu umwena kufumbwa munzila ilibyeni. Nkaambo tabukoyosika mane kulebwaa kusike, pele muntu mubi ayubunuke, mwana walunyonyoko. ⁴ Oyo ukazya akulisumpula mwini ajulu azyoonse zyaamba Leza na zikombw. Kuzwano ngukala mung'anya yaLeza akulyamba kuti, ndime Leza. ⁵ Tamuyeyi nindakalandinywe mbundakamwambila ezi zintu? ⁶ Lino mulichizi chintu chimukasya kuti, uyoyubunuka luzutu kuchindi chelede. ⁷ Nkaambo makanisasiidwe akusotoka mulawu alikubeleka kale, pele kulumwi umukasya mane akagwisigwe munzila. ⁸ Elyo nayoyubunuka sikusotoka milawo, oyo mwami Jesu ngwayonyonyona amuuya wamulomo wakwe akumulobya akulibonya kwakubola kwakwe. ⁹ Kuboola kwasikusotoka milawu uyobeleka milimo yaSatani anguzu zyoonse, azitondezyo, azigambyo zyakubeja, ¹⁰ amisyobo yoonse yabubi akweena abo bali mukunyonyoka, nkaambo tebakatambula luyando lwakasimbe kuti bafutulwe. ¹¹ Akaambo kako, Leza wabatumina nguzu zyalweno kuti bakasyome kuli yakubeja. ¹² Kuti boonse bakapegwe mulandu akutasyoma kasimpe ababo balibotezya mukutululama. ¹³ Pele tulelede lyoonse kupa kulumba kuliLeza akaambo kanu bakwesu bayandwa aLeza wakamusala mbuli michelo mitaanzi kwiaindila mukutambula lufutuko amukusalazigwa kunguzu zyamuuya akusyoma kasimpe. ¹⁴ Wakamwiita kwinda kumakanai mabotu esu. Kuti mukavube bulemu bwa Mwami wesi Jesu Kkilisito. ¹⁵ Nkaambo kaako bakwesu, amwime nji akujatisya kumilawu njemwakayisigwa, nikuba kujwi na kulugwalo ljesu. ¹⁶ Elyo Mwami wesi Jesu Kkilisito mwini aLeza Taatesu, wakatuyanda akutupa lumbulizyo lutamani abulangilizi bubootu kwienda muluzyalo, ¹⁷ awumbulizye akusimya myooyo yanu kumilimu yoonse mibotu akujwi.

3

¹ Lino nobakwesu amutukombele, kuti ijjwi lyaMwami lyeende alimwi libe abulemu mbulimbuzibede zilimulindinwe. ² Alimwi kuti tukanganunwe kububi akubantu babi, nkaambo tebonse pe balalusyomo. ³ Pesi Mwami ulasyomeka, uyomusimya akumukwabilila kuzwa kumubi. ⁴ Tulachibindi pesi Mwami atala andiwe, kuli zyoonse zyomuchita alimwi tulendelela anembo kuchita zintu zitulayilila. ⁵ Mwami alulamike myoyo yanu kuluyando lwaLeza akulukakatilo lwaKkilisito. ⁶ Lino tulamulayilila kuti, bakwesu, muzina lyaMwami wesi Jesu Kkilisito, kuti makasya woense mukwesu weenda munzila italuleme alimwi taponi katobeleyza ziyanza nzimwakatambula kuzwa

kulindiswe. ⁷ Nganywebo lwenu mulizi kabotu mulindinywe kutobeleyza ndiswe, nkaambo tetakalibulikidwe nitwakali andinywe. ⁸ Tetwakalya chinkwa chawumwi katutachibhaladile, pesi twakalikubeleka isikati amansiku mukuminwa kapati kuti tutalemwi kufumbwa wanu. ⁹ Twakachita ezi zitambi kuti tetwakalikwe bwendelezi, pesi twakachita echib chibe chitondezyo kulindinywe, kuti mukatutobeleyze. ¹⁰ Ngambuli mbutakali andinywe, twakamulayilila, “oyo utazumini kubeleka teleda kulya.” ¹¹ Ngatwamvwa kuti bamwi akati kanu beenda mukuleya, kutali kujatikana akubeleka, pesi mibili ijatikene. ¹² Lino bali booboo tulabalayiilila akukombeleyza muMwami Jesu Kkilisito, kuti belede kubeleka chabuninzi alimwi balye chinkwa chabo. ¹³ Pesi nywebo, nobakwesu, mutakatali mukuchita zibotu. ¹⁴ Pesi na umwi katalemeki ijwi lyesu mulugwalo olu amulangisisye alimwi mutabi abulidilane anguwe, kuchitila kuti akanyansigwe. ¹⁵ Nikuba booboo mutakamubwezi mbulisinkondo nyokwe, pesi mukamuchenjezye mbuli munyokwe. ¹⁶ Lino Mwami walumuno lwakwe mwini amupe lumuno chiindi choonse munzila zyoonse. Mwami abe andinywe moonse. ¹⁷ Ime ndiPawulo, ndalemba ezi aluboko lwangu, chili chichitondezyo mumagwalo woonse ngindilemba. ¹⁸ Luzyalo lwaMwami wesu Jesu Kkilisito lube andinywe moonse. Ameni.

1 Timoti

¹ Pawulu, mutumwa waKkilisito Jesu mbuli mumalayilile aLeza Mufutuli wesi a Kkilisito Jesu bulangilizi bwesu, ² kuli Timoti, mwanan mulombe wasimpe mulusyomo: Lizyalo, luse, a luumuno kuzwa kuli Leza Taata aKkilisito Jesu Mwaami wesi. ³ Mbuli mbundakakusungwaazya kuti uchite aawo nindakali kuzwa kuya kuMasedoniya, syaala mu Efeso nkokuti ukonzye kulayilila bamwi bantu kutibatayiisyi iimwi njisyo iiisyene. ⁴ Nikuba boobo bataswilizyi twaano amazyalani aatagoli. Eezi zichita kukazyanya kwiinda kuba balondozi baLeza, kabuli bwa lusyomo. ⁵ Lino bulangilili bwa malayilile nduyando luzwa mumoyo ususalala, kuzwa mukulimvwida kubotu, a kuzwa mulusyomo lwini. ⁶ Bamwi bantu balookusweka kuzwa kuzintu eezi akusandukila kukwaambula kwabufubafuba. ⁷ Bayanda kuba bayisi bamulawu, pesi tabamvwisisisyeezyo nzibaambula nikuba eezyo nzibazikitiza kwaamba. ⁸ Pesi iswe tulizi kuti mulawu mubotu ikuti na umwi wawubelesya chamulawu. ⁹ Swe tulizi, kuti mulwawu tewakabikilwa baalumi baluleme pe abusena, pesi kuli aabo batakwe mulawu alimwi bantu bakapanduka, aabo bantu batakwe bunaleza alimwi a basizibi, abaabo batasalali alimwi kabateeli, nguwabaabo bajaya mawisi a manyina, ngwabajayi, ¹⁰ ngwabantu bayandisya zyakulalana, abaabo bachita zyakulalana lwabo lwabo, ababo babba bantu akubachita bazike, ngwababeja, abaamba bukamboni bwakubeba alimwi kufumbwa zyoonse eezyo zikazyanya aanjisyo ntuloko. ¹¹ Oku kuyayilila kuli mbuli makani mabotu aabulemu bwaLeza ulongezegelwe kuli ngawo ngindakapegwa. ¹² Ndilumba Kkilisito Jesu Mwaami wesi. Wakandisimya, nkaambo wakandiyea mbuli uusyomekede, alimwi wakandinanikila mulimu. ¹³ Ndakali kusampawula Leza, mufwabyi, alimwi mwaalumi wankondo. Pesi ndakatambula luse nkambo ndakalikuchita mukutaziba a mukutasyoma. ¹⁴ Alimwi luyalo lwaMwaami wesi lwakafusuka aantomwe a lusyomo alimwi a luyando oolo luli muli Kkilisito Jesu. ¹⁵ Ooyu mulumbe ngwanchoonzyo alimwi uleledede kutambulwa koonse, kuti Kkilisito Jesu wakasika munyika kuzofutula basizibi. ¹⁶ Pesi nkaambo kaboobo ndakapegwa luse, kuti mulindime, mutanzi, Kkilisito Jesu akonzyed kutondezya moyo mulamfu. Wakachita eechi mbuli chitondezyo kulibaabo bayosyoma mulinguwe kubuumi butamani. ¹⁷ Lino kuMwaami wachindi, utafwi, utabonwi, Leza uumwi luzutu, ngakube bulumbu alimwi bulemu kuli lyoonsea lyoonsea. Ameni. ¹⁸ Ndilokubika malayilile aaya kunembo lyako, Timoti, mwana wangu, mukweendelana kwabusinsimi bwakachitwa musule aatala a nduwe kuti ukonzye kulwana kulwana kubotu, ¹⁹ kojisilidi kulusyomo alimwi akukulimvwida kubotu. Aakukaka eezi, bamwi bakasweekelwa alusyomo lwabo. ²⁰ Bo mba Himeniyasi a Alekizanda, aabo mbindakapeda kuli Satani kuchitila kuti bakakuyisigwe kutasampawula Leza.

2

¹ Nkinkaako, lutanzi kuli zyoonse, ndasungwazya kuti nkumbizyo, nkombyo, nkumbililo, alimwi kupa kulumba kuchitilwe bantu boonse, ² kwa Baami alimwi aboonse bali mubweendelezi, kuchitila kuti tupone buumi bwaluumuno alimwi butontwede mubunaleza boonse akuzikatila. ³ Eechi nchibotu alimwi chilatambulika kunembo lyaLeza Mufutuli wesi. ⁴ Uulombozya kuti bantu bonse bafutulwe alimwi akusika kuluzibo lwasimpe. ⁵ Nkaambo kuli Leza umwi, alimwi kuli mwiiminini omwe waLeza a muntu, mwaalumi Kkilisito Jesu. ⁶ Wakalipa lwakwe mbuli muulo wabonse, mbuli bukamboni kuchiindi cheelede. ⁷ Nkaambo kamakanze aaya ndakasalilwa kuba mukambawusi akuba mutumwa - ndokwamba simpe, tandilokubeba pe - alimwi tuyisi wa baMaasi mulusyomo a musimpe. ⁸ Nkinkaako, ndiyanda baalumi mumasena woonse bakombe alimwi banyampule maboko aasalala kakutakwe kunyema akukazyanya. ⁹ Munzila yomwe, bayelete kuzwata ingubo ntuloko, zipa buntu alimwi alikujata, kabatakwe masusu aalukidwe na ngolide na zyebeka na ingubo zidula, ¹⁰ pesi zyeelela banakazi aabo baamba bunaLeza kwiindila amilimu mibotu. ¹¹ Mwanakazi uyelede kwiya muchuumunizi amukulibombya koonse. ¹² Tandizumizyi mwanakazi kuyisya na kubelesta bweendelezi aatala amwaalumio, pesi kupona muchuumunizi. ¹³ Nkaambo Adamu wakasanguna kulengwa, mpawo Eva. ¹⁴ Adamu takenwa pe, pesi mwanakazi nguwakeenwa alimwi wakaba mubisyi. ¹⁵ Nikubaboobo, uyofutulwa kwiinda mukuzyala bana, kuti bayinkilila mulusyomo a muluyando a mukusalazigwa aantomwe amunse wamiyeyo.

3

¹ Eechi chaambyo chilinchicho: Na muntu kayanda kuba mupati wambungano, ulombozya mulimu mubotu. ² Nkinkaako mupati wambungano teelede kuba akampenda pe. Uyelede kuba mulumi wa mwanakazi umwe. Uleelede kuba muntu uli achiimo chibotu, uyeya kabotu, uzikatide, alimwi usamawusya. Uyelede kukonzya kuyisya. ³ Teelede kuba muntu uyangdisya wayini, utakazyi a kutalwana pe, pesi aboobo, kalisibuuya, siluumuno. Teelede kuba simuyanda mali pe. ⁴ Abe muntu ukonzya kubamba n'anda yakwe kabotu, alimwi uyeelede kuba aanchonzyo kuti bana bakwe balamuswiliza akumulemeka munzila zyoonse. ⁵ Nkaambo na mwaalumi katazi kubamba n'anda yakwe mwini, kujana ulakonzya biyeni kubamba mbungano yaLeza? ⁶ Teelede kuba muntu uuchisanduka, kuchitila kuti katazimbi chakulisumpula alimwi ulakonzya kuwida mukupegwa mulandu mbuli Satani. ⁷ Aboobo abe muntu ulempuwo mbotu kuli baabo balaanze, kuti atawide mu mawuse a mukakole ka dyabbulosi. ⁸ Munzila ikozyenye, madikkoni beeledge kuba abulemu, batabi bandimi-zyobile. Tabeelede kunywa loko wayini a kutangala. ⁹ Baleelede kubamba nsiswa chalusyomo a miyeyo isalala. ¹⁰ Baleelede kuzumininwa lutanzi, alimwi elyo beeledge kubeleka nkaambo tabakwe kampenda. ¹¹ Munzila ikozyenye, banakazi babo beeledge kuba abulemu, batakwe manwa, pesi balijisi alimwi basyomekede muzintu zyoonse. ¹² Badikkoni kabali balumi ba mwanakazi umwi. Baleelede kubamba kabotu bana babo a n'anda zyabo. ¹³ Nkaambo aabo bakabeleka kabotu balajana lwabo kwimikila kubotu alimwi a busichaamba upati mulusyomo luli mulikKkilisito Jesu. ¹⁴ Mbuli mbundikulemba zintu ezi kulinduwe, ndabulangilizi bwakusika kulinduwe akufwambana. ¹⁵ Pesi na ndanonoka, ndikukulembela kuti uzibe kuti kulibambwa biyeni mun'anda yaLeza, ili njijo mbungano yaLeza muumi, njembandama a mugwasyi wasimpe. ¹⁶ toonse tulazumina kuti insiswa yabunaleza nimpati loko: "Wakayubununwa munyama, wakachitwa uusalala aMuuya, wakabonwa a bangelo, wakaambwa akati kamanyika, wakasyomegwa munyika, alimwi wakatolwa kujulu mubulemu."

4

¹ Lino Muuya ulaamba entanganana kuti muysiindi zirotobela bamwi bantu bayosiya lusyomo alimwi bakaswiilile myuuya yalweeneeno akunjisiyo zyabadayimona ² mukubeja kwakuupawupa, mamvwido aabo beni kaali asizigwa. ³ Bayokasya bantu kuti bakwatane alimwi akuyanya kuti balilesye kuzilyo Leza nzyakalenga kuti zitambulwe chakupa kulumba abaabo basyoma akuziba kasimpe. ⁴ Nkaambo choonse chilengwa chaLeza nchibotu, alimwi takwe pe chitambwidwe kakulikupa kulumba chiyokakwa. ⁵ Nkaambo chakasalazigwa awi lyaLea ankombyo. ⁶ Na wabika eezi zintu kunembo lyabakwesu, uyooba mulanda mbotu wa Jesu Kkilisito. Nkaambo mulikukomezegwa amajwi alusyomo alimwi akunjisiyo mbotu nzimwakatobel. ⁷ Pesi amukake twaano twanyika twakayandwa aabanakazi batapi. Aboobo, amukaliyiise nobeni mubunaleza. ⁸ Nkaambo kuliysiya kwamumubili kuli empindu nini, pesi bunaLeza bulabelesegwa kuzintu zyoonse. Kujisi chisyomezyo chabuumi bwalino alimwi akubuumi buza. ⁹ Mulumbe oyoy ulisyomekede alimwi ueelede kutambulwa kuzwide. ¹⁰ Nkaambo nkinkaako nchitubeleka akulwisya. Nkaambo tulangilila muliLeza muumi, Mufitulili wabantu boonse, pesi ikapati wabasyomi. ¹¹ Mubululami layilila alimwi yiisya zintu eezi. ¹² Kutabi muntu uulangilila aansi bukubusi bwako. Aboobo, kulibaabo basyoma, ba chitondezyo mukwaambula, mukuchita, muluyando, mukusyoma a mubusalali. ¹³ Mane do ndisike, kkala mukubala, mukulumbayizya alimwi a mukuyiisa. ¹⁴ Utalekeleli chipo chili mulinduwe, chakapegwa kulinduwe kwiinda muchisinsim, akubikwa maanza abapati bembungano. ¹⁵ Bamba zintu eezi. Ba mulinzizyo, kuti kuzwidilila kwako kukaboneke kubantu boonse. ¹⁶ Kolibamba chakulangisisya lwako mwini akukuiyiisa. Kkalilila muzintu eezi. Nkaambo mukuchita oobo, uyolifutula lwako alimwi abaabo batakaswiilize nduwe.

5

¹ Utanokkalalili mwaalumi mupati. Aboobo, komunyampula mbuli mukuti ngundende. Kobanyampula baalumi banini mbuli bakulana, ² banakazi batapi mbuli mamama, alimwi basimbi banini mbuli bachizi, mubusalali boonse. ³ Lemeka bamukabafu, bamukabafu banchoonzyo. ⁴ Pesi kuti mukamufu kali aabana na bazukulu, ngabatangune lwabo kwiya kutondezya kulemeku mun'anda yabo beni. Ngababweedezezye bazyali babo nkaambo eechi chilbotezya kuli Leza. ⁵ Pesi kulooyo mukamufu wanchoonzyo, uucheede kali alike, ubikide bulangilizi bwakwe kuliLeza akwwinkilila kunembo mukuchita nkumbizyo alimwi akupa nkombyo mansiku a sikati.

⁶ Nikubaboo, mwanakazi uupona chakulikondeleya ulifwide nikuba kachipona. ⁷ Mbululami layilila eezi lubo, kuchitila kuti batabi amulandu. ⁸ Pesi na umwi katakonzyi kupa banzubo zyakwe, kapati kuli aabo bamun'anda yakwe, unoli wakaka lusyomo alimwi wabija kwiinda utasyomi. ⁹ Leka mwanakazi alembwe mbuli mukamufu utali munini kuminyaka iili makkumi aali musanu alimwi kukomena, kali mwanakazi wa mulumi uomwi. ¹⁰ Uli aampuwo yakuchita milimu mibotu, nikuba kuti wakabambide bana, na wakali kusamawusya beenzu, na wali kusanzya mawulu aabasalali baLeza, na wakalikulemetutuya bali aampenzi, na wakalilipedede kumilimu yoonse mibotu. ¹¹ Pesi kuli bamukabafu bachili banini, kaka kubalemba mulibamwi. Nkaambo elyo bakuzundwa kuziyandisyoz yzanyama kukubukila Kkilisito bayanda kukkwatwa. ¹² Mulyeeyi nzila bayojana milandu nkaambo banoli bakachilwa mukulipeda kwabo kutaanzi. ¹³ Muchiindi nchicheecho, bayoyiya kuba bakandu akweenda chakuzyunguluka kuzwa kur'anda akun'anda. Tabakoyooba bakandu biyo pe, pesi bayowambuu zitakwe munse akunjila zyaambo zyabamwi, kabaamba zintu nzibateelede kwaamba. ¹⁴ Nkinkaako ndiyanda banakazi banini kuti bakkwtwe kuti bazyale bana, kuti babambe mpuli, alimwi akutapa mweenya kuli sinkondonyina kuti atwaambe bubi. ¹⁵ Mbuli bamwi mbubakabwedela kuli Satani. ¹⁶ Na kuti kakuli mwanakazi musyomi uli abamukabafu, ngabagwasye, kuchitila kuti imbungano itabi aamukuli, kuti igwasizye bamukabafu banchoonzyo. ¹⁷ Leka bapati bembungano beendelezya kabotu bapegwe bulemu bwiindulwidwe, kwaambisyaa aabo bableka ajwi alimwi amukuyiisa. ¹⁸ Mbuli makani mabotu mbawamba kuti, "Utamwaangi kumulomo musune aawo nachilyatila zilyo" alimwi "Similimu uleelede kujana mpindu yakwe." ¹⁹ Utatambuli kubejelezya kwiiiminana abapati, adukuti kuge babilu na batatu bapa bukamboni. ²⁰ Lulamika basizibi kunembo lyabantu boonse kuchitila kuti bamwi bayowe. ²¹ Mbululami ndakulayilila iwe, kunembo lyaLeza ajesu Kkilisito akubangelo basale, kukubamba malayilile chakutabasikusaluuzya, akutachita chimwi chintu chakuteelanya. ²² Utabiki maanza chakufwambana aluumwi. Utaabilani muzibi zyawumwi muntu. Weelede kulibamba chabusalali. ²³ Tucheede limbi kunywa manzi. Aboobo, ueyelede kunywa wayini muche kuchitila bula amalwazi aako akkala kakuchisa. ²⁴ Zibi zyabamwi bantu zilizibikene aantanganana, alimwi zyeenda kunembo lyabo mulubeta. Pesi zibi zimwi zitobela musule. ²⁵ Mbubonya oobo, imwi milimu mibotu ilizibidwe antaanganana, pesi nikuba imwi tikonzyi kusisigwa.

6

¹ Leka boonse balimuni ejogwe mbuli bazike babone basimalelo babo kabeelela boonse bulemu. Beelede kuchita eechi kuchitila kuti izina lyaLeza alimwi aluyiisyo lutakasampawulwi. ² Bazike bali abasimalelo babo basyoma tabeellede kutondeleya kutabaleme ka nkaambo mbananyina. Aboobo, beelete kubabelekelu milimu mukwiindilila. Nkaambo basimalelo bagwasikana amilimu yabo mbasyomi alimwi mbayandisi. Yiisya alimwi waambe eezi zintu. ³ Na umwi wayiisa injiisyo yakubeja alimwi katazumiani amajwi aalamunse aMwaami wesu Jesu Kkilisito alimwi ayabunaleza injiisyo, ⁴ ulalispulta alimwi takwe nchamwwisisisya pe. Uli aachiyandisyo chisofweede mukukazyanya akubonisanya aatala amajwi ayeta lunyemo, kulwana, zisapi, kuyeyelana bubi, ⁵ alimwi akulwana kutamani aakati kabantu bali aabuntu bwamiyeyo mibi. Bakasweekelwa simpe alimwi bayeya kuti bunaleza ninzila yakujanisa mali nyingi. Amwi malembe achiindi alayungizizya mukulumbayizya, Musosoloke kuzwa kuzintu zilibobu. Pesi malembe mabotu achiindi lok taajisi. ⁶ Lino bunaleza buli aakukkutisikana nkulijanina kupati, ⁷ nkaambo takwe nchitwakeeta munyika, alimwi takwe nchiinga tulakonzya kugwisya mulinjiyo. ⁸ Aboobo, ngatukakkutisikane achakulya akuzismo. ⁹ Lino aabo bayanda kuba bavubi bawida mumasunko, mukakole. Bawida mubufubafuba bwiingi amuziyandisyoz zinyonyoona, alimwi kufumbwa mulizimwi zibbiza bantu mukunyonyooka amukumwaya. ¹⁰ Nkaambo luyando lwemali muyanda wamisyobo yoonse yabubi. Bamwi bantu bayiyanda bakasowegwa kulusyomo alimwi bakaliyasa akumvwa machise mapati. ¹¹ Pesi iwe, muntu waLeza, chija kulizeezi zintu. Tobela bululami, bunaleza, kusyomeka, luyando, lukakatilo, alimwi a bubombe. ¹² Lwana kulwana kabotu kwalusyomo. Jatisya buumi butamani ooko nkuwakiitwa, alimwi ooko nkuwakapa kwaamba kabotu kunembo lyabakamboni biungi. ¹³ Ndapa malayilile aaya kuliniduwe kunembo lyaLeza, uupa buumi kuli zyoonse zintu, alimwi kunembi lyaKkilisito Jesu, wakaamba chakasimpe kuzumina kabotu kunembo lyaPontiyasi Pilato, ¹⁴ kuti abambe mulawu kakutakwe kampenda na kusolwa, kusikila kukuboneka kwaMwaami wesu Jesu Kkilisito. ¹⁵ Leza uyootondeleya kaboneka kwaKkilisito achiindi cheelede - Leza, wakalongezewa

alimwi Singuzu alike, Mwaami weendelezya aMwaami uutonga. ¹⁶ Alike utafwi alimwi uukkala mumumuni utakonzyi kuswenegwa aafwifwi. Tawo pe muntu kumubona na ukonzya kumulanga. Kulinguwe akube bulemu abweendelezi butamani. Ameni. ¹⁷ Mubululami layilila ibanotede munyika iino kuti batabi balisumpula alimwi batabi balangilila kubunoti, butazibinkene. Aboobo, beelede kuba aabulangilizi mulileza. Ulapa kulindiswe toonse bunoti bwانchoonzyo kuti tunonenwe. ¹⁸ Baambile bachite bubotu, banote mumilimu miubotu, akupa kwiindilide alimwi bayandisyé kwaabana. ¹⁹ Munzila eeyo bayoolilondweda beni intalisyo mbotu yacheecho chizosika, kuti bakalijatilie buumi loko. ²⁰ Timiti, kkwabilila chakapegwá kulinduwe. Kaka kubula bunaleza, kwaambula kutasalali amiyeeyo iikazyanya kulicheecho chibejelwa kuti nduzibo. ²¹ Bamwi baalumi baamba eezi bakasweeka kuzwa kulusyomo. Luzyalo lube aandinywe.

2 Timoti

¹ Pawulo, mutumwa wa Kkilisito Jesu mukwiinda mu luyando lwaLeza, mukwiinda mu chisyomezyo cha buumi buli muli Kkilisito Jesu, ² kuli Timoti, mwana muyandwi: Luzyalo, Iweetelelo a luumuno kuzwa kuli Leza Taata aKkilisito Jesu Mwaami wesi. ³ Ndilumba Leza, ngwekomba kuzwa kuli bamataata, amoyo uutakwe kampenda, mbuli mbemuyeya munkomboyo zyangu mansiku a sikati. ⁴ Mbuli mbendiyeya misozi yako, ndiyandisya kukubona, kuti ndizule alukondo. ⁵ Ndali kuyeezegwa alusyomo lwako lwinilwini, oolo lwakali muli banyookulu Loyisi anbanyoko Yunisi, alimwi ndili aakasimpe kuti lulakkala mulinduwe ayebo. ⁶ Nkenkaako nkendakuyeezezya kuti ubukulusye chipo chaLeza chili mulinduwe chakaba kandikubika maboko. ⁷ Nkaambo Leza taakatupa muuya wabuyoofu, pesi wamanguzu a luyando akulibamba. ⁸ Aboobo utabi eensonii abukamboni bwa Mwaami wesi, na lwango, Pawulo, mwaange wakwe. Nikuba boobo abila mumachise kuchitila makani mabotu mukwiindila munguzu zyaLeza. ⁹ Ngu Leza wakakufutula alimwi wakatwiita alwiito lusalala. Wakachita eezi, kutali kumilimu yesu, pesi mukwiindilia mumakanze aakwe aluzyalo. Wakatupa zintu zyoonse eezi muli Kkilisito Jesu zintu zyoonse nkazitanabawo. ¹⁰ Pesi lino lufutuko lwaLeza lwakayubununwa mukulibonia kwaMufuluti wesi Kkilisito Jesu. NguKkilisito wakamaninsya lufu akweeta buumi butamani kumunika kwiiindila mumakania mabotu. ¹¹ Nkaambo kacheechi, nchindakasalwa kuba mukambawusi, mutumwa, alimwi muyisi. ¹² Akaambo kacheechi ndilafwabila eezi zintu. Pesi nsifwi bweeme, nkaambo ndilizi ooyo ngwesyma. Ndili aakasimpe kuti ulakonzya kubamba eezyo nzindakamupa kusikila eelyo zuba. ¹³ Bamba chitondeezyo chamajwi aamvwika aayo nguwakamvwa kulindime, alusyomo aluyando eezyo zili muli Kkilisito Jesu. ¹⁴ Zintu zibotu Leza nzyaakakupa, zibambe mukwiinda mu Muuya Uusalala, uukkala mulindiswe. ¹⁵ Ulrichizi eechi, kuti boonse bakkala kuAsia bakandipapila. Mukabunga aaka muli Figelasi a Hemojinisi. ¹⁶ Mwaami ngape luzyalo kun'anda ya Onesifolasi, nkaambo wakali kundibukulusya alimwi taakaba aamwuse aakwaangwa kwangu. ¹⁷ Nikubaboobo, nakali kuLoma, wakandiyanuduwa chabusungu, alimwi wakandijana. ¹⁸ Mwaami amujanie luzyalo kulinguwe muli eelyo zuba. Nzila zyoonse nzyakandigwasya mu Efeso, ulizi kabotu.

2

¹ Iwe akooko, mwanaangu, koyuma muluzyalo luli muli Kkilisito Jesu. ² Zintu nziwakamvwa kulindime aakati kabakamboni biangi, zipe kubantu basyomekede aabo bakonzya kuyiisa bamwi abalabo. ³ Njila mubuyumu aantomwe andime, mbuli silumamba mubotu wa Kkilisito Jesu. ⁴ Takwe silumamba uubeleka aawo kachaangidwe mumakani aabumi oobu, kuti aantela ulabotezya ooyo wakamunjizya mumulimu. ⁵ Alimwi, kuti umwi kazundana mbuli sikuchijsana, tapegwi musini ado wabamba milawu yakuchijaana. ⁶ Chileelede kuti mulimi uubeleka changuzu atambule chaabilo chabutebuzi kusanguna. ⁷ Yeeya aatala anzindili mukwaamba, nkaambo Mwaami uyokupa kumwisisysisa muzintu zyoonse. ⁸ Koyeeya Jesu Kkilisito, walunyungu lwaDeviti, ooyo wakabusigwa kuzwa kubafu. Eezi zileendelana amakani aangu mabotu, ⁹ ayo ngendifwabila kusika kuchiimo chakwaangwa anketani mbuli simulandu. Pesi ijwi lyaLeza talyangidwe. ¹⁰ Aboobo ndakakatila muzintu zyoonse akaambo kabasale, kuti ambweni abalabo bakatambule lufutuko oolo luli muli Kkilisito Jesu, abulemu butamani. ¹¹ Ooku nkwaamba kusinizizye: "Twakafwa anguwe, tuyopona alimwi anguwe. ¹² Na twakakatila, tuyoyendelezya aawe. Kutii twamukkaka, alakwe uyootukkaka, ¹³ na katutasyomekede, we unoosyomekede lyoonse, nkaambo takonzyi kulinatama mwini." ¹⁴ Inkilila aanembo nkobayeezya zintu eezi. Bachenjezye kunembo lyaLeza aatala akukazyania aatala ambala; tazigwasyi, aboobo zijaya aabo baswiilila. ¹⁵ Kosungwaala kulinondeezya kunembo lya Leza mbuli muntu uutambulika, simulimu utakwe chintu chimusya nsoni, uuyisyia kabotu makani aalusinizyo. ¹⁶ Leka majwi aabufubafuba, aatola kububi bwiindilide. ¹⁷ Zyaambo zyabo zilasaalila mbuli kkuni. Aakati kabo kuli Hameniysi a Filetasi, ¹⁸ aabo bakaleya kusimpe. Baamba kuti bubuke bwabasalali bwakachitikana kale, alimwi bamwaya lusyomo lwabamwi. ¹⁹ Nekubaboobo intalisyo yaLeza iliumvwi. Illebedwe oobu: "Mwaami ulibezi bakwe" alimwi "Woonse waamba izina lyaMwaami weeleda kusosoloka kububi." ²⁰ Mumuunzi wabuvubi, teensi zibilkilo zya ngolide a nsiliva luzutu. Kuli zibikilo zya zisamu azya bulongo. Zimwi zyazeezi nzyabulemu, alimwi zimwi teensi zyabulemu. ²¹ Pesi kuti muntu walusalazyia kubusofwaazi, uba

chibikilo chabulemu. Ulasalwa, abelesegwe asimalelo, alimwi abambililwe milimu miboto. ²² Kochija ngemuzyo zyabukubusi. Yanduula bululami, lusyomo, luyando, alimwi a luumuno ababo bayita Mwaami mumoyo uusalala. ²³ Pesi kokaka mibuzyo yabufubafuba a yakutaziba. Ulizi kuti izyala nkazyanio. ²⁴ Muzike waLeza tayeelede kulwana pe. Anu kuti weelede kuba mubombe kuli boonse, uukkonzya kuiiysa, alimwi mubombe. ²⁵ Weelede kuiiysa chamoyo mubombe aabo bamukazya. Antela Leza ulabapa kusandukila ku luzibo lwa kasimpe. ²⁶ Kuti antela bali kuboola kumiyeeyo yabo alimwi akusiya tukkole twa Saatani, ooko nkubakaangilidwe ku luyando lwakwe.

3

¹ Pesi ziba eezi; kumazuba amamanino kuyooba zyiindi zyabuyumuyumu. ² Bantu bayooba basikulyanda, basimuyanda mali, basimuntumbwantumbwa, basikakomokomo. basikasankusanku. batamvwi bazyali, batamvwi bazyali, alimwi batakombi. ³ Basikanchimwa, basimfundiiilili, basiluvwiyo lwakutamikizya, batalyeendeleli, basilupyopyongano, batayandi buboto. ⁴ Basikuuzyania, basikayinya, basikulisumpula, bayandisa misalo yaansi kwiinda kuyanda Leza. ⁵ Bayooba achiwa chabukombi, pesi bayowatama manguzu aabo. ⁶ Eelyo bamwi babo bayoba baalumi banjila mumanda akubweza banakazi bafubafuba. ⁷ Aaba mbanakazi bawzide zibi alimwi bayendelezegwa azisusi zyamisyos miyoso. Aaba banakazi balayiya chiindi choonse, pesi balakachilwa kusika kuluzibo lwakasimpe. ⁸ Mbubo mbuli Jenisi a Jambulesi mbubakayiminana akukazyania a Mozesi. Muleeyi nzila aaba bayiisi abalabo balakazyania akasimpe. Mbantu balamiyeyo mibi, ibatalomene kulusyomo. ⁹ Pesi tabakoya kunembo. Nkaambo bufubafuba bwabo buyolibonia kuli boonse, mbubo mbuli bwabaaabo bantu. ¹⁰ Pesi webo, wakatobela njiisyo yangu, kweendeleyza, makanze, lusyomo, mukkazika moyo, mukuyandaana amulukatilo, ¹¹ mukupenzegwa, mukuchiswa azeezyo zyakachitika kulindime ku Antiyokkiya, ku Ikkoniyanu, aku Lisitiya. Ndakalemenwa mapenzi, kuzwa, muli woonse, Mwami wakandinununa. ¹² Aabo boonse bayanda kupona chakululama muli Kkilisito Jesu uyoopenzegwa. ¹³ Baantu babi abasikulibeja bayooyindilizya kukubisia. Bayoyenena bamwi. Abaalabo beni balalemenwa. ¹⁴ Pesi webo kojatisya kuzintu nzwakaiyya akuzuminisy. ¹⁵ Ulizi kuti kuzwa kubwanikenike wakaziba malembe aasalala. Ulakonzya kukuchita kuti ube musongo mukufutulwa kwiinda mulusyomo muli Kkilisito Jesu. ¹⁶ Magwalo wonse akayoyelwa a Leza. Alikondede kukuyiisa, akoloola akukupandulula makani abululami. ¹⁷ Kulibooobo kuchitila kuti muna Leza alibambe, azulile kuchita wonse mulimu miboto.

4

¹ Ndakupa lulayililo kunembo iyaLeza aKkilisito Jesu, Oyu uyobeteka bawumi abafwide, alimwi nkaambo kakulibonya kwakwe abwami bwakwe; ² Kambawuka ijwi kolibambilwa kuchindi cheelede akuchindi chifeelede. Kosungwala kulaya, akukalila, akukombeleyza, akukkazikizya moya alimwi akuyiisya. ³ Eno chilasika elyo bantu nchebatakeleke kuzumina injisyo yanchobeni. Elyo bayoliyandwida beni bayiisi mukwi-indila mukuyanda kwabo. Bayokondelelwa kubaswilila kwabo. ⁴ Bayosinka matwi aabo kuzwa kukasimpe, alimwi bayotobela zintu zyabuyo. ⁵ Pesi iwebo, kolibamba muzintu zyoonse, kofwabalika, kochita mulimu wamukambawusi; kozuzikizya mulimuwako. ⁶ Nkambo imebo ndazulila kale. Ichiindi changu chakwinka chasika. ⁷ Ndakalwana inkondo imbotu; ndakalumana tweendo, Ndakulubamba lusyomo. ⁸ Musini wabusalali ndilubabdilwe, oyo Mwami, mubetesu ululeme ngwayondipa mubuzuba obo, alimwi kutali ndime lutzut, pesi akuli boonse baynada kulibonya kwakwe. ⁹ Kosungwala kuchita kabotu kuti uze kulindime chakufwambana. ¹⁰ Nkaambo Demasi wandikaka. Wayanda zintu zyanyika alimwi winka kuTesalonika. Kkilisensi wakaya kuaGalatiya, alimwi Tayitasi wakaya kuDalumatiya. ¹¹ Luka alike ngulandime. Katole Maako uze awe nkambo ndugwasyo kulindime mumulimu. ¹² Tayichikkasi ndakamutuma kuEfeso. ¹³ Chibaki ncendakasiya kuTiloyasi aKkalipasi, uzacho niwasika, amabbuku, ikapati mapepa. ¹⁴ Alekizanda mufuzi wakatondezya incito mbi kulindime. Mwami uyobwedezya kuli nguwe kwiindila mnchito zyakwe. ¹⁵ Ayeko ulelede kulikwabilila kuzwa kulinguwé, nkaambo wakakazy ka pati makani eesu. ¹⁶ Kukubetekwa kwangu kutaanzi, takwena omwe wakimikila andime. Nkekao boonse bakandisiya. Nek-wakali kuti batakapegwí mulandu. ¹⁷ Pesi Mwami wakandiiminina akundiyumya kuchitila kuti, kwiinda mulinduwe, kukambawukwa kuzulile koonse, akuti baMasi boonse bakakonzye kumvwa, ndakanununwakuzwa kumulomo wamulavu. ¹⁸ Mwami

uyondivuna kulizyoonse incito mbi akundifutula nkaambo kabwami bwakwe bwaku-julu. Kulingwe kube bulemu kwalyoonse alyoonse. Ameni.¹⁹ Umujuzye Pulisila, Akkwila, abanganda yaOnesifolasi.²⁰ Elasitasi wakasyaala kuKkolinto, Pesi Tilofimasi ndakamusiya nkachisidwe kuMiletasi.²¹ Kosungwala kuboola nechitanasika chiindi champeyo. Yubbulasi ulakujuzya, alakwe Pudensi, Linasi, Kkilawudiya aboonse bakkwesu.²² Mwami abe amuuya wako, luzyalo lube anduwe.

Tayitasi

¹ Pawulu, mulanda wa Leza alimwi mutumwa wa Jesu Kkilisito alusyomo lwabantu basalidwe ba Leza alimwi aluzibo lwanchoonzyo oolo luzuminana abuleza, ² abulangilizi bwabuumi bwalyoonse oobo Leza utabeji pe, mbwakasyomezya chiindi kakutana kwaba zyoonse pe. ³ Muchindi cheelede wakayubununa jwi lyakwe mukwinda kunkambawuko ilinjiyo njindakapegw a mukwinda amukulayilila a Leza mufutuli. ⁴ Kuli Tayitasi, mwana wanchoonzyo mulusyomo lwesu lubizinkene. Luzyalo alimwi alumuno kuzwa kuli Leza Taata a Jesu Kkilisito mufutuli wesu. ⁵ Nkambo kazeezi nchindakakusila mu Kkilete, kuti ambweni nga ulakonzya kubika zintu mbuzyelede eezyo zitanamana pe alimwi akunanika bazulwidi mumyunzi yoonse mbuli mbundakakulayilila. ⁶ Muzulwidi tayeled e kuba akampendape, mwalumi ujisi mwanakazi umwi, ulaabana basyomakene pepe bambwa bubi nikuba kutalemeka. ⁷ Zilayandikana kumupati wabayiisyi mbuli sikulanga wang'anda ya Leza kuti itabi abubi pe. Teelede pe kuti abe sinchiki, atabi ulya ufwambanda kunyemesegwa, pepe ukomedwe kubukande, pepe sinkondo, alimwi pepe simatalo. ⁸ Kwinda kuchita oobo, welede kuba Ailweetelelo alimwi mwenzinyina wachili kabotu. Welede kumvwika nzyamba, simuchita zibotu, musalali, alimwi ulizyotolola. ⁹ Welede kujatisya kapati kujwi lilume eelyo lyakaiisigwa, kuchitila kuti akakonzye kuyosungwazya bamwi anjiisyi ilikabotu alimwi akuyolulamika aabo bakaka zyakwe. ¹⁰ Ko kuli biangi bantu bapapide baambula zitawope alimwi akuyunga, kapati aabo bakapalulwa. ¹¹ Kulayandikana kubayimikizya. Babilizya mpuli zyoonse akuiiisyi kwampindu yabweeme nzibateelede kuiiisisa pe. ¹² Umwi wabasinsimi wabo wakaamba kuti, "Ba Kkiletanisi mbabeji choonhe chiindi, mbanyama babi, batolo. ¹³ Twambo ooto ntwanchoonzyo. Lino, mabalulamike changuzu, kuchitila kuti amwi ngabalamvwika oobotu mulusyomo. ¹⁴ Pepe kupa kuswilizya abunini kulweeno lwaba Juda nikuba kumalayilile abantu aabo baleya kuzwa kunchoonzyo. ¹⁵ Kuli baabo basalala, zintu zyoonse zilasalala. Pesi kuli baabo basofwede alimwi batazumini pe, takwe pe chisalala, pesi zyoonse nzibapona anzizyo zyakabija. ¹⁶ Balibika bayanda Leza, pesi balamukaka munchito zyabo. mbasesemyi, tabalemeki pe, alimwi tabeededwe nikuba ulibiyeni mulimu mubotu.

2

¹ Pesi iwebo, kowambula zyelela malayilile ayendelana njiisyi yalusyomo. ² Baalumi bapati babe basitikide, balilemek, akulibatamika, bayumu mulusyomo, aluyando, antomwe amukakatila. ³ Munzila ikozyenie, koyiisyi banakazi bapati kuba aachiwa chabulemu, batanotamikizyi, nekuba kuti babe bazikebakunywa bukande, pesi ngababe bayiisyi bazintu zibotu. ⁴ Aboobo amuyiisyi banakazi banini kuti bayande baalumi babo akuyanda bana babo. ⁵ Babayiisyi kuti kabalatamika, akusalala, kubamba maanda aabo, akulibombya kubalumi babo, kuti makani a Leza atasampawulwi. ⁶ Munzila ikozyenie, ubasungilizye baalumi banini kuti babe akumvvisisisya kubotu. ⁷ Munzila zyoonse uyelede kuba chitondezyo chamilimu mibotu. Mukuyiisyi kwako akube kwamasimpe abulemu. ⁸ Majwi ngowamba abote, kuchitila kuti kufumbwa ukazya afwisigwe bweeme, nkambo ulabula chibi chakwamba andiswe. ⁹ Koyiisyi bazike kulemekba ammi babo muzintu zyonse, bababoteye pepe kukazyania aabo. ¹⁰ Batanobabbidi, pesi kabatondezya calusyomo lobotu, kuti munzila zyoonse beete kulumbayizya kwenjiisyi yejwi lya Leza mufutuli wesu. ¹¹ Nkambo luzyalo lwa Leza lwalibonia kukufutula bantu bonse. ¹² Lwakatuyiisyi kukukazika zintu zitakwe buna Leza azisusi zyenika, akupona chakulijata, akululama, akupona buumi bulabuna Leza muchiindi echino. ¹³ Nituchilangilila kutambula bulangizi bwesu bulongezezegwe kuboneka kwabulemu bwa Leza wesu mupati amufutuli wesu Jesu Kkilisito. ¹⁴ Jesu wakalipeda Iwakwe kulindiswe kukutuvuna kuzwa kuzibi zyoonse akulisalazizya bantu bayandisi abo bakonzya kuchita milimu mibotu. ¹⁵ Amwambuule ezintu ezi, amusungilizye bantu kuzichita, akuzyololola cabwami boonse kutabi naba omwe ukunyansya webo.

3

¹ Mubayeezye kuti balibombye kubendezei akulibasimulawu, kamubaswlizya, akulibambila kuli yonse milimu mibotu ² Mubayeezye kutawambula bubi awumwi, kutaba achiyandisyo chakulwana, alimwi abusichamba, akutondezya kuliwinsya

kubantu bonse.³ Nkambo limwi lyamazuba iswe lwesu twakali abaya batayeeyi akutawilizya. Twakazulidwa mukusweka alimwi akuba mubuzike kwinda aziyandisyo zisiyene siyene alimwi azibotezya. Twakali kupona mububi amumabbivwe. Twakali chisesemyo alimwi katutayandani abamwi.⁴ Pesi eelyo buuya bwa Leza Mufutuli wesu antomwe aluyando lwakwe lwakumisyobo yoonse yakayubunuka,⁵ Tensi kwakali kwamilimo yabusalali obo mbutwakachita swoeb, pesi mukwinda muluse lwakwe elyo wakatutufula, kwindila mukusanzigwa a Muuya Uusalala.⁶ Leza wakafonkola watila Muuya Uusalala alindiswe mukwinda mumufutuli wesu Jesu Kkilisito.⁷ Ezi wakazichita kuti tululamikwe kuluzyalo, tuzobe basikukona katulabulangizi bwabuumi ibutamani.⁸ Oyu mulumbe ulasyomeka. Ndiyanda kuti mwambule chabusichaamba atala azintu ezi, kuchitila kuti abo bakasyoma muli Leza bajatisye mumilimo mibotu. Makani mabotu, alalugwasyo kubantu boonse.⁹ Pesi amuleke kukazyania kwabufubafuba alimwi amazyalani amikowa amapenzi akutamvwanana atala amulawo. Ezyo zintu tazikwe mpindu alimwi tazigwasyi.¹⁰ Mumukake nabaani uyetelezya kwanzaana akati kanu, nimwamana kumuchenjezya lumwi na tubili,¹¹ mbuli mbomuzi kuti muntu ulibooobo wakasanduka kuzwa munzila iluleme alimwi ulokubisya ulikulipa mulandu lwakwe.¹² Elwo nindatuma Atemasi naba Tuchikkasi kulindinywe, ufwambane alimwi usike kulindime ku Nikkopolisi, oko nkundakayeya kulomaninsya chindi champeeyo nkendinkuko.¹³ Ufwambane utume Zenasi, unikide kumilawu, antomwe a Apolosi, enzila yakuti batakabuli chintu.¹⁴ Bantu besungabayiye kulinjizya lwabo beni kumilimu mibotu eyo ipa ziyandisi akufwambana alimwi kuti batabi bantu batazyali michelo.¹⁵ Boonse abo balandime balikumujuzya. Mubajuzye bonse abo batuyanda mulusyomo. Luzyalo alube anywebo moonse.

Filimoni

¹ Pawulo, musungwa wa Kkilisito Jesu, amukwesu Timoti kuli Filimoni, mweenzuma uyandika kali mubelesima, ² alubo kuli Afia muchizi wesu, alubo kuli Akkifasi silumambama, alubo akumbungano ziswanana mun'anda yenu. ³ Luzyalo alube kuli ndiwe aluumuno luzwa kuli Leza taatesu aMwami Jesu Kkilisito. ⁴ Ime abuzuba ngandilumba Leza wangu elyo ndakudombola munkombyo zyangu, ⁵ nkambo ndimvwa atala alusyomo ndolalo kuli Mwami Jesu aluyando ndolalo kuli boonse bantu bakwe basalala. ⁶ Ndikomba kuti kwaabana kwalusyomo lwakwe kuchite kuti lube chiswayo akumvisisisa kuzwide kwchintu choonse chibotu nchitulacho muMwami. ⁷ Nkambondijisi kukondwa kupati akumbuluzigwa nkambo kaluyando lwakwe, nkambo myoyo yabantu baLeza basalala yakakatalukwa ayebo, mwanama., ⁸ Lino, nikuba kuti ndijisi koonse kutayowa muliKkilisito kukulayilila iwe kuchita nzyooyelede kuchita, ⁹ nikubaboo nkambo kaluyando, ime ndikombelela kulinduwe kwinda kuti - Ime, Pawulo, munene, alubo lino musungwa waKkilisito. ¹⁰ Ime ndikombeleya kulinduwe nkambo kamwana ngu Onesimasi, ngundaka zyala muncheni zyangu. ¹¹ Nkambo chindi chamana taakalikwe mulimo kulindiwe, pesi lino wabamilimu koonse kulinduwe akuli ndime. ¹² Ndamutuma alimwi kulinduwe, ngumoyo wangu. ¹³ Ndalikuyandisya kuti ndimubambe awifwi andime kuti azoondichitile milimo kwachindi chinini ndilimumacheni nkambo kamakan maboto. ¹⁴ Pesi tendalikuyanda kuchita chimwi chintu kandidatikwe mvumo yako. Tandilikuyanda nchito zyako zibotu kuti zizwe kukusinikizya pesi kuzwa kubabotu bwakulyandila. ¹⁵ Alimwi kuli zeezi wakaanzanisiga ayebo kwachindi, kuti uzyoobawe musule akutamani. ¹⁶ Taakwe na chizoba muzike, pesi mbubombubo kwinda muzike, imwanama uyandwa kapati kuli ndime, alubo akwindilila kulinduwe, muziyanza zyobili munyama amuMwami. ¹⁷ Kuti kondijisi mbuli mwenzinyokwe, mutambule mbuli ndime. ¹⁸ Kuti kaliwakubisizya nikubaujisi chikwelete chamusyobonzi, chibikke kulindime. ¹⁹ Ime, Pawulo, ndilembeezi aluboko lwangu. Ime lwangu ndizyo yibbadala- kandidadomboli kuti undikweleta bube bwako! ²⁰ Ili, mwanama, leka ndijane zimwi zijanwa kuzwa kulindime muMwami bambulula moyo wangu muli Kkilisito. ²¹ Ndasyoma atala akuswiilila kwako, ndakulembela. Ndilizi kuti ulachita kwinda nzindakulembela. ²² Muchiindi eecho, mundibamble n'anda yabenzu, nkambo ndilangilila kuti kwindilila ankombyo zyanu ndizyoomupegwa lubo. ²³ Epafulasi, musungwama muli Kkilisito Jesu, ulamujuuzya. ²⁴ AMakko alakwe, Alisitakkasi, Demasi, a Lukka mubelesima. ²⁵ Luzyalo lwa Mwami wesu Jesu Kkilisito lube amuuya wako. Amen.

Ba Hibbulu

¹ Chiindi chakale Leza wakaambula kuli basikale besu kwiinda muba sinsimi muysiindi zyiingi alimwi amunzila zyiingi. ² Pesi muli aaya mazuba aamamanino wakaambula kulindiswe kwiinda mumwana mulombe, ooyo ngwaakayimikizya kuti akabesikulya lukonowezintu zyoonse. Nkwiindila mulinguwe alubo Leza wakachita bwaanze. ³ We ngusikubalangala kwabulemu bwa Leza. Bwiiminizi bulimbubo bwabiime bwakwe. Aboobo ulajata zinti zyoonse amwii ajwi lyamanguzu aakwe. Naakamaana kusanzya zibi, wakkalka aansi kululyo lwabupati kujulu. ⁴ Wakaka ulanguzu kubangelo mbuli zina ndyakakona liluleme kwiinda aabo mazina. ⁵ Nkaambo nkuli uuli wabangelo Leza ngwakatgi “Uli mwana wangu, sunu ndaba wuso?” Nakuti nguuli wabangelo Leza ngwakati, “Ndiyoba wisi kulinguwe alimwi we uyoba mwana kulindime?” ⁶ Pesi lubo aawo Leza nayeta mwana mutaanzi munyika, we utii, “Boonse bangelo mba Leza beelede kumkomba.” ⁷ Aatala abangelo utii, “Nguwe uuchita bangelo bakwe babe myuuya, mpawo balanda bakwe babe malabi amulilo” ⁸ Pesi aatala amwana utuu, “Chuuno chakwe, Leza, chikkala mane kukabe kutamani. Lubeteko lwabwami bwako ndubeteko lwabululami.” ⁹ Wakayanda bulumi mpawo wasula kutabaamba mulawu. Nkunkaako webo Leza wako wakunanika amafuta aalukondo kwiinda beenzinyokwe.” ¹⁰ “Kumatalikilo, Mwami wakayala matalisylo aanyika. Majulu milimo yamaboko aako. ¹¹ Bayoonyonyooka, pesi uyooyinkila kunembo. Bayoozakala boone mbuli chimpanzi chasila. ¹² Uyobavunga mbuli chizwaato mpawo bayosandulwa mbuli chimpanzi chasila. Pesi webo tosanduki, amyaaka yako tiimani.” ¹³ Mpesi kuli ooyo bangelo ba Leza bakati amulichili chiikndi, “Kkala kululyo lwangu mane ndikachite basinkondonyokwe bakabe chilyatilizyo chamawulu aako.”? ¹⁴ Teensi bangelo boone myuuya iibeleka na, abaabo bakatumwa kutabilila aabo bayokona lufutuko?

2

¹ Aboobo tweede kuswilisisya kuleezyo nzitwakamvwa kuti tutaka sosoloki kulinzizyo. ² Nkaambo naa makani akaambwa kubangelo akaboneka kuti ngakusiniza, akuti zibi zyoonse akutaswiilila zipegw chisubulo. ³ Nga tulachija biyeni kuti twawuza kulufutuko luli boobu? Olu ndulufutoko lwakatalika kwaambiliziga a Mwami akuzuminwa kulindiswe abaabo bakalumvwa. ⁴ Muchiindi nchicheecho Leza wapa bukamboni, azitondeezyo azigambyo, amaleele asiyene siyen, akwaabila zipo akwaabila zipo zya Muuya Uusalala mbuli kuyanda kwakwe ⁵ Nkaambo teensi nkubangelo Leza nkwaka bombya nyika kuti isike, atala anzitwaambula. ⁶ Pesi umwi wakaba kamboni kumwi, kaamba kuti, “Niinzi chitegwa muntu ooyo ngumuyeeya aatala anguwe? Na mwana wamuntu ooyo ngumulikatazya aawe? ⁷ Wakachita kuti muntu abe ansi kubangelo, wakamusamika bulemu akulemekwa. amwi malembe mapati achiindi achi Giliki alayungizya, alimwi wakamubika aatala yamilimu yamaanza aakwe. ⁸ Wakabika zykoonse mukuzibombya munsu lyazituta zyakwe.” Nkaambo nguwe Leza ngwakabikka qkuzintu zykoonse eeki. Pesi lino tatanizibona pe zyoonse nzyakabikilwa ⁹ Pesi tulikumubona ooyo wakabikidwe kundi kubangelo, muchiindi chiniini Jesu, wakasamikwa bulemu akulemekwa nkaambo kamapenzi aalufu lwakwe kuti muluzyalo lwa Leza akalabizye lufu lwabantu boone. ¹⁰ Nkaambo chaleede kuti Leza, nkaambo zyoonse ziponena nguwe kwiinda mulinguwe, kuti alete myuuya yoonse kubulemu. Chakeelela kulinguwe kuti abe ntalisylo yalufutuko kiizwide kwiindila mukupenzegwa kwakwe. ¹¹ Nkaambo ooyo uusalazyta abasalizigwa boone bazwa kumwi. Nkikaako tawuusi pe kubiita kuti banabakwabo. ¹² Waamba kuti, “Ndiyolungulula zina lyako kubana bakwesu, ndiyoyimba atala anduwe mukati mumbungano.” ¹³ Alubo, “Ndiyoosyoma mulinguwe,” alubo “Amulange, mpaano mpebede abana mbaakandipa Leza.” ¹⁴ Aboobo, mbulikuti bana ba Leza banyama abulowa bomwe, Jesu alakwe wakali umwi kuzintu zyiingi ambabo, kuchitila kuti mulufu akakonzye kuzunda ooyo wakali aamanguzu alufu, ooyo, kudyabbulosi. ¹⁵ Chakaba oobo kuti akaangunune boone abao bakaba akuyoowa lufu balkapona buumi bwabo boone mubuzike. ¹⁶ Nkaambo nchoonyo tanyongani nkaambo kabangelo pe; pesi; ulanyongana loko kumbuto ya Abbulahamu. ¹⁷ Aboobo chakaleede kuti akabe mbuli bana bakwabo munzila zyoonse, kuchitila kuti akabe mupayizi uusyomekede alimwi uulaluzyalo mubulyidilano azintu zya Leza, akuti akakonzye kweeta lulekelelo kuzibi zyabpantu. ¹⁸ Nkaambo Jesu lwakwe wakapenzegwa mumasunko, ulakonzya kugwasiya aabo balikusunkwa.

3

¹ Aboobo, nobakwesu basalala, anywebo muli aalukono mulwiito lwakujulu. Amuyeeeye Jesu, mutumwa alimwi kali mupayizi mupati waluzumino ljesu. ² Wakalisoyomekede kuli Leza, wakamusala, mbuli mbaakasyomekede alakwe Mozesi mung'anda ya Leza. ³ Nkaambo Jesu wakajanika kali musalali abulemu bupati kwiinda bwa Mozesi, nkaambo ooyo uuyaka ng'anda ujana bulemu kwiinda ng'anda lwayo. ⁴ Nkaambo ang'anda ang'anda ilamuntu uiyayaka, pesi wakayaka zyoonse ngu Leza. ⁵ Kuliliimbii bbazu, Mozesi wakali zyomekede mung'anda ya Leza yoonse. Walkali kaamboni aatala azintu zyalikuzowambulwa mulilya juunza. ⁶ Pesi Kkilisito mwana mweendelezi wang'anda ya Lez. Tuli ng'anda yakwe, na twajatisya kubusichaamba bwesu akubotelwa mukusima kwesu. ⁷ Aboobo, zilimbuli mbawamba Muuya Uusalala uti: "Sunu na mwalimvwa jwi lyakwe ⁸ mutayumyi myoyo yanu mbuli mulupapi, muchiindi chakusunkwa munkanda. ⁹ Awa mpawo bamawuso nibaknodikpapila akundisunka lubo, alubo, mumyaka makumi one bakabona nchito zyangu. ¹⁰ Aboobo zyalane eelyo telyakandibotezya pe. Ndakati, 'Bakkede kabasweeka mumyoyo yabo. Tabana kuziba nzila zyangu.' ¹¹ Kulibyo mbuli mbundakakonka mukunyema kwangu: 'Tabakoyonjila pe mukulyookezya kwangu.' ¹² Amuchenjele, nobakwesu, kuchitila kuti akati kenu takubi naba omwe uyooba amoyo mubi wakutasyoma, moyo uuchija kuzwa kuli Leza uupona. ¹³ Pesi, amusungwaazyanie abuzuba, biyo kalitegwa ngu "sunu," kuchitila kuti kutakabi akati kenu uyoyuma moyo nkaambo ka lweeno Iwachibi. ¹⁴ Nkaambo twakaba balyidilani aKkilisito, tulijisi busichaamba busimide mulingue kuzwa kumatalikilo kuyosika kumamanino. ¹⁵ Aatala azeesi zyakaambwa kuti, "Sunu, na mwamvwa jwi lyakwe, mutayumyi moyo yenu, mbuli mulupapi." ¹⁶ Ngwani wakamvwa Leza mpawo wapapa? Teensi mbaabo boonse na bakazwa mu Ijipiti kabagwisigwa a Mozesi? ¹⁷ Ngwani ngwaakanyemene kwamyaaka makumi one? Teensi mbaabo bakabisya na, aabo nbalamitunta yakawida musokwe? ¹⁸ Nkulini nkwaakakonka kuti tabakoyonjila mukulyookezya kwakwe, na kakutali kuli aabo bakatamulemeka? ¹⁹ Alimwi tuli kubwene kuti tebakakonza pe kunjila mukulyookezya kwakwe nkaambo kakutasyoma.

4

¹ Aboobo atuchenjele kuchitila kuti kutabi umwi aakati kenu uyoboneka kakachilwa kuzuzikizya chisyomezyo nchimwaka siilwa chakunjila mukulyookezya kwa Leza. ² Nkaambo twakabuzigwa majwi mabotu mbuli mbaabede. Pesi aayo majwi taak-abagwasya pe aabo bakatajatana mulusyomo abaabo bakalemeka. ³ Nkaambo swebo nitwakasyoma ndiswe tutakanjile mukulyookezya, mbuli mbakaamba kuti, "Mbuli mbundakakonka mubunyeme bwangu, tabakaoyonjila pe mukulyookezya kwangu." Nikuba booboo, milimo yoonse njakalenga yakamaninsigwa kumalengelo aanyika. ⁴ Nkaambo wakati muli bumwi busena aataka abuzuba bwamusatu atubili, "Leza wakalyookezya mubuzuba bwamusatu atubili kuzwa kumilimu yakwe yoonse," ⁵ Alubo pwakati, "Tabakoyonjila mukulyookezya kwangu." ⁶ Aboobo, mbulikuti kuchili mweenya wabamwi biyo kuti Bakanjile mukulyookezya kwakwe, akuti nkaambo kakuti bana Izilayili biingi taakwe nibakakunjila nkaambo kakuleya milawu, ⁷ Leza watala alubo limbi zuba litegwa, "Sunu." Musule lyamazuba miangi, wakaambuula kwiinda muli Devidi kuti, mbuli mbuzyakaambidwe kusanguna, "Sunu na mwalimvwa jwi lyakwe, tamuyumyi myoyo yenu." ⁸ Nkaambo kansinga Joshuwa wakabapa kulyookezya, Leza wakalikunowaambuula aatala alimbi zuba. ⁹ Aboobo mpukuchili kulyookezya kwa Sabata kubambilidwe bantu ba Leza. ¹⁰ Nkaambo awumwi uunjila mukulyookezya kwa Leza, alakwe mwini unoli walyookezya kumilimu yakwe, mbuli Leza mbalyookezya kuli yakwe. ¹¹ Aboobo, atuyandisye kunjila mukulyookezya ooko, kuchitila kuti kutabo uyoonyila mukutaswilila mbuli mbubakachita. ¹² Nkaambo jwi lya Leza lilapona alimwi lilabosya kwiinda panga linenga mabazu aabili. Lilayasa nikuba kuyowanzaania muuya wamuntu amuuya wa Leza, antoomwe akwaanzaania moolyo aawo mpuuswaanana. Lilakonza kuziba ziyandwa aziyeyegwa aamoyo. ¹³ Taakwe chakalengwa chisisidwe kunembo lya Leza. Pesi zyoonse zili saledi alimwi zili aantanganana kumenao aakwe ngutweelede kulemekwa ¹⁴ Aboobo, mbukunga tuli amupayizi mupati loko wakayinda mumajulu, Jesu mwana wa Leza, wakapa kuti tujatisye kulusyomo ljesu. ¹⁵ Nkaambo tatuke mupayizi muati uitakonzi kutufwida nsoni mubutela bwesu. Pesi, tuli aawe wakanjila munzila zyoonse zyamasunko mbulindiswe, kusiya biyo kuti we takwe chibi pe. ¹⁶ Atwiinke aboobo abusichaamba kuchuuno chakwe chaluzyalo, kuchitila kuti tukatambule nsoni akujana luzyalo lwakugwasya muchiindi chapenzi.

5

¹ Nkaambo awumwi mupayizi mupati, wakasalwa kuzwa mabantu, usalilwa kwimina bantu muzintu zya Leza, kuchitila kuti apede zipo azipayizyo zyazibi. ² Ulakonzya kubeleka kabotu abatazi abaabo bapapide nkaambo we alakwe ulaabo butela. ³ Nkaambo kazeesi we alakwe kwelede kuti ape zipayizyo zyazibi zyakwe, mbuli mbachita kuzibi zyabantu. ⁴ Alimwi tachili chakwe pe kuti umwi abewe bulebu bwakwe. Uliitwa a Leza, mbuli Aalonii mbakabede. ⁵ Munzila njiyeeyo, alakwe Kkilisito taakwe naakalisumpula mukulichita mupayizi, Pesi, ooyo wakalikwaambuula aawe wakalikuti, "Ulimwana wangu; sunu ndaba Wuso." ⁶ Kulimbili mbukwaambidwe kulibumwi busena kutgi, "Uli mupayizi walyoonse mbuli Melukkizedeki." ⁷ Muchiindi chakwe chakuba munyama, Kkilisito wakapeda nkambyo azikumbizyo ajwi pati lyakulila misozi kuli Leza, ooyo walikukonzya kumufutula kuzwa kulufu. Wakamvigwa nkaambo kakulila kwakwe. ⁸ Nikuba kuti wakali mwana, wakayiya kuteeleta kuz-intou nzyakapenzegwa kulinzizyo. ⁹ Wakachitwa mululami mpawo, kubantu boonee bamulemeka, wakabapa lututuko lutaman. ¹⁰ Wakasalwa a Leza mbuli mupayizi mupati mbuli Melukkizedeki. ¹¹ Tuli aazyiikngi zyakwaambula aatala ajesu, pesi kwayuma kupandulula nkaambo mwayuma kumizeezo yenu akukumvwa. ¹² Nikuba muli eehi chiindi mwelede kuba bayiisyi, mucheelede kuba aamuntu umuyiisa ziiyandikana zya Leza amajwi aakwe. Muyanda malili peepe chakulya chisimide. ¹³ Nkaambo awumi unywa malili tanakomena pe mumajwi aabululami nkaambo uchili mwana mutene. ¹⁴ Pesi chakulya chisimide nchabantu baati. Aba mbaabo banga nkaamo kakukomena kwabo balalwiyo mukumvvisisisa kwabo akwaanzaania chibi kuzwa kuchibpotu

6

¹ Mpawo elyo atusimye matalikilo aamkani aaajesu mpawo tuye kunembo akukomena. Tutayali lubo matalikilo azya kusanduka kuzwa kumilimu ifwide azyalusyomo muli Leza. ² Olo matalikilo aanjisyo yazyalubbabbatizyo, buyale bwamaboko, bubuke bwabafu, alubeta lutamani. ³ Tuyochita lubo aswe echi naLeza wachizumizya. ⁴ Nkaambo nchiyumu kuli aabo ibakali bamunikilwa, ibalakalabila zipo zyakujulu, abo bakali basikwaaba baMuuya Uusalala, ⁵ mpawo akulabila ijwi bbotu lyaLeza amanguzu achiindi chiza, ⁶ pesi abo ibakawa - nkuyumu kubaboozya lubo kukusanduka. Kuloobu akaambo kakuti balikuligankamina lubo Mwana waLeza, mpawo akumusya lubo chaantanganana. ⁷ Nkambo inyika inywa kumvula iyiwida aachiindi, akumezekza ziliimwa zilamulimu kuli abo nyika mbiyakaliminwa - eyi ninyika itambula zilongezyo zizwa kuli Leza. ⁸ Pesi ikuti yazyala maamvwa, amanchenya, tayigwasyi pe elyo ili awifwi alutuko. Mamarino ayo alimukutentwa. ⁹ Pesi twakakomenenwa kuzintu zili mbubombubo aatala anduwe, nobayandwa, zintu zilangene alufutuko, nikuba kuto twaamba oobu. ¹⁰ Nkaambo Leza takwe lubazu. Takoyoluba mulimu wako aluyamdo nduwakatondeezya kuzina lyakwe, nkaambo wakagwasya basalali bakwe, a lino uchibagwasya. ¹¹ Tuli achiyandisyo kapati kuti awumwi akati kanu akatondezye bukozu bukozyene kumamanino, kuti bulangizi bwanu bube bwanchonyo. ¹² Eechi nkukoti mutakabi bakand, pesi batobeleyi babaabo kwindila mulusyomo abulindizi bakone zisymezyo. ¹³ Nkaambo Leza naakachita chisymezyo kuli Abbulamu, wakalikonkezya mwini, mukuti taali kanookonkezya kuli umwi mupati kampatila. ¹⁴ Wakati "Chonyo ndiyokulongezya a kukomezya myeelwe yako." ¹⁵ Munzila eeyi, Abbulamu wakachijana echo nchakasyomezegwa musule abulindizi buzulide. ¹⁶ NKAambo bantu balakonkezya kuli umwi mupati kwinda lwabo beni. Kumamanino a twaambo twabo, achizuminano chiyoba mbuli chizuzikizyo. ¹⁷ Elyo Leza nakasala kutondeezya chilaantanganana kuli basimulya lukono lwazisymezyo kutasanduka kwabube bwakwe, wakachikila chizuminano. ¹⁸ Wakachita obu kuli kuzintu zibili zitasandululwi - kuli eecho chitakonkezi kuti Leza abeje - iswe, nitwakachijila kumayubilo, tuyooba akusungwazigwa kupati mukujatisya changuzu bulangizi bubikidwe kunembo yesu. ¹⁹ Tulabalangizi obu mbuli chikwabilizyo chesu a chisimyo chitazunganisigwi chamuuya, bulangizi obo mubusena bwamukatikati kusule a chisitikizyo, oko ²⁰ Jesu, wakeendakunembo yesu, nkwakanjilila mibusena obo akambo kesu. Elyo wakaba mupayizi mupati kwakutamani musule amalayilile aMelikizedeki.

7

¹ Wakali ooyu Melekizedeki mwami wakuSalemu, mupayizi waLeza usumpukide wakaswanana aAbbulamu kaboola kuzwa kwakali kufundwa baami mpawo wakamulongezya. ² Nkulingue oko Abbulamu nkwakapa chibeela chaachakummi chazyonse. Lutanzi kupandulwa kwazina lyakwe chaamba kuuti "mwaami wabululami," alimwi

utegwa "mwami wakuSalemu," chamba kuti "mwami walumuno." ³ Takwe wisi, takwe banyina, takwe basikale, katakwe nikuba kutilika kwamazuba anikuba kwabuumi. Nikuba oobo, uyiminide mwana waLeza, nkambo unolimupayizi kwalyonse. ⁴ Bona bupati kuloyu mwalumi wachiindi Abbulamu ngwakapa chipanzi chakkumi kuzintu nzyakatola munkondo. ⁵ Izyalane lya Levi eelyo litambula mulimu wabupayizi balamalayilile kwinda mumulawu kuti batole zyachakkumi, kubantu nkuukuti chizwa kuli babunyina nikuba kuti ambabo nizyalane lizwa kuliAbbulamu. ⁶ Pesi Melekizedeki, ulazyalane elyo lyakatali lyabo lyakatambula chakkumi kuzwa kuli mbabo, wakatambula zyakkumi kuzwa kuli Abbulamu akumulongeza, oyo wakali azisyomezyo. ⁷ Takwe zikazyana akuti muntu munini ulongezegwa amupati. ⁸ Mulaya makkani muntu wanyama ulatambula chakkumi, pesi mumakani aya kulibukamboni bwakuti unochipona. ⁹ Mpawo, kwinda munzila yakwambula, muLevi ooyo wakali kutambula chakkumi, alakwe wakali kugwisya chakkumi kwinda kuli Abbulamu, ¹⁰ nkaambo Levi wakali mumubili wazyalane awo Melekizedeki nakaswanana aAbbulamu. ¹¹ Lino anoli bululami bwakali konzekene kwindila mubupayizi bwabu Levi (aawo muunsi azezi bantu bakatambula mulawo), ninzi eecho chakali kuyandikana kunembo eecho chinoli chakalede kubawo kuti kube umbi mupayizi kuti abewo kunembo mubube bwa Melekizedeki, mpawo kitatolegwii kuti ibe kunembo kuliAaloni? ¹² Mpawo kuti bupayizyo bwasandulwa, mulawo awulawo uyelede kuti wasandulwa. ¹³ Ooyo umwi wambawa azeesi zintu ngwawumbi musyobo, utakwe umwi wakeleka achipayili. ¹⁴ Lino zilantanganana kuti eezi zizwa kuli Juda oko Mwami nkvakayaliwa, musyobo Mozesi ngwakwakatamba atala abupayizi. ¹⁵ Ezyo nzitwamba zimvwikla loko zyakuti anoli umwi mupayizi wabuka muchikozya chaMelekizedeki. ¹⁶ Tewakalanagene loko pe aziyandikana amulawu wanyama kukuba muapayizi, pesi wo wali atala amanguzu abuumi butamani. ¹⁷ Nkambo magwalo ababukamboni anguwe: "Ulimupayizi kwalyoonse kwinda mumabmbe aMelikizedeki." ¹⁸ Tazyambi kuti ayo malayilile achindi akabikwa kumbi kumbali aakaambo alkumpeme akubula mulimu. ¹⁹ Nkaambo mulawo takwe nchwakachita chiluleme - pesi alubo bulangizi balimbubo bwakazibisigwa kwinda nituswena kuliLeza. ²⁰ Chamba kuti tezyakali achikonke pe! Bamwi bakaba bapayizi kabatakwe chikonke pe. ²¹ Pesi wakaba mupayizi kwinda muchikonke nchaakatola kulumwi ooyo wakati kulingue, "Mwaami wakakonka alubo taakwe nazosanduka pe muzezo wakwe: Ulimupayizi kwalyoonse." ²² Alubo kuli eechijesu wakapa chisinizyo chachizuminano chilimbubo. ²³ Bapayizi bataanzu bakali biingi mumweelwe, mbulu kuti lulu lwakabakachizya kuti bayimkilile nkabali munganda yamulimi. ²⁴ Pesi akambo kakuti Jesu ulapona kwalyonse, ulabupayizi bwalyoonse. ²⁵ Mpawo ulakonzya lubo kufutula chakumanina basikila Leza kwinda mulinguwe nkaambo choonse chiindi uponena kubakombela. ²⁶ Nkaambo nochoonzyo chaakelela kuti tuube amupayizi mupati, ooyo usalala, utakwe chiibi, uwanzanisigilwe kuzya kuli basizibi akusumpulwa ataala lyamajulu. ²⁷ Ooyo utayandi, uatali mbuli bapayizi balaajula, kuti ape zipayizyo zyabuzu abuza, kutaangu chazibi zyakwe, mpawo zyazibi zyabantu. Nakachita eechi lumwi kuli boonse nakalipeda. ²⁸ Nkambo mulawu upa bapayizi kumuntu ulabukompami. Pesi ijwi lyachi chikonke, eelyo lyakaza kunembo amulawu, lyakapa mwana, ooyo wakasalazigwa kwalyoonse.

8

¹ Lino kaambo nkutulikwaamba: Tulijisi mupayizi mupati wakkala aansi kuluboko lwachilisyo lwachuuuno chabulemu cha Singuzu zsyoonse mumajulu. ² Mubeleki mubusena busalala, idyuumba lya choonzyo, elyo Mwami pepe muntu, ndyakayala. ³ Woonse mupayizi ulasalawa kuti ape zipo antkoomwe azituuzyo. Lino kulayandikana kuba achimwii chakupa. ⁴ Lino koontzinga Jesu uli aanyika, tewalikunoba mupayizi kale pe, mbulikuthi kuli aabo bapa zipo kwiinda mumu lawu. ⁵ Babeleka kabatobeleyza alimwi munzinzimwa wazintu zyakujulu. Kuli biyo mbuli Mozesi mbaka chenjezegwa a Leza naakali waamba kuyaka dyumba: Leza wakaamba kuti, "Langa kuti uchite zyoonse mbuli mumabambe aayo ngwaakatondezegwa aatala lyachilundu." ⁶ Pesi lino Jesu watambulwa mumbungano ilimbubo, mbuli mbali simwiima akati kachizuminano chilimbubo eecho chichita zisyonemyo zilimbubo. ⁷ Kuti eechiya chizuminano chakutanguna teechakali abubi, taakwe nikwalikuno chitwa chimbii chizuminano. ⁸ Elyo Leza nkalikunoonga wajana bubi abantu, wakalikwaamba kuthi, "Amubone mazuba ayobuza, mbwaamba Mwami - elyo nindyo chita chizuminano chipya ang'anda ya Izilayeli alimwi ang'anda ya Juda. ⁹ Takukwe nikuyoba mbuli chizuminano nchindakachitide abasikale benu mubuzuba mbundakabajata akuboko kubagwisya mu Ijipiti. Nkaambno tebakeenda muchizuminano changu, alimwi ndakabatakata -

mbawamba Mwami.¹⁰ Nkaambo eechi nche chizuminano nchindiyochita ang'anda ya Izilayeli musule lyamazuba ayo - mbawamba Mwami. Ndiyobikka milawu yangu mumizeeo yabo, alimwi ndiyoyi lemba mumykoyo yabo. Ndiyoba Leza wabo alimwi bayoba bantu bangu¹¹ Tabakoykooyiisa basimabambanwa babo na bana bakwaabo kabati, 'Ziba Mwami.' Nkaambo boonse bayondizibal, kuzwa kumuniini kuyoosika kumupati wabo.¹² Nkaambo ndiyoooba aluzyalo kuchito zyabo zyakatalulama, alimwi nsikoyozieeya lubo pe zibi zyabo."¹³ Mukwiita chizuminano echi kuti, "chipya," wakachita chizuminano chakusanguna chibe chikulukulu. Alimwi eecho chaba chachiindi alimwi kachili chi kulukulu chaba afwiifwi kuti chiinde.

9

¹ Lino nikuba chizuminano chitanzi chakalijisi milawo atala akukukomba abusena bwachiyubilo chaansi. ² Nkaambo dumba lyakukombela mwakalichibikilo chalambe atebuli, achinkwa chabaliwo bwakwe, bwakali kuyitwa kuti busena busalala. ³ Musule adembo lyachibili kwakali limbi dumba lyakukombela, buitwa kuti busena busalalisya. ⁴ Lyakali angolide yachipayililo yatununkilizo. Alimwi ilabhokesi bwachizuminano, yakazililwidwe angolide koone, koone. Mukati mwakali nkomesi yangolide yakajisi chitegwa maana, musako waAloni wakalinonga wasyukila aya mabbwe akalembedwe majwi achizuminano. ⁵ Atala abhokesi lyachizuminano, bangelo bajisi bulemu bakavumbide chivunisy, echo chitutakonzi kwambula atala anchicho mubunike. ⁶ Nizyakamana kubambwa ezi zintu bapayizi choonse chiindi bakalikunjilla mung'andu yakunze ya dumba lyakukombela kuti bakachite milimu yabo. ⁷ Pesi mupayizi mupati luzutu wakanonga wanjila mung'anda yakunze ya dumba lyakukombela kuti bakachite milimu yabo. ⁸ Muuya usalalala wakatondezya kuti na dumba taanzi kalichimvvi mukati kanzila yabusena busalalisya butaboneki. ⁹ Echi chakulondezya muchindi echo zyonse ziipo azipayililo ezyo lino zilikupegw tazichiti kusalazyza bakombi amamvwido. ¹⁰ Balalangilila kupela chakulya akunywa azyakutula zisiyene - siyene zyakusamba, malayilile amibili kusiika chiindi chabubambilulwe bupya. ¹¹ Kilisito nakasika mbuli muapayizi mupati wazintu zibuto zyaksika wakeenda mukati kadumba lyakukombela pati lisalalisy litesi lyakabumbwa amaanza abantu chimwi kachitali chanyika eyi yakalengwa. ¹² Tekwakali kwabulowa bwampongo abwang'ombe, pesi abulowa bwakwe obo bwakanjilila mubusena busalalisya kamwi kwalyoonse akujana akukwabilisila kwaununuko lwenu lutamani. ¹³ Kansinga bulowa bwampongo abaasune, akusansayilwa kwadyota kulibabo bakalisoofwazya zyakaba salazya kukan-sanzigwa kwamibili yabo, ¹⁴ buyoya byeni bulowa bwaKkilisito, ngwani mukwiinda mumuya uusalala utamani wakalipeda lwakwe mwiini kutakwe kampenda kuli Leza, kuto asalazyza kubisa kwesu kuzwa kumilimu ifwide kuti babelekele Leza upona? ¹⁵ Akambo kabobu ngusikwima akati wachizuminano chipya. Ezi zilimbulikuti kuzwa kuchindi lufu nilwakabweza busena mulwangunuko kulibabo bali ansi achizuminano chitanzi kuzwa kuzibi zyabo, abo bayitwa kuti bayojana chisyomezyo chitamani chalukono. ¹⁶ Awo ali chiyandisyo, lufu lwamuntu wakuluchita uyoluzukizya. ¹⁷ Nkaambo kuyanda kubabiyo nakwakaba lufu, nkaambo takwe lukakatizya kuliyyo wakalumbuma uchipona. ¹⁸ Pesi alacho chizuminano chitanzi chakabambwa kachitakwe bulowa. ¹⁹ Kufumbwa Mozesi wakalikupa lulayililo luli mumulawu kubantu kubantu boonse, wakabweza bulowa bwabana bang'ombe ampongo, ameenda, buluba busalala, amichelo yahisopi akubusansila zyoonse ibhuku abantu boonse. ²⁰ Wakati, "Obu mbulowa bwachizuminano echo Leza nchakamulayilila." ²¹ Alubo wakasansila bulowa mu dumba lyachikombelo azyoonse zibikilo zyakalikubelesya mumilimu. ²² Mbuli kumulawo zyoonse zyakasalazigwa abulowa akatali kutika kwabulowa takwe lulekelelo. ²³ Nkinkakako nchikwakalikabotu kuti, zikozyanzo zyazintu zyakujulu kuti zisalazigwe azipayizyo zyabanyama aba. Aboobo, zintu zyakujulu lwazyo zyakalelede kusalazigwa azipayizyo zilikabotu. ²⁴ Nkaambo Kkilisito takanjila mubusena busalalisya bwakachitwa amaboko, kachili chikozzano chawumwi wakasimpe. Pesi wakanjilwa kujulu lini kuti alibonye mubuliwo bwaLeza mulindiswe. ²⁵ Takayinka oko kuti akalipe mwini muzintu zyiingi, mbuli mbuwakachita mupayizi mupati, unjila mubusena busalalisya bwamunyaka amunyaka abulowa bwawumwi. ²⁶ Nikuli ako nkikaambo, mpawo ulelede kufwaba muzintu zyiingo kuzwa kuntalisy yanyika. Pesi lino wasika chantanganana kumamanino azyiindi kuzogwisya kulibali azibi kulipayizya kwakwe mwini. ²⁷ Mbuli muntu bwakasalwa kuti afwe kamwi, alimwi kuzwawo kuyoosika lubeta. ²⁸ Alubo, Kkilisito wakapedwa lumwi kuti agwisye zibi zyabiingi, alimwi uzoboneka lwabili, kuti atazobi abwendelezi azibi, pesi lufutuko kulibabo bamulindilide.

10

¹ Nkaambo mulawu mwenzwide bikupayilwayo wazikntu zibotu zichiza, kawutali chiimo loko pe chazintu eezi. Aabo baza kuli Leza tabakonzyi pe kululamikwa anzizyo zipayizyo nzibaswini kabapayila munyaka amunyaka. ² Mulikumwi kwaamba konzo zipayizyo tezyaka yimikizigwa? Na kakuli boobo, na kazili zyasalazigwa zyamanina aatu, basykomi teensi balikunoba kabaziba zibi pe. ³ Pesi muzipayizyo eezi kuli kuyeezegwa kwazibi amunyaka amunyaka. ⁴ Nkaambo tazichiti pe kuti bulowa bwaba pule bang'ombe ampongo bumane milandu. ⁵ Lino Kkilisito naakasika munyika, wakati, "Zipayizyo azipo tenzizyo nzwakayandisisya pe. Pesi, wakali mubili ngumwakandibambila. ⁶ Kazitali muzipayizyo zitentedwe na zipayizyo zyazibi nzimwakabotelwa kulinzizyo. ⁷ Mpawo ndakati, 'Langa, ndasika, mbuli mukulembedwe atala andime mumalembe, chita kuyanda kwako.'" ⁸ Kakutanguna wakati, "Teensi zipayizyo pe, na zipo, niziba zyoonse zipayizyo zyakuumpa, mna zipayizyo zyazibi nzimwakalikuyanda. Na kubotelwa mulinzizyo." Eezi nzezipayizyo zipegwa kwiinda mumulawu. ⁹ Mpawo wakati, "Langa mpawa ndili wano kuti ndichite lkuyanda kwenu." Wakagwisya mabelekelo mataanzu kuti asangune mabelekelo aabili. ¹⁰ Munzila eeyi, twakasalazigwa kwiinda mukupayilwa kwamubili wa Jesu Kkilisitu mpawo kwamanina aatu. ¹¹ Kulilimwi bbazu, buzuba abuzuba, awumwi mupayizi ulayimkila kubelekela Leza. Ukkede kapayila zipayizyo nzizyo nzizyo, nikuba tazikwe nizisalazy za zibi pe. ¹² Kuli limwi bbazu, Kkilisito wakapayila chipayizyo chomwe kwa lyoonse, wakakkala ansi kululyo lwa Leza. ¹³ Ulilindide mane basinkondonyina bakachitwe chilyatilizyo chamawulu aakwe. ¹⁴ Nkaambo achipayizyo chomwe wakalulamika aabo balikusalazigwa. ¹⁵ Alimwi Muuya Uusalala ulatwaambilila kulindiswe. Nkaambo usanguna kati, ¹⁶ "Eechi nchechizuminano nchesikachite aabo musule lyawayo mazuba ayo, mbawamba Mwami. Ndiyobikka milawu yangu mumyoyo akwilemba mumizeezo yabo" ¹⁷ Taakwe nesikaziyeeye lubo pe zibi zyabo." ¹⁸ Lino aawo ali kulekelelwa kwabaaba, taachikwe nikucheeledi zipayizyo zyazibi pe. ¹⁹ Aboobo, bana bakwesu, twaba achaamba chakunjila mibusenya nkaambo kabulowa bwa Jesu. ²⁰ Njenzila mpya yakupomna njatujulila kwiinda mudyembo nkukwambo kuti mubili wakwe. ²¹ Nkaambo tujis mupayizi mupati kampatila wang'anda ya Leza, ²² atunjile amyooyo yachoonyo amulusyomo luzwide, moyo yesu kiisaledekuzwa kumizeezo amibili yesu kisanzizigwe amaanzu aaslala. ²³ Alukbo ngatujatisye katutazungani kubulangizi mbutulingulula, nkaambo oyo wakasyomeza ulisyomekede. ²⁴ Tuyeesesyembutunga tulasungwaazyania umwi awumi mumilimu yaluyando. ²⁵ Tutanoleki kuswaanana, mbuli mbubakaleka bamwi. Peso agtusungwaazyanie umwi awumwi mukuvula akwiinkila kunembo mbuli mbumukubwene kuti buzuba bwaba afwiiifyo. ²⁶ Kuti na twachita chibi achaali musule akutambula busongo akasimpe, chipayizyo chazibi tachichiwo pe. ²⁷ Pele kwasyaala biyo kubetekwa kuyoosya, abukali bwamulilo buyotentia basinkondonyina ba Leza. ²⁸ Kufumbwa uukaka mulawu wa Mozesi ulafwa katausilwi pe kakuli bakamboni babili na nbattatu. ²⁹ Muyeyea kuti nga chilatana aali chisubulo chipegwa oyo wakaba kunsi lyamawulu aMwana wa Leza, oyo wakabweza bulowa bwachizuminano mbuli butasalede, - bulowa bulimbubo bwakamululamika - mpawo wakatukila Muuya waluzyalo? ³⁰ Nkaambo tulimuzi wakati, "Kukolotya nkukwangu; ndiyobbadala." Alubo, Mwami uyobeteka bantu bakwe." ³¹ Nchintu chiyoosya kuwida mumaboko a Leza uppuna. ³² Pesi aukayeeye mazuba akusanguna nimwakajana mumuni, kuti mwakasima biyeni mukulwana amukoomba. ³³ Mwakaba akusampawoulwa aluundu akupenzegwa, alimwi mwakali kwaabilana abaabo bamwi bakiinda mibusampawuzi amapenzi aya. ³⁴ Nkaambo mwakali aluse kuli aabo bakangidwe alimwi mwakali kutambula amooye omwe kunyanzigwa zintu zyenu. Mwakalizi lwani kuti mwakalizi kuti mulijis lubono lutamani. ³⁵ Aboobo tamusowi chaamba chenu, chijyoomweetela mpindu mpatti. ³⁶ Nkaambo muyanda kuba akukakatila, kuchitila kuti mukatambule eezyo Leza nzyakamusyhomezya, kamuli mwachita luyando lwakwe. ³⁷ "Nkaambo muchiindi chifwiifwi chimboola, oyo uzabuza ulasika alimwi tachedwi pe. ³⁸ Mululami wangu uyoopona alusyomo. Naayoowa, nsikoyoomubotelwa pe." ³⁹ Pesi tatuli babaabo bawa pe kababweeda kukunyonyoonwa. Pesi, tuli bamwi babaabo bajisi lusyomo lwakubamba myuuya yesu.

11

¹ Lino lusyomo nkuba akasimpe kazintu zilangilidwe alimwi abwini bwazintu zitaboneko. ² Aboobo nkaambo kacheechi basikale bakatambulika nkaambo kalusyomo lwabo. ³ Kwiinda mulusyomo tumvwisisya kuti nyika yakalengwa akulayilila kwaLez, kutondezya kuti iziboneka tezyakalengwa kuzwa kuzintu zyakali kuboneka. ⁴ Nkaambo

kalusyomo Abbelu wakapa Leza chipayizyo chibotu kwiinda cha Keyini, nkakasunkwa aacho kukuba mululami alimwi Leza wakambula kabotu aatala anguwe nkaambo kazipayizyo zyakwe, alimwi kwiinda mulusyomo Abbelu uchambuuula nikuba kuti ulifwide. ⁵ Nkaambo kalusyomo Inoki wakatolwa biyo kujulu katabwene lufu. "Taakanjanika nkaambo Leza wakamubweza." Awo katana tolw, kwakaba bukmaboni bwakuti wakali waboteyza Leza. ⁶ Lino uti kakutakwe lusyomo tazikonzeki pe kumubotezya. Nkaambo chileelede kuti kufumbwa uuza kuliLeza welede kusyoma kuti mpali alimwi mulumbuli wababo bamuyandula. ⁷ Ndusyomo lwakachita kuti Nowa, nakali wapegwa mulumbe wakujulu aatala azintu zikatalina boneka mukuba abulemu buli abunaLeza wakayaka bwaato ktui afutule mpali yakwe. Mukuchita oobu wakiipa mulandu nyika eelyo wakaba simulyazina wabululami buza alusyomo. ⁸ Ndusyomo lwakachita kuti Abbulamu, nakiitwa wakateeleta wiinka kubusena, oobu mbwakelede kutambula mbuuli lukono. Wakazwa wiinka, katanzi nkwaali kuya. ⁹ Ndusyomo lwakachita kuti akale munyika yechisyomezyo mbuli muzwa kule. Wakakala mumatente antoomwe aAyizeki ajekkobbu, basimulyazinanya kuchisyomezyo chomwe biyo. ¹⁰ Nkaambo wakali kulangilila kugunzi lilaantalisyo mubambi amuyaki wazyo kali nguLeza. ¹¹ Mulusyomo - alimwi Sala lwakwe wakali ngomwa wakatambula kukonzya kumita mwana mubuchembele bwakwe, mukubona kasyomekede oyo wakapa chisyomezyo. Kulimubuzyo wakutii lwakali lusyomo lwaAbbulahamu na kana lwaSala lwakali kuboneka awa. Mulusyomo Sala, nikuba kuti wakali wachembala, wakatambula nguzu zyakuzyala mwana, nkaambo wakabona kasyomekede oyo wakapa chisyomezyo. ¹² Aboobo kuzwa kumwalumi oyu omwe alimwiwakali wamba kufwa - kwakazyali bana hingi mbuuli nyenyezei zya julu alimwi batabaliki mbuuli luseese lwakumbali alwizi. ¹³ Chakali mulusyomo kuti boons aaba bakafwa kabatatambwide zisyomezyo. Muchiindi eecho, nibaka ibona akuzi juzya kazili kule, bakazumina kuti bakali banasinakooma munyika. ¹⁴ Kuli aabo baamba zintu zilibooobu babika antaanganana kuti bayandula nyika yakukala. ¹⁵ Nikwali kuti bakali kuyeeya nyika njibakazwa kulinjiyo bali kunoowujana mweenya wakubweeda. ¹⁶ Pesi mbuuli mbuzibede bayndula nyika mbotu kwiinda, nkokuti, yakujuju. Aboobo Leza takwe nsoni akwambwa kuti nguLeza wabo, mbuli kuti wakaba bambila muunzi. ¹⁷ Nguwakali mwana wakwe omwe biyo ngwakapedekezy, ooyo wakatambula zisyomezyo. ¹⁸ Ezi zyakambilwa Abbula-hamu, "mazyalane aako ayowuzikwa kwindila muli Ayizeki" ¹⁹ Abbulahamu wakayeeya kuti Leza wakalikukonzya kumubusya Ayizeki kuzwa kubafu, alimwi kwaambisyia mumaboneno aakwe wakamutambulubo kuzwa kulimbabo. ²⁰ Ayizeki wakalongezya Jekkobbu aIsawu kwindilila mulusyomo aatala azintu zyakachiyobuza. ²¹ Kwindila mulusyomo Jakkobbu naakaba awfifwi akufwa wakalonegeza banaba Ozefu balombe umwi awumwi. Jekkobbu wakakomba, kakoteme aamufunko wakwe. ²² Kwindila mulusyomo Jozef, mamanino aakwe naakab aafwfifwi, wakambuuula atala akulonga kwabana ba - Isilayeli kuzwa ku - Igipite alimwi wakabalayilila aatala amafuwa akwe. ²³ Kwakalikwindila mulusyomo, Mozesi naakazyala, wakasiswa kwamyezezi yotatwe abazyali bakwe nkaambo bakabona kuti mwana mubotu. Tabayowede kulayilila kwamwami. ²⁴ Kwakkali kwiindila mulusyomo kuti Mozesi, naakakomena wakakkaka kwambwa kuti mwana waFalo. ²⁵ Wakasala kupenzegwa antoomwe abantu baLeza kwiinda kulibotzya abunone bwachibi chindi chinini. ²⁶ Wakayeya kuti kusampulwa kwakutobelaa Kkilisito bwakali buvubi upati kwiinda buvubi bwalgipita. Nkaambo menso aakwe wakaabikide kubulumbu bwakwe. ²⁷ Mulusyomo Mozesi wakazwa Igipita. Takwe nakayoowa bukkali bwaMwaam. Takwe nakayoowa bukkali bwaMwaam, nkaambo wakakalatila aanga wakali mubwene ooyu uutabonwi. ²⁸ Alusyomo wakabamba Pasika akusansilwa kwabulowa, kuchitila kuti sikujaya bana bataanzi atagumi bana babana-Izilayeli balombe batanzi. ²⁹ Alusyomo bakiinda mu; wizi lwamatete mbuli kwiinda aanyika njumu. Awobana-Igipita nibakayanda kuchita oobo bakamenwa. ³⁰ Alusyomo bulambo bwakujelikkoo bwakakkolomoka musule akuzyungulukwa kwamazuba alimusano abili. ³¹ Zyakachitika mulusyomo kuti sibwaamu taakafwa pe antoomwe abasikutasilila, nkaambo wakatambula basikutwela muluumuno. ³² Ninzi chimwi nchekonyaza kwaamba? Ichuindi nsikoba aacho kuti ngambuuile zyaGidiyoni, Bbalakki, Samisoni, Jefutati, Devidi, Samiyeli alimwi atala abasinsimi. ³³ Kwakali kwindila mulusyomo kuti bakazunda zisi, bendeleyza, bululami, alimwi bakatambula zisyomezyo. Bakajala milomo yababalavu, ³⁴ akuzima nguzu zyamililo, bakaloboka kuyaswa asumu, bakaponesegwa kumalwazi bakaba basinguza munkondo, akuzunda basilumamba bamazwa kule. ³⁵ Banakazi bakatambula bafu babo abubuke. Bamwi bakoomba akufwabisigwa, kabatatambuli kwangununwa kuchitila kuti bajane bubuke bubotu kwiinda. ³⁶ Bamwi bakatambula kunyansigma aunabbwa,

alimwi amaketaniakubikwa muntolongo.³⁷ Bakkandulwa mabbwe. Bakkandulwa aakati. Bakajigwa asumu. Bakapwenta kabazwete zikumba zyambelele azyempongo. Bakali mubuchete, akudyamizigwa, kaptajatwi oobotu.³⁸ Nyika teyakabapa bulemu Lyoonse bakali bakalikupwenta munkanda amuzilundu amumapako munyika.³⁹ Nikuba kuti boonse bantu aaba bakalitambwidwe aleza nkaambo kalusyomo lwabo, taakwe nibakachitambula chisyomezyo.⁴⁰ Leza wakatubambilala chimwi chintu chibotu kwiinda, kuchitila kuti kuboneke aanoli tetwaliwo tebalii kunoomaninizigwa pe.

12

¹ Mbukuliboobo, mbulikuti yuzyungulukdwe joba paiti lyabakamboni, atubikke kumbali kulemenwa koonse antoomwe alibi zyoonse. Atube amoyo mulamfu mukuchi-jaana mujiizyanio ooyu wambikkwa kunembo lyesu.² Atuswiilile Jesu, we ngomutaliko amumaninizyi walusyomo. Nkaambo lukondo lwakabikkwa kunembo lyakwe, wakalipeda kuchiingan, nikuba chakalikupa mawuse, mpawo wakakukkala kululyo lwachuuno chabulemu cha Leza.³ Aboobo amumuyeye, ooyoo wakatola chiimo chili boobo kuli basizibi chiteendelani aguwe, kuchihtila kuti tamubi abutela mumyoyo yanu.⁴ Taakwe nimwalina lwana achibi kuyosika kubulowa.⁵ Alimwi mwakaluba kusungwaazigwa kumwaambila kuti inywe mbuli bana balombe: "Mwanangu, utayeeyi kuti milawu ya Mwami myuuba, na kuba abutela awo nowambilwa atala akuchita chibi anguwe."⁶ Nkaambo Mwami ulapa malayilile kuli woonse muntu ngwayanda alimwi ulasubula mwana woonse ngwatambula.⁷ Sima mukuenzegwa akulayigwa. Leza ubeleka andinywe mbuli bana. Ulabanzi ooyoo mwana uula wisi utamu layi?⁸ Pesi kuti kotakwe buntu, obo bantu boonse mbubaabana, ulimwana uutatambuliki alimwi toyelede pe kuba mwana wakwe.⁹ Kuyakukunembo, twakalijisi bama taata bamunyama mbuli basikiutulayilila, alimwi twakabaleme. Tatweelede na aboobo kuti tulemeke Wisi wa myuuya kuti tupone?¹⁰ Nkaambo kulilimwi bbazu, bama taata besu bakatalayilila kwamazuba mache mbuli mbubakalikubona kazyeelede kulimbabo. Pesi kulilimwi bbazu leza uchita oobo kuti zitubotole kuchitila kuti tukaabaane aawe mubusalali.¹¹ Taakwe kulayililwa kuboneka kakubotela muntu muli eecho chiindi pesi kulachisa. Pesi muchiindi chiboola kuleta muchelo waluumuno mubululami kuli aabo bakalayililwa.¹² Aboobo simya maboko aako aayo asiminina aansi mazwi aako.¹³ Panga nzila ziluleme zyamawulu aako, kuchitila kuti eezyo zilemene tazikoyookachilwa pesi ziyponesegwa.¹⁴ Amuyanduule luumuno abamwi boonse, antoomwe abusalali nkaambo iutakwe busalali taakwe nayoomubona Mwami.¹⁵ Amuchenjele kuti kuti takubi ubula luzyalo lwa Leza, alimwi takubi nuuba tuyanda wakunyema uunga ulayeta kutamvwanana, kuchitila kuti biingi tababi kababisigwa ankuko.¹⁶ Amuchenjele kuti takubi zyakunjila munobo zitaluleme na kuba muntu utaluleme mbuli Isawu, ooyoo wakawuzya bupati bwakwe nkaambo kakulya.¹⁷ Nkaambo mulizi kuti musule lyazezyo, naakazoyanda kutola chilongezyo, taakatambulika pe, nkaambo wakabula mweenya wakusanduka, nikunba kuti waka chiyanduula amisozi.¹⁸ Nkaambo teensi mwaza kuchilundu chikonzeka kugumwa, chilundu chaulilo uuyaka, mudima, kutaboneka a guwo pati.¹⁹ Teensi mwaza kuzolizya nyeele, na kujwi lyaambula majwi basikumvwa kabatamwi niliba limbi jwi lyaambuulwa kulimbabo.²⁰ Nkaambo tabakonzyi kuzikalilila eezyo nzibalayililwa: "Namnsya nuuba munyama waguma chilundu welede kutululwa mabwe."²¹ Chakalikuyoosa loko ech chakabonwa a Mozesi awo naakati, "Ndilikuyoowa alimwi ndilikukankama."²² Pesi mwasika kuchilundu cha Zayoni akudolopo lya Leza upona, Jelusalem lyakujulu, akumakumi azyuulu zyabangolo zili kupobola.²³ Mwasika kumbungano yamwana wabubele, ooyoo wakalembwa kujulu. Mwasika kuli Leza, Mubetesi waboomnse, akumyuuya yabaluleme bakalulamikwa.²⁴ Alimwi mwasika kuli Jesu, simwiima aakati wachizuminano chipya, akubulowa bwakasamnsiilwa bwaambula zilimbubo kwiinda bulowa bwa Abela.²⁵ Amubone kuti tamumukasyi ooyoo uulikwaambula. Nkaambo kaansinga tebakafutuka nibakachija ooyoo wakabulayilila aanyika, nkuche kuti tufuke na twachija ooyoo ulikutulayilila kuzwa kujulu.²⁶ Mulichimwi chiindi, jwi lyakwe lyakateketesy azyika. Pesi lino wasyomezya wati, "Ilubo, nsikozoteketya nyika ayilike pe, pesi amajulu woonse."²⁷ Aya majwi, "Chimbi lubo chiindi," kwaamba kugwisyaa eezyo zintu zikonzya kuteketesegwa, kwaamba kuti, zintu zyakalengwa, kuchitila kuti zintu zitakonzezi kuteketesegwa zichaale.²⁸ Aboobo, kutambula bwami butakonzyi kuteketesegwa, atulumbe, amuleyi nzila tumukombe Leza mubulemu bupati akuyoowa.²⁹ Nkaambo Leza wesu mulilo uyaka akutenta.

13

¹ Aamulekke Luyando lwabunyina lwinkilile anembo. ² Mutualubi kujata akabotu beenzu. Mukwindila kulechi, bamwi bakajata kabotu ibangelo kabatazi pe. ³ Kamuyeya ibangidwe mbuli kuthi mwangidwe aamwi ambabo. Kamubayeya aaba batajiswi kabotu muli mulimubili omwe. ⁴ Aamuleke makwatano alemekwe kuliboonse, alimwi buulo bwamakwatano abusalale, nkambo leza uyobeteka abo ibayanda malalano abasimamambé. ⁵ Machitilo anu atabi akuyanda mali. Amukutisikane kuzinini nzimulazyo. Nkambo Leza lwakwe wakamba kuti, "Sikoyomuleka pe, nanka kumusiya." ⁶ Atukutisikane tukabe abusichamba mukwamba, "Mwami ngomugwasyi wangu; nsikoyoyowa pe. Ino muntu ulandichitanzi?" ⁷ Kamuyeyea bazuluzi ibanu, kulabo bakamba aabo bakamwambila jwi lyaLeza, Alimwi kamwibalukwa impindu zyabweende bwabo. Kamutobelzye lusyomo lwabo. ⁸ Jesu Kkilisito nguwe wajilo, sunu mane kukabe kutamani. ⁹ Mutenwi anjiso nziputazi zyamusyobomusyobo. Nkambo nchibotu kuti Moyo usisimisigwe aluzyalo pe- pe azyakulya. eezyo zitagwasyi aabo benda anzizyo. ¹⁰ Tulijisi chipayililo chizwa kulabo ibabeleka muDumba lyakukkombela eelyo tabakwe cheelelo chakulya. ¹¹ Nkambo bulowa bwabwanyama bwakafwida zibi bwaketwa abapayizi ibapati mukati kenganda isalala, muchindi echo mibili yabo yakatentwa anze mpubakakede. ¹² Eelyo Jesu alakwe wakapenzegwa anze amulyango wamunzi, mukambo kakuti basalazye ibantu mukwindila mubulowa bwakwe. ¹³ Nkinkaako atwinke kulingue kumbali amunzi, atubweze mawuse akwe. ¹⁴ Kambo tatuwe munzi wakukalilila pe ano, Pesi tuchiyandula munzi umbi uchiza. ¹⁵ Kwiinda mulinguwe, aboojo, tweede chindi choonse tupede chipayizyo chakutembawula Leza, lumbayiza michelo yamilomo akuzumina muzina lyakwe. ¹⁶ Elyoo tutalubi nituluba mukuchita bubotu akwabilana, nkaambo mukwindila muchipayizyo chilobu Leza ulachibotelwa. ¹⁷ Kuswilila akulibombya kubazululi banu, eelyo mbe-mbabo balanga myuya yanu mbuli abo bamupeda bukamboni bwaabo beni, Mulemeke kuchitila kuti bazuluzi banu bakachite echii chakubotelwa akutangunguna, pesi chakatali kumugwasya inywe. ¹⁸ Kamutukombela aswebo, nkambo twakombelezegwa munjisyoimbotu akuti twayandisya kukala muzintu zyoonse. ¹⁹ Ndilikumusungwazya nikuba nanka mukwindila mukuchita obu nkambo ndobozegwa kuli ndinywe mukufwambana. ²⁰ Lino Leza waluumuno oyo wakabozya kuzwakulufu mweembeli mupati wembelele, Mwami wesu Jesu, akubulowa bwachizuminano chitamani. ²¹ Kupa zyonse zibelesyo mukukusimya kuzintu zyoonse, mukubeleka mulindiswe kulecho chimubotezya, mukwindila mulijesu Kkilisito, kulingue akube bulemu kwalyoonse alyoonse. Amen. ²² Lino ndamusungwazya, nobakwesu, ikuti mubweze ijwi eeli lyakumusungwazya ndindamulembela mubufwifwi. ²³ Muzibe mukwesu Timoti wangununwa, oyo ngwesizawe kuzomubona kuti afwambana kusika. ²⁴ Mujuze bazuluzi banu boonse antomwe abasantu boonse baLeza. Abo bazwa kuitali balokumujuzya. ²⁵ Luzyalo alube anywebo moonseni.

Jemusi

¹ Jemusi, mubelesi wa Leza a Mwami Jesu Kkilisito, kumusyobo yabantu ili kkumi ayibili imwayikide munyika: Injuzyo. ² Zyoonse muzibweze mbuli lukondo, nobakwesu, awo nimuyoswanana amakatazyo asiyenesiyene. ³ Mulizi kuti kusunkwa kwalusyomo lwanu kuzyala banangatizi. ⁴ Amulekele bunangatizi, bumaninsye mulimo wabo kuchitila kuti mukonzye kukkomena akumaninina, kamuta chibuli chintu. ⁵ Pesi kuti umwi wanu kayanda busongo, amumuleke abukkumbile kuli Leza, ooyo uupa chakwanganuka alimwi katasandukili pe kulabo bakkumbila, alimwi uyomupa mbubo. ⁶ Pesi amumuleke akumbile mukusyoma, kakutakwe kudoneka. Nkambo kufumbwa muntu uudoneka uli mbuli juwe mulwizi ilitontwa aluuwo alimwi kaliyumbwa kumabbazu woонse. ⁷ Nkambo muntu oyo tayeledе kuyeya kuti uytambula chimwi chintu kuzwa ku Mwami. ⁸ Muntu ulobo ulamizezo-ibili, utakkalinkene pe munzila zyakwe zyonse. ⁹ Mumuleke mukwesu wachiiimo chilaansi apakale muchuno chakwe chaajulu, ¹⁰ pesi imuvubi muchuno chakwe chilaansi, nkambo uzoyinda mbuli dubaluba lyalusaka musokwe. ¹¹ Nkambo izuba lizwa akupya akutenta alimwi kuyumya masokwe idubaluba lilaloka, alimwi bubotu bwalyo ngabwamana. Muli njiyeyi inzila, muntu uvubide uyo yangala akkati kalweendo lwakwe. ¹² Ullongezezegwe oyo unangatila muchindi chamasunko. Nkambo aazunda masunko uytambula ipande lyabuumi, eelyo lyakasyomezegwa aabo bayanda Leza. ¹³ Kutakabi muntu utakaambe kuti akusunkwa, "Ndasungwa a Leza." nkambo Leza tasunkwi achibi, alimwi we lwakwe tasunki muntu. ¹⁴ Pesi umwi muntu usunkwa akupekezya kwakwe, ikumukwelela kule akumweneena. ¹⁵ Musule aakuti impeekezyo yakomena mbuli chibi nichakakomena, chizala lufu. ¹⁶ Tamweneenwi, nobakwesu bayandwa. ¹⁷ Chonse chipo chibotu achoonse chipo chimaninide chizwa kujulu. Chiiza ansi kuzwa kuli Wisi wa mimuni. Kulinguwe takukwe kusanduka na imwenzule nkambo kakuchengunuka. ¹⁸ Leza wakasala kuti tuzyalwe ajwi lyakasimpe, kuchitila kuti tube musyovo wamichele mitanzi kuzintu zyoonse nzyakalenga. ¹⁹ Mulichizi echи, nobakwesu bayandwa: amuchite kuti muntu woонse afwambane kumvwa, anelele kukwambuuла, anelele kukunyema. ²⁰ Nkambo kunyema kwamuntu takumaninizi bululami bwa Leza. ²¹ Nkinkako amugwisye woонse mawunda mawunda aabulewusi busesemya bwazibi. Mubuntu amutambule ijwi litanyukulwi, eelyo likkonzya kuvuma myuuya yenu. ²² Amube bantu bachita zyamba ijwi pepe kuba baswilizi biyo, kamuli kulyena. ²³ Nkambo kuti muntu kamvwa biyo ijwi pesi katalichiti, uli mbuli muntu ulyeba busyu bwakwe mbububumbidwe muchiboniboni. ²⁴ Ulalyeeba aazwa aawo ayende alimwi alube mpawawo kuti wali biyeni. ²⁵ Pesi muntu uulanga kabotu mumulawu walwanguunko, alimwi kayinkilila kunembo akuchita mbubobo, katali sikumvwa biyo ululuba, ooyu muntu ulalongezegwa kunchito zyakwe. ²⁶ Kuti umwi muntu kalyeya kuti ngwabuna Leza, pesi katazyotoli lulimi lwakwe, weena moyo wakwe, alimwi nzyasyoma nzyabuyo. ²⁷ Ilusyomo lusalala lutakwe kampenda kunembo lya Leza aa Taata ngayakuti: kugwasya bamuchaala abamukabafu kuli zibakatazya, akuliyobola ilwabo beni chakutaba akampenda nikaba komwe kaansi.

2

¹ Nobakwesu, mutajatilili kulusyomo mu Mwami wesu Jesu Kkilisito, iMwami wabulemu, chakulanga ibbazu limwi kuli bamwi bantu. ² Atwambe kuti umwi muntu wanjila mumuswangano wako kazweete inwenene zyangolide azizwato ziletombe. ³ Kuti walanga kumuntu uwzete zyakuzwata zibotu akwamba kuti, "Iwe kkala aawa abusena bubotu," pesi kuli oyu muchete wasikuti, "Iwe kiminokiya," nakuti, "Kkalaansi mpundilyatide," ⁴ unoli toli kusalulana mukati kanu? Tewaba sikusalula amizezo mibi na? ⁵ Amuswilizye nobakwesu bayandika, Leza takwakasala bachete munyika kuti babe bavubi mulusyomo na alimwi kuti bazokane Bwami oobo mbwakasyomezya kuli baabo bamuyanda? ⁶ Pesi temwabalemeka pe bachete! Tabensi bavubi na bamudyamizyа? Alubo tensi mbabo na bamukwelela kunkuta? ⁷ Tabali tukili na izina bbotu eelyo ndimwakayitwa andilyo? ⁸ Zyanchonzyo, kuti mwazuzikizya mulawo wa Mwami, wabubana kukalya mbuli mumalembе, "Muyoyandana ambimuyakilene aabo mbuli mbomuliyanda lwenu," munoli muchita kabotu. ⁹ Pesi kuti kamusalula mbimuyandanda kuchoitila kabotu, muli kuchita chibi, alimwi mulisungidwe amulawo mbuli basikuzunganja. ¹⁰ Nkambo kufumbwa muntu ulemeka mulawu, uzumina kuti udadalikila munzila yomwe biyo, ulayowa kutyola mulawu wonse. ¹¹ Nkambo ooyo

wakati, "Utemuzyi chabumambi," alimwi wakati, "utajayi." kuti tewachita bumambi, pesi wajaya, unooli waba simutyola mulawu.¹² Nkinkaako ambula akuchita mbuli aabo batazosalwe alubeta lwanzila yamulawu walwanganuko.¹³ Nkambo lubeta luza kalutakwe nsoni kuli aabo batatondezyi insoni. Ilwetelole lulalilumbayizya amulubeta.¹⁴ Nimpindunzi, nobakwesu, kuti umwi muntu wati ulijisi lusyomo, pesi katakwe milimo? Oolo lusyomo lulakonzya na kumuvuna?¹⁵ Anikuti umwi mukwesu wachaalumi kana muchizi wachanakazi katatasamide zisamo zilikabotu alimwi wabula kulya kwazuba lyonse.¹⁶ Twambe kuti umwi wenu wamba kuti, "Kamuya mulumuno, mukkale mukkasalilwe alimwi mukkute." Kuti temwabapa zintu zyelede mubili, kuli mpindunzi?¹⁷ Munzila yomwe njiyeyo ilusyomo alulikke, kuti kalutakwe milimo, lulifwide.¹⁸ Pesi umwi ukonzya kwamba kuti, "Uli aalusyomo, alimwi imebo ndili amilimo." Nditudondezye lusyomo lwako kakutakte milimo, alimwi ndilakutondezya lusyomo lwangu kwinda mumilimo yangu.¹⁹ Ulasyoma kuti kuli Leza omwe; ulikuchita kabotu. Pesi awalawo madimoni alazisyoma ezyo, aboobo alayoowa akuteketa.²⁰ Mulyandanda na kuziba, nobaalmi bafubafuba, kuti lusyomo lutakwe milimo ndwabiyo? Amwi malembe aansiku aachi Giliki awamba kuti, Mulyandanda na kuziba, nobaalmi bafubafuba, kuti biyeni lusyomo lutakwe milimo lulifwide.²¹ Abbulahamu taata wesu takalulamikwa amilimo na awo nakaba mwana wakwe Ayizeki kuchipayilo?²² Mwabona kuti lusyomo lwakabeleka amilimo yakwe, alimwi kuti kwinda kumilimo yakwe lusyomo lwakwe lwakamaninina.²³ Akazukizigwa malembe awamba kuti, "Abbulahamu wakali kusyoma Leza, alimwi zyakamwambya kuti uli abululami," alimwi wakamba kuti mwenzinyina wa Leza.²⁴ Mwabona kuti muntu wambwidwa aamilimo yakwe, pepe alusyomo biyo.²⁵ Munzila ikozyania alimwi, Lahabbu sibumambi tembwakalulamikwa na amilimo awo mpakatambula basikutumwa alimwi wakabalayila kuti bayinke ayimbi inzila?²⁶ Nkambo mbuuli mubili kuti kawanzene amuuya ulifwide, mbombubo alwalo lusyomo kuti kalwanzene milimo lulifwide.

3

¹ Ibiingi benu tabeelede kuba bayiisyi pe, nobakwesu, nkambo mulizi kuti iswe nituyiisa tuyobetekwa zikkalikali.² Nkambo toonse tuladadalika munzila inyingi. Kuti umwi muntu katadadaliki kumajwi, ooyo muntu uliluleme chakumaninina, kakkonzya akululamika mubili wakwe woonse.³ Lino kuti twabikka nkabyo mumulomo wamabbiza kuti atulemeke, tulakonzya alimwi kululamika mibili yawo.⁴ Amuzibe alimwi ikuti maato, nikuba kuti mapati byeni alimwi aleenzegwa aluuwo, alayambwa ansoke nini loko kuyosika kufumbwa nkwayanda sikwayenzya ensoke.⁵ Muli eyi inzila, lulimi nchizo chinini loko, pesi lukomezya zintu zipati loko. Amubone alimwi kailo kanini mbukatantezya lusaka loosen.⁶ Lulimi alulalo nkalilo, inyika yazibi ibikidwe mukkati kabamwi besu. Lulimi lubozeka mubili woonse, luumpa buumi boonse, alimwi alulalo lubikwa mumulilo mubbibi lyazibi.⁷ Nkambo woonse musyobo wamunyanyama wamulusaka, bayuni, tukwaba, azyuuka zyamulwizi zilivubidwe alimwi zilazyolololwa abantu.⁸ Pesi kumakanai alulimi, tawope muntu ukonzya kululamika lulimi. Nchintu chitalulamikiki, chizwide buyoka bujaya.⁹ Andulo lulimi tulalumbayizya Mwami wesi a Taata, alimwi tupa bantu milandu andulo, ibantu bakalengwa muchikozyano a Leza.¹⁰ Kuzwa mumulomo nguwo omwe kuzwa zilongezyo azisapi zyamilandu, Nobakwesu, eezi zintu tazyelede kunochitika pe.¹¹ Sa ikasensa komwe kalazwa maanzi manono amanzi apanyuka?¹² Imukkuyu ulachita na nobakwesu, kuzyala insikili? Kana kuti masansa, azyale nkuyu? Aalo manzi tachikonzezi pe kuti akasensa komwe kuzwe alweela amanzi alamunse munono.¹³ Alimwi ngwani musongo umwisisisya aakati kenu? Mumuleke muntu oto atondeezye buumi bwakwe buboto kwinda kumilimu yakwe mubuntu bwabusongo.¹⁴ Pesi kuti koli aabivwe lipanyuka amakanze mumoyo wako, ulikankayizyi pe akubejela kasimpe.¹⁵ Obu tensi mbombubo pe busongo buza aansi kabuzwa kujulu. Pesi, tabukwe chintu, tabukwe muuya, buli amadimon.¹⁶ Nkambo awo ali bbivwe alukazyanyo, nkokuko kuli lupyopyongano anchito zyabulozi.¹⁷ Pesi busongo buzwa kujulu lutanzi bulasalala, alimwi mbwalumuuno, bulatontola, bulalibombya, mbwamiyeeyo mibotu, buzwide ilwetelole amichelo mibotu, tabujisi lwanzano lwamoyo lwamoyo alimwi buli bwinibwini.¹⁸ Alimwi imichelo yabululami ilabyalwa muluumuno mukkati kabaabo bachita chalumuno.

4

¹ Kuzwa kuli kupopotezyania ampyopyongano akati kenu? Tazizwidi muziyandisoyzenu na eezyo zilwana akati kenu nuben?² Mulapeekezya, pesi tamukwepe. Mulajaya akuba bbivwe, pesi tamukonzyi kujana. Mulalwana akupopotezyania. Takwe

anchimulacho nkambo tamukumbili.³ Mulakumbila pesi tamupegwı nkambo mukumbila aanzila italuleme, mukuyanda kuti muyibelesye kuziyandisyo zyenu.⁴ Nywebo nobasimamaambe! Tamwizi na kuti buzolwani enyika nkulwana a-Leza? Nkokwamba kuti kufumbwa ulisalila kuba mwenzinyina wanyika ulichita sinkondonyina a Leza.⁵ Na muyeya kuti malembe awamba zyabiyo aamba kuti, "Imuuya ngwakachita kuti upone mulindiswe uli abbivwe loko"?⁶ Pesi Leza uupa luzyalo lwiingi, aboobo malembe awamba kuti, "Leza ulabakazya basikulyanya, pesi ufwida luzyalo kuli balibombya."⁷ Nkokuti amulipede kuli Leza. Mumukkake satani, alimwi ulamatantamuka.⁸ Amuswene afwifwi a Leza, alimwi ueleza afwifwi andinywe, Amusalazye maboko eenu, inywe nobasizibi, alimwi musalazye myoyo yenu, inywe nobasimyoyo ibili.⁹ Mumvwe machise, mupwaye mibila, akulila! Muchite kuti kuseka kwenu kube mawuse alimwi lukondo lwenu kube kukankabala.¹⁰ Amulibombye kunembo ly Mwami, alimwi uyomupa bulemu.¹¹ Tamunowambuli chakutamilizyania, nobakwesu. Imuntu uwambula bubi aatala amuzyalwanyina na kupa mulandu kumuzyalwa nyina ukazyania amulawu alimwi uupa mulawu mulandu. Kutikopa mulawu mulandu, toli simuchita mulawu pe, pesi uli mubetesi.¹² Ngumwi biyo sikupa mulawu mubetesi. Ngooyo ukonzya kufutula akujaya. Nduweni, iwebo noopa mulalandu kuli simayake nyokwe?¹³ Muswilizye lino, inywe nimwamba kuti, "sunu kana ijunza tuyonjila muchisi eechi, tukakkale munyaka nkukooko, tukasambale, alimwi tukajane impindu."¹⁴ Ngwani uuzi zitakachitike juunza, alimwi buumi bwako niinzii? Nkambo nduwe sikkunkwe ubonbuna kwachiindi chinini mpawo wamwayika.¹⁵ Anukuti, mwelede kwamba kuti, "Na Mwami kayanda, tulapona alimwi tuchite eechi kana echiya."¹⁶ Pesi lino mulalikankayiza aatala amabambe aanu. Kulikankayiza kuli bobiya konse nkubi.¹⁷ Nkinkaako kuli woonsse uuzi kuchita kabotu pesi katazichiti, kulingwe nchoono.

5

¹ Amuze lino, inywe nimuvubide, mulile mulyeeme akambo kamasukusyo aaza kulinidinywe. ² Buvubi bwatu bwabola, alimwi zisamo zyenu zyavunda ankubi. ³ Ingolida ansiliva zyenu zyabbulubana alimwi bulala bwazyo bulaba bukamboni butakamukone. Buyolya nyama yenu mbuli mulilo. Mwalondola buvubi bwenu kwamazuba amamannino. ⁴ Amubone, bulumbu mbomulukujatila basimilimo benu bulikukwila - bulumbu mbumwakajatila abo basikumutebwida myuunda yenu. Kukwiila kwa basikutebula kwamvwikkä kumatwi a Mwami wabasikuswayigwa. ⁵ Mwakkala mububotu bwебеси aansi alimwi mwalyokezya. Mwalinenesa myoyo kuti kuzobote buzuba bwakujayigwa. ⁶ Mwapa mulandu alimwi akujaya muntu musalali. Takwe naamulwana pe. ⁷ Nkinkako amube amoyo mulamfu, kwalino, nobakwesu, mane kukooola kwa Mwami. Mubone mulimi mbwalindila muchelo mubotu kuzwa munyika alimwi uli amoyo mulamfu kukuulindila, mane do kuwa kwemvula ntaanzi ayamelelezyo. ⁸ Anywebo amukkazike myoyo yenu. Amusimye myoyo yenu nkambo kuboola kwa Mwami kwaba afwifwi. ⁹ Tamutongawuki, nobakwesu, akuzwangaana chenuchenu, kти tamukajanwi amulandu. Amubone, mubetesi alimwi amulyango. ¹⁰ Amujane chikozyanisyo, nobakwesu, kuzwa kukoomba akulansya moyo kwabasinsimi, aabo bakaambula muzina lya Mwami. ¹¹ Mubone, twamba kuti aabo bakawunduzya machise balilongezegwe. Mwakamvwa Jobo mbakapengeleka, alimwi mulizi machitilo a Mwami, mbasalazizya moyo ansoni zyakwe. ¹² Atala azyonse, nobakwesu, mutakonki, nikuba kwaana ejulu kana nyika, kana nikuba ichili zwecho chikonke. Anukuti, amwambe "Iyi" wenu awambe "Iyi" alimwi "Pepe" awambe "Pepe," kuchitila kuti tamukanjili mukubetekwa. ¹³ Kuli umwi na akati kenu ulikoomba mubuyumuyumu? Ngakkcombe. Kuli uli alumwemwe na? Ngayimbe ntembawuzyo. ¹⁴ Kuli umwi uchisidwe na akati kenu? Ngayite bapati bembungano, alimwi ngabamukombelle. Abamunanike mafuta muzina lya Mwami. ¹⁵ Ikucombe kwalusyomo kulamuponia muntu uchiswa, alimwi Mwami ulamibusya. Kuti kali wakachita zibi, Leza ulamulekelela. ¹⁶ Nkinkaako amulyaambe izibi zyenu kuli umwi awumwi, alimwi mukombelane, kuchitila kuti muponesegwe. Inkombyo yamuntu musalali ili anguzu loko kumabelekelo ayo. ¹⁷ Elayija wakali mwalumi mbuli ndiswe, wakakomba chakasimpe kuti imvula itawi, alimwi teyakawa kubusena oobø kwamyaka yotatwe amyezi musanu awumwi. ¹⁸ Mpawo Elayija wakakomba lubo. Imajulu akapa imvula, alimwi inyika yakazyala michelo yaayo. ¹⁹ Nobakwesu, kuti umwi akati kenu wasweka kukasimpe, alimwi umwi wamuboozya, ²⁰ Ooyo muntu welede kuziba kuti kufumbwa muntu uboozya sizibi kuzwa kubulewusi bwanzila yakwe uyomuvuna kuzwa kulufu, alimwi uyovumba mweelwe mupati wazibi.

Pita mutaanzi

¹ Pita, mutumwa wa Jesu Kkilisito, kubenzu bamwaikilide kumanyika, ibasalidwe, koonse ku Pontasi, Galantiya, Kkapadosiya, Eziya, aku Bbitiniya. ² Eechi chilimum-abambe amumakanze a Leza Taata, mukwinda mumubeleko usalazigwa a Muuya, kuti mumutelele alubo mukwinda mukusansailwa bulowa bwa Jesu Kkilisito. Iluzyalo ngalube alindinye, alubo lumuuno ngaluyungizigizwe kulindinye. ³ Akube kuti Leza wisi wa-Mwami Jesu Kkilisito alumbayizigwe! Muluzyalo lwakwe lupati, wakatupa kuzyalwa kupya iswebo bulabulangizi bwabuponi kwinda mububuke bwa Jesu Kkilisito kuzwa kubafu. ⁴ Eechi nchalukkono lutakabule kumana pe, lutakabule akabbata, alubo talukonzyi pe kuyokulumpana abunini. Lilibambidwe kujulu kalulini nduwe. ⁵ Iwebo ulikwabilidwe munguzu zya-Leza kwinda mukusyoma kwalufutuko olo Iwimvwilidi kuyoyubununwa mukugola kwechindi. ⁶ Ulikondedwe atalaacheechi, nekuba kwalino kulelede kuti mube akuusa kukusunkwa kwiingi. ⁷ Echi chilabawo kuti kukabonwe lusyomo lwanu, olu lwindide ngolida mbotu ikulumpala, nekuba yakawumpwa muliloso. Echi chilachitika kuti lusyomo lwanu lukajanike kalulempindu ilentembawuzyo, abulemu, achilemeko ayoyubununwa Jesu Kkilisito. ⁸ Tamuna kumubona pe, pesi mulamuyanda. Tamumuboni pe kwalino, pesi mulasyoma mulinguwe akukondwa alukondo lutambiiki luzwide bulemu. ⁹ Kwalino moyolitambwida lwenu mpindu yalusyomo lwanu, lufutuko lwa muuya yenu. ¹⁰ Ataala alufutoko olu, basinsiimi abo bakasisima atala aluzyalo olo lwakali kuyanda kuza alindinye, bakayandula chabusungu kabayanda kuziba, ¹¹ Kabayandula kuziba kuti muntunzi nakuti chinoli chiindiinzi echo muuya wa Kkilisito nchiwikalikwamba mulimbabo awo mpakabambilide kuti katana kwabwa kuyoba machise a Kkilisito abulemu buyotobela. ¹² Chakayubununwa kulimbabo kuti tebakali kulibelekela lwabo beni pe, pesi anywebo, awo mpobakali kwamba atala azintu ezyo zyakambwa kulindinye ababo bamukambawukila mulumbe wamakanii mabotu kulindinye kwinda ku-Muuya Uusalala wakatumwa kuzwa kujulu-kachili chintu baangelo nchibakali kulakamizya {kupeekezya}. ¹³ Nkikaako amulyaange muzibuno zyanu zyakuyeeya kwenu. Amube babotu. Amubike bulangizi bwenu chakumaninina kuluzyalo olo luyoyetwa kulindinye ayoyubununwa Jesu Kkilisito. ¹⁴ Mboli bana bateelala, mutakabwedululi kukuyandisa kwenu nkumwakali kuponena chiindi nimwakachili mukutaziba. ¹⁵ Nkambo kakuti oyo iwakamwiita ulasalala, inywebo, kulelede, kuti musalale mubube bwani boonse. ¹⁶ Nkambo mboli mbukulembidwe, "Amusalale, nkambo Ambebo ndasalala." ¹⁷ Na kamumwita kuti "Taata" oyo ubeteka chakatalanga chiimo chamuntu alubo umwi mbuli milimo yakwe, amwende lwendo olu muchindi chanu chakumuyowa. ¹⁸ Mulizi kuti techakachitwa ansiliva ikulumpala na ingolida ezyo nzimwakali kununulwa ezyo kukwenda kwenu kwabuyo nkowakiyya kuliba mawuso. ¹⁹ Anukuti, nywebo mwakanunulwa abulowa buboto bwa Kkilisito, oyo wakali m buli mwana wambelele utakwe kampenda nikaba kabbata. ²⁰ Kkilisito wakalizibinkenwe kakutana kuba kulengwa kwenyika, pesi kwalino wakazoyubununwa kulindinye muysiindi zyamamanino. ²¹ Kwinda mulinguwe muzumine kuli Leza, oyo wakamibusya kuzwa kubafu akumupa bulemu, kuli lusyomo lwanu abulangizi bwenu bube kuli Leza. ²² Mwakachita myuya kuti ibote mukwinda mukutelela kukasimpe. Echi chakaba obo kukumwetela luyando lwababunyina; amukayandane umwi awumwi kazizwa mumoyo. Amwi malembe mapati abensiku bachiGiliiki abalika obu, Mwakasalazyu myoyo yanu kukutelela kukasimpe kwinda kumuya. ²³ Mwakazyalwa bupywa, kutali kuzwa kumbuto ikulumpala pe, pesi kuzwa kumbuto itakulumpali, kwinda mujwi lya-Leza litakasyale kalipona ²⁴ Nkambo kakuti, "Nyama yoonse ilimbili bwizu, abulemu bwayo bonse bulimbili malubaluba abwizu bwamusokwe. Ibwizu ngabwayuma, awalo malubaluba nganyana awidaansi, ²⁵ Pesi ijwi lya-Mwami linoliwo kwaluyoone." Elijwi mulumbe wamakanii mabotu ayo akakambawukwa kulindinye.

2

¹ Nkikaako amusowele kumbali ibubi bonse, alweno loonseni, akuupaupa, akwe-muuya amabbivwe wonse. ² Mboli bana bavwanda, amube achiyandisyo amalili mabotu amuuya, kuchitila kuti mukwinda mulinguwo mukonzye kukomena kulufutuko, ³ mboli mbumwakalabila kale kuti Leza ngusibuya. ⁴ Amubole kulinguwe mukuti ni bbwe igumi elyo lyakasowegwa abantu, pesi kalili nibbwe lyakasalidwe a-Leza mboli bbwe liyandika kulinguwe. ⁵ Anywebo muli mboli mabwe mawuumi ayo alimukuyakwa kuti

mukabe ing'anda ya Muuya nkokuya mukabe bapayizi basalala abo bayopayila zipayilo zyamuuya zitambulika kuli Leza kwinda muli Jesu Kkilisito.⁶ Mumagwalo kulambidwe eesi: "bona, ndiyoyala mu Ziyoni ibbwé lyechiswi, lisalidwe alubo liyandikana. kufumbwa uzumina kulinguwe takoyowusa insoni."⁷ Obu buyandisi, mbobwanu, inywebo nomuzumina. Pele kulibabo ibatazumini, "Elyo bbwe ndibakasowede bayaki, eli ndilyakazooba mutwe wachiswi,"⁸ Alimwi, "Ibbwe lyakulebya antomwe amwala ubachita kuti balebwe." Balalebwa nkambo bakalikaka ijwi-lili ndendilyo litondeka nzibakeelede kuchita.⁹ Pesi inywebo muli bantu basalidwe, bapayizi bami, musyobo usalala, bantu bavubidwe kwa Leza, kuchitila kuti mukakambawuke milimo igambya ya yoyo iwakamwita inywebo kuzwa mumudima kumweta mumumuni wakwe ugambya.¹⁰ Ichindi tensi mwakali bantu pe, Pesi ikwalino mwaba bantu ba-Leza. Tensi mwakali mwatalutambula pe luzyalo, Pesi ikwaino mwatalutambula luzyalo.¹¹ Nomuyandwa, ndamulayilila mbuli beenzu bamwayikide aansi aano kuti mullesye kukuyandisya kwenyama, oko kumulwana amyuya yenu.¹² Kwenda kwenu akati kabamasí kwelede kuba abulemo, kuchitila kuti awo mpobayomuvviya kuti muli basizibi, bakabe bakamboni bamilimo yenu mibotu akuyobwedezya buleku kuli Leza mubuzuba obo mbwayolibonia.¹³ Amukalibombye kubwami boonse bwabantu nkambo ka-Mwami. Amukabatelele boonse bami mbubali bapati,¹⁴ antomwe abendeze, abo batumiidwe kuti bakape zisubulo kuli basimuchita zibi akusumpula abo bachita ziluleme.¹⁵ Nkambo olu luyando Iwa-Leza, kuti mukwinda mukuchita zibotu munoli mwawumuzya kwambula kwendadanyanya kwabantu bafubafuba.¹⁶ Mbuli bantu bangunkide, mutakabelesy iwangunuko lwenu kukuvumbya zibi, pesi ngamube mbuli bableesi ba-Leza.¹⁷ Amulemeke bantu boonse. Amuyande babunyina boonse. Muyowe Leza. Mulemeke baami.¹⁸ Nobaland, amubatelele basimalelo benu akunobaleme ka lyoonse. Mutanoteleli basimalelo babotu abatontozi kupela pe, pele akuli basikakomokomo.¹⁹ Nkambo echí chilalumbayizika, nkambo ubikila maanu kuli Leza, muntu aswanana amapenzi kali mukuchisilwa zitamwelede.²⁰ Ino kuli amilimonzi na mwabisya akukkalilila kamuli mumachise? Pele na mwakachita zibotu mpawo mwazochiswa kamuli mukusubulwa, echí chiledele kulumbayizigwa kuzwa kuli Leza.²¹ Nchenchicho echo nchimwakayitilwa, nkambo Kkilisito Iwakwe wakamuchisilwa. Wakamusila chitondezyo chakuti mukatobeleye mumukondo wakwe.²² "Takwe echibi nchakachita, nekuba kujanika lweno Iwakanjanika mumulomo wakwe,"²³ Awo nakatukilwa, takwepe anakabwedezya. Awo nakachisiga, takwepe nakababbodweda, pesi wakalipedekezya Iwakwe kulyoyo mubutesi mubotu.²⁴ Welwakwe wakayumuna zibi zyesi mumubili wakwe achisamu kuchitila kuti iswebo tukakkale kule echibi alubo tukaponene bululami. Kwinda mumibunda yakwe twakaponesegwa.²⁵ Nywebo monseni mwakali mbuli imbelele ziswekede, pesi kwalino mwakapiluka kumwembeli wenu, uliingula myuuya yenu.

3

¹ Muleyi nzila, inywebo nobamakaintu amulibombye kubalumi benu. Amuchite obu nikuba kuli bala balumi batateleli kujwi, kuchitila kuti basanduke babule zyakwamba, kwinda mumichito yabamakaintu babo,² banoli baba bakamboni kuchilemeko chenu, enjendelo yenu mbotu.³ Echi ngachichitwe pepe akulibotya-botya kwaanzé mbuli kulisungitizya masusu, kuzwata ngolida atumwi tukumba, nikuba kulisamika mpasya zityola myoyo yabamwi.⁴ Pesi, echí ngachichitwe amuntu wamukati wamumoyo, abubotu butontolela amuuya wachumunizi, kachili nchechibotu kunembo lya-Leza.⁵ Nkambo obu mbombubo banakazi basalali bechiindi bakali kulangila Leza mbuba kalismika, kwinda mukulibombya kubalumi babo.⁶ Enzila njiyeyi Sala wakalibombya kuli Abbulahamu alubo wakali kumwita kuti mba Simwami. Lino nywebo mwaba bana bakwe kapati na mwachita zibotu alubo na kamutayowi mapenzi.⁷ Kakukozyania, anywebo nobalumi mulelede kupona kabotu abamakaintu benu mbuli mbomuzi kuti mwanakazi, ulimbili chilongo chitasimide. Mulelede kubapa bulemo mbuli basikulyanyokwe lukono kubululami bwamuluzyalo. Amuchite obo kuti inkombyo zyenu zitambulike.⁸ Kumamanino, monseeni, amube amuzeego ukozzenie, mube akweteliana, kuyandana mbuli babunyina, amoyo mutete, akulibombya.⁹ Mutabwedezyi chitaluleme kuchibinyina nikuba kubwedezya chisapi kuchisapi. Anukuti amubwedezye kulongezya, nkambo ezi nzimwakaitilwa, kuti mukakonzye kuyokona zilongezyo.¹⁰ "Oyo uyanda kubona buumi bubotu akubona mazuba mabotu uyelede kuti wakasya lulimi amulomo wakwe kulkwambula chalweeno."¹¹ Akube kuti alilesye kububi akunochita zibotu kupela. Ayandule lumuuno akulutobela.¹² Nkambo meso a Mwami alabona baluleme, alubo matwi akwe alatelela kunkombyo

zyabaluleme. Pesi busyu bwa Mwami bulabukali kulibabo bachita zibi.”¹³ Kabi ngwani oyo unga ulamubisiza na mwasungwala kukuchita zibotu? ¹⁴ Pele na mwachiswa nkambo kabululami, mulilongezezegwe. Mutayowi ezyo nzibayowa. Mutakalikatazyi. ¹⁵ Pesi, ngamulemeke Mwami Kkilisito kuti musalali mumyoyo yenu. Mukkale kamuli bambilide kuti mukapandulwide boonse bamubuzya makani alusyomo ndomulalo - ¹⁶ Alubo, amukulombrya amukulemekwa. Amube amuzezo mubotu kuchitila kuti abo bamutukilila buumi bubotu bwamuli Kkilisito bakawuse insoni nkambo banoli bakali kumwambula anga ndinywe basizibi. ¹⁷ Nchibotu loko, kuti kakuli nkuyanda kwa Leza, kuti mukachiswe akambo kakuchita zibotu kwinda kunochita zibi. ¹⁸ Alakwe Kkilisito wakachiswa lomwe kachisilwa zibi. Oyo wakaluleme wakatuchisilwa nitwakataluleme pe, kuchitila kuti atuswenzye kuli Leza. Wakatufwida kunyama, pesi wakabusigwa a-Muuya. ¹⁹ Kwinda ku Muuya, wakinka akuyokambawuka kumuuya eyo ili muntolongo kwalino. ²⁰ Eyo yakatatele pe kuchindi nchakachili kukazika moyo wakwe Leza mumzuba aa-Nowa, mumzuba akuyakwa kwabwato, mpawo Leza wakavuna bantu bache buyo - myuuya musanu amwitaatu - kwinda manzanzi. ²¹ Echi nchitondezyo chamubbabbatizyo oyo umuvuna lino - takwensi kwamba kuti mbuli mbotusamba tombe amubili pe, pesi nkokuti mulayandula manjezezya mabotu mumeso a Leza - kwinda mububuke bwa Jesu Kkilisito. ²² Kkilisito ulikujanza lyalulyo lwa Leza. Wakaya kujulu. Bangelo, bendelezi, abasimanguzu boonse balelede kulibombya kuli nguwe.

4

¹ Nkinkaako, akambo kakuti Kkilisito wakachiswa kunyama, amuliyumye lwenu amuyeeyo ukozyenie. Nkambo kufumbwa muntu uchiswa mumubili ulanzene acibi. ² Impindu yakwe, muntu uloobo, chindi chakwe chingi kunyama, ngatacheendi mumakaanze anyama pe, pesi mumakaanze a Leza. ³ Nkambo chindi chakinda chakakwana chenu kuti kamuchichita kuyanda kwabamas, mwakali kupona mubumpelenge, mukwemuzya, mubukoolwi, amukuyobukomba mizimu itondwa. ⁴ Balachibona kachilichigambyo na babona kamutajatilaamwi ambabo mukuya buvuzya michito italuleme, nkinkaako banoya bwamba bubi atala andinywe. ⁵ Bayolivwila kulingue oyo ulibambilide kuzobeteka bawumi abafwide. ⁶ Akambo kanchichechi Makani Mabotu nchakakambawukwa akubafwide, kuchitila kuti, nekuba kabanoli babetekwa kunyama mbuli bantu, balelede kuti kabapona mumuuya munzila iyanda Leza. ⁷ Magozezyo azintu zyonse aba awfifi. Nkinkaako amulibatamike amuzezo mabotu, alubo amube amiyeyo mibotu kuchitila kuti kamunokomba. ⁸ Kwinda zyonse zintu, amusungwalile kuyandana umwi amwenzinyina, nkambo luyando luvumba mulwi wazibi. ⁹ Amukaboteyanie umwi amwenzinyina katakwe ulila lila pe. ¹⁰ Mbuli mbomwakapegwa zipego umwi awumwi, amuzibelesye kukugwasyania anzizyo mbuli babaanzi baluzyalo lwa-Leza muzyimo zisiyenesiyene. ¹¹ Na kakuli uwambula, kwambuula kwakwe akube kwamajwi a Leza. Na kakuli ubeleka milimo, abeleke kazizwa kunguzu nzyamupa Leza. Amukachite zyonse zintu kuchitila kuti munzila zyonse Leza akalumbayizigwe kwinda muli Jesu Kkilisito. Akube kuti kuli Jesu Kkilisito bulemu abwami zibe kulingue kwalyoonse alyonse. Ameni. ¹² Nomuyandwa, mutazibwezi mbuli chigambyo amasukusyo ayaaka mbuli mulilo ayo akamuchitikila, mbnotatedi nchimwi chintu chigambya chakali kuchitikila ndinywe. ¹³ Pepe, anukuti muukuswanana amachise akaswanana a-Kkilisito, amukondwe, kuchitila kuti anywebo mukabotelwe kuchiindi echo bulemu bwakwe bwakuyubununwa. ¹⁴ Na mwakutukilwa nkambo kazina Iya-Kkilisito, mulilongezezegwe, nkambo Muuya wabulemu antomwe a Muuya wa-Leza unoli ulokumusunka nywebo. ¹⁵ Pesi kutabi naba omwe wenu uyochiswa nkambo kabujayi, kubba, na simuchita zibi, nanka sindimi zyobile. ¹⁶ Pesi na umwi wachiswa mbuli muzumini, atabi nawusa insoni pe; pesi kuti, ngalumbayizye Leza akambo kazina lyakwe. ¹⁷ Nkambo chaba chindi chakutu lubeta latalike empuli yakwa Leza. Kuti lwatalika alindiswe, balachitilwa buti abo batazumini kumakanai mabotu a Leza? ¹⁸ Alubo “na kachili chiyumu kubaluleme kuti bakafutulwe, ino bayoba buti abo batazumini antomwe abasizibi?” ¹⁹ Nkenkaako akube kuti abo bachiswa nkambo kaluyando lwa Leza bapekezezye myuya yabo ku Mulengi usyomekede mukuchita zibotu.

5

¹ Ndikwambila bapati balakati kanu, nkambo ambebo, ndemwini ndimupati, alubo ndikamboni wamapenzi aa-Kkilisito, alubo ndime umwi wabatakabane mubulemu obo buchizoyubununwa. ² Amube basikwembela butanga bambelele zya-Leza obo mbomulo kubbasopa, kamulo kubbasopa mbuli balangil babo pepe anukuti nkambo mbumwelede,

pesi akambo kakuba achiyandisyo, mbuli Leza mbwatanoli wayanda kuti mumubelekele
 - pepe kwempindu iwusyansoni pesi chakulipeda.³ Mutabeleki mbuli baami atala bantu
 abo mbimubbaspota. Anukuti, amube chitondezyo kubutanga.⁴ Kwakuti awo Mwembezi
 Simutwe akuyubununwa, inywebo mukalitambwide munsini wabulemu utakulumpali.⁵
 Munzila ikozyania, anywebo nobalumi bachikula, amukalibombye kubalumi bakakomena.
 Nywebo moonseni, amukalizwatiike myoyo miteete kamunogwasyania umwi
 awumwi. Nkambo Leza ulabakazya basikulisumpula, pesi abo balamyoyo mitete
 ulabapa luzyalo.⁶ Nkinkako amulibombye munsu lyejanza pati Iya-Leza nkokuti
 akamusumpule kuchiindi chelelede.⁷ Amwasowele kulinguwe woonseni makatazyo
 anu nkambo ngumuchebuka lyonse.⁸ Amukalibombye, amukuchenjela, nkambo
 sinkondo nyokwe saatani ulendeenda mbuli mulavu uvuuluma, kayandula ngwatalume.⁹
 Amukamulwane, amuyume mulusyomo lwanu. Nkambo mulizizi kuti mapenzi akozya-
 nia ayaya ayosika kulibabunyina benu kumanyika woonse.¹⁰ Musule akuyochiswa
 kwachindi chinini, Leza siluzyalo loonseni, oyo wakamwiita mubulemu bwakwe
 ibutamani muli Kkilisito, uyomusalazyta, akumusimpa, akumusimya, akuyomuzikitizya.¹¹
 Kulinguwe akube bwami kwalyonse a lyonse. Ameni.¹² Ndabweza Silivenasi
 mbulimukwesu usyomekede, alubo ndalemba kulindinywe mubufwifwi kwindila mulin-
 guwe. Ndikumusungwazya akupa bukamboni kulindinywe kuti ezyo nzindakalemba
 masimpe aluzyalo lwa-Leza. Amwimikile mulindilyo simpe.¹³ Mukayintu ulimu
 Babbiloni, oyo usalidwe antomwe andinywe, ulokumujuzya loko. Antomwe a Makki,
 mwana wangu, ulamujuzya.¹⁴ Amujuzyanie alumyontano lwaluyando. Iluzyalo alube
 kulindinywe moonseni nimuli muli-Kkilisito.

Pita wabili

¹ Ndime Sayimoni Pita, ndemuzike nkendi mutumwa wa Jesu Kkilisito, kulibabo bakatambula lusyomo lwamubululami kwa Leza a Mufutuli wesi Jesu Kkilisito. ² Iluzyalo alumuuno ngaziyungizigwe mukuzibisywa Leza a Jesu-Mwami wesi. ³ Munguzu zyakwe zyabu Leza, zintu zyonse zyabuna Leza zyakapegwa kulindiswe kwinda mukumuziba lwakwe oyo iwakatwiita mubulemu bwakwe amukuzwidilila kwakwe. ⁴ Kwinda mulizeezi wakatupa zisyomezyo zyakwe zibotu, kuti mulinzizyo tube achabilo chabuna Leza, akuyovunwa kubusofwazi bwaansi aano bwetelezegwa kuzwa kuzibi. ⁵ Akambo kazeezi, amusungwale kukuyungizya bubotu mulusyomo Iwanu, akukubota muyungizye luzibo, ⁶ kuluzibo muyungizye kulyendeelela, kulkulyendelela muyungizye lukakatilo, kulukakatilo muyungizye buna Leza, ⁷ kubuna leza muyungizye luyando lwakuba bantu bamwi, kulyando lwakuba bantu bamwi, muvuyze luyando. ⁸ Kutu ezi zintu zyaba mulindinywe akukomena mulindinywe, ziyomukasya Iwanu kukutazyala michelo nikuba kutazyala michelo yakuba luzibo Iwa-Mwami wesi Jesu Kkilisito. ⁹ Pesi kufumbwa uyobula ezi zintu unoli waba simubonena awfifwi kwakuti unoli moofu, nkambo wakaluba kuti wakasalazigwa kuzwa kuzibi zyakwe zyachiindi. ¹⁰ Nkaambo kaako, nobakwesi, amuchiite bubotu bwiindilide kuchitila bwiitwe bwantu akusalwa kwanu kube kwanchoonzyo, nkambo na mwazichita zyonseezi, tamukoyolebwa pe. ¹¹ Mukchita obu moyofonkwedwa mubwingi lweeni imwenya wakuyonjila mubwami bwa Mwami a Mufutuli wesi Jesu Kkilisito. ¹² Nkeenkako ndinokkala nkelibambilide kunomuyeezya nywebo zintu ezi, nekuba mulizizi, alubo nekuba mulibasimi mukasimpe ako nkemwakabaako kwalino. ¹³ Ndayeeya kuti nhibotu kulindime, kufumbwa nkechili aansi aano, kunokkala nkemutilimuna akumuyeezya. ¹⁴ Nkambo ndizi loko kuti aano ansi iteente lyangu liyomwayulwa chakufwambana, nkambo Mwami Jesu Kkilisito wandiyubunwida obo. ¹⁵ Alimwi ndilasungwala kuti musile akuzwa kwangu kamunochiyeyede kwalyoonse ezi zintu. ¹⁶ Nkambo tettawakali kutobelwa zyabusongo bwakulipangila nitwakachita kuti muzibe nguzu akuboola kwa Mwami wesi Jesu Kkilisito, pesi twakali bakamboni bakabona bupati bwakwe. ¹⁷ Nkambo wakatambula kulemekwa abulemu kuzwa kuli Leza Taata awo ijwi nilyakeetwa kulinguwe mubulemu bupati, lyamba kuti, "Oyu Mwanawangu ngunjandisa, mulinguwe ndilakondwa." ¹⁸ Lwesu tobeni twakalimvwaa ijwi eli lyakeetwa kuzwa kujulu awo mpotwakalamwi anguwe aatala achilundu chisalala. ¹⁹ Nkambo tulalyo ijwi lyachisinsii lyakatusimya, kwakuti moyochita obotu na mwalitelala. Lilmbuli chimuniso echo chimunika mumudima mane kukabe kubchedo awo kumazwido entanda mumyoyo yanu. ²⁰ Ajulu azyonse, amube akumvvisisya kuti takwe pe businsimi bwamumagwalo bunga bulazwa mubupanduluzi bwamuntu. ²¹ Nkambo takwepe businsimi bwakali bwazwa kukuyanda kwamuntu, pesi bantu bakali kwambula zyakali kuzwa kuli Leza awo nibakali kubwezegwa a Muuya Uusalala.

2

¹ Basinsimi babeji bakeza kubantu, abalo bayiisiyi babeji bayoboola alimwi kulindinywe. Bayoza chakusililikzya anjiisyo zinyonyoona, alubo bayomukaka naba Mwami wakabawula amulo. Bayolyetela lunyonyoko chakufwambana. ² Lino bantu biingi bayotobelwa zyimbo zyabo, alubo mukwinda mulimbabo inzila yesimpe iyosampawulwa. ³ Mukutangala kwabo bayomunyanzya nyanya amajwi alweeno. Ilutuko lwabo talukyononoka kusiika; alwalo lunyonyooko lwabo talukonyi koona. ⁴ Nkambo Leza takabaleka nibaba baangelo ibakabisa. Pele wakabaaba kuli Tatatalasi kuti babambwe mumachenii alamudima waansi mane dokukabe lubeta. Zimwi njiiisyo mpati zyabansiku ba Giliki zibalika oobu, bayolondolwa mumilindi ilamudima unikide mane kukabe lubeta. ⁵ Alubo, takwakileka nyika yabasikale. Pesi, wakavuna Nowa, oyo wakali nkambawuko yabululami, kubikaamwi abali musanu ababili awo mpakayozeta zambangulwe anyika yabantu batakwe bunaleza. ⁶ Alubo Leza wakazomwayula ziisi zya Sodom a Gomola kuba mulota akubapa lutuko lwakunyonyoka kuti chibe chitondezyo chazichizochitikila aabo batakwe bunaleza. ⁷ Alubo wakavuna oyo wakaluleme Loti, oyo wakali kukatazigwa akwenda kwabataluleme batabambi mulawu - ⁸ Oyo mwalumi wakaluleme, wakali kukkanaka akatikabo kwamazuba, wakali kujatikana loko momoyo wakwe ululeme nkambo kamilimo yabo yakali mibi njakabona akumvwa. ⁹ Mwami ulizi mbanga ulavuna aabo bayowa Leza kuzwa mumasunko alubo akubabamba abo bataluleme kababambilwa kusubulwa mubuzuba ob o bwalubeta. ¹⁰ Aka nkasimpe

kapati kuli baabo bazumina munzila zisofwede zyanyama abaabo batalemyi bwami. Mbasikulipa akulisumpula balipa upati, tabayowi awo niba sampawula balemu. ¹¹ Baangelo balanguzu mpati abupati, pesi tabeeti lubeta lwalutuko ambabo kuti baze ku Mwami. ¹² Pesi aba bantu, balimbili banyama batayeeyi, bakalengelwa kuzochigwa alunyonyooko. Tabazi anchibatukila. Mulunyonyoko abalabo bayonyonyonwa. ¹³ Balabisizigwa achibwedezyo chakubisywa kwabo. Bayeya kuti chibabotela isikati nkulikondezya. Ntotubata atumpenda otu. Balakondelewa mumapobwe abo ngibapobola akati kanu. Nekuba boobo babotelwa michito yabo italuleeme awo nibapobola aandinywe. bumwi bupanduluzi bwamazubano bulaziobu, "balabotelwa andinywe mumapobwe aluyando." ¹⁴ Balijisi meso azwide bumambi; tabakwe nibakkutikana azibi. Balayunga myuuya itakkalinkene mukuchita zibi, alubo balamyoyo yakayumisigwa mukutangala. Mbana balutuko! ¹⁵ Bakasiya inzila iluleme bakasweka, bakatobela inzila ya Bbalamu mwana wa Bbiyoli, oyo wakali kuyandisa kulyiigwa kuzintu zitaluleme. Bwiingi bupanduluzi bwamazubano bupandululu obu, Bbalamu mwana wa Bbiyoli mukuyanda kuti kwendelane azili muchizuminano chachindi mukulembwa kwelyo izina. Amwi malembe amazubano basala kulilemba kuti amalembelo achi Giliki, ayo abalika oobo, Bbalamu, mwana wa Bbiyoli. ¹⁶ Pesi wakalijanina lutuko nkambo kakubisywa kwakwe - nkambo imbongolo itakwe imputo yakambuula ejwi lyabuntu yayimikizya bufubafuba bwamusinsii. ¹⁷ Abi balumi balimbili zilambwa zitakwe meenda. Bali mbuli mayooba ayobupepuka aguuwo. Balindililwa amudima usiya ngubabambilidwe. ¹⁸ Balaambula amajwi akulisumpula atawope. Balayunga bantu mukwinda kuli ezyo zibotezya nyama. Alubo balayunga bantu abo banga balokwezya kuyanda kuloboka buponi bwamukutaziba. ¹⁹ Balabasyomezya Iwangunuko, pesi bo lwabo mbazike babusyachivlemwangu. Nkambo muntu muzike wazeezyo kufumbwa zimuzunda. ²⁰ Na kakuli kuti bavunwa kubusofwazi bwaansi mukwinda mukuziba Mwami a Mufutuli Jesu Kkilisito mpawo kabiyo bachigwa lubo mulimbabo akuzundwa, chimo chabo chinoli chayindilila kwinda chakutanguna. ²¹ Nichali kubota kuti kabayandokkede kabatabwizi pe bululami kwinda kuti wabuziba mpawo wazobusiya wazwa mumulawo Uusalala wakali wasisigwa kulimbabo. ²² Aka kambyo nkamasimpe kulimbabo; "Imubwa ubweda kumaluusi akwe, alubo ingulube yazwa kusanzigwa ilabwedulula kumatope."

3

¹ Kwalino, ndikulembela kuli nduwe, oyandwa, olu lugwalo lwabili ndundakulembela nchiibalusyo chakuno mwibususya mumizeeo yanu, ² kuti mukaybuluke majwi akambiidwe chiindi abasinsimi basalali antomwe amulawo wa Mwami a Mufutuli wakapegwa kwinda mubatumwa. ³ Kukusanguna echu ngachizibwe, kuti kuyosika basikaniako niako mumazuba amamanino. ⁴ Bayowamba kuti, "Ino kulikuli kuboola kwakwe nkvakasyomezya? Nkambo kakuti kuzwa chiindi nibakafwa bamataatesu, zyoone zintu zichikkede kazili mbozyakabede, kuzwa kumatangunino azilengwa." ⁵ Balalilubya lubya achaali kuti chiindi mukwinda mujwi lya Leza ijulu anyika zyakasika mpozibawo kazizwa mumeenda alubo mukwinda mumeenda, ⁶ alimwi eyo nyika kuchindi echo yakamwayulwa, yakazimazigwa ameenda. ⁷ Kwinda mujwi ndilyo ijulu anyika zyakabambililwa mulilo, zililonwedwe kazilindila elzo zuba lyalubeta alunyonyooko lwabantu batakwe bunaleza. ⁸ Pele nkuchili nchimutelede kuluba, nobayandwa, ncheechi chakuti ku Mwami buzuba bomwe buli mbuli chuulu chamwaaka, achilaacho chuulu chamyaka chilimbili buzuba bomwe. ⁹ Mwami tayendi bunini bunini pe kuzisyomezyo zyakwe, mbuli mbobayeeya bamwi kuti wanonoka. Pe pe, ngusibuuwa andinywe. Tayandi pe kuti naba omwe wenu akafwidilile, pesi kuti woonse ajane mwennyi wakusanduka. ¹⁰ Nekubaboobo, ibuzuba bwa Mwami bulasika mbuboonya mbuli uubba: Imajulu ayoloba amuzuzumo mupati. Tunyenyezi tuyopya amulilo, ayilayo nyika amichito ilimulinjiyyo ziylloba. Takulentanganana pe kuti ndelili ijwi lyamulaka wachi Giliki lyelede kubelesegwa kujwi lyakujinsya munchali wekkumi, akkati kakuti, kusyalamaya nakuti kuumpwa, ngakulaba kulisalila. kuli kuzumbuuzya kuti ndilili ijwi lingalila belesegwa. Kulisalila kwabili ngakulaba oku, Itunyeenzezi tuyotentwa amulilo, ayilayo nyika antomwe azichitwa mulinjiyo ziylloba akutentwa. ¹¹ Mbokunga zyoonsenezi ziylloba enzila eyi, ino mulelede kuba bantu balibiyeni? Mulelede kupona mubusalali amubuumi bwabunaleza. ¹² Mulelede kulgila akuyandisa kusika kwazuba lya Leza. Mubuzuba oobo, imajulu ayomwayulwa amulilo, atwalo tunyenyezi tuyoyeemuka amusikitila wakupya. ¹³ Pesi mbuli mbwakasyomezya, tulokulindila ijulu ipya anyika impya, oko baluleeme nkubayokkala. ¹⁴ Nkambo kaako, nomuyandwa, mbokunga mulangila ezi zintu, amusungwale kuti

mukajanike kamutakwe kabata nikaba kampenda kunembo lyakwe, kamuli mulumuno.
¹⁵ Alubo, amuyeeye kuti kukkazika moyo kwa Mwami nkokweta lufutuko, mbubonya
mbuli uyandwa mukwesu Pawulu mbwakamulembela, mukwinda mubusongo mb-
wakapedwe. ¹⁶ Pawulu ulamba zintu zyonsezi mumagwalo akwe, kwakuti mukati kawo
mozili zintu ziyumu kukumvvisisisya. Nkabela batayiide abatakkalinkene balasandula
sandula amwi magwalo, chakuli nyonyoona lwabo. ¹⁷ Pele, nywebo nomuyandwa,
mbokunga ezi zintu mulizizi kale, amukaliyaminine lwenu nkokuti tamukasowegwi
abasilweeno batakwe mulawo mpawo mukaswekelwe lusyomo lwanu. ¹⁸ Pesi kamuya
bukomena kuluzyalo amuluzibo lwa Mwami a Mufutuli wesu Jesu Kkilisito. Akube
bulemu kulinguwe kwalyoonse sunu mane kukabe ikutamani. Amen!

1 Joni

¹ Echo chakazwa kumatalikilo - nchitwakamvwa, nchitwakabona amenso eesu, nchitwakalanga, alimwi maboko esu akachiguma - chilatala a Jwi lyabuumi. ² Alimwi, buumi bwakachitwa kuti buzibwe, alimwi twakabubona, tububeda bukamboni. Tulikumwambila buumi ibutamani, bwakali a Taata, alimwi bwakazibisigwa kuli ndiswe. ³ Echo nchitwabona akumvwa aswebo tumwambila nchiicho, kuti anywebo mube abulidilano andiswe. Bulidilano bjesu buli a Taata alimwi aMwana wakwe Jesu Kkilisito. ⁴ Alimwi tulikulemba zintu ezi kulindinywe kuchitila kuti lukondo lwesu luzulile. Amwi malembe eensiku echigiliki abalika boobu, alimwi tulikumulembela zintu ezi kuchitila kuti lukondo lwenu luzulile. ⁵ Aya ngemakan ngitwakamvwa kulinguwe ngitwamwambila: Leza mumuuni, alimwi mulinguwe tamukwe mudima abunini pe. ⁶ Kuti katwamba kuti tulabulidilano anguwe pele katwenda mumudima, tulikubeja alimwi tatuchiti bwini pe. ⁷ Pele kuti katwenda mumumuni mbuli mbwali mumumuni we, tulabulidilano umwi awumwi, alimwi bulowa bwa Jesu Mwana wakwe bulatusalaza kuzwa kuzibi zyoonse. ⁸ Kuti twati tatukwe chibi, tulikulyeena lwesu, alimwi bwini tabumo pe mulindiswe. ⁹ Pele kuti twalyaamba zibi zyesu, ulisyomekede akululama kutulekelela zibi zyesu akutusalaza kuzwa kukatalulama koonse. ¹⁰ Kuti twaati taakwe nitwakabisya, twamuchita mubeji, aboobo ijwi lyakwe talimo pe muli ndiswe.

2

¹ Nobana, ndikumulembela zintu ezi kuchitila kuti mutabisyi. Pele naa kuti umwi wabisya, tulaawe sikutwiminina kuli Taata, Jesu Kkilisito, oyo ululeme. ² Ngonguwe muliyo wezibi zyesu, kutaamba zyeesu luzut pele kuti azyenyika yoonse mbiizulwa. ³ Mulicheechi tulizi kuti twasika aakumuziba: naa twabamba milawu yakwe. ⁴ Oyo uwamba kuti, "Leza ndimwizi," pesi katabambi milawu yakwe mubeji, alimwi bwini tabumo mulinguwe. ⁵ Pele oyo woonse uubamba ijwi lyakwe, mulinguwe nchobeni luyando lwa Leza lwakakwanisigwa. Acheechi tulizi kuti tuli mulinguwe. ⁶ Kufumbwa uwamba kuti ukalilide muli Leza welede kweenda mbuli Jesu Kkilisito mbwakeenda. ⁷ Nomuyandwa, teensi ndikumulembela mulawu mupya pe, pele mulawu wachiindi ngumwakali aawo kuzwa kumatalikilo. Mulawu wachiindi ndijwi ndimwakamvwa. ⁸ Nikuba boobo ndimulembela mulawu mupya, oyo uuli nkikasimpe muli Kkilisito amulindinywe, nkambo mudima ulimukwiinda, alimwi mumuuni wabwini ulimukumweka kale. ⁹ Oyo uwamba kuti uli mumumuni kasulide munyina uchili mumudima alino. ¹⁰ Oyo uyanda munyina ukkalilide mumumuni alimwi takwe mweenya wakudadalika mulinguwe. ¹¹ Pele oyo uusula munyina uli mumudima alimwi weenda mumudima; tazi nkwayobuya nkambo mudima woofwazya meno aakwe. ¹² Ndikulemba kulindinywe, nobana, nkambo izibi zyenu zilalekelelwa nkambo kezina lyakwe. ¹³ Ndikumulembela, nomandende, nkambo muli mwizi ooyo uzwa kumatalikilo. Ndilikumulembela, nobalumi banini, nkambo mwakamuzunda mubi. Ndamulembela nobana, nkambo muli mwizi Taata. ¹⁴ Ndamulembela nomandende, nkambo mulimwizi ooyo uzwa kumatalikilo. Ndamulembela nobalumi banini, nkambo mulanguuzu, alimwi ijwi lya Leza lilikalilide mulindinywe, alimwi mwamuzunda mubi. ¹⁵ Mutayandi inyika niziba zintu zili munyika. Kuti kakuli umwi uyanda nyika, luyando lwa Taata talumo mulinguwe. ¹⁶ Nkambo zyoonse zili munyika - meno meno azyanyama, nikuba chitumpya meno, akalututu kabuumi - tazizwi kuli Taata pele zizwa kunya. ¹⁷ Alimwi nyika anzyiyanda ziliinda. Pele kufumbwa uuchita luyando lwa Leza uyokkalilila akutamani. ¹⁸ Nobana banini, lyaba hoola lyamamanino. Mbuuli mbumwakamvwa kuti sikukkazya Kkilisito ulasika, lino bamukazya Kkilisito mbiingi basika. Akambo kazeezi kuti nihoola lyamamanino. ¹⁹ Bakazwa mulindiswe, pele teensi bakali mulindiswe. Nkambo nikwali kuti balikuzwa muli ndiswe nibakkalilila aswebo. Pele nibakazwa, zyakatondezya kuti teensi bakazwa muli ndiswe. ²⁰ Pele mula kunanikwa kuzwa ku Musalali, alimwi mulikezi kasimpe. ²¹ Teensi ndakamulembela akaambo kakuti tamwizi bwini pe, pele nkambo mulibwizi alimwi taakwe kubeba kuzwa mubwini. ²² Ngwani mubeji pele oyo ukazya kuti Jesu ngo Kkilisito? Oyo muntu ngonguwe sikukkazya Kkilisito, mbuuli kuti wakaka Taata a Mwana. ²³ Tawo pe uukkaka Mwana uula Taata. Kufumbwa uuzumina Mwana a Taata ulaawe. ²⁴ Ino inywe, ezyo nzimwakamvwa kumatalikilo amuzileke zikkalilile mulindinywe. Kuti nzimwakamvwa kuzwa kumatalikilo zyakkalilila mulindinywe, muyokkalilila mu

Mwana amuli Taata. ²⁵ Eechi nchechisyomezyo nchaakapa kuli ndiswe - buumi ibutamani. ²⁶ Ndalembe izintu eezi kuli ndinywe atala abaabo banga balamusowa. ²⁷ Ino inywe, bunanike mbumwakatambula kuzwa kuli nguwe buli kkalilide muli ndinywe, alimwi tamuyanduuli sikumuyiisa pe. Pele kuti kunanika kwakwe kulakuyiisa zyoonse alimwi masimpe teensi nkubeba pe, mbuli mbukwakakuyiisa, kkalilila muli nguwe. ²⁸ Alimwi lino, nobana, amukkalilile muli nguwe, kuchitila kuti nayoopamuka tukabe abusichaamba peepe kuyofwa insoni kunembo lyakwe akusika kwakwe. ²⁹ Na kamwizi kuti uliluleme, mulizi kuti woonse uuchita bubotu wakazyalwa anguwe.

3

¹ Amubone luyando Taata ndwakatupa, kuti tuteegwa tulibana baLeza, ino mbombubo mbotubede. Akaambo aka nyika titwizi, nkambo teyakamuziba pe. Zimwi zyensiku zipati zililembedwe muchiGiliki zilasiya eezi, ezi nzizyo nzituli nzizyo. ² Nomuyandwa, lino twaba bana ba Leza, alimwi tazina yubununwa nzituyooba nzizyo. Tulizi kuti Kkilisito apamuka, tuyooba mbuli nguwe, nkambo tuyomubona mbubonya mbuli mbwabede. ³ Woonse ujisi bulangizi obu mulinguwe ulalisalazya mbubonya mbuli mbwasalala we Iwakwe. ⁴ Woonse uubisya ulimukuchita nchito zitali mumulawu, nkambo chibi nkutaba mumulawu. ⁵ Mulizi kuti Kkilisito wakayubununwa kuchitila kuti agwisyre zibi, alimwi mulinguwe tamukwe chibi pe. ⁶ Taakwe ukkalilila mulinguwe uyoyinkilila kunembo kabisy. Tawope wakamubona akumuziba uyinkilila kunembo akubisy. ⁷ Nobana, mutalekeli muntu naba omwe kuti amuzulwide mukusweeka. Ooyo uuchita bululami ililuleme, mbubonya Kkilisito mbwaluleme. ⁸ Oyo uchita chibi uzwa kuli dyabulosi, nkambo dyabulosi wakabisy kuzwa kumatalikilo. Akambo aka Mwana wa Leza wakayubununwa, kuchitila kuti anyoonyone milimu yadyabulosi. ⁹ Ooyo iwakazyalwa kuzwa kwa Leza tayinkilili kunembo kabisy pe, nkambo imbuto ya Leza ikkalilide mulinguwe. Takonzi kwinkililila kunembo kabisy nkambo wakazyalwa a Leza. ¹⁰ Muleezi bana ba Leza abana ba dyabulosi balayubununwa. Kufumbwa uutachiti ziluleme tazwi kwa-Leza, nikuba ooyo utayandu munyina. ¹¹ Aaya ngimakan ngimwakamvwa kuzwa kumatalikilo: Tweelede kuyandana umwi awumwi, ¹² tawelede kuba mbuli Kkayini, wakazwide kumubi alimwi wakajaya munyina. Ino wakamujilaanzi? Nkambo milimu yakwe yakali mibi ino yamuniina kiluleme. ¹³ Mutagambi, nobakwesu, na inyika yamusula. ¹⁴ Tulizi kuti twakiinda kuzwa mulufu akunjila mubuumi, nkambo tulabayanda bakwesu, oyo utakonzi kuyanda ukkalilide mulufu. ¹⁵ Kufumbwa uusula munyina mujayi. Mulizi kuti taakwe mujayi ulaabuumi butamani pe bukkede mulinguwe. ¹⁶ Aazezi mbutulwizi luyando, nkambo Kkilisito wakatalazikila buumi bwakwe aansi. Aswebo twelede kulazikila babunyina buumi bwesu aansi. ¹⁷ Pele kufumbwa uujisi zintu zyenika, nabona munyina uubulide, wamujalila moyo waluyalo, ino luyando lwa Leza lukkalilila byeni muli nguwe? ¹⁸ Bana bangu, luyando lwenu lutabi Iwamajwi biyo na kuti alulimi biyo, pele munchiito amubwini. ¹⁹ Mukuchita boobu nitutazibe kuti tuzwa kubwini, alimwi tusimya myoyo yesu kunembo lyakwe. ²⁰ Na kuti myoyo yesu kitusowa, Leza mupati kwinda myoyo yesu, alimwi ulizi zintu zyoonse. ²¹ Nomuyandwa, kuti myoyo yesu kitatusowi, tulabulangizi kuli Leza. ²² Kufumbwa nzitukumbila tulazitambula kuzwa kuli nguwe, nkambo tuliibambla milawu yakwe akuchita zintu zimubotelezya. ²³ Oyu ngomulawu wakwe: kuti tusyome muzina lya Mwana wakwe Jesu Kkilisito alimwi tuyandane umwi awumwi, mbubonya mbuli mbwakapa mulawu oyu. ²⁴ Ooyo uubamba milawu ya Leza wakkalilila muli nguwe. Nkaambo kazeezi tulizi kuti ulakkalilila muli ndiswe, kwinda mu Muuya ngwakatupa swobo.

4

¹ Nomuyandwa, mutasyomi myuuya yoonse pele, amwisunki myuuya kuchitila kuti mubone kuti izwakuli Leza na, nkambo basinsimi mbiingi bakubeja banjila munyika. ² Acheechi moyoziba Muuya wa-Leza - Muuya woonse uwamba kuti Jesu wakaba munyama uzwa kuli Leza, ³ pele muuya woonse utazumini Jesu tuuzwi kuli Leza. Ooyo ngumuuya uukkazy Kkilisito, ngumwakamvwa kuti ulasika, lino lino wabawo kale munyika. Zimwi zilembedwe muchiGiliki zyensiku zibalika boobu; Kufumbwa muuya utazumini kuti Jesu wakeza munyama tazwi kwa Leza pe. Ooyo ngumuuya uukkazy Kkilisito, ngumwakamvwa kuti ulasika ino lino wabawo kale munyika. ⁴ Muzwa kuli Leza nobana, alimwi mwakabazunda nkambo ooyo uli muli ndinywe mupati kwinda oyo uuli munyika. ⁵ Bazwa munyika, aboobo nzibaamba zizwa munyika, alimwi inyika ilabatelela. ⁶ Tuzwa kwa Leza. Kufumbwa uumwizi Leza ulamutelela. Ooyo utazwi kuli Leza tatutelela. Azeezi tulizi muuya wabwini amuuya waluleyo ⁷ Nobayandwa

atuyandane, umwi awumwi, nkambo luyando luzwa kwa Leza, kufumbwa uyaanda uzyalwa kwa Leza alimwi ulimwizi Leza. ⁸ Muntu uutayandi tamwizi pe Leza, nkambo Leza nduyando. ⁹ Akambo kazeezi luyando lwa Leza lwakayubununwa aakati kesu, kuti Leza wakatuma Mwana wakwe simuzyalwa alikke munyika kuti tupone nkambo kakwe. ¹⁰ Muli echi muli luyando, peepe kuti twakamuyanda Leza, pele kuti nguwe wakatuyanda, akuti wakatuma Mwana wakwe kuti abe muliyo wezibi zyesu. ¹¹ Nobayandwa, nakuti Leza wakatuyanda obuya, aswebo twelede kuyandana umwi awumwi. ¹² Takwe walina kumubona Leza. Kuti katuyandana umwi awumwi, Leza ulakkalilila muli ndiswe, alimwi luyando lwakwe lulazulizigwa mulindiswe. ¹³ Acheechi tulizi kuti tulikkalilide muli nguwe alimwi alakwe uli mulindiswe, nkambo wakatupa umwi muuya wakwe. ¹⁴ Alimwi, twakabona alimwi tupa bukamboni kuti Taata kuti wakatuma Mwana wakwe kuti abe mufutuliyi wenyiaka. ¹⁵ Kufumbwa uwamba kuti Jesu ngonguwe Mwana wa Leza, Leza ulakkalilila muli nguwe alakwe muli Leza. ¹⁶ Alimwi twakaziba akusyoma luyando Leza ndwalaalo kuli ndiswe. Leza nduyando, alimwi oyo ukkalilila muluyando olu ulakkalilila muli Leza, alakwe Leza, ulakkalilila muli nguwe. ¹⁷ Nkaambo kacheechi, olu luyando lwakazulizigwa aakati kesu, kuchitila kuti tukabe alusinizyo mubuzuba bwalubeta, nkambo mbuli mbwabede, aswebo mbutubede muliino nyika. ¹⁸ Muluyando tamukwe kuyoowa. Anukuti, luyando luzulide lusowela kunze buyoofu nkambo buyoofu bulachakuchita achisubulo. Pele oyo utayandi tanakkwanisizigwa muluyando. ¹⁹ Tulayanda nkambo Leza wakatuyanda kukusanguna. ²⁰ Na kuti umwi waamba kuti, "Ndamuyanda Leza" pele kasula mwenzinyina, mubeji. Nkambo oyo utayandi mwenzinyina, oyo ngwabona, takonzyi kumuyanda Leza, ngwatana buunsi wabona. ²¹ Alimwi oyu ngumulawu ngutujisi kuzwa kuli nguwe: Kufumbwa uuyanda Leza weelete kumuyanda munyiina wakwe.

5

¹ Kufumbwa uusyoma kuti Jesu ngu Kkilisito uzyalwa kwa Leza. Alimwi oyo uyanda Wisi, a Mwana ulamuyanda uzyalwa angewe. ² Nkambo obuya mbotuziba kuti tulabayanda bana ba Leza: nitumuyanda Leza akuteelela milawu yakwe. ³ Olu ndoluyando Iwa Leza: kuti tubambe milawu yakwe. Alimwi milawu yakwe tilemi. ⁴ Woonse uuzyalwa kwa Leza uliizunda nyika. Olu ndoluzundo lwakazunda nyika, nkokuti lusyomo lwesu. ⁵ Ngwani oyo uzunda nyika? Ngooyo uusyoma kuti Jesu Mwana wa Leza. ⁶ Ooyu ngonguwe wakaza amanzi abulowa: Jesu Kkilisito. Teensi wakaza amanzi lutzut pele kuti maanzi abulowa. Muuya nguwe uupa bukamboni, ⁷ nkaambo Muuya ngobwiini. Nkaambo mbatatu bapa bukamboni; ⁸ Muuya, manzi, abulowa. Eezi zyotatte zilazuminana. Zimwi zililembedwe zipati muchiGiliki mumalembe ansiku zibalika oobu, Nkambo mbatatu bapa bukamboni kujulu: Taata, Ijwi, a Muuya Uusalala. Aba botatwe mbaamwi: alimwi kuli batatu bapa bukamboni aansi: Muuya, Maanzi, abulowa: Ezi zyotatte nzimwi. Nikuba booboo, amwi malembe mabotu kwinda taajisi makani aya. ⁹ Na kuti twatambula bukamboni bwabantu, bukamboni bwa Leza mbupati. Oobu mbobukamboni bwa Leza mbwaakapa atala a Mwana wakwe. ¹⁰ Kufumbwa uusyoma mu Mwana wa Leza ulijisi bukamboni mulinguwe lwakwe. Kufumbwa uutasyomi Leza wamuchita mubeji, nkambo teensi wakayoma bukamboni ooob Leza mbwakapa eetala a Mwana wakwe. ¹¹ Bukamboni mbobu: Leza wakatupa buumi butamani, alimwi obu buumi buli mu Mwana wakwe. ¹² Oyo ula Mwana ula buumi. Oyo uutakwe Mwana wa Leza takwe buumi. ¹³ Ndamulembela zintu ezi kuchitila kuti muzibe kuti mula buumi butamani - kuli ndinywe nimusyoma muzina lya Mwana wa Leza. ¹⁴ Alimwi, olu ndolusinizyo ndotujisi kunembo lyakwe, kuti na twakumbila kufumbwa chintu kwindila mukuyanda kwakwe, ulatumvwa. ¹⁵ Alimwi, kuti katwizi kuti ulatumvwa - kufumbwa nzitwakumbila kuti twaba eezyo, eezi nzitwamukumbila. ¹⁶ Nakuti umwi wabona munyiina kachita chibi chitatoli kulufu, welede kukomba, eelyo Leza uyomupa buumi. Ndikwamba abo basizibi zitatoli kulufu. Kuli chibi ichitola kulufu; teensi ndikwaamba kuti akombele nchicho. ¹⁷ Katalulaama koonse, nchiibi, pele kuli chibi chitatoli kulufu. ¹⁸ Tulizi kuti kufumbwa uuzyedwe kwa Leza tabisyi. Pele oyo wakazyalwa kwa Leza ulamukwabilila aboobo mubi takonzyi kumuchisa. ¹⁹ Tulizi kuti tuzwa kwa Leza, alimwi tulizi kuti nyika yoonse ililedre munguzu zyamubi. ²⁰ Pele tulizi kuti Mwana wa Leza wakaza alimwi wakatupa kumvwisisisya kuchitila kuti tumuzibe oyo wabwini. Alimwi, tuli mulinguwe oyo wabwiini, mu Mwana wakwe Jesu Kkilisito. Oyo ngo- Leza wabwini abuumi butamani. ²¹ Nobana, amilitantamune kuzwa kumtuni yazikozyaniso.

2 Joni

¹ Kuzwa kumupati kaluya kumwanakazi musale abana bakwe, aabo mbeyanda mukasimpe - alubo katalindime endikke, Pesi abalabo boonse bakaziba kasimpe - ² Nkambo kakasimpe kakkalilide mulindiswe elyo kanoli andiswe mane kukabe kutamani. ³ Luzyalo, alwetele alumuuno zinoli aswebo kuzwa kuli Taata Leza akuzwa kuli Jesu Kkilisito, i Mwana wa Taata, mukasimpe amuluyando. ⁴ Ndikondwa kapati kuti ndajana bamwi ibana bako kabeenda mukasimpe, mbuli mbutwakatambula mulawu oyu kuzwa kuli Taata. ⁵ Lino ndakukumbilisy, amwanakazi - kutali kuti ndilo kukulembela mulawu mupya, pesi ooyo ngotulawo kuzwa kumatanganino - wakuti twelede kuyandana umwi awumwi. ⁶ Olu luyando, ndotwelede kwendela mukwindila mumilawu yakwe. Ooyu mulawu, mbuli mbumwakamvwa kuzwa kumatanganino, kuti mwende muli nguwo. ⁷ Nkambo basilweno Iwiangi balizwide akutobela inyika, elyo tabazumini ikuti Jesu wakalizide munyama. Ooyu ngusilweeno alubo ngusinkondonyina a Kkilisito. ⁸ Amulilange, ikuti mutaswekelwi zintu nzitwakabelekela, pesi ikuti mutambule impindu izwide. ⁹ Kufumbwa oyo uyinkilila anembo elyo katakkalili munjiisyo yaKkilisito takwe Leza. Ooyu ukkalilila munjiisyo, oyu nguli a Taata antomwe a Mwana. ¹⁰ Na umwi waza kuli ndinywe elyo katayeti injiisyo eyi, mutakamutambuli munganda yenu alubo mutakamujuzyi. ¹¹ Nkambo oyo umujuzya unoli wagwasyania awe kumilimo mibi. ¹² Ndilazyiingi zyakukulembela, pesi tandibede achiyandisyo ikuti ndizilembe mubbuku amuleende. Nikuba boobo, ndila bulangizi bwakuza kuli nduwe elyo tuzowambule katulangene busyu kubusyu, nkokuti kukondwa kthesu kuzozuzikizigwe. ¹³ Ibana bamuchizi wako musale balikukujuzya.

3 Joni

¹ Mupati kuli uyandika Gayiyasi, ooyo ngwenjanda chakasimpe. ² Oyandwa, Ndikukkombela ikuti zintu zyoonse zikwendele kabotu alubo upone kabotu, mbuli mbopona kabotu mumuuya wako. ³ Nkambo ndakakondwa ndakabotelwa loko inzubo nizyakasika akupa bukamboni bwakasimpe kaako, mbuli mboyenda mukasimpe. ⁴ Nsikwe kubotelwa kumbi kwinda oku pe, ikumvwa kuti bana bangu benda mukasimpe. ⁵ Oyandwa, uchita michito chalusyomo mpobelekela inzubo akubenzu, ⁶ aabo bakazopa bukamboni bwaluyando lwako kunembo lyembungano. Uchita kabotu kubasindikila munyeendo zyabo chakubotezya Leza, ⁷ nkambo kezina eelyo ndibayobwendela, nkabata tambwide chintu kuli bamasi. ⁸ Aboobo aswebo tulachitambula mbubo, ikuti tukabe basimulimo nyokwe mukasimpe. ⁹ Kuli nzindakalembela imbungano, pesi Diyotilefesi, oyo uyandisa kuba mutanzi akati kabo, tatutambuli pe swebo. ¹⁰ Eelyo, nindasika, nzomuyeezya milimo yakwe njali kuchita, yakututamikizya chakubeja amajwi mabi kulindiswe. Mukutakkutisika, takaki biyo kutambula ibana bakwabo, pesi ulakasya alubo kulaabe ibayanda kubatambula benzú mpawo akubatanda mumbungano. ¹¹ Noyandwa, utatobeli kuchita zibi pesi kuleezyo zibotu. Oyo uchita zibotu nguwa Leza; simuchita zibi tanakubona Leza, ¹² Demetilyasi wakatambula bukamboni bubotu kuli boonse amukasimpe. Alubo andiswe tuli bakamboni, alubo ayebo ulizi kuti bukamboni bwesu mbwakasimpe. ¹³ Ndali ezyiingi zyakukulembela pesi nsikkonzyi kukulembela pe zyoonse empesele amulende. ¹⁴ Pesi ndilangila kuzokubona lino lino, eleyo tuzowambuu la katulangene. ¹⁵ Lumuno alube ayebo. Benzuma balikumujuzya. Ujuzye ibeenzuma oko muzina.

Judi

¹ Judi, mulanda wa Jesu Kkilisito amunyina wa Jemusi, kuli baabo bayitidwe, bayandwa muli Leza Taata babikidwe akaambo ka Jesu Kkilisito. ² Luse aluumuno aluyando aluvuzigwe kuli ndinywe. ³ Nibayandwa, kandichili kubika nguzu zyoonse kumulembela aatala alufutuko luzibikene, ndakaba akumulembela nywebo kandimusumpula kuti mukakatile loko lusyomo lwakaabilwa boonse bantu ba Leza basalala. ⁴ kuli bakanjila chakusikiana aakati kan. Aaba mbaalumi bakalitandidwe ankaambo kalubeteko. Mbaalumi batakwe buleza bakasandula luzyalo lwa Lesu wesu akuba azisusi zibi, aabo bakaka simalelo a Mwami, Jesu Kkilisito. ⁵ Lino ndayanda kumuyeezya - nikuba mwakalizi loko - kuti Leza wakafutula bantu kuzwa munyika ya Igiputi pesi aampela wakabamwayisy aabo abakatazunina. ⁶ Alubo, baangelo batakwe bakabamba chuuno chabwendelezi, pesi aabo bakasya busena bwabo bulikabotu bwakukkala - Leza wakabamba kuzyaanzyo zitamani, akunjila mumudima, walubeteko lwazuba bupati. ⁷ Aboobo, Sodoma a Gomola amadolopo azisi zyengeelede aakati kabo balinjiza beni mumamambi anchinto zyabumambi aabo balabeleka mbuli chitondeezyo chabaabo bapenzengwa aachisubulo chamililo utamani. ⁸ Munzila ikozyene aaba basikulota alabo bakasofwaazya mibili yabo. balakaka bwami akusampawula aabo bali abulemu. ⁹ Nikuba alakwe Mayikkelo mwaangelo mupati, nibakali kukazyana a Satani akunyanzyana anguwe mutna wa Mozesi, takakonzya kweeta lubeteko aatala anguwe, pesi wati, "Akukalalile Mwamil!" ¹⁰ Pesi bantu aaba balasampawula kufumbwa nchibatamvwi; anzibamvwa zyabube buliwo, mbuli banyama batayeyi, eeki nzenzizyo zyakabamwaya. ¹¹ Maawe kuli mbabol!" Nkaambo bayeenda munzila ya Kkayini akunjizigwa mukubisya kwa Bbalamu ankaambo kampindu, balafwa mulupapilo lwa Kkola ¹² Aaba bantu mabwe ajeeya kumapobwe aluyando, kupobola andinywe chifwisya bweeme -beembeli balisanina beni. Mayoba atakwe mvula aabwesegwa aaluwoo; misamu yakulwaka itakwe michelo - bafwide tubili banonkwedwe. ¹³ Mayuwe ali aabukali amulwizi, akubumba bubi, inyenyezi ziya bwendeende, babambilidwe kusiya kwamudima mawuse kwalyoonse. ¹⁴ Inoki mwana wamusaaunu kuli Adamu, wakasinsima aatala ambabo, wakati, "Bona! Mwami ulasika azyuulu azyuulu zyabasalali bakwe uzosika kuzoopa lubeta kuli boonse. ¹⁵ Uzoosika kuzoopa luteko luli boonse. uyoosika kuzooyumununa zyoonse zitali zyabuleza akumilimu njibakachita munzila ityaliyabuleza akumajwi akumajwim wonse ankondo atakwe aatakwe buleza kuli basizibi nzibaakamba aatala anguwe." ¹⁶ Aaba mbasikunyontooka abasikutongawuka mukutobel a zbi zyabo. Milomo yabo ilaambulisy chakulikankayizya, impupo zyabpo kukasya bamwi. ¹⁷ Pesi nubayandwa amuyeeye majwi akaambwa kuchiindi aba apositoli ba Mwami wesu Jesu Kkilisito. ¹⁸ Bakati kuli ndinywe, "Kuchiindi chakumamanino kuyooba basikunoonga batobel a miyeeyo yabo itali yabuleza" ¹⁹ "Abaa mbaaba bachita kwanzyanya; mbaasinyyika alubo tabakwe muuya. ²⁰ Pesi nywebo, nobayandwa, amusime lwanu mulusyomo lupati lusalala, akukomba mu Muuya Uusalala. ²¹ Amukkale muluyando lwa Leza, akulinda luse lwa Mwami Jesu Kkilisitu weeta buumi butamani. ²² Amube aaluse kuli baabo batasyomi. ²³ Futula bamwi akubagwisya kuzwa mumulilo. Kuli bamwi amube aaluse lwakuyoowa. Choonzyo nikuba chisamo chasofwazigwa amubili. ²⁴ Lino kuliyooy umukasya kuzwa mukuwa amukuchita kuti mwiiimikile kunembo lyabulemu bwabuliwo butakwe bubi mbubakwaamba alukondo lupati, ²⁵ kuli Leza luzutu mufutuli wesu mukwiinda muli Jesu Kkilisito Mwami wesu, akube bulemu, bupati anguzu, abwami, zyiindi zyoonse zyakaliwo, lino akwalyoonse. Amen.

Chiyubunuzyo

¹ Eechi nchiyunuzyo cha Jesu Kkilisito eecho Leza nchakamupa kuti atondeezye balanda bakwe zintu zizochika chakufwambaana, wakazibisa makani aaya watuma angelo kumulanda wakwe Joni. ² Joni wakalungulula makani aa Leza abukamboni bwa Jesu Kkilisito, azintu zyoonse nzyakabona. ³ Uli aacholwe uubala businsimi oobu ajwi pati abaabo balemeka zilembedwe mulimbubo, nkaambo chiindi chaba aafwiifwi. ⁴ Joni, kumbungano zili musanu azibili zili mu Eziya: Luzyalo ngalube kuli ndinywe aluumuno luzwa kuli yooyo ultiwo, Iwakaliwo ooyo uuza, akuzwa kumyuuya ili musanu ayibili iimikila kuchuuno chakwe, ⁵ akuzwa kuli Jesu Kkilisito, ooyo ulinguwe kamboni wakasimpe, mwana mutaanzi kuzwa kubafu, mpawo kali mweendelezi wabami baansi. Kulinguwe oyo utuyanda watugwisya kuzwa muzibi zyesu abulowa bwakwe - ⁶ wakatuchita kuba pa Pulisita babwami, bawisi Leza wakwe a wisikulu nguwe kube bulemu a nguzu mane kukabekutamani. Ameni. ⁷ Ngamulange, ulaza amayoba; meso woonee azoomubona kubikiliza aamwi abaabo bakamuyasa. Misyobo yamunyika izoolila nkaambo kanguwe. Iiyi, Ameni. ⁸ "Ndime Alufa a Omega," mbaamba Mwami Leza, ngunguwe ultiwo, wakaliwo, ngunguwe uuza, Singuzu zyoonse." ⁹ Ime, nindaba Joni, monyoko unoookwaabilana andinywe mukupenzegwa amubwami, amumoyo mulamfu zili mili Jesu - ndakali aa kasuwa kategwa Patimosi nkaambo kajwi lya Leza abukamboni bwa Mwami Jesu. ¹⁰ Ndakali mumuuuya mubuzuba bwa Mwami. Ndakamvwa jwi pati kusule lyangu lili mbuli mweembo. ¹¹ Lyakat, "Lemba nzwaabona mubbuku, mpawo uziotumizye kumbungano zili musanui azibili - ku Efeso, ku Similina, ku Pegamumu, ku Siyatila, ku Sadisi, ku Filadelufuya aku Lawodesiya." ¹² Ndakacheba kuti ndibone kuti ngwani unukwambuula aandime, lino nindakacheba ndakabona zibikilo zyamampi zyangolida zilimusatu azibili. ¹³ Aakati kazikilo eezi zyamalampi zyamalampi kwali umwi wakali mbuli mwana wamuntu kasamide dembo damfu lyakalikusika kumawulu aakwe amwiingwa nkwa wangolida kuzyungulukide kaango kakwe. ¹⁴ Mutwe wakwe amasusu aakwe aakali kutuba mbuli buluba- kuta mbuli sikunku amesu aakwe akali mbuli mulilo. ¹⁵ Mawulu aakwe aakali mbuli nsimbi yananikwa, mbuli nsimbi yasunkwa mumvuto yamulilo, ajwi lyakwe lyakali mbuli kuvuuma kwameenda mayingi. ¹⁶ Wakalijisi nyenyezi zili musanu azibili kuluboko lwakwe lwalulyo. Mumulomo wakwe mwakazwa panga libosya koonse. Busyu bwakwe bwakali kumweka mbuli zuba libalisya loko. ¹⁷ Nindakamubona ndakawida ndakawida kumawulu aakwe mbuli muntu mufwide. Wakabika luboko lwakwe lwalulyo aalindime mpawo wakati, "Utayoowi. Ndime matalikilo amamanino" ¹⁸ ndime ooyo upona lyoonse. Ndakalifwide pesi laanga, ndilapona kwalyoonse alyoonse! Alubo ndijisi chijaluzyo chalufu a Hedesi. ¹⁹ Nkikaako lemba ansi nzwaabona, chiliwo lino achizoochitika kuzwa awaa. ²⁰ Bupanduluzi busisikene bwaamba nyenyezi zili musanu azibili nzwaabona muluboko lwangu lwalulyo, azibikilo zyangolida zili musanu azibili: Nyenyezi zili musanu azibili mbaangelo bambungano zili musanu azibili alazyo zibikilo zyamalampi zili musanu azibil, ni mbungano zili musanu azibili."

2

¹ "Kumu ngelo wambungano yamu Efeso lemba boobu: Majwi ayooyo ujisi nyenyezei zili musanu azibili mukuboko kwakwe kwalulyo alimwi ooyo weenda aakati kazibikilo zyamalampi aangolda zili musanu azibili, ² "Ndilizi milimo yako, kubeleka changuzu alubo alukakatilo lwako, akuti tubotelwi ababi, pesi wabasunka aabo balyaamba kuti mba Apostolo pesi kabatali mbabo pe, alimwi wabajana kabali basikubeja. ³ Ulakatila chakulansya moyo akunyampula zina lyangu, alimwi tukatede pe. ⁴ Pesi biyo nchindaamba aanduwe nchakuti wakasiyi luyando lwako lutaanzi. ⁵ Kuyeyea aboobo kuzwa awao mpuwakawida. Sanduka akuchita zintu eezyo zwzkachita lutaanzi. Kunze kwakuti usanduke, ndiyoboola kulinduwu alimwi ndiyogowisya chibikilo chalampi aabusena bwacho. ⁶ Pesi uli aacheechi: Usulide nchito zyaba Nikkolayiti, eezyo aandime nzindisulide. ⁷ Akube kuti ooyo uli aakutwi, amvwe muuya nzyaambilu mbungano. Kuli yooyo uzunda ndiyoomupa cheelelo chakuti akalye kumusamu wabuumi, ooyo uli mupaladayizi ya Leza." ⁸ "Kuli Angelo wambungano yaku Similina lemba boobu: 'Majwa ayooyo mutaanzi amamanino, ooyo wakalifwide pesi waba muumi lubo: ⁹ "Ndilizi mapenzi aako abuchete bwako, pesi ulimuvubi. Ndilizi kuupawupa kwabaabo balyaamba kuti mba Juda, pesi tabali mbabo pe. Mbachikombelo cha Satani. ¹⁰ Utayoowi mapenzi aayo nguutafwabe kulanga! Simwaaba waamba kuwalilwa bamwi banu

muntolongo kuchitila kuti mukasunkwe, alimwi myuoopenzegwa kwamazuba aali kkumi. Kusyomeka kusikila kulufu, alimwi ndiyookupa musini wabuumi.¹¹ Ooyo ulaakutwi: ngamvwe muuya nzyaamba ku mbungano. Ooyo uzunda taakwe kuyoochiswa pe kulufu lwabili¹² "Kuli Angelo wambungano yamu Pegamamu lemba boobu: 'Mjwi ayooyo ujisi panga libosya koonse koonse: ¹³ "Ndilizi ooko nkukkala ooko chuuno like Satani nkuchibede. Pesi ndijisilidi kuzina lyangu. Ndilizi kuti tulukakide pe lusyomo lwako kulindime, nikuba mumazuba a Antipasi kamboni wangu, uusyomekedek kuli ndime, ooyo wakajayigwa akati kanu, ooko Satani nkwakkala.¹⁴ Pesi ndili aazintu ziche biyo atala anduwe: Ulaabo nkuko ooko bamwi bajisilidi kunjiyo ya Bbalamu, bakayiisa Bbalaki kuwaala chilebyo kunembo lyabana ba Isilayilikuti balye zyakulyazipiliidwe kumizimu akuli basimamambe.¹⁵ Munzila njiyonya eeyo, ulaabo alimwi bamwi bajisilidi kunjiyo yaba Nikolayitani.¹⁶ Sanduka, aboobo! kuti waleka, ndyoofwambaana kuboola kulindume, ndiyootanguna nkondo ambabo apanga mumulomo wangu.¹⁷ Ooyo ulaakutwi, ngamvwe eezyo muuya nzyaamba kumbungano, kuli ooyo uzunda ndiyoomupa bbwe lituba lili azina pya lilembedwealindilyo aalindilyo, eelyo zina litakwe ulizi pesi ooyo alike ultambula"¹⁸ "Kuli Angelo wambungano yamu Tiyatila lemba boobu: 'Aaya majwi aa Mwana wa Leza, ooyo uli arneso ali mbuli mabangabanga aamulilo azitura zyakwe mbuli mukuba upakulidwe:¹⁹ "Ndilizi milimu yako: luyando alusyomo lwako ambukutawuka alukakatilo chakulamya moyo. Ndilizi kuti eezyo nzuwakachita muchiindi chayina ziinda nzuwakavhita lutaanz.²⁰ Pesi ndili acehechi atala aanduwe: Walekeleela mwanakazi Jezebbeli, ooyo ulyaamba kuti musinsimi kwiinda munjiyo yakwe weena balanda bangu bumambi akulya zyakulya zyakapayilwa kuzikozzano.²¹ Ndakamupa chiindi chakusanduka, pesi tayandi pe kusanduka kumamambe aakwe.²² Laanga! ndiyoomuwalila abulo bwa mwamatenda abaabo bachita bumambi anguwe mumafwabi mapati, kunze kwakuti basanduke kunchito zyabo.²³ Ndiyoobawuma akubajaya bana bakwe, alimwi zyoonse mbungano ziyoobiza kuti ndime nindilinguluula mizeeza amoy. Ndiyoopaumwi awumwi mbuli nchito zyanu.²⁴ Pesi kuli nibamwi banu boonse bali mu Tiyatila, kuli woonse utajatisyi njiiyo mpawo katazi eezyo bamwi nzibaamba kuti zintu zisisikene zya Satani -kulinduwe ndaamba kuti tandibiki pe aambi makani alinduwe.'²⁵ Nikuba boobo kojatiliila mpawo aawo kusikila ndiboolie.²⁶ Ooyo uzunda akubamba milimu yangu kusikila kumamanino, kuli yooyo ndiyoomupa nguzu aatala amisyobo yoonse.²⁷ Uyoobendeleya ankoli yalubulo, mbuli nongo zyabulongo uyoozipwasuula kuba zipanzi.²⁸ Mbuli mbundakatambula kuli Taata, Andime ndiyoomupa nyenyezi ntanda yakubuchedeo.²⁹ Ooyo ulaakutwi, ngamvwe muuya nzyaamba kumbungano.

3

¹ Kumwaangelo wambungano ili mu Sadisi lemba: "Majwi awumwi ujisi myuuya ili musanu ayibili yaLeza anyenyezi zili musanu ayibili. Ndilizi zyiito zyako. Ulaazina lyakuti muli bawuumi, pesi mulifwide. ² Amubuke akusimisa zyachaala pesi zyaamba kufwa, nkaambo taakwe pe nindajana zyiito zyako kazizulide kubusu bwa Leza wangu. ³ Nkikaako, yeeya, echo nchwakatambula, anchwakamvw. Chiswiill akweempwa. Pesi na tewabuka ndiyoboola mbuli mubb, pesi taakwe nyooziba kuti nchiindi chili nindiyoboola akubukila nduwe. ⁴ Pesi uli aamazina mache mu Sadisi aayo atakwe nasofwaazy za isamo zyawo, aboobo baloyeenda andime kabasamide zituba mbukunga baleelela. ⁵ Kuli umwi uzunda unooli kasamide mumalembo atuba, alubo takwe nindiyogwisya zina lyakwe aanze lyabbuku lyabuumi, eelyo ndiyo aamba zina lyakwe kunembo lya Taata wangu, akunembo lyabaangelo bakwe. ⁶ Ooyo uli akutwi amvwe muuya chuwamba kumambungano."⁷ "Kumbungano ili mu Filadelufiya lemba: "Majwi awumwi uusalala wachoonzyo -ooyo ujisi makkii - Devidi, ulajula mpawo taakwe umbi ujala, ulajala mpawo taakwe umbi ujala. ⁸ "Ndilizi zyiito zyako. Boona, ndabika kunembo lyako mulyango ujulukide kuti kutabi umbi ujala. Ndilizi kuti ulaanguzu ziche, nekubaboo wakaswiilila jwi lyangu akutakaka zina lyangu. ⁹ Boona, ndilakuchisya aabo bali muchikombelo cha Satani, aabo balyiita lwabo beni ma Juda pesi kabatali oobo pesi kabilo babeji - ndyoobachita kuti baze akukotama ansi kunembo lyazituta zyako, aboobo bayooziba kuti ndilakuyanda. ¹⁰ Mbuli mbwakabamba mulayizyo wangu chakukakatila ndiyokubamba alimwi kuchiindi chakweenzegwa kuyoosika kunyika yoonse, kuti kweezegwe aabo baponia munyika. ¹¹ Ndiyoboola akufwambaana. Jatisya kuli eezyo nzulaazyo kuti kutabi umwi ukunyanza musini wako. ¹² Kuli yooyo uzunda ndilakumuchita musemu muchikombelo cha Leza. Takwe alubo nanga ulaya aanze anchicho, pesi ndiyoolemba alinguwe zina lya Leza wangu, zina lyadolopo lya Leza wangu (Jeliusalem mpya, ooyo useluka ansi kuzwa kujululya

Leza wangu) azina pya lyangu. ¹³ Ita umwi ulaakutwi amvwe muuya chunokwaamba mumambungano.” ¹⁴ “Kumwaangelo wambungano ili mu Layodisiya lemba: “Majwi a Ameni, asyomekede akamboni wakasimpe, mweendelezi atala azilengwa zya Leza. ¹⁵ “Ndilizi zyiito zyako akuti tulikutontola nekuba kupya! ¹⁶ Lino akaambo kakuti ulakasaala -kukuluka anze amulomo wangu. ¹⁷ Nkaambo ulati, ndilimuvub, ndili azintu ziingi, taakwe nchiyanda. “Pesi taakwe nuzi kuti wuusisa nsoni loko akufwidwa nsoni, ulimuchete ulimoofu, akuba aachintanda. ¹⁸ Swiilila kululayo lwangu: Ula kindime ngolida yakasukwa aamulilo kuti ukabe muvubi, amalembo atuba ang’ayima kuti ulisamike lwako akuti utakatondezyi bweeme bwachintanda chako, amfutaakunanika mesoakokuti ukabone. ¹⁹ Ndakalalila akusibula woonse ngundiyanda. Aboobo, sungwaala akweempwa. ²⁰ Boona ndiliimvvi amulyangu akukonkomona. Na umwi wamvwa jwi lyangu akujula mulyango, ndiyyosika mung’anda yakwe akulya aawe, alakwe andime. ²¹ Ooyo uzunda ndiyoomupa cheleelo chakkala ansi andime achuuuno changu chjabulemu, a Taata acchuuno chakwe. ²² Chita kuti umwi ulaakutwi amvwe muuya chuwaamba mumambungano.””

4

¹ Musule lyazintu ezi ndakalanga, alimwi ndakabona mulyango ujulikide mujulu. Jwi lyakasanguna eelyo nindakamvwa lyakali kwambula kulindime mbuli mweembo, lyakati, “Boola okuno, alimwi ndiyokutondezya zyeede kuchitika zyaakwanda zintu ezi.” ² Mbulonya ndakali mu Muuya, mpaawo ndakabona nkukonya chuuon chabwami chibikidwe mujulu, awumwi ukkede aali nchicho. ³ Ooyo wakakkede alinchicho wakali kozyene ajasipa a kkaneliyan. Chuuno chabwami chakali zyungulukide aafulichoongo. Fulichoongo wakakozyenyne a emelaludi. ⁴ Chuuno chabwami chakali zyungulukide zyuuno zyabwaami zili makumi aabili azibili, mpaawo aazyuuno kwakali kkede bapati bali makumi aabili ababili, kabasamide majansi aatuba, kabali amisini aamitwe yabo. ⁵ kuzwa kuchuuno chabwami kwakazwa mabbanaman aandabe, amizumo, akupamuna. Kunembo lya chuuno chabwami kwakali malampi aayaka aali musanu aabili, malampi akaali myuuya ili musanu ayibili ya Leza. ⁶ Kunembo lyachuuno chabwami kwakali lwizi lwachiboniboni, lwakali mbuli kkilasitalu. Aakati kachuuno chabwami alimwi kuzyunguluka chuuno chabwami kwakali banyama bane bapona bazwide meso kunembo akusule. ⁷ Munyama mutanzi uupona wakali kozyenyne aamulavu, munyama upona wabili wakalikozyenyne aa mwana a ng’ombe, munyama upona watatu wakali aabusyu bukozyenyne aabwamuntu, alimwi munyama wane upona wakali konzyene aamusawa uluka. ⁸ Banyama bane bapona umwi awumwi wakali jisi mabala aali musanu alimwi, kazwide meso aatala akunsi. Mansiku asikati tebakali kuleka kwaamba kuti, “Uusalala, Uusalala, ngu Mwami Leza Singuzu, wakaliwo, alimwi uliko, mpaawo uuchiboola.” ⁹ Lino banyama bapona nibapa bulemu, lulemeko amilumbe kulooyo ukkede aachuuno chabwami ooyo upona kwalyoonse, ¹⁰ bapati bali makumi aabili abane baliwisya aansi kunembo lyaayoyo uukkede achuuno chaabwami akumukomba ooyo upona kwa lyoonse alyoonse. Bakabika misini yabo kunembo lyachuuno chabwami, bat, ¹¹ “Nduwe uuyelede, Mwami wesu a Leza wesu, kutambula bulemu alulemeko anguzu, nkaambo wakalenga zintu zyoonse, alimwi kukuyanda kwako zyakapona alimwi zyakalengwa.”

5

¹ Mpaawo ndakabona bbuku mujanza lyayooyo wakakkede achuuno chabwami lilembedwe kunembo akusule, linamatikidwe azinamatizyo zili musanu azibili. ² Ndakabona mungelo singuzu kalauala ajwi lyaatala kat, “Ngwani uyelede kuvununa bbuku akunamatulta zinamatizyo?” ³ Takukwe naba umwi mujulu na enyika na ansi eenyika wakali kunookonzya kuvununa ibbuku na kulibala ndakalibala ⁴ Ndakalilisylo loko nkambo kakutakwe naba omwe wakajanwa kayelede kuvununa bbuku na kulibala. ⁵ Pesi umwi wabapati wakaamba kuti kulindime, “Utalili. Bona! Mulavu wamukowa wa Juda, tuyanda wa Devidi wazunda. Úlakonzya kuvununa bbuku azinamatizyo zyaloy zili musanu azibili.” ⁶ Ndakabona mwana mbelele kayimvvi aakati kabusena bwachuno chabwami alimwi aakati kabanyama bone bapona aakati aabapati. Wakalangika aanga mbuli wakalijayidwe. Wakali ameja ali musanu aabili amenso ali musanu aabili, ilinjiyo nyama myuuya ili musanu ayibili ya Leza njakatumide munyika yoonse. ⁷ Wakiinka akubweza bbuku kujanza lyalulyo lyayooyo wakakkede aachuno chabwami. ⁸ Nakalibweza bbuku, banyama bane bapona abapati bali makumi aabili ababili bakawidaansi kunembo lya Mwanambelele. Umwi awumwi wabo wakali akantimbwa amitiba yangolida uzwide tununkilizyo, ootu nzinkombyo zyabantu ba Leza bazumini.

⁹ Bakayimba inyimbo mpya: “Uuleledwe kubweza bbuku akulivununa zinamatizyo zyaloy. Nkambo nduwe wakajayigwa, alimwi kubulowa bwako wakawulila Leza bantu kuzwa kumikowa yoonse, mwambo, bantu, azisi,¹⁰ Wakabachita bwami abapayizi bakubelekela Leza wesu, mpawo bayoyendeleya anyika.”¹¹ Mpawo ndakalanga akumvwa kuyoweeela kwaba Angelo bayingi bakazyungulukide chuno chabwami abanyama bapona abapati. Mweewle wabo, woonse wakali kkumi lyazyuu lyakkumi lyazyuu zyazyuul. ¹² Bakaamba ajwi pati, bat, “Uyelede Mwanambelele ooyo wakajayigwa, kuti atambule nguzu, buvubi, busongo, kuyuma, lulemeko, bulemu akutembawulwa.”¹³ Ndakamvwa zintu zyakalengwa zyoonse eezyo zyakali mujulu amunyika akunsi aanyika amulwizi - zyoonse mulimbabo - bat, Mebo “Kuluumwi ukkede aachuno chabwami aku Mwanambelele aakube ntembawuzyo, lulemeko, bulemu, akwendelezya kwalyonse alyoonse.¹⁴ Banyama bane bapona bakati, Ámenil” abapati bakawida aansi mpawo bakakomba. Aamwi malembe mabotu achiindi aachi Giliki aabalika kuti, bapati balimakumi aabili abane bakawida aansi akukomba ooyo uupona kwalyoonse alyoonse.

6

¹ Ndakalanga Mwana mbelele, nakavununa chimwi chazinamatizyo zili musanu azibili mpawo ndakamvwa umwi wabanyama bane bapona kaamba mujwi eelyo lyakamvwiaka mbuli lulabi kati, “Bool!”² Ndakalanga alimwi kwakali mbizi ituba. Wakakkede aali njiyo wakajisi buta, mpawo wakapedwe musini. Wakazwa mbuli muzundi kuti aakazunde.³ Mwanambelele nakavununa chijazyo chabil, ndakamvwa munyama wabili uupona kati, “Bool!”⁴ Mpawo ayimwi mbizi yakazwa - isalala iyoosya. Kumwenzyi wayo wakapegwa nguzu zyakugwisya luumuno kuzwa aansi, kuti bantu bakajayne. Ooyu mweenzyi wakapedwe kafulo kapati.⁵ Mwanambelele naakavununa chijazyo chatatu, ndakamvwa munyama watatu kati, “Bool!”⁶ Ndakamvwa chakali kubanga ndijwi akati kabanya boone bapona kaliti, “Mweelo wawiti ulawulwa a syeleni lyomwe, mpawo mwelwekelo yabbale itatu iyowulwa a syeleni. Pesi utanyonyoni mafutu awayini.”⁷ Mwanambelele naakamvwa chijazyo chaare, ndakamvwa ijwi lyamunyama wane uupona kaliti, “Bool!”⁸ Mpawo ndakabona mbizi isiyasiya. Mweenzyi wakakkede alinjiyo wakali kutegwa Lufu, alakwe Gehena wakali kumutobela. Bakapegwa nguzu kuchipanzi chane chaansi, kuti bajaye ikafulo, anzala mpati adwazi, abanyama bamusokwe baansi.⁹ Mwanambelele naakavununa chijaluzyo chamusau, ndakabona kunsi lyachipayililo myuuuya yabaabo bakajayidwe nkambo kajwi lya Leza abukamponi mbubakaji.¹⁰ Bakalila ajwi ipati, “kusika kuchiindinzi, Mwendelezi wabonse, usalala akasimpe, lumwi ukabeteke aabo bakkede aansi, mpawo lumwi ukayulile bulowanbwesu?”¹¹ Mpawo umwi awumwi wabo wakapegwa chkobela chituba, alimwi bakambilwa kuti belede kulindila kwakayindi lumwi mweelwe uzulide wabazikenyina abakwabo aabo bakasilayigwe, mbubonya mbubakajayigwa, wakazulila.¹² Mwanambelele naakavununa chijaluzyo chamusau achimwi, ndakeebela alimwi kwakali muzuzumo wanyika. Izuba lyakasiya mbuli chisamo chasaka,¹³ Nyenyezi mumajulu zyakawida aansi, mbubonya mbuli mukuyu mbuwisywa michelo yawo kutana kubizwa nuzunganisigwa amyuuwo mipati.¹⁴ Julu lyakamana mbuli bbuku eelyo lyakalikuya buya buvungililwa. Zilundi zyoonse atusuwa zyakagwisigwa kubusena bwazyo.¹⁵ Mpawo bami baansi abantu bapati, abasinkondo bapati, abavubi, abasinguzu aboonse, bazike abalibusi, bakayuba mumapako aakati amabwe aamuzilundu.¹⁶ Bakaamba kuti kuzilundu akumandomba aamabwe, “Amutuwide! Mutusise kuzwa kubusyu bwayoyo ukkede achuuno chabwami akuzwa kubukkali bwa Mwanambelele.¹⁷ Nkambo buzuba bapati bwabukali bwabo bwasika. Ngwani ukonzya kwima?”

7

¹ Kwiinda kwazeezi ndakabona ba angelo bane kabiimvvi kumabbazu one aanyika, kabajisi changuzu kujalila myuuwo iine yanyika kuchitila kuti kutabi luuwo luungila nyika, lwizi, na amunsamu nuba uumwi.² Ndakabona umbi angelo kawzida kujwe, wakali aachilembyo cha Leza uupona. Wakoompolola ajwi pati kubangelo bane bakapedwe nguzu zyakunyonyoona nyika a lwizi.³ “Mutanyonyooni nyika, lwizi, na misamu kusikila twabika bulembe aankumu zya babelesi baLeza wesu.”⁴ Ndakamvwa mweelwe wababo bakabikwa bulembu: mwaanda amakkumi aane aalaane aazyulu, abo bakalilembedwe kuzwa kumukkowa woonse wabantu ba Izilayeli;⁵ zyuuli zili kkumi azibili bazwa kumukkowa wa Juda bakalilembedwe, zyuuli zili kkumi azibili bazwa kumukkowa wa Lubbeni, zyuuli zili kkumi azibili bazwa kumukkowa wa Gadi,⁶ zyuuli zili kkumi azibili bazwa kumukkowa wa Asya, zyuuli zili kkumi

azibili bazwa kumukkowa wa Nafutali, zyuuli zili kkumi azibili bazwa kumukkowa wa Manase,⁷ zyuuli zili kkumi azibili bazwa kumukkowa wa Simiyoni, zyuuli zili kkumi azibili bazwa kumukkowa wa Levi, zyuuli zili kkumi azibili bazwa kumukkowa wa Isakka,⁸ zyuuli zili kkumi azibili bazwa kumukkowa wa Zebbuloni, zyuuli zili kkumi azibili bazwa kumukkowa wa Jozefu, alubo zyuuli zili kkumi azibili bazwa kumukkowa wa Bbenjamini bakalembe. ⁹ Kwiinda kwazintu eezi ndakalanga, alubo kwakali nkamu mpati itakwe uunga ulayikonyza kwiibala - kuzwa kuli choonse chisi, mukkowa, bantu, amulaka - kabayimvvi kunembo lyachuuno akunembo lyamwana wa Mbelele. Bakalisamide magogo malamfu aatuba nkabajisi ntabi zya mupalamu mumaanza aabo,¹⁰ alubo bakalikoompolola ajwi pati: "Lufutuko ndulwa Leza wesu, uukkede aachuno chabulemu, akumwana wa Mbelele!"¹¹ Bangelo boonse bakaliimvvi kabazyungulukide chuuno chabulemu kabazyungulukide basilutwe azilengwa zine zipona, akuwida aansi amasyu kunembo lya chuuno chabulemu. Bakakomba Leza,¹² kabati, "Ameni! Ntembauzuyo, bulemu, busongo, bulumbu, kulemekwa, nguzu, akuyuma zibe kuli Leza wesu lyoonse! Ameni!"¹³ Mpawo umwi wabasilutwe wakandibuzya, "Mbaani aaba, basamide magogo malamfu aatuba, alimwi bazwa kuli?"¹⁴ Ndakati kulinguwe, "Ta, ulizi," alimwi wakati kulindime, "Aaba mbaabo bakazwa Mumapenzi Mapati. Bakasanzya zigogo zyabo zilamfu akuzitubya abulowa bwamwana wa Mbelele.¹⁵ Akaambo kacheechi nchibali kunembo lyachuuno chabulemu bwa Leza, akumukomba sikati a mansiku mu tempele yakwe. Ooyo uukkede aachuuuno chabulemu uyoobavumba atente lyakwe.¹⁶ Tabakoyoofwa nzala lubo, nikuba kuba eenyota lubo. Zuba talikoyobatenta pe, nikuba puumina lipya.¹⁷ Nkaambo mwana we Mbelele uli aakati kachuuno chabulemu uyooba mweembeli wabo, akutuzulwida kutusensa twameenda aabumi, alimwi Leza ulakusinda misozi yoonse kuzwa kumenso aabo."

8

¹ Lino mwana wambelele wakajula chijazyo chamusanu atubili, kwakaba kumanisyu kujulu kwachipanzi chahola. ² Mpawo ndakabona bangelo balimusuru ababili kabayimvvi kunembo lyaLeza amyeembo ilimusuru ayibili yakapegwa mbabo. ³ Awumwi mungelo wakaza, kanyampwide kapecyili kangolida katunkilikizyo, kayimvvi kuchipayilo chatunkilikizyo. Tununkilikizyo twiingi twakapegwa nguwe kuti atupe nkombyo yabantu baLeza boonse basalala achipayililo changolida kunembo lyachuuno chabulemu. ⁴ Busi bwatununkilikizyo - ankombyo zaybantu baLeza basalala - bwakanyampuka kunembo lyaLeza kuzwa mumaboko amungelo. ⁵ Mungelo wakabweza kapecyili katunkilikizyo akukazuza mulilo kuzwa achipayililo. Mpawo wakawalila ansi anyika, alimwi kwakali mpatumpatu zyandabe, mbbabalubbal, kumweka kватulabi, amuzuzumo wanyika. ⁶ Bangelo balimusuru ababili bakali amyeembo ilimusana ayibili bakalibambilika kuti bayilikize. ⁷ Mungelo mutanzi wakalizya mweembo wakwe alimwi kwakaba bulmu amulilo uvwelene abulow. Wakabwalilwa ansi anyika, alimwi akuti chisela chatatu chawo chakawumpigwa. Chisela chatatu chamsamu chakawumpigwa, amasokwe matyetye woonse akumpigwa. ⁸ Mungelo wabili wakalizya mweembo wakwe, alimwi chimwi chintu chilimbili chiluundu chipati chiyaka mulilo chakawalilwa mulwizi. ⁹ Chisela chatatu chazilenge zipona chakafwa achisela chatatu chabwato chakapazigwa. ¹⁰ Mungelo watatu wakalizya mweembo wakwe, alimwi nyenyezei mpati yakawa kuzwa kujulu, kibayima mbuli lampi, kuchisela chatatu chamilonga ameenda amutusawu. ¹¹ Izina lyanyenyezi eyo litegwa chisamu chikasala. Chisela chatatu chameenda chakaba chisamu chikasala, abantu bingi bakazwa baki-jiga ameenda alweela. ¹² Mungelo wane wakalizya mweembo wakwe, alimwi chisela chatatuchazuba chakawumvwa, mbuli chisela chatatu chamweezi achisela chatatu chanyenyezi. Chisela chatatu chazimwi chakasizigw, chisela chatatu chabuzuba achisela chatatu chamansiku techakachili amumuni. ¹³ Ndakalanga alimwi ndakamvwa chikwangala amwi malembe alabbla liti mungelomuchindi chakuti chikwangala. Oyo wakali kuluuka atata kayita ajwi pati, "Mawe, mawe, mawe kulabo bapona anyika nkaambo kamweembo ichede yamba kulizigwa abangelo batatu."

9

¹ Mpawo mungelo wamusuru wakalizya mweembo wakw, ndakabona nyenyezei kujulu yakali yawida ansi anyika. Inyenyezei eyi yakapegwa achijaluzyo mulyango wamulindi uitagoli. ² Wakajula mulyango wamulindi, alimwi busi bwakaya mujulu kuzwa kuzwa kumulyango mbuli busi buzwa muchijikilo chansimbi. Izuba amoya zyakasanduka kuba mudima abusi bwakwazwa kumulyango. ³ Kuzwa mubusi insozi zyakaza anyik, alimwi zyakapegwa ngazi mbuli zyakabanzo anyika. ⁴ Zyaka ambilwa

kuti zipazi sokwe lyaansi naba mweevwe wazilimwa naba musamu, pesi buyo bantu abo batakwe nibakali mpa yaLeza ankumu zyabo.⁵ Tezyakazumizigwa kubajaya bantu abo, pesi biyo kuti basubulwe kwamweezi ilimusantu. Busaki bwazyo bwakali mbuli bwakaniozi kakabanze nikaluma muntu.⁶ Kumazuba ayo bantu bayoolangula lufu pesi tabakooyolujana pe. Bayoooyandisya kapati kufw, pesi lufu luyobasosoloka.⁷ Insozi eezi zyakali kulangika mbuli madonki abambilwa baya kunkondo. Amitwe yawo kwakali chilimbili musini wangolida, abusyu bwawo bwakali mbuli bwabantu.⁸ Aakali asusu mbuli lyabanakazi, amenyo awo akali mbuli menyo amulavu.⁹ Balaachikwabiliza akaango mbuli zikwabilizo zyansimbi, alimwi musindo wamababa awo ulimbili munkalaki amadonki achijanina nkondo.¹⁰ Akalamichila ilatuniozi mbuli twakabanze; mumuchila yawo mwakali busaki bwakuchisya bantukwamyezi ilimusantu.¹¹ Bali mbuli mwami wabo mungelo wamumulindi utagoli. Izina lyakwe muchiHibbulu walikutegwa Abbadoni, muchiGilikki kali azina littegwa Apoloni.¹² Inkondo tanzi yakayinda. Amubone! kwayinda eezi kuchili nteteenda zibili zichiza.¹³ Mungelo wamusantu awumwi wakalizya mweembo wakwe, alimwi ndakamvwa ijwi kalizwa mumeja achipayililo changolida chipedwa kunembo lyaleza.¹⁴ Akwambila mungelo wamusantu awumwi wakali amweembo,” Angununa bangelo bane bakangwa kumulonga mupati wakuEfulate.”¹⁵ Bangelo bane bakali balibambila kuhola ely, kubuzuba obo, kumweezi oyo, amunyaka oyo, bakangununwa kuti bajaye chisela chatatu chabantu.¹⁶ Mweelwe wabasilumamba bakali amusana wamadonki bali zyulu zyamyanda ili makumi abili. Ndakamvwa mweelo wabo.¹⁷ Mbuboobu mbundakabona madonki muchilengaano changu abaabo bakali biinga (akkede). Zikwabilizo zyabo zyakali kusalala, zyamiiye azya syantondo. Mitwe yamadonki yakali mbuli mitwe yabalavu amunkanwa yawo mwakazwa mulilo, busi asaluwa.¹⁸ Chisela chatatu chabantu chakajayigwa azibela zitatu: mulilo, busi, asaluwa wakazwa munkanwa lyawo.¹⁹ Nkaambo nguzu zyamadonki zyakali munkanwa lyawo amumichila - nkaambo michila yawo yakali mbuli nzoka, kalamitwe eyo yakali kumezya zilonda kubantu.²⁰ Kulyokezya kwabantu, abo batakwe bakajegwa achibela eechi, tebakasanduka kumilimu yamaboko, na kuleka kukomba basikazwa achikozzano chazibeze zyangolide, siliya, mukuba, mabwe, achisamu - zintu zitaboni, akumvwa, akweenda.²¹ Nikuba kutasanduka kubujayi bwab, kumasampu abo, kubwaamu akunchito zyakubba.

10

¹ Mpawo ndakabona uumbi mungelo wamanguzu kaza kuzwa kujulu. Wakali mujoba, alimwi kwakali fulichoongwe ajulu lyamutwe wakwe. Busyu bwakwe bwakali mbuli zuba alimwi mawulu aakwe akali mbuli misumpuuulu yamulilo.² Wakajisi chakulemba chiniini, eecho chakajulwa mujanza lyakwe. Wakabika kuulu kwakwe kwachilisylo mulwizi alimwi kwachimweensi anyika.³ Mpawo wakoompolola ajwi pati mbuli mulavu wabutambo. Eelyo nakoompolola, mizuzumo ili musanu ayibili yakaambula amajwi aayo.⁴ Eelyo mizuzumo ili musanu ayibili niyakaambula, ndakali ndaamba kulemba, pesi ndakamvwa ijwi kuzwa kujulu lyakati, “Ngayiibe nsiswa eezyo zyaambwa amizuzumo ili musanu ayibili. Utazilembe pe aansi.”⁵ Mpawo mungelo ngundakabona kayimvwi alwizi alimwi anyika wakanyampula luboko lwakwe lwachilisylo kujulu.⁶ Wakakonka awoyo uupona lyoonse alimwi chakutamana, wakalenga julu alimwi azyoonse zili mukati kalyo, nyika alimwi azyoonse zili alinjiyo, alimwi a lwizi alimwi azyoonse zili mulindulo, alimwi mungelo wakati, “Takuchiyoobi limbi kunonoka.⁷ Pesi mubuzuba eelyo mungelo wa msanu ababili nayowamba klizya mweembo wakwe, mpawo bupati bwa Leza buyoozukizigwa, mbuli mbakaamba majwi mabotu kubalandia bakwe basinsimi.”⁸ Ijwi ndindakamvwa kuzwa kujulu lyakaambula lubo kulindime: “Inka, bweza chilembelo chijulikene chili muluboko lwa mungelo uyimvvi milwizi alimwi aanyika.”⁹ Mpawo ndakiinka ku mungelo alimwi ndamwaambila kuti andipe chilembelo chiniini. Wakati kulindime, “Bweza chilembelo alimwi uchilye. Chiyoochita kuti bula bwako bukalule, pesi mumulomo wako chinoli chinono mbuli buchi.”¹⁰ Ndakabweza chilembelo chiniini kuzwa kuluboko lwa mungelo alimwi ndachilya. Chakali kunona mbuli buchi mumulomo wang, pesi musule lyakuchilya, bula bwangu bwakalula.¹¹ Mpawo umwi wakati kulindime, “Weelede kusinsima lubo aatala abantu biungi, manyika, misyobo, alimwi a baami.”

11

¹ Itete lyakapegwa ndime kuti ndibelesye mbulikasamu kakweesya. Ndakabuzigwa, “Buka mpawo upime Ng’anda ya Leza achipayiililo, abaabo bakomba mumo.”² Pesi utapimi lukoono lwaanze lwa Ng’and ya Leza, mbukunga lwakapegwa kubamasi.

Baloolyatawuka idolopolisalala kwamwezi makumi aane aabili.³ Ndilakupa bakamboni bangu babili anguzu zyakusinsima ali chuulu amyaanda iibili amakumi musanu alimwi, kabasamide zisamo zyamasaka.”⁴ Bakamboni aaba misamu iibili yamawooliva azikkazikilo zibili zyamal; ampe zyakaliimvvi kunembo lyawwami wanyika.⁵ Na umwi wasala kubanyonyoona, mulilo ulazwa mumilomo yabo akuli yabasinkondonyina. ooyo kubanyonyoona weelede kujayigwa munzila eeyi.⁶ Bakamboni aaba balenguzu, zyakujala mulengalenga kuti kutabi mvula iwa kuchiindi chamazuba ngibasinsima. Bal-anguzu zyakusandula maanzi kuba bulowa akuma nyika amusyobo ulibuti wachisozi kufumbwa mpabayanyifila.⁷ Nibanooli bamanisa bukamboni bwabo, chinyama chizwa mumulindi utagoli chiyyobusya nkondo aatala ambabo. Uuyoobazunda akubajeya.⁸ Mibili yabo iyoowona mumugwagwa wadolopo pati (kachilikwiimikila Sodoma a Ijiputi) nkwakabambulwa Mwami wabo.⁹ Kumazuba aatatu achisela bamwi kubantu boonse, kumukowa woonse, kumyaambo yoonse, akuzisi zyoonse bayoolanga mibili yabo. tabakoyoyizumiza pe kuti ikabikwe muchuumbwe.¹⁰ Aabo ba[pona munyika bayookondwa atala ambabo akupopola. Alimi bayotumizya zipo kuli umwi awumwi ankaambo kabasinsimi babili bakapenzya aabo bakkede munyika.¹¹ Pesi kunembo kwamazuba aatatu achisela muuya wabuumi uzwa kuli Leza uyoobanjila, eelyo bayooyima amawulu aabo. Kuuyoowa kupati kuyoowida aabo bakabona.¹² Elyo bayoomvwa jwi pati kuzwa kujulu kaliti kulimbabo, “Amuze ookuno!” eelyo bayoyinka kujulu mujoba, awwo basinkondonyina kabalangide.¹³ Kuchiindi eecho kuyooba muzuzumo mupati, pesi kuchipanzi chili kkumi chadolopo chiyooba. Zyuulu zyabantu zilimusana azbili ziyooyajigwa aamuzuzumo, aabo bayoofutuka bayoyoowa akupa bulemu kuli Leza wajulu.¹⁴ Lyachibili penzi lyakayinda: Bona! Penzi lyatatu lilasika chakufwambaana. Kwakalio mabbalabala atulabi, amizuzumo, akugutuma akuzuzuma kwanyika, avula mabwe.¹⁵ Elyo angelo wamusana ababili wakasiba mpeta, alubo majwi mapati akambuulwa kujulu eelyo akati, “Bwami bwanyika bwaba bwami bwa Mwami wesi aKkilisito wakwe, aboobo uyoyendelezya kwyaoonse.”¹⁶ Pesi batapi bali makumi aabili abane, bakkala azyuuno zyabwami bwabo kunembo lya Leza, bakawida kumasyu aabo akukomba Leza.¹⁷ Bkati, “Tupa kulumba kulinduwe, Mwami Leza Singuzu zyoonse, ooyo ultiwo awakaliwo, nkaambo wabweza nguzu zyako mpati akusanguna kweendeleyza. Mabbuku mabotu amalembe aachi Giliki chansiku chili atwaambo wakaliwo, uzooba wo pesi kumabbuku amwi alino achi Giliki akayungizya twaambo: ayooyo uzosika.¹⁸ Zisi zyakanyema, pesi bukali bwako bwasika. Chiindi chasika chabafwide kuti batongwe akuti nywebo mukape balanda banu basinsimi bulumbu abantu ba Leza basalala, abaabo bakayoowa zina lyako, batachikayandikan abiabanguzu. Chiindi chako chasika chakunyonyoona aabo banokunyonyoona nyika.”¹⁹ Elyo ng'anda ya Leza ili kujulu yakajulwa alubo akkiyi yachizuminano yakaboneka mukati ka Ng'anda.

12

¹ Chitondeezyo chipati chakaboneka mujulu: mwanakazi uvumbidwe azituba, uli amwezi kunsi aamawulu amusdini wanyenyeezi zili kkumi azibili amutwe wakwe.² Wakalimitide, akulila mumachisen akutumbuka, wakachiswa mukutumbuka.³ Mpawo kwakaboneka achimwi chitondeezyo kujulu: Langa! Kwakali Simwaaba mupati usalala ooyo wakali amitwe ili musanu ayibili ameja alikkumi, alimwi kwali misini ili musanu ayoibili aamutwe wakwe.⁴ Muchila wakwe wakayiila chatatu chanyenyeezi zili kujulu akuziwaalila ansi. Lino Simwaaba wakayimikila kunembo lyamwanakazi ooyo wakali waba awfiifwi akutumbuk, kuti natatumbuke akamene mwana.⁵ Wakatambula mulombe, mwana mulombe, ooyo uyoyendelezya masi woonse amufunko walibulo. Mwanaakwe wakakwempelwa kuli Leza achuuno chakwe,⁶ mpawo mwanakazi wakachijila munkanda, ooko Leza nkwakabambide busena bwakwe, kuti abambwe kwamazuba ali chuuluamyaanda iibili ilaamakumi musanu awumwi. (1, 260)⁷ Lino kwakaba nkpondoo kujulu. Mikkeyeli abaangelo bakalwana a Simwaaba abaangelo bakwe bakajosezya.⁸ Pesi Simwaaba tewakalijisi nguzu zyakuzunda. Lino twkwakajanika busenabwabo pe kujulu we abaangelo bakwe.⁹ Simwaaba mupati ooyo muzoka wachiindi utegwa Dyabulosi na Satani, wakeena nyika yoonse -wakawaala ansi munyika, abaangelo bakwe bakawaala antoomwe anguwe.¹⁰ Mpawo ndakamwua jwi pati kujulu: “Lino lutifiko lwasasi anguzu abwami bwa Leza wesi, anguzu zya Kkilisito wakwe. Nkaambo sikubejelezya bakwesu wawalilwa ansi, nguwe wakalikubabejelezya kuli Leza wesi sikati amansiku.¹¹ Bakamiuzunda abulowa bwa Mwana ambelele akujwi lyabukamboni bwabo, nkaambo tebakali kuyandisyu buumi bwabo kusika kuliufu.¹² Nkaambo kaako amusekelele, nye nomajulu amoone

nomukkala mulingawo! Pesi maaawe kunyika akulwizi, nkaambo simwaaba wawalilwa ansikuli ndinywe: uwwide bukali buyosoosa nkaambo ulizi kuti chiindi chakwe nchinini biyo! ¹³ Lino Simwaaba nakabona kuti wawalilwa ansi munyika, wakaandilila mwanakazi wakatiumbuka mwana mulombe. ¹⁴ Lino mwanakazi wakapegwa mababa aabili achuuungwe mupati kuti awuluke aye kubusena mbwaakabambilidwe kunkanda. Oobu mbubusena ooko nkwayoobambwa nkwayookutawukilwa kwachiindi chazyiindi achiselis chachiindikuzwa kubusubwa Muzoka. ¹⁵ Muzoka wakaluka maanzi kuzwa kumulomo wakwe mbuli mulonga kuti akachite zambahngulwe litakatole mwanakazi. ¹⁶ Pesi nyika yakamugwasya mwanakazi. Nyika yakajula mulomo wayo akumena mulonga ooyo kuzwa kumulomo wa Simwaaba. ¹⁷ Mpawo Simwaaba wakasiya mwanakazi akuya kutanguna nkondo abana bakwe boonse, aabo bakaswiilila milaazyo ya Leza akujata bukamboni atala a Jesu. ¹⁸ Mpawo Simwaaba wakayimikila museele lyakumbali alwizi

13

¹ Lino ndakabona chinyama chifumpuka kuzwa mulwizi. Chakali ameja alikkumi amitwe ili musanu ayibili. Atala ameja kwakali misini ili kkumi, aatala amutwe uumwi kwakali izina lyalween. ² Chinyama eechi nchindakabona chakali mbuuli nemba. Zitura zyacho zyakali mbuuli zitura zya nengo, amulomo wacho wakali mbuuli mulomo wamulavu. Simwaaba wakachipa nguzu zyakwe, achuuno abwami bupati bwakwendelezya. ³ Umwi mutwe wachinyama wakali aachilonda chipati, pesi chilonda eecho chipati chakali chapona. Lino nyika yoonse yakali yagamba nibakali tobela chinyama. Bakamukomba umwi simwaaba nkaambo wakapa chinyama bwaami. ⁴ Bakachikomba chinyama, achilacho, bakati,” ngwani uuli mbuuli chinyama?” nguni uunga ulachilwana. ⁵ Lino chinyama chakapegwa mulomo oyo wakali kwambuula majwi amasampu. Chakazumizigwa kweendelezya bwaami kwamyezi ilimakkumi aane amyezi iibili. ⁶ Mpawo chinyama chakajula mulomo wacho kuti chaambuule masampu kuli Leza, kusampawula zina lyakwe anganda yakwe abaabo bakkala kujulu. ⁷ Lino chinyama chakazumizigwa kutilika nkondo abantu ba Leza basalala akubazunda. Alimwi, chakapegwa bwaami bwakwendelezya misyobo yoonse, bantu milaka achisi. ⁸ Boonse bakkala anyika bayoochikomba, woонse uulazina lyakatalembedwe mubbuku lyabuumi, lya Mwanaambelele wakajayigwa kuzwa kumatalikilo aanyika. ⁹ Naa kuli uulakutwi aswiile naa kuli uumwi utolwa mubuzike, mubuzike uyotolwa. ¹⁰ Naakuli uujayigwa aapanga, apanga uyojajigwa. Ndoolu lukakatilo lwakiwitwa alusyomo lwabantu ba Leza basalala. ¹¹ Lino ndakbona chinyama chimbi chizwa munyika. Chakalaameja aabili mbuuli mwanaambelele, akwaamba mbuuli simwaaba. ¹² Mpawo ndakabona uumbi munyama kazwa munyika. Wakali aameja obile mbuli mbelele, alimwi chakalikwaambula mbuli simwaaba. Wakatondeezya woонse manguzu a munyama mutaanzi kunembo lyakwe, alimwi wakachita nyika alimwi abaabo bapona alinjiyo kuti bakombe munyama mutaanzi - oyo wakali aachilonda chakaponisigwa. ¹³ Chakachita maleele aagambya. Chakachita mulilo kuti useluke kuzwa kujulu kunembo lyabantu. ¹⁴ Azizitondeezyo chakapegwa nguzu kachiimikilila chinyama, wakeena aabo bakkala munyika. wabaambila kuti babikkile chinyama chikozyanio - wakaliyasidwe apanga, pesi wakapona. ¹⁵ Wakazumizigwa kupa muuya wakuyoya kuchikozyanisyo chachinyama kuti chikozyanisyo echo kuti chaambuule akuchita boonse aabo bakakakukomba chinyama kuti bajayigwe. ¹⁶ Alimwi wakaangila bantu boonse, batabalwi, abasinguzu, bavubi abachete, baangunwidwe abazike, kuti babikwe impa aakuboko naa ankumu. ¹⁷ Chakaba chiyumu kuli boonse kuula naa kuuzya ado uula mpa yachinyama, oyo ngumwelwe wimikilila zina lyacho. ¹⁸ Oku mbombubo busongo. Naa kuli uujisi maan, abale mweelwe wachinyama, ooyu ngu, mweelwe wachinyama. Nkaambo ngumwelwe wamuntu. Mwelwe wakwe ngwa myaanda illi musanu awumwi illa makkumi musanu alimwi illa musanu awumwi.

14

¹ Ndakalanga mpawo ndakabona Mwanaambelele uliimvvi atalachilundu cha ziyoni. Bakalaanguwe bakali zyuulu zili mwaanda amakkumi aane abane bakali azina lyakwe alya Wisi zina kalilembedwe ankumu zyabo. ² Ndakamvwa jwi lizwida kujulu limvikka mbuuli maanzi miingi aaboboma amuzumo mupati. Imuzumo ngundakamvwa lubo wakali mbuuli basituntimbwa balizya tuntimbwa. ³ Bakalikiimba lwiimbo lupya kunembo aamusini mpawo kunembo bawuka bone bapona abaalumi bapati. Takwe bakali kukkonza kwiiimba lwiimbo ado aba bali zyuulu mwaanda

amakumi one azine bakawulidwe kuzwa kunyika.⁴ Aba mbembabo bakatali sofwaaz-
izye abanakazi bakalibambide lwabo beni kulizyamalalano. Mbiimbabo bakatobela
Mwanaambelele kufumbwa nkwaakali kuya. Aba mbimbabo bakafutwidwe kuzwa
akati kamisyo bmuuli michelo mitaanzi aya Mwanaa⁵ mbelele. Takwe mabejo
akajanikide mumilomo yabo tabakwe kampenda.⁶ Ndakabona uumbi mungelo
uyoubuluka mujulu, wakajisi makani mabotu aatamani aakwaambilba baabo bakali
kupona aanyika - kuliwoonse masena, misyobo, milaka, akubantu.⁷ Wakiita
ajwi pati," myooowe Leza akumupa bulemu. Nkaako chiindi chakwe chalubeta
chasika. Mumukombe, ooyo wakalenga jul, anyika alwizi, mpawo atusensa twamaanzi."⁸
Awumbi mungelo - wa bili mungelo - wakatobela nkayoobwamba," Waawa, waawa
Bhabbiloni mupati wakasungiliza woone maasi kuti anywe wayini yakwe yabwamu."⁹
Awumbi mungelo - watatu mungelo-wakabatobela, wakaamba ajwi pati," Naa kuli
muntu uukomba chinyama achikozyario chacho mpawo akutambula bulembu bwach
aankumu yakwe naanka mukuboko kwakwe,¹⁰ ooyo nguutakanywe wayini wabukkali
bwa Leza, iwatilwa chakutavwelwa aamanzi muchinywido chabukkali bwakwe muntu
oyoyu unyanya uyopenzegwa amulilo wasilufa kunembo lyabaangelo basalala ba Leza
akunembo lyo Mwanaambelele.¹¹ Ibusi bwamapenzi aabo bula lunta lyoonse kukabe
butamani mpawo tabakwe kulyookezya bunini sikati kana mansiku - aabo bakomba
banyama azikozyario, mpawo abaabo boonebatambula bulembu bwazina lyakwe.¹²
Mbuboobo mbuluboneka lwito lwabakakatila lwabantu basalala ba Leza, aabo
babamba milaazyo ya Leza a lusyomo lwabo lwamuli Jesu."¹³ Ndakamvwa ijwi
lyakazwa kujulu lyakati" lemba eechi: balilongezelwe aabo batakafwe mumwaami."
"Iyi," mbaawamba Muuya "naakuti balyookezye mumakataazyo aabo, lino milimo yabo
ilabatobela."¹⁴ Ndakalanga mpawo ndakabona joba lituba, aatalaaajoba kwakakkede
uumwi uukozyaniya amwanaamuntu. Wakali amusini wa ngolida atala mutwe wakwe
mpawo mujaanza lyakwe wakajisi jekeso libosya.¹⁵ Mpawo kwakazwa mungelo
uumbi muchikombelo mpawo wakiita ajwi pati kuli yoyo wakakkede atala ajoba:
"Bweza jekeso lyako akutanguna kutebula. Nkaambo chiindi chakutebula chasika,
abutebuzi bwanyi bwabizw."¹⁶ Lino ooyo wakakkede ajulu ajoba wakavukuzya
jekeso lyakwe aatala nyika, mpawo nyika yakatebulwa.¹⁷ Awumbi mungelo wakazwa
muchikombelo mujulu; alakwe wakali aajekeso.¹⁸ Awumbi mungelo wakazwa
kuchipayililo chatunkilikzyo, nguwe wakali aanguzu atala amulilo. wakoomplola ajwi
pati kuli yoyo wakajisi jekeso libosya," tola jekeso lyako libosya akutebula muzikamu
zyamichelo kuzwa mumisamu yanyika, nkaambo michelo yayo yabizwa."¹⁹ Mpawo
mungelo wakavukuuzya jekeso lyakwe kunyika mpawo watebula michelo yamusamu
wanyik. Watebula misamu yanyika akwaawala mudindi pati lyakutebwida lyabukkali
bwa Leza.²⁰ Mwakalyatuukwa mudindi eelyo lyakutebwida aanze aamunzi, mpawo
abulowa bwakatilwa kuzwa kulinchicho kuyosika mumukosi wa bbiza, kwachelesyo
chili chulu amyaanda ilimusamu awumwi.

15

¹ Lino ndabona chimwi chitondeeyzo mujuuu, nkachili chipati mpawo kachigambya:
Bakali bangelo bakali musanu ababili nkabajisi zipenzyo zili musanu azibili, ezizipenzyo
nzyakumamainsizyo, mulinzizyo bukkali bwa Leza buno maninide. ² Ndakabona
chimwi chili mbuuli lwizi lwachi boniboni chivwelene aamulilo. Lino aabo bakayimvi
mbembabo bakazundide chinyama achikkoyaniso chacho mpawo amweelwe wazina
lyach. Bakalijisi tuntumbwa ntubakapedwe a Leza. ³ Bakali kwiimba lwiimbo
lwa Mozesi, mulanda wa Leza, mpawo alwimbo lwaMwana wa mbelele: "nkupati
akugambya kuchita kwenu, Mwami Leza, singuzu. Zilluleme mpawo nzyakasimpe
nzila zyanu, Mwami wamanyika. ⁴ Ngwani uutakuyoow, Mwam, akulemekezya zina
lyako? Nkambo nduwe olike usalala. Woonse maasi ayosika akuyokukkomba kunembo
lyako nkaambo bululami bwako anchito zyayubununwa." ⁵ Musule lyazintu ezi
ndakalanga, mpawo chikkombelo nkakuli chilawo chabumboni chakali julidwe mujulu.
⁶ Kuzwa muchikombelo kwakabbuda bangelo balimusunu ababili nkajisi zipenzyo zili
musanu azibili. Kabasamide zisamo zituba zingayima, alimwi balaangide aatwango
twabo intambo zyangolida.⁷ Umwi wabanyama bane bapona wakapa kubangolo bali
musanu ababili zibikilo zyangolida zizwide bukali bwa Leza, kuli yoyo upona kwa
lyoonse akutamani. ⁸ Chikombelo chakali zwide abuusi buzwa kubulemu bwa Leza
akunguzu zyakwe. Takwe wakali kukkonzya kunjila kusikila zipenzyo zilimusunu azibili
zyabangelo bali musanu ababili bamaninina.

16

¹ Ndakamvwa Ijwi lyoompolola anze atempele akwamba kuba angelo bali musanu ababili, "Kwiya akakatile anyika mitiba ili musanu ayibili yabukali bwa Leza." ² Mungelo wakusanguna wakainka akutila mutiba wakwe munyika; kubija amachise azilonda zyakazwa mabantu kuli baabo bakalembedwe bulumbo bwachinyama, abo bakakomba chikozyanio chacho. ³ Mungelo wachibili wakatila mutiba wakwe mulwizi, Akaba bulowa, mbuli bulowa bwamuntu uwide, azintu zyoonse zipona mulwizi zyakafwa. ⁴ Mungelo wachitatu wakatila mutiba wakwe mumilonga amutusensa twamanzi, aboobo akaba bulowa. ⁵ Ndakamvwa mungelo wamanzi kaamba kuti, "Uli mululami - umwi uliwo awakaliwo Usalala alikke - nkambo wabeteka zintu ezi. ⁶ Nkambo bakatila bulowa bwabantu abasinsimi ba Leza basalali, wabapa bulowa kuti banywe; nzinzizyo nzibakali kuyanda." ⁷ Ndakamvwa nsandulo kuzwa kuchipayililo, "Iyii, Mwami Leza Singuzu zyoonse, kubeteka kwako nkawakasimpe alimwi kulkululeme." ⁸ Mungelo wachine wakatila mutiba aazuba, alimwi lyakazu-mizigwa kuti litente bantu amulilo. ⁹ Bakatentwa akupya, alimwi bakasampawula zina Leza, uli anguzu atala zilwazi zyoonse. Tebakasanduka pe nikuba kumupa bulemu. ¹⁰ Mungelo wamusana wakatila mutiba wakwe achuuno chachinyama, akusiya kwakazulila abwami bwacho. Bakaluma ndiimi zyabo nkambo kamachise. ¹¹ Bakasampawula Leza wakujulu nkambo kamachise abo azilonda, aboobo bakachili kukaka kusanduka kunchito zyabo. ¹² Mungelo wamusana awumwi wakatila mutiba wakwe mulonga mupati, Efulatisi. Maanzi awo akayuminina kukubambilila nziila ya Mwami kuti asike kuza kujwe. ¹³ Ndakabona myuya miibi itatu yakali kulangika mbuli zyaande yakali kizwa kumulomo wasimwaba, akuchinyama, akuba sinsimi babeji. ¹⁴ Myuuya yamadimoni ichita zigambyo azitondezyo. Yakali kwiinka anze kubaami banyika yoonse akulibungania antomwe nkambo kakulwana kupati kwazuba lya Leza Singuzu zyonse. ¹⁵ "Mulange! ndasika mbuli mubb! Ulongezegwe ngooyo ubamba akulangilila, ukkede kazwete chibaki chakwe kuti ateendi kali chiinswe akuti bataboni bube bwakwe busisyia. ¹⁶ Bakabeeta antomwe abusena bwitwa kuti Amagedoni muchi Hebbelu. ¹⁷ Mungelo wamusana atubili wakatila mutiba wakwe muliwo. Mpoonya Ijwi ipati lyakoompolola kuzwa muntemple akuchuno, kalyamba kuti, "Kwamana!" ¹⁸ Kwakali mimuni yandabibi, kundindima kuli abukali, akuswanana kwandabi amizuzumo, akuteketa kwanyika kuyoosya - kuteketa kwanyika kupati kutana kubonwa kuzwa muntu mpaakabeda anyika, lino nkukuteketa kwenyika kupati. ¹⁹ Idolopo ipati lyakanzana muzibela zyotatte, amanyika amadolopo akawa. Mpawo Leza wakayita kuti abone Babbiloni mupati, alimwi wakapa dolopo nkomesi itilidwe wayini wakalundwa kuzwa kubakali bwindilide. ²⁰ Tusuwa toonse twakamana, azilundu takwe nizyakachili kuboneka pe. ²¹ Chivulamabwe chipati, chakelwa atala achipo, chakasika aansi kuzwa kujulu atala abantu. Bakasampawula Leza azilwazi zyachivulamabwe nkambo zilwazi zyakali kuyosya loko.

17

¹ Umwi wabaangelo balimusana ababili bakajisi mitiba wakasika akundambila kuti, "sika, ndiyokutondezya chibi chasibwamu mupati ukkede atala amanzu mingi, ² Oyo, baami baansi ngubakachita awe bwamu, awayini wabwamu bwakwe bayakide ansi bakakolwa." ³ Mpawo angelo wakandibweza mumuuya akunditola munkanda, alimwi ndakabona mwanakazi ukkede amunyama uusalala wakali zwide mazina akusampawula. Echo chinyama chakali amitwe ilimusana ayibili ameja aali kkumi. ⁴ Mwanakazi wakazwete zisamo zyamusyobo wamuntumbula azisalala kazingayima alimwi zyakalivwelene angolida, amabwe mayandisi, amabwe akubumba atuba. Wakanjisi inkomesi izyangolide mumaboko akwe zyakazwile zintu zitayandiki azisofwede abwamu bwakwe. ⁵ Ankumu yakwe wakalembedwe izina lyakali abupanduluzi busisikene: "Babbiloni mupati, banyina babasimamambe abusofwazi bwazintu zyansi." ⁶ Ndakabona mwanakazi kakoledwe bulowa bwabantu basalala ba Leza abulowa bapenzegwa nkambo kakusyoma Jesu. Nindakamubona, ndakayowesya kapati. ⁷ Pesi mungelo wakandambila kuti, "ninzi nchoyowa? Ndiyokupandulwida zisisikene zyiminina mwanakazi achinyama chimubwezedde, chinyama echo chilamitwe ilimusana ayibili ameja alikkumi. ⁸ Chinyama nchiwakabona kachipona, tachchiponi pe lino, alimwi chamba kusika aansi loko amulindi. Mpawo ulayinkila mukunyonyoka. Abo baponia munyika, abo bajanika mazina aabo katalembedwe pe mubbuku lyabuumi kuzwa muntalisylo yanyika - bayoyowesya nibakubona chinyama, nkambo chakaliwo, alimwi lino tachiwope, alimwi chiyoboola. ⁹ Eechi chaamba boongo bulabusongo. Mitwe ilimusana ayibili ntulundulundu tuli musanu atubili omo mwanakazi mwakkede.

¹⁰ Kuli baami alubo bali musanu ababli, baami balimusantu baliwide, umwi uchipona, alimwi bamwi tabanasikape, alimwi nazosika, uyelede kuzoyimikila kayindi kanini. ¹¹ Chinyama chakasikide, alimwi pesi tachiponi pe, ngomwani wamusantu atutat, uzwa kulibali musanu ababili aboobo uya kulunyonyoko lwakwe. ¹² Meeja aalya nguwakabona alikkumi mbibaami balikkumi batana tambula bwami bwabo, pesi bayotambula bwandezei mbuli baami klwachiindi chomwe antomwe achinyama. ¹³ Obu mbubongo bumwi, alimwi buyopa nguzu abwendelezi kuchinyama. ¹⁴ Bayoliya nkondo amwana mbelele, pesi mwanaambelele uyobazunda nkambo ngu Leza waba leza, a Mwami wabami- abaaabo balawé mbayitwe, basalidwe, abasyomekede.” ¹⁵ Mungelo wakandambila kuti, “Manzi ngiwakabona awo simamambe mpakkakke, mbibantu, biingi manyika amyambo. ¹⁶ Meja alikkumi ngiwakabona - boo lwabo achinyama bayosula simamambe. Bayochisya achilike achintanda, bayochilya nyama yacho alimwi bayochitenta chikamaninine mumulilo. ¹⁷ Nkambo Leza wabikka mumyoyo yabo kuti babwee makanzé akuzuminina kupa nguzu abwendelezi kuchinyama mane Ijwi lya Leza lizuzikizigwe. ¹⁸ Mwanakazi nguwabona nidolopo pati eliya lilanguzu zyakwendelezya atala abami banyika.”

18

¹ Nikwakinda zintu ezi ndakabona umbi angelo kaseluka aansi kalikuzwa kujulu. Kajisi bwendelezi bupati, aboobo nyika yakamwesegwa abulemu bwakwe. ² Wakakwilila ajwi ijumu, wati, “Waawa, waawa Bbabiloni mupati! Waba chikkalilo chamadimoni, chiyobwedo chamyuya yoone se isofwede, achiyobwedo chatuyuni tusofwede atusesemya. ³ Nkambo zisi zyoonse zyanywa wayini wabwamu bwakwe. Bami banyika bakachita bwamu anguwe. Abalabo bendelezi baansi abavubi buzwa kunguzu nzyalibotezya anzila yakupona kwakwe.” ⁴ Alimwi ndakamvwa limbi ijwi lizwa kujulu liti, “Kamuzwa aanze kuzwa kulinguwe, nobantu bangu, kuchitila kuti mutawanisigwi zibi zyakwe, akuchitila kuti mutatambuli niziba zipenzyo zyakwe. ⁵ Zibi zyakwe zyatanta kujulu, kule, aboobo Leza wayeya inchito zyakwe imbi. ⁶ Mumubbadale mbuli mbakabbadale bamwi, amumubbadale kobile mbuli mbachita; munkomeki njakali kuswanizya muswanizye tubili akulinguwe. ⁷ Mbuli mbakali kulemya lwakwe akupona mukulyiiba, amupe koomba amawuse. ‘Ndakala mbuli namalelo; tandili mukamufu pe, aboobo tandikoyobona koomba. ⁸ Nkaambo kako mubuzuba bomwe zipenzyo zyakwe ziyo musikila: Lufu, anzala: Uyo syukutwa amulilo, nkambo Mwami Leza ngusinguzu aboobo ngomubetesi wakwe.” ⁹ Baami banyika bakachita bwamu chakulibotezya aboobo baakandu chakutalyunanga anguwe bayolila akoomoka nibayobona busi bwakutentwa kwakwe. ¹⁰ Bayoyimikila kule, akuyowa zipenzyo zyakwe, akuti, “Maawe, maawe kuchisis chipati, Bbabiloni, chisi chili ampuwo! Nkambo muchindi chomwe lubeteko lwako lwasika.” ¹¹ Abalabo bendelezi benyika bakwiila akomba nkambo tachikwe naba omwe uyobawulila alimbi - ¹² Makwebo angolida, ansiliva, mabwe mayandisi, angale, amasani asalala tyu, azimvwalmvwali, ayonse misyobo yamasamu amukomba, azyonse zibikilo zyameja anzovu, azyonse zibikilo zyakatwa amasamu mayandisi, azyamundalila, azyamukuba, azya mabweluumma, ¹³ Kkinamono, tununkilizyo, alibbano, aamula, wayini, amatuta, abusu bunante, abulotwe, ang’ombe ambelele, ambizi ankalaki, amuya yabantu. ¹⁴ Muchelo oyo ngoyandisa anguzu zyako zyakumania kuzwa kulinduwe. Zyonse zyoolwe zyako azi kubotezya zyakukubulika, tazichika bonwi limbi pe. ¹⁵ Bendelezi bazintu ezi abo bakaba bavubi akambo kakwe bayoyima kule kuzwa kuli nguwe musinzo nkambo kakuyowa kupenzegwa kupati. ¹⁶ Bayoti, “Maawe, maawe kuchisis chipati echo chakasamikidwe masani mabotu, mudowanola, azisalala pyuu, aboobo wakalisakatide ingolida, mabwe mayandisi, ang’gaale! ¹⁷ Muchiendi chomwe boonseni buvubi bwakambilwa kufwa.” Boonse basibana musyoloma, boonse bantu beenda alwizi, amulwizi bakayimikila kule. ¹⁸ Bakakwila nibakabona busi bwakutentwa kwamubili wakwe. Bakaati, “Nchichili chisi chibanga nchisi chipati?” ¹⁹ Bakalivwikila lusuko amitwe yabo, akukwila kupati, akwema akoomoka, “Maawe, mawe kuchisis chipati balikuli boonse bakajisi maato abo mulwizi bakavubisigwa kuzwa kuli nguwe. Pele muchindi choomwe bakambilwa kufwa,” ²⁰ “Amusekelele kwinda kwakwe amajulu, nywebo nobantu basalala anobatumwa anobasinsimi, pele Leza wamwetele lubeta alinguwe!” ²¹ Angelo singuzu wakabweza ibbwe ilimbili iziyo pati aboobo walilawa mulwizi, wamba wati, “Munzila eyi, Bbabiloni, yochisis chipati, ujosowegwa aansi chabukkali aboobo tochikabonwi limbi pe. ²² Ijwi lyabasituntimbwa, basinyele abasimweembo talichiyomvwigwi limbi muli nduwe. Abasimilimo niiba ilibuti tabakoyojanwa limbi mulinduwe. Takukoyomvwigwa kuvuuta kwaziyo limbi muli nduwe. ²³ Mumuni walampi tuchikamuniki limbi

mulinduwe. Ijwi lyabasibwinga talikoyomvwigwa limbi muli nduwe, pele basambazi bako bakali batapi baansi, aboobo maasi akeenwa amasalamusi aka. ²⁴ Mulinguwe bulowa bwaba sinsimi abwa basalali ba Leza bwaka janwa, abulowa bwababoo boonse bakajayigwa aansi.”

19

¹ Nikwakayinda zintu ezi ndakamvwa chakamvwikka aanga mongololo wajwi pati lyabantu bingi kujulu kalilo kwita aanze, “Haleluya. lufutuko, bulemu, amanguzu nga Leza wesu. ² Bubetesи bwakwe mbwakasimpe kabululeme, nkambo wakabeteka simwaba mupti oyo wakasofwazya inyika abwaamu amamambe wakabwedezya igaze lyamulanda, wakwe kuzwa kujanza lyakwe.” ³ Bkaambula lubo lwabili, “Haleluya! Busi bwakabuka kuzwa kulinguwe kwalyonse alyoonse. ⁴ Bapati bali makumi abiliaane azilengwa zipona zyakavundama ansi akukomba Leza, wakakkede achikkalilo. Bakali kwamba kuti, “Ameni, Haleluya!” ⁵ Mpawo ijwi lyakazwa anze kuzwa kuchikkalilo, kalyamba kuti, “Alumbwe Leza wesu, moonse nubalande bakwe inywe nimuyowwa amwi abatali batapi ababo bali amanguzu.” ⁶ Mpawo ndakamvwa chakamvwika anga ndijiwi mwelwe wabantu, mbuli muzumo wamanzi mayingi, achili mbuli muzumo wakuswanana kwendaabi. ⁷ Atusekelele akubotelwa akumupa bulemu! Nkambo kakukondelwa kwapobwe lyakukwatana kwamwana mbelele lyasika, asibwinga ulilibambilde kale we. ⁸ Wakazumizigwa kuti azwatikwe ziboneka kazilangika kazili kabotu.” (Nkambo ziboneka kabotu zitondezya kululama kubantu ba Leza basalala). ⁹ Mungelo wakati kulinidime, lemba ezi! Balilongezegwe mbaabo batambidwe kupobwe lyalukwatano kwamwana mbelele.” Wakati lubo ayamakanai a Leza akasimpe.” ¹⁰ Ndakawida andyato zyakwe kuti mukombe wakati kuli ndime, utachiti eechi! Nduwi mulanda anduwe abakulana bako bajisi bukamboni atala a Jesu. Koomba Leza, nkambo bukamboni bulatala a Jesu muuya wachisinsimi.” ¹¹ Mpawo ndakabona ijulu lijukide nkabela ndakalanga alimwi kwakali ibbzira lituba. Ooyo sikuligada uyitwa kuti musyomeki wakasimpe. Zili abululami eezyo zyabeteke ampindu yankondo. ¹² Menso akwe akali mbuli insasi zyamulilo, amutwe wakwe kwakali misini myingi. Wakali ezina lyakalemedbe alinguwe elyo utakwe wakalizi pesi weluzuto. ¹³ Wakali chisamo chakali kunikidwe mubulowa, nkabela Ijwi lyakwe lyiitwa kuti ndijiwi lya Leza. ¹⁴ Basilumamba bakujulu bakali kuyabumutobela amabbiza atuba, kabazwete masila mabotu, atuba akunjenjema. ¹⁵ Mukanwa kwakazwa ikafulo kabosya nkinkako kawumya manyika, nkabela uyobayendeleyza amufunko wansimbi. Ulolyatula idindi lyakudinina wayini lyabukali bwakunyema kwa Leza Singuzyonse. ¹⁶ Ulatzina lilemedbe achibaki chakwe achibelo chakwe, “Mwami wabaami, a Mwami wabaami.” ¹⁷ Ndakabona mungelo kayimvi aazuba. Wakali kwita aanze ajwi pati kutuyuni tuuluka atalaamutwe, “Mubooke, mubungane amwi kupobwe lya Leza. ¹⁸ Mubole mulye nyama yabami, nyama yabendezezi, inyama yamabbiza abasikwagada anyama yabantu boonse, bangunwidwe abazike, nibababatakwe bulemo abasingu.” ¹⁹ Ndakabona chinyama abami baansi abasinkondo babo. Bakali bungene kuchitila kuti bakalwane ayoyo sikugada bbiza abasilumamba bakwe. ²⁰ Chinyama chakajatwu angue abasinsimi babeji bakali kuchita zitondezyo kaliwo. Azitondezyo ezi wakeena abo bakali batambula bulempyo bwachinyama ababo bakali kukomba chikkozyanio. Babili aaba bakasowelwa mubbila lyamulilo kabachipona mubbila lyamulilo wasilufa. ²¹ Baami bonse bakajayigwa efulo lyakazwa kumulomo wasikugada bbiza. Toonse tuyuni twakalya nyama yabo yonse.

20

¹ Mpawo ndakabona mungelo kaaza aansi kuzwa kujulu. Nguwakajisi luzibo anguzu atala adindi litakwe magolelo, alimwi wakalijisi inketani impati mujanza lyakwe. ² Wakamujata mankonga sikupenzya, sikweenena wachiindi, uuli nguwe satani. Alimwi wakamusunga kwamysaka ili chuulu chomwe. ³ Wakamuwaala mudindi litakwe magolelo. Wakalijala alimwi wabuumuna atala anguwe. Eezi zyakali kuchitilwa kuti atakonzyi kweenena iluundu lwazisi alimbi mane kwiinde chuulu chamwaaka. Musule lyabooobo kweelede akanganunwe kwachiindi chifwifwi. ⁴ Mpawo ndakabona izyuno zyabwami. Alinizzyo kwakakkede aaboo bakapedwe inguzu zyakwendelezya. Alimwi ndakabona myuuya yababo bakakosolwa mitwe akaambo kakupa bukamboni atala a Jesu alimwi bakali bakkaka kutambula impa ankumu zyabo zyabo na kuboko. Bakapona alimwi bakendelezya a Kkilisitu kwachuuлу chamyaka. ⁵ Ibiangi bakafwa tebakabuka akupona mane yayinda myaka illi chuuлу chomwe. Ooku nkubuka kutanzi kuzwa kukufwa, ⁶ Ulongezegwe akusalala ngooyo ulachakuchita abubuke butanzi kubafu! Ilufu lwabili talukwe nguzupe kubantu aaba. Bayooba bapayizi ba Leza a Kkilisitu

alimwi bayoyendelezya aamwi anguwe kwachuulu chamyaka. ⁷ Niyakamana myaaka ilichuulu, satani uyogwisigwa muntolongo yakwe. ⁸ Uyoyinkaanze kuti akeenene manyika kuzyooko zyone zyanyika - Gogu a Magogo - kuti akabeete kunkondo. Bayoba biingi mbuli muse wamulwizi. ⁹ Bakayinka kujulu kwinda intandabale yabuyanza bwanyika akuzyunguluka iganzi lyabasalali ba Leza - idolopo liyandika. Pesi kwakaza mulilo kuzuwu kujulu wakabalya. ¹⁰ Satani, ooyo wakabeena, wakawalilwa mubbibi lyamulilo, wasalufa, ooko munyama abasinsimi babeji nkubakawalilwa. Bayosukusigwa imansiku asikati kwalyoonse alyonse. ¹¹ Mpawo ndakabonachuuno chabwami chituba ayooyo ulikkede aalinchicho. Inyika amajulu zyamwayika kuchija kuabawo kwakwe, pesi tekwakali busena pe bwakuti bayinke. ¹² Ndakabona bafwide - ibalempuwo abatakwre mulimo - kabayimvvi kunembo lyachuno chabwami, alimwi mabbuku aka-julwa. Alimwi ibbuku lyakajulwa - ibbuku lyabuumi. Ibafwrite bakali kubetekwa azezyo zyakalembedwe mumabbuku, mbuli munchito zyabo. ¹³ Ilwizi lwakapedekezegwa bafwide bali mulindulo. Ilufu a Hadesi zyakapedekezegwa bafwide bakali muli nzizyo, alimwi bafwide bakabetekwa kwindila munchito zyabo. ¹⁴ Ilufu a Hadesi zyakawalilwa mumulungu wa mulilo. Oolu ndolofu lwabili - ibbibi lyamulilo. ¹⁵ Nakuti izina lyawumwi telyajanika kalilembedwe mubbuku lya Buumi, wakali kuwalilwa mumulungu wamulilo.

21

¹ Mpawo ndakabona ijulu pya enyika mpya, nkambo ijulu lyakutanguna anyika yakusanguna zyakali zyfwa, alwizi telwakachiliwo. ² Ndakabona dolopo usaede ijelusalema impya, ilyakeza aansi kuzwa kujulu kuli Leza kalibambidwe mbuli mwinka mbabambila mulumi wakwe. ³ Ndakamvwa ijwi pati lizwa kuchuno chabulemu kaliti, "Boona! ibusena bwachikkalilo cha Leza buli mabantu, alimwi uyokkala ambabo. Byaoba bantu bakwe alimwi Leza lwakwe uyoba ambaabo alimwi uyoba Leza wabo. ⁴ Uyosiinda misozi yonseni kumenso aabo, alimwi takuchikabi lufu, kana kuusa, kana kulila, naba machise. Izintu zyechiindi zyamana. ⁵ Ooyo iwakakkede achuno chabwami wakati, "Boona! Ndichita zintu zyonse kuti zibe zipya." Wakati, "Lemba zintu eesi aansi nkambo aaya majwi alasoyomeka alimwini ngakasimpe." ⁶ Wakandaambilu kuti eezi zintu zyayinda! Ndendime Alufa a Omega, imatalikilo amagozezyo. Kuli ooyo uumvwa nyota, ndinomupa chakunywa kakutakwe muulo kuzwa kukasensa kamaanzu abuumi. ⁷ Ooyo uzunda uyokkona zintu eezi, alimwi ndiyoba Leza wakwe, alimwi uyoba mwana wangu. ⁸ Pesi kuli abo bayowa, batakwe lusyomo, abazumina masunko, abajayi abasibwamu, bakomba zikozyaniso, ababeji boonse, busena bwabo buyooba kubbibi pati lyamulilo uuyaka. Oolo ndolofu lwabili. ⁹ Umwi wangilozi izili musanu azibili, wakeza kuli ndime, oyo wakajisi insoso zili musanu azibili izyakajisi michelo yamelelezyo ilimusantu azibili, alimwi wakati, "Kweza okuno! ndilakutondezya bwinga, imukayintu wa Mwana wa Mbelele. ¹⁰ Mpawo wakandibweza mumuunda wanditola kuchilundu ichipati chilamfu akuyonditondezya dolopo usalala Jelusalemu kaliza aansi kuzwa kujulu kuli Leza. ¹¹ Jelusalemu yali abulemu bwa Leza, alimwi ibwebeesi bwayo bwali mbuli inchooko mbotu loko, mbuli ibbwye lyachimpanzi cha jasipa injoloma. ¹² Yali abupati, ibulambo bulamfu buli amilyango ili kkumi ayibili, kakuli zyooke zili kkumi azibili kumilyango. Amilyango kwakali lembedwe imazina alikkumi aabili aamisyobo yabana ba Izilayeli. ¹³ Kubuzwezuba kwakali milyango yotatwe, kumbo kwakali milyango yotatwe, kundi kwakali milyango itaatu alimwi, akububbila kwakali milyango yotatwe. ¹⁴ Ibulambo bwalubaya bwadolopo bwakali antalisyo zili kkumi azibili, alimwi antalisyo kwakali mazina aali kkumi aabili abasikwiya ba Mwana wa Mbelele. ¹⁵ Ooyo wakaambuula andime wakajisi mweelo wakabulo kangolida wakweela idolopo, amilyango yalo, abulambo bwalyo. ¹⁶ Idolopo lyakali tendebwe bwelene mabbazu woonse, bulamfu bwalyo bwakalelene abwiinge bwalyo. Wakeela idolopo amweelo wakabulo, izyuuu ikkumi azibili zya sitadiya kumweelo wabulamfu (bulamfu bwalyo, bwanda, abwiime mujulu zyakalelene). ¹⁷ Wakeela alimwi ibwanda bwawa, wajana kuti buli azikokola zili mwanda amakumi aane azine, mbuli mumweloo wabuntu (kakuli alubo ngumweelo wendangilo). ¹⁸ Bulambo bwakayakidwe ajasipa alimwimidolopo lyakayakidwe aangolide lwayolwayo, mbuli bunjoloma bbalabala. ¹⁹ Intalisyo zyabulambo zyakali bambikene abubotu bwamisyobo yoonse yamabwe mebeesi. Itaanzi yakali jasipa, lyabili lyakali safile, lyatatu lyakali ageti, lyaa lyakali emaludi. Lyasanu lyakali Onikisi, ²⁰ lyamusantu alimwi lyakali koneliyeni, lyamusantu aabili lyakali kilayisolayiti, lyamusantu aane lyakali tofazi, alyekkumi lyakali kilayisofelusi, lyakkumi alimwi lyakali jasiniti, alyakkumi aabili lyakali ametiyisiti ²¹ Milyango ilikumi ayibili yakali ma piyeluzi aali kkumi aabili umwi awumwi mulyango

wakabambidwe apiyeluzi yomwe. Migwagwa yedolopo yakali ngolida lwayo lwayo, mbuli bbalabal libalangala.²² Tendakabona chikombelo pe mudolopo, nkambo i Mwami Leza mupati kampatila a Mwana wa Mbelele mbabo chikombelo chedolopo.²³ Idolopo telyakali kuyanda kumunikwa aazuba kana mweezi pe nkambo busalali bwakali kumweka aalindilyo, alimwi itunga mulilo lyayo ngu Mwana waMbelele.²⁴ Imanyika anoyoyenda amumuni wadolopo eelyo. Ibaami baansi bayoyeta bulemu bwabu muli ndilyo.²⁵ Milyango yalyo tayikoyojalwa pe chiindi chesikati, alimwi takukoyooba mansiku pe ooko.²⁶ Bayoyeta ibulumbu abulemu bwamanyika muli ndilyo.²⁷ Pesi takwe chisofweede pe chiyofwa chanjila muli ndilyo, nikuba umwi muntu uuchita chamasunko nakuti chakweneena, pesi aabo biyo bali amazina aalembedwe mubbuku lya Buumi lya Mamwana wa Mbelele.

22

¹ Alimwi mungelo wakanditondezya mulonga wamanzi abuumi, abalangala mbuli klusti. Akali kweenda kuzwa kuchuno chaLeza achaMwana ambelele² kwinda akati kamigwagwa yachisi. Kumbali lyawo mulonga kwakali musamu wabuumi, kuzyede ikumi ayibili misyobo yamicheolo, aboobo nkuzyalo michelo yawo amweezi amweezi. Maatu amusamu ngakuponya nyika.³ Takuyoba limbi lutuko. Chuuno chaLeza achaMwana mbelele chiyoba muchisi, aboobo babelesi bakwe bayomubelekela.⁴ Bayoobona busyu bwakwe, aboobo izina lyakwe liyooba ankumu zyabo.⁵ Takuyoba limbi mansiku tabachiyoyandi mumuni walampi nikuba wazuba nkaambo Mwami Leza uuyobamunikila. Bayoyendeleya lyoonse alyonse.⁶ Mungelo wakandambila kuti, “Aya majwi ngalusyomo akasimpe. Mwami, Leza wamyuuya yabainsimi, watuma mungelo wakwe kuti atondezye babelesi bakwe azezyo zitachitike lino.”⁷ “Langa! Ndila boola lino! Ulilongezedwe oyo usyoma majwi abusinsimi bwamubbuku eli.”⁸ Ime, nde Joni, ndime ndakamvwa akubona eezi zintu. nindakamvwa akuzibon, ndakawida ansi rdimukcombe oyo mungelo wakali kunditondezya zintu ezyo.⁹ Wakandambila kuti, “Utachiti obo! Andime ndimubelesi nyokwe, mwana wabanakwanu waba sinsimi, ababo basyoma majwiambubbuku eli. Kkomba Leza!”¹⁰ Alimwi wakandambila kuti, “Utanamatiki majwi abusinsimi abbuku eli, nkaambo nchiindi chili afwifwi.¹¹ Oyo utaluleme, muleke kachiya buchita zitaluleme. Oyo uchilisimatombé muleke kachiabuchitisya bululam. Oyo usalala muleke kachiabuchitisya busalali.”¹² “Langa! Ndila boola lino. Bulumbu bwangu buli andime, bwakulumbula awumwi kumilimo yakwe.”¹³ Ndime Alufa aOmega, kusanguna akumanisiza, matalikilo amamanino.¹⁴ Balilongezedwe abo basanzya zikobeloy zyabo kuchitila kuti babeachelelo chakulya musamu wabumi akunjila mumulyango wamunzi.¹⁵ Anze mpubali babwa abalozi abasibwamu abajayi, abakomba mizimu, aboonse bayanda kuchita bubeji.¹⁶ Ime, nde Jesu, ndakatumwa mungelo kuti amulungunwide makani aya muzikombelo. Ndime muyanda walunyungu lwa Davida, intanda imwekesya yakubuchedo.”¹⁷ Muuya anabwinga batì, “Boolal!” Muleke oyo umvwa awambe kuti, “Boolal!” Oyo woonse uli anyota, mumuleke awangunuke kunwa manzi abuumi.¹⁸ Ndalungulula kuli woonse oyo umvwa majwi abusinsimi bwabbuku eli: Na umwi wayungizya kuli ngawo, Leza ulamuyungizizya zipenzyo ezyo zilembedwe atala aleli bbuku.¹⁹ Na umwi wagwisya kuzwa mumajwi abbuku lyabusinsimi, Leza uyoomugwisysisa lukono lwakwe kumusamu wabuumi amuchiisi chisalala ezyo zilembedwe atala abbuku eli.²⁰ Oyo ulungulula eezi zintu uti, “Iyii! Ndilaboola lino.” Amen! Boola, Mwami Jesu!²¹ Luzyalo lwaMwami Jesu lube anywe moonse. Ameni.